




*The Dibner Library
of the History of
Science and Technology*

SMITHSONIAN INSTITUTION LIBRARIES



DE PLANTIS LIBRI XVI.

ANDREAE CAESALPINI
ARETINI,

Medici clarissimi, doctissimiq; atque
Philosophi celeberrimi, ac
subtilissimi.

AD SERENISSIMUM FRANCISCUM
Medicem, Magnum Aeternae Ducem.



FLORENTIAE,
Apud Georgium Marescottonum.
MDLXXXIII.

THE OLD SPANISH CHURCH

BY JAMES R. MURRAY

ILLUSTRATED BY THE AUTHOR

CHARLES SCRIBNER'S SONS

NEW YORK

A HISTORY OF THE SPANISH CHURCH IN AMERICA

IN TWO VOLUMES

Vol. I.

THE SPANISH CHURCH IN THE NEW WORLD

1524-1700

1890

1890

1890

1890

1890

1890

1890

1890

1890

1890

1890


1890

1890

1890


1890

11
42
583
38
1424



S E R E N I S S I M O
F R A N C I S C O M E D I C I
M A G N O A E T R V R I A E
D V C I.

Andreas Casalpinus S. P. D.



D MIRABILIS sapientia, Sere-
nissime Dux Magne, qua vniuer-
si natura gubernatur ac regitur,
incredibili rerum varietate, ac
pulchritudine ludit in orbe ter-
rarum: siue enim animalium dif-
ferentias, partes, ac mores spe-
ctemus: siue stirpium genera,
formas, ac vires intueamur: siue tandem corpora in vi-
sceribus terre latitantia perscrutemur: in omnibus im-
mersum quid, quod inexhaustam sapientiae profundita-
tem in rebus condendis indicet, comperiemus. Id ego
ipse in persequenda plantarum historia animaduerti.
Cum enim permultos annos & publicè docendo in Aca-
demia Pisana, & loca multa perlustrando, in quibus di-
uersa herbarum, aut fruticum, aut arborum genera pro-

ueniant, in earum indagatione versatus sim, adiutus & multorum amicorum opera, atque hortorum copia, qui ad publicam utilitatem consiti peregrinas plantas vndique vel ex remotissimis regionibus aduectas conseruant: nequaquam adhuc potui metam attingere: nam in dies, ut in proverbio est, aliquid noui affert Aphrica: non quod natura nouas edat formas, aut nouas rerum pulchritudines effingat, sed quod ob numerum immensum nobis in dies nouæ ostendantur. Idque non solum mihi contigisse video, sed & cæteris omnibus, quos haec tenus de hisce rebus scripsisse accepimus. Et si enim per multi sint tum inter antiquos authores, tum inter recentiores, qui partim iucunditate illecti, partim ob incredibilem utilitatem, quæ in morbis sanandis, atque optimâ valetudine conseruanda, aliisque permultis, atque egregiis operibus præstandis, ex stirpium natura habetur, earum scientiam maximo studio excoluerunt, atque illustrarunt: adhuc tamen eadem non solum imperfetta, sed & multa caligine suffusa deprehenditur: imperfecta quidem, nam & plantarum numerus quasi in immensum nouis in dies repertis augeri videtur: & earumdem facultates nouis experimentis assidue & Medicinam remediis, & alias artes operum efficacia ditant: obscura autem, nam, quæ apud antiquos comperta, & ad posteriorum eruditionem literis mandata sunt, plerumque ob linguarum varietatem nominis appellatione immutata, aut permultas transcribentium manus vitiatis voluminibus, perplexa valde & ambigua nobis relinquuntur. Id verò est, quod maximè omnium huius scientiæ studioſos excruciat: Cum enim præ oculis turbam ingentem

gentem plantarum habeamus , ac multis numeris supe-
rantem eas, quæ ab antiquis, aut descriptæ sunt, aut solo
nomine indicatæ , & in Medicinis, aut alio vñi celebra-
tæ : difficile tamen est iudicare , quibus ex nostris singu-
lē conueniant . Nam quæ solo nomine indicatæ sunt,
in temporis diuturnitate nomine immutato, omnino pe-
riit earum conjectura : quæ autem descriptæ sunt, nisi
evidentes admodum nothas habeant, eodem modo de-
litescunt inter multas similes . Hinc autem sequitur non
mediocris iactura eorum , quæ maximo studio ab anti-
quis comperta sunt, & nobis tradita : vt meritò veren-
dum sit, ne in hac temporum vicissitudine rerum noua-
rum inuentio longè supereretur à veterum interitu . Qua-
si hoc sit humani generis fatū, vt assiduè occupati opor-
teat in eorum , quæ pereunt , instauratione : & scientiæ
velut aquæ fluentes in continua renouatione versentur .
Ceterum stirpium cognitio, quæ & à Græcis authoribus,
& à Latinis, Arabibusque tradita est, ob barbarorum in-
iuriam periclitabatur , ne deleretur omnino : nisi nuper
eandem suscitassent Ruellius , Hermolaus , Brasauolus ,
aliique exteri: & nostris temporibus locupletasset Mat-
tiolus Senensis : hic enim opera Lucę Ghini præceptoris
mei in ea facultate principis , qui dum in Academia Pi-
sana Simpliciaprofiteretur , pulcherrima quæque & no-
tatu digna sibi communicabat, aliorumque studiosorum
diligentia opus egregium in Dioscoridem commentus
est, vt ferè nihil amplius desiderari posse videatur . Sunt
& Aloysij Anguillaræ placita compendiosè quidem in
hoc genere , sed summo cum iudicio conscripta . Ac de
iis , quæ India Orientalis fert , oculata fide Garzias Lusi-

tanus

tanus tractat, quæ apud antiquos erant prope modum ob-
scura . Tandem his omnibus accessit eorum notitia, quæ
in India Occidentali proueniunt nouo orbe ab Hispanis
reperto : historiam hanc texit eruditissimus Monardes
Medicus Castiliensis : vt meritò hæc scientia non solum
reuixisse videatur, sed adeo aucta, vt longè clarius quam
vñquam antea nostris temporibus florere censenda sit .
In hac tamen immensa plantarum multitudine illud de-
siderari video, quod in alio quocunq; agmine incom-
posito maximè expeti solet . Nisi enim in ordines redi-
gantur , & veluti castrorum acies distribuantur in suas
classes, tumultu & fluctuatione omnia perturbari neces-
se est. Id etiam num maxime in plantarum examine con-
tingere videmus : cum enim inordinata multitudine ob-
ruatur intellectus , errores inextricabiles , & morosæ al-
tercationes , vt plurimum exoriuntur : ignorato enim
proprio genere nulla descriptio quamvis accuratè tradi-
ta certam demonstrat , sed plerumque fallit : nam confusis
generibus omnia confundi necesse est . Cum igitur
scientia omnis in similiūm collectione & dissimiliūm di-
stinctione consistat, hæc autem distributio est in genera
& species veluti classes secundum differentias rei natu-
ram indicantes, conatus sum id prestatare in yniuersa plan-
tarum historia : vt si quid , pro ingenij mei tenuitate in
huiusmodi studio profecerim , ad communem utilita-
tem proferam . Hanc verò tractandi rationem Theó-
phrastus inter antiquos indicauit ; sed in paucis est per-
secutus : Apud nostros autem Ruellius tentauit quidem,
sed præter ea , quæ à Theophrasto excerptis circa ratio-
nem communem , vltius nequaquam est progressus .

At

At Dioscorides tamquam Medicus solum communio-
nem circa facultates Medicas accepit, quo ordine suc-
cos, lachrymas, radices, semina, & alias plantarum par-
tes persecutus est. Aliis, quò facilius memoriæ manda-
rentur, placuit eo ordine digerere, qui secundum nomi-
nis incipientes literas datus est: sed hic tamquam ma-
ximè fallax, & longissimè à rei natura discedens à gra-
uioribus huius scientiæ authoribus reprobatus est. Qui
autem secundum naturarum societatem assignatur, om-
nium facilissimus reperitur, tutissimus, utilissimusque
tum ad memoriam, tum ad facultates contemplandas:
facillimus quidem, quoniam differentię ex ipsamet na-
tura prodeentes maximè sensibiles sunt, & vnicuique
manifestæ: neque fallunt, vt aduentitiæ conditiones,
quæ non sunt perpetuæ: Ad memoriam autem pollet,
quoniam in compendio sub generibus ordinatis claudi-
tur penè immensus plantarum numerus, adeo vt, & quæ
antea numquam visæ sunt, vnicuique liceat in suam
classem redigere, &, si innominata sit, nomine sui' gene-
ris appellare: Tandem & facultates, quas Medici maxi-
mè querunt, tamquam proprietates innotescunt ex na-
turarum cognitione: quæ enim generis societate iun-
guntur, plerumque & similes possident facultates. In
persequenda autem secundum hunc ordinem plantarum
historia fit, vt brevior descriptio satisfaciat, non enim
cogimur in singulis ea repetere, quæ communiter gene-
ribus conueniunt: atque adeo certa ex hac brevi descri-
ptione paratur notitia, vt pictura certiorem efficere non
possit: Non enim omnes differentias pictura exprimit,
vt oratio. Interim verò singulas, quantum conjectura
assequi

assequi licet, ad appellationes antiquas, quibus probatissimi authores vni sunt, reducere conatus sum, non abhorrens maioris intelligentiae gratia & vulgares nomenclaturas, quibus in Italia & praesertim in Aettruria vtimur: Cogimus autem ad fidem confirmandam singulis more nostro descriptis adiungere nothas ab antiquis traditas, ut iis collatis unusquisque intueri possit, quam apte congruant. Interim explicantur multa ambigua ac difficilia antiquorum dicta: & colliguntur, que sparsim præcipue à Theophrasto scripta sunt, & aliquando variè interpretata. In qua re nequaquam errores eorum, qui aliter sentiunt, redarguendos existimauit: nam præterquam quod morosum id est, ac modesto homine indignum: superfluum quoque putauit argumentis confirmantibus ex historia in medium allatis, negantium ineptias persequi: Opiniones autem, quæ probabilem habent rationem, refellendæ non sunt, licet aliæ magis probabiles videantur, at nequaquam necessariæ. Facultates quoque addere superfluum duxi: Cum enim haec apud multos authores præcipue Dioscoridem & Galenum admodum copiosè legantur: satis superque visum est, si plantas, quarum vires illi prædicarunt, ostendemus. Obiter tamen quarundam meminimus, vel quia ad fidem faciendam aliquid præstent, vel quia apud antiquos non reperiantur. Ingressus autem sum gurgitem hunc vastum sperans à probis viris, sicubi forte hæsitare contigerit, patrocinium, ne iruidorum maledictis obruat: Nam in studiosorum gratiam, atque utilitatem malui periculum detrectantium subire, quam fructu, si quis est à D E O Optimo Maximo per meos labores paratus,

ratus, illos defraudare. Neque verò in tanto stirpium numero fieri potest, quin aliqua fortè nos fugiat: & instar militum aliquando ad alienas classes transmigrantium, in alieno genere collocetur: Quod maximè contingat peregrinis medicamentis, quorum aut sola radix, aut succus, aut lignum, aut pars alia asportetur, tota autem planta visâ nobis non sit. Tibi autem Sere-nissime F R A N C I S C E munusculum hoc, quodcum-que sit, nuncupo: tibi enim iure debetur, apud quem extat eius rudimentum ex plantis libro agglutinatis ut-cumque à me multo antea iussu C O S M I Patris tui compositum cum pollicitatione, ut D E O fauente ali-quando absolutum traderem. Eiusdem alterum extat exemplum apud clarissimā familiam Tornabonam Re-uerendiss. Alphonso Antistiti Burgenſi per me ſimiliter paratum: quę & ſi ob materiæ fugacem naturam nequa quam peregrinia futura ſint, adhuc tamen vigere ſcio in testimonium eorum, quę in hoc volumine à me dicuntur: puriſſimam ſcilicet stirpium historiam continere, nullis figmentis adulteratam, qualem ſæpe in imprefſis picturis inſpicimus. At verò fidelißimum eorumdem te ſtimonium præbere poſſint & imagines, quę apud te ſunt ea induſtria depiētæ, ut minutissimas quaque diſfe-rentias exprimant, & tantum non vegetent: quas ſi ali-quando liceret typis mandare, non ſolum egrégium, ſed & Regium opus merito exiſtitaretur. Quod igitur in me erat, id offero: D E V S autem Optimus Maximus longeuam felicitatem concedat. Vale: Ex Pisana Aca-demia.

CHRISTOPHORI PAGANELLI
CASTROCARENsis

In Libris de Plantis Andreae Cæsalpini
sui Clarissimi Præceptoris
Epigrammata.



O C opus egregium postquam Natura relegie
Vidit & admirans, quod superatur, ait,
Quid iuuat obscuris Plantas genuisse Cauernis?
Gramina & incultis excoluuisse locis?
Quidue tot innumeris herbas ornasse figuris
Profuit, & variis implicuisse comis?
Ne solers hominum genus vlla, dum inuidet, arte
Mox posset Vires equiparare meas:
Si iam Casalpinus adest, ignotaque priscis
Monstrat, & à multis explicat implicita;
Qui sic ante oculos rerum discrimina ponit,
Ut mihi par viuat, proximus utque Deo.

E I V S D E M.

R URSUS ad æthereas redeat si Plinius auras
Sine Dioscorides, seu Macer ille Vetus
Seu quicumque alius Plantarum nomina scripsit
Haec tenus, herbarum composuitque notas;
Qui sint ac flores, docuit, quæ semina, fructus,
Quæ folia, & radix, qualis & usus eis:
Quisquis hic exiterit, primos concedet honores
Cæsalpine tibi, primaque ferta dabit;

Quan-

Quandoquidem in terris Naturæ abscondita quæque
Cernere, & ad lucem tot revocare potes:
Quæ dum mente sagax intacta hucusque requiris
Immortale decus, nomen & inde paras.

E I V S D E M.

HORTVN si libet ingredi viator
Securus potes: aspice, ve reclusi
Cunctis sine adiutor, patensque limen.
Non est qui vetet buc iher, Priapus
Turpis, falce minax, & impudicus:
Non latrans Canis, aut Puella custos,
Irratus neque Villicus, neque Agger
Obstat sapibus, horridisque spinis.
Miraris, loca quid vides aperta:
Non vlla timor imminet rapinae;
Totum nam licet hunc vores ocellis,
Intactus tamen usquequamque fiet:
Qui tot muneribus scatet frequenter,
Ut ipsi Aonidum queant fororum
Formosi merito inuidere colles,
Nec non quicquid habet suauioris
Agri diues Arabs odore multo.
Quod si tu semel hic vaces parumper,
Sue poma legens virentis horti,
Seu herbas, seu bene flosculos olentes,
Nil est, quod cupias minus, quam abire.

ANTONII PELLICINI
EMPORIENSIS

In de Plantis Grauissimos Libros Andree
Cæsalpini Aretini Doctissimi, ac Ex-
cellentissimi Preceptoris sui
Epigramma.



UAS texiformas consuliò scire profundas
Plantarum terris obsecro quis potuit?
En qui te præstat, saltem Natura vel æquas,
Hic author solus sae bene monstrat eas.
Felix Cæsalpine quidem, fælicior orbis
Te splendens. Currant hæc bona fata diu.



INDEX LOCVPLETISSIMVS
PLANTARVM
NOMINVM.

Quorum in hoc opere fit mentio: cuius quidem indicis primus
numeris libros, cæteri vero capita indicant, nisi tamen
copulativa dictio fuerit adiuncta; tunc siqui-
dem ille etiam numerus libros
reliqui vero capita si-
gnificant.



BIES				
<i>Abies Marina</i>	16. 34	<i>Aelle</i>		§. 4
<i>Abrotonum</i>	12. 4, 6, 7	<i>Aculeosa</i>	13. 36	
<i>Abrotonum sylvestre</i>	12.	<i>Acus muscata</i>	14. 29	
	10	<i>Acuta spina</i>	3. 13, 16	
<i>Absinthium</i>	12. 2, 3	<i>Adare</i>	16. 30	
<i>Abutilum</i>	15. 18	<i>Adianton</i>	16. 11, 12, 13	
<i>Acacalis</i>	3. 36	<i>Adiantum nigrum</i>	16. 12, 13	
<i>Acacia secunda</i>	4. 60	<i>Adrachne</i>	3. 19	
<i>Acanthion</i>	13. 42	<i>Aegiros</i>	3. 45	
<i>Acanthis</i>	13. 51	<i>Aegylops</i>	4. 47	
<i>Acanthus</i>	8. 24	<i>Aegylops inter glandiferas</i>	2. 2	
<i>Acanthus sylvestris</i>	13. 30	<i>Aeleomeli</i>	2. 34	
<i>Acanus</i>	13. 37	<i>Aera</i>	4. 49	
<i>Acarna</i>	13. 45	<i>Aethyopis</i>	11. 19	
<i>Accipitrina</i>	8. 66	<i>Agallocum</i>	2. 27	
<i>Acer</i>	2. 12	<i>Agaricum</i>	16. 54	
<i>Acetosa</i>	4. 30	<i>Ageraton</i>	12. 9	
<i>Achillea</i>	12. 10	<i>Agitatorius</i>	5. 6.	
<i>Achilleos</i>	6. 64	<i>Aginalingua</i>	8. 16	
<i>Achias</i>	3. 62	<i>Agnos</i>	3. 51	
<i>Acicula</i>	7. 24	<i>Agnus castus</i>	3. 51	
<i>Acinos</i>	11. 59	<i>Agriacantha</i>	13. 30	
<i>Aconitum</i>	15. 32, 33	<i>Agrifolium</i>	3. 6	
<i>Aconitum Pardalianche</i>	12. 33	<i>Agrimonia</i>	8. 4	
<i>Acorna</i>	13. 45	<i>Auga</i>	11. 43	
<i>Acorus</i>	10. 39, 40	<i>Aizon</i>	15. 20	
<i>Acrocorion</i>	10. 24	<i>Alaternum</i>	2. 36. O 3. 48	
		<i>Albanus</i>	3. 45	
			Al-	

I N D E X.

<i>Albrachim</i>	3. 35	<i>Ambrosiana</i>	4. 18
<i>Albicum</i>	10. 26	<i>Ambrosia parva</i>	4. 20
<i>Alcea</i>	14. 33. 34	<i>Ambugia</i>	13. 2
<i>Alchechengi</i>	5. 20	<i>Amellus</i>	8. 35. ♂ 12. 39
<i>Alchimilla</i>	14. 24	<i>Amoea vulgare</i>	7. 14
<i>Alcidion</i>	11. 8	<i>Amerina</i>	3. 46. 51
<i>Alcion</i>	11. 9	<i>Ammi</i>	7. 15
<i>Alcyonium</i>	16. 30	<i>Ammoniacum</i>	7. 52
<i>Alchlorophos</i>	11. 18	<i>Amomis</i>	2. 23
<i>Alexandrium</i>	7. 43	<i>Amomum</i>	2. 23. ♂ 7. 40
<i>Alfalfa</i>	6. 20	<i>Amoris herba</i>	6. 37
<i>Alga</i>	16. 25	<i>Ampeloleuce</i>	5. 7
<i>Alga crinito folio</i>	16. 24	<i>Ampeloprasum</i>	10. 13
<i>Alica</i>	4. 43. 44	<i>Ampelosagria</i>	5. 9
<i>Alisma</i>	8. 47	<i>Ampomèle</i>	3. 11
<i>Aliungia</i>	4. 3	<i>Amygdala</i>	2. 14
<i>Alliaria</i>	8. 83	<i>Anacardium</i>	2. 19
<i>Allium</i>	10. 15	<i>Anacardus</i>	2. 19
<i>Allium sylvestre</i>	10. 16	<i>Anadendromalache</i>	14. 32
<i>Allium urbinum</i>	10. 17	<i>Anagallis</i>	6. 59
<i>Alnus</i>	2. 8	<i>Anagallis aquatica</i>	8. 28
<i>Aloe</i>	10. 31	<i>Anagyris</i>	3. 31
<i>Alpecteros</i>	4. 58. ♂ 8. 17	<i>Anchusa</i>	11. 8
<i>Alsebrano magnum</i>	9. 5	<i>Andrachne</i>	3. 19
<i>Alsebram parvum</i>	9. 7	<i>Andrachne sylvestre</i>	15. 22
<i>Alfine</i>	4. 37. ♂ 6. 53	<i>Androsaces</i>	16. 48
<i>Altercum</i>	8. 45	<i>Androsemum</i>	9. 41. 43
<i>Althea</i>	14. 30. 31. 32	<i>Anemone</i> 10. 4. ♂ 12. 43. ♂ 14. 9	
<i>Althea Theophrasti</i>	15. 18	<i>Anemone montana</i>	14. 10
<i>Alum</i>	10. 16. ♂ 11. 10	<i>Anesum</i>	7. 60
<i>Alypia</i>	9. 8	<i>Anethum</i>	7. 10
<i>Alypum</i>	9. 8	<i>Anethum sylvestre</i>	7. 11. 12
<i>Alysses</i> 8 12. 82. ♂ 11. 23. 24		<i>Angelica</i>	7. 48
<i>Amanite</i>	16. 52	<i>Anguria</i>	5. 5
<i>Amaracus</i> 11. 56. ♂ 12. 8. 24		<i>Anime</i>	2. 29
<i>Amarago</i> 12. 24. ♂ 13. 8		<i>Anisum</i>	7. 60
<i>Amara herba</i>	12. 24	<i>Anonis</i>	6. 21
<i>Amaranthus</i> 6. 62. ♂ 12. 13		<i>Anonymous</i>	3. 50
<i>Amareggiosa</i>	12. 24	<i>Anserinus pes</i>	4. 25
<i>Ambragialla</i>	3. 45	<i>Antipates</i>	16. 32
<i>Ambrosia</i>	4. 18. ♂ 12. 9	<i>Antipharmacum</i>	6. 79

An-

I N D E X.

<i>Antirrhizon</i>	8. 26	<i>Arcturus</i>	12. 18
<i>Antirrhinon</i>	8. 26. 52	<i>Areca</i>	2. 48
<i>Antiscorodon</i>	10. 15	<i>Argemone</i>	8. 4
<i>Antitaura</i>	14. 8	<i>Argemone</i>	12. 43
<i>Anthedon</i>	3. 14	<i>Argemonia</i>	12. 43. ♂
<i>Anthemis</i>	12. 22	<i>Argentina</i>	9. 27
<i>Anthemos</i>	12. 26	<i>Arinca</i>	4. 43
<i>Anthenoides</i>	3. 13	<i>Aris</i>	5. 39
<i>Anthericon</i>	10. 26	<i>Arisaron</i>	5. 39
<i>Anthophyllis</i>	2. 51	<i>Aristalchea</i>	14. 30
<i>Anthriscus</i>	7. 24	<i>Aristolochia</i>	15. 5
<i>Anthycellion</i>	12. 38	<i>Armel</i>	9. 2
<i>Anthyllion</i>	12. 38	<i>Armeniacā</i>	2. 46
<i>Anthyllis</i>	12. 38, 39	<i>Armoracia</i>	8. 55
<i>Anthyllis prima</i>	6. 33	<i>Arnabo</i>	12. 33
<i>Antora</i>	14. 8. ♂	<i>Arnoglossum</i>	8. 16, 17
<i>Aparine</i>	8. 9, 10	<i>Aronia</i>	3. 14
<i>Apace</i>	13. 2	<i>Aron magnum</i>	5. 38
<i>Aphaca</i>	6. 12. ♂	<i>Aron paruum</i>	5. 37
<i>Aphace</i>	13. 3	<i>Arrenogonon</i>	8. 2, 30
<i>Aphroscorodon</i>	10. 15	<i>Artemisia</i>	4. 18. ♂
<i>Aphyllos</i>	8. 40	<i>Artemisia prima</i>	12. 36
<i>Apiastrum</i>	11. 25. ♂	<i>Arthanita</i>	9. 38
<i>Apium domesticum</i>	7. 37	<i>Asarum</i>	9. 36
<i>Apium montanum</i>	7. 41	<i>Ascalonium</i>	10. 2, 3
<i>Apium palustre</i>	7. 38	<i>Aschium</i>	16. 38
<i>Apium sylvestre</i>	14. 2	<i>Asclepias</i>	6. 72
<i>Apocynum</i>	3. 42	<i>Ascyroides</i>	9. 42
<i>Apollinaris</i>	8. 45	<i>Ascyron</i>	9. 42
<i>Aquifolia</i>	2. 2	<i>Aspalathus</i>	3. 36
<i>Aquifolium</i>	3. 64	<i>Asparagus</i>	5. 26
<i>Aquilegia</i>	15. 38	<i>Asparagus palustris</i>	16. 15
<i>Arabis</i>	8. 73	<i>Asperugo</i>	8. 9
<i>Arachidna</i>	8. 40	<i>Asphodelus</i>	10. 26
<i>Aracos</i>	8. 40	<i>Asphodelus luteus</i>	10. 29
<i>Aracus</i>	6. 9	<i>Asplenium</i>	16. 9
<i>Aralda</i>	8. 47	<i>Asprella</i>	8. 9. ♂
<i>Arbutus</i>	3. 19	<i>Asphragis</i>	15. 31
<i>Arcangelica</i>	9. 29	<i>Aster</i>	12. 30
<i>Arcion</i>	13. 50	<i>Asteratticus</i>	12. 30
<i>Archium</i>	12. 18	<i>Astragalus</i>	6. 28

Astries

I N D E X.

Astrigis	8. 19.	Basilicum	II. 59.
Athel	8. 36.	Batecha	5. 5.
Athragena	14. 1.	Baticula	7. 36.
Astracalis	3. 50. ♂ 13. 44. 47.	Batis	7. 36.
Atriplex	4. 23.	Batos	3. 11.
Auaneae	6. 34.	Batrachion	14. 2.
Auellana	2. 6.	Bdellium	2. 30.
Auellana purgativa	2. 45.	Bdellium de Mecha	2. 46.
Auena	4. 47.	Bechion	11. 21.
Auena græca	4. 48.	Bedeguar	13. 40.
Auornellum	3. 32.	Been album	6. 50.
Aurantia	3. 59.	Been rubrum	4. 32.
Aurelia	12. 13.	Belenion	12. 33.
Auricula muris	8. 27. 28.	Bellis	12. 26.
Auricula vrsi	6. 58.	Beluedere	4. 21.
Auro	4. 24.	Belzoi	2. 29.
Carolus	3. 14.	Ben	2. 45.
Carolus sylvestris	3. 13.	Berberis	3. 12.

B.

BACCARA	9. 36.
Bacchar	9. 36.
Baccharis	11. 17.
Bacucco	7. 36.
Bagatto	2. 52.
Bagole	5. 14.
Balaustrium	3. 60.
Ballote	11. 22.
Balsamina	5. 4.
Balsaminum	6. 68.
Balsaminum geranium	14. 27.
Balsamum	2. 26.
Bambagia	15. 3.
Bania Alexandrina	15. 4.
Baracocca	2. 16.
Barba capris	5. 25.
Barba ionis	3. 40.
Barba sylvana	14. 16.
Barbula hirci	13. 23.
Bardana	13. 50.

Basilicum	II. 59.
Batecha	5. 5.
Baticula	7. 36.
Batis	7. 36.
Batos	3. 11.
Batrachion	14. 2.
Bdellium	2. 30.
Bdellium de Mecha	2. 46.
Bechion	11. 21.
Bedeguar	13. 40.
Been album	6. 50.
Been rubrum	4. 32.
Belenion	12. 33.
Bellis	12. 26.
Beluedere	4. 21.
Belzoi	2. 29.
Ben	2. 45.
Berberis	3. 12.
Besasa	9. 2.
Beta	4. 22.
Beta sylvestris	4. 32. ♂ 8. 16.
Betelle	8. 23.
Betonica	II. 21.
Betonica altera	6. 45.
Betonica Pauli	II. 38.
Betre	8. 23.
Betonica	4. 34.
Betulla	3. 45.
Bibinella	7. 18.
Bidens	12. 17.
Biondella	6. 63.
Bislingua	5. 29.
Bistorta	4. 33. ♂ 14. 21.
Blatearia	8. 46.
Blechon	II. 60. ♂ 16. 3.
Blitum	4. 26.
Boletis	16. 41.
Bombax	15. 3.
Bonaga	16. 21.
Bonifatia	5. 29.
Borrage	II. 3.
Bor-	

I N D E X.

Borriſſa	6. 56	Cacrys	7. 7. 36. 44
Botrys	4. 19	Cacotribulus	13. 48
Branca Virſina	8. 24	Cadytas	8. 41
Braſica	8. 54	Calamagrostis	4. 53
Braſica marino	9. 26	Calamentum	11. 61
Bratis	3. 57	Calamentum montanum	11. 62
Bretania	4. 34	Calamentum tertium	11. 63
Brittanica	4. 34	Calamintha	11. 64
Bromul	4. 47	Calamus	4. 59
Bruscas	5. 28	Calamus aromaticum	4. 59. 69
Bryon	16. 19, 21, 23	Or	10. 42
Bryonia	5. 7	Calcifraga	4. 40
Bryonia nigra	5. 8	Calendula	12. 29
Bryon Populi alba vna	3. 45	Calis	4. 40
Bryon Thalaxion	16. 24	Calla	11. 5
Bryon Theophrasti	16. 26	Callitrichon	16. 12
Bubonium	12. 30	Caltha	12. 29
Buccinum	6. 69	Cammarus	12. 33
Bucranium	8. 26	Campanula	9. 29
Bugloſſa	11. 2, 4	Camphora	3. 45
Bugloſſa Hispana	11. 4	Canaria	8. 21
Bulapatum	4. 29	Canapaccia	12. 5
Bulbacea	10. 1	Cancamum	2. 31
Bulbina	10. 5	Cancri herba	12. 7
Bulbus agrestis	10. 19	Candelaria	8. 46
Bulbus fylueſtris	10. 4	Canella	2. 24
Bulbus vomitorius	10. 5, 6	Canforata	12. 9
Bulimaca	6. 21	Cania	4. 15
Bumelia	2. 13	Canina ſentis	3. 10
Bunias	8. 57	Caninum caput	8. 21, 52
Bunium	7. 42	Canis Testiculus	10. 46
Bupleuron	4. 14	Canna	4. 59
Bupthalmos	12. 23, 27, 28	Cannabis	4. 16
Burſa marina	16. 29, 30	Cannabis fylueſtris	14. 34
Burſa paſtoris	8. 74. 75	Canna India	10. 34
Butomus	14. 17	Canna Mellea	4. 56
Buxus	3. 48	Cannellæ	16. 47
		Caphur	3. 45
		Capillaris herba	4. 58
CACALIA	12. 19	Capillus Veneris	16. 12
cacatrepole	13. 48	Capnium	6. 77
		Capnos prima	6. 66
		Capnos	

C.

CACALIA
cacatrepole

I N D U E X.

<i>Capnos</i>	6. 77	<i>Caryophyllon</i>	2. 51
<i>Capparis</i>	15. 6	<i>Caryote Palmarnm fructus</i>	2. 46
<i>Caprago</i>	6. 34	<i>Casia</i>	2. 24
<i>Caprificus</i>	3. 1	<i>Cassia</i>	3. 28
<i>Caprifolium</i>	9. 43	<i>Casta coronaria</i>	4. 7. 9
<i>Capsella</i>	8. 76	<i>Castalianea</i>	4. 12
<i>Carabe</i>	3. 45	<i>Cassuta</i>	8. 41
<i>Caranza</i>	5. 4	<i>Casta</i>	15. 36
<i>Carrara</i>	8. 84	<i>Castanea</i>	2. 4
<i>Carcioffus</i>	13. 34	<i>Castanea equina</i>	2. 45
<i>Cardamantica</i>	8. 71	<i>Castanea terrestres</i>	10. 45
<i>Cardamine</i>	8. 68	<i>Castangula</i>	13. 15
<i>Cardamomum</i>	9. 37	<i>Casta</i>	8. 41
<i>Cardamon</i>	8. 70	<i>Catanance</i>	6. 68
<i>Carderina herba</i>	13. 51	<i>Cataputia</i>	9. 13
<i>Cardiaca</i>	11. 23	<i>Cattos</i>	13. 35
<i>Cardones</i>	13. 35	<i>Caucalis</i>	7. 19
<i>Carduncellus</i>	13. 51	<i>Cauda equina</i>	16. 15
<i>Carduus</i>	13. 33, 34	<i>Cauda Leonis</i>	8. 39
<i>Cardus Benedictus</i>	13. 47	<i>Cauda Vulpina</i>	4. 58. ♂ 8. 17
<i>Carduus Pinea</i>	13. 34	<i>Cauli</i>	8. 54
<i>Carduus Sanctus</i>	13. 47	<i>Causa</i>	12. 24
<i>Carduus sylvestris</i>	13. 36	<i>Cedrelate</i>	3. 58
<i>Careum</i>	7. 25	<i>Cedrus</i>	3. 56. 58
<i>Carolina</i>	13. 38. 39	<i>Cedrus minor</i>	3. 57
<i>Carpabadium</i>	12. 33	<i>Cefalio</i>	2. 46
<i>Caros</i>	7. 25	<i>Celidonia</i>	6. 73
<i>Carota</i>	7. 20	<i>Celtis</i>	2. 52
<i>Carpesium</i>	2. 51	<i>Cembrum</i>	3. 52
<i>Carpesium Galeni</i>	4. 2	<i>Cenchrion</i>	4. 51
<i>Carpigna</i>	8. 40	<i>Centaurea</i>	6. 63, 64
<i>Carpinus</i>	2. 7. 12	<i>Centaurea media</i>	4. 5
<i>Carpobalsamum</i>	2. 26	<i>Centaurea maior</i>	13. 36
<i>Carrubia</i>	3. 27	<i>Centaurium maius</i>	13. 56
<i>Carthamum</i>	13. 46	<i>Centaurium minus</i>	6. 63
<i>Cartamum sylvestre</i>	13. 44	<i>Centeria</i>	9. 43
<i>Caroflago</i>	8. 35	<i>Centineruia</i>	8. 16. ♂ 14. 16
<i>Carton</i>	7. 25. ♂ 10. 13	<i>Centinodia</i>	4. 36
<i>Caryi</i>	7. 25	<i>Centone</i>	6. 53
<i>Carya</i>	2. 5	<i>Centum capita</i>	13. 28
<i>Caryites</i>	9. 10	<i>Centunculus</i>	16. 53
		<i>Centum</i>	

I N D E X.

Centum grana	6. 54	Chelidonia	6. 77
Centum morbia	6. 56	Chelidonium mains	6. 73
Cepa	10. 2	Chelidonium minus	14. 7
Cepa canina	10. 5	Chenopus	4. 25
Cepaea	15. 23	Chermisatum	2. 2. ♂ 8. 5
Cerasiola	5. 9	cherua	9. 19
Cerasus	2. 20	chiarella	11. 18
Ceraria	3. 27	chiliophyllum	12. 11
Ceratilis	6. 74	chinna	10. 41
Ceratophylax	8. 35	chironia	9. 46. ♂ 12. 42
Ceraunium	16. 38	chondrus	4. 43
Cercis	3. 29, 45	chrismatum	12. 27, 28
Cerefolium	7. 41	Chrysanthemum Democriti	14. 3
Cerephyllon	7. 41	Chrysobalani	2. 46
Cerinthe	11. 6	Chrysocome	12. 14
Ceronia	3. 27	Chrysolaecanum	4. 23
Cerretta	13. 53	Cicer	6. 13
Cerrys	2. 2	Cicera	6. 6
Cestrus	11. 21	Cicerbita	13. 11
Cetrach	16. 9	Cicerula	6. 7
Camæctæ	5. 13	Cici	9. 19
Chamabatos	14. 18	Cicoracea	13. 1
Chamæcissus	11. 36	Cicorea	13. 2
Chamæcuparis	4. 21	Cicoriump	13. 2
Chamædaphne	5. 30. ♂ 8. 29	Cicuta	7. 27
Chamædris	11. 40, 41	Cicuta Atheniensium	9. 2
Chamædris famina	11. 43	Cicutaria	7. 22, 28
Chamæleon	13. 34	Cimbalaria	6. 66
Chamæleon albus	13. 38	Cimiciottum	11. 22
Chamæleon altera	13. 39	Cinara	13. 34
Chamæleuce	12. 21	Cineraria	12. 36
Chamælum	12. 22	Cinna	10. 41
Chamæpeuce	8. 52	Cinna inter fruges	4. 53
Chamæptis	9. 41. ♂ 11. 43	Cinnamomum	2. 24
Chamæsyce	9. 17	Circea	5. 22. ♂ 8. 33
Chamelea	4. 7	Ciuicum	13. 43
Chamomilla	12. 22	Ciflos	3. 5
Chandralia	13. 4	Cistus	15. 15
Chandras	13. 4	Citrago	11. 25
Characias	9. 5	Citrangula	3. 59
Cheiri	8. 80	Citreolus	5. 5

I N D E X.

Citrium	3. 59	Consolida	11. 7
Citronella	11. 25	Consolida media	11. 36
Citrus	3. 59	Consolida minor	11. 37. & 12. 26
Clematis	6. 53. & 9. 24	Connoluuli	9. 22
Clematis aristolochia	15. 5	Connoluulus maior	9. 25
Clematis daphnoides	8. 29	Connoluulus minor	9. 24
Clematis secunda	14. 1	Conyzza Hypocratea	4. 18
Cletra	2. 8	Conyzza major	12. 40
Clinopodium	11. 38, 39	Conyzza mas	12. 31
Clinotrocos	2. 12	Conyzza media	12. 32
Clymenon	6. 29	Conyzza minor	12. 40
Clymenus	5. 11	Conyzza tertia	4. 25
Cneoron	4. 8, 9	Copal	2. 29
Cnicus sativus	13. 46	Corallina	16. 24, 34
Cnicus sylvestris	13. 44, 47	Corallium	16. 31
Cobion	9. 11	Corallium album	16. 33
Coccimelia	2. 15	Corallium nigrum	16. 32
Coccus	2. 2	Corchoron	6. 59
Coccum Gnidiun	4. 8	Corcorus	5. 15
Cocrodilia	13. 29	Cordumenum	9. 37
Cocrodilium	10. 19	Coriandrums	7. 59
Colchicum	10. 19	Corinthe	11. 6
Colocasia	5. 38. & 6. 2	Corion	7. 59
Colocyntha	5. 2	Coris.	9. 44, 45
Colocynthis	5. 3	Corneola	6. 39
Coloetia	3. 38	Cornus	3. 26
Coloquintida	5. 3	Coroneola	6. 39
Columbina	15. 38	Coronopus	8. 19
Colutea	3. 38	Corruda	5. 26
Colytea	3. 31	Corylus	2. 6
Comaron	3. 19	Costa herba	7. 50
Come	13. 23	Costum	10. 42
Conciliun	9. 28	Cota	12. 23
Condifi	6. 48	Cotinus	2. 35, 39
Condrilla	13. 4, 5, 6, 7	Cotone	15. 3
Condrylon	13. 5	Cotonea	3. 61
Conion	7. 27	Cotulafetida	12. 23
Connina	4. 25	Coturnix	8. 16
Conops	8. 21	Cotyledon	15. 25, 26
Consecratrix	10. 36	Crambe	8. 54
Consi go	15. 28	Cranium	16. 39
		Craffula	

I N D E X.

<i>Craffula major</i>	15. 26	<i>curalium</i>	16. 31
<i>Craffula minor</i>	15. 21	<i>Curcumā</i>	4. 61
<i>Crategon</i>	3. 64	<i>Cuscuta</i>	8. 41
<i>Cratoegonon</i>	4. 35	<i>Cyanus</i>	13. 52
<i>Crataegus</i>	3. 64	<i>Cyanus flos</i>	8. 80
<i>Crataeus</i>	4. 35	<i>Cyclaminus</i>	9. 38
<i>Crescione</i>	7. 39	<i>Cyclaminus secunda</i>	5. 11
<i>Cressinus</i>	3. 12	<i>Cydonia</i>	6. 61
<i>Cressinulus</i>	13. 11	<i>Cymbalion</i>	15. 26
<i>Cressis</i>	13. 14	<i>Cynara</i>	13. 34
<i>Cressolina</i>	12. 7	<i>Cynocephalia herba</i>	8. 52
<i>Cressone</i>	8. 28. 68	<i>cynocephalon</i>	8. 21
<i>Crethmon agrion</i>	7. 36	<i>Cynorambe</i>	4. 25
<i>Crinon</i>	10. 33	<i>Cynoglossa</i>	11. 13
<i>Crispula</i>	12. 7	<i>Cynoides</i>	8. 21
<i>Crista</i> 8. 35, 36, 37. ♂	11. 18	<i>Cynips</i>	8. 21
<i>Crista gallinacea</i>	8. 36	<i>Cynorhodon</i>	3. 10
<i>Crithmam</i>	7. 36	<i>Cynosbatus</i>	3. 10. ♂ 15. 6
<i>Crithmum sylvestre</i>	13. 31	<i>Cynosorchis</i>	10. 46
<i>Crocum</i>	10. 20	<i>Cyparisias</i>	9. 7
<i>Crocum Saracenicum</i>	13. 46	<i>Cyperis</i>	4. 61
<i>Croton</i>	9. 19	<i>Cyperus</i>	4. 61
<i>Crucia:is herba</i>	8. 12	<i>Cyperus Babilonicus</i>	4. 62
<i>Cruciata</i>	6. 79	<i>Cyperus Indicus</i>	4. 61
<i>Cubebe</i> 2. 23. ♂ 4. 1. ♂	5. 28	<i>Cyprros</i>	4. 61
<i>Cucubalum</i>	5. 18	<i>Cypros</i>	3. 8
<i>Cucumber</i>	5. 5	<i>Cytinus</i>	3. 60
<i>Cucumber asininus</i>	5. 6	<i>Cytinus</i>	3. 33
<i>Cucumerculus</i>	5. 5		
<i>Cucumis</i>	5. 5		
<i>Cucumis sylvestris</i>	5. 6		
<i>Cucurbita sativa</i>	5. 2		
<i>Cucurbita sylvestris</i>	5. 3. 7		
<i>Culex herba</i>	8. 21		
<i>Cuminum</i> 7. 13. 14. ♂	15. 57		
<i>Cunila</i>	15. 49. 51		
<i>Cunila bubula</i>	11. 37		
<i>Cunilago</i>	12. 32. 40		
<i>Cunila montana</i>	11. 52		
<i>Cupressus</i>	3. 55		
<i>Cupressus sylvestris</i>	3. 57.		

D.

D ACTILI	2. 46
<i>Damasonium</i>	8. 47
<i>Daneda</i>	12. 8
<i>Daphnoides</i>	4. 6
<i>Daucum</i> 7. 16. 17. 18. 19. 20. 21	
<i>Delfinium</i>	6. 69. ♂ 8. 67
<i>Dendroides</i>	9. 11
<i>Dens caballinus</i>	8. 45
<i>Dens caninus</i>	10. 18
<i>Dentaria</i>	8. 40. ♂ 15. 33
	<i>Desi-</i>

I N D E X.

<i>Desiderium</i>	10. 5	<i>Elatine</i>	9. 32
<i>Dictamnum</i>	6. 18	<i>Electrum</i>	3. 45
<i>Dictamnum album</i>	15. 37	<i>Eleliophacon</i>	11. 15
<i>Dictamnum Creticum</i>	11. 58	<i>Eleoselinon</i>	7. 38, 39
<i>Dictanor</i>	11. 58	<i>Elium</i>	10. 23, 30
<i>Digitalis</i>	8. 47	<i>Elleborina</i>	15. 30
<i>Digitelli</i>	16. 52	<i>Elleborum album</i>	15. 27
<i>Digitellus</i>	15. 20	<i>Elleborum nigrum</i>	15. 28
<i>Digiti citrini</i>	10. 47	<i>Elymon</i>	4. 52
<i>Diosanthos</i>	6. 45	<i>Emerus</i>	3. 38
<i>Diosphiron</i>	2. 52	<i>Empetron</i>	4. 40. ♂ 6. 46
<i>Dipsacus</i>	13. 27	<i>Endiuia</i>	13. 2
<i>Dircea</i>	8. 33	<i>Endiuia sylvestris</i>	13. 9
<i>Dolichus</i>	6. 3	<i>Enhaemon</i>	2. 35
<i>Donax</i>	4. 59	<i>Enneaphylon</i>	15. 29
<i>Dorella</i>	8. 79	<i>Ensis</i>	10. 35
<i>Doria herba</i>	12. 42	<i>Enula</i>	12. 34
<i>Doronicum</i>	12. 33	<i>Enula Campana</i>	12. 34
<i>Dorycnium</i>	9. 27	<i>Enzina</i>	2. 2
<i>Draba</i>	8. 73	<i>Ephemeron</i>	10. 19
<i>Dracontia magna</i>	5. 35	<i>Ephemeron non latale</i>	5. 33
<i>Dracontion</i>	5. 35, 36, 40	<i>Epimedium</i>	16. 14
<i>Dracontium</i>	4. 33	<i>Epimelis</i>	3. 15
<i>Dracunculus</i>	5. 35, 36	<i>Epimenidium</i>	10. 11
<i>Dragone</i>	14. 36	<i>Epipactis</i>	15. 30
<i>Dragontea</i>	5. 35	<i>Epipetron</i>	4. 25
<i>Dryopteris</i>	16. 5	<i>Epithymum</i>	8. 42 ♂ 13. 48
<i>Drys</i>	2. 2	<i>Equapium</i>	7. 43
<i>Dulcisida</i>	15. 36	<i>Equifeniculum</i>	7. 9
<i>Dulipan</i>	10. 6	<i>Equiselis</i>	16. 15
<i>Dallaha</i>	5. 5	<i>Equisetum</i>	16. 15
		<i>Eranthemos</i>	12. 26. ♂ 14. 2
		<i>Erebinthos</i>	6. 13
		<i>Erica</i>	3. 20
E <i>BENVS</i>	3. 34	<i>Erigeron</i>	13. 51
<i>Ebulus</i>	5. 13	<i>Erineon</i>	9. 31
<i>Ebur fossile</i>	16. 33	<i>Erinos</i>	9. 31
<i>Echias</i>	11. 9	<i>Ermellinus</i>	3. 21
<i>Echion</i>	11. 9	<i>Eruanga</i>	8. 41
<i>Elaphoboscum</i>	7. 56	<i>Eruca</i>	8. 62
<i>Elaterium</i>	5. 6	<i>Eruca marina</i>	8. 63
		<i>Erui</i>	

E.

I N D E X.

<i>Eruilium</i>	6. 6	<i>Fasolus</i>	6. 34
<i>Eruum</i>	6. 8	<i>Fasus agrestis</i>	13. 44
<i>Eringium</i>	13. 28	<i>Fauagello</i>	14. 7
<i>Eryngium marinum</i>	13. 29, 31	<i>Faufel</i>	2. 48
<i>Eringo</i>	13. 28	<i>Fabrisugia</i>	11. 40
<i>Erysimum</i>	8. 64	<i>Fegatella</i>	16. 19
<i>Erysimum cereale</i>	4. 26	<i>Fel terre</i>	6. 63
<i>Erythrodanum</i>	8. 8	<i>Fendex saxum</i>	7. 16
<i>Erythronium</i>	10. 45	<i>Ferula</i>	7. 2
<i>Esca</i>	16. 53	<i>Ferulaceum genus</i>	7. 1
<i>Eschara</i>	16. 28	<i>Ferulago</i>	7. 2, 3, 5
<i>Esculus</i>	2. 2	<i>Festuca</i>	4. 47
<i>Esopus</i>	13. 20	<i>Ficus</i>	3. 1
<i>Esula</i>	9. 7	<i>Ficus Aegiptia</i>	3. 2, 28
<i>Esula rotunda</i>	9. 14	<i>Ficus Cypria</i>	3. 2
<i>Ethymodris</i>	2. 2	<i>Ficus indica</i>	3. 2
<i>Eufragia</i>	8. 34, 35	<i>Fidicula</i>	16. 6
<i>Eugalacthon</i>	6. 23	<i>Figatella</i>	14. 8
<i>Euonymus</i>	3. 50	<i>Filago</i>	8. 35
<i>Eupatorium</i>	8. 4 ♂ 12, 9. 16	<i>Filicula</i>	16. 6. 11
<i>Euphorbium</i>	8. 18	<i>Filipendula</i>	7. 42. ♂ 14. 13
<i>Euphrasnum</i>	11. 2	<i>Filix</i>	16. 2
<i>Euzomia</i>	8. 62	<i>Filix femina</i>	16. 3
		<i>Filix palustris</i>	16. 4
		<i>Finochiella</i>	7. 28
		<i>Fioraliso</i>	13. 52

F.

<i>FABA</i>	6. 2	<i>Fior cappuccio</i>	6. 69
<i>Faba inuersa</i>	9. 21	<i>Fior rancio</i>	12. 29
<i>Fabaria</i>	9. 21. ♂ 15. 26	<i>Fior yelluto</i>	6. 62
<i>Fagre</i>	14. 18	<i>Fistula pastoris</i>	8. 47
<i>Fagus</i>	2. 2, 3	<i>Flamma</i>	9. 40
<i>Familiola</i>	16. 47	<i>Flammula</i>	14. 1
<i>Far</i>	4. 45	<i>Flammula Louis</i>	14. 1
<i>Far adoreum</i>	4. 45	<i>Flos Indiae</i>	12. 43
<i>Farfara</i>	12. 21	<i>Flos Solis</i>	12. 35
<i>Farfugium</i>	12. 21	<i>Fluunida</i>	2. 41
<i>Farnia</i>	2. 2	<i>Faniculum</i>	7. 9
<i>Farranum</i>	12. 21	<i>Faniculum marinum</i>	7. 31
<i>Faseolaria</i>	3. 31	<i>Fanum Gracum</i>	6. 15
<i>Faseolus</i>	6. 3	<i>Folium</i>	8. 23, 30
<i>Faseolus Romanus</i>	9. 19	<i>Folium Indum</i>	2. 25. ♂ 8. 23
			For.

I N D E X.

Formentone	4. 31	Geranium balsaminum	14. 27
Fragaria	14. 18	Gethyrum	10. 13
Fraus	13. 2	Geum	14. 12
Fraxinella	5. 32	Giaggiole	10. 36
Fraxinellus	15. 37	Gicherum	5. 36
Fraxinus	2. 13	Gieduar	10. 42. ♂ 15. 35
Fremium	14. 9	Gigarum	5. 36
Frugiperdis	3. 46	Ginefrella	13. 16
Frumenta	4. 41	Gingiber	10. 43
Fucus marinus	16. 25	Gingidium	7. 22, 23
Fumaria	6. 77	Girasole	9. 19
Fumus terra	6. 77	Gith	15. 11
Fungi	16. 37, 40	Gittone	6. 43
Fungus marinus	16. 48	Giuggiolena	9. 33
Fungus orientalis	5. 50	Gladiolus	4. 61. ♂ 10. 35
Fusago	3. 58	Glandiferarum differentiae	2. 2
		Glans Vnguentaria	2. 45
		Glastum	8. 60
		Glaux	6. 23
		Glechon	11. 60
		Glinon	2. 12
GALANGA 4. 62. ♂	10. 42	Glycyrriza	6. 41
Galanga maior	10. 40	Gnaphalion	12. 15. ♂ 16. 25
Galbanum	7. 51	Gong yle	8. 58
Galbigia	4. 42	Gorgonia gemma	16. 31
Galeodolon	8. 48	Gossapinus	15. 3
Galeopsis	8. 48	Gossipium	15. 3
Galion	8. 11	Gralega	6. 34
Gallica	8. 12	Gramen	4. 57
Gallinacei	16. 49	Gramen harundinaceum	4. 53
Gallitrichum	11. 18	Gramen parnasum	6. 53
Gariofilata	14. 12	Gramma paradisi	9. 37
Gariofilus flos	6. 45	Granum regium	9. 19, 20
Gariophilus	2. 51	Granum tinctorium	2. 2
Gariophyllum	2. 51	Gratia Dei	6. 65
Gattaria	11. 63	Guadarella	9. 35
Gelfiminum	4. 10, 11	Guadum	8. 60
Gelsum	3. 3	Guaiacum	3. 22
Geminalis	11. 29	Gummi Elemi	2. 35
Genista	3. 35		
Genista rubra	4. 12		
Gentiana	6. 78, 79, 80		
Geranium	7. 28, 29. ♂ 14. 25		

G.

GALANGA 4. 62. ♂	10. 42	Glechon	11. 60
Galanga maior	10. 40	Glinon	2. 12
Galbanum	7. 51	Glycyrriza	6. 41
Galbigia	4. 42	Gnaphalion	12. 15. ♂ 16. 25
Galeodolon	8. 48	Gong yle	8. 58
Galeopsis	8. 48	Gorgonia gemma	16. 31
Galion	8. 11	Gossapinus	15. 3
Gallica	8. 12	Gossipium	15. 3
Gallinacei	16. 49	Gralega	6. 34
Gallitrichum	11. 18	Gramen	4. 57
Gariofilata	14. 12	Gramen harundinaceum	4. 53
Gariofilus flos	6. 45	Gramen parnasum	6. 53
Gariophilus	2. 51	Gramma paradisi	9. 37
Gariophyllum	2. 51	Granum regium	9. 19, 20
Gattaria	11. 63	Granum tinctorium	2. 2
Gelfiminum	4. 10, 11	Gratia Dei	6. 65
Gelsum	3. 3	Guadarella	9. 35
Geminalis	11. 29	Guadum	8. 60
Genista	3. 35	Guaiacum	3. 22
Genista rubra	4. 12	Gummi Elemi	2. 35
Gentiana	6. 78, 79, 80		
Geranium	7. 28, 29. ♂ 14. 25		

I N D E X.

H.

H*ALICACABVM*

<i>Halimum</i>	5. 20
<i>Haliphilos</i>	4. 24. 39
<i>Halosachne</i>	2. 2
<i>Handacocea</i>	16. 30
<i>Harmala</i>	6. 17
<i>Harmel</i>	9. 2. & 9. 2. & 15. 12
<i>Harundo</i>	4. 59
<i>Hasce</i>	11. 47
<i>Hastula regia</i>	10. 26
<i>Hedera</i>	3. 5
<i>Hedera cilicia</i>	5. 12
<i>Hedera rigens</i>	3. 6
<i>Hedera spinosa</i>	5. 12
<i>Hedera terrestris</i>	11. 36
<i>Hedysmós</i>	11. 84
<i>Hedynoës</i>	13. 2
<i>Hedysaron</i>	6. 30
<i>Hedenium</i>	16. 33. 34
<i>Helenium agyptium</i>	6. 27
<i>Helenium indicum</i>	12. 35
<i>Helierison</i>	12. 13
<i>Helicobryeos</i>	12. 13
<i>Helioscopis</i>	9. 14
<i>Heliotropium</i>	11. 11. 12
<i>Heliotropium maius</i>	11. 11
<i>Heliotropium minus</i>	11. 12
<i>Helix</i>	3. 5. 46
<i>Helxine</i>	4. 38
<i>Helxine cissampetos</i>	9. 24.
<i>Hemerocalles</i>	10. 23. 30
<i>Hemiris</i>	2. 2
<i>Hemioniss</i>	16. 8. 9
<i>Hemionitis</i>	16. 8
<i>Heptaphyllum</i>	14. 20
<i>Heptapleuron</i>	8. 16
<i>Herba pepe</i>	8. 72

Hermodactylus

<i>Hermipoa</i>	8. 2
<i>Hefferis</i>	8. 81
<i>Hibiscus</i>	14. 30. 31
<i>Hieracia</i>	13. 13
<i>Hieracium</i>	13. 12. 14
<i>Hierobotane</i>	11. 32
<i>Hippolapatrum</i>	4. 29
<i>Hippomarathron</i>	7. 9
<i>Hippofelinon</i>	7. 38. 43
<i>Hippuris</i>	16. 15
<i>Hirci barbula</i>	13. 23
<i>Hirci spina</i>	8. 7
<i>Hirculus</i>	4. 4
<i>Hirundinaria</i>	6. 72. 73
<i>Hissipum</i>	11. 50. 53
<i>Hissopus montanus</i>	11. 39
<i>Holestion</i>	8. 20
<i>Holeschamis</i>	4. 60
<i>Holestium</i>	8. 20
<i>Hordeum</i>	4. 45. 46
<i>Hordeum murinum</i>	4. 58
<i>Horminum</i>	11. 29. 30
<i>Humirubus</i>	14. 18
<i>Hyacinthus albus</i>	10. 6
<i>Hyacinthus Bulbosus</i>	10. 7
<i>Hyacinthus poetarum</i>	6. 69
<i>Hyacinthus sylvestris</i>	10. 4
<i>Hydnon</i>	16. 38
<i>Hydrolapathum</i>	4. 29
<i>Hydropiper</i>	4. 35
<i>Hyosciamus</i>	8. 45
<i>Hyosciamus albus</i>	5. 19
<i>Hyosciamus niger</i>	8. 44. & 15. 12
<i>Hypécum</i>	15. 19
<i>Hypericum</i>	9. 41
<i>Hyphear</i>	3. 7
<i>Hypocharis</i>	13. 2
<i>Hypocifis</i>	15. 15
<i>Hypoglossum</i>	5. 29

I N D E X.

I.

A C R A

<i>Iasione</i>	9. 28. ♂	15. 38.
<i>Jasmine</i>		4. 10
<i>Jberis</i>		8. 71
<i>Jesemimum</i>		4. 10
<i>Jesemimum ceruleum</i>		3. 43
<i>Jignarij</i>		16. 53
<i>Jignis sylvestris</i>		16. 50
<i>Jlatrum</i>		2. 36
<i>Jlex</i>		2. 2
<i>Jllecebra</i>		15. 22
<i>Imperatoria</i>	7. 12, 30, 46, 47, 49	
<i>Impia herba</i>		12. 15
<i>Incensaria</i>		12. 31
<i>Inubus</i>		13. 2
<i>Jnula</i>		12. 34
<i>Jon</i>		9. 39
<i>Jouis flamma</i>	2. 52. ♂	9. 40
<i>Jouis flos</i>		6. 45
<i>Jouis triticum</i>		2. 52
<i>Jringum</i>		13. 26
<i>Jrio</i>		8. 64
<i>Jrio inter fruges</i>		4. 26
<i>Jru</i>	10. 35. 36	
<i>Jris Illirica</i>		10. 37
<i>Jris palustris</i>		10. 39
<i>Jsaicis</i>		8. 60
<i>Jschemon</i>		4. 58
<i>Jsgarum</i>		4. 39
<i>Jstidis plocamom</i>		16. 32
<i>Jsopyron</i>		6. 5
<i>Jua</i>		11. 43
<i>Jua arctica</i>		11. 44
<i>Juiuba</i>		3. 24
<i>Juiuba sylvestris</i>		3. 25
<i>Juncus</i>	4. 60, 70	
<i>Juncus odoratus</i>		4. 69
<i>Juniperus</i>		3. 58.

<i>Juniperus mairia</i>	
<i>zusquamum</i>	8. 45
<i>Ixia</i>	13. 38
<i>Ixine</i>	13. 34

L.

L A B R U S C A	3. 18
<i>Labrum veneris</i>	13. 27
<i>Laburnum</i>	3. 32
<i>Lacca</i>	2. 31
<i>Lac gallinae</i>	10. 10
<i>Lachrima iob</i>	4. 55
<i>Lacinia</i>	16. 52
<i>Lac sancta Maria</i>	13. 37
<i>Laetaria</i>	9. 4
<i>Laetariola</i>	13. 22
<i>Lactuca</i>	13. 19
<i>Lactuca caprina</i>	9. 4. 5
<i>Lactuca montana</i>	13. 21
<i>Lactuca sylvestris</i>	6. 57. ♂ 8.
	♂ 16. 60. 13. 13. 20
<i>Ladanum</i>	15. 16
<i>Lagopus</i>	6. 19
<i>Zagopyron</i>	6. 19
<i>Lamius</i>	11. 31
<i>Lanaria herba</i>	6. 4. 8. ♂ 13. 52. 53
<i>Lanceola</i>	8. 17
<i>Lantana</i>	2. 41
<i>Lapathum</i>	4. 29
<i>Lapathum domesticum</i>	4. 28
<i>Lapis Lyncis</i>	3. 45. ♂ 16. 44
<i>Lappa</i>	8. 9
<i>Lappa canaria</i>	8. 4
<i>Lappago</i>	8. 9. 10
<i>Lappa maior</i>	13. 50
<i>Lappa minor</i>	8. 3
<i>Lapsana</i>	8. 56
<i>Larix</i>	3. 52
<i>Laser</i>	7. 48
<i>Laserpitium</i>	7. 44, 48
	<i>Latifo-</i>

I.	N.	D.	E.	X.
<i>Latifolia</i>	[2. 2	<i>Lignum sanctum</i>	3.	22
<i>Lathyris</i>	9. 13	<i>Ligusticum</i>	7. 46,	47
<i>Lathyros</i>	6. 7	<i>Ligustrum</i>	3.	8
<i>Lauanda</i>	11. 46	<i>Ligustrum orientale</i>	3.	43
<i>Lauer</i>	7. 39	<i>Liliago</i>	10.	30
<i>Laurentina</i>	11. 36	<i>Lilium</i>	10.	33
<i>Laureola</i>	4. 6	<i>Lilium conuallium</i>	5.	34
<i>Laurus</i>	2. 21	<i>Lilium purpureum</i>	10.	33, 36
<i>Laurus alexandrina</i>	5. 29, 30, 31	<i>Limon</i>	3:	59
<i>Laurus sylvestris</i>	2. 40	<i>Limonia</i>	13.	33
<i>Leptirostarium</i>	2. 12	<i>Limonium</i>	4.	32
<i>Ledon</i>	15. 16	<i>Linaria</i>	8.	51
<i>Legumina</i>	6. 1	<i>Lingua avis</i>	2. 13. ♂	6. 53
<i>Lens</i>	6. 10	<i>Lingua bouina</i>	11.	2
<i>Lentago</i>	2. 40	<i>Lingua canina</i>	11.	13
<i>Lenticula palustris</i>	16. 35	<i>Lingua ceruina</i>	16.	7
<i>Lentiscus</i>	2. 43	<i>Lingua</i>	16.	51
<i>Leontice</i>	12. 19	<i>Lingua passerina</i>	4.	36
<i>Leontopetalon</i>	6. 75	<i>Lingua serpentina</i>	16.	17
<i>Leontopodium</i>	14. 24	<i>Linogenista</i>	3.	35
<i>Lepidium</i>	8. 72	<i>Lino partum</i>	3.	35
<i>Leporaria herba</i>	6. 19	<i>Lino ostis</i>	8.	2
<i>Leporis auricula</i>	6. 29	<i>Linternum</i>	2.	36
<i>Leptophyllum Artemisia</i>	12. 8	<i>Linum</i>	14.	35
<i>Lencacantha</i>	13. 49	<i>Liquidambarum</i>	2.	34
<i>Lencas</i>	11. 31	<i>Liquiritia</i>	6.	41
<i>Lencanthemon</i>	12. 22	<i>Lirium</i>	10.	22, 25
<i>Leuce</i>	3. 45. ♂ 11. 31	<i>Lithodendron</i>	16.	31
<i>Lencoion</i>	8. 80. ♂ 10. 24	<i>Lithospermon</i>	11.	10
<i>Leucoion sylvestre</i>	8. 81	<i>Lobi</i>	6.	3
<i>Leuisticum</i>	7. 44 45	<i>Lobia</i>	6.	14
<i>Libanos</i>	2. 28	<i>Lolium</i>	4.	49
<i>Libanotis</i>	7. 5. ♂ 12. 31	<i>Lolium sylvestre</i>	4.	58
<i>Libanotis candida</i>	7. 7	<i>Lonchitis</i>	10.	21
<i>Libanotis coronaria</i>	11. 45	<i>Lonchitis aspera</i>	16.	10
<i>Libanotis fertilis</i>	7. 44	<i>Lotus agypia</i>	15.	8
<i>Libanotis nigra</i>	7. 8. 45	<i>Lotus arbor</i>	2.	52
<i>Libanotis Theophrasti</i>	7. 47	<i>Lotus sylvestris</i>	6.	17
<i>Libanotos</i>	2. 28	<i>Lotus vibana</i>	6.	16
<i>Lichen</i>	16. 19, 20	<i>Lucciola</i>	4. 58. ♂ 16.	17
<i>Lignum Aloes</i>	2. 27	<i>Lucernula</i>	6.	43

I	N	D	E	X.
6.	32,	56	<i>Malum insanum</i>	5. 15. 16
	8.	82	<i>Malum punicum</i>	3. 60
16.	18		<i>Malum spinosum</i>	5. 17.
16.	18		<i>Malum terræ</i>	9. 38. ♂ 15. 5
	6.	26	<i>Maluone</i>	14. 30
6.	26.	27	<i>Malus</i>	3. 61
	4	17	<i>Malus Asiria</i>	3. 59
	4.	17.	<i>Malus medica</i>	3. 59
	6.	39.	<i>Malus persica</i>	3. 59.
6.	43.	44	<i>Mamiras</i>	12. 33
	6.	58	<i>Mammola</i>	9. 39
	3.	16	<i>Mandragoras</i>	5. 24
15.	32		<i>Mandragoras Theophrasti</i>	4. 11
15.	33		<i>Marine</i>	16. 52
11.	4		<i>Manna</i>	2. 13
5. ♂	16.	44	<i>Marathron</i>	7. 9
	6.	55	<i>Maris puma</i>	16. 30
			<i>Marrubium</i>	11. 23, 26
			<i>Marrubium nigrum</i>	11. 22
			<i>Martagon</i>	10. 33

M.

M ACER				
<i>Macerone</i>	2. 49	<i>Marum</i>	II.	56. 57.
<i>Macheronion</i>	7. 43	<i>Mappeton</i>		7. 48.
<i>Macis</i>	10. 35	<i>Mastiche</i>		2. 45.
<i>Madonia</i>	2. 49	<i>Mastorcium</i>		8. 70.
<i>Magydaris</i>	15. 7.	<i>Matricaria</i>		12. 24.
<i>Maiorana</i>	7. 48	<i>Matrisalvia</i>		11. 16.
<i>Maiz</i>	II. 57	<i>Matrisylvia</i>	S. II. &	9. 43.
<i>Malabatum</i>	4. 54	<i>Marasorda</i>		4. 68.
<i>Malache</i>	8. 23	<i>Medica</i>		6. 20.
<i>Mala citria</i>	14. 30	<i>Medion</i>		9. 28.
<i>Mala herba</i>	3. 59	<i>Melamphillon</i>		8. 24.
<i>Malefici</i>	8. 39	<i>Melampodium</i>		15. 28.
<i>Maligia</i>	16. 42	<i>Melampyron</i>		9. 35.
<i>Malinathalle</i>	10. 3	<i>Melanchania</i>		4. 60.
<i>Malope</i>	4. 63	<i>Melangula</i>		3. 59.
<i>Malva</i>	14. 30	<i>Melanthion</i>		15. 11.
<i>Malua arborescens</i>	14. 30	<i>Melanthes</i>	S. 15.	16.
<i>Malua sylvestris</i>	14. 32	<i>Meleghetta</i>		9. 37.
<i>Malum aureum</i>	14. 31	<i>Melfrugum</i>	4. 56. &	6. 17.
<i>Malum granatum</i>	5. 16	<i>Melia</i>		2. 13.
	3. 60	<i>Meliaflos</i>		6. 17.

I N D E X.

<i>Melica</i>	4. 53	<i>Mochis</i>	6. 8
<i>Melilotos</i>	12. 12	<i>Mollugo</i>	8. 10
<i>Melilotum</i> 6. 17, 22. ♂	12. 12.	<i>Mollucca</i>	11. 24
♂	15. 8	<i>Moly</i>	9. 2
<i>Meline</i>	4. 52	<i>Moly Diſcoridis</i>	10. 11
<i>Melinum</i>	11. 20	<i>Moly homericum</i>	10. 9
<i>Melissa</i>	11. 25	<i>Monoclonos Artemis</i>	12. 9
<i>Melissophyllum</i>	11. 25	<i>Montapium</i>	7. 41
<i>Melligo</i>	11. 20	<i>Mora herba</i>	11. 37
<i>Mellone</i>	5. 5.	<i>Morbidelli</i>	4. 14
<i>Melon</i>	5. 5.	<i>Morella</i>	11. 37
<i>Melopepon</i>	5. 5.	<i>Morsus diaboli</i>	13. 58
<i>Melothon</i>	5. 7	<i>Morsus gallinae</i>	6. 53
<i>Memecylon</i>	3. 19	<i>Morus</i>	3. 3
<i>Mencipepe</i>	11. 53	<i>Morus egyptia</i>	3. 2
<i>Menta</i>	11. 64	<i>Mostocaryon</i>	2. 49
<i>Menta faracenica</i>	12. 12	<i>Mughettus</i>	5. 34
<i>Mentastrum</i>	11. 64	<i>Mula</i>	16. 8
<i>Menzuculus</i>	5. 26	<i>Muris auricula</i>	8. 27
<i>Merauiglia</i>	4. 26	<i>Musa</i>	2. 47
<i>Mercurialis</i>	8. 2	<i>Muscus</i>	16. 21
<i>Mesoleucon</i>	11. 31	<i>Muscus marinus</i>	16. 24
<i>Messiliotertium genus</i>	3. 13	<i>Myacantha</i>	5. 26
<i>Mespilus</i>	3. 15	<i>Myagros</i>	9. 35
<i>Mespilus aronia</i>	3. 14	<i>Myelotonon</i>	12. 33
<i>Meu</i>	7. 12	<i>Myosotis</i>	4. 37. ♂ 8. 27
<i>Mezereon</i>	4. 8	<i>Myrica</i>	3. 47
<i>Miccia</i>	4. 9	<i>Myristicanux</i>	2. 49
<i>Milesium</i>	16. 30	<i>Myriophillon</i>	6. 60
<i>Milium</i>	4. 51	<i>Myrobalanus</i>	2. 45
<i>Milium indicum</i>	4. 53	<i>Myrrha</i>	2. 29
<i>Milium solis</i>	11. 10	<i>Myrris</i>	7. 28
<i>Millefolium</i> 6. 60. ♂	12. 10, 11	<i>Myrsinites</i>	9. 10
<i>Mileu</i>	3. 54	<i>Myrtaria</i>	9. 10
<i>Milkadella</i>	11. 31	<i>Myrtbus</i>	3. 49
<i>Milybdena</i>	4. 33	<i>Myrthus sylvestris</i>	5. 28
<i>Mintha</i>	11. 64	<i>Mysineum</i>	7. 9
<i>Mirabolani</i>	2. 46	<i>Myna</i>	2. 18
<i>Misy</i>	16. 38		
<i>Mitridation</i>	10. 18		
<i>Mnajsum</i>	4. 64		

I N D E X.

N.

NAPELLVS	15. 32
<i>Napellus Moysi</i>	15. 35
<i>Napus</i>	7. 42. ♂ 8. 57.
<i>Napy</i>	8. 61
<i>Narcissus</i>	10. 22, 25
<i>Narcissus aquaticus</i>	10. 24
<i>Narcissus authuninalis</i>	10. 25
<i>Narcissus latens</i>	10. 21
<i>Narcissus marinus</i>	10. 23
<i>Nardum</i>	16. 27
<i>Nardum gallicum</i>	4. 4
<i>Nardum montanum</i>	4. 3
<i>Nardum sylvestre</i>	9. 36
<i>Narthecia</i>	7. 2
<i>Narthen</i>	7. 2
<i>Nasso</i>	3. 54
<i>Nasturtium</i>	8. 70
<i>Nauone</i>	8. 57
<i>Nelea</i>	3. 19
<i>Nenifarum</i>	10. 21. ♂ 15. 7
<i>Nepa</i>	3. 37
<i>Nepita</i>	11. 61
<i>Nerion</i>	3. 41
<i>Neris</i>	4. 3
<i>Neuras</i>	8. 6
<i>Nicholai</i>	2. 48
<i>Nigella</i>	12. 26. ♂ 15. 11
<i>Nigella Citrina</i>	9. 37
<i>Noccum</i>	4. 64
<i>Numularia</i>	6. 56
<i>Nux Auellana</i>	2. 6
<i>Nux Euboica</i>	2. 4
<i>Nux Graeca</i>	2. 14
<i>Nux Hercules</i>	2. 6
<i>Nux Indica</i>	2. 48, 49
<i>Nux Ingians</i>	2. 5
<i>Nux metel</i>	2. 50. ♂ 5. 17
<i>Nux muscata</i>	2. 49

Nux Pontica
Nux Vomica
Nymphaea 10. 33. ♂ 15. 7

2. 6
 2. 50
 2. 15. 7

O.

OCHRVS	6. 6
<i>Ocimoides</i>	6. 47
<i>Ocimum</i>	11. 59
<i>Oculus</i>	15. 20
<i>Oculus canis</i>	8. 21
<i>Oculus Christi</i>	6. 44
<i>Oculus Vacce</i>	12. 23
<i>Odontides</i>	6. 52
<i>Oenanthe</i>	3. 18. ♂ 14. 14
<i>Oenothera</i>	6. 70
<i>Olea</i>	2. 35
<i>Oleagnis</i>	3. 46
<i>Oleandrum</i>	3. 41
<i>Oleaster</i>	2. 35
<i>Oleastrum</i>	3. 48
<i>Oleum syracinum</i>	2. 34
<i>Olibanum</i>	2. 28
<i>Oliuella</i>	4. 7
<i>Olusastrum</i>	7. 43
<i>Olyra</i>	4. 43, 45
<i>Omphalocarpum</i>	8. 9
<i>Onagra</i>	6. 70, 71
<i>Onobrychis</i>	6. 35
<i>Ononis</i>	6. 21
<i>Ontanum</i>	2. 8
<i>Onuris</i>	6. 70
<i>Opheostaphyli</i>	15. 6
<i>Ophieglossa</i>	16. 17
<i>Ophiocorodon</i>	10. 16
<i>Ophiostaphylos</i>	5. 7
<i>Ophrys</i>	10. 48
<i>Opium</i>	15. 9
<i>Opobalsamum</i>	2. 26
<i>Opalus</i>	2. 12
<i>Orchys</i>	10. 46
	Op-

I N D E X.

<i>Ordeola</i>	4. 45	<i>Panax Herculeum</i>	9. 93.
<i>Oreoselinon</i>	7. 41	<i>Panaceolus</i>	7. 29.
<i>Origanum Creticum</i>	11. 51	<i>Paneratium</i>	10. 8. 9.
<i>Origanum italicum</i>	11. 52	<i>Panicastrella</i>	4. 58.
<i>Ornithogalon</i>	10. 10	<i>Panicum</i>	4. 52.
<i>Ornus</i>	2. 3. 13	<i>Panicum Indicum</i>	4. 54.
<i>Orobanche</i>	8. 39. 41	<i>Panicum sylvestre</i>	4. 58.
<i>Orobus</i>	6. 8.	<i>Panis Turcarum</i>	5. 8.
<i>Oryza</i>	4. 50	<i>Panporcinus</i>	9. 38.
<i>Oryza sylvestris</i>	4. 58	<i>Papaue</i>	15. 9.
<i>Os leonis</i>	8. 26. 52	<i>Papaue corniculatum</i>	6. 74.
<i>Ostrutium</i>	7. 49	<i>Papaue erraticum</i>	15. 10.
<i>Ostrya</i>	2. 7	<i>Papaue herculanum</i>	6. 49.
<i>Ostrya</i>	2. 7	<i>Papaue stumeum</i> 6. 49. ♂	13. 55.
<i>Osyris</i>	8. 14. 52	<i>Pappus</i>	13. 58.
<i>Osyris Pliny</i>	4. 12	<i>Papyrus</i>	4. 65.
<i>Osyrites</i>	8. 52	<i>Paralios</i>	9. 9.
<i>Othonna</i>	12. 43	<i>Paralyfis herba</i>	6. 57.
<i>Oxalis</i>	4. 30	<i>Parietaria</i>	4. 38.
<i>Oxya</i>	2. 3	<i>Paris herba</i>	15. 13.
<i>Oxyacantha</i>	3. 13	<i>Paronichia</i> 6. 54. ♂	15. 24.
<i>Oxyacanthus</i>	3. 16	<i>Parthenon</i> 4. 38. ♂	12. 24.
<i>Oxycedrus</i>	3. 58	<i>Parthenion microphyllum</i>	12. 8.
<i>Oxilaphathum</i>	4. 29	<i>Pastinaca</i> 7. 20. 21. 56. 56.	
<i>Oxyphenica</i>	3. 30	<i>Pastruccianum</i>	7. 21.
<i>Oxis</i>	15. 2	<i>Patetom</i>	2. 48.
<i>Oxychanum</i>	4. 60	<i>Pecilen veneris</i>	14. 29.
<i>Oxytriphyllum</i>	6. 18	<i>Pedes gallinacei</i>	6. 66. 77.
P.			
<i>Palatium leporis</i>	5. 26	<i>Pederota</i>	7. 41.
<i>Paliurus</i>	3. 24. 25	<i>Pederotos</i>	8. 24.
<i>Palma</i>	2. 46	<i>Pedicularis herba</i>	15. 31.
<i>Palma Christi</i>	10. 47	<i>Peganos</i>	15. 14.
<i>Paludapium</i>	7. 38. 39	<i>Pelecinon</i>	6. 30.
<i>Pampina paradisi</i>	5. 38	<i>Pentapetes</i>	14. 19.
<i>Panacea</i>	7. 53	<i>Pentaphyllum</i>	14. 19.
<i>Panax</i>	7. 46. 47	<i>Peplis</i>	9. 16.
<i>Panax Asclepium</i>	7. 4	<i>Peplium</i>	9. 16.
<i>Panax crironium</i> 7. 49. ♂	9. 46.	<i>Peplus</i>	9. 15.
<i>O</i>	12. 42	<i>Pepolina</i>	11. 55.
		<i>Pepon</i>	5. 5.
		<i>Peponess</i>	5. 5.
		<i>Per-</i>	

I N D E X.

<i>Perdicium</i>	4. 38	<i>Piper indicum</i>	5. 22
<i>Perfoliata</i>	7. 34	<i>Piper italicum</i>	3. 12
<i>Perforata</i>	9. 41	<i>Piperis radix</i>	4. 62. &
<i>Periclimenon</i>	5. 11	<i>Piperitis</i>	5. 2
<i>Perlara</i>	4. 58	<i>Piperus</i>	4. 65
<i>Periploca</i>	3. 42	<i>Pirola</i>	8. 32
<i>Peristereon recta</i>	11. 33	<i>Pirum insanum</i>	5. 15
<i>Peristereon supina</i>	11. 32	<i>Pirus</i>	3. 62
<i>Perse</i>	11. 57	<i>Piseolus</i>	6. 3
<i>Persea</i>	2. 19	<i>Piseolus Viridis</i>	6. 4
<i>Perseca</i>	2. 17	<i>Pistacia</i>	2. 44
<i>Persecaria</i>	4. 34	<i>Pistacea sylvestris</i>	3. 44
<i>Persecaria minor</i>	4. 35. & 6. 65	<i>Pistochia</i>	6. 75. 76. & 15. 5
<i>persolata</i>	13. 50	<i>Pisum</i>	6. 4
<i>personata</i>	13. 50	<i>Pitys</i>	3. 52
<i>pes anserinus</i>	4. 25	<i>Pityusa</i>	9. 6. 7
<i>pes columbinus</i>	14. 25. 26	<i>Phacordes</i>	4. 40
<i>pes corvinus</i>	14. 2	<i>Phacos</i>	6. 10
<i>pes gallinaceus</i>	7. 19	<i>Phalangium</i>	10. 27. 28
<i>pes leonis</i>	14. 24	<i>Phalaris</i>	4. 66
<i>pes leporinus</i>	6. 19	<i>Pharnaceon</i>	7. 45. & 12. 42
<i>pes leporis</i>	5. 15	<i>Phaselus</i>	6. 14
<i>Petasites</i>	12. 20	<i>Phaseoli</i>	6. 3.
<i>Petroniamon</i>	5. 35	<i>Phascoli</i>	6. 3.
<i>Petroselinon</i>	7. 43	<i>Phellodrys</i>	2. 2
<i>Petroselinum</i>	7. 37	<i>Iphenion</i>	14. 9
<i>Petroselinum Macedonicum</i>	7. 57	<i>Philantropon</i>	8. 9.
<i>Petroselinum sylvestre</i>	7. 42	<i>Philthren</i>	6. 37
<i>Peuce</i>	3. 52	<i>Phlyca</i>	2. 36
<i>Peucedanum</i>	7. 6	<i>Phlyra</i>	2. 10
<i>Pezica</i>	16. 39	<i>Phlyramas</i>	2. 37
<i>Picea</i>	3. 52	<i>Phillyrea</i>	2. 36
<i>Picris</i>	13. 8	<i>Phleus</i>	13. 48
<i>Pila marina</i>	16. 30	<i>Phlogion</i>	9. 40
<i>Pilosella</i>	13. 18	<i>Phlomides</i>	6. 57. 58
<i>Pimpinella</i>	7. 57. & 8. 5	<i>Phlomos</i>	8. 46
<i>Pimpinella Romana</i>	7. 58.	<i>Phlos</i>	9. 40
<i>Pinaster</i>	3. 52	<i>Phanicia herba</i>	4. 58
<i>Pinus</i>	3. 52	<i>Phanicobalani</i>	2. 46
<i>Piper</i>	2. 22	<i>Phenix</i>	4. 58.
<i>Piperella</i>	2. 27. & 11. 47. 55	<i>Phenos</i>	3. 50. & 13. 44
		<i>Phry-</i>	

I N D E X.

<i>Phrynyon</i>	8. 6	<i>Potentilla</i>	14. 23
<i>Phis</i>	4. 2	<i>Poterium</i>	8. 6
<i>Phycos</i>	16. 24, 25	<i>Pothos</i>	10. 5
<i>Phyllitis</i>	16. 7	<i>Potulaca</i>	3. 19
<i>Phyllon</i>	8. 2. 30	<i>Prasura</i>	13. 36
<i>Phytheuma</i>	9. 30	<i>Prasion</i>	11. 26
<i>placida</i>	2. 2	<i>Praeson</i>	10. 12
<i>planta Domini</i>	8. 46	<i>Prateoli</i>	16. 45
<i>Plantago</i>	8. 16, 17	<i>Primula veris</i>	6. 57. ♂
<i>Plantago aquatica</i>	14. 15	<i>Prunica</i>	8. 29
<i>Platanus</i>	2. 11	<i>Prunella</i>	11. 37
<i>Platocymimum</i>	7. 32	<i>Prunuli</i>	16. 43
<i>Platypbyllos</i>	9. 12	<i>Prunus</i>	2. 15
<i>podagraria</i>	8. 41	<i>Prunus albus</i>	3. 13
<i>paonia</i>	15. 36	<i>Pseudanachusa</i>	11. 8
<i>Polemonia</i>	6. 50	<i>Pseudobunium</i>	7. 42
<i>polium montanum</i>	11. 44	<i>Pseudo cyperus</i>	4. 64
<i>Pollicaria</i>	12. 40	<i>Pseudo dictamnus</i>	11. 27
<i>Polyacantha</i>	13. 36	<i>Pseudo ligusticum</i>	7. 46
<i>Polyanthemon</i>	14. 2	<i>Pseudo nardum</i>	11. 46, 58. ♂
<i>Polyclonos</i>	12. 5		16. 27
<i>Polyclonos Artemisia</i>	12. 36	<i>Psfora</i>	13. 57
<i>Polyencemon</i>	11. 37	<i>Psychotrophon</i>	11. 21
<i>Polygala</i>	6. 24	<i>Pfyllium</i>	8. 21
<i>Polygonaton</i>	5. 32. 33	<i>Ptarmica</i>	12. 25. ♂
<i>Polygonum</i>	4. 36	<i>Ptelea</i>	2. 9
<i>Polygonus fæmina</i>	16. 15	<i>Pteris</i>	16. 2. 3
<i>Polypodium</i>	16. 6	<i>Pugio</i>	10. 35
<i>Polyrrhicon</i>	6. 76. ♂	<i>Pulegium</i>	11. 60
<i>Polytricum</i>	16. 11. 12	<i>Pulicaria</i>	8. 21. ♂
<i>Polytricum Apulei</i>	16. 21	<i>Pulmonaria</i>	11. 5. ♂
<i>Pondina</i>	6. 54	<i>Pulmonaria Romana</i>	11. 5
<i>Poncinus</i>	3. 59	<i>Pulsatilla</i>	14. 11
<i>Populus</i>	3. 45	<i>Pungitopum</i>	5. 28
<i>Porcellia</i>	13. 2	<i>Punica</i>	3. 60
<i>Porcini</i>	16. 42	<i>Putine</i>	2. 37
<i>Porrum</i>	10. 12. ♂	<i>Puce</i>	16. 39
<i>Portulaca</i>	6. 61	<i>Pyracantha</i>	3. 13
<i>Portulaca sylvestris</i>	6. 37.	<i>Pyraster</i>	3. 62
♂	9. 16	<i>Pyrethrum</i>	7. 30. ♂
<i>Potamogeton</i>	8. 22. ♂	<i>Pyrina</i>	12. 23
	16. 16		3. 13
			e Pyrus

I N D E X.

<i>Pyrus</i>	3.	62	<i>Rheubarbarum</i>	4.	29		
<i>Pyxacantha</i>	3.	16	<i>Rheum</i>	4.	29		
			<i>Rhodacena</i>	2.	17		
			<i>Rhododapne</i>	3.	41		
			<i>Rhododendron</i>	3.	41		
Q.			<i>Rhodedrendron Alpinum</i>	15.	17		
QVERCULA	11.	40	<i>Rhoens</i>	15.	10		
<i>Quercus</i>	2.	2	<i>Rhophilon</i>	15.	7		
<i>Quercus marina</i>	16.	34	<i>Rhus coriariorum</i>	2.	41		
<i>Quinquefolium</i>	14.	19	<i>Rhus obsoniorum</i>	2.	42		
<i>Quinquenernia</i>	8.	16	<i>Ribes</i>	3.	12		
<i>Quisquilium</i>	2.	2	<i>Ricinus</i>	9.	19		
			<i>Risum</i>	4.	50		
R.			<i>Robur</i>	2.	2		
RADICCHIELLA	15.	28	<i>Rosa</i>	3.	10		
<i>Radicula</i>	6.	48.	<i>Rosagreca</i>	6.	43		
<i>Radix</i>			<i>Rosa Hirci</i>	2.	23		
<i>Rafanus montanus</i>			<i>Rosa marina</i>	16.	28.	30	
<i>Ragadiolus</i>	13.	10	<i>Rosa Sancte Marie</i>	2.	23		
<i>Ragaggiolo</i>	13.	10	<i>Rosmarinum</i>	7.	44		
<i>Ranunculus</i>	14.	2, 3, 4,	<i>Rosmarinum coronarium</i>	11.	45		
<i>Ranunculus purpureus</i>	14.	6	<i>Rosolaccium</i>	15.	10		
<i>Rapa</i>			<i>Rubeatinctorum</i>	8.	8		
<i>Rapa sylvestris</i>	8.	59.	<i>Rubertiana</i>	14.	28		
<i>Rapus</i>			<i>Rubia</i>	8.	8		
<i>Rapum sylvestre</i>			<i>Rabilium</i>	6.	6		
<i>Rapunculus</i>			<i>Rubus</i>	3.	11		
<i>Rapys</i>			<i>Rubus caninus</i>	3.	10		
<i>Rauanellus</i>			<i>Ruca</i>	8.	61		
<i>Reflincortex</i>			<i>Rumex</i>	4.	29		
<i>Regamum</i>	11.	52	<i>Ruscus</i>	5.	28		
<i>Rena herba</i>	7.	49	<i>Ruta</i>	15.	14		
<i>Rha</i>	4.	29	<i>Ruta sylvestris</i>	8.	50.	9.	2
<i>Rhabarbarum</i>							
<i>Rhamnus</i>	4.	29					
	2.	28					
<i>Rhamnus tertia</i>	3.	25	S.				
<i>Rhaphanis</i>	8.	55	ABINA	3.	57		
<i>Rhaphanus</i>	8.	54	<i>Saccarum</i>	4.	56		
<i>Rhaponticum</i>	4.	29	<i>Sacolla</i>	9.	37		
<i>Raphys</i>	8.	57	<i>Sacra herba</i>	11.	32		
<i>Rhaued</i>	4.	29	<i>Sagapenum</i>	7.	2.	50	
			<i>Sagina</i>	4.	53		
					54-		

I N D E X.

<i>Sagitta</i>	14. 16	<i>Scabiosa</i>	13. 57, 58
<i>Salicastrum</i>	5. 10	<i>Scabiosa arborescens</i>	13. 60
<i>Salvia domestica</i>	11. 15	<i>Scamonea</i>	9. 22
<i>Salvia sylvestris</i>	11. 16	<i>Scamonia</i>	9. 22
<i>Saliunca</i>	4. 4	<i>Scamonia tenuis</i>	9. 24
<i>Salix</i>	3. 46	<i>Scamonium maius</i>	9. 23
<i>Salsicortus</i>	2. 2	<i>Scandella</i>	4. 45
<i>Salsola</i>	4. 39. 40	<i>Scandix</i>	7. 24
<i>Sambach</i>	4. 10	<i>Scarola</i>	13. 2. 20
<i>Sambucus</i>	3. 4	<i>Scarleggia</i>	11. 17
<i>Sampfucum</i>	11. 56	<i>Scargie</i>	16. 47
<i>Sanamunda</i>	14. 12	<i>Scarola</i>	13. 19
<i>Sancta Maria herba</i>	12. 12	<i>Scarsapepe</i>	11. 53
<i>Sancti Alberti herba</i>	8. 65	<i>Scerbrum</i>	9. 7
<i>Sancti Antonij herba</i>	8. 60	<i>Schanianthos</i>	4. 69
<i>Sancti Francisci spina</i>	13. 28	<i>Schianza</i>	4. 68
<i>Sancti Iacobi herba</i>	12. 37	<i>Sciisma</i>	2. 3
<i>Sancti Laurentij herba</i>	11. 36	<i>Scitica</i>	6. 41
<i>Sandali</i>	3. 36	<i>Selarea</i>	11. 17
<i>Sanguen</i>	3. 26	<i>Selarea sylvestris</i>	11. 18
<i>Sanguinella</i>	4. 57	<i>Scolopendria</i>	16. 7
<i>Sanguis draconis</i>	2. 32. ♂	<i>scolopendrion</i>	16. 19
<i>Sanicula</i>	14. 22	<i>scolymus</i>	13. 33, 36
<i>Santolina</i>	12. 7	<i>Scopa</i>	3. 20
<i>Santonicum</i>	12. 4	<i>Scopa regia</i>	11. 17
<i>Saponaria</i>	6. 48	<i>Scordium</i>	11. 42
<i>Sarcocolla</i>	2. 33	<i>Scorodon</i>	10. 15
<i>Sardoa herba</i>	14. 2	<i>Scorodoprason</i>	10. 14
<i>Sari</i>	4. 65	<i>Scorpio</i>	6. 25. ♂
<i>Sarxiphagon</i>	6. 45, 46	<i>Scorpioides</i>	12. 33
<i>Sarzparilla</i>	5. 27	<i>Scorpius</i>	11. 12
<i>Sarsafraſs</i>	2. 24	<i>Scorpiuros</i>	3. 37
<i>Saffefrica</i>	13. 23	<i>Scorzonera</i>	11. 11, 12
<i>Satania</i>	3. 15	<i>Scotanum</i>	13. 25
<i>Satureia</i>	11. 49	<i>Scrofularia</i>	2. 39
<i>Satyrium</i>	10. 45, 46	<i>Scrofularia maior</i>	13. 15
<i>Satyricum baſilicum</i>	10. 47	<i>Scrofularia minor</i>	8. 49
<i>Satyrium regium</i>	10. 47	<i>Scylla</i>	14. 7
<i>Saxifraga</i>	4. 40. ♂	<i>Sebæſten</i>	10. 8
	6. 46. ♂	<i>Secacul</i>	2. 18
	7. 47.	<i>Securidaca</i>	10. 44
<i>Saxifragia</i>	6. 45. ♂		6. 30, 31, 32
	7. 57. ♂		e 2 Se-

I N D E X.

<i>securinta</i>	6. 30	<i>sideritis</i>	11. 13
<i>Sedum</i>	15. 20, 21, 22	<i>Sideritis Achillea</i>	12. 10
<i>Selago</i>	4. 13	<i>Sideritis Herculea</i>	11. 35
<i>Selinon</i>	7. 37	<i>Sideritis secunda</i>	8. 50
<i>Semen</i>	4. 43, 44	<i>Sideritis tertia</i>	14. 28
<i>Semen sanctum</i>	12. 3	<i>Sigillum Sancte Mariae</i>	10. 49
<i>Semperium</i>	15. 20, 21, 22	<i>Sigillum Solomonis</i>	10. 49
<i>Semperium maritimum</i>	4. 13	<i>Silago</i>	8. 19
<i>Semyda</i>	3. 45	<i>Silaus</i>	7. 26
<i>Sena</i>	3. 39	<i>Siler</i>	30. 50. ♂ 7. 31
<i>Sena herba</i>	6. 36	<i>Siler montanum</i>	7. 32
<i>Senecio</i>	13. 51	<i>Silicia</i>	6. 15
<i>Serapies</i>	10. 46	<i>Siligo</i>	4. 42
<i>Serica ma'er Tuberis</i>	3. 21, 24	<i>Siliqua</i>	6. 3
<i>Seriphium</i>	12. 3	<i>Siliqua arbor</i>	3. 27
<i>Seris</i>	13. 2	<i>Siliquastrum</i>	5. 22
<i>Sephinicum</i>	12. 3	<i>Siliqua sylvestris</i>	3. 29
<i>Seris</i>	13. 2	<i>Silis semen</i>	7. 33
<i>Sermontanum</i>	7. 32	<i>Silium</i>	3. 50
<i>Serpentaria</i>	4. 33. ♂ 5. 35	<i>Silphion</i>	7. 48
<i>Serpentina</i>	8. 20	<i>Silybum</i>	13. 37
<i>Serpillum</i>	11. 54	<i>Sinapi</i>	8. 61
<i>Serpillum citratum</i>	11. 52	<i>Sinon</i>	7. 40
<i>Serpillum rectum</i>	11. 47. 55	<i>Sion</i>	7. 39
<i>Serralia</i>	13. 20	<i>Siracost</i>	2. 13
<i>Serretta</i>	13. 53	<i>Siringa</i>	3. 9
<i>Sertula campana</i>	12. 12	<i>Sisarum</i>	7. 55, 56
<i>Sesama</i>	8. 79. ♂ 9. 33	<i>Siseleos</i>	7. 31
<i>Sesamoides</i>	9. 34. ♂ 15. 28	<i>Siser</i>	7. 55. 56
<i>Sefeli Aethyopicum</i>	7. 34. 35	<i>Sison</i>	7. 40
<i>Sefeli Creticum</i>	7. 33	<i>sitanium triticum</i>	4. 42
<i>Sefeli Maßiliense</i>	7. 31	<i>Sisymbrium</i>	11. 64
<i>Sefeli Pepoponense</i>	7. 32	<i>Sisymbrium aquaticum</i>	8. 68
<i>Setunea</i>	3. 15	<i>Sisymbrium sylvestre</i>	8. 69
<i>Sferra cauallo</i>	6. 32	<i>Smilax arbor</i>	3. 54
<i>Sicaminon</i>	3. 2	<i>Smilax aspera</i>	5. 12
<i>Sicemorus vulgaris</i>	3. 23	<i>Smilax hortensis</i>	6. 14
<i>Sicya</i>	5. 5	<i>Smilax inter Glandiferas</i>	2. 2
<i>Sicyos</i>	5. 5	<i>Smilax leuis</i>	4. 10
<i>Sicyos sylvestre</i>	5. 6	<i>Smirnium</i>	7. 43
<i>Sicys</i>	5. 5	<i>Soda</i>	4. 40
			<i>sola-</i>

I N D E X.

<i>Solanum arborescens</i>	5. 23	<i>Squinantum</i>	4. 69
<i>Solanum furiosum</i>	5. 16	<i>Stachys</i>	II. 20. 46
<i>Solanum hortense</i>	5. 15	<i>Stachytes</i>	8. 22
<i>Solanum manicum</i>	5. 16, 17, 18	<i>Stacte</i>	2. 29
<i>Solanum somniferum</i>	5. 21	<i>Staphisagria</i>	15. 31
<i>Solaris herba</i>	II. 11	<i>Staphylinus</i>	7. 20, 21
<i>Solatrum maius</i>	5. 18	<i>Staphylocladon</i>	3. 44
<i>Solatrum minus</i>	5. 19	<i>Stephion</i>	7. 48
<i>Soldanella</i>	9. 26	<i>Stelephuros</i>	8. 16
<i>Somphos</i>	5. 3	<i>Stelis</i>	13. 7
<i>Sonchus</i>	13. 11	<i>Stellaria</i>	8. 19
<i>Sopragine</i>	13. 22	<i>Stellaria</i>	13. 48. ♂
<i>Sorbastrella</i>	8. 5	<i>Stiba</i>	13. 48
<i>Sorbus</i>	3. 63	<i>Sticados</i>	11. 46
<i>Sorbus torminalis</i>	13. 64	<i>Stabe</i>	13. 48
<i>Sparganium</i>	4. 67	<i>Stæcados</i>	11. 46
<i>Sparton</i>	3. 35	<i>Stæchas</i>	11. 46
<i>Sparton</i>	3. 35	<i>Stæchas citrina</i>	12. 13
<i>Spatula fatida</i>	10. 38	<i>Stoppine</i>	13. 43
<i>Spelta</i>	4. 44	<i>Storax</i>	2. 34
<i>Sphacelus</i>	II. 15	<i>Stramonia</i>	5. 17
<i>Sphagnos</i>	16. 23	<i>Stratiotes aquatica</i>	16. 36
<i>Sphendanos</i>	2. 12	<i>Stratiotes terrefris</i>	12. 11
<i>Sphondylium</i>	7. 54	<i>Strobilus</i>	3. 52
<i>Spica Celtica</i>	4. 4, ♂	<i>Strumea</i>	14. 7
<i>Spica Italica</i>	16. 22	<i>Strumum</i>	5. 18
<i>Spica Nardi</i>	11. 46	<i>Struthia</i>	3. 61
<i>Spina</i>	16. 27	<i>Struthium</i>	6. 49
<i>Spina alba</i>	8. 24	<i>Struthos</i>	6. 48
<i>Spina Arabica</i>	13. 40	<i>Strychnos</i>	13. 52
<i>Spina candida</i>	13. 41	<i>Styrax</i>	5. 15
<i>Spina cerualis</i>	13. 49	<i>Suber</i>	2. 34
<i>Spina Christi</i>	3. 17	<i>Suberella</i>	2. 2
<i>Spinacia</i>	3. 37	<i>Succinum</i>	2. 2
<i>Spina marruca</i>	4. 28	<i>Succisa</i>	3. 45
<i>Splachnon</i>	3. 25	<i>Suilli</i>	13. 58
<i>Splenion</i>	16. 23	<i>Sumach</i>	16. 42
<i>Splith</i>	16. 8	<i>Sycaminor</i>	2. 42
<i>Spodium de Canna</i>	6. 76	<i>Sycis</i>	3. 3
<i>Spondylus</i>	4. 56	<i>Sycomorus</i>	3. 1
<i>Spuma maris</i>	13. 34	<i>Symphyton</i>	3. 2
	16. 30		11. 7
			Sym-

I N D E X.

<i>Sympyllum petreum</i>	II. 44, 50	<i>Thermon</i>	8. 26
<i>Syringa</i>	4. 59	<i>Tblaſpi</i>	8. 74, 76
<i>Syringia</i>	4. 59	<i>Tblaſpi Creticum</i>	8. 77
		<i>Tblaſpi magnum</i>	8. 78
		<i>Thridacine</i>	I3. 20, 22
		<i>Thryalis</i>	6. 57
T <i>ABACCUS</i>	8. 43	<i>Thryallis</i>	6. 57. ♂ 8. 18
<i>Tabasir</i>	4. 56	<i>Thuia</i>	3. 56
<i>Tabaxir</i>	4. 56	<i>Thus</i>	2. 28
<i>Tæda</i>	3. 52	<i>Thus terra</i>	I1. 43
<i>Tamarindus</i>	3. 30	<i>Thya</i>	3. 56
<i>Tamarix</i>	3. 47	<i>Thylacitis</i>	4. 3
<i>Tamarum</i>	5. 9	<i>Thymbra</i>	I1. 49
<i>Tanacetum</i>	I2. 8	<i>Thymelea</i>	4. 8
<i>Taraxacon</i>	I3. 2, 3	<i>Thymum Creticum</i>	I1. 47
<i>Tarcon</i>	14. 36	<i>Thymum italicum</i>	I1. 48
<i>Targone</i>	14. 36	<i>Thypha palustris</i>	4. 68
<i>Tartufi</i>	16. 38	<i>Tignamica</i>	I2. 13
<i>Tarum</i>	2. 27	<i>Tilia</i>	2. 10
<i>Taura</i>	14. 8	<i>Tiliamis</i>	2. 37
<i>Tassus barbassus</i>	8. 46	<i>Tinum</i>	2. 40
<i>Taxus</i>	3. 54	<i>Tipha</i>	4. 44
<i>Telephium</i>	6. 37. ♂ 15. 22	<i>Tithymalus</i>	9. 4, 5
<i>Telis</i>	6. 15	<i>Tordile</i>	7. 33
<i>Tembul</i>	2. 25. ♂ 8. 23	<i>Tordilium</i>	7. 33, 58
<i>Terebinthus</i>	2. 44	<i>Tomentilla</i>	I4. 21
<i>Tereniabin</i>	2. 13	<i>Tornabona</i>	8. 43
<i>Terracrepulus</i>	I3. 14	<i>Tora herba</i>	I4. 8
<i>Tertiola</i>	I1. 34	<i>Tragacanta</i>	8. 7
<i>Testiculorum genera</i>	10. 46	<i>Tragion</i>	6. 25
<i>Testiculus sacerdotis</i>	14. 7	<i>Tragium</i>	8. 5
<i>Testiculus vulpis</i>	10. 45	<i>Tragium Creticum</i>	8. 6
<i>Teucrion</i>	16. 8	<i>Tragopagon</i>	I3. 23, 24, 25
<i>Teucrium</i>	I1. 41	<i>Tragoriganum</i>	I1. 52
<i>Teuthrion</i>	I1. 44	<i>Trages</i> 4. 39, 40. ♂ 6. 25	
<i>Thaliethron</i>	9. 3	<i>Tragum</i>	4. 45
<i>Thapsia</i>	7. 3	<i>Trasi</i>	4. 63
<i>Thebaides</i>	2. 46	<i>Trias</i>	I4. 8
<i>Theligonon</i>	8. 2, 30	<i>Tribulus</i>	4. 27
<i>Thelyphorus</i>	I2. 33	<i>Trichomenes</i>	I6. 11, 12
<i>Theriacaria</i>	6. 13	<i>Trichophyllum</i>	I6. 24
			<i>tri-</i>

I N D E X.

<i>Tricoccum</i>	9. 20	<i>Verbenaca</i>	II. 32
<i>Trifolium</i>	6. 16	<i>Verbenaca recta</i>	8. 36. & II. 33
<i>Trifolium balsaminum</i>	6. 17	<i>Verdemarcum</i>	9. 3
<i>Trifolium bituminosum</i>	6. 18	<i>Veriquerces</i>	2. 2
<i>Trifoli</i>	6. 17	<i>Vermicularia</i>	15. 21
<i>Trinitas</i>	9. 40. &	<i>Vermicularia arborescens</i>	4. 13
<i>Trionum</i>	4. 26	<i>Vernella</i>	4. 42
<i>Tryphyllo</i>	6. 18	<i>Vernilago</i>	13. 34. 38
<i>Tripluli</i>	6. 17	<i>Veronica famina</i>	6. 67
<i>Trifago</i>	II. 40	<i>Veronica mas</i>	8. 27
<i>Triticum</i>	4. 42	<i>Verrucaria</i>	II. 11. 12
<i>Triticum sylvestre</i>	4. 47	<i>Vescaria</i>	5. 20. & 9. 21
<i>Trogetes</i>	3. 56	<i>Verzinum</i>	3. 36
<i>Tuber</i>	3. 21. 22	<i>Vesce</i>	16. 39
<i>Tubera</i>	16. 38	<i>Vetricae</i>	3. 46
<i>Tuber terre</i>	9. 35	<i>Viburnum</i>	2. 41
<i>Tunica</i>	6. 45	<i>Vicia</i>	6. 11
<i>Tunisiberba</i>	6. 45	<i>Vincaprouinca</i>	8. 29
<i>Turca herba</i>	4. 20	<i>Vinciboscum</i>	5. 11
<i>Turbith</i>	7. 3	<i>Vincitoxicum</i>	6. 72. 79
<i>Turini</i>	16. 45	<i>viola alba</i>	8. 80
<i>Turpetum</i>	7. 3	<i>Viola damascena</i>	6. 45
<i>Turpetum album</i>	9. 8	<i>Viola flammea</i>	9. 40
<i>Turpetum nigrum</i>	9. 6	<i>Viola matronalis</i>	8. 80
<i>Tusillago</i>	II. 17. &	<i>Viola nigra</i>	9. 39
	12. 21	<i>Viola purpurea</i>	9. 39
		<i>Virga aurea</i>	12. 41. 42
		<i>Virga pastoris</i>	13. 27
		<i>Virgaregia</i>	8. 47
		<i>Virga sanguinea</i>	3. 26
		<i>Viscago</i>	6. 49
<i>Velenium</i>	12. 33	<i>Viscum</i>	3. 7
<i>Venenum terre</i>	15. 5	<i>Vismalua</i>	14. 31
<i>Veneria</i>	10. 40	<i>Vasnaga</i>	7. 14
<i>Veneris pecten</i>	14. 29	<i>Vitalba</i>	14. 1
<i>Veratrum album</i>	15. 27	<i>Vitex</i>	3. 51
<i>Veratrum nigrum</i>	15. 28	<i>Viticella</i>	14. 1
<i>Verbascum</i>	8. 46	<i>Vitiflora</i>	14. 14
<i>Verbascum</i>	6. 57. 58	<i>Vitis</i>	3. 18
<i>Verbascum sylvestre</i>	11. 28	<i>Vitis alba</i>	5. 7
<i>Verbena</i>	II. 32	<i>Vitis nigra</i>	5. 8

V.

<i>VALERIANA</i>	4. 2	<i>Virga sanguinea</i>	3. 26
<i>Valerianæ inodora</i>	4. 5	<i>Viscago</i>	6. 49
<i>Velenium</i>	12. 33	<i>Viscum</i>	3. 7
<i>Venenum terre</i>	15. 5	<i>Vismalua</i>	14. 31
<i>Veneria</i>	10. 40	<i>Vasnaga</i>	7. 14
<i>Veneris pecten</i>	14. 29	<i>Vitalba</i>	14. 1
<i>Veratrum album</i>	15. 27	<i>Vitex</i>	3. 51
<i>Veratrum nigrum</i>	15. 28	<i>Viticella</i>	14. 1
<i>Verbascum</i>	8. 46	<i>Vitiflora</i>	14. 14
<i>Verbascum</i>	6. 57. 58	<i>Vitis</i>	3. 18
<i>Verbascum sylvestre</i>	11. 28	<i>Vitis alba</i>	5. 7
<i>Verbena</i>	II. 32	<i>Vitis nigra</i>	5. 8

Vitis

I N D E X.

	I	N	D	E	X.				
<i>Vitis marina</i>	16.	34							
<i>Vitis sylvestris</i>	5.	9.	10	XANTHION	8.	3			
<i>Vlmus</i>		2.	9	<i>Xiloales</i>	2.	27			
<i>Vlua</i>		4.	68	<i>Xilobalsamum</i>	2.	26			
<i>Vmbilicaris</i>		9.	41	<i>Xiphion</i>	10.	35			
<i>Vmbilicus Veneris</i>	15.	25,	26	<i>Xiris</i>	10.	38			
<i>Vnedo</i>		3.	19	<i>Xylon</i>	15.	3			
<i>Vngulacaballina</i>	12.	20,	21,		Z				
<i>Or</i>		15.	7	ZAFFERANVM	10.	20			
<i>Vrceolaris herba</i>		4.	38	<i>Zea</i>	4.	43,	44		
<i>Vrtica</i>		4.	15	<i>Zedoaria</i>	10.	42,	Or	15.	35
<i>Vrticaherculanea</i>		11.	63	<i>Zinziber</i>	10.	43,	44		
<i>Vrticamortua</i>	8.	48.	Or	<i>Zizipha</i>	3.	23,	24		
<i>Vsne</i>				<i>Zizola terrestres</i>	4.	63			
<i>Vsnea</i>		16.	23	<i>Zura</i>	3.	24			
<i>Vulparia</i>		15.	34	<i>Zuccharum</i>	4.	56			
<i>Vuaspina</i>		3.	12	<i>Zurumbes</i>	10.	42			
<i>Vuataminia</i>		5.	9	<i>Zygia</i>	2.	12			

F I N I S.

ANDREAE CAESALPINI

ARETINI

DE PLANTIS LIBER PRIMVS

CAP. PRIMVM.



VM natura plantarum illud solum genus animæ sortita sit, quo alantur, crescant, & gignant sibi similia ; careant autem vi sentiendi , mouendiq; in quibus animalium natura consistit : iure optimo plantæ longe minori instrumentorum apparatu indigerunt quam animalia. Multæ enim sunt partes in animalibus ad sensum facientes, quæ multiplici forma & numero sunt constitutæ : plures adhuc in eisdem reperiuntur ad motus prætandos : nam huius gratia vniuersa ferè ossium substantia articulis distingueatur, & caro in musculos est digesta neruis in omnes partes discurreribus ; si præterea viscera contempleremus, quæ altricis animæ sunt instrumenta , ob similem animæ facultatem , modicam quidem similitudinem cum plantarum partibus intuebimur; sed in plerisq; maximam dissimilitudinem . Natura enim venarum , quæ alimentum ex ventre hauriunt , vt illud in vniuersum corpus distribuant ; aliqua ex parte respondere videtur cum plantarum radicibus; nam similiter haec ex terra tanquam ex ventre cui implantantur, trahunt alimentum. Cum autem animalia exquisitiori ciborum genere indigent, & multa eorumdem præparatione coctioneq; eorum radicibus ventres sunt appositi, aliiq; multi ductus ad alimenti excrementa separanda . Quæ omnia plantis negata sunt . Quo fit , vt corpora plantarum valde simplici substantia constare videantur, & maxime accedere ad naturam similitarium, discedere autem ab operosa organicarum compositione . Quoniam autem altricis animæ opus est gignere quale ipsum, siue id ex alimento fiat ad conservationem singulorum, siue ex semine ad specierum æternitatem : duæ ad summum partes perfectioribus datæ sunt , maxime necessariæ : Vna, per quam sumant alimentum, quæ radix appellatur. Altera qua fructum tanquam fætum ad speciem propagandam ferant , qui caulis vocatur in humili materia , caudex autem in genere arboreo . illa quidem superior, quia principalior licet intra terram condita sit; viuunt enim multæ plan

et sola radice, postquam caulis exaruerit perfecto semine, ut Cyclamini-
 nus, Aristolochia, & pleraque inter Acanacea, & Ferulaceas; haec vero in-
 ferior quamvis supra terram attollatur; excrementa enim, si quæ sunt,
 per hanc partem excurrentur: quomodo in animalibus pars superior &
 inferior accipitur. Verum si nutritionis modum inspexerimus, alio mo-
 do partem superiorum inferioremque statuemus. Cum enim tam in ani-
 malibus quam in plantis nutrimentum sursum feratur; leue enim est, quod
 nutrit, utpote quod à caliditate sursum ducitur: radices in inferiori par-
 te implantari necesse fuit, caulem autem recta sursum attolli: nam & in
 animalibus venatum radicatio in inferiori ventre est, caudex autem sur-
 sum petit ad cor & caput. Vix autem aliqua pars in plantis statuen-
 da sit, in qua sit animæ principatus, ut cor in animalibus, consideran-
 dum est; Esse igitur in illis oportere aliquam huiusmodi partem ex eo
 coniectari licet. Cum enim anima sit actus corporis organici, neque to-
 ta in toto esse potest, neque tota in singulis partibus, sed tota in aliqua
 parte principali, unde ceteris ab ea pendentibus vita communicetur,
 ut vniuersaliter à nobis ostenditum est in Questionibus Peripateticis: ex pro-
 priis autem, quæ circa plantas contingunt, hoc modo ostendi possit; si
 enim radicis opus est alimentum ex terra trahere: caulis autem semen fer-
 re: neque commutantur vñquam, ut radix semen ferat, & germen intra
 terram condatur; aut duæ erunt animæ specie distinctæ & loco separate,
 ut altera in radice sit, altera in germine: aut vna erit utriusque propriam
 facultatem impatiens: Non esse quidem duas animas specie diuersas, &
 loco separatas in vna planta illud argumento est: quod sçpe videmus ra-
 dicem abscissam germen emittere, & ramum abscissum radicem intra ter-
 ram egerere: quasi indiuisibilis specie anima sit in utrisque partibus.
 Hoc autem videretur ostendere totam animam in utrisque partibus esse,
 & totam in toto planta, nisi illud obstat, quod similiter in multis vide-
 mus, diuisas esse omnino facultates in utrisque partibus, ut germen, quo
 modocunque fediat, radices nunquam emittat, & si absindatur, pe-
 reat: ut in Pinu & Abiete, radices quoque auulsa in eisdem pereant:
 quasi principium quoddam sit vitale, à quo utrisque vita impatiatur,
 quamdiu adnatæ illi fuerint. Verum enim uero difficile fuerit in plantis
 huiusmodi partem inuenire, in qua sit animæ principatus. Si enim illas
 plantas inspexerimus, quæ multum temporis viuunt sola radice, post-
 quam caulem cum semine abiecerint, videbitur principium in radice
 esse, si vero rursus illas intuebimur, quæ ex ramo, aut surculo propaga-
 tur, ut Olea, Vitis, & Punica, principium in germine esse fatebimur;
 Erumpit enim ex illis radix, si serantur. Si præterea partium differentias
 contempleremus, tum in radice, tum in germine, in radice quidem omni-
 duas partes inspiciemus, corticem scilicet, & corpus, quod intra corti-

cem continetur; in aliis quidem durum lignosumque; in aliis autem molle carnosumque: in caule autem tria partium genera ipsum constituenta, corticem scilicet externum, medullam internam, & medium corpus inter corticem & medullam, quod in arboribus lignum vocatur. Si igitur in omnibus natura in intimis recondere solet vitalia principia ut viscera in animalibus: rationi quoque consonum fuerit in plantis non statim intra corticem, sed intimius principium condidisse, scilicet in medulla interna, quæ tantum in caule est non in radice. Hanc autem fuisse antiquorum sententiam ex nomine conjectari possumus: hanc enim partem in plantis cor appellabant, alij Cerebrum, alij matricem, quasi hinc figuracionis principium ducatur; Quoniam autem in medio esse maxime oportuit id quod ex parte partibus vitam distribuit. duæ autem sunt partes plantarum maxime conspicuae radix scilicet, & id totū, quod sursum attollitur, merito in intermedio, qua scilicet radix germini coniungitur, locus videatur cordi plantarum oportunitissimus. Apparet autem in hoc loco substantia quædam, tum à germine, tum à radice distincta, mollior enim & carnosior est vtrisque, vnde cerebrum appellati soler, in multis cibo accomodata antequam senescat; nam per ætatem dura & lignosa redditur, vt cæteræ quoque partes, pulcherrime autem huic parti conuenire videtur cerebri nomen, quæ admodum enim in animalibus cerebri medulla in capite est, vnde spinalis medulla exoritur in totam spinæ longitudinem diducta, sic in plantis cerebrum in radice tamquam in capite sedens per totum caulem quasi per spinam dorsi medullam deducit ad vitalem humorem ramis & extremis surculis distibendum.

C A P. I I.

VA autem ratione fiat alimenti attractio, & nutritio in plantis, consideremus. Nam in animalibus videmus alimento per venas duci ad cor tanquam ad officinam caloris insiti, & adepta inibi ultima perfectione per arterias in uniuersum corpus distribui a genere spiritu, qui ex eodem alimento in corde gignitur. In plantis autem neque venas, neque alios ductus manifestos conspicimus, neque calorem ullum sentimus, vt mirum videatur, qua ratione in tantam magnitudinem arbores adolescent, cum lœge minus calidi innati habere videantur quam animalia. An animalibus ob sensum & motum, plurimum calidi innati datum est; & recta ratione minus adolescent, quia multum nutrimenti absuntur in obsecundis sensuum & motuum operationibus; plurimum enim eius conuertitur in spiritus: huius igitur gratia venas habent latas, vt multum alimenti continere possint. Plantæ autem cum

soli officio nutritionis indulgeant, possunt pauciori calido innato, & magis adolescere & fructus multos edere. Quamvis autem sensui immaterialis sit calor, non ob id negandus est: quæ enim minus calida sunt quam tactus noster, frigida indicantur. Venas quoque datas esse plantis licet exiguae argumento sunt illæ, quæ lacte manant ut Tithymalorum genus, & Ficus, nam si abscondantur, manat multus humor, ut incisa carne animalium sanguis: quod & in Vite maxime contingit, sed propter meatuum exiguitatem conspici nequaquam possunt; apparent autem in omni caule & radice quædam vel instar neruorum filii secundum longitudinem, quos neruos vocant ut in Abiete: vel crassiora quædam in ramos deductæ, quas venas vocant in foliis plerisque manifestissima: hoc igitur esse alimenti meatus putandum est, & proportione respondere cum venis animalium. Non est autem in plantis unus venarum caudex ut vena caua in animalibus, sed multæ & tenues ex radice in cor, & ex corde in caulem ascendentes: non enim in ventre aliquo communis contineri opportuit alimentum, ut in corde animalium fuit necesse ad spirituum generationem: nam feruente humore multo simul in vase spiritus fit multus: sed fatis fuit alterari humorum tactu medullæ cordis, ut in animalibus cerebri medulla, aut iecoris caro facit: nam & in his non magnæ aut parvæ, sed frequentes & valde tenues sparguntur venæ. Fit autem per has alimenti attractio non motu aliquo fibrarum attrahentium, quod familiare est, & expellentium, quod fuerit contrarium: nam sine aliquo sensu alimenti hæc non fiunt: huius enim gratia gustus & tactus datus est animalibus. Cum igitur plantæ omni sensu careant, genus alimenti non feligunt: sed humorum in terra mixtum alia ratione trahunt: quæ autem ista fuerit, difficile est videre: neque enim ratione similitudinis dicere possumus, ut magnes ferrum trahit: nam in his, quod maius est, ad se trahit id, quod minus: quod si id fieret in plantis, cur potius humor terræ non traheret humorum plantarum? neque ratione vacui: cum enim in terra non solum humor continetur: sed etiam aer, hic autem inseparatur facilis vim attrahentis ob vacuum, quam humor, ut patet in cucurbitulis terræ admotis: plantæ aere potius repletentur quam humor. An quædam sicca secundum naturam humorum trahunt? ve linteæ, spongiæ, pulueres: quædam respuunt, ut aurum quarundam plumæ, Adiantum herba, hæc enim & si in aqua degant, non tamen madefiunt aqua ipsis non hærente: illa autem multum sorbent; quia cum aqua conueniunt magis, quam cum aere. Ex huiusmodi igitur natura partes illas in plantis constare putandum est, quibus virtutis anima altrix ad trahendum alimentum: Idcirco et non ad venarum similitudinem meatu quodam continuo peruiæ sunt: sed potius instar neruorum ex villosa constant substantia: sic enim bibula earum natura continua humorum ad

ad principiū caloris innati ducit, vt in lucernatum luminibus videamus; funiculo enim quodam vtuntur, quo oleum continue ad flammatum ducatur. Adiuuat autem hunc motum caliditas innata humorem affuentem absumentis in germina & fructus: necesse est enim alium subinde consequi absumpto priori ob easdem causas, vt hi faciunt, qui penicillo in humore imposito, vt altera eius pars extra vas propendeat, humorem & feculentia secernunt: Distillante enim per penicillum exterius pendente humore, aliis continuè subsequitur ascendens ex vase, donec universus exeat clarus: sic radices plantarum ex terra, humorem puriorēm continuē bibunt, donec humor suppetat, & calor distribuat: quod enim ibi grauitas humoris facit, vt scilicet deorsum distillando prolabatur: hic leuitas præstat; calor enim hoc modo sursum dicit. Ob id plantæ plerique Vere & estate germinant magis, & fructus edunt: quia à calore externo augetur humoris attractio: Hyeme latitat in profundo exilis flamma modico egens nutrimento, contra quam in animalibus natura calidioribus; viget enim in his calor innatus hyeme magis quam aestate. Deficiente igitur aut diminuta humoris absumptione deficit, aut minuitur attractio: contingit autem id, vt summatim dicatur, vel defectu caloris insiti, vt in congelatione facta à frigore, & in aëstu pabulum absumente citius, quam possit alter humor accedere: vtroque enim modo extinguitur calor innatus, quo extinto humor non digeritur; eo autem non distributo aliis non attrahitur, vel ob uitium instrumenti, quo fit attractio. si enim hoc aut durius reddatur, quam oportet, vt in senectute sit, aut morbos alias patiatur: ad humoris transmissionem ineptum redditur: vnde plantas contabescere aut interire necesse est. Quo igitur ingenio natura utatur ad alimenti attractionem in plantis dictum est.

C A P. I I I.

QUOD autem germinatio fiat, & cuius gratia, dicamus; sic enim cæteræ quoque partes sient manifestæ. Videtur autem propria esse plantarum germinatio, non enim in animalibus vilis huiusmodi affectionem perspicimus: illorum enim partes omnes factæ sunt, antequam in lucem exeam. Plantæ autem, quamdiu viuunt, nouellas edunt partes, quæ germinatio vocatur. Forte autem in animalibus, pilorum, & dentium, & cornuum generatio germinationi similis videatur, cum posterius erumpant. Verum partes haec cum facultatem nullam habeant ab anima; sed usum tantum præsent, merito non constituant animalium substantiam: at plantarum germina tamquam animata vires eius animæ & opera pulcherrima ostendunt, solum in vetero gerentibus videtur vera germinatio. Fetus enim, qui adnascitur, tamquam

quam germen eius patti vivit nutrimento ex eadem affluente. Differt autem ; quoniam in his principium extrinsecus ducitur, scilicet ex semine matis, alimentum ex utero trahente ; in plantis autem tum materia, tum principium intrinsecus prouenit : in Oviparis tamen crescunt oua, & ea, quibus propendunt sine semine maris, at infecunda ; sensualis enim animam, qua animal est, non habent sine maris coniunctione : hoc autem principio nequaquam eget ipsum vegetarium, quasi huius solius sit ex se germen emittere. Ex his autem colligere illud quoque possumus : extendi fructus gratia germinationem datam esse ; si enim in animalibus conceptus non sit sine aliqua germinatione, necessarium quoddam videatur ad eam propagationem, quae ex semine sit : sunt enim plantarum semina tamquam fetus animalium. Magis autem manifesta est in plantis germinatio, quia ex praeter radicem & cor, reliquas omnes partes fertendi fructus gratia habent : animalia autem solum uterum. Amplius quae gignuntur, in utero latent ad partum usque : quia foueri proprio calore fetus oportet : plantarum autem fructus, cum solis calore egeant ad perfectionem, non intus semper concludi oportuit : sed pro opportunitate explicari & ad lucem emergere fuit necessarium. Hoc autem facit ipsa germinatio ; erumpit enim tamquam ex utero omne germen & fructus, & paulatim in apertum exit : omnibus autem explicatis & in lucem editis, id totum, quod fructus gestar, videatur uterus inuersus, cui fetus multi sint appensi. Ea autem pars, unde germen erupturum est, oculus vocatur, quam solent accipere, qui inferendis arboribus student : turgente enim arbore ut cortex ob humorem subiectum facile abiungi possit a surculo, circumcisso circa oculum cortice, auferunt, & alteri inserunt, in sedem eius plantæ oculi iuste aptantes : quam inoculationem vocant ; sic enim erumpit germen pro natura oculi insiti, extuberante autem iam germinis principio non dum autem explicato : partem hanc gemmam vocant, germinis autem explicatio fit dehiscentibus foliis : quanto enim magis erumpit germen, eo magis folia ipsum circumpleteantia, tamquam manibus inuicem superpositis explicantur, solo pediculo annexa : quasi huius gratia folia data sint, ut tenerum germen tueantur vel etiam fructum, ubi fructus erumpit cum germine : postquam vero eadem explicata sunt, alium usum praestare videntur umbram scilicet, ne à sole nimis vrantur tum fructus, tum nouella germina : moderatos enim solis radios utraq; desiderant, quod foliorum positione, & forma praestatur illos partim transmittentium, partim retinientium. Ideo plurimis in autuno decidunt folia perfractis fructibus, & germinibus induratis. Si quae autem diutius feruant fructus, diutius quoque retinent folia : adeo ut quedam usque ad alteram germinationem & ulterius afferuent, vi Pinus, Arbutus, Laurus. Ferunt autem in regione feruente, ubi perpetui fe-

re sunt & stus, nullis arboribus folia decidere: quod recta ratione fit: regent enim plantæ perpetua inibi foliorum opera ad ymbram faciendam. cum igitur folia ad tegendum data sint, merito ex cortice tantum ortum ducent, quasi eius appendices quædam, cortex enim conuestiendi gratia datus est. Cum autem cortex ex duplice corpore constet, scilicet ex interno duriori robustiorique, qui in arboribus liber appellatur, & externo molliori quidem tenuiorique in iunioribus germinibus, in vetustis autem ob siccitatem asper redditur, & saepe dehiscit in arborum genere: folium in plenisque ex externi corticis substantia magis constat; unde eius tenacitas & mollescit oritur, & facile per siccitatem decidit secundum naturam quidem in autumno, praeter naturam autem in æstate. Quibus autem perpetuum est folium, his ex interni corticis substantia multum retineri in folio putandum est, sunt enim duriora & crassiora eorum folia, tam in arboribus, quam in humili materia. Venæ autem, tum quæ per medium dorsum, tum quæ in latera sparguntur, ex interiori cortice oriuntur; hic enim solus venosus est; quod autem ex cortice consistent folia, illud argumento est, quod in quibusdam videmus totum corticem in folia transire, ut nullus relinquatur germen conuestiens preter foliam: ut in Harundine, Tritico, Ferula: sed in his magis folij pediculus quam folium caulem circum amplectitur substantia crassior existens, quam folium. Cuius igitur gratia data sunt folia germinantibus, & qui sit eorum ortus, ex dictis contemplari licet. Germinis autem substantia interius principium dicit; non enim sine medulla est, neque sine eo corpore, quod medullæ circumponitur; si quis enim virgam germinantem denudare à cortice studeat, auferet quidem cum cortice folia, virpote quæ illi soli sint appendixa, germina autem non auferet; continua enim sunt cum interni corporis substantia: idque recta ratione. Cum enim germen ferendi fructus gratia datus sit, vis autem prolificata in medulla tamquam in corde continetur: hanc per tota germina deductam esse oportuit; quod si hanc, & lignum quoque circumpositum medullæ, aut aliud corpus huiusmodi & extremum corticem. Videntur autem quædam sine medulla viuere, ut Calami, & quæ caulem cōcauum ferunt: sunt & arbores, quarum caudices excavati viuunt, ut Salix, Olea. An medullæ natura in his non se iuncta est à circumposito corpore seu ligno, & forte in nullis? oportet enim venas alimentum trahentes tangere medullæ, ex autem per totam caudicis substantiam feruntur: quantum igitur medullæ in medio est venas non tangens, crescente caule, aut caudice evanescit, locum cōcauum relinquens; in nouellis enim germinibus, seu à radice, seu ex ramis nulla reperiuntur concava. Dubitat quoque quis non in medulla; sed in cortice magis vim prolificam esse: inoculatio eam sit solo cortice insisto; germinat autem secundum naturam corticis, non secundum naturam ligni

ligni subiecti. Præterea plerique arbores circumcisio in orbem solo corice emoriuntur in totum, non emoriuntur autem excavata medulla. Dicimus corticem insitum ideo germinare; quia prorumpit ex subiecto ligno germen, cui cortex agglutinatur ob affinitatem; nisi enim corticis oculus, oculo ligni accommodetur, non germinat; producuntur autem & folia & fructus secundum naturam corticis: quia hæc in omnibus ex cortice ortum ducunt: semina autem interna non secundum naturam corticis, sed ligni subiecti fiunt; nam si serantur, nascuntur, non pro natura insiti corticis, sed ut plurimum sylvestre genus: ortum enim ducunt ex medulla, non cortice; quod autem corticis in orbem circūcisio in plerisque arborem enecet, fit; quia germinatio non fit sine cortice, ut superiorius est explicatum, qui autem derelinquit supra circumcisum locum, emoritur; quia ablatus est alimenti ductus ex infernis; si quis autem ex ligno subiecto ali possit, viuit, ut contigit Suberi, & aliis quibusdam, qui bus pertinaciter cortex ligno inheret.

C A P. I I I I.

PRIMA autem plantarum germinatio est à radice, quod enim primo nascitur siue ex semine, siue per putredinem radix est. Cum autem in eius capite sit ea pars, quæ cordi animalium respondet, unde germinis principium ducitur, aliquando uno caule, aliquando pluribus; cor enim in quibusdam individuum est, unde unicus caulis assurgit, ut in plerisque arboribus: in quibusdam quodam modo diuisionem patitur, unde ab eadem radice multi caules erumpunt, ut in Tritico. Numquam autem unum & idem cor author est plurium caulinum: patet autem in iis, quæ amissio priori caule alterum fundunt, ut in ferulaceo genere; numquam enim ex eadem parte, sed à latere germinant; Ut autem unum cor unius est caulis, sic videretur unius quoque radicis unum esse, quod si hoc esset, nullæ essent, quæ plures caules ferrent. An radix una unum quoque germen initio profert; postquam autem eadem magnitudinem adepta est conspicuum, diuiditur in quibusdam in plura principia vel simul, ut in Tritico, vel successivè, ut uno extincto alterum subnascatur ut in Ferula. Plantarum enim plurimarum natura est, ut diuisæ viuant: quia earum principium licet actu unum sit, est tamen potentia plura: nihil autem refert, siue à nobis plantæ diuisio fiat, siue sponte diuidatur principium solum: diuisæ enim radices quædam, licet in parvas partes cōcise sint, germinant ut Graminis, Raphani Montani: nam vbiq; erat cor potentia, & hæc radice seri possunt: sponte autem multitudine germinum sit, vel eadem subiacente radice communi, ut in Feniculo: vel singulis germinum principiis noua suborta radicula, ut in Cipero,

Iride & tandem geniculatis ferè omnibus : quasi sponte natura ipsa radicum diuisionem in geniculis moliatur . Inter has quædam sunt , in quibus noua orta radice & germine , altera tamquam senio confecta emoritur , vt in Satyrio , & Gladiolo contingit ; diuidit autem natura ex toto cum germinum principiis etiam nouas radiculas , in Allio & ceteris Bulbaceis : Allij enim spicæ appellatae principia sunt germinum omnia ab eadem radice orta , qua exsiccata propriæ singulis suboriuntur radicæ , qui propagandi modus per sobolem appellatur . Germinatio igitur ex radice hoc modo habet ; exoritur autem in hac germinatione caulis quidem in humili materia , caudex autem in arboreo ; cum autem omne germen fructus ferendi gratia datum sit , quod à radice est , aut statim fructus gestat , vt in Bulbaceis , & frumentorum generibus , & in Palma , aut aliis intercedentibus germinibus , idque vel per unum vel per plura media , secunda igitur germinatio in caule fit ramos constitutens , tertia in ramis ramulos producens : & sic deinceps . Appellant autem extremes germinations in arboribus surculos , quos ad inferendum assumunt . In genere igitur humili , quæ caulem amittunt , nullæ ferè transiunt tertiam germinationem : in genere autem arboreo , ad minus tertia germinatio fructificat , vt in Vite , idque non ex semine , sed si seratur ramo , singulis annis nouo germine prodeunte , non omnibus uno anno erumpentibus , vt in genere herbaceo . Germinis autem eruptio , non ex omni parte caule fit : sed maiori ex parte ex aliis foliorum , qua scilicet parte folij pediculus nequitur cauli , inibi enim oculus est futuri germinis , quasi folium eius custodiendi gratia sit appositum , sinu quodam in cortice relicto , qua ab eodem exortiens abscedit . Fit enim in hac parte veluti alterum cor erumpente in eam sedem ex interna medulla principio . Quapropter nodus quidam caulis appareat , qui si totum caulem cingat , geniculus vocatur , vt in Tritico & Calamo , coeuntibus & veluti implicatis in hac parte nervis , partim ad robur , in quibus caulis est inanis , vt in Tritico , partim ad novi germinis productionem , quibus germinatio in caule data est . Ordo autem quidam germinum spectatur vt foliorum , nam vel singula in singulis nodis , sive geniculis nascuntur , idque vel in duobus lateribus tantum , hæc quidem in dextris , hæc vero in sinistris alternatim , vt in Arundine , vel pluribus , in quibus ordo minus perspicitur , vel in singulis geniculis bina , aut etiam plura ferunt folia , ac germina ; quæ autem bina ferunt , alternatim disposita sunt , vt hæc quidem ante & retro spectent , hæc vero in dextra & sinistra : ob quam foliorum & germinum positionem in pluribus caulis redditur quadratus , vt in Marrubio . Horum igitur omnium à latere germinatio fit ; sic enim disposita sunt folia , ex quorum aliis erumpunt germina ; unde & rami alij vocantur ; sparguntur enim à

latere instar alarum : Quædam autem sunt , quarum germinatio non in omni foliorum exortu ; sed in summo tantum sit veluti fillo in ea parte caule , vt Tithymalorum genus , Linum , Lithospermon , & inter arbores Abies , Pinus : omnibus enim his folia vndeque dense vestiunt caules , vt non pateat germinis exortus nisi in summo : ideo in his rami ex certo interuallo & numero conditi pulchre spectantur , quod in ceteris non videtur : licet enim geniculi , vel nodi certo interuallo distent , non tamen in omnibus germina proueniunt , vel non paria . Germinationes igitur ordinis dispositæ à radice usque ad extremos surculos fructus huius modi sunt .

C A P . V.

QUONIAM vero plantarum principium , quod cor appellatur , non quemadmodum in animalibus in uno quodam loco seientum permanet : sed veluti in omnes partes distributum est , sit , vt multæ diuisæ non solum viuant , vt quædam animalia insecta faciunt : sed per diuisionem propagentur , quod nullis animalibus contingit : vbiunque enim est cordis natura , ibidem est & germinis & radicis principium : ante diuisionem quidem potentia , postea vero etiam actu , idcirco radices quædam abscissæ germen emittunt , & è contra caules quidam abscissi , si intra terram condantur , radices egerunt , & alimentum trahunt : quamquam non similis in omnibus sit propensio : quædam enim radice diuisa melius proueniunt , vt Helenium . Raphanus montanus , quædam caudice , aut ramis maioribus seri postulant , vt Olea , quædam surculis , vt Púnica & multa in genere suffructicum : Magis autem radices ex vetustioribus rāmis erumpunt : germina autem ex iunioribus : idcirco , qui ferunt , surculo aliiquid annotini rāmi relinquunt , vt in Vitium malleolis . Quod autem ob iniuriam diuisionis multæ faciunt , idem sine diuisione quædam moluntur : nam si contingat rāmos terram attingere , rādices in contactu dimittunt intra terram , & nouam prolem germinant , quas viuiradices vocant , vt in Vite & fere omnibus , quæ rāmo , aut surculo proueniunt . Maxime autem id sit in herbaceis quibusdam , quorum caules humi serpunt , vt in Hedera terrestri , Ranuculo quodam , Pentafillo , & Humirubo : nam in his , duo genera caulium natura moliti videntur , vnum , qui attollitur ad fructum ferendum : alterum qui serpit ad sobolem in singulis geniculis procreādam : idem quædam intra terram faciunt , vt Gramen , & Ciperus : nam & hæc in singulis geniculis & radicant , & germen emittunt . Illud autem peculiare adnotauimus in minori Dentaria : cum enim hæc caulem rectum ferat , radiculas tamen geniculatas in singulis foliorum alis fert , quibus deci-

decidentibus in terram nouā et rumpit planta, cum tamen in summis caulis eadem siliquas ferat, in quibus semina continentur, ut simul in eodem caule utrumque moliatur semen & sobolem. Quamuis autem aliæ sint, quarum caules radices edant supra terram, non tamen ad sobolem gigniendam: sed auiditate nutrimenti illas egerunt, ut Hedera, quæ suo amplexu arbores, vel parietes numerosis radiculis exugit, & Melica, ac Semperuii quoddam genus arborescens: haec namque radiculas ex caule longas dimittunt, donec terram attingant. Peculiare quoque in Allio & Porro videatur: cum enim hæc sobolem ad radices ferant, gigniunt etiam in summis caulis loco seminis. Quæ enim seruntur, radicum capita sunt non semina, similem sobolem etiam in summis foliorum videntur in quodam Bulbo, quem Moli vocant: Differt autem soboles à semine, ut fœtus viuens ab ovo: semen enim tamquam ouum est, in quo est principium vitale; at vita nequaquam soboles autem viuit primo quidem iuxta parentem, ut eius germen. postea vero per se ipsam propriis radicibus ex terra humorem trahens. Præterea soboles, vel radix est incoata, vel germen, vel utrumque conspicuum magnitudinem habens: semen eorum principium gerit inclusum in cortice: idcirco nutritre multam sobolem plantæ nequeunt, semina autem valde numerosa ferre possunt, ut in animalibus Vipera & Ovipera se habent: sobolis autem generatio simplicior est tamquam ex particulae avulsione propagatio. Seminis constitutio multiplices partes requirit. Postquam igitur & radicum, & germinum ortum & constitutionem explicauimus, deinceps seminum appratatum aggrediamur.

C A P. V I.

CV M in ea propagatione, quæ fit ex semine, plantarum finis consistat, quæ enim ex sobole fit imperficiorem naturam sequitur, qua scilicet plantæ diuisæ viuunt, merito plantarum pulchritudo in seminis productione maxime ostenditur: Nam & numero partium, & figuris, & conceptaculorum differentiis fructificatio longe maiorem ornatum præfert quam germinatio: adde florum admirabilem venustratem, qui genitricis naturæ delicias in seminibus condendis præmonstrant. Quemadmodum igitur in animalibus semen excrementum est ultimi alimenti in corde, cuius calore vitali cum spiritu apprehenso secundum redditur: sic in plantis necesse est seminum substantiam ex ea parte secedere, in qua principium est caloris innati, quam medullam esse superiorius comprobauimus. Hinc igitur ex humidiori puriorique parte alieni seminis medulla exoritur, ex crassiori autem eiusdem putamina ad tutelam circumposita. Non fuit autem necesse in plantis genitiram ali-

quam distinctam à materia secerni, vt in animalibns, quæ mare & fœmina distinguuntur: maris enim genitura materiam in fœmina efformat sua vtens corpulentia tamquam instrumento, vt in Questionibus Peripateticis explicauimus. At plantæ cum non multa egeant organorum distinctione, pauciorique spiritu vrantur, materiam simul cum spiritu formante secernunt, qui conceptus est tamquam ouum: idcirco maris & fœminæ distinctione non indiquerunt, quamquam secundum aliquam similitudinem quædam mares appellantur, quædam fœminæ. Inest igitur in omni semine quædam plantæ incoatio. Quemadmodum enim in ovo quædam particula continetur, in qua est animalis futuri veluti delineatio, reliquum autem corpulentia pro alimento est: sic in plantarum seminibus pars illa principatum continet, vnde radix erumpit & germen; est enim quasi corculum quoddam reliqua parte seminis alimentum illi primum subministrante: patet autem id maxime in Tritico; pars enim quædam inest veluti oculus, quam si laceras, nequaquam nascitur: ob id eam particulam formicæ erodere solent, antequam recondant intra terræ. Si autem reliqua pars seminis vulneretur, aut à vermiculis perforetur, in tegro seruato corde nihilominus prouenit. Est autem seminis medulla in plurimis candida, sicut & animalium genitura: principia enim corporum naturalium ut plurimum candida sunt, vt elementa, siquæ tamen flava sunt ut multorum leguminum semina, ad albedinem aliquo pacto vergunt. Pinguedinem præterea plurima præseferunt: adeo ut ex quibusdam oleum extrahatur, ut ex Nucibus, Amigdalæ, Sinapi: Humidum enim vitale, in quo spiritus cōtinetur, calidum est & aereum, non aqueū: Non tamen humida sunt, ut animalium genitura; longe enim siccior est plantarum natura quam animalium; at molliciem cum ea siccitate quan dam habent, cum præcipue fuerint humectata: nam circa exortum omnia humidiora sunt, per æstates autem continue exsiccantur. Quamuis autem quædam semina ossea ex toto videantur, ut Palmæ, vel cartilaginea, ut Rusci, Gladioli, & aliorum quorundam: latet tamen seminis medulla mollior in exiguo quodam meatu, vnde erumpit in exortu planula integro osse derelicto. Sicca igitur cum propria mollicie semina esse oportet, cum perfecta sunt, exempta scilicet à sole omni aqua humiditate non aerea: sic enim sata humorē facilius trahunt è terra, quo ante omnia intumescunt: Deinde excitato ignis principio in ipsis latente, ut Calci contingit, in humoris occursu, idem humor cum lactea seminis substantia permixtus & concoctus, tamquam familiare alimento auger conceptum antea incoatum; Tunc autem radix primo emergit peciolo quodam ex corde seminis prodeunte, qua corticem dehisceat & egressum semini concedere necesse est: postquam autem radicem in terram egerit, reliqua seminis corpulentia in plurimis ex suo cortice tam-

tamquam ex ouo in lucem prodit, quae in duo foliola pulposa explicata particulam ostendit, vnde germen eruptum est: Qua enim haec duo folia exortum ducunt, cor est, quippe radicis caput, & germinis principium, sunt autem haec alterius generis folia, quamque in germinatione exoriuntur: illa enim tantum ad tutelam data sunt tenuia ex solo cortice orta, haec partes sunt seminis ad alimentum primum cordi ministrandum: ideo crassa existunt; tota enim fermentè seminum pulpa in his consistit: ob id magna pars seminum in duas partes dissecta est corde tantum coniungente; si quae autem sunt, in quibus divisione nulla sit, ut in grano Tritici: seminis pulpa in exortu minime egreditur e cortice, germen vero e latere erumpit integra seminis corpulenta cordi harente, idem quoque sit in multis leguminibus, quamuis eorum semina bifida sint: cum enim germen ex latere erumpat non ex medio, seminis partes non explicantur in folia, ob id neque excunt e cortice: manent autem iuxta nouellas plantas huiusmodi seminis appendices donec totus humor lacteus cum sua pinguedine in partium nutrimentum transierit, quo tempore exsiccatæ decidunt. De ortu igitur seminum & natura, ac substantia dictum est, de ceteris autem partibus seminis gratia datis deinceps dicamus.

C A P . V . I I .

QUEMADMODVM in animalibus circumvolui foetum membranis oportuit ad tutelam, sic seminibus plantarum multiplicia data sunt inuolucra ob eandem causam: sed eorum quædam abscedunt incoato semine nondum perfecto, ut flores, quædam postquam semen absolutum est, ut pleraque vascula & siliquæ; dehiscent enim sponte exsiccatæ semine; quædam perpetuo harent quousque semen germinate incipiat; tunc enim intumescente medulla cortex abstrumpitur. Flores igitur partim ex necessitate, partim ad tuendos fructus incipientes dati sunt; ex necessitate quidem, quoniam turgente planta, ut in Venere solent animalia, efflati necesse est aliquem spiritum; non enim sine spiritu fit seminis eruptio: quod autem ex huiusmodi substantia flores orti sint, manifestum est: id enim indicat & substantia tenuitas, ex qua constant, & odores, quos ut plurimum spirant: indicat & mellea dulcedo, quae in plerisque reperitur, quamque apes feligentes in suos alueolos recondunt: ut enim mel acreum ex percossa a sole exhalatione nascitur roris modo ex aere decidens, sic ex plantæ halitu percosto, qua parte egressum habet, veluti sublimatum, floris concamerationi & staminibus haret, alterum genus mellis, quod apes colligunt, & fauis reponunt. Quod autem interim ad tegendos fructus

fructus flores dati sint, pater: priusquam enim explicitur, aut insident
 ipsis fructibus, vt in Rosa, Malo, Piro, aut illos vndique circumple-
 etuntur, vt in Amigdala, Pruno, Olea: crescente autem fructu, iam
 flores aperiuntur, ac paulo post tamquam in fututum inutiles decidunt
 arefacti. cum enim non ex qualibet materia nutrientur: sed alituosa,
 quæ vna cum semine erumpit, necesse est ea deficiente marcescere, cum
 præsertim à sole citissime huiusmodi substantia resoluatur. Quem igitur
 vsum folia tenellis germinibus præstant, eundem flores nascentibus fru-
 ctibus opitulantur; plurimi enim foliati sunt. Differunt autem, quia
 folia explicata alium vsum præbent, quem superius diximus: Flores ex-
 plicati omnino inutiles redduntur. retinentur igitur folia diuturno tem-
 pore, & propter vsum: & quia continue affluit nutrimentum ex cortice,
 flores cito decidunt ob causas contrarias; color quoque foliotum her-
 baceus est: humor enim plantarum soli expositus hunc colorem contra-
 hit, vt in aquis stagnantibus apparet, cum exsiccantur à sole: Flores au-
 tem nulli, aut paucissimi herbacei sunt, omnino virides certè nulli: cum
 tamen cæteri colores omnes excepto nigro in floribus spectentur, iisque
 venustissimi, modo simplices, modo omni varietate commixti quasi na-
 tura de industria pingente. hoc enim est spirituum sublimatorum opus,
 vt in subterraneis apparet, nam tingente exhalatione & lapides & pulue-
 res omni colorum varietate spectantur; natura enim spiritus ob materię
 puritatem sinceros recipit colores, ob tenuitatem vero eosdem facile cō-
 mutabiles: Vnde vel-puncta vel-tenuissimæ lineæ versicolores oriuntur.
 Merito autem virides nulli visuntur flores, quia eorum materia non hu-
 mor est, sed potius spiritus: neq; nigri ex toto; nigredo enim aut humo-
 rem sequitur semiustum, aut cuiusque corruptionem; neutrum au-
 tem in florum generatione inest: constant autem flores plerique ex folio,
 & stamine & floccis; folium in circuitu magis ambit, modo vnicum
 & indiuisum, concavum, vel patulum, vt in Smilace, Anchusa, modo in
 plura folia dissectum, vt in Papauere, Rosa, stamina in medio tantum
 foliorum sunt ex summa parte fructus egredientia, quippe quæ ex sede se-
 minum vterius producta nascantur, vt in Croco & Lilio terna; quia se-
 minum sedes in vasculo tripartita est: Flocci in ambitu magis sunt iuxta
 folia, pendent autem corpuscula quædam ex tenuissimis filamentis, quo
 rum ortus similis videtur fungis, qui in lucernatum luminibus ex fulgi-
 ne oriuntur: hinc enim multum spirant flores, numerosa autem sunt hu-
 iusmodi corpuscula, in quibus semina numeroſa sunt, vt in Papauere,
 quasi haec sint singulorum seminum propagines: patet id in Chamæ-
 melo, & Ranunculo: nam præter folia ambientia singulis seminibus
 proprij insident flocci potius quam flosculi. Non sunt autem in omni-
 bus manifesta vel folia, vel flocci, vel stamina propter exiguitatem: qua-
 propter

propter aliquando his catere putantur: in quibusdam folia adeo tenuia sunt, ut flocci videantur lanuginosi, ut in Thaliethro, muscosos flores huiusmodi vocant. Transeunt in quibusdam flores in aliam substantiam, fructus ipsos praeter lapsi, ut in Nuce Auellana, Castanea, & tadem Ameni feris omnibus. Amentum enim pro flore est corpus oblongum, ex sede fructus productum: ideo fructus sine flore spectantur manifesto; stamina enim in Amenti longitudinem transeunt, folia autem & flocci in eius squamas degenerant. Similē quid videatur quod in Milij Indici summis calamis effunditur spicarum modo; Flores enim, qui singulis seminum paniculis distribuī debuissent, in huiusmodi Amenti genus abierrunt. Nec absimilis fuerit Ricini flos; nam & hic sine fructu est, non multum tamen illum praeter lapsus; quod & in herbis quibusdam notauimus. sunt etiam quædam, in quibus Amentaceum quid oritur sine vlla spe fructus; steriles enim omnino sunt; Quæ autem fructum ferunt, non florent, ut Oxycedrus, Taxus, & in genere herbaceo, Mercurialis, Vrtica, Cannabis; quorum omnium steriles mares vocant, fœminas autem fructiferas: Quod ideo fieri videtur; quia fœminæ materia temperatior sit, maris autem calidior; quod enim in fructum transire debuisset, ob superfluam caliditatem euauit in flores, in eo tamen genere fœminas melius prouenire & fœcundiores fieri aiunt, si iuxta mates serantur, ut in Palma est animaduersum, quasi halitus quidam ex mare efflans debilem fœminæ calorem expletat ad fructificandum. Omnis vero flos cum ex intimis partibus, vnde seminis materia erumpit, ortum ducat, exterius tegitur altero inuolucto, qui calyx vocatur in quibusdam ut Rosa & Pappuere: oritur autem hic cum extimus sit ex caulis cōtice, seu tunica, ideo herbacei coloris est, ut folia, dehiscit autem vñā cum flore; sed non decidit ut flos; nutritur enim ex cōtice, & s̄aepē eo vtitur natura ad fructum continendum, ut in Ornino & Acanaceis: semina enim eorum in calyce floris continentur, postquam flos deciderit: peculiare in Vesicaria & Cicorio, quod eorum calyces dehiscunt quidem, dum flores panduntur: sed postquam deciderint, contrahuntur vndique fructum amplectentes, ut Cicorij semina eximi nequeant, nisi madefiant; sic enim conceptacula aperiuntur. Hæc vel continuo constant corpore, ut in Polemonia, Calamento: excepta ea patte, qua flos erumpit, vel in plures partes dissecta; ut in Rosa, Cicorio, Acanaceis, Frumentis; sunt enim in pluris que veluti squamæ inuicem amplexæ. Hæret autem huiusmodi floris tegmen in quibusdam adeo pertinaciter, ut disungi nequeat à flore, ut in Ornithogalo; flos enim eius interius lacteus est, exterius herbaceus ob caulis tunicam: idem Elleboro contingit, quod in causa est, ut vniuersus flos quodammodo herbaceus sit, & non decidat; retinetur enim à tunica adiuncta: Hæret quoque similiter & ipsis fructibus, in quibus flos aut nullus

nullus est manifestus, vt in Ficu, aut in summo fructu insidet, vt in Cucurbita, Punica; continuus enim est in his floris calyx, cum extimo fructus cortex: quibus autem huiusmodi cortex abiunctus est à fructu, flos in radice fructus exoritur; omnis enim flos intra caulis corticē continetur. De flore igitur, & de floris tegmine hęc in vniuersum dicta sint; de fructu autem, qui sub flore continetur, similiter dicamus.

C A P. V I I I.

FRUCTVM vocamus, quod ex semine & semen continentibus corporibus constat: quamvis propriè secundum nominis appellacionem ea pars significetur, qua fruimur in cibis expertentes: expetimus autem inter cibos aliquando nuda ipsa semina, vt Pini, Nucis, Castaneę, & omnium frugum & leguminum. Aliquando carnem seminibus circumpositam, quam proprio Pericarpium vocant, vt Mali, Piri, Melopeponis. Cum igitur de semine superius dictum sit, relinquitur, vt de circūpositis corporibus dicamus: hinc sumpto initio. Seminibus omnibus inest humor quidā fœcundus, quo euanescentē, aut per ætatem, aut ab externa iniuria redduntur infœcunda: Huius igitur custodiendi gratia natura omnibus corticē quandam circumduxit, qui perpetuè hæret, donec germinare cœperint; Ob id enim plurima afferuari integra per annum possunt, quædam longe diuturnius, quod animalibus nequaquam contingit paucis exceptis. Traduntur enim pisces Oua maxime perdurare eo arguento, quod lacus exsiccati per æstatem, aduentanto imbre pisculos ferunt. Papilionum quoque oua per annum durant: minime autem omnium auium oua afferuantur: At plantarum quarundam semina, vel in quadragesimum annum fœcunda perdurate proditum est: magis autē perdurant, quæ osse putamine muniuntur, quam quæ membranaceo, ob eādem rationem: seminibus igitur mollioribus natura corticem duriorem crassioremq; tribuit, vt Nucleis, Pineis, Palmeis, Persicis, & tandem omnibus, quæ osse cortex teguntur: omnium enim medullæ molles & pingues sunt, vt mirū videatur, quo pacto in seminis germinatione os adeo durum dehiscat in duas partes dissecū, cum vix iactu mallei rumpatur. Quibus autem duriora & sicciora insunt semina, iisdem cortex tenuior, & mollior datus est, scilicet cartilagineus, aut membranaceus, vt Castaneę, Glandi, leguminibus, frumentisque. Quemadmodum autem in ovo sub cortice testaceo membrana quædam mollis continetur, mollem fœtus materiam tangens, sic seminibus omnibus duplex cortex datus est, internus quidem tenuior, ac mollior, membranaceus medullam vndique tangens, qui tamen in quibusdam facile abscedat, vt in Pineis, in quibusdam pertinacius hæreat, vt in Tritico: externus

vero durior & crassior , vt plurimum osseus, vel cartilagineus : qui facile sciungatur ab interna membrana in plurimis, in quibusdam tamen propter tenuitatem sciungi difficultius possunt, vt in leguminibus & frumentis : intra membranam internam vnam vnicum perpetuò semen continetur : sub cortice tamen externo casu aliquando bina continentur sciuncta per propriam membranam, vt in Amygdala: Necesse est semen cum cortice, qua parte cor est . Cum enim in ea parte sit radicis principium, per eandem quoque veluti per vmbilicum ex parente trahit alimentum : patet autem alimenti ductus ad eam partem tendens ; perfecto enim iam semine, à ceteris quidem partibus sciungitur ; hæret autem solum , qua cor est pendens aliquando medio quodam pectiole in corde seminis desinente, vt in seminibus Mali & Piri est manifestum . Verum non similiter externus cortex in omnibus secundum eamdem partem cum planta necatur : Nam quædam eo modo sedent, vt seminis cor exterius vergat , vt in Castanea, & in plerisque arborum fructibus contingit . In herbaceis vero pluribus idem est nexus seminis & exteri cortex, vt in leguminibus & frumentis; cum autem seminis substantia ex interna caulis medulla ortum ducat, necessarium fuit ex intimis germinum partibus neruulos egredi ad fructum usque, per quos materia seminis ferretur : Hinc fit, vt non fructificant plantæ ex ramis crassioribus, paucis quibusdam exceptis, vt Siliqua & Ficus Aegyptia : sed ex surculis , vt plurimum annotinis, vt Amygdala, aut nouellis germinibus, vt Vitis. Nam seminis materia ex his magis erumpere potest, quam ex crassiori ligno : ita igitur neruulis alimentū ferentibus appensa sunt omnia semina cum propriis corticibus : vt neruulorum substantia in corticem transeat, tenuius autem alimentum in semen : Est autem neruulorum nexus cum cortice duriori aliquando in ea parte, cui subiacet seminis cor : aliquando in altera: in his autem necesse est intra duriorem corticem nerulum ad seminis cor ascendere, vt manifestum in Persicis est & in Amygdalis, & omnibus , quorum cor spectat extra . Corticis figura in plerisque pro figura feminis contenti habetur : Nam hoc vel rotundum, vel oblongum, vel depresso, vel recurvum, vel angulosum est . Aliquando tamen aliter se habet , vt in semine Rusci : medulla enim tenuis est, & oblonga vix conspicua ob exilitatem, cortex vero rotundus & crassus osseus vt totus ex osse constare videatur , In aliis appendices corticis datae sunt, vnde variatio figuræ, vt in Tribulo. Color cuiuscumque generis reperitur perfectis seminibus viridi excepto: sicca enim est valde corticis substantia, herbaceus vero color sine humore non fit in plantis . Nigra & omnino atra multa sunt : corticis enim substantia excrementitia est, non pura, vt contenti seminis . Id circa semina alba tantum sunt, vt interna plantarum non tacta ab ære ambiente : sic enim & folia alba redduntur, si obruantur, vt Intubis, Porri, Cardui,

& flores, quamdiu inclusi sunt suis calycibus, calidiores sunt, explicati, vt aere circumfuso fruantur, colores proprios assumunt. Seminum autem cortices ob impuritatem alimenti nigredinem assumere potuerunt, & cæteros colores licet non adeo sinceros, vt in floribus; Vergunt enim aliqua ex parte ad eosdem colores cum floribus, cum eorum materia simul erumpat; recedunt autem: quia purior materia secernitur in semina, tenuior in flores, crassior in cortices; pro diuersitate autem externi corticis denominantur ipsa semina alba, vel nigra, rufa, punicea, aut alia huiusmodi; quoniam hic perpetuè hæret semini. Cortices igitur, qui semen custodiunt ad germinationem vsque, hi sunt in omnibus.

C A P. I X.

QUAMVIS autem inuolucra, quæ diximus, sufficere videantur ad perfectorum seminū tutelam; non sufficiunt tamen ad eorum dem perfectionem: Nam antequam efficere possint talia, qualia ipsa sunt, egent concoctione quadam perficiente; quoniam autem concoctio à calore interno fit, humorem seminum incrassando: Initio enim semina omnia humida sunt, & fermè aquæ: perfecta autem constant & sicciora sunt reddita, oportuit calorem innatum foueri in seminibus, ne exterius transpirando, ipsa euanya redderentur. Huius igitur gratia natura semina obduxit alio corpore, vt plurimum carnosum & humecto: quemadmodum Medici tuberculis concoquendis cathaplasma aliquod superponere solent, vt humiditas cum calore in parte conseruetur. Appellatur autem in fructibus hæc pars pericarpium; quia pulpa est exterius obducta, quæ in maturitate cibis expectitur in plerisque, vt in Vua, Cerasis, Piris: Dum igitur maturatur pericarpium à calore interno, adiuuante tamen extrinsecus sole, semina interius recondita perficiuntur: simul enim ab eodem calore pericarpij humor post acerbitatem, aut aciditatē per maturationem acquirit dulcedinem, & semina ad perfectionem accedunt, vt sibi similia gignere possint. Non est autem eadē seminis materia & pericarpij; illa enim ex profundis partibus erumpit, vt superius comprobauimus: hęc autem ex exterioribus magis accedit, scilicet ex cortice. Rationi enim consonum est, vt quemadmodum pars nernea cum medulla cortice tegitur in germine, sic in fructu, quod ex internis oritur tegatur ab aliquo corpore, quod ab externis ortum ducat, & vt ibi tria sunt scilicet, Medulla, lignum, & cortex: sic in fructu, semen, cortex, & pericarpium, aut aliud quid, quod pericarpij vicē gerat. Indicio autem est, quod pericarpium materiam ex cortice sumat; nam inoculatio fructum parit pro natura corticis inoculati. Semen autem pro natura ligni, vt superius notauius. Nec obstat, quod flos externus sit,

fit, qui tamen ex internis proueniat: quando enim flos circundat, pericarpium adhuc non est factum, sed vestigium tantum adest tum seminis tum reliquatum partium: postquam vero flos deciderit, iam incrementum omnia assumunt. Præterea nil mirum videatur, si floris materia obtenuitatem erumpere extra pericarpium possit, cuius tamen materia non ex internis proueniat. Pericarpium omne ante maturitatem coloris herbacei est, ut germinum cortex: iis exceptis, quæ altero cortice in teguntur, ut Punica: Nam quæ aeti non sunt expposita, alba sunt: postquam vero maturata sunt, omnia proprios colorēs acquirunt, sed exterius magis quam interius, & maxime quæ solem spectant. Nam vel flava redduntur, vel punicea, vel purpurea, vel nigricantia, vel alba quædam etiam cærulea, ut Lauri sylvestris baccæ, dulciora quoque redduntur & odoratiora per maturationem. Constant quædam magis humore, ut Vua: quædam carne ut Ficus: Quædam duriori pulpa ut Poma: inest quibusdam succus aquosus, qui facile putreficit, ut Cerasis, Persicis, & tandem fructibus æstiuis, quos Oratio vocant: Quibusdam melleus & hi exsiccati diutius conseruantur, ut Ficus Vua. Quibusdam pinguis, ex quibus oleum extrahitur, ut ex oliis, quibusdam exiguum inest pericarpium, ut Laurinis baccis, & tandem sylvestribus omnibus: Contra multo abundant pericarpiis, quæ aquosa sunt, ut Cucumeres, & tandem fructus domestici: Aliis pericarpium singulis seminibus proprium datum est, ut Punicæ. Aliis commune pluribus, ut Meloponii, semina in quibusdam seiuuncta à pericarpiis membranis intercedentibus, ut in Pomis, & tandem iis, quorum semina cortice non osse, sed membranoso constant; ut enim in foetu humor excrementitious inter membranas continetur, ut fructus in sicco sit non in humido; sic semina maxime in sicco esse volunt; in quibusdam humor pericarpij vtriculis continetur, quibus stipantur semina ut in Limonibus, quibus & duplex genus pericarpij datum est unum succosum iuxta semina, alterum carnosum exterius loco uasculi. Sylvestrium fructus ad maturationem minus perueniunt ob siccitatem: cum tamen eorum semina non minus perfecta sint, fit enim in domestici aliquando tanta pericarpij accessio, ut semina reddantur uana, aliquando solum insit seminis vestigium, ut in Punicis dulcibus sæpe contingit. Quibus autem pericarpium est natura sic siccus, non maturatur, ut in Amigdala, & Nuce, à quibus abscedit, cum semen perfectum est, maturatio enim in humore fit, post maturationem autem pericarpium omne exsiccatur in membranose substantiam, & tabescit, ut patet in Cucurbita, & Mandragoræ fructu seminibus integris permanentibus; si uero putreficit prius, periculum est ne semina contagio afficiantur, & peréant, putreficunt autem imbris superfluis, uel si lardantur isti, ideo in arbore melius exsiccantur à sole, si cætera tempestiuè succedant. Decerpti

autem fructus quidam magis, quidam minus putrescent; idcirco qui semina colligunt, eximunt à pericarpio, antequam putrefacat, & in sole siccant. De pericarpio igitur hæc satis.

C A P. X.

NON omnibus autem datum est pericarpium; nullis enim Fru-
mentis, neque leguminibus, neq; vt summatim dicatur generi
herbaceo, paucis quibusdam exceptis, vt Solano, Mandragora,
Fragaria: arboribus autem & fructibus plerisque datum est. Eo autem
carent Pinus, Abies, & reliquæ coniferæ, item Auellana Fraxinus, Gland-
iferæ omnes: quibus autem pericarpium negatum est, iis aliud corpus,
quod eius vicem gerat, tributum est, siccius quidem pericarpio, sed non du-
rius semenis cortice; oritur enim, vt pericarpium ex extima parte germi-
nis, & eandem præstat semini utilitatem. Quoniam vero eorum natura
siccior est, siccius quoque corpus seminibus fœwendis concessum est:
Nulla autem sunt, quæ aut pericarpio, aut proportionali tegmento ca-
reant usque ad semenis perfectionem: nisi forte pauca, quibus satisfa-
ciat corticis crassities & durities, vt Tribulus, Lithospermon; in his
enim videntur nuda omnino semina in caule ferri: extra corticem enim
lapideum nullum est aliud inuolucrum; sunt tamen umbilici quidam
florem tegentes, in quibus multo tempore clauduntur semina, perfecto
autem semine, resupinantur, & nudum id ostendunt, in fœniculo & cæte-
ris ferulaceis, teguntur semina quadam cute caulis striata: nam in qui-
busdam eius generis manifestus est nucleus internus durus, vt in cädido
Rosmarino; creduntur tamen in omnibus huiusmodi nuda esse semina,
quia externa cutis non abscedit à cortice ob exilitatem, & similitudinem
substantiæ: extima enim caulis ferulacei nō multum distant ab intimis,
cum cortex abierit in folia, Hordei quoque granum, & Zeæ nudum vi-
deatur: quia vtriculis quibusdam clauditur florem tegentibus, qui diffi-
cilius abscedant. Quibusdam igitur sufficit tegmen flori superpositum,
vt in Marrubio, Buglosso, Tritico, quo deficiente, aburitur quandoque
natura ipsis foliis, vt in Milio Indico, nam paniculæ integræ foliis in-
uoluuntur, cum singulis seminibus neque flores, neque florum tegmina
data sint. Similiter autem in Tritico, & cæteris spicam ferentibus, aliquo
tempore spica foliis est inuoluta, sed postea erumpit. Aliis autem natura
præter floris tegmen proptium inuolucrum seminibus tradidit; idque
aut singulis singula, vt in Auellana, Glande, Nuce Vnguentaria, aut unum
commune pluribus seminibus, quasi vasculum multis modis formatum;
nam vel oblongum corniculi modo, quæ siliqua appellatur, vt in legu-
minibus, vel rotundum capitis modo, vt in Lichnide, vel alia qualibet fi-
gura.

gura; idque vel vnica communi cuitate, vt in Rosa, vel in plures loculos partita, vt in Papauere: aliisque variis modis. Quæ distin^ctio etiam in pericarpiis reperitur: sunt autem quædam, quæ & vasculum habeant & floris tegmen vt Polemonia, Lichnis. Quædam præterdicta lanosam quandam substantiam habent, qua semina farciuntur & fountur, vt Asclepias, Rhododaphne, Populus, Cicoracea, quibus Pappi seminibus insident, vel uti plumæ quædam: proportione autem respondent hæc iis, quæ in vasculo aliud genus pericarpij habent, vt Aurantia, Punica; differunt autem: quoniam pericarpium externum magis videtur, scilicet à tunica germinis ortum: Pappi autem, è cortice seminis efflorescere videntur, vel in summo tantum, qua etiam flosculi in Cicoraceis exoriuntur: vel vndique vt in Rosarum seminibus; est enim valde tenuis & siccæ lanuginis substantia, & vt plurimum euolat cum semine relicto vasculo: feruntur enim in auram huiusmodi semina, & volitant ob lanuginem ad iunctam. sedent autem in vasculo semina suis neruiculis adnexa; vel in ambitu, vt in Ficu; vel in medio, vt in Lichnide; vel ab uno latere, ut in leguminum siliquis; vel in duobus lateribus, ut in Chelidonio; vel in inferiori parte, ut in iis, quorum vasculum est floris tegmen, vel in superiori, ut seniina deorsum inclinentur superius appensa, quod in plerisque reperitur. Sunt, quorum vascula resupinantur, ideo semina exterius uergunt, ut in Chamæleo, idem uideretur contingere in fructu Mori, & tandem omnibus, quibus semina exterius acernata sunt, ut Rubo, Fragaria, Ranunculo: Mori enim fructus est ueluti Ficus inuersa, ut pulpa in medio sit, in ambitu semina, similiter se habent inter se Roseæ fructus & Rubi vascula, ut plurimum duplice corpore constant, externa quidem cutes molliori, interna uero duriori. opposito modo, quam in seminibus: quod recta ratione fit; cum enim hæc a cortice caulis orientur, hic autem duplex sit in plerisque, & externus quidem mollior, internus uero durior, qui in arboribus liber appellatur. merito eadem ratio respondet in fructu: patet autem id in siliquis omnibus; tenera enim est pars externa, adeo vt in quibusdam mandatur cocta, vt in Pisis, & Phaseolis, in quibusdam etiam cruda, cum sponte maturetur in dulcem substantiam, vt in Si liqua arbore. interna autem pars membranosa est & dura: aliquando carthilaginea, ut cum dehiscit perfectis seminibus, ea longius proiiciat cum crepitu, ut Sparto contingit, sed maxime omnium Ricino. Oxygymno longius expuit semina, & Catanance, ut difficile sit colligere. Cucumis sylvestris alia ratione longius una cum seminibus expuit humorem pericarpij: Quia vasculum quasi supra modum tensum abscedente fructus pediculo per ostium exprimit, quicquid intus est, ubi maturus est fructus: seungitur autem pediculus eo tempore minimo tactu. Opposito autem modo se habent vascula, quæ pericarpio constant; du-

rior enim est pars externa, ut in Cucurbita, Punica, similiter se habent, quae solitaria sunt, Persica, Pruna: iis enim cutis durior exterius circumposita est ad tutelam pericarpij mollioris, quibus superdatur floris tegmen, nisi constent pericarpio, uasculum, ut plurimum cartilagineum est et omnino, ut Lichnidis, Polemoniae. Est autem unus fructus, qui uno tegmine continetur externo, quamuis interna divisa sint; ut in Peonia, & Aconito, tres siliquæ aut plures in eodem exortu sub eodem flore continentur; quae enim sub eodem flore sunt, sunt etiam sub eodem floris tegmine, quod externum est. Plures vero qui nullo communī tegmine teguntur, licet ex eiusdem sedis diuisione oriuntur, ut Vuarum acini; singuli enim sub singulis floribus sunt, licet racemos unus sit. Ambigunt quidam, ut partim unus videantur, partim plures, ut Frumentorum spicæ: cum enim unus sit initio, totius spicæ tegmen ex caulis foliis unus videatur fructus: cum vero in spica singulis seminibus singuli flosculi & membranulæ flosculos tegentes dati sint, plures videantur in una spica fructus. At si tegmina ex foliis consideremus, omnia huiusmodi unus essent fructus non plures? Nam omnes racemos & spicosi fructus in exortu foliis teguntur: & tandem quæcumque in nouello germine fructificant, fructum sub foliis reconditum initio ferunt, sed quoniam folia alterius finis gratia data sunt, flores autem & florum tegmina solius fructus gratia in merito ex his, non ex foliis unitas & multitudo fructuum spectanda est. Si qui autem flores sunt singulis seminibus distributi, sed sub uno communī florum tegmine, ut in Acanaceis spectatur, unus est fructus dicendus non plures: si autem nullum sit commune tegmen, licet flores racematim coherent & fructus, ut in Ligastro & Vite, non unus est dicendus fructus: sed fructuum racemos. Est autem unus racemos, qui uno principio ex caule sinitur in plures fructuum sedes. Non tamen in omnibus id racemum vocant, sed in quibus fructus pericarpio constant, ut in Vite: in frumentorum genere spicam vocant, quae erecta est; Lubam, quæ sparsim propendit ut in Milio; Paniculam, quæ magis compacta, ut in Panico; in genere ferulaceo, Umbellam, seu Umbraculum vocant; quia erectum in latam quandam superficiem definit ad eorum similitudinem, quibus utimur in itinere ad arcendos solis radios. Fructificant autem quædam in summis caulinibus, ut Cæpa, & inter arbores Palma. Quædam in summis surculis, ut Verbena, & inter arbores Rhus. Quædam à laterē, idque vel in ipsis foliorum alis, ut Ficus, vel in opposita foliorum parte, ut Vitis, vel in aliis ramisculorum in ipsamē diuisione, ut Tithymalus: quæ non possunt simul florere: sed particulatim pro ramisculorum germinatione quædam in ipsis foliis fructificant, ut Ruscus, Chamædaphne; eorum enim folia nervosa sunt, parum differentia à caulis substantia; idcirco sedem seminibus impartiri potuerunt: sunt etiam

etiam quorum folia adeo crassa, vt in ramos & caudicem transeant, vt Opontia, in cuius summis foliis tanquam in surculis fructus nascentur. Quædam in radice fructificant fructuum pediculos potius quam cauliculos ferentes, vt Viola, Ciclaminus, Mædragoras, Chamæleon. Quædam florent priusquam folia edant & germina, vt Amygdala: fructificant enim in annotino surculo. idē contingit iis, quæ in ramis grandioribus & caudice fructificant, & inter herbas quædam ex iis, quæ in radice fructificant, vt Cholchicum, Narcissi quoddam genus, Ciclaminus. Quæcunque autem in caulis fructificant, & inter arbores, quæ in nouellis germinibus, omnia germinant prius, & folia edunt quam flores, sunt quædam, quæ utroque modo fructificant vt Ficus: quidam enim in annotinis surculis proueniunt, quos grossos vocant, quidam in germinibus nollenis, qui & posterius maturantur; Tempora autē fructificationis sunt pro germinationis tempore, cum ad perfectam etatem prouenerint, in qua gignere possint sibi similia, Vere autem plurima tum germinat, tum fructificant inter arbores, sed de fructificatione & partibus ad fructus constitutionem datis hæc sufficiant in vniuersum; nam singillatim in singulis differentias contemplabimur.

C A P. X I.

SVNT porto aliæ quædam partes in plantis nonnullis, vt in animalibus, cornua, pili, & vngues, partim alicuius gratia, partim ex necessitate; Alicuius quidem gratia plantis, quatum caules infirmiores sunt, quam vt se ipsas aut fructus sustinere possint; natura addidit capreolos, seu claviculos, quibus tanquam manibus vicinas plantas apprehendant, & veluti funiculo circumducto amplexentur, vt earum adminiculo sustentari possint, vt Viti, Cucurbitæ, Piso. Oriuntur autem capreoli, vel in ipsis foliorum alis, vel à latere, vel ex aduerso, vel etiam in summis foliis, vt leguminibus quibusdam contingit; Quædam foliorum pediculis pro capreolis vtuntur, vt Clematis: Hedera aliud genus capreoli sortita est; nam veluti vngues per totum caulem frequentes, aut veluti Centipedum, pedes disponuntur, quibus pertinaciter affigitur arboribus & parietibus. Quod autem capreolorum instrumento quædam faciunt, aliæ suismet germinibus præstant serpentis modo se circumvolventibus: Nam hoc modo vicina amplexantes scandunt, vt Periploca, & inter herbas Helxine, quasi sensus quidam adiacentis corporis illis videatur inesse, cum repant, donec inueniant, & inuentum apprehendant. Aliis ad arcendas iniurias, aut etiam inferendas tributi sunt aculei; nunc in caulis, vt Rubo; nunc in foliis, vt Agrifolio; nunc in fructu, vt Tribulo; nunc sub foliis tantum, vt Ononi: nunc ubique, vt plurimis

Ramis Acanaceis: Quibusdam surculi ipsi in pungētes aculeos desinunt, vt Iuncus acutus, & Nepa, aliis ipsamet folia aculei sunt, vt Asparagus. Partes autem ob solam necessitatem additæ videntur, quæ in vetustis arborum caudicibus & ramis innascuntur, vt villi quidam conuentientes pilotum modo, aut ad similitudinem Iubæ propendentes, quem Mogum vocant; Peculiaria etiam quædam sunt, vt in Robore Galla, in Illice granum puniceum, in Vlmo vesicæ quædam, in Rubo Canino villosi quidam tuberculi, quæ spongiolæ vocantur, & in aliis multis diuersa, quæ tanquam excrementsa sunt iudicanda, cum nullius gratia data esse videantur, licet hominibus vsum aliquem præstent. His autem explicatis sequitur, vt plantas in genera distribuamus.

C A P. X I I .

SVNT quidem omnibus recepta quatuor genera plantarum extotius habitu & vita distincta: Arbor, Frutex, Suffrutex, Herba; exstant totius igitur habitu Arbor & Frutex à reliquis differunt: nam copulenta illorū longe durior grauiorq; spectatur, quod lignum vocatur. Reliquorum autem mollior substantia, & laxior est, ideo & diutius vivunt Arbores, Fruticesque, & vt plurimū magnitudine quoque vincunt. Arbor autem à Frutice differt simplicitate; vnico enim caudice apta nata est arbor assurgere, nisi impediatur, eoque habitiori, quam Frutex. Hic aut pluribus, iisque gracilioribus, nisi arte coercentur; affinis enim eorum natura est: Suffrutex autem & herba inuicem ex viuendi tempore distinguntur. Suffrutex enim perplures annos viuit, aut radice tantum, vt Ferulacea, & Acancea, quorum caules singulis annis pereunt, aut etiam caule, vt Ruta, Sampucus: ideo saepius semen ferunt: ex vite igitur diutinitate videntur accedere ad Fruticum naturam magis, minus; recentur autem ex mollioris substantiæ natura. Si quæ autem in eo generis aut etiam in genere herbaceo solidiori corpore constent, & habitiori, arborescens cognominari solent, vt in genere Maluæ, & Tithymalorum, & Ferularium reperiuntur: Aliter autem Suffrutex quoque accipitur, qui surculosus assurgit similitudine quadam Fruticis, quod & inter herbas reperitur, qui & Fruticulus appellari solet. Herbe autem propriæ appellantur, quæ postquam semen perficerunt, moriuntur ex toto, vt Fruges & Olera plurima, quamvis alio modo Herbarij accipient, herbas appellant, quæ in foliis insitas habent vires, vt etiam rustici appellare solent, quarum folia ad iumentorum pabulum veniunt, & ex quibus foenum parant. Alij herbas vocant, quæ à radice foliatæ exeunt, vt caule non caudice semen ferunt: quasi herbis vnicus caulis insit, vt arboribus vnicus caudex; sic enim à Suffruticibus, & Fruticibus distinguuntur; quæ exeunt surcu-

surculosa, nec à radice foliata. Sunt autem secundum primam significa-
 tionem herbarum, quædam annuæ, quæ intra annum semen absoluunt
 & vitam, vt Fruges : Quædam Bienniæ, quæ non nisi anno secundo se-
 men ferunt, vt Apium ; Triennias etiam quædam nouimus : quo autem
 modo singula hæc genera in species distribuenda sint, difficile est videre ;
 cum enim innumerabilis pene sit plåtarum multitudo ; necesse est, & alia
 genera multa esse intermedia, sub quibus vltimæ species continentur, sed
 pauca adhuc nota sunt ; nam præter frumenta & leguminæ, quæ commu-
 ni nomine Fruges vocantur, & præter Olera vix alia reperiemus manife-
 sta, & hæc ab usu potius assumpta, quam à formæ similitudine, quam quæ
 sumus : inter Fruges enim Sesamum numerant, & Irionem ; quia eorum
 seminibus vescimur, formis maxime à cæteris diuersa. In Oleribus autem
 longe plura reperiemus formis distantissima, vt Asparagum, Brassicam,
 Portulacam, Cicerium, Bulbos, aliaq; multa, quæ in nulla re alia conueniunt
 præter quam in vsu cibario, vel tenera germina, vel folia, vel radices, vel
 totas plantas nobis assumentibus. Inter suffrutices quoque pauca quæ-
 dam genera notantur, vt Coronarium, quod eorum flores, vel folia ob-
 quandam coloris venustatem, vel suavitatem odoris in coronas assumi
 soleant : cum tamen in cæteris inter se valde distent. Idem in genere acu-
 leato reperiemus, & ferulaceo : præterquamquod hæc à quarundam par-
 tum similitudine assumpta sunt ; Ferulaceum enim genus ponitur, quod
 caulem similem Ferulæ gerit : aculeatum vero, cuius vel folia, vel fru-
 ctus, vel caulis aculeis armatur : quamuis huiusmodi inter frutices quo-
 que, & inter arbores, & inter herbas repellantur. In iis præterea, quæ
 vires habent medicatas, vnum genus herbatum statuunt, cum tamen &
 multitudine differentiatum, & totis formis maxime omnium vagum sit.
 Ex his igitur, quæ hucusque tradita sunt, difficilis valde est plantarum
 cognitio : indistinctis enim generibus, species multis modis confundi
 necesse est ; orta autem est difficultas, quia incertum est, vnde similitudo
 generum colligenda sit. cum enim duæ maxime conspicuæ sint planta-
 rum partes radix & germen, ex neutrorum similitudine, & dissimilitu-
 dine genera, & species colligi posse videntur ; nam si vnum genus earum
 statuamus, quæ radice constant rotunda, vt Rapum, Aristolochia, Cycla-
 minus, Aron, ab eo genere separabimus, quæ maxime conueniunt, vt
 Napum & Raphanum, quæ cum Rapo, & longam Aristolochiam, quæ
 cum rotunda ; coniungemus autem distantissima. Cyclamini enim &
 Rapi distantissima est natura in cæteris omnibus. Similiter autem si vnu
 genus statuamus eorum, quæ radice cōstat fibrosa, vt Tritici, Ranunculi,
 Ellebori, in easdem difficultates incidemus : quod & in cæteris differen-
 tiis contingit. Si vero caulium differentias contemplemur, vt unum ge-
 nus eorum ponamus, quorum caules nudi sunt, ut Iunci, Cæpe, Aphacæ

inter Cicoracea, Violæ: similiter connectemus diuersissima, & disiungemus maxime affinia. Positum est genus Ferulaceum ob caulis similitudinem, qui propter levitatem baculis expetitur præcipue pueris cedendis, ferulam comprehendens Asphodolum, Elleborum candidum Paprum, & alia huiusmodi in cæteris distantissima. Quod si foliorum caulem uestientium differentias notemus, aut etiam florum, in eisdem difficultates incidimus; multa enim sunt genere distantissima, quorum folia maxime similia existunt, ut Polygoni, & Hyperici Erucæ, & Sesamoidis, Apij, & Ranunculi, & quæ eiusdem generis aliquando foliorum differentia ualde differunt, ut Ranunculorum species, & Laetucarum. Tanto minus florum colores aut figuræ, aut alia huiusmodi similitudinem genericam plantarum constituent. Quid enim commune habet Vitis cum Oenanthe, præter floris similitudinem? Quod si omnium partium similitudinē quæramus in generibus constituendis, non magis species ultimas quam genera constituemus. Nam quæ similia in omnibus sunt, ut plurimum specie non differunt. Modica enim earumdem differentia non semper speciei diuersitatem facit, cum sæpe ob locorum diuersitatem, & culturam, multum immutentur tum folia, tum flores, tum reliquæ partes, ut præcipue patet in arboribus. Si enim domesticæ serantur semine, ut plurimum sylvestres nascuntur, quasi indifferentes species sint, quæ cultu, aut alia ratione fuerint alterata: nam simile ubique simile gignit, secundum naturam, & eiusdem speciei; si uero plurimatum partium similitudo sufficiat generi, multa effugient genus proprium, ut Elleborus niger non fuerit eiusdem generis cum albo; tota enim facie differt: similiter se habet Laetula sylvestris cum domestica, præterquam quod eo modo inuestigantibus plantarum genera non erit manifestum, quo pacto superiora genera sint constituenda; quæ enim in plurimis partibus similia sunt, proxima sunt speciebus ultimis. Quæ igitur difficultates contingunt in plantarum tractatione huiusmodi sunt. Idcirco Dioscorides secundum uitium similitudines in medicinis coniunxit, & distribuit. Theofrastus genera assumpsit uulgo nota, quæ ab usu magna ex parte accepta sunt, alia à loco ut Aquatilia, Montana, & huiusmodi.

C A P. X I I I.

CVM autem formarum similitudines, & dissimilitudines quæramus, ex quibus constat Plantarum substantia, non autem eorum, quæ accidunt ipsis: accidētia enim posterius innotescunt cognita substantia. Idcirco neq; ex facultatibus medicatis, neq; ex alia vtendi ratione, neq; ex locis, in quibus proueniāt, aut aliis huiusmodi genera eorum, & species sunt constituenda: Hæc enim omnia accidentia sunt. sed substantia

stantiæ ratio forte incognita est, incognitis differentiis vltimis, vt multi putant, idcirco oportere per accidentia circumscribere. At contra hanc sententiam disputatum est abunde in quæstionibus Peripateticis. Alij differentias secundum formam ex anima tantum colligi oportere putantes, coguntur fateri omnes plantas vnius speciei esse, cum vnicam animæ partem, quæ vegetatiua appellatur, sorbitæ sint omnes. At ostensum illud quoque est, differentias formam constituentes etiam ex materia, quæ illius gratia data est, colligi oportere, si igitur in plantis indifferentes essent partes ad operationes secundum illam animæ partem præstandas, vna esset omnium plantarum species. Quoniam vero videmus multis modis differre, idcirco in multas species, & genera distribui necesse est. Cum igitur omnis substantiæ ratio à fine petatur; propter illum enim substantiæ quoque sunt, quæ illius gratia habentur, videndum est in plantis, que similitudo & dissimilitudo in iis fuerit, quæ primi animæ operis gratia data sunt, deinde quæ secundi, & siquæ alia sequantur deinceps. Est autem primum vegetatiui opus, quod omnibus viuentibus inest alimenti attractio, quo nutriantur & crescant. Partes autem huius gratia datae sunt radix & germen: ex horum igitur differentiis prima genera constituenta sunt: vt quorum radices & germina habitiori substantia, & duriori constant, quod lignum vocatur, arbores sunt & frutices. Quorum vero tenuior & mollior substantia est suffrutices sunt & herbæ: Petitur enim hæc differentia ex natura similarium partium totas plantas constituentium. Similiter altera diuisione addita vtraq; genera subdividi possunt: vt quorum simplex germen assurgit, arbores sunt, vt herbæ, quorum vero multiplex, Frutices sunt & Suffrutices: sumptis ex numero differentiis. sed quoniam Suffruticis & herbæ nomen vario modo accipitur, vt superius notauiimus, clarius agemus, si altera diuisione neglecta, duo tatum genera constituamus cum arboribus coniungentes Frutices, & cum Suffruticibus herbas. Præterea ex propriis radicum differentiis, & caulin singula genera summam diuisionem patiuntur. Vt si radix erecta vntica vel plures, vel obliqua, vel geniculata, vel fibrosa, vel rotunda, alba, rufa, crocea & cætera huiusmodi; similiter si caulis rectus, aut obliquus, humili stratus, aliena scandens, concavus, geniculatus, aculeatus, asper, leuis, rotundus, quadratus, ex quibus omnibus & huiusmodi, abditis etiam foliorum differentiis suprema genera distinguuntur: quantum plantarum partes ad primi operis functionem datae sunt: sed ex his nequaquam alia genera colliguntur, cum hoc ad partes secundi operis spectet. Secundum autem vegetatini opus est generare sibi simile, quod & perfectione prius est, cuius gratia dati sunt fructus & partes ad fructificationem facientes; cum igitur id non omnibus insit, sed perfectioribus, pro fructificationis similitudine, & dissimilitudine poste-

riora genera; tum in genere arboreo, tum in humiliori materia consti-
tuenda erunt: Nihil autem refert siue nominata sint genera siue innomi-
nata; non enim omnibus nomina sunt imposita, sed iis magis, quæ vti-
litatem aliquam conspicuam hominibus afferunt, ut frumenta, legumi-
na; quod si tertium aliquod esset vegetatiui opus, ex illo similiter, & ex
partibus illi destinatis, tertia colligenda esset partitio, qua superiora ge-
nera in alia diuidentur. Sed quoniam duobus praedictis absoluitur
plantarum operatio, idcirco in illis tantum versabitur generum collec-
tio & partitio. Et merito ex modo fructificandi multa emerserunt plan-
tarum genera: in nullis enim aliis partibus tantam organorum multi-
tudinem & distinctionem natura molita est, quanta in fructibus conden-
dis spectatur. Quemadmodum enim animalia ex sensuum, aut motuum
instrumentis plerasque & præcipuas differentias sortita sunt: ultra enim
sensum & motum alias operationes non habent: sic plantæ in fructifi-
catione, tamquam ultima perfectione admirabilem varietatem ostendunt.
Si similiter animæ pars intellectiva instrumentis uteretur: hominum ge-
nus ex illorum differentiis in multis species distributum esset. Quoniam
vero intellectus, per quem homo est, nullo corporeo uititur instrumen-
to, idcirco natura unicam speciem condidit humanam; & si enim qui-
dam Aethyopes sint, quidam Gigantes, quidam monstruosa aliqua
forma, omnia accidentia sunt; non enim qua homines sunt diffe-
rentia, secundum partem scilicet intellectui seruientem: idem in qui-
busdam plantis inspicere licet, quæ specie differre videntur, quarum
tamen differentiaz accidentia sunt. sed quo pacto distinguenda hæc
sint, ab his quæ substantiam constituunt, inferius patebit. Enitamus
igitur ex propriis, quæ fructificationis gratia data sunt, plantarum ge-
nera inuestigate, tum in arboribus tum in fruticibus, & reliquis hu-
milioribus.

C A P. X I I I .

PLANTARVM quedam nullum omnino semen ferunt, quippe
quæ cum imperfectissimæ sint, ex putredine tatum ortum ducant:
idcirco eas nutriti tantum & augeri contingit: generare autem
sibi simile nequeunt tanquam media inter plantas & inanimata, quemad-
modum Zoophyta, inter animalia & plantas, ut Fungorum genus; Len-
ticula palustris, Lichenes, Frutices multi matini. Quedam moliri qui-
dem semeo uidentur, sed imperfectum efficiunt ob propriam naturam,
ut inter animalia Mulus; sunt enim ueluti aliarum plantarum abortus
aut morbi, ut multa in genere frumentorum, quibus spica inanis & fere
luncorum genera, & Testiculorum, Orobanchæ, Hypocistis: nam in his

pro

pro semine puluisculus, aut muccus conceptaculis continetur. Quamvis autem inter perfectiores, quædam sint steriles, non sunt in hoc genere ponendæ: quoniam imperfectio in illis non ex natura speciei continet, sed individui. Quædam aliquid ferunt, quod proportione respondet semini; nam per id uisa sunt propagari; est autem lanugo quædam foliis insidens, caule autem & flore & semine carent, ut *Filix*, *Adiantum* *Phillis*. Quædam tandem semen perfectum ferunt, quod genus cum multam habeat latitudinem, id primo loco partiamur; continet enim plantas perfectiores. Cum ad organorum constitutionem tria maxime faciant, scilicet, partium numerus, situs, & figura, (magnitudo enim non uidetur speciem organi immutare, nisi simul figuram immutet: Solutio autem continui, aut unio ad numerum pertinent: durities, molles, color, & reliquæ qualitates ad similares partes referuntur) natura secundum illorum differentias in fructibus condendis multis modis lusit, ex quibus uaria plantatum genera constituta sunt. Nam primum, cum flos & floris tegmen extimum sit fructus inuolucrum, aut sub uno flore vnum semen condidit, vt *Argyndala*, vel vnum seminis receptaculum, vt *Rosa*, aut duo semina vt *Ferulacea*, vel duo seminum receptacula, vt *Nasturtium*, aut terna eadem vt *Tithymalorum* genus terna semina, Bulbacea terna conceptacula aut quaterna, vt *Marrubium* quaterna semina, *Siler* quaterna conceptacula, aut plura vt *Cicoracea*, & *Acanacea* plura semina, *Pinus* plura seminis conceptacula: Deinde seminis situs in suo conceptaculo, vel in sede, aut eo modo est, vt eius cor exterius spectet vel interius. Similiter de situ floris considerandum: nam aut exterius summis fructibus insidet, aut inferius circa sedem fructus exoritur. In omnibus autem dictis consideranda est ultimo figura tum seminum, tum conceptaculorum, tum florum: Amplius fructuum sedes, molles, durities & cætera huiusmodi, ex quibus propinquiora subinde genera constituuntur. Hæc vero eadem secundum proportionem reperiuntur tum in genere arboreo, tum in humilioribus. Si quæ autem his differentiæ accedant, ex foliis caulibus, radicibus, aut aliis partibus, quæ ad fructus constitutionem non faciunt, quodammodo per accidens erunt, quodammodo autem per se, quatenus fructus gratia datæ sunt, vt folia ad umbram praestandam, caules ad fructus ferendos, radices ad alimentum subministrandum; idcirco ex illis differentiæ, cum iis, quæ ex fructificatione sumuntur usque ad species ultimas genera contrahunt. Quæcunque autem neque ad totius plantæ, neque ad fructus constitutionem faciunt, vt colores, odores, sapores, & alia huiusmodi, accidentia sunt; Ideo sæpe aut ex cultu, aut locorum, aut cœli diuersitate variantur. Quæ autem per se sunt, ubique eodem modo spectantur. Quædam tamen sequuntur naturam specificam, vt plantarum vires in-

medicinis, sapore, & aliæ proprietates, quas Medici in primis considerant, quæ etiæ aliquando per se insint, non tamen differentiæ sunt constituentes earum substantiam, quas hoc loco querimus.

Incipiamus igitur ab arboribus cum quibus ob affinitatem Frutices quoq; coniungemus secundum rationem predictam in genera & species partiendo; Deinde ad Suffrutices & herbas accedemus.

Finis Primi Libri.



A.N.

31

ANDREAE CAESALPINI ARETINI

LIBER SECUNDVS DE ARBORIBVS.

CAP. PRIMVM.



VM in omni tractatione, ordo partim ad faciliorem doctrinam faciat, partim ad memoriam: in explicandis arboribus visum est à Simplicioribus incipere. Sunt autem simpliciores, quæ sub uno flore voivimus semen ferūt, aut unum seminis conceptaculum, quamquam quæ plura. Voco autem seminis conceptaculum, quod aptum est plura semina cum propriis corticibus continere, ut Castaneæ, Echinatus, Calyx; Quoniam vero hoc non unum genus est, nisi forte secundum analogiam: ex aliis differentiis superius positis genera colligenda sunt. ex situ igitur seminis & floris, accipiamus primo ea, quorum semina eo modo sedent, ut cor exterius vergat, quod in plerisque arboribus contingit: similiter flos, si quis insit, in summo fructu insidet. Plurima autem in hoc genere flore carent, cum flos in plerisque abierit in amentum, ut in Glandiferis omnibus & Nucibus. Carent eadem pericarpio sola seminis medulla in cibis expectata. Differunt autem quoniam his quidem seminis cortex crustaceus est, ut in Glande, & Castanea: his vero osseus ut in Nuce. Incipiamus igitur à Crustaceis, horum semina in calyce solitaria sunt excepta Castanea, quæ terna ad summum continet. Calyx omnibus asper, in quibusdam etiam spinosus, vnde semen circumpleteatur in Castanea & Fago, partem autem tantam in Glandibus. Nam acetabuli profundioris modo excipit glandis partem; Vnde glandis figura oblonga extra suum acetabulum prominet.

C A P. II.

GLANDIFERVM differentiæ partim ex glande, partim ex foliis, caudice, & materia colliguntur; Folia omnibus integra, modice oblonga; his quidem in ambitu sinuata magis minus: his vero absq; vlla sectione: cortex crassus, & scaber: lignum carnosum & grue; amant aprica. plura in hoc genere reperiuntur apud autores nomina, quam species, aut quia in Italia non omnes proueniant, aut quia apud diuers.

diversas gentes diversa sint eiusdem nomina. Videamus igitur prius species, quas nouimus. Folio igitur sinuato, & deciduo tres notę sunt, quantum vna Quercus vocatur, frequens in collibus; caudice intorto, ramis in multam latitudinem sparsis; folio non valde sinuato; glande mediocri, licet quædam maiorem, quædam minorem ferat glandem optimam ad saginandos sues; folium similiter hæc latum, illa angustum fert. Altera erecto caudice in ingentem altitudinem folio maxime sinuato, glande in Echynato calyce insuavi, quæ Cerrus appellatur. Tertia erecto similiter caudice non adeo excelsa: folio latiore modice sinuato, glande maxima rotundiori: Appellant in Etruria Farniam, triremis fabricandis expertam: materia enim flexilis & enodis: Eadem in maritimis reperitur, sed operibus inutilis. Quæ autem folio constant non sinuato, dissimilia secundum ætatem folia ferunt, nam initio obrotunda sunt modice sinuata in angulos acutos: adulta autem arbore oblonga redduntur & angustiora; quasi Oleæ similitudine, sed ampliora, inferne candidantia: glandem ferunt tenuem in acutum desinentem inutilem, perpetuo virent: Huius generis quinque nouimus species, scilicet Suberem, Suberellam, Ilicem duplicem, & Granum tinctorum Suber corticem habet, subalbidum, crassissimum, fungosum ad cadorum obturamenta utilem, & crepidas; caudex magnus non multis ramis. Suberella in ceteris Suberi similis, cortice tenui, folio latiore, modice sinuato: utraque in maritimis tractibus oritur. Ilex minor est Subere, cortice nigro, aspero; folia eadem: nascitur in asperis collibus: Alterum genus fructicosum rotundiori folio modice sinuato. Audio in Hispania quoddam genus oriri, cuius glans dulcis commeditur, ut apud nos Castaneæ, Enzinas vocant patrio nomine. Granum Tinctorum in Hispania prouenit, foliis pungentibus, que præter glandem, granum quoddam leue & puniceum fert, quod Coccum antiquis appellatum est, à nostris Granum Tinctorium, in grano vermiculus nascitur, qui in aceruis parietes scandens linteis colligitur, ac vino irritato congeritur, & contunditur: Chermesinum vocant sericis tingendis facit incomparabilem purpuram. Quæ igitur apud nos sunt notæ, tot sunt inter glandiferas. At Theophrastus, quæ folio constant deciduo communi nomine Δρῦ: idest Robur sive Quercum vocat, cuius modo quatuor, modo quinque facit species: Nam qui Idam incolunt, Roboris quinque faciunt species, quarum prima Hemeris sive Placida vocatur, glande post Fagum dulcissimā, non erecta, nec leuis, nec excelsa, sed corpore in orbem commoto, contorto, sinuosoque, ut nodosa, alosoaque assurgat, materies robusta, verum infirmior, quam Fago, ex quibus manifeste significatur ipsum intelligere nostram Quercum, tenuiori glande & folio; Secundo loco Cerrum numerat, quæ lis etiam superius à nobis descripta est. Tertio Latifoliam, rectitudine, & excelsitate

excelsitate post Cerrum : glandis autem dulcedine post Placidam , quæ notæ in nostra Quercu Latifolia reperiuntur . Quarto loco Fagum ponit , non quam nos ex Plinio Fagum vocamus , quam post Castaneas com modius , ut puto , reponemus : non enim proprie glans vocata est Fagi nea , ut etiam notat Plinius . Fagus igitur apud Theophrastum quarta in ter species Roboris , germinat paulo ante Equinotium , auctu facillima : Robur sylvestre à quibusdam vocatur ; quia montosis nascitur , ligno scabro , sed glande dulcissima , licet quoddam eius genus amaram illam habeat : lapidescunt eius partes postremæ vtrinque in genere masculo , modo in putamine , modo in carne ipsa : caudice crassissimo , materie ro bustissima , putredinique nulli obnoxia , & madefacta melior redditur ; permanere etiam in aqua posse videtur incorrupta : arboris species in or bem carnosa , minus torta quam Quercus : Macedones ei glandem rotun dam tribuunt . hæc nequaquam Vulgati Fago conueniunt , sed potius Farniæ in montibus altissimis ad naues quæsitæ . Quinto loco Naliphlios , seu Salticortex additur , quæ etiam Recticortex cognominata est ; glande post Latifoliam dulci , cuius postrema vtrinque lapidescunt vel in puta mine , vel in carne , quod masculis tantum eius generis contingit , ut etiam Fago : crasso caudice , sed fungoso , & magna ex parte cauato , si crassus sit : hæc ædificiis minus utilis habetur : breui putreficit , vnde concava redditur . ideo sunt qui hanc solam corde carere volunt , & fulmine solam iaci , quamvis non altitudine excellat . Ad cremandum quoque , & ad Carbonem faciendum vitiis obnoxia est ipsa & Latifolia : hanc putaverim apud nos illud genus Farniæ esse , quod in maritimis prouenit : facie quidem parum discrepans : sed ligni asperitate multum Macedones autem Roboris quaterna genera faciunt , aliis nominibus , scilicet Etymodrym , seu Veriquerum , quæ glandem dulcem producit . Hæc cum Placida eadem videtur esse , secundo loco Esculum , quæ glandem amaram fert , Latifoliam uidentur intelligere . Tertio Fagum , quæ rotundam fert glandem , quæ Farnia est . Quarto Cerrum , quam quidam sterilem putant , alij fructum adeo uitiatum ferre , ut cum nullum animalium mandere possit , præterquam Sues , & hos cum alium nullum ha bent , & caput magna ex parte tentari . materies quoque improba , & laborata quidem omnino inutilis , rumpitur enim & cadit ; rudis autem melior , ob id sic ea utuntur . carbo eius transilit & scintillat comodius in ærariis officinis : hæc autem Cerro superius dicto satis conueniunt . Reliquarum autem glâdiferarum , quæ perpetuo uirent , numerantur ab eodem Theophrasto species quinque scilicet . Ilex , Smilax , Phelodrys apud Arcades uocata : Suber , Aquifolia : De Illice igitur inquit , folio Roboris est , uerum minori , aculeatoque : cortice leuiori , quam Robur : Arbor ipsa magna assurgit modo Roboris , si locum & solum adipisca-

tur idoneum : materies spissa robustaque radix alta admodum & multiplex : fructus glandulosus , sed glans pusilla sero maturens , ideo ueterem nouus occupat , unde bifera à nonnullis existimata est . Fert præter glandem granum quoddam puniceum , & uiscum atque Hyphear : montibus propria , nasci in planis nequit , quædam fructifera , quædam sterilis , ambæ tamen florescunt . Ex quibus significatur eam describere , quæ Coccum fert . De Smilace autem inquit apud Arcades vocari arborem Ilici similem : folio tamen non aculeato : sed molliori profundiisque , nec materie , ut illa solida , spissa que , sed soluta mollique in operre . Hæc apud nos Ilex vocatur . De Phellodry quasi Suberis Quercu inquit inter Ilicem , & Robur esse , quidam Ilicem fæminam putant , qua pro Ilice utuntur ad plaustra , vbi Ilex non prouenit : est mollior , & solutior Ilice , durior , & spissior Quercu : color ligni decorticati candidior Ilice , fuluior Quercu : folio similis ambabus , maiori quam Ilex , minori quam Quercus , fructum maiorem Ilice habet , minorem Quercu : Acylium vocant huius , & Ilicis fructum , Roboris autem glandem , medulla manifestior , quam Ilex . Videtur his describere quam nos Suberellam vocamus . De Subere inquit arborem esse caudicosam , parum ramigeram , admodum proceram , auctu insignem , ligno robusto , cortice uisce crasso , quod disrumpi solitum in fragmenta grandiora . Folia Fraxini crassa oblongiora perpetua , fructum glandulosum assidue fert Aquifoliæ similem : detracto in orbem cortice meliorescit , triennio regnxit , cortex scaber , carnosus , qui etiam viridis leuis est , tardissimo tempore germinare . Suber tractatu facilis mollisque est , & leuis , ex quo simu lachra quandam siebant , sed postea ex Palma : nam similiter leuis , & mol lis , at minus rigida ; Videtur autem intelligere non ligni materiam , sed corticis , hic enim Suber proprie vocatur , ut etiam apud nos . De Aquifolia inquit montibus propriam esse , perpetue virentem , fructu Suberis græce Agrian vocat . Forte Ilicem fruticosam intelligit . Plinius autem plures adhuc species afferre videtur glandiferarum , cum Robur & Quercum non pro uno genere , ut Drys apud Theophrastum , sed produabus species bus accipere videatur , quæ vbique vulgo nascuntur . Glans optima in Quercu arque grandissima , dulcissima , dulcior , & mollior feminæ , matis spissior : lignum fortius habet & incorruptius ramosa & ipsa procerior tamen , & crassior caudice . Roboris autem glans parua est , fungosam carnem in Sue facit . Fert præter glandem plurima . Esculus non vbique nascitur Ioui sacra , Glans eius post Quercum cæteris præfertur , fungosam perit carnem . Cerrus in Italia quidem maiore ex parte nota est : glans tristis horrida echinato Calyce ceu Castaneæ , solidio ē carnem facit : sed duram . Latifoliæ ex argumento dictæ glandes maxime probantur proceritas magna , carbo virtiosus , solum etatiis utilis officinis , quia protinus extin-

extinguitur flatu desinente, plurimis scintillis. Gallam Hemeri similem sed leuiorem minus probatam; fert, & nigrum. Hemeris maximam fert glandem brevior in orbem comosa alisque ramorum crebro cauata: Gallam optimam perficiendis cotiis aptissimam fert. Aegilops excelsissima incultis amica, Haliphleos dicta, cui crassissimus cortex atque caudex, & plerunque cauus fungosusque & cætera ex Theophrasto: omnia vero hæc desumpta videntur ex variis earundem appellationibus: nam Robur, Quercus, Hemeris aut eandem arboreum significant, aut pa-rum differentes: Aegilops, & Cetrus similiter conuenient, sic Latifolia, & Esculus: Haliphleos autem apud eundem cum Cerro Arcadum eadem putatur. Circa reliquas autem glandiferas idem Plinius numerat, Ilicem, & Suber. Ilicis duo genera, quæ in Italia folio non mulium distant ab Oleis. Smilaces à quibusdam Græcis dictæ in prouincijs Aquisohæ. Vtriusque glans brevior, & gracilior, quam Hometus Acylon appellat, eoque nomine à glande distinguit. Masculas Ilices negant ferre. Ilex multas Robotis dotes solo prouocat Cocco; granum hoc primoque seu species frutices paruos Aquifoliæ Ilicis, Quisquiliū vocant: pensionem alteram tributi Pauperibus Hispaniæ donati: gignitur, & in Galatia, Africa, Pisidia, Cilicia, pessimum in Sardinia. Suber minima arbor glans pessima, rara, cortex tantum in fructu præcraus ac te nascens, atque etiam in denos pedes vndique explanatus: usus eius ancoralibus maxime Nauium, pescantium tragulis, & cadorum obturamentis, præterea in hyberno calceatu fæminarum. sunt qui fæminam Ilicem vocant, atque ubi non nascitur Ilex pro ea Subere vtuntur in carpentariis præcipue fabricis ut circa Elem, & Lacedemonem nec in Italia tota nascitur, aut in Gallia omnino, ex quibus colligitur, Ilicem Coccum ferentem non nasci in Italia, neque in Gallia: similem quidem paruis fructibus Ilicis Aquifoliæ: Coccus enim non in adulta arbore, sed in surculos germinibus prouenit, ut etiam ex Dioscoride colligitur, qui fructicem paruum tradit Coccum ferentem, licet è Quercubus colligi in Cilicia afferat. Præterea Suber à Plinio accipi videtur eadem cum Phelldry Theophrasti, cum Suberi ea tribuat, quæ Phelldry Theophrastus. Tandem Ilicem Italica Smilacem esse, similemque, in prouinciis Aquifoliam vocari, sed de glandiferis hæc satis.

C A P. III.

SE QVVNTVR inter crustacea, quorum semina vndique vasculo in teguntur, in quo genere duas tantum nouimus, Fagum scilicet, & Castaneam. Fagus in hispidis, non tamen pungentibus vasculis, fert duo, vel tria, ad summum quatuor semina, glandis patuæ magni-

tudine, oblonga, triangula, dulciora glande; folia breuiora quam Castaneæ, minusque ferrata: Arbor excelsa, caudice crassissimo, non nisi in Alpium iugis proueniens: cortex subalbidus, leuis; materies robusta, rufescens, expeditur ad arcas, & tabulas, quibus libri integuntur. Plinius inquit Fagi glans nucleus similis, Mutibus, & Glibibus, & Tundis gratissima, triangula cute includitur: folium tenue ac laevissimum, Populo simile, celerime flauescens, & media parte plerumque: gignens superne paruulam baccam viride, cacumine aculeatam. Cortex vtilis ad facienda vasæ, & corbos, & pretesta tuguriorum. conscribitur recens incisis literis, vnde religiosus habitus, in quibusdam sacris, sed non durat arbor ipsa. Hæc nostræ conueniunt. Pandectarius Ornum vocat inter glandiferas ipsam Fagum intelligens. Apud Theophrastum Scissima ut Theodorus vertit grece Oxya vocatur in agro Latino mirabilis; nam tanta latitudine cæditur, ut pro carina Etruscis nauibus possit sufficere. simplex genere est erecta, laevis, enodis, crassitudine, & altitudine æqualis ferme Abieti, cui, & in cæteris non absimilis: nam lignum coloratum, robustum, neruatumque, cortex laevis, & crassus: folium difficile ad findendum (sic enim verbum: *ἀργάδης* interpretor non bifidum ut Theodorus) oblongius quam Pyro, extremo aculeatum, hoc Plinius de parua bacca affirmat, quæ in medio folio plerumque gignit; nam hæc in extremo aculeata est, ut patet in nostra Fago; radices nec multæ nec alte discendentes, fructus leuis, glandeus in calyce Echinata, placida tamen, & leui, non hispida ut Castaneæ, similis tamen illi dulcedine atque succo: nascitur & in montibus candida materie, quæ ad multa perutilis, ad carpenta, lectos, subsellia, mensas, & nauigea: campestris nigra, ad eam minus vtilis, fructum tamen similem ferunt. Hæc omnia nostræ Fago conueniunt, sed campestris adhuc nobis non visa est.

C A P. I I I I.

CASTANEA in echinato vasculo terrena semina continet, multo maiora glande, in latitudinem magis quam in longitudinem aucta, inuicem farcta: Quercum medium ut plurimum grandius: præstant dulcedine hominum cibis expeditæ multis modis. Folia trium digitorum latitudine, multo longiora, ferrata, tenuia, transuersis multis venis ex dorso: arbor procera, amans frigora, & Aquilonios tractus in montibus: cortex leuis, maculosus, subniger: materies robusta non sentiens putredinem, in ignem multum crepitat, carbones statim extinguntur, his ferrarij libenter utuntur. Differunt magnitudine, & paruitate fructus, item figura, cum quedam in ventrem magis crescant, quedam in longitudinem, sapore quoque: nam ob id etiam sylvestres quedam

dam vocantur, quædam domesticæ gustu gratioreſ. Traduntur Castaneæ Equinæ Constantinopoli, de quibus in Glande vnguentaria dicemus. Apud Theophrastum Louis glans, & nux Castanea vocatur inter mansuetentes. Sylvestris frigoris cupida, & montana nasci in planis nequit. Amentum fert: germinat ineunte Vere: fructum reddit Autum no circa Virgiliatum occasum. Quæ omnia nostris Castaneis respondent. Hanc eandem videtur alibi intelligere sub nomine Nucis Euboicæ, quam Theodorus aliquando Iuglandem vertit, materiæ perpetua, nam in aqua nequaquam putreficit: frangi se sonitu prænunciat, ut præsenſure homines possint ponderum, quæ sustinentur ruinas; expetitur enim in opere tectorio. Carbones ex ea molliores expetuntur ferreis metallis: Euboicum idest eius fructus crusta obductum est, ut glans. Plinius nuces inquit vocamus, & castaneas quamquam accommodatores glandium generi, armatum iis echinato calyce vallum, quod incoatum glandibus trini partus in quibusdam ex uno calyce, cortexque latus, membrana corpori proxima saporem infestat, ni detrahatur, Torrere has in cibis gratius: Molitura quandam panis imaginem præstant. È Sardibus primum prouenere, vnde Sordiani balani, idest glandes dictæ. Nunc plura genera, Tarrentinæ figura planæ faciles nec operoso sunt cibo: at purgatu difficulter, rotundior, quæ Balanitis vocatur: purgabilis maxime & sponte profiliens Salatiana pura, & plana est: Corelliana laudatior ab equite Romano facta, dum suomet surculo insereret: Meterana ex ea facta in serendo rubenti cortice: populares triangulæ, & nigritæ: quæ Cottiuæ vocantur inferiores, laudatissimæ in Tarento, & Neapolitane: Suum pabulo gignuntur cortice in tra nucleos permeante: Huiusmodi hodie aliis nominibus, & si non omnia multa tamen habentur.

C A P. V.

QUAE autem in genere prædicto osseo cortice integuntur pro florete Amentum ferentia duo tantum apud nos reperiuntur Nux Iuglans, & Auellana: vtraque solitario in propriis calycibus semine. Videtur autem Auellana non multum discedere à Carpino & Alno, tum foliorum specie, tum fructu non vndique concluso. Iuglans autem ad Fraxinum, & Acerem accedit magis: Nux Iuglans arbor est ingens, equat Robora præcipue in planis, cortice albo & leui, matieries densa, cor nigricat, pro lautioribus operibus expetitur, nam recipit nitorem: folia multipartita, bina in pediculi interuallis disposita trium digitorum latitudine oblongiora, odore graui, umbram reddit noxiæ: nam capitum grauitatem faciunt præcipue sub ea dormientibus: fructus rotundus obductus vndique externo putamine carnosò viridi, qui non matu-

matutescat, sed perfecta nuce dehiscat, intra osseum corticem medulla dulcis, & pinguis continetur, vnde extrahi oleum queat; distincta in qua quor partes intercursantibus lignosis membranis, quod in nullis aliis seminibus reperitur. differunt magnitudine, & paruitate, & ossis duritie: quæ inter eas purgari vix à putamine possunt, surdæ vocantur. Theophrastus Carya, id est nux inquit, fert semen ligno obductum, carnosum, pingue inter mansuescentes, sylvestris est; nam montibus propria: germinat in eunte vere, fructificat Autumno, Amentum fert, germinat à latere tantum, desinunt germina in vnicum folium, ex ea fiunt optimi somites, seminis ea pars germinat, quæ aduersa est nexui ut in plurimque arboribus. Plinius nucem Iugludem inquit Caryon à grecis vocari ob capitis grauedinem, propter odoris grauitatem, nuptiis religiosas nuces ob similitudinem cum fætu multis modis munito; nam operimentum est puluinati calycis, mox lignei putaminis: tinguntur externo cortice lanæ, & iussatur capillus, vetustate pinguescunt, putamina in binas carinas dividuntur, nucleorumque quadripartita distinctio, lignea intercursante membrana; quæ omnia nucibus nostris quadrant.

C A P. VI.

Nix Auellana arbor est fruticosa, cortice ruflo, exiguis maculis, materie candida, molli, folio integro lato, rotundo, serrato, hirsuto. fructus longe minor Iuglande rotundus, vel modice oblongus, exterius tegitur membranoso calyce dissecto: intra osseum corticem continetur medulla dulcis. Theophrastus nucem Herculeam vocat; arbor libenter in fruticem transit, quo modo melius, & copiosus fructificat. Folia insecta: Iulum id est Amentum fert callo compactili: montibus magna ex parte prouenit, mansuescit tamen, fructum meliorem, & folium, amplius ferens: in utroque genere quædam rotundam, quædam oblongam nucem ferunt. Urbanarum fructus candidior, in aquosis frutificant melius. sylvestres translate mansuescunt: Plinius Auellanæ in nucum genere antea Abellinas vocabant; in Asiam & Græciam è Ponte venere, ideo Ponticæ nuces vocantur: has mollis protegit barba, putamini & Nucleis solida rotunditas inest. Ex etiam torrentur, umbilicus illicis in ventre medio. Arbor Corylas vocatur, conueniunt hæc omnia nostris Auellanis.

C A P. VII.

SVNT præterea in nostris Alpibus duæ arbores Fago similes: sed materie candida, folio rugoso, & circum minutissime serrato, longiore quam in Fago, & frequentioribus nervis, qui ex medio costa-

ruin

rum modo, recti producuntur: fructus utriusque valde exiguus: nam altera in cacuminibus racemulum densum fert, flavescentem ex folliculis qui busdam membranaceis oblongis constantem, in singulis autem folliculis, tanquam utriculis singula semina parua cartilagineo cortice, & candido obducta continentur. Altera autem non in folliculis, sed umbilicis foliaceis, singula aut bina semina fert maiuscula, & striata; utraque vulgo Carpinum vocant. Videtur Theophrastus Ostrym seu Ostriae appellasse matrem, & feminam similem Scissimæ tam corpore quam cortice. Folia Piri sed multo longiora, & in acutum productiora, majoraque, multis nervis costarum modo ex medio prodeuntibus, alis rectis, & in longum productis, & crassitudinem habentibus: rugata, & circum tenuiter serrata; materiem duram, & exalbidam, fructum pusillum, oblongum hordeo similem, colore flavum, radices sublimes; amat hæc arbor aquas, & conualles: infelix, nam ea in domum illata mortes miserias inferri, & difficiles partus, si qui sunt, reddi tradunt. Plinius similem Fraxino facit cortice, & ramis, cætera autem ut Theophrastus. Sed Carpinus apud Plinium alia ab his est.

C A P. V I I I.

ALVS vulgo Ontanum vocant, arbor iuxta aquas nascens, sive in montibus sive in planis, minor Carpino: sed latioribus foliis rotundioribusque: cortice subaspero, qui cortis atro colore tingendis expetitur: materie rufa, quæ quamquam mollis fundamentis tamen experitur, quia in aqua non purreicit. Hyeme fert Amentum Auelianè modo, & state autem, quæ in eo genere sterilis non est, racemos fert squamosos, compactiles figura vuarum, qui nigescunt Autumno, inter squamas reconduntur semina exigua & depresso in apicem desinentia. Theophrastus Clethram idest Alnum tradidit in aquosis tantum nascétem, alibi autem nullo modo, alicubi in aquis degere ancipi vita, & in montibus & in planis: quandam præterea sterilem, quandam fructiferam ambas autem florere: germinare statim post Fauonium, fructum ferre in Autumno, auctu facillimam, corpore recto, ligno molli, medullaque molli, ut virgæ graciliores totè concavati possint: folio Piri, sed ampliori nervosiorique, cortice scabro intus ruffo, quo coria tinguntur. Radice summa, tenui nec maiore quam Laurus. Quamuis autem alicubi testetur quandam sterilem, & quandam semen ferre, vñigena tamen est natura: ex eodem enim semine tum fertilis, tum sterilis oritur, ut mas, & semina in animalibus, quæ tamen specie non differunt: appellantur præterea aliquando ab eodem Theophrasto communem loquendi usum sequente steriles & omnes, quæ fructum non conspicuum, aut inutilem ferunt, ut Vlmus Ostrya, Alnus.

C A P.

C A P . V I I I I .

VL MVS arbor ingens in latitudinem magis, quam in altitudinem funditur; prouenit in collibus, & planis, queritur ad vites sustinendas, cortice valde aspero, rimo, & crasso; adeo ut ramuli nouelli, striati appareant extremis surculis tenuissimis, folio Carpini breviori magis rugoso, minus serrato, floret primo Vete ante foliorum exortum racematum circa ramulos: flos Persico similis, rubens, ex staminibus tantum constans, transit in foliaceum quiddam, vnguis magnitudine subrotundum, medio quodam dorso, in quo semen paruum continetur, de pressum, & oblongum, quod mense Martio perficitur, antequam folia omnino exeant. Vesicas preterea fert in aestate, in quibus humor continetur, qui concrescit ingummi: in iisdem animalia culicibus similia periuntur, utiles tum vesicę tum humor contentus ad puerorum ramicos cataplastmate; glutinant enim, & astringunt. Alterum genus habet cor tice laui, ruffo, vel cinereo, & maculoso, quod in latitudinem ingentem adolefecit. in utroque genere quædam steriles omnino reperiuntur. Theophrastus, Pteleam græce vocat, cuius genera duo tradit, montanam, & campestrem: montanam grandiorem; alteram fruticosam magis: utraque tamen arborem amplitudine & altitudine præstantem: folium indiguum; lauiter circum serratum oblongius, quam Piro, scabrum: materiam hauam, robustam, neruatam, de formem; nam tota cor esse videtur, rigorem seruat, ut non perueratur; sterilis putatur, coniiciunt tamen semen ferre, quia in loca proxima nascitur, ex semine scilicet flatibus delato: Gummam in peciolis gignit seu folliculis, in quibus & animalia fasciatis culicibus valde noxia oriuntur: vuas, & amenta fert in Autumno peculiaria multa minuta, & nigra, amat lucos, & aquas, Plinius in Italia quatuor numerat, Albineas excelsissimas, quæ non ferunt samora, quo nomine Vlmi sementem intelligitur, Quamvis alij etiam Albineas illud ferre testentur, Alterum Gallicas, Tertium Nostrates densiore folio; & ab eodem pediculo numero, Quartum Sylvestre: quæ autem Amentum ferat, & vuas non dum vidimus, ut suspicari liceat, ne cum Vlmi genere comprehendant Carpinum utraque, aut Alnum, Tiliamq; appellatam, quasi Pteleam.

C A P . X .

TILIA arbor in Alpibus tantum proueniens, Alno similis, sed foliis in acutum desinenribus, ac iuxta pediculum recurvis, serratisque, & similiter rugosis, fructus minor quam Alni, striatus, semina

mina inter squamas continens depreßa : materies alba , aut flavescentia , mollis , quam Cerdones c̄xpetunt , vt super illam coria incident , quia minime aciem cultri hebetat . Theophrastus Phyliram appellat matrem , & fēminam : sed distantes inter se , tum materia , tum totius corporis forma . Mas sterilis nullō flore cui materies dura , flava , magis olida , & dēsior , cortice crassiori , qui detractus inflexibilis propter duritiam est : fēmina fructifera , odoratiore ligno ; candidiori cortice , & magis flexibili , ex quo cunas , & funes faciunt : floret cum urbanis , flos caliculaeus iuxta ligni peciolum Amentum futurum , virens quamdiu clausus est , apertus autem flavescit . fructus orbiculatus , oblongus fabae magnitudine , similis Hæderæ acino , qui cum perfectus est , angulis quinque distinguitur , veluti nervis cūminentibus , & in acutum coheuntibus . cum scabitus , parua quædam , & tenuia semina emitit quanta Atriplicis , ingustabilis , folia dulcia , & suavia , vt cortex quoque , Hæderæ figura , sed in angulum acutiorem , & longius productum , rotundata , & iuxta pediculum magis curuata , crispa in orbem , & serrata : lignum molle ; exigua medulla , rarum , & solutum , flexible , sed aciem ferri hebetat maxime , quod tribuitur caliditati , descriptio igitur Philydæ fēminæ , nostræ Tiliæ conuenit ; licet Cerdones oppositum experiantur in cortis incidentis ; nisi enim acies adigatur in carnem Tiliæ , minime hebetatur : ob molitudinem autem , & naturam eius flexibilem cultro cedit , ideo non retundit ; quia non scinditur . Maris autem cum non describantur folia difficile fuerit coniectari , quam arborem eo nomine significauerit : nam ex toto diuersa ponitur , vt etiam Plinius testatur ; differunt , inquit omnimodo Tilia mas , & fēmina ; nam mariæ materies dura , ruffiorque , & nodosa , & odoratior , Quod Theophrastus ξωδέστηρον : id estolidius vocat , cortex quoque crassior , ac detractus , inflexibilis , nec semen fert aut florem , vt fēmina , quæ crassior arbore , & quæ sequuntur . Quid , si dicamus intelligi lignum putridum Vulgo vocatum , à nobis alibi describendum , quæ non multum à Diöscoridis Phyllirea distat : nam hęc longe tenuior est Tilia , lignum habet fātens , flavum , ac durum , & corticem inflexibilem , ceteraque conditiones dictas ; perpetue quoque viret , vt simpliciter de Phyllirea testatur Theophrastus : quod cum nostræ Tiliæ non conueniat , quæ fēmina est , intelligendum est de mare . Quamquam autem aliquæ ex his fructum ferant , & florem nō alterius speciei sunt cum iis , quæ steriles sunt , vt in aliis multis notatum est .

C A P. X I.

PLATANVS tantudem videtur à genere Robotis discedere , quā-
tum à Castanea & Fago recedit Carpinus , & Alnus , & illi conge-
neres arbores ; vt enim ille fructum magnitudine conspicuum fa-

tis, eumque ratiorem ferant, sic hæ pusillum admodum, & in suis racemulis frequenter. Est igitur Platanus ingens arbor specie Quercus; ramis in latitudinem sparsis; cortice similiter crasso & rimoso; materie lenta; folia latiora multo, quam Quercus; angulis paucioribus longioribusque ad similitudinem palmæ manus ex longo pediculo pendentia, quæ etiam siccata diutius seruantur in arbore, vt in genere Roboris: semina pusilla, oblonga, effigie glandis, in tenuissimum apicem desinentia, inuicem farcta in rotundis racemulis, pilularum modo, media quadam stipante lanugine. Platani pilulas vocat Dioscorides, Theophrastus arborem palustrē esse inquit raram in Italia, radices ei longas & multas tribuit, vt comperte sint aliquando circa aqueductum, triginta trium cubitorum longitudine; Folia ampla propendentia, & tremula, quæ alii cubi ob naturam loci sunt perpetua, quamuis ex propria natura decidua sint: semen manifestum est, ex quo gignitur, licet pulcherrime ex aulione proueniat: germinat paulo tardius, quam Populus; materies lenta & humidior. Plinius propter umbram tantum expeti Platanum scribit, & eius gratia in Italiam fuisse transportatam.

C A P. X I I.

ACER arbor est in montibus tantum proueniens; cortice scabro; materie ruffa; ad multa opera percommoda, quæ Torno fiunt: folia sunt lata in angulos desinentia, vt Platani longissimo pediculo; fructus oblongus parvus, ex parvo racemulo pendens, geminus in geminas membranaceas linguas desinens, similitudine quadam forficis. Opulus autem illi similis etiam in plana descendit; cortice scabriori, vt Vlmus; materie candida: foliis minoribus: sed similiter angulatis; fructu quoque simili, sed ligulis in diuersa tendentibus non vt Aceri iuxta productis; expetitur hæc arbor maxime ad Vites sustinendas, vt Vlmus. Theophrastus videtur utrasque Sphendamnon, quam Latine Acerem vocant, appellasse, cum inquit duo eius genera esse, Zygiam, quam Plinius Carpinum Latine appellari testatur, quem sequitur Theodorus; Alteram nomine generis Acerem, quam alij Glinon & vt Theodorus vertit Plinium securus, Gallicam; Carpinum in montibus tantum nasci; materie flava, & crispa, & solida, qua ad opera laetiora vntur; hanc hodie Acerem vocamus; Gallicam autem etiam in planis prouenire; materie candida, neruata, ratiore & minus crispa, marique materiem crisiorem esse atque contortam, & in planis potius eam nasci: germinareq; maturius: hanc nos Opulum vocamus, cuius mas fuerit, quæ sterilis; utrique folia tribuuntur Theophrastus ampla, diuisu is Platani tensa: sed tenuiora & minus carnosa, & molliora & longiora, partes au-

tem

rem folij scissa in acutum tendunt, scissuris non ad medium usque, ut in Platano prouenientibus, at cacuminibus distantibus magis, neque pro magnitudine multis nervis constat, quæ nomine ob depravatum codicem, ligno tribuuntur errore manifesto; corticem præterea esse paulo asperiorē Tilia, subliuidum, crassum, & Picea magis usitabilem, flexibilemque: Radices paucas, & summa tellure magna ex parte intortas habent tum candida, tum flava: Rigit potissimum nascitur, inueniuntque rara est, florem nesciri, fructum esse non valde oblongum, Paliuro similem, longiorem tamen. Tradi ab aliis tertium quoddam genus, quod Clinotrichon, quasi lecti rotarium appellant. Plinius quoddam genus Flavi esse crispe macularum discursu, qui cum excellentior fuit, à similitudine caude pauorum nomen accepit in Illyria Rechiaque præcipuum.

C A P. X I I I.

FRAXINVS arbor est in incultis magis proueniens, cum tamen alicubi colatur ad Vites sustinendas, ut Opulus, & Ulmus in Umbria: simplex assurgit, erecta ad multam altitudinem, hastis fabricandis utilissima: folia non secundum partem scissa, ut in Acere, sed ex toto, ut ex uno pediculo plura coniugatim prodire videantur, longis interuallis in acutum desinentia, levia, & leviter ferrata: fructus Aceri similis, sed copiosior, & minor in summis ramulis, neque coniugatim, sed sparsim è comis propender, desinens in tenuorem, & oblongiorem ligulam; unde lingua Auis à Medicis appellatur, cuius medulla ad Venarem stimulandam laudatur à Serapione, & Auicenna. Theophrastus duo genera tradit Meliam scilicet, & Bumeliam vocans, idest Fraxinum, & Bubalam Fraxinum, seu magnam Fraxinum: hanc excelsam, & procerae: lignum candidum, crassiuenum, neruatum, mollius, enodius, & crispus: in locis concavis, & madidis prouenire. Alteram humiliorem, scabriorem: duriore ligno, & flauore: in siccis, & saxosis ortam: utriq; folia laurinis similia, acutiora, coniugatim exeuntia ex uno pediculo: in maiori quidem longo interuallo disposita, & pluribus coniugationibus, ut in Sorbo, longiora, & angustiora: in minori autem breuiora interualla, & pauciores foliorum coniugationes traduntur: fructus minutus, nucusus, idest, medullam continens, ut Amygdala, gustu subamaram. Præter fructum alia quædam ferunt, ut Muscos in globum coactos specie pilorum Platani, & alia quædam implicamina. Plinius Fraxino tribuit, quæ potius à Theophrasto Taxo tribuuntur, quæ Melos græce dicitur, non Melia; ut illud: in Ida esse adeò Cedro similem, ut fallat ementes cortice ablato, & folia esse iumentis mortifera, cæteris ruminantibus innocua. Diocorides ligni scobem potu letalem

credi tradit; cùm tamen sint, qui eius decocto vtantur vice ligni Guaiaci
 felici successu. Eius cortex internus aquam, in qua maduerit, cæruleam reddit, quam apponunt gailinis, cùm motbis vexantur. Exhibit
 quidam eius corticis decoctum ad lienes extenuandos. Ex hoc genere
 forte fuerit lignum in noua Hispania repertum, cuius ramenta in aqua
 post horæ dimidium cæruleum elegantissimum reddunt, cum ipsa can-
 dida sint: Utuntur aqua prædicta in potu quotidiano vsu cum vino ad
 Renum morbos, Vrinæ difficultatem, & ISciadicos. Columella inter
 Fraxini genera Ornum vocat arborem proceram: caudice tereti: leui
 cortice; esse autem sylvestrem Fraxinum. Hodie in Calabria Ornum
 intelligunt eam, quæ in siccis & locis altis nascitur, scilicet Meliam; Fra-
 xinum autem eam, quæ depresso & madidis nascitur, id est, Bumeliam.
 At Hermolaus Ornum à quibusdam interpretari scribit, quæ Oxya di-
 citur à Theophrasto: nam Matteus Syluaticus Ornum inquit glandifer-
 ram esse Quercui similem, sterilem: videtur autem intelligere nostram
 Fagum, quam Oxyam apud Theophrastum esse diximus. Reperitur qui-
 dem Orni mentio apud Plinium inter arbores, quæ amant montes; de-
 scendunt tamen in plana; nec tamen cum Fraxino coniungit; nam inter
 ponit Acerem. Fraxinum, & Ornum solas Mannam ferre testatur in Ca-
 labria circa Canis ortum, cuius est vsus in tota Italia ad aluum lenien-
 dam dissolutæ iure, aut sero pondere vnciarum duarum, aut trium; mi-
 tissimum enim est medicamentum solum tenues humores educens: Sunt
 autem micæ quædam candidæ, aut flavescentes, pingues, sapore mellis.
 Eius differentiæ sunt; nam quædam minutioribus micis constat, quam
 Mannam foliorum vocant; quia ex foliis colligatur, quæ magis proba-
 tur: altera crassioribus, quam Mannam corporis appellant; quia ex ra-
 mis tanquam ex corpore arboris habeant: & hęc aut sponte, aut vulno-
 rato cortice; nam ex vulnere primo exit liquor turbidus, nauseosus cum
 quadam amaritudine; ipsoea emanat purior, quamvis glebis grandio-
 zibus. Probatur pinguis, & quadantenus translucida Mastichę quam
 simillima: Improbatur arida, & cinerei coloris: Item sapor optimę suauis
 cum dulcedine modice linguam mordens; quę enim mortu caret,
 euanida est; & quę nauosa, est impura, aut adulterata, aut Senę infusione,
 aut addito Scamonio. Fertur aliquando & ex Syria longe candi-
 dior Italica, cuius Mastichina vocatur, quę translucida Mastichę simili-
 lis, paruis granulis, efficacior Italica: Bombicina autem minimè trans-
 lucida, crassioribus micis Gossipij. Putant hanc Saccharo adulteratam
 esse; sed dentibus deprehenderetur; Saccarum enim sub dentibus crepitat,
 Manna autem mollis est. Colligitur aliquando & apud nos in Apen-
 nino diebus canicularibus & serenis promiscue in pluribus arboribus,
 sed præcipue in Quercu, & Salice, nunc concreta similis Calabriensi,
 nunc

nunc liquidior melli similis. A Gr̄ecis Aeromeli vocatur, quasi mel aereum, de quo Galenus in alimentis, vbi de melle agit, Mel roscidum siue aereum inquit esse, quod in plantarum foliis aliquando per aëstatem colligitur tori simile; copiosum verò esse in monte Libano Syrię; colligi autem decussis arboribus in subiectas pelles stratas. Et Theophrastus Roboris dotes recensens inquit: Nascitur vel hic melleus humor cœlo cadens, nec aliis magis frondibus inhærens. Meminit & Plinius eiusdem, scribit enim mel ex aere venire præcipue ipso Syrio explendescente, nec ante Vergiliarum exortum, sublucanis temporibus; itaq; si quis eo tempore matutino sub dio fuerit, sentiet vestes & capillum concretum eo li- quore, & arborum folia melle roscida inueniet. Cœlestem verò eius na- turam esse; præsertim si purus, & syncerus, vt defluit, haberetur, & non diuersarum plantarum, ac terræ halitu sordesceret; donum enim cœleste, & quasi diuinum Nectar malis mortaliū à morte reuocandis. Si post ortum syderum nobilium, aut Arcus, cœlestis non sequantur im- bres, sed ros coquatur radiis Solis, medicamenta non mella gigni, oculis, viceribus, internisq; visceribus dona cœlestia. Si verò seruetur hoc Syrio oriente, & casu contingat, vt eodem die Venus, aut Iuppiter, aut Mercurius exoriatur, non esse aliam eius suauitatem, vsumq; quam diuini Nectaris. Hęc Plinius. Putauit Hermolaus apud Dioscoridem Elēo meli ob nominis affinitatem idem esse quod Aeromeli; pingue quod- dam è caudice arborum manans, crassius melle, sapore dulci in Syriæ Palmyris: Nam, vt Galenus Elæomelitis non meminit, sic Dioscorides Aereomelitis: vtriq; præterea tribuitur vis purgandi bilem & crudita- tes. Sed de Elæomelite nostram sententiam alibi explicamus. Arabes Mannam vocant & Tereniabin; quamquam apud Serapionem differre videantur hęc voces inter se, cum in diuersis locis agat de Manna, & Terenabin interpretantem Mannam eam, quæ concreta est in grummos: Tereniabin autem eam, quę melli sit similis. Mesues tamen & Auicenna nomine Mannæ quodcumque genus intelligunt; tradunt enim Man- næ eadem, quæ Serapio Tereniabin; neque ea distinctio satis congruit sententię Serapionis, vt Tereniabin sit substantia liquida, Manna autem concreta; nam de Tereniabin scribit, est ros, qui è cœlo cadit melli in granula concreto similis, vocantq; id Mel roscidum, siue aereum, & quę sequuntur. sed hęc parui momenti sunt, illud potius disquitendum vi- detur, vtrum Manna, qua vtimur, sit inter genera mellis aerci, an pro- prius succus Fraxini & Orni, vt contendere nituntur quidam ex Recen- tioribus; quoniam ros promiscue super omnes plantas, lapides, & ter- ram decidit; at Manna Calabrensis solū in Ornis & Fraxinis reperitur, idque non in omnibus, sed quibusdam. Præterea ros non emanat ex vul- nere arboris, vt Manna ea, sed exterius ex aere adhæret; nam facto expe- riemento

timento linteo scilicet arbori super extenso, quod rorem carentem excluderet; reperta nihilominus Manna ex arbore emanans; nulla autem in linteo. Tandem multum differt à Manna predicta roris concretionem in mellis substantiam; ros enim frigore noctis concrescit, Sole autem aduentante, aut alia caliditate soluitur, ut putant; Manna autem nostra, ut succus concrescit à calido & sicco; meridie enim colligunt magis densatam: hæc & alia huiusmodi sunt, quibus Manna nostra à genere mellis aerei, & Manna Arabum explodunt, ac Fraxini & Ornii propriam quandam lachrymam censent. At hoc modò cauillari etiam de Quercu licebit, cuius foliis maxime insidet mel aereum; sic enim ros non magis super unam plantam quam aliam decidit, cur maxime hoc genus reperiatur in Quercu? Quod si id tribuatur naturæ Quercus, ut liquorem illum coelestem conseruet; alię autem plantæ magis & minus absument, cur eadem non liceat de Fraxinis & Ornisi assignare? Quum enim intime hauriant hunc rorem, totum autem non absument in nutrimentum aut ob multitudinem, aut ob aliam causam, necesse est, ut reliquum tanquam excrementum expuant, alteratum tamen, & magis addensatum quam in Quercu ob aliquam eius concoctionem; ob id non in foliis solidum reperitur, ut in multis aliis arboribus, sed vndique ex intimis corporis exit. In foliis autem Quercus maxime reperiiri melleum liquorem dicemus; quia ea arbor minime omnium bibat eius humorem; idcirco defluit mellea substantia ex iis, non multum addensata, & Sole aduentante facile euanscit, ut contingit substantię aereę facile in spiritum resolubili. In quibus autem paucissima, aut nulla reperitur huiusmodi concretio, cum tamen locus eo humore scateat, ut quibusdam Ornisi & Fraxinis contingere aiunt, absunitur avidius ab illis huiusmodi humor in earum nutrimentum; ideo nec ros liquidus permanet in foliis, nec expuitur addensatus: Neque illud omnino verum à frigore noctis addensari rorem in melleam substantiam, ut modò concrescat ad similitudinem pruinæ ob vehementiorem frigiditatem, modò in liquidiorum substantiam à minori frigiditate ad roris similitudinem; non enim hæc corpora aquæ tantum sunt, ut ros & pruina, sed terram habent acti mixtam, ut tradit Aristoteles 4. Methcor. cap. 7. de melle; nam & mel, quod apes condunt in suis alveolis, ex huiusmodi rore constat, quod super diuersas plantas colligitur, non sucar earum, neque fructus, neque pars, sed eiusdem est cum rore generis, ut testatur Gal. 3. de Alim. facult. c. 39. non tamen omnino ros, simplex tcelicet aqua; sed ob æstuam caliditatem teriæ in halitum digestæ commixta, & incrassata magis & minus in melleam substantiam. Aeget tamen halitus aqueus frigiditate noctis, ut constet, simplex quidem in rorem & pruinam, commixtus autem in melleam substantiam, quæ non amplius à solo calido liquatur, sed ab humido,

humido, ut sales : Aliqua tamen ex parte à calido sicco liquati huiusmodi corpora , quatenus à frigore condensata sunt , non est absurdum , ut contingit Nitro , Alumini , Calcantho , Saccaro ; in igne enim prius liquefcunt, deinde siccantur : humido autem frigido , id est , aquo omnia hæc corpora soluuntur, non calido , quale est oleum . Sed hæc fusius quam pro nostro instituto dicta sufficient . Apud Indos plura sunt genera Mannæ, quæ nequaquam feruntur ad nos : quandam tradunt ex arboribus distillantem roris modo, vtribus collectam , sapore faui mellis, quam Siracost vocant : Alteram granulis Coriandri similibus addensatam , colore rufso, quam ex capitibus Cardui cuiusdam decutiunt, Teneriabin vocant : Tertiam grandioribus glebis, ut plurimum foliis admixtam similem Calabriensi , quam magnificiunt : Quartam mellis albi purgati similitudine , quæ cito corruptitur , nisi yasis vitreis condatur, quibus ea gens caret .

C A P . X I I I I .

QVAE autem pericarpium ferunt, seminis corde exterius vergente, aliæ quidem florem in summo fructu gestant; aliæ verò eundem in sede fructus habent: Explicemus autem prius, quæ unicum in hoc genere semen ferunt, quarum plurimæ florem inferius sedentem habent. Quamuis inter has quædam ambigant cum iis, quæ pericarpio carent, ut Amygdala, quæ partim inter Nuces reposita est apud antiquos; quia osseο cortice constat, medulla interna ad cibos vtrli; partim verò ad hoc genus, de quo agimus, reducenda videtur ob similitudinem floris, & germinandi modum. Amygdala igitur arbor est mediocris; cortice nigro, & aspero; foliis angustis, digitali latitudine, longis, serratisq;. Floret prima inter urbanaς, non dum exacta hyeme, ante quam folia edat. Flos candidus; vel modice ex candido rubens. Fructus oblongus, depresso, minor Nuce, cute intectus hirsuta: osseum putamen lœue est: intus medulla dulcis; in quibusdam amatescit, vetustate pinguescit; vnde oleum extrahitur: totus fructus tenellus, ante quam os induceret, cibis gratus est, subacidus: laudantur in hunc usum, qui lanugine carent, & grandiores sunt: huius gratia inserere solent super Prunum. Theophrastus sparsim scribit radicem quæ ex medio, prægrandem esse, & alte dimissam cito germinare; tarde folia amittere: semen ligno obductum, succo pingui: florem foliatum, quarundam subrufum; fructificare ex annotinis surculis: seri posse auulione; ex semine degenerare tum sapore, tum duritie; cultu mitescere; lachrymam fluentem diutius auferendo paxillo adacto, & fructus melius retinere ea evanescatione: seminis ea pars germinat, quæ aduersa est nexui, quæ omnia

in nostris Amygdalis reperiuntur. Plinius Amygdalam quondam Nuces græcas vocatas fuisse Catonis ætate; vnde suspicatum tunc temporis in Italia non fuisse: Iuglandibus similes extero & secundo putamine; nucleo dissimili latitudine, & acriore callo: prima omnium floret mensa Ianuatio, Martio poma fert matura, id est, esui apta.

C A P. X V.

PRVNVS arbor mediocris est: cortice fusco, scabro: materie fragili, subrufa: fert gummi: folia duorum aut trium digitorum latitudine, paulo oblongiora, leuiter sinuata: floret in annotinis germinibus: flos candidus, foliatus; fructus suavis tum recens, tum exiccatus: pericarpij pulpa succosa, tenui tunica obducta: differt magnitudine, figura, colore, ac saporis bonitate; nam rotundorum quidam Mali amplitudine, flavi, dulces, odorati, qui primo maturantur; cognominantur autem à Mális: iis minores, & austiores, qui Augusto maturantur, Pruna Augustana vocata, & Albanula inter præciosa; alia nigra, duriore carne, sed gratissimo sapore, vulgo Pernicona cognominant: grandiora iis sunt Massimiana, ac succi bonitate præcellunt: simili specie constant alia quædam, ut etiam fallant, sed in suavitate saporis quam primum discernuntur, ut quæ Asinaria, & quæ Gubia alicubi vocantur ingustabilia: paulo minora iis & oblongiora Vitidacea, sic appellata; quia dulcia sunt ante perfectam maturitatem, dum adhuc viidia sunt; hec maturitate perfecta ad rufum tendunt, sed dulcedine minus grata: Alia in longitudinem extenuantur iuxta pediculum, ut Damascena colore flavo; Catelana colore suburidi; alia colore nigro: multæ aliae sunt inexplicabiles differentiæ, vario cultu, & studio inferendi inuentæ. Est & sylvestris Prunus, prunula ferens vulgo appellata; spinosis tamis; breuior, fruticosa, baccas potins quam poma fert, rotundas, nigras, sapore valde acerbo, cuius carne Medici pro Acacia vntur. Peculiare in fructu Pruni, quod deflorescens, si multi imbre conigerit, conuertitur in oblongum quoddam corpus inane, quos Turcas vocant, semen omnibus intra ossum corticem continetur, depresso, læue, ut in Amygdala; sed minus, licet totus fructus sœpe maior sit, Græci Coccimeleam vocant, de qua Theophrastus inquit; corpore patuam esse; modica radice sustentari: Illi tamen altissimam radicem inquiunt, sed numetosam; diutius viuere, & conuincacem emori: lachrymam gignere: folium Arbuto simile; succo ex carne & neruo constantem succo diluto; semen contineri intra nucleus & carnem: Florem foliatum super fructum insidentem. peculiare, fructum in pappum perire, quod in nulla alia arbore visum est; que omnia Prunis nostris conueniunt, si pappus

pappus hic non lanuginem, sed inane corpus significet, quem diximus Turcam vocari. Plinius ingentem Prunorum turbam esse tradit; Hordeatum, quod cum Hordeo maturatur; Asinum à vilitate cognominatum serius, & maius, utrunque versicolori nigro candicans; esse & nigra laudatoria; certa; atque purpurea: Armeniaca sola etiam odore commendata; Nucipruna Nucibus insita; insita quoque Malis Malina, Amygdalis Amygdalina, quibus intus in ligno Amygdalæ nucleus est; Persica alia ex Perside aduecta; Damascena à Syriæ Damasco, & tandem sylvestria ybiq; nascuntur; asperati in cadis condita usque ad alia nascientia, ut de Via sit in Autumno Nucipruna, Persica, Cerina, & sylvestria, reliqua fugacia esse: sed Prunis adnumerat Persica & Armenica, & Mixas, & Perseam, que differentias habent manifestas valde à Prunis differentes, ut mox patebit.

C A P. X V I.

AR MENIACA arbor Pruni magnitudine; cortice subruffo; foliis Pruni mollioribus; fructus rotundus, cutæ subaspera, in matuitate aureus, odoratus, ex acido dulcis, intra pericarpium nux continetur subrotunda, lquis, & intus nucleus Amygdala breuior, suavis, qui in eo generem maiorem est. vulgo Baracocca vocantur, uterq; inter præcoces. Dioscorides inter Mala numerat Armeniaca, à Romanis Præcoccia appellata, Plinius Præcoccia inter Persica recenset.

C A P. X V I I.

PERSICA parua arbor est; citissime omnium senescens; cortice Armeniacæ; foliis Amygdalæ; paulo latioribus serratis; flos rosus; fructus rotundus Mali amplitudine, lanuginosus, odoratus; caro fætilis inneruos, suauissima: osseum putamen; asperum, subrotundum; nucleus amarus; amara & folia, & flores. Eius genera plura; quædam os habent à pericarpio explicabile; quædam id pertinaciter hærens, quod genus duracinum appellatur: figura quoque differtunt; nam quædam orbiculata rimula quadam à latere: quædam in rotunditate oblonga, quod genus Cariota cognominatur; colore alia candicant; alia modico rubore aspersa sunt, præcipue qua Solem spectant, & intus in offis contactu; alia Buxea ex toto, que à Cotoneis cognominata omnium tardissime maturantur; que jam enim præcoccia sunt, insita super Amygdalam Nucipersea vocant, nucleo etiam grato. Dioscorides inter Mala recenset Persica. Plinius Persicorum palmarum tribuit Duracinnis, esse alia cognomine Gallica, & Asiatica, que post Autumnum ma-

turantur, præcociâ æstate, Supernatia è Sabinis veniunt, Populatio vndique, pomum innocuum expetitur Aegris, sed omnium fugatissimum, longissima enim deceptio bidui mora est, cogitque se venundari, ex quibus significatur aliud esse Persicorum genus, quod recensuit inter Pruna, quæ cadis condita asseruantur, Græci quidam Rhodacena appellant, forte à roso floris colore.

C A P. X V I I I.

MYXA apud Pliniūm arbor est in Damasco popularis, quæ & cœpit Rōmæ nasci insita Sorbis: ex Myxis in Aegypto vina fiunt, quidam rubescentes, quibus Persea similis est. Paulus Aegineta fructum ferre minorem Prunis, sed facultate consimilem; quidam Galeno putant Serica: Serapio Sebesten vocat, fructum in Arabia plantæ ferè arborecentis; cortice albo; ramis virentibus: folio rotundo, ampio; fructus Auellanæ nucis magnitudine; in racemo dulcis, dum maturescit, porosissimum pallescens, candido lentore plenus, cum interior nucleo quasi Olyuae siccatur. Afferuntur hodie fructus sub eo nomine ad aluum purgandam, ex cuius lentore viscum fieri tradunt, quod Venetiis Alexandrinum vocant; similes sunt paruis Prunis exsiccatis, quibus adhæret paruus umbilicus membranaceus; intra pericarpium os durum continetur, modice depresso, in quibusdam triangulum asperiusculum; intra os semenis medulla parua continetur.

C A P. X I X.

PERSEA apud Plinium arbor est in Perside venenata, translata in Aegyptum mitigata est: eius fructus Myxis rubescentibus similis est; nec extra Orientem nasci voluit: semper folia habet, & poma subnascentibus aliis. Theophrastus describit; aspectu magnam, formosamq;, Piro similem folio, flore, ramo, & rota figura, sed folio perpetuo: fructum abunde parit; & omni tempore perficit, nam nouus anniculum semper occupat, magnitudine Piri, figura oblongus Amygdala modo, colore herbaceo; nucem intus habet, ut Prunus, longe minor, & molliorem; carnem vehementer dulcem, suauem, concoctu facilem; nam etiam si nimium comedatur, nihil nocet; radix magna; materies robusta, visu decora, atra, ex qua simulacra, lectos, & mensas faciunt: sed huiusmodi fructus in Italiam non venit: nisi forte fuerit, qui Anacardus vocatur, seu Anacardium à recentioribus Græcis nomine deriuato à corde: Afferuntur ex Oriente fructus exsiccati colore nigro, figura turbinata, cordis effigie parum depresso, ad pediculum sessilem:

lem : intra os paruum continetur . Serapio describit fructum ex arborea planta corculo auicula non dissimilem , subrubrum ferè colore cordis , rubente etiam ; num intus liquore veluti sanguine , cuius potissimum est usus ; Aduichi è Syria ; prouenire etiam ex Siciliè montibus ignem eructantibus , vim habere calefaciendi & siccandi in quarto ordine ; hæc Serapio . Succus ille à Medicis mel Anacardinum vocatur . In India fructus est innoxius , vt Garzias testatur ; nam vtruntur eo Asthmatici in sero infuso , & ad vermes necandos : Virides muria conditi vt Oliuè assumuntur in cibis ; sed siccatae vrentem facultatem habent . Auicenna inquit nuclei medullam similem esse Amygdalæ dulci , in qua non est nocumentum ; sed cortex eius rarus , perforatus , in quo mel continetur viscosum , odoratum : manducatur à quibusdam sine noxa p̄cipue cum Nuce : Eius mel ulcerarium est , & adustuum sanguinis & humorum : est ex summa venenorū , & interficit ; licet aliquas habeat utilitates in Medicina , vt idem tradit . Ab Anacardo igitur non abhorrent conditions traditæ Perseæ ; nam similis est Myxis rubentibus , vt Plinius testatur : depresso autem est Amygdalæ modo , cui Theophrastus comparat : p̄tētra venenum continet , licet alicubi innoxia comedatur .

C A P . X X .

CERASVS arbor alta ; recto caudice ; cortice lequi , maculoso ; materia subruffa ; fert gummi ; folia longiora Pruno , leuiter ferrata , in acutum desinentia ; floret in annotinis surculis : flos albus : fructus rotundus , minor Pruno , rubens , pediculo longo , pulpa aquosa , dulce , nucleo rotundo , lœui , maturantur ante ceteros fructus , licet tardius floreant : Differentiæ ex colore ; nam quædam in maturitate parum rubent ex candido ; quædam magis ; alia ex rubro nigricant tingente succo : Ex sapore , alia dulcia ; alia amaritudinis quid retinent , non tamen ingrata , Amarena vocant ; alia acidula Agriotta appellata ; alia pulpam duriorem habent , Duracina vocant : alia teneram & aquosam : Magnitudine quoque , & paruitate differunt non solum fructus sed & arboris : nam Amarenæ & Acidulæ breues sunt , pediculo quoque breui , licet fructus non minor sit cæteris : Est & quædam sylvestris breuis , racemolis oblongis , fructum ferens paruum , qui in maturitate ex viridi flauescit , subausterus , nucleo subaspero . Theophrastus Cerasum describit magnitudine excelsa , ad vigintiquatuor cubitas , rectam , admodum crassam , bicubitali etiam ambitu , folium Mespili ; durum , latius ; corticem Tiliæ similem , leuore , colore , & crassitudine , apta ad cunnas , scissilem in tenues tunicas ; neruis non in rectum neque in gyrum tendentibus : sed oblique sursum se interfecantibus , quod & in

ligno euenit: ramis crescentibus; alij deorsum assidue pereunt; alij sursum versus increscunt, ideo minus ramosa & enodior Populo; radix multiplex per summa non crassa, cui eadem circumuolutio neruorum, flos candidus Pito & Mespilo proximus ex paruis floribus constans Fauido; Fructus rubet figura Iouisflammæ, magnitudine Fabæ; nucleo molliori; nascitur vbi Tilia iuxta amnes & tigua. Plinius inquit Cerasorum Aproniana maxime rubent: Actia nigerrima sunt: Cœciliâ etiam rotunda: Iuliana iucunda sub arbore gustata: nam adeo tenera, vt gestatum non tolerent: Duracina principatum tenent; Lautea non ingratæ amaritudinis, insitæ in Lauro: Macedonica paruæ arboris, raroque tria cubita excedentis, Chamæceras minore etiam num frutice, inter prima, annuam gratiam colono refert è pomis; gaudent Septentrione & frigidis: siccatur etiam sole, & conditur, vt oliua cadis: videtur igitur per Laurea significare nostra Amarena, per Macedonica autem ipsa Acidula, Chamæceras autem incompta adhuc.

C A P. X X I.

AV R V S arbor enodis, perpetue virens: cortice tenui: materie rara, ideo expeti ad ignaria, Theophrastus authot est; radices crassas, inæquales, & obliquas fert: folia odorata, minora quam in Malo Citria, aridiora lateribus modice sinuata: flosculos pallescentes inter folia: baccas subrotundas, breui pediculo adnexas in matuitate nigras: tenui putamine, crustaceo: externa tunica oleosa; vnde oleum laurinum excoquitur, medulla intus ampla, & amara. quædam floret tantum, fructum non fert, cui copiosius est flos, racemosusque, quam Theophrastus Vuam vocat in Lauro præter fructū, in sterili copiosiorem, quam masculam nonnulli appellant: Dioscorides vnam latifoliā, alteram angusto folio tradit. Plinius plura genera afferit, Mustaceam folio maximo, flaccidoque, & albicante: Delphicam æquali colore, viridiorē, maximis baccis, atque è viridi rubentibus, qua Delphis coronari, & triumphantes Romæ solebant: Cypriam folio breui, nigro, per margines imbricato, crispam. Baccaliam, quæ vulgatissima est, baccatumq; fertilissima. Triumphalem, sterilem, minima altitudine, folio criso, ac breui, inuentu raram: Taxam in Topiario genere, cui in medio folio parvulum excrescit veluti lacinia folij. Spadoniam, quæ mira opacitate, ad quantamlibet vmbram solum implet: afferit & alia genera, nomine potius quam generis societate communicantia, Laurum scilicet sylvestre, cui cœrulea inest bacca, hanc nos vulgo Lentiginem vocamus, opere Topiario, fruticem potius, quam arborem, de qua alibi dicimus, & Laurum regiam amplissimam, & arbore & folio, baccis gustatu quoque

quenon aspero. Hanc Pisum habemus peregrinam, foliis longioribus, pulposisque, ad malum Medicam accidētibus, perpetuo vitentibus, sed odore graui: flores in racemis erectis fert, candidos, suave oientes: baccas Lauro similes, paulo maiores, oblongiores, in maturitate nigras, pericarpio pulpo, suavi, quod quo magis siccatur in arbore, dulcissimus redit: intus nucleus est oliuarius, fragilior, perficitur Autumno incipiente: medulla interna amara: seritur optime ramo.

C A P. X X I I.

PIPER rotundum granum est nigrum ex India aduectum, rugosum, acerrimi saporis, gratissimumque in condimentis: Alterum genus candidum, crassiori grano, nequaquam rugosum, actius: Tertium longū, veluti ex minutis granis congestum, effigie Amanti, nucis Auellanæ brevius, colote nigro feruentis gustus: sed sine gratia, Lodouicus Romanus in suis nauigationibus testatur in suburbio Vrbis Calecut Indiæ, Piperis fruticem nullo adhibito cultu prouenire, Hæderæ modo vicinas arbores scandentem, ramis multis, duorum vel trium palmorum longitudine, in quibus folia Mali Assirij crassiota, ac paulo pinguiora, minutioribus venis ex aduersa parte intercurvantibus. E singulis malleolis senos racemos dependere, palmates Passulis non assimiles, densiores: color baccæ, qui Vitis immaturioribus colligitur mensa Octobris, & Nouembris, cum adhuc subuiridis est, deinde soli exposuit, triduo autem nigrescere, dum siccatur: Alterum genus in Taprobana oriti copiosum, quod patrio nomine Molaga vocatur: in totum procerius, crassiore caudice, amplioribus foliis, carnosioribusque, baccæ grandiori, candidiorique inani, ac plurimum mordaci, leuioris, ponderis. Idque maxime apud Tartaros dispensari. Piperis longi arborem non reperio à Recentioribus descriptam; quamquam fateantur quidam, diuersi generis illam esse. Reperio in India Occidentali, quoddam genus Piperis longè oriti acrius & odoratus rotundo, quo indigenæ loco Piperis nigri vntunt in condimentis: pingunt fructum longiorem Orientali non excedentem indicis longitudinem cum pollice, crassitudine parui funiculi, quo pueri Trochos versant, circa tenuem festucam hærent granula dense iuncta, ac veluti retorta, crassitudinem prædictam facientia, quibus ablatis festuca munda remanet: viridis est, quamdiu recens, Sole autem maturatur & nigrescit. At plantam hanc fructum ferente non pingunt, sed altam inquiunt esse. Theophrastus innuit longum diversi generis esse: inquit enim Piper fructum esse, eiusque genera duo: unum enim rotundum Erui modo, tegmine catneque constans, sicut Laurina baccæ, subrutilum. Alterum oblongum, nigrum semina

semina Papaueris continens longe validius altero : ambo enim calefactioriam vim obtinent, ideo contra Cicutam auxiliari. Dioscorides autem tria genera Piperis ex eadem arbore haberi traditum scribit : inter initia quidem praelongum fructum esse, veluti Siliquam, quod Piper longum est habens intus aliquid tenui Milio simile, quod tandem euadit in perfectum Piper, procedente tempore dehiscens id, & pandens se se racemum fieri grana ferentem, qualia videmus, ea autem acerba quidem candidum Piper esse, tempestiu autem maturitate nigrum fieri, & odoratius, acrius, & ad condimenta utilius, gratiusque : album infirmius esse, quod tamen Galenus acris testatur : longum vehementius mordere, & subamarum esse, utrumque aduersus venena expeti. inter nigra reperiri quaedam grana inania intus ob defectum nutrimenti, quod Brasma vocant. Ideo eligi nigrum, quod grauissimum & plerius est, sine multis rugis recens, ac minime furfatosum : Arborem paruam esse foliis Casiae, ut scribit in Casia : radicem falso putari a quibusdam Zinziberim, potius radicem Piperis esse quandam Costo similem, quae ora gustantium accendit, & laetitiam elicit. hec de Pipere traduntur a Dioscoride : Plinius eamdem habet sententiam. Ternas scilicet fructus differentias ex eadem arbore habeti. At arbores Iuniperis nostris similes esse; semina a Iunipero distare paruulis siliquis, quales in Faseolis videmus, has, prius quam dehiscant, decerpitas, rostasque sole, facere, quod vocatur Piper longum; paulatim vero dehiscentes per maturitatem ostendere candidum Piper, quod deinde tostum solibus, colore, rugisque mutatur, carbunculati interim aliqua, fierique semina cassa & inania. Qualis autem sit Piperis radix non explicat, tantum non esse Zinziberim : in Italia quoque haberi Piperis arborem, maiorem Myrtho, nec absimilem amaritudinem : grano eandem, que Piperi Musteo creditur esse : deesse tostam illam maturitatem, ideoque & rugarum, colorisque similitudinem, Solinus quoque testatur in Caucaso monte Indiæ arbores Iunipero similes, primos fructus ferre, ut corili fimbria quod Piper longum est, posterius album, & nigrum : Quod si vera est Recentiorem sententia de Piperis hystoria oculata fide habita, dicendum rotundi Piperis albi, & nigri arbores vnius quidem generis esse, ut Theophrastus innuit, differre autem magnitudine & colore fructus, quarum folia Casiae similia sunt, ut Dioscorides tradit: nam tum Piperis, tum Casiae folia Mali Assirij foliis comparantur a Recentioribus. Que autem longum Piper fert, diversi omnino generis esse, ut Iunipero similem, ut Solinus & Plinius tradidere: quam autem radicem Dioscorides accepit, a Medicis usurpatam tamquam Piperis radicem cum Zinziber non sit, explicabimus in Galanga. At quemnam sit arbor Piperis in Italia apud Plinium Myrtho similis, explicabimus cum Ribe.

C A P. X X I I .

VEBEBE vulgo appellantur grana Piperi nigro similia, ex Orienti aduecta; tenui pediculo adnexa, intus inania, sapore amaro, & acri, odorata: hęc si ore detineantur, claram vocem faciunt concionantibus, cuius gratia vtuntur: Ferunt & Veneris voluptatem ad augere, si in coitu detineantur ore. Plantam describit Garzias Lusitanus: Frutex est sylvestris Hederae modo scandens arbores, foliis Piperis angustioribus: flore odorato: fructu racemoso, non Vuæ modo in communī racemo, sed singulis granis singuli pediculi dati sunt. Medici accipiunt pro Carpeshio putantes esse fructus Myrthi sylvestris, quam Arabes Carpesium Galeni esse putauere, vt alibi suo loco explicatum est. Ego potius purauerim eē Amomi fructum, quæ melior est pars eius fruticis, vt ex Dioscoride & Plinio colligere licet; inquit enim Dioscorides, Amomum fruticem pusillum esse, veluti racemum ē ligno sibi ipsi implicitū; flore Leucoij paruo: foliis Brioniae: laudari maxime Armenium colore aureo, ligno subruffo, valde odoratum: quod in Media nascitur imbecillius esse, sed magnum & colore suburidi vt pote quod in planis & humectis locis nascitur, vel prouenit: tactu tenerum: ligno fibroso, odo-re Rutæ (alij legunt Origani) Ponticum colore subruffo, non longum, neque fructu difficile, racemosum: fructu plenum, odore valido: eligendum esse recens, & candidum, aut subrubens, non constipatum, neque in se conuolutum, sed solutum & fusum, semine plenum, simile racemulis, ponderosum, valde odoratum absque carie, acre, mordaci gustu, colore simplici non vario. Adulterari planta simili, quę Amomis vocatur, sine odore ac sine fructu, quæ nascitur in Armenia, flore Origani: ideo satius est fragmenta vitare, integrum autē fruticem cum radice sumere, hęc Dioscorides. Plinius vero inquit, Amomi vua in vsu India Vite Labrusca, vt alij existimauere, frutice venoso, palmi altitudine: capiturque cum radice manipulatim, lñriter componitur, protinus fragile: laudatur maxime, Punici Mali foliis simile, nec rugosis, colore ruffo: secunda bonitas pallido: herbaceum peius: pessimumque candidum, quod vetustate euenit, pretium Vuæ in libras decem nummis sexaginta: triato vero Amomo quadraginta octo; nascitur & in Armenia, Media, & Ponto. Adulteratur foliis Punicis, & Gummi liquido, vt cohærent, conuoluantque se in Vuæ modum: Est & Amomis minus venosa ac durior, ac minus odorata. ex his patet, meliorem partem Amomi Vuam esse, quę hodie affertur abiectis fruticis ramentis. Forte autem Quintus Medicus, & qui ante Galenum, Carpeshi nomen usurpauerunt, aut frustus hos intellexerunt, aut alios huiusmodi, vt Gariophyllos, quibus pro-

Cynna-

Cynamomo vtebantur : nam Gr̄ce à fructu Carp̄eij nomen videtur deriuatum : vnde huc usque Cūbebe vocantur in officinis fructus prædicti , quæ autem Amomis vocatur à Dioscoride & Plinio , Hodie rosa Hyterici , vel Sancte Mariæ vocatur : fruticulus cum sua radice palmatis , lignosus , famulis frequentissimis implicitus , rotunda figura , quasi Chamaeleontis albi caput , antequam dehiscat ; dehiscit autem , cum in aqua calida ponitur ; vnde mulieres enixuræ confidunt in hoc frutice facilem sibi fore partum , si is pandat se Rosæ modo : fructus fert in mediis ramulis frequentes , figura Myrthi tenuiores , duros , candicantes , qui idem est totius fruticis color : continentur intus in duplice cavitate pauca semina nigricantia , quibus satis aliquando prouenit planta foliis paruis ut Poligoni , sed ad frugem non peruenit .

C A P . X X I I I .

CINNAMOMVM , alij Cinnamum vocant , ex India importatur ; cortex à virgis , delibratus fistulam representans , vnde apud nos vulgo Canella vocatur : odore eximio : sapore acri , mortidente , cum quadam dulcedine iucunda : ideo maxime expetitur ad condimenta : color est subfulvus , superficie leui , vt pote cui detracta sit externa cutis libro tantum relieto . Eius differentiaz plures , crassitie , & bontate : angustiores fistulae , ac leuiotes præstant & odoris suavitatem , & saporis dulcedine . Quibus autem lata est fistula , & asperior , iis pro dulcedine astricatio quædam inest linguam exsiccans , & odoris fragrantia minor . Qui nostra ætate Indicas oras perlustrarunt , referunt vnam consensu , Cinnami arborem Lauro haud absimilem , præsertim foliis , baccas quoque Lauro similes , sed minutiores albicantes , incidi ab indigenis eius ramos singulis ternis annis , caudicem nequaquam ; asservati enim , vt nouos stolones ferat : ramos præcisos delibrati : corticem e modo detractum Cinnamomum vocari : at protinus cum collectum est , non inesse absolutam suavitatem , sed post tres menses odoratissimum reddi : eius maximam esse copiam in Zeilan insula Indici maris prope Aequinoctialem , vt Ludouicus Romanus testatur . Theophrastus historiam non absimilem refert , sed duos esse frutices inquit vnam Cinnamomum , alteram Casiam : vt runque non amplum magnitudine Viticis , permultis surculosisque rami . Cinnamomum decerptum in quinque partes discerni ; & esse præcipue bonitatis , quod germinibus proximum fuerit , idque ad palmi longitudinem cædi , aut paulo maius ; secundum , quod sequitur , quod etiam minus cæsum est , tertium deinde , & quartum notatur . Ultimum vero , quod deterrium , proximumque radici ; hoc enim minimū corticis habet , in quo summa gratia est , non in ligno

Qua

Qua de causa præferri cacumina solent, quod corticis plurimum habent. Casiam verò crassiore saimento constare, neruosamque admodum esse, nec ullo pacto posse decorticati, ac eius quoque corticem esse vtilem: cum igitur virgas secant longitudine trium digitorum, aut paulo ampliores absindere, recenteque bouis corio eas persuere: tum ex eo lignis putrescentibus vermiculos nasci, qui lignum erodant, corticem vero nullatenus tangant, ob amaritudinem, acrimoniamque odoris: hęc Theophrastus: ex quibus colligere licet, tum Casiae, tum Cinnamomi corticem quæ non lignum: Cinnamomum præterea facile decorticari posse, Casiam vero nequaquam sine artificio, cuiusmodi erat, ut per putredinem lignum eroderetur à vermiculis: Si igitur nostri Cinnamomi fistulas contemplemur, illas vero & legiptimo Cinnamomo respondere inueniemus, quæ ex toto absolutæ à ligno sunt, quarum præstantiores compemus, quo magis prope germina fuerint. Quibus autem adhæret aliquid ligni, crassam fistulam vocant, ad Casiam pertinere putandum est, argumentum certissimum non ex surculis; sed ex crassioribus ramis cæfas fuisse, siue eiusdem plantæ, à qua Cinnamomum ceditur, siue alterius. Profecto Galeni testimonio eadem planta aliquando & Casiam, & Cinnamomum reddit: Visam enim esse Casiam inquit, cuius surculi Cinnamomum erant: at nostri nequaquam arboris differentiam animaduentes promiscue Cinnamomum vocant tum nobilius, tum ignobilius, sed ut res clarior fiat, videamus, quæ de vtroque à Galeno & Dioscorido scribantur. Casiam igitur sine ligno afferri solitam indicat Dioscorides, cum fistulosa prædicet, modo angusta fistula, modo lata constantem. Cinnamomum autem integrum à radice fruticem aportari: iubet enim feligi integrum, vitari fragmenta ob fraudem. Quod & apertius Galenus testatur: vidisse enim Romæ apud Imperatores multa genera Cinnamomi: nam olim è Barbarorum terris arcam cubitorum quatuor longitudine cum dimidio Romanam perlata, in qua Cinnamomi primi generis integra arbor erat; Alia genera ætate Adriani & Antonini reposita valde parua: nullem enim eorum caudice in ramos diuiso constabat, sed Ellebori figuram præferebat, ceu paruuus frutex ab una radice sex, aut septem virgulta vel paulo plura, aut pauciora emittebat, non æquali omnia longitudine, verum quod maximum erat, pedis Romani dimidium non excedebat. ex quibus patet decorticandi morem non semper extitisse in Cinnamomo: idcirco eius plantulas tenuibus surculis constantes feligebant, in quibus parum ligni inesset: nam Dioscorides primum genus Cinnamomi inquit laudatissimum, si tenuibus surculis constet levibus, ac nodis frequentibus: colore nigro ex cinereo in fuluum de sinente; odore iucundissimo, &, vt Galenus, inexplicabilis suavitatis; sapore acri, mordente cum quadam salugine; idęo non ingrata mordacitas,

citas, ut Galenus inquit, in frangendo puluerem spargit, scilicet ob medullæ internæ cariem, non tamen facile friatur. Secundum genus Montanum, quod crassum & breve admodum, colore subruffo; Tertium nigrum surculosum, paucioribus geniculis; odore vehementer iucundo: Quartum candidum, fungosum, tuberosum, aspectu vile, protinus fragile; radice grandi Casiam redolente. Quintum cui cortex subruffus: solidum: firmumq; tactu: nec magnopere neruosum: surculis crassis: odore minus suavi. Pseudocinnamomum quoque traditur odore languido, sine viribus. Xylocinnamomum autem esse lignosum Cinnamomum, distans, proceritate, firmitateque virgultorum & odore multo inferiore, licet sint, qui genus diuersum esse prædicent. Hæc Dioscorides. Si igitur Cinnamomi notas contemplauerimus, præcipue odoris, ac saporis proprietates, dicemus procul dubio inter nostras fistulas optimum Cinnamomum haberi, à substantia lignosa, & inutili purgatum: nam salsugo illa a credini adiuncta dulcedo est, quam in optimo Cinnamo- mo sentimus: sed enim cæteris saporibus admixtum dulciores reddit. At Casia in cæteris quidem cum Cinnamomo conuenit, sed loco salsuginis astrictionem habet, ut ex Dioscoride & Galeno habetur. describit Dioscorides: surculis crassi corticis: folio Piperis multorum generum: prima ab Alexandrinis mercatoribus Daphnitis vocatur tubescens, quasi corallus: foramine vehementer angusto: prælonga & crassa fistula: mordaci gustu, & cum quodam ferore astringens: odorata vinum obolens: Secunda præstantior Medicis utilissima purpure nigrantis aspectu: crassa: odore Rosæ: Tertia germen Mosyleticum vocatur aspectu quodam primi generis Cinnamomi: reliqua genera viliora, ut quæ nigra est odore ingratu, prætenui tunica, & illa, cui cortex vltro dehiscit, & abscedit à corpore, est & Pseudocasia specie maxime simili, sed non acris, nec odorata, corticem obtinens adhærentem medullæ. inuenitur & lata quædam fistula minimo pondere, tenera, surculosa, melior ante dicta; scabrosam & subalbidam improbant redolentem virus hirci, ac tenuibus fistulis. haec tenus de Casia Dioscorides. Quidam ex Recetioribus ob fistulosam Casia formam, putauerunt omnes Cinnamomi appellati fistulas ad Casiam pertinere, & Cinnamomum legitimum deesse. At eximia illa odoris fragrantia, & saporis dulcedo, qualis reperitur in fistulis quibusdam, nequaquam Casia conuenit. Plinius inter fabulas multas de Cinnamomo vulgatas, hystoriam recenset: oriti in extrema Aethiopia fruticem duorum cubitorum altitudine amplissimum; minimum autem palmi, quatuor digitorum crassitudine, statim à terra sex surculis veluti digitis arido simile, cum viret non odoratus, folio Origani, sic citate gaudet, sterilior imbre gignitur in planis, sed densissimis vepribus, cubisque; difficilis collectu; præcipua bonitas virgultorum tenuissimis

partibus ad longitudinem palmi ; Secunda proximis breuiore mensura, atque ita ordine ; Vilissimum, quod radice proximum ; quoniam ibi minimum corticis, in quo summa gratia, qua de causa preferunt cacumina, vbi plurimus cortex, ipsum vero lignum in fastidio est, propter Oregani acrimoniam Xylocinnamomum vocatur. Quidam Cinnamomi duo genera tradiderunt, candidum, nigricansque ; Frutex & Casia est, iuxtaque Cinnamomi campos nascitur, sed in montibus crassiore sarmento, tenui cute, verius quam cortice, quem, contra quam in Cinnamomo, leuari, & exinaniti precium est : Amplitudo fruticis trium cubitorum, color triplex, cum primum emicat, candidus pedali mensura, deinde rubescit addito semipede, ultra nigricans, qua etate maxime laudatur, ac deinde proxima ; damnatur vero candida, probatur recens, & quae sit odoris mollissimi, gustu quam maxime feruens potius quam lento tempore leniter mordens, colore purpureo, quaeque plurima minimum ponderis faciat breui tunicarum fistula, & non fragili : Alia est Balsamodes ab odore simili appellata sed amara, utilior Medicis, sicut nigra vnguentis, his addidere Daphnoidem Isocinnatum cognominatam, cortice Laurino, tenuissimis surculis, quae & in nostro orbe seritut, qua Rhenus alluit ; viuit in alueariis apud sata ; color abest ille tortidus Sole, & ob id simul idem odor. Nuper ex India Occidentali lignum afferatur ; cortice odorato ; specie & odore simile Casiae ; appellant Sassafras ; arborem ingentem ; simplici caudice, erecto ut Pini, ramis in summo tantum patulis, ut Palmæ. Folii Fici perpetuis ; vtuntur decocto precipue radicum, quibus vis maior ineft, aut ramorum, aut caudicis vna cum cortice excoctis admodum Guaiacci ad febres putridas, & multos morbos.

C A P. X X V.

AFFEREBANT VR quondam ex Oriente surculi quidam cum foliis Lautinis & baccis, quod Folium Indum vocabant quasi esset Malabathrum Dioscoridis. Quidam putauerunt esse Casiae aut Cinnamomi folia, aut Gariophyli ; alijs rectius putant esse Tembul apud Auicennam, de quo inquit, frigidum est in primo gradu, siccum in secundo, astringit, & exsiccat, corroborat gingiuas, & ventriculum, cuius gratia mandunt Indi continue. hoc videtur intellexisse Plinius cum de Malabathro inquit, aliud esse Malabathri genus e Siria ; arborem folio conuoluto arido simile, ex quo exprimitur oleum ad vnguenta ; Fertilior est eiusdem Aegyptus ; non est autem hoc illud genus Folij, quod Indi Betellas, de quo dicemus in legiptimo Malabathro .

C A P . X X V I .

BALSAMI arbor inter has numeranda videtur, vt ex fructu colligere licet, qui fertur ad nos sub nomine Carpobalsami: baccae enim sunt, figura oliuari, sed valde tenues, subrufæ, striatæ, osleo cortice constantes, molliori tamen, vt dentibus mandi possint, primo gustu suavi, cum quodam odore Balsami, procedente tempore linguam mordent, minutiora grana odoratiora sunt & actiora; que crassiora sunt, imbecilliora reperiuntur, omnia vero intus inania: argumentum, colligi ante medullæ perfectionem: vñâ festucę quædam tenues adsunt subrufę simili fermè sapore & odore, Xylobalsum vocant, crassiora quoque farmenta ferunt, subruffo cortice, & rugoso, ligno fungoſo, leuiter flauescente, gustu odorato, sine mortu: eius lachryma, quæ Balsamum vocatur, desiderari coepit, posteaquam horti Iudeæ, quibus frutex colebatur, interierunt Zelimo Turcarum Imperatore, Cayrum occupate anno Dominicæ incarnationis 1516: extare tamen adhuc Memphi Aegypti viridarium testantur, sed tanta succi parsimonia, vt vix regibus eius loci sufficiat. cepit autem nuper aliud genus Balsami ex Hispaniola insula Indiæ Occidentalis afferri, quod decoctione fit non incisione. At Balsamum Aegyptium, lachryma est incisione corticis stillans, aut folij auulione, in ea parte, qua spectat Sol, vt referunt; stillare enim guttam lucidissimam, & admodum odoratam, quæ vitreis ampullis colligitur. Theophrastus testatur in Syrię valle quadam duobus hortis colit; arborem inquit esse magnitudine magnę Punicę; ramis multis; folium Rutę simile, candidum, perpetuo virens; fructum Terébinto similem figura, magnitudine, & colore, qui admodum odoratus est, atque etiam magis quam lachryma; colligi lachrymam in caudice, & parte superna facta incisione vnguibus ferreis; subsidere; cum æstus maxime angit; collectio nem fieri tota æstate, non tamen multum esse, quod emanat. Sed odorem eximum & copiosum inferri; adeo vt ex paruo spatium prælögum odor valeat permeare: Sincerum nullum aduehi, sed pluribus mixtionibus vitiari solere; virgas quoque eiusdem arboris valde odoratas esse; amputari autem quotānis, & cultus gratia & ob quæstum, ad cultum etiam facere irrigationem; assidue enim irrigari; ex crebra autem amputatione prohiberi arboris auctionem, & virgas tantum produci: Balsamum sylvestre nullibi competitum esse: Dioscorides soli Iudeæ quadam conuale, & Aegypto concessum testatur, arborem magnitudine Licij aut Pyrocanthę; folio Rutę candidiori perpetuo; differte asperitate, longitudine, ac tenuitate; quoddam enim coma capillacea constare, vt demeti possit, reliqua, vt Theophrastus recenset, succum è plaga emanantem

tem Opobalsamum vocari , cuius probatio est, vt sit recens, odore vegeto, ac sincero, non subacidum, facile dilui, laxe, gustu astringens, & quadtantus mordens . Adulterari variis oleis admixtis melle, & cera : deprehendi sincerum tribus experimentis : Primum, si gutta eius super vestem laneam ceciderit , & eluta maculam non reliquerit ; nam olei macula ablui nequit : Secundum si lac coagulet : Tertium, si gutta eius laeta aut aquæ instillata cito diffundatur . Quidam legunt non $\chi\tau\alpha$: sed $\kappa\tau\alpha$, id est sedit ex Plinio , & lactescat ; nam vitiatum supernat olei modo, & in modum stellarum spargitur ; tempore tamen id, quod sincerum est, crassescere , ac deterius fieri : errare autem qui id sincerum putant, quod aquæ instillatum ima petit primo, deinde supernat diffusum ; Sarmenta eius & surculos amputari, quod Xylobalsamum vocant ; laudari recens , tenuibus festucis, ruffum, bone odoratum & modice redolens Opobalsamum, fructum, cuius etiam usus est ; Eligunt flauum, plenum, magnum, grauem, mordaci gustu, & feruido, modice Opobalsamum redolentem ; ferri autem è Petra semen quoddam Hyperico simile, quo fructum adulterant ; dignosci ; quia maius est, inane & infirmum , Piperis gustu, Plinius visam Romæ Balsami arbusculam scribit Vespasianis Imperatoribus ostendentibus ; postquam Iudæos in seruitutem redegerunt, post quæ tempora Fiscus serebat, nec unquam numerosiorem fuisse, aut proceriorem ; esse autem Viti similiorem quam Myrtho; malleolis seri ; colles vinearum modo impleti , ac nuper vinciri ut Vitem ; sed postea sine adminiculis sustinere se ; Tonderi similiter fruticante, & rastris nitescere ; properantem nasci ; & intra tertium annum fructiferam ; folium Rutæ proximum; comam perpetuam ; proceritatem intra hinc cubita sustinere : Arboris tria genera, tenui & cappillacea coma, quod vocant Eutheriston . Alterum scabro aspectu, incuruum, fruticosum, odotatus ; hoc Trachy appellant . Tertium Eumeces, quia est cæteris procerius, laxi cortice: huic secunda bonitas, nouissima Eutheristo, semen eius vino proximum gustu, nec sine pingui : peius in grano quod leuius, atq; viridius : inciditur ramus crassior Myrtho, ea diligentia ne vulnus intra corticem descendat idque vitro, lapide, ossis cultellis, non ferro ; nam protinus emoritur ; tenuis gutta emanat è plaga , quam Opobalsamum vocant, eximiæ suavitatis , quam lanis colligunt in parua cornua , similem crassiori oleo candidam primo, deinde rubescit, simulque durescit, & translucida est ; Ter æstatibus percutitur, deinde amputatur . cetera præterea idem Plinius enarrat circa succi probationem, & de Xylobalsamo , & de fructu fere ut Dioscorides , Addit succum in hætescere manus inuersa, & in aqua tepida sedere ad ima vasis condensatum , quod etiam præstat id , quod gummi vitiatum est . Nouum genus Balsami nuper ex India Occidentali afferri cœpit, liquor est ex ruffo ad nigredinem vergens

pon-

ponderosus, odore valido, suauis, quasi Syracis, caput feriens, linguam mordens ut Piper, cui magnas vires tribuunt, præcipue vulneribus glutinandis, & ceteris ad quæ Opobalsamum Aegyptium laudatur. Extrahitur in noua Hispania insula ex arbore quadam, cuius amplitudo traditur maior Malo Granato; Folia Vriticæ serrata ac tenuia, Indi appellant Xylon, huius ramos in parua dissectos decoquunt multa aqua affusa, deinde postquam refrixerint, colligunt oleum, quod innatæ, conclearibus & argenteis vasis, aut stamneis, aut vitreis condunt; nam in alia materia permeat; sponte etiam inciso cortice testantur defluere lachrymam perlucidam, candidam, odoratissimamque, longe præcisiorem eo, quod decoctione fit, sed adeo modicā, ut longa tedia sustinere nequeant; huiusmodi autem vberius colligi in terra continente ex arbore simili multis ramis constante, cuius externus cortex crassus est, internus tenuis ligno adhærens, quibus incisis lachryma fluit predicta, cuius gutta una preciosior est quam multa quantitas alterius Balsami, quod per decoctionem habet. tradunt huius arboris fructum pro magnitudine arboris paruum esse, Ciceris albi modo inclusum, in extremo tenuis vaginae digitali latitudine, colore candido; eo vtuntur Indi in suffumigiis ad dolores capitis, & distillationes siccandas; lachryma autem, aut Oleo per decoctionem extracto, ad dolores ex causa frigida exterius inuncto, & interius ad dolores internos, ad spirandi difficultatem, ad vrinas promouendas, & menstrua, aliaque multa, quatuor autem aut quinque guttas assumendo in vino modico, aut aqua, concleari intra fauces intromissa, ut linguam non attingat; nam alioquin lingue pertinacius heteret, & gustum offenderet.

C A P. X X V I I.

DI CANTVR hic reliqua ligna lachrymas odoratas ferentia, quævis arborum effigies apud nos nequaquam peruerenterint: Inter hec assertur ex India lignum Aloës vocatum à Recentioribus: Sunt ramenta quædam ligni nodosa, densa, subcinerea, maculis nigris, quæ si fricentur, odorem suauem spirant, si admoueantur igni, pinguedinem resudant: sapor inest subamatus: Tradit Ludovicus Romanus in suis navigationibus in India Orientali, triplex genus eius arboris habetri; primum quod ibi Calampat vocatur, optimum, vendi in urbe Sattau, apud quos oritur, aureis decem in libras, sed hoc distribui apud reges eius loci, non ferri ad nos: eius fragmentum duarum vnciarum manibus conrectatum inenarrabilem suavitatis odorem super omnia suffimenta exhalare, duo alia genera in insula Taprobana haberis; quecum vnum flumine quodam importatur, quod Lubam vocant; Alterum, Bochor,

chor, cuius ortus illis manifestus est; quæ duo genera ad nos conuehuntur. Don Grazias Lusitanus arborem eius scribit Oleæ similem aliquando maiorem; vidisse enim ramum eius cum foliis. Esse quoddam genus sylvestre, odoratum tamen, quo defunctorum corpora comburunt. Dioscorides Agallochum vocat lignum ex India & Arabia allatum simile ligno Thuiæ, maculosum, odoratum, astringens cum aliqua amaritudine; vestiri inquit cute verius quam cortice; colore vario. Arabes multa genera eius haberi tradunt, optimum tamen esse Indicū, nigrum, versicolore, humectum; recens, ponderosum, densum, crassum, difficile adiuri, & quod in aqua submergitur obtutum terra per annum, ut marcescat, fieri odoratius; reperiri arenosum fluminibus deuolutum, fructum arboris conseri, quam Piperellam vocant, colore purpureo, rubroue, forma minuto Piperi non absimilem. Actius Xyloalem vocat, & Tatum, de Zaro Plinius inquit, ex confinio Casiq Cinnamomique, & Caracanum, ac Tatum inuehitur, sed per Nabateos, Troglodytasque confines?

C A P . X X V I I I .

THVS, qui Græcis Libanòs, & Libanotos vocatur; vnde barbari Olibanum appellant, lachryma est sicca in suffimentis odoratis familiarissima, veluti guttae coagulatae, colore candicante, aut subruffo, translucidæ, sapore astringente, & subamaro: arborem nemo ex nostris vidit, apud antiquos solus Theophrastus describit, referentibus iis, qui ad ea loca nauigant, gigni in Arabia apud Sabeos arbores Thuris, alias in monte, alias in pede montis, colique à dominis has, illas vitam incultam agete; quinis fere cubitis attolli; permultis ramis; cortice leui, ad modum Lauri, folio quoque Lauri, licet quidam Piri folium tradant, alij Lentisci subrutilum; Fructum quoque Lentisci, è ramis incisis, aut vulneratis securi, lachrymam aliam decidere, aliam arbori inhæret; recentium arborum candidiorem, minusque odoratam; veterum flaviorem & magis odoratam. Thus, quod tegetibus excipitur purum esse & perlucidum, quod in terra minus, quod arboribus inhæret, ferro depechi, & ideo cōrticem nonnullis adiungi, in Arabia suauius nasci, sed melius in vicinis insulis: in his enim & figurari in arbore posse, qua forma volueris: siquidem pro incisura facta figuris Thuris sequatur, necesse est. Plinius locum, vbi Thus nascitur, religiosum haberi, nec ullis dari ingressum, præter familiis, quibus ius illud conceditur, idcirco non constate, quæ sit eius arboris facies, quamuis Romani res in Arabia gesserint, eorumque arma in magnam partem eius penetrauerint: nam regio, quæ Saba appellatur, ad ortum solis estiui spectans, vndique rupibus inuia, & à dextra maris scopulis inaccessibilis redditur, quæ so-

la regio Thutifera est in Arabia . Putauit autem Plinius , præter Arabiam nullis Thura communia esse , quamvis Theophrastus in insulis nasci dicat , & Dioscorides Indici Thuris meminerit : nam Iuba in insulis negavit nasci . Thus probari , candore , amplitudine , fragilitate , carbone , ut statim ardeat ; Item ne dentem recipiat , potius quam in micas frangatur , præcipuam esse gratiam mammoso , cum hærente lachryma priore consecuta alia miscuit se : masculum autem vocari , quod rotunditate guttae pependit , cum aliæ non vocetur mas , vbi foemina non adsit ; at hic religioni tributum est , ne sexus alter usurpetur : micas autem concusso elias mannam vocari . Dioscorides præfert id , quod guttae rotundæ figura natura constat indiuiduum , quod masculum appellatur , candidum intus , pingue , & celeriter flagrans . Fieri & arte rotundum , Indicum Thus , quod subrufum , liuidumque est , glebis prius quadrangula figura excilis , deinde attritis angulis infictili quatietido , quod genus tempore flauescit ; secundum locum tenere inquit id , quod minutioribus granis constat & fuluius est : esse & quoddam genus alioquin candidum , sed in mandendo consentiens , vt Mastiche ; Adulterari Resina , Pice , & Gummi : deprehendi igne & olfactu ; vtilem quoque esse corticem Thutis ; Eligii autem cratulum , pingue , odotatum , recentem , leuem , non scabrum , aut membranaceum ; Adulterari cortice Pini , & Piceæ , qui similiter igne deprehenduntur ; Manna quoque Thutis recensetur , que probatur alba , pura , carthilaginea ; adulteraturque , Resina Pice cibro effusa , vel puluere molarum cum Thutis cortex contuso ; hodie apud nos neque cortex per se aduehitur ; neque Thutis ramenta , quam Mannam vocant , separata à Thure . Quondam cum arte confingeretur rotundum , attritione puluerem fieri oportebat , idcirco separatim vendebat , sed promiscue nunc cum Thure cortices venduntur , & retrimenta ; probatur autem carthilaginosa Manna ; idest consistentia carthilaginea , non puluerulenta , vt Chondri , quam Alicam vocamus . Recentiores nomine Manæ non Thutis retrimentum intelligunt , sed ros melleum , quo ad purgationes vtuntur .

C. A. P. X X I X.

BELOM vulgo appellatur lachryma ex Oriente aduecta in suffimenti , longe suavior Thure . sunt glebae ingentes confictæ veluti ex pluribus in unum coactis , ut ex coloris varietate conjectari licet ; si enim frangatur , micae apparent aliæ candicantes , aliæ fuluae , aliæ subrubentes ac translucide ; facilime autem friatur , ut atida resina ; gustu suavis , & modice calida ; colligi ex ali bote in India ; & præsertim in insula Taprobana . testatur Ludouicus Romanus eius ligna rogi comburi ,

comburi, ut cætera odorata; putauit autem idem author Laserpitium esse apud antiquos; at cum arboris formam non describat, & cum Laserpitium inter Ferulas reponatur non inter arbores, non possum eius sententia subscribere. Belzoi arbor traditur à Don Garzia Medico, qui dūm in India Orientali apud Præsidem à Lusitanorum Rege in illis regionibus constitutum commoraretur, hystorias aromatum, aliorumq; simplicium, quæ inde ad nos aduehuntur, prescripsit. Arbor inquit excelsa, erecta, & pulchra; tamis frequentibus ordine elatis, ut amplam umbram efficiant; caudice crasso, robusto; foliis paulo minoribus Cistrii, aut Limonis, non adeo virentibus, sed inferne albicantibus; quæ autem in crassioribus tamis proueniunt, ad folia Salicis accedunt, paulo iis latiora, breuioraq;: ex inciso caudice lachryma emanat copiosior; ex nouellis longè odoratior, appellant Belgioinum de Boninas, quod optimum est, & pinguis, ut videatur Syraci liquidæ permixtum: Folia tenella acetō condita seruari in cibis testatur: Hanc tamen hystoriam ex relata scribit; periculosem enim iter ad eorum sylvas ob frequentes Tigrides. Suspicio Myrrham esse: De Myrrha Theophrastus inquit inter lachrymas odoratas esse, quibus ad vnguenta vtuntur. eius arborem cum Thure nasci in Arabia, minorem Thure, fruticosorem; caudice duro, & contorto crassiorq; iuxta terram suta hominis; cortice laui, simili Portulacæ: Folio criso, ut Vlmi, in ambitu spinoso, ut Ilicis, quamquam alij atbotem Therebintho similem dixerit, sed scabriorem, spinosum remque; folium paulo rotundius, gustu proximum Theiebinto. Myrrhae, aliud stillatitium, aliud ficitum esse; probari meliorem gustu, deinde, & concolorum. Dioscorides Myrrham similiter tradit, lachrymam Arabice arboris, quæ spinæ Aegyptiæ similis est, qua vulnerata emana lachryma in subiectas tegetes, alia in caudice ipso addensata. Eius genera plura, partim ex diuersis locis cognominata, parium ratione pinguitudinis & bonitatis. Quædam enim adeo pinguis est, ut inde exprimitur Staetæ idest stillatitius liquor, Bediasimos cognominata ab ipsa expressione, pinguisima vero inter omnes Gabiræ locis pinguis nata, quæ plurimam reddit Staetæ, in quo genere præfertur natione Troglo-dytica, subuitidis, melius ut puto veridum subpallida verbum νπέχλω-γος: mordax, perlucida. post Trogodyticam laudatur tenuis queñam, Bdelli modo lentescens, odore subuitofo, locis apricis nata; improban- tur reliquæ scilicet Caucalis præter modum exoleta, nigra, retorrida, & Ergasima omnium deterrima, squalida, sine pingui, acris, specie & fa- cultate Gummi, & quæ Aminea vocatur. Ex omnibus his pastilli com- ponuntur, ex pinguis quidem pingues, & odorati, ex siccioribus au- tem squalidi, & inodorori, inconstantesque, nisi oleum in confectione ad- miscerint: adulteratur Guni permixto, quod prius diluto Myrrhe per-

fundunt; Seligenda recens, fragilis, leuis vnde concolor, quæ confracta intus diuisiones habet candidas, & lœues, quasi vngues, & quæ paruis glebis constat & amara & odorata, acris, calida. quæ autem gravis est, & colore picis inutilis est. Myrrham præterea & aliam tradit in Beotia natam ex arboris cuiusdam radice vulnerata, quæ ad suffitum utilis est vicina Myrrhæ suavitati. De Staëte autem inquit pinguedinem esse recentis Myrrhæ, quam exprimunt ex ea cum modico aquæ lusa, odoratissimam, & valde præciosam, ac per se vnguentum facere: illam vero probari, quæ nullam olei ad mixtionem passa est, & cuius minima portio plurimum calefacit. Plinius Myrram non solum apud Sabeos nasci, sed & aliis locis: arboris vero descriptionem affert, quam Theophrastus: quamvis alij similem Iunipero tradiderint, & Iuba folium Olusatris, satiuam multum præferri sylvestri; sponte sudare antequam incidatur, Staëtem dictam, cui nulla præfertur; longe autem plura affert genera, quam Dioscorides, sed in plenum probatio est, inquit, minutis glebis, nec rotundis, in concretu albicanis succi & tabescientis, vtque confracta candidos vngues habeat, gustu leniter amara; secunda bonitas intus varia: pessima, quæ intus nigra; peior, si etiam sit foris. Indica Myrrha è spina quadam ibidem colligitur, tanto deterior, vt facilis sit distinctio. hoc nomine venditur hodie lachryma, non in pastillos coacta, sed dissoluta in parua fragmenta, colore ruffo, aut liuido, nigroque, gustu amara, odore paruo, non iucundo, ideo solis Medicis in vsu; non vnguentariis; vili precio vendit. Puto Indicam Myrrham esse à Plinio vocatam, qua Myrrha adulterabatur, sed facili distinctione, cuiusmodi etiam apud Dioscoridem erant genera improbata; At Myrrha, vnde exprimitur Staëte, res odorata est, quam vnguentarij in folles consarciant, digeruntque odoris, ac pinguedinis argumentis, vt Plinius inquit. hęc hodie Belzoi vocatur, alij Bengioinum, vt notas conferenti manifestum est: deest quidem amaritudo; gustu enim suavis potius est, quod cum his, quæ à Theophrasto traduntur, consentit; seligit enim ea, quæ gustu meliori prædita est. Staëte autem quondam cum oleo Styracino ex Alexandria afferebatur sub nomine Balsami; sed postea desit, cum ex India Occidentali nouum genus Balsami afferri cœpit, sola autem expressa Myrrha affertur glebis magnis coacta, ex hoc genere videtur esse, quod vulgo Anime vocatur à nostris, quasi aminea Myrrha; ex Oriente affertur duorum generum, odoris suavis, quibus vnguentarij vtuntur; Vnum candidum; Alterum flauum; album præstantius; referunt Hispani in India Occidentali. in suffimentis odoratis loco Thuri sacerdotes vti, candida quadam Resina, quam Copal vocant, translucida magnis glebis; oriri & Anime flauius, in granulis Thuri simile, sed valde odoratum est, & suave. Dioscorides autem inter reprobatas Myrrhas, Amineam

neam vocat : sed Galenus Minēam ut Plinius appellat, quam & cæteris præferit, Anthidotis Minēam experti præ ceteris & quia odoratior, & quia ei non admixtum est, Opocalpasum, quod est genus veneni.

C A P. XXX.

BDELLIVM lachryma, hoc nomine assertur Myrrhæ vulgari similis, magis perlucida, & rufa, quæ sub dente lentescit, ut Gummi, gustu amara; Differt à Myrrha, quia illa fragilior est, & in igne ardet, ut Resina ; At Bdellum magis naturam Gummi possideret, difficile enim ardet, & humore mollescit : Odor alioquin suavis, sed non sine austerritate. Dioscorides ex arbore Saracénica laudat, gustu amarum, translucidum, Lautino glutini simile, interius pingue, facile mollescens, absq; cortice & sodibus, in suffumigiis odoratum, simile vngui. Alterum autem genus ex India aduectum folidum & nigrum, grandioribus glebis in massam conuolutis. Serapio non παλαιθίδης legit; id est coactum in massam sed ασπαλαθίδης : id est odore Aspalathi. Hoc Galenus Scyticum vocari tradit: Alterum vero Arabicum: tertium è perra siccum, resinosum, livescens, bonitate secundum; adulterari Gummi admixto, quod non adeo amarescit, neque carbonibus odoratum est. Plinius Bdelliij arborem tradit apud Bactrianos nigram, magnitudine Oleæ; folio Robotis, fructu naturaque Caprifici. Gummi esse debet translucidum, simile ceræ, odoratum, & cum fricatur, pingue, gustu amarum, sine acore, in sacris vino perfusum odoratius; nascitur & in Arabia, India, Media, & Babylone. Adulteratur Gummi ex Amygdala nuce, vel cortice Scordasti, quæ arbor emula Gumini; deprehenditur odore, colore, pondere, gustu, igne, Bactriano nidore siccus, multique candidi vngues. Quod igitur Dioscorides vngui simile dixit, de colore intelligit. Plinius, non de odore, ut multi vertunt, quasi odor conueniret vnguis Marini. Arabes Bdellium duplex tradunt, appellantes unum Bdellium de Meccha, alterum Bdellium Iudaicum; intelligunt autem per Bdellium de Meccha arboris fructum, ut tradit Auicenna; per Iudaicum autem lachrymam ipsam, forte quia in suffumigiis usurparetur à Iudeis, scribitur quæ à Moysè in paradiſo voluptatis oriti. Serapio dupli mentione de Bdellio agit; vna inter Palmas, inquiens Bdellium de Meccha esse arborē Iunci, maturari autem scilicet fructum in Meccha & comedī, dulcem esse; in Hispania autem non maturari, sed esse valde acerbum, & asperum, cum paucō humore, Cifilionem appellari eius, arboris cor, cuius natura est similis Palmis; videtur autem intelligere genus Palmæ sylvestris, quod in oris maritimis nascitur apud nos, cuius Palmitia Iunci modo ad nexus utilia sunt, exornantque iis Oleę ramulos, vario plexu

& nodulis conuentientes in sacris Dominicæ diei palmarum mysteriis; altera vero mentione Bdellium Iudaicum appellans Gummi esse tradit, tantum scribens, quæ apud Dioscoridem, & Galenum de Bdellio scribuntur. Auicenna utrumque coniungit, Bdellium enim de Meccha, quem fructum esse tradit & Bdellium Iudaicum ambo esse ex arboribus Aldum, quam interpretantur Palmam. Audio autem in Sicilia ex palmis iis, quos Cefaliones vulgo appellant, effluere gummi odoratum; quod genus Bdelli fuerit apud Arabes. De Arabico tamen Bdellio scribit Auicenna aliud esse à Bdellio arboris Aldum, quod cum Plinio consentit, qui arboris faciem describit à Palma diuersam.

C A P. X X X I.

LACCÆ vulgo appellatur lachryma lignosis quibusdam surculis adhærens, spumosa, dura, sub dentibus quasi lapidosa; colore ruffo, odore viroso; nam in ignem coniecta quasi vrinam putridâ redolet; hac infectores lanarum colore rubro tingunt. Ludouicus Romanus gigni in India pluribus locis testatur & in insula Taprobana, in arbore luglandibus nostris simili: præstantior censemur, quæ surculis adhæret: Laccam Sumetri vocant; quia ex Sumetra insula, id est, Taprobana habetur; vilior, quæ in glebis sine surculis assertur, hanc Laccam Comberti vocant; Serapio ex autoritate suæ gentis inquit, Laccam è cœlo cadere, super arboris Mespili ramulos in Syria locis maritimis, substantiam rubram esse super ligna tenuia; sapore non ingrato, quam decoquunt, ut tingant pannos colore rubro; colligi etiam, quod remanet post tincturam apud infectores, quod genus Laccæ fertur ex Armenia, abluiturque contritis eius lignis aqua calida, in qua ferbuerit Aristo lochia, & Squinanthum, donec exeat clara; dein siccatur ac ytreis vasis reconditur: remedium ad obstrunctiones Hæpatis & Ventriculi auferendas, & morbum Regium: Esse autem idem Camcamum apud Dioscoridem, & Galenum. Dioscorides Camcamum inquit, lachryma est Arabicæ arboris Myrræ similis, viroso gustu, quo in suffumigiis vtuntur; nam & vestes suffumigant addita Styrace & Myrrha; propinari tradunt cum aceto mulso pluribus diebus ad corpora obesa extenuanda; Lienensis, Comitialibus, Anhælosis. Plinius aduehi Camcamum ex confinio Casiae Cinnamomique per Nabateos, Troglodytasque confines tradit; at conditiones eius nullas affert. Auicenna de eo bis agit, putans rem diuersam Camcamum apud Dioscoridem, & Laccam apud reliquos autores; cum tamen de Lacca agit, Paulum sequitur de Camcamo loquètem, ut Dioscorides: Venduntur hodie nomine Laccæ duo; Vnum quod Gummi Lacca vocant, quo legi optimum est Camcamum; Alterum orbiculis

lis formatum rubicundis, factitium, quod incertum est, utrum ex Camcamo præparatum sit, vt docet Setapio, an ex cæteris, quibus color Chermelinus paratur; hoc vtuntur pictores. sed de Gummi Laccæ dubitant nostri; non enim videtur Camcamum; quia odor ingratus, qui in Laccæ est; non videtur conuenire suffumigiis; grati enim odoris Camcamum traditur à Paulo; præterea sapor nō ingratus est in Laccæ, quod & Arabes testantur; & Cacamum gustu viroso scribitur. Videtur autem Dioscorides non bene verbum. **Bepopædes:** idest olidum gustui tribuere, cum olfactui conueniat; forte igitur transposita sunt verba, vt hoc modo legendum sit. Camcamum lachryma est Myrræ similis, gustu olida, qua in suffumigiis vivitur cum Styrace & Myrrha, quasi per se sola insuavis sit; multa enim sunt, quæ in commixtione gratia addunt; cum per se ingrata sint. Aut verbum Bremodes gustui: vertendum crepitans sub dentibus, cum degustatur; lapidosa enim ferme eius substantia, strepitum facit, cum dentibus atteritur, quale est Electrum, & nouum illud genus certæ lapidosum ab Hispaniis repertum, quo epistolas sigillant liquantes igne, quam audiri possunt ex Laccæ Gummi additis variis pigmentis. Referunt hoc genus gummi non ex arboribus sponte stillare, quibus adhæret, sed à formicis quibusdam alatis extrahi & agglomerari, vt mel ab Apibus; ideo reperti aliquando earum alas gummi agglutinatas. Arborum excelsam esse, folij Pruni. Id genus Gummi petebatur primum, ob præcipuum in medicina usum, postea & pannis tingendis, nunc autem repertis aliis nobilitioribus Chermelini coloris infectionibus, exoleuit Laccæ usus, ideo rarum nunc est gummi Laccæ apud nos, tantum assertur factitium genus Laccæ in pilulas digestum, vt prædictum est.

C A P . X X X I I .

SANGVIS Draconis lachryma est concreto sanguini similis, tincta colore sanguineo; sapor inest siccans non ingratus, in suffumigiis odor, nates ferit. Adhæret vt plurimum corticibus quibusdam crassis similibus nucleis Mali Persici, rufis, qui in igne resudant, lachrymam rubicundam prædictam: Adulteratur valde simili specie, addito Gummi colore simili, sed gustu cognoscitur & igne; Venditur & factitium quoddam genus panibus coactum ex Rubrica & Pice Colofonia, quo potissimum veterinarij vtuntur, admiseentes emplastris astrictionis; legitimam autem lachrymam fert arbor in Africa authore Aloysio Cadamusto in suis navigationibus; crescent præcipue inquit eius arbores in partua quadam insula Atlantici Oceani, prope Mederam, cui nomen dederunt Lusitani vocantes portum sanctum; fructum ferunt instar Cerasi mense Martij, gustu exsimium, coloris veneti; sauciant arbores ferre.

quo-

quodam anni tempore, & anno sequente lachrymam emittunt ex vulnere, quam decoquunt Athenis & defecatam ; sanguinem Draconis appellant ; hec Cadamustus . Referunt & Hyspani in noua Hyspania Indiae Occidentalis, apud Carthaginem probatissimam lachrymam sanguinis Draconis oriti ; rationem vero nomenclature esse ; quia eius fructus Draconis animalis formam omnino praesert, folio quodam rotundo inclusus, arbor procera, tenui cortice, qui vulnerari quacunque reposit, vnde erumpit lachryma : Fieri etiam decoctione non adeo bonum sanguinem Draconis , qui in panes cogitur . hec Monardes Hyspanus refert . Dioscrides Cinnabarinum appellat diuersam à Minio inuehi ex Africa magno precio paucum ut vix pictoribus sufficiat, ad lineas ducendas coloris variandi gratia . Est inquit color grauis, & valde saturatus ; vnde quibusdam visum est non aliud esse , quam sanguinem Draconis ; Facultatibus iisdem pollet, quibus lapis Hematites, magis astringit, & sanguinem cohibet & acrem quandam qualitatem adiunctam habet . Plinius inventionem Sanguinis Draconis scribit in hunc modum : expeti à Draconibus propter astum sanguinem Elephanti ; quia frigidissimus: huius gratia insidiari bibentibus mortis in amnibus, mortuum infingere in aure, in deque sanguinem exhaurire donec Elephas moribundus collabatur; prepondere autem opprimi Draconem sanguine inhebriatum: Sanguinem autem triusque animalis permixtum Cinnabarinum vocari, quæ in picturis proprie sanguinem reddit . Antidotis quoque medicamentisque utilissima est : adulteratur sanguine Caprino, aut Sorbis tritis . Aetius colligi in India Sanguinem Draconis tradit ex herba Dracunculo appellata, quod ad veritatem magis accedit . Serapio ex autoritate Constantini tradit Sanguinem Draconis , succum esse Sideritis Achilleæ valde rubrum, sapore astringente . Ex quibus patet hodie opera Hyspanorum certiorum huius haberi historiam, ut multorum aliotum, quam priscis.

C A P . X X X I I I .

SARCOCILLA inter lachrymas affertur minutissimis guttis constans, veluti sudore concreto, friabilis, subcandida, aut subruffa; sapore subamaro, ac mendicamento; in igne difficile ardet; attollitur in spumam; odore ingratu . Diocotides describit, lachrymam arboris in Perside Thuris pollini similem, colore subruffo, amaram: eius naturam glutinare vulnera, & fluxiones oculorum sistere . Plinius addit: Spinæ lachrymam putati, cum quadam acrimonia dulcem, quæ vetusta nigrescit; melior, quod candidior . Mesues numerat inter medicamenta purgantia; eius arborem esse veluti Fruticem, spinosum; ramis nondosis, ad arborem collectis: lachrymam colligi aliam albam sicut Thus, aliam

aliam subcitrinam : efficaciorē esse subcitrinam , & quæ magis amara . Purgat humores pituitosos, & crassos, drachmæ vnius pondere usque ad duas : confert præcipue articulis, quam facultatem antiquiores nequaquam nouerunt.

C A P . X X X I I I .

STYRAX in agro Romano prope Tigolim prouenit , arbor Malo Cotoneo simili caudice, & foliis, candidiori tum cortice, tum folio in parte aduersa : floret in nouellis surculis ; flos candidus ex multis foliis constans, odoratus, magnitudine, & specie floris Auranteri ; fructus rotundus, externa cuto crassa, candicante, magnitudine Auellanae ; intra cutem modo unicum , modo duo semina continentur osleo cortice obducta, medulla interna insuauis . Arbor lachrymam dat suauem , sed exigua . De Styrace apud Theophtastum nihil habetur præterquam, quod est inter odorata , quibus ad vnguenta vtuntur . Dioscorides lachrymam esse arboris Malo Cotoneo similis . Plinius in Syria Iudeæ gigni supra Phœnicem : eius arborem Malo Cotoneo similem, succo prægnantem ; intus similitudo Harundinis ; cum erodunt æstate pennati vermiculi , unde liquor effluit , scobe permixtus . Serapio fructum tribuit candidum Auellana maiorem, Pruni albi similem, duplice cortice ; exteriorem mandi, quamvis amaram : ex interno nucleo oleum exprimi . Quamvis igitur ea , quam descripsimus in Italia lachrymam paucam ferat , ut alia multæ , que in feruida regione succo multo abundant ; tamen ex similitudine tradita coniectari possumus Styracem esse : Placet hic de eius lachryma aliquid dicere, cum diuersa authorum dicta controuersiam fecerint : Apud Dioscoridem igitur traditur quædā translucida, Gummi similis, Myrrham redolens, sed exigua & rara . Altera frequentior, cuius probatur, quæ colore ruffo, pinguis, resinosa, fragmentis albicantibus, odore perseveranti . Hæc subacta melleum liquorem reddit : damnatur nigra , friabilis & fufuosa . Fieri quoque ex ea oleum Styracinum in Syria . Plinius secundam tantum describit non discedens à Dioscoride . Serapio Styracem diuidit in liquidum & siccum, per liquidum intelligit modo oleum , ex nucleus extractum , modo ipsam arboris lachrymam , modo stillatitum humorem è recenti Myrrha extractum, quam Dioscorides Staetum vocat ; per siccum autem intelligit corticem fructus , postquam expressum est oleum . Auicenna similiter humidum & siccum esse, humili vnum sponte fluentem ex arbore, coloris citrini, quem Storacem Calamitam vocant ; alterum per decoctionem, coloris nigri , quem Storacem liquidum appellant ; feces autem Storacem siccum esse ; Calamitæ vocabulum videtur à Calamis deciuatum ; quia teste

teste Galeno, in Calamis afferretur, vel, ut Plinius; quia arbor Calami modo concava succo plena est. A uicennæ explicatio videtur magis cum Dioscoride cōsentire, vt quedam sit arboris lachryma spontē fluens, quę cum in ligni scobe reperiatur, veluti leprosa redditus; congeri enim circa caudicem, multam scobem, erodentibus vermiculis testatur Strabo, cum qua lachryma se permiscet, sine iactura tamen odoris. Quædam artificio extrahatur per decoctionem, vt solet ex Cædri lignis, Cedria, & Iuniperi oleum, sic ex Styracis lignis, aut ipsam scobe per ignem refūdet Styraz liquidus, quem Dioscorides oleum Styracinum vocat; ipsa vero scobes exsiccata, & retorrida Styraz siccus sit. De quo Dioscorides inquit, damnati nigrum, friabilem, & furfutosum. Hodie tria eadem habentur; nam arboris lachryma non sine scobe quadam, Styraz cognomine Calamita tamquam optima in suffumigia preciosa venit. Andi quoque ipsa scobes modo rufa, quę laudatur, modo nigra quę damnatur; similiter quætitur ad suffumenta odorata. Styracinum vero oleum, vendebatur Balsami loco ex Syria aduectus sed desit postea quam nouum genus Balsami ferri cepit ex Occidente; liquor autem ille putridus, quo ad scabiē iniungendam vtuntur, vilissimo etiam precio; quamuis Storax liquidus vulgo appelletur, aliena omnino res est. Forte AE' comeli Diocoridis, quod ē pinguitudine surculorum fieri scribit, cuiusdam arboris in Syrię Palmiris; ex ea enim spontē manere oleum melle crassius; sapore dulci; ad purgationes aptum; atte quoque fieri oleum ē pinguedine surculorum, optimum vetus, pingue, non turbidum; illinitut ad leptas & reliqua. Testantur autem mercatores, vulgarem Storacem liquidam, ex decoctione quorundam surculorum in aqua fieri. Ad Storacis genera videtur reduci posse, quod ex India Occidentali fertur, Liquidambrum vocatum, Resina liquida valde odorata, apprehensis & arboris corticibus simillimo odore Styracis. Eius atborem in noua Hispania magnam tradunt; frequentibus ramis, ac foliis Hederae; crasso cortice, quo inciso lachryma funditur prædicta: ex hac recenti stillare tradunt per se oleum quoddam odoratius, exprimi quoque; vt maiorem quantitatem habeant, sed minus perfectum, quo Chirotheas inficiunt.

C A P. X X X V.

LE A non multum distat à Lauri natura; nam similiter folio constat perpetno, sed paruo, angusto, & candicante, duro, cuius pars prona candidior, breui pediculo: Fructum fert Oliuam appellatam, Laurinis similem, pingui peticarpio; vnde oleum copiosum extrahitur, nucleus intus durum, cum parua medulla oblongum; floret à lateribus, & aliquando in summis ramulis, quod signum est hibbettatis,

berratis; racemulis exiguo flore onustis candicante: ipsa arbor nodosissimè in caudice; non los eos Rustici oua Oleatum vocant; nam sata germinant numerosa sobole; materies fragilis, spissa, & crispa: medullam paruam & incertam habet: radices multas, crassas, inæquales, & nodosas, summæ terræ hætentes habet: paruam autem eam, quæ ex medio: rimas non sentiunt ob carnis æqualitatem; vnde simulachra sculpe solent perpetua; authore Theophrasto, in quem usum odie Oleastrum Rhodium maxime expeditur, maculosa facie, prædensum, ut quodammodo Agallochum Iadicum emuletur; in posterioribus adulterandi aësam præbens. Oleaster id est sylvestris Olea; Cotinus etiam vocatur apud Dioscoridem & Plinius; folius brevioribus constans, & fructu minori, qui oleum reddit amarum; in Aethiopia lachrymam fundit Dioscoride Authore, Scamonio similem, mordaci gustu, rufiorem, & minutis stillis constantem. In mari Rubro peculiarem describit Theophrastus, è cuius lachryma Medici medicamentum componunt listeno sanguini. Plinius Enhæmon appellari Oleæ lachrymam in Arabia singulari effectu, contrahendis vulnerum cicatricibus. Hoc forte fuerit illud, quod à Recentioribus Chyrurgis vocatur Gummi Aelemi. Olearum differentiae ex fructu magis, quam arbore spectantur, scilicet pro magnitudine, pinguedine, & probitate: Vnde Plinius Oliuarum multas assert species. Pausias primo purpureas, deinde in nigritum transuantes, plurimum carnis habentes Autumno colligendas. Orchites, quibus plurimum Olei post Radios, eodem colligendas tempore. Radios tenetimas, vnde citissime eas occupat ætas, & à murca cogit decidere; Liciniam in agro Vefrano callosam in Martium mensem durare, probatissimum oleum fundere, eius baccas auis non tangit. Cominiam similiter callosam. Regiam, quæ & Phaulia dicitur, & Majoranam grandissimam minimo succo non nigrescit ante Februarium. Sergiam, quæ vt Regia in illud tempus nigrescit. Colymbades franguntur & conduntur, herbarum viridium sapore sunt & superbæ præter iam dicta genera, sunt & prædulces per se tantum siccatae, vuisque passis dulciores, admodum rarae in Aphrica & circa Emeritum Lusitanæ. Hodie grandissimæ fere nucis magnitudine afferuntur ex Hispania muria conditæ, quæ superbè meritò dici possunt. Nostrarium, quæ minores, rotundioresque plurimum olei habentes, Oliuolæ vocantur, quæ maiuscuae, & oblongæ dulcissimum oleum reddentes, sed parcus; Raggiariæ à radiis nomine deflexo: Maiores adhuc pulposioresque ad condituras tantum quæ sitæ Regiæ fuerint, sunt & quædam, quarum caro abscedit ab osso, eum franguntur, virides, quæ conditæ gratissimæ sunt, quas Colymbades dixerim. Oliuas omnes, cum nigrescere incipiunt Drupas Latini vocant, quæ optima ætas ad decerpendum: nam maturiores pinguiorū

quidem succo constant, sed minus grato, in matuiores oleum reddunt præstantissimum, quod Omphacinum vocant, sed exiguum.

C A P. XXXVI.

LATRV M vulgo appellatur, alij Linternum, frutex in maritimis tractibus frequentissimus, veluti Olea, quedam parua; multis ramis fruticantibus; foliis Oleæ durioribus, ac viridioribus, similiter perpetuis; floret à lateribus in alis foliorum, non oblongo racemulo, vt Olea, sed aceruatis granulis fructum fert nigrum Ligastro similem; vnico intus officulo, tenui putamine, figura oliuati; Frequentior in hac est steriles quasi in eo genere mascula, quam Plinius Alaternum vocat inter steriles, quæ fructum nullum ferunt, ei folia inquit sunt, inter Ilicem & Oliuam; Vidimus tamen quandam angustiori folio quam Olea, quan dam latiori breuiori que ad Ilicem valde accedente. Hanc videtur Theophrastus Phillycam appellasse, perpetuo virentem; vnde illi honor in alendo pecore, cum semper fronde abundet: obedientissima est materies candoreque ei Celastris modo germinat in eunte vere: fructum reddit post Occasum Vergiliarum, montibus est propria. Dioscorides Phillyream vocat, arbor inquit est Ligultri magnitudine; foliis Oleæ latioribus nigroribusque, fructu Lentisci, nigro, subdulci congesto Vuarum modo in locis asperis: in foliis facultas est astringendi, vt in Oliuastro.

C A P. XXXVII.

HYLLIRA mas Theophrasti, vulgo in agro Plumbinensi vocant legno Puzzo, & Putine, quasi lignum putridum, copiosa ibi nascitur, arbuscula est, Lauro similis, foliis brevioribus, leuiter serratis, similiter perpetuis, leuibus, lentis, flosculos fert racematum circa ramulos herbaceos, baccas paruas ternis intus officulis, rotundas, rubentes; cortice interno pallido; materie rara, leuissima: medulla rufa, putant quidam Phylliream Dioscoridis: sed magis placet vt Phillyram dicatur apud Theophrastum, seu Tilia mas, vt Plinius vocat, vt explicatum est in Tilia: nam & multæ steriles in his reperiuntur, vt in Alaterno.

C A P. XXXVIII.

RHAMNV S Frutex est virgas ferens albas, longas, & inclinatas; paucis ramis: aculeis rectis & crassis: foliis Oleæ, perpetuis, ex viridi candicantibus, pulposis: flores in summis germinibus, specie Gelsimini, ex purpura candicantes: baccas paruas Oleæ figu-

figura : floret in autunno. Alterum genus arborescit ramis rectis, Salicis modo: cortice minus candido: foliis angustioribus, longioribusque, non pulposis, veluti puluisculo ferrugineo inferne obsitis: iuxta folia, folliculos quosdam tenues sine flore fert, Hordei figura & magnitudine, puluisculo scintillante obsitos colore ferrugineo, iij in maturitate parvæ. Oliuæ speciem gerunt, rubentes: succo intus croceo, tenui tunica inclusa: maturantur hyeme: semen unicum continetur nigrum: aculeos rariores habet acutioresque, sed infirmiores: peregrina hæc apud nos: superior autem frequens in sèpibus nascens ut Rubus. Theophrastus Rhamnum fruticem esse scribit perpetuè virentem: racemum ferre in summis virgis: commodam ad ignaria paranda: eius duo genera esse, aliam nigram, aliam candidam, fructuque diuerso, & ambas aculeigeras. Erit igitur candida, quam primo loco descripsimus: altera vero nigra. Plinius inter genera Ruborum tecenset Rhamnum à Græcis appellatum, quotum alter candidior & fruticosior: floret ramos spargens rectis aculeis, non, ut cæteri, aduncis, foliis maiotibus: Alterum genus sylvestre nigrius, & quadantenus tubeus, fert veluti folliculos, quæ similiter quadrant duobus. à nobis propositis: maiora enim insunt folia in candido: nigrum quadantenus rubet, ob puluisculum ferrugineum: sed apud Dioscoridem tria Rhamni genera proponuntur: primum ramos fert rectos, & aculeos in acute spinæ modum: foliis paruis, oblongis, subpinguis teneris. Alterum eius genus candidius: his videtur significare duas à nobis propositas: primam quidem nigram: alteram vero candidam; Quod vero tertio loco describit Paliurum esse apud Theophrastum puto, ut suo loco explicatur.

C A P. X X X I X.

SCOTANVM vulgo appellatur Frutex contortis caudicibus non crassis, quibus decorticatis infestores vtuntur; Flavo enim colore tingunt: cortex est ruffus: lignum pallidum: folia Piræ rotundiora: in summis surculis magnus exit racemus capillaceus, in quo rara apparent semina flauescens, exigua, quasi triangula, depresso, duro putamine, sed ob tenuitatem impertibili: flosculus pallescens, aut herbaceus, vix conspicuus: ex nominis similitudine Cotinus videretur antiquis vocatus; Quæ sylvestris Olea est Dioscoridi, sed facie valde distat, apud Plinium tamen Cotinus appellatur in Apennino frutex ad liniamenta, modo conchilij, colore insignis.

C A P . X L .

LENTAGINEM in Hetturia vocant fruticem in sylvis nascentem, foliis Lauci rotundioribus, subirritatis, perpetuis: ideo quætitur hic frutex ad exornanda viridaria opere. Topiatio: flores fert in vmbella canticantes in summis fruticibus: hyeme autem floret: baccas fert Myrtho similes coloris cærulei, splendidas, tenui pericarpio, tenui quoque crusta feminis, sapore acerbo; Fructus annotinus nouellum expectat. Quidam, Tinum appellant, Plinius hanc videtur intellegere, cum inter Lauros inquit esse Laurum sylvestrem, quam alij sui generis arborem dicunt, cui cærulea est bacca.

C A P . X L I .

LANTANA vulgo à quibusdam appellatur frutex qui creditur Vittatum esse apud Virgilium, constat multis virgis cubitalibus, digitii crassitudine, lentis, & hirsutis; Folia ex interuallis bina Vlmo latiora, & magis hirsuta; in summis virgis vmbellas fert Sambuco similes, minores; flosculos minutos, candidos, grauitate oleentes, qui similiter summis fructibus insident; quibus decidentibus baccæ subsident oblongæ, modice compræsse, in maturitate primum rubentes, postea nigre, sapore ingratu; intus semen unicum continet, latum, depresso, & striatum, osleo cortice intectum, ex eius radicibus viscum extrahi tradunt: hanc videtur Theophrastus Rhoem, seu Fluidam, vt Theodorus verit: appellare, cuius mascula dicitur, quæ sterilis; Femina, quæ fructifera est. Virgas ferunt non longas, nec crassas; folium Vlmo simile paulo oblongius, aliquantum hirsutum, ramulorum nouellorum. Folia paribus internodis conjugatim condita adharent ordine disposita: inficiunt his coriarij alba coria; flos candidus racematis enascens, quo decidente, fructus cum labrusca rubescit; suntque ceu lentes tenues congestæ, figura his quoque in modum Vuç: osseum intus continetur medicamentum, fluida dictum; radix persumma & simplex, vt facile auelli possit radicitus. lignum sine medullâ, & cæsum quoque incorruptum perdurat; nascitur omnibus locis, sed in argillaceis pottissimum præstat. Plinius hanc eandem sub nomine græco Rhus intelligit, cum inquit. Fruticem esse coriarium, subfruticum, cubitalem, crassitudine digitali, cuius atidis foliis, vt Malicorio, coria perficiuntur; Medicis autem Rhoicis vtuntur, id est fructibus ad contusa, & quæ sequuntur, & alibi inter Syriae arbores describit, vt Theophrastus. Dioscorides huius non meminit; nam sub nomine Rhus aliam intelligit. Quanuis autem hodie

hodie in Italia ad coria deplanda ea nequaquam vtuntur; tum quia rara, tum quia alia forte meliora in eum usum venere, ut Myrthus & Lentiscus; non ob id negandum Lantanam Rhoem coriariorum esse apud Plinius & Theophrastum.

C A P. L X I I.

RHVS obsconiorum, ut Dioscorides vocat, vulgo autem Sumach, arbuscula est in petrosis nascens ultra bicubitalem altitudinem; ramosa; Foliis pluribus in communi pediculo coniugatim dispositis, ut in Lentisco & Terebintho, subhirsutis, & lateribus modice serratis, ut in Sorbo rotundioribus; floret in cacuminibus racematis flosculo rubro & minuto: grana fert congesta veluti in spica Lentis modo depræssa, quorum externa tunica, veluti roscida, tactu pingui, sapore acido, & gustui grato, ideo pro condimentis vice salis inspergi solita est antiquis: internum putamen carthagenosum colore Castaneæ, medullam semen exiguum continens; huius foliis coriari vtuntur ad deplandum ut aliis astringentibus. Plinius hanc Rhoem Erithron appellari testatur ex Dioscoride, cuius semen aspergitur, pro sale obsoniis: Nam aliam meminit, cuius semen medicamentis assumitur ex Theophrasto, quam nos vulgo Lantanam appellamus. Dioscorides inquit Rhus, quod obsoniis pro sale aspergitur ab aliquibus Erithros appellatur. Semen est ex coriarij fruticis eiusdem nominis. Excoriarius hinc vocatur; quoniam qui pelles condepsant, spissandis coriis folio eius vtuntur. Arbuscula est in petrosis duorum cubitorum altitudine proueniens; Folium ei sublongum, modice queratulum, serratumque, & incisum per horas; fructus in racemulis densis, magnitudine Terebinthi latiusculus: pars corticea, quæ semen ipsum complectitur. Medicinæ percommoda est: huius fruticis foliū vim habet astringēdi velut Acacia, & quæ sequuntur.

C A P. X L I I I.

LENTISCVS frutex est frequens in asperis maritimis perpetue virens; foliis, magnitudine Myrthi, in communi pediculo coniugatim dispositis, magis pulposis, & durioribus; flosculi racematis coherent circa ramos inter folia subrubentes; baccæ rotundæ ac rubentes paruæ, quibus medulla inest viridis, huius quoque folia assumunt ad coriam deplanda; virgarum materiem lentam; excuunt ad repurgandos dentes; nam consolidat gingiuas, & dentes confirmat, sunt qui huius gratia, & folia ipsa mandunt; apud nos lachrymam fert exiguum, sed in Chio copiosam, quæ Masticæ vocatur. Dioscorides arbo-

arborem tanquam notam non describit; de Mastiche eius scribit resina esse Lentisci, quæ laudatissima, & copiosissima in Chio insula gignitur: probatur quodam ignis fulgore splendida, candorem cæstæ Tyrrhenicæ præferens, crassa, retorrida, odorata, friabilis, minus proba est colore viridi; adulteratur Thure permixto, resinaque.

C A P. X L I I I .

TEREBINTHVS arbor est Lentisco similis; foliis coniugatim ex uno pediculo exeuntibus, ut in Fraxino, deciduis apud nos, quanquam Theophrastus inter pérpetuè virentes recenscat, specie Lentisci sed maiora: in foliis aliquando vesicæ quædam oriuntur rubentes; floret à latere in racemulis oblongis; flos rubens & parvulus; fructus parvus, depresso Lentis modo, & rubens; cortice inciso lachrymam fundit quanquam exiguum in Italia. Resina Terebinthi hodie ex Cypro afferitur paulo crassior, sed multo odoratior vulgari Terebinthina, quæ ex Larice habetur: Theophrastus Terebinthum fructu & resina vilem, in montibus tantum nascentem tradit, in eo genere esse marum, quæ sterilis, & fœminam fructum ferentem; hunc in alia partium esse protinus ruffum, magnitudine Lentis, qui concoqui nequir, in alia primo viridem, postea ruffum, vltima maturitate nigrum, Fabæ magnitudine, resinosum, & sulphurosum, in India Amygdalæ magnitudine, arborem circa Macedoniam & in Ida breuem, & fruticosam & contorta. sed apud Damascum Syrię magnam, & decoram, copiosamque, materiem lentam, nigram, spissam, & in Syria nigriorem Ebeno, ex eaquæ capulos pugionum heri, & pocula Tornati, quæ à fæstilibus discerni nequeant, sed cor tantum accipi ac perungi; folia Laurina ex uno pediculo coniugatim prodeuntia, ut in Sorbo, minus angulata, pinguis cum uniuerso fructu; florem Oleæ, colore rufso; ferre etiam quædam concava Nucis similitudine, ut Vilmus, in quibus bestiolæ innascuntur culicibus similes, humore quodam resinoso putrescente, at Resinam ex ligno manare. ex his videtur Theophrastus non solum nostratem Terebinthum indicare, cui parvæ sunt bacca, sed & Pistaceam, cuius fructus grandiores viles in cibis asteruntur, aut Pistacea ex Syria quanquam & in Sicilia, in Agrigentino proueniant: nuclei sunt oblongi paulo crassiores Pineis, aut Auellanam oblongam referentes; cortice albo crustoso magis quam oleo, externa tunica arida, subnigra, & decidua, medulla interna viridis, dulcis, & subacris: Arbor, quæ ex eius latu aliquando apud nos prouenit, magna est, foliis Terebinthi, aut Siliquæ perpetuis; floret in cau-minibus racematis, ut Rhus, exiguo & rubro flore; Hanc Theophrastus Terebinthis annumerauit, cum aliæ Pistaciorum non meminerit,

testa-

testatur & Atheneus credi à nonnullis Terebinthos, quę Siri Pistacia vulgo appellant. Dioscorides de Pistaceis & Terebintho diuersis capitibus agit, sed utrquam tanquam notam non describit.

C A P . X L V .

GLANS vnguentaria, quam vulgo Ben vocant, nucleus est triangulus Auellanæ, aut Pistaceæ similis, medullam candidam & plenam continens, oleosam; cortice crustoso, cinereo, aut nigricante, qui in alio externo ac deciduo reconditur. Exprimunt Vnguentarij ex eius medulla oleum ad odores conseruandos, quia solum vetustate non rancescit. Arborem Dioscorides tradit, Myrica similem in Aethyopia, Aegypto, Arabia. Theophrastus glandem vocat peculiarem Aegypti, quę peregrinari nequit, Myrtha similem; folio oblongiori, contortam & magnam; fructu magnitudine & visu Capparis, cuius putaminibus Vnguentari vtuntur; quia boni odoris sunt, alioquin ipso fructu inutili existente: ligni materies valida, commoda ad nauigia: quamquam alibi Glandem inter minora recenseat caule carnosum, ut Beta. Plinius Myrabolanum appellat; folio Heliotropij herbæ simili: fructu magnitudine Nucis Auellanæ, quæ Glans appellatur in aliis nigra in aliis candida, rubens in Aegypto, viridis in Arabia; gracili nucleo, & odoratiore liquore in Aethyopia. Quod igitur Plinius folio Heliotropij describit, fortè intelligit; quas Castaneas Aequinas appellant Constantiopolis, cuius arbor traditur procera folio Pentafili maiorem, Ricini magnitudine: Echinum fert spinis firmis & raris, in quo fructus Castanæ similis, dulcis, rotundior, crassior: cortice subnigro, sede candida figura cordis. Mesues quoque inter Arabes Ben quandam magnum scribit, ut Auellana; quandam paruum Ciceris magnitudine. Hispani inuenierunt in insula sancti Dominici, Indiae Occidentalis, Auellanæ purgativas vocant, quia ad purgationes vtuntur, quod etiam tentantes Hispani vim vehementem inuenierunt ac valde laboriosam, ideo tostis vtuntur.

C A P . X L V I .

PALMA sola inter arbores nullis ramis constat, vim genitalem indiuisam, in cacumine candicans, habens tanquam in capite: hinc enim medullæ copia continetur, quod cerebrum Palmæ appellatur: hinc & folia & fructus erumpunt, emoriturque præcisa ea parte: simplex est caudex rectus, licet alicubi bifidus, & in plures partes diuisus assurgat, ut auctor est Theophrastus, cortice scabro, ligno nervoso, sine medullæ discrimine, tractatu facilis, præualida ad sustinenda pon.

pondera, non enim flectitur deorum, ut cetera ligna, sed ponderi reniten-
do, usum incurvatur: Folia sunt Harundinea, sed multa ex uno pedi-
culo lignoso, & crasso aculeatoque prodeuntia in multam ligeritudinem;
angusta, quae cum nouella sunt inuicem cohærent, colore subalbo, q-
uia, cultellos vocant, quos in sacris mysteriis vna cum Olea assumunt,
utilia ad nexus & ad leua capitum umbracula texenda. Eadem postea ex-
plicantur diutiora effecta ac viridiora, infraque ad latera, alii ex media
Palma subnascentibus: figura folij explicati, qualis hominis palma, sed
longissimis digitis numerosisque, quamquam differentias multas fortia-
tur; Quædam enim etiam explicata, nunquam tamen inuicem disiun-
guntur, ut in nuper nascentibus Palmis omnibus, & in quodam genere
peculiariter; quædam disiunguntur quidem usque ad certam mensuram,
sed non ex toto, ut relinquat palme manus latitudinem præter digitos, ut
in quodam genere humili, quod sponte in scopulis maritimis ortitur, ut
in insula Ilua, & Palmeola vocata. Insula illi contermina, in Sicilia Ce-
faglionem vocant. Quædam ex toto disiunguntur usque ad pediculum,
ut in Palma, quæ in Italia seritur ex fructibus perigrinis, quos Dactylos
vocant. Hæc in arborem prægrandem assurgit; folia ei ad longitudinem
quatuor cubitorum, cum suo pediculo sparguntur in orbem, quos Pal-
mæ ramos aliqui vocant: iis præcisus vestigia in caudice frequenti & relin-
quuntur ad scandendum oportunissima, alioqui si derelinquantur in po-
netrabilis vallo scandentibus aditum intercludunt: fructus racematis
veluti ex Mili iubis dependent, prodeuntibus non ex medio cerebro, vñ
de nouella exeunt foliorum germina, sed à latere; vestitus initio racemus
tunica conuoluta similitudinem gerens Ensis cuiusdam lati sua vagina
inclusi, ventre quodam medio latiore, prope cubitali longitudine stans
inter folia. Elatem Dioscorides & Spatham vocat, Palmitem Plinius.
disrupta ea tunica Iuba, quæ intus latitabat, ostendit in mare quidem
flores tantum sine fructu, candidos, puluere quodam referitos; in foemina
autem fructus sine flore. Author Theophrastus puluerem illum Ma-
tis foeminae aspersum fecundiorem reddere, nec fecicare ipsas foeminas
nisi iuxta mare adfuerit. Fructus ex cuius semine Palma, quam diximus
in Italia prouenit, oblongus, figura Gladiis, sed amplior, colore Castanæ,
exterior pulpa constans carnosa & dulci: intus osseum quid continetur
solidum, cui rima in parte prona, in dorso autem seminis pulpa ob par-
uitatem vix conspicua; nam in ea parte nascitur paruo relicto forami-
ne; idcirco prona ferre oportet non supina, & plura simul, ut habitior
ex pluribus principiis fiat caudex. Sed apud nos omnes steriles, aut fru-
ctum moluntur tantum, nec perficiunt; appellant autem eos fructus in
Italia Dactylos. Eosdem inter alia genera, quæ traduntur, Dioscorides
& Plinius Caryotas videntur appellasse, laudatas ad fauciūm asperitates.

Quarum

Quarum nobilitas in Iudea maxime Hiericunte Theophrastus in sola Syria, idque in valle Palmaria reconditos fructus seruari testatur, cum ceteri fugaces sint, ideo recentes consumuntur. Arabes quoddam genus Bdellium de Meccha vocant, cuius fructus in Meccha maturatur, & dulcis sit; in Hispania autem nequaquam. Ex eadem Gummi haberi, quod Bdellium Iudaicum vocant, ut in Bdellio explicatum est. Sed praeter Caryotas recenset Dioscorides Phænicobalanus, quasi Palmæ glandes in Aegypto acerba & astrictoria facultate, qui si crudiusculi decerpantur, ut fieri solet, in media fere maturitate, virides sunt, figura Myrobolani Arabicæ, odore Mali Cotonei; & Thebaicas, quarum decocto contra æstus ardoresquè vtebantur, & ad vires in ægrotis recreandas, ex quibus etiam vina siebant ad eosdem usus, facultate vehementer astringendi repellendique. Theophrastus multas assert fructuum differentias: nam quidam, inquit, sine ligno intus sunt; quidam cum ligno, eoque in aliis duro, in aliis molli: alij candidi: alij nigri: alij flavi: nec pauciores colores, quam in Ficorum generibus: quidam figura Malorum & amplitudine: alij minimi Ciceris magnitudine; Quidam nunquam maturescunt: Quidam non nisi triennio, ut semper nouo subnascente vetustus adsit, ex quo contuso panes fiant in Aethiopia: Quidam manduntur tantum, ut expuantur expreſſo succo. Plinius unde quinquaginta genera numerari, si quis velit omnium nomina persequi, & vinorum ex his differentias: Sed cum iij in feruida tantum regione proueniant, considerandum, utrum praeter Caryotas aliud genus ullam hodie adferatur ad nos. Videntur autem ex genere Palmarum esse ij fructus, quos vulgo Mirabolanos vocant, quasi Myrobolanos, ut aliquando Plinius vocat, quos fert Palma probatissima in Aegypto, que ossa non habet in balanis, reliquarum modo, eundem viridem, odore Mali Cotonei tradit, ut Dioscorides: nam alibi per Myrobalanum, intelligit ipsam Glandem Vnguentariam, quam Dioscorides Balanon Myrepſicen appellat: assertuntur autem quinque Mirabolanorum genera, omnia arida, sapore acerbo, sed facultate purgandi praedita, ut Arabes adnotarunt. Eorum tria os continent, solida pulpa, & crustosa inclusum, striatum: veluti tripartitum, durissimum, non tamen omni ex parte solidum, ut in Daetaliis, sed in media cuitate, que parua est medullam seminis continet. Primi generis sunt cognomine Citrini, colore pallido, figura Glandis, striati. Secundi Chebuli grandiores figura Prunorum Damascenorum nigricantes, crassiore pulpa, qui etiam saccato conditi solent, recentes aut siccatai, humo reque remolliti: Bellirici Gallæ modo rotundi, flavi, tenuissima crusta obducti. Duo præterea sunt nullo intus nucleo manifesto scilicet Indi nigri, Oliue depresso figura & magnitudine; & Emblici figura parui Mali, sed eos in patua fragmēta dissecos & siccatos ferunt nigricantes. Quid

si hos Phoenicobalanos dicamus? nam nullo intus ligno spectantur, & cum maturi sunt, nigrescunt, ut Plinius testatur. Qui autem os intus habent, ad Thebaicos & Arabicos Mirobalanos reducamus: de iis enim inquit Plinius, in totum arentes Thebaides, & Arabicae macro corpore, exiles, & assiduo vapore torrentes, crusta verius quam cutem obducunt; Thebaidis fructus, ex templo in cados condituri, alioqui celeriter expirat, marcescitque, non retostus furnis: præterea compertum est eorum succos artificio quodam paratos, ut docet Mesues, non solum ad febrium ardores multum pollere, sed etiam in omnibus putridis adeo virtutem roborare, ut breui natura ipsa putredinem vincat, & expellat; reperio apud Asclepiadem Chrysobalanum, quasi ipsum Myrobalanum Citrinum. Arbores quorundam generum describit Garzias in hunc modum. Folia Emblicarum quidem tenuiter diuisa sunt magnitudine Palmæ. Citrinorum autem ut Sorbi. Indorum, ut Persici. Arboreos omnium magnitudine Pruni: sylvestres esse. Emblicis vtuntur ad coria depsanda, ut nos Rhoe.

C A P. X L V I I.

MVSA vulgo appellata inter Palmas videtur recenseri posse; oritur in Aegypto & Cypro: eius folia visuntur apud nos aliquando saccari panes conuentientia: distinguntur ab Alga, latifolia, qua similiter saccarum condunt in Occidente, quod Alga folia nulla media costa visuntur, Musæ autem folia costam perpetuam & crassam habent, per medium folium discurrentem, aliquando aculeis quibusdam à tergo armata, folij latitudo ferè cubitalis, longitudo aliquando bicubitum excedit: Figura simili ei, quam Indicam Harundinem vocant. Tradunt eius caudicem, Palmæ modo ad quina, & sena cubita attolli squoso foliorum cortice vestitum; nullis ramis; è vertice gerumen molle exire cubiti longitudine sustinentem fructus parui cucumeris magnitudine, qui per maturitatem quadantenus flavescent; cortice Fici, qui eodem modo digitis detrahitur, substantia pulpæ Melopeponis, nullo intus osse; nec semine: sapore grato: quamuis initio insipidus videatur: fructus quoque hos Musas vocant: serì stolonibus Agnoscentibus.

C A P. X L V I I I.

NVSA Indica ingens est fructus amplitudine Mali Citrij, aut Melopeponis: extero cortice arido & fibroso: Trilatera fermè figura, qui intus degenerat in stamina lini modo: succedit seminis

nis cortex osseus, durissimus, ouatus, leuis, ex quo pocula sunt leniosis utilia intra hunc medulla inuoluta sua molliori tunica, sapore dulci & pin-
gui : Crescente Nuce, aiunt colligi humorem, sub extimo inuolucro in-
ter stamina, qui Nuce perfecta aquæ rosaceæ similis effunditur, mensura-
terni calicis ex singulis nucibus, potu suavis : arborem tradunt Palmæ
similem : folia apta ad ædium imbricamenta, nam per sex menses aquam
continent, adeo farctum tectum præbent : amputant ramos primo vere,
quoniā plurimum luxuriant : incisæ arbores largè gemunt, ut Vitis :
lachrymas vasis excipiunt, & recente humore pro vino vtuntur : nam
triduo acescit in acetum : liquor idem percoctus transit in melleam sub-
stantiam : aliaquæ multa admiranda tradunt de hac arbore apud Cale-
cuttenses. Videntur autem in genere Caryotarum esse, quos Plinius Ni-
cholaos vocat, in eo genere sicciores amplitudinis præcipue : nam qua-
terni cubiti longitudinem efficiunt, aut quod paulo post Pæton vocat
nimio liquore abundans; rumpit enim se Pomi ipsius etiam in suam ma-
trem ebrietas, calcatis simile . Affinis huic videtur fructus apud Indos
vocatus Areca, & Fanfel, quem tufum manducant cum folio Indo; nam
præter odorem gingiuas consolidat: Arbor erecta fungosa; foliis Palmæ:
Fructus Nucis Muscatæ, tenuior, intus dutus, venis exterius albicanti-
bus, & rubentibus magna ex parte, non omnino rotundus, sed altera
parte compressus, continet inuolucro crasso, lanuginoso, exterius fla-
uio imitante Daëtylos maturos, sed non siccios; sapor inest austerus.
Hæc tradit Garzias Lusitanus. Hunc fructum aliquando vidi inter mer-
ces Indicas .

C A P. X L I X.

NVx Muscata ex Insulis ultra Gangem aduehitur, maior Auella-
na, minor Iuglande rotunda, pinguis multum aromatica : af-
fertur autem purgata à suis putaminibus; aliquæ tamen visce-
sunt, cum suis corticibus vtpote immaturæ, quarum exterior tunica dis-
fecta magis quam Auellanarum calyx, colore ruffo, aromatica, totam
nucem circumspectens : sub ea cortex osseus continetur. Tradunt eius
arborem Persico Malo similem ; foliis paulo angustioribus ; in incultis
nasci ; fructum ante maturitatem circundare instar florentis Rosæ, quæ
postea perfectam nucem complectatur vndique ; incolas vero eius loci,
quam primum huiusmodi complexum viderint, certatim colligere ;
Alij distinctius referunt arborem, specie & folio Nuci Iuglandi similem ;
fructum completem magnitudine Mali Cotonei ; externo cortice viri-
di, & crasso, ut in Iuglande, qui faccaro conditus gratis est gustui & aro-
maticus, sub hoc membranam tenuem continet, quæ Macim circundat.

rubicundum & implicatum circa duriorem corticem : intra hunc postremum Nucem Muscatam contineri: eius mentio reperitur apud quosdam ex Græcis recentioribus , Moscocaryon , & Myristicam Nucem vocantes . Fortè Aetius eandem intellexit sub nomine Nucis Indicæ, quām recipit in suffimento muscato . Arabes authores optimè nouerunt in medicinis expertentes, & medullam internam , & externum corticem tenuem, quem Macim vocant ; nam mediis, qui osseus est, inutilis iudicatur . Maccis nomen assumptum est ex Macere , cuius Dioscorides & Galenus & Plinius meminerunt ; nam Serapio ex Dioscoride transfert in corticem Nucis Muscatæ , quæ de Macere scribuntur . Sribit Dioscorides de Macere, qui & Macis, & Xilomacer vocatur, ex Barbaria aduehi corticem flauescensem crassum, gustu per quam astringentem, quoad cruentas ex creationes, & alius fluxus, & Dysenterias vtuntur, Plinius ex India aduehi corticem rubentem radicis magnæ, nomine arboris suæ, sed qualis ea sit in compertum habere . Galenus similiter ex India conuehi Macerem, qui cortex est acerbo gustu', cum lœuicula acrimonia odorata, vt pleraquæ aromata, quæ ex India aduehuntur . Ex hac iejuna descriptione significatur incertam illis fuisse Maceris historiam, & non esse extimam Nucis Muscatæ tunicam : repugnat enim eius tenuitas, & acredo maior, quam astrictio, cum in Macere sapor acerbus multum possit, sed forte, si diuinare liceat in re adeo ipsis authoribus incomperita, quid obstabit ? si dicamus extimum Nucis Muscatæ corticem apud Dioscotidem vocatum fuisse Nareaphthum inter suffimenta odorata, quod ex India corticosum aduehitur simile putaminibus Sicomori, non arboris libro, seu cortici, vt multi accipiunt : *λεπίσματα* enim tenuia sunt, & putamina fructus Sicomori scissa sunt, vt sæpe etiam Fici , nec crassa, cuiusmodi est Macis Nucis Muscatæ . Alterum autem eiusdem corticem crassiorem, esse Macerem, qui ob substantiæ crassitatem acerbus sit, & minimum quid redolens, ideo inutilis iudicatur Serapioni . Quasi putamina tantum iis temporibus afferrentur, Nuce in patria remanente; ea tamen, vt præciosa & valde peregrina ex osculabatur antiquitas .

C A P . L.

NVx Metel vulgo & Fungus Orientalis appellatur osseum quidam compressum, & circulare instar Fungi abiecto pediculis; aliud integro circulo; aliud deficiente, vt Luna'; in centro apex quidam; in labro seminis medulla continetur, ob patuitatem inuisibilis, vt in Daetylorum ossibus, quasi ab eis differat tantum; quia in Daetylis extrema ossis vtrinque replicata sunt media quadam rimula constituta : in Nuce Metella eadem sunt explicata & aperta, vnde circularis figura :

figura : est autem id lanugine tenui obductum & candicante : vtuntur eo solum pro veneno ad canes interficiendos puluere insperso carnibus; idem pisces & aues obstupefacit : Putarunt quidam hanc esse Nucem Vomicam Serapionis, quæ describitur maior : Auellana, & nodosa, cuius corticibus, pro medicamento vomitorio non pro veneno utebantur : minus etiam fuerit, quæ Nux Metel apud eundem, & Auicennam traditur : fructui Mandragoræ similis : cortice scabro, licet ea obstupefaciens sit venenum, sed apud Plinium videtur inter Palmæ fructus poni, cum inquit, quibusdam osseum continetur, lunatumque, dente contra fascinations religione politum. Fortè Nux Vomica fuerit, quæ in officinis Gallæ Orientalis vocatur, ad pisces obstupefaciendos quæsita sunt baccæ quædam inanes cortice nigro : in cavitate inchoatio tantum seminis appetat, indicium colligi ante perfectionem, non enim grandiores sunt Auellana, vt monet Serapio.

C A P. L I.

GARIOPHYLV^S vulgo appellatur fructus odoratissimus ex India allatus vna cum festucis quibusdam, lignosis, colore, ex fulvo nigrescente sapore acrī, & mordente, cum quadam amaritudine : fructus cum perfectus est ad maturitatem usque, minus odoratus est, ac minus acris, figura & magnitudine constat, Laurinæ baccæ oblongæ, aut fructus Rosarum ; semine intus durissimo nigro implicato, recens verò natus odoratissimus ; ideo maxime expetitur in condimentis, angustus & oblongus, in cacumine vestigium floris gerens, quaternis angulis, vt figuram parui clavi referat : Placent integri assis carnibus infusi Meminit huius Plinius inquiens : Est etiam num in India Piperis granum simile, quod vocatur Gatiophylon grandius ; fragiliorumque : tradunt in Indico luco id gigni : aduehitur odoris gratia . Paulus Aegineta Cariophyllum vocari inquit, quasi Nuci Folium, cum potius sint stipulae & flores arboris Indicæ, nigri coloris digitæ longitudine, odorati, acres, sub amari, calidi & secchi in tertio ordine : Serapio laudat ad Venetem stimulandam, tum fructus, tum cortices, lignaue, ex India aduehi inquit, cum cortice, lignoque : in summo capitula sunt serrata, quæ laudatissima colore subrufo, odore firmo. Anthophylli apud Nicolaum intelligentur grandes Gatiophyli : qui ad maturitatem peruererunt minus acres ; cum tamen verbū Anthophyllum debuissest florenti fructui aptari, Cariophyllum autem fructui perfecto ob Nucis similitudinem. Qui ad Indicas regiones nostris temporibus nauigant, referunt Gariophylon tantum prouenire in quinque Insulis Oceani, ultra sinum Gangeticum, locis montanis, & si aliò transferantur, nequaquam viuere; caudice con-

state

stare Buxo non absimili: foliis Cinnami rotundioribus ad Lauri folia accedētibus: in cacuminibus fructus ferre, quindecim aut viginti simul, initio candidos, postea rubentes, cumque maturescere incipiunt, cultores harundinibus flagellare arbores, constrato prius solo tegetibus; idq; bis in anno sub vtroq; Solstitio: non sinere autem vt ad perfectā magnitudinem intumescant; quia duri euadunt, & inutiles præter corticem: saporis a credinē inesse etiam arboris cortici, ligno ac foliis virentibus, vt fructui. hæc referunt. Ex Gariophyllis extrahitur artificio distillationis Oleum odoratissimum, quo vice Balsami vntuntur. si quid autem est quod Cinnamomi vicem supplere queat, Gariophyli Clavus esse possit, vt forte hoc fuerit Carpesium apud Quintum Medicum à fructu cognominatum, sed Galeno incognitum.

C A P. L I I.

LO TVS arbor, quam in Hetruria Bagattum vocant inter viles fructus etiam num in proverbio Amat colles, magis, quam plana caudice crasso; ramis in latitudinem magis quam in altitudinem fusis: cortice lœvi, & subalbido: foliis Vlmi ligeribus, & magis in acutum desinentibus, magisque serratis inferne candicantibus, superne viridioribus, similiter rugosis: floret à latere solitariis flosculis, qui ex binis foliolis constant summo fructui insidentibus: baccas fert Ceraso similes longo pediculo pendentes minores, rotundioreisque, in maturitate nigras: externa pulpa dulci, officulo intus duro, veluti quadripartito, vt in Glande Vnguentaria; intus vnica seminis medulla continetur dulcis Dioscorides inquit, planta est magnitudine arboris iusta: fructu maiore quam Piperis, dulci, graue olête, qui stomacho vtilis sit, aluumq; supprimat. Plinius hanc in Aphrica insignem esse, ibique Celtim vocari, Italiae quoque familiarem: sed terra mutatam, fructum colore Croci esse post maturitatem. Ex Theophrasto, Celtis Piro æquiparatur: sed Incisuræ sunt in foliis, vt Ilicis videantur esse: materie nigra, dura, spissa, & enodi. fructus magnitudine Fabæ, qui ante maturitatem plures colores mutet, vti Vua: quidam cum ligno intus, quidam sine ligno, melior, ex quo etiam vinum exprimitur: multæ frugis apud Lotophagos ab eo fructu appellatos: nam rufus reconditur cum interiore nucleo. Aliam præterea tradit fruticosam, fructu Nuce obducto: parte externa minime carnosæ, sed potius pelliculari, puto apud eundem Theophrastum, Loti fructum, Diospyron appellari, quasi Louis triticum, non Louis Flammam, vt Theodorus vertit. similis est inquit Cerasis figura, sed nucleo duriori, est album, & nigrum: puto autem à Tritico cognominatum, quia in panes cogebatur more tritici.

FINIS SECUNDI LIBRI.

ANDREAE CAESALPINI ARETINI

DE PLANTIS LIBER TERTIVS.

CAP. PRIMVM.



XPLICATIS hactenus iis arboribus, quarum semina ita sedent, ut eorum cor non in sede fructus, sed exterius vergat, reliquas nunc persequamur, quarum semina cor in inferiore parte habent, qua scilicet, aut pediculo fructus, aut conceptaculo nectuntur, maxime autem à supradictis diuersa est earum natura; Nam in illis plures erant solitarii seminibus, in his è conuerso paucæ reperiuntur, quæ solitaria ferant semina, sed magna ex parte plura, aut in communi conceptaculo, aut in pluribus. Incipiamus autem ab iis, quibus nullus flos, aut in summo fructus patu perspicuus existit. Ficus igitur arbor est iusta magnitudinis: cortice leui, cinereo, quo inciso manat lacteus humor acris: materies carnosa, mollis: folia ampla, paucis sinibus excavata, aspera fructum in singulis foliorum alis singularem, in summo sessilem, iuxta pediculum pyramidalem, in quo exigua granula numerosa sedent in interna circumferentia, medio spatio inani: floris vestigium tantum in summo, qua etiam ostiolum patet in internam cavitatem. Fructus ipse in maturitate dulcis melleo succo, qui sæpe in floris ostiolo concrescit in lachrymam, tunica mollis, quæ in maturitate disrumpitur, nigra, vel subrubra, vel candicans ex viridi, aut flavescentes. exsiccantur fructus in sole, aut furnis, vt toto anno asservari possint, quas Caricas vocant. Plurimæ bis ferunt fructus: primum enim ante foliorum germinationem, in annotino surculo, qui grandiores sunt, & maturescunt circa solstitium, quos grossos vocant, deinde novello ædito germino, alias ferunt minores, qui maturescunt autumno. Quædam tamen grossos tantum maturant, reliquos ferunt deciduos. Quædam vrosque maturant. Quæ autem grossos tantum ex natura ferant deciduos, nō vidimus: nam sæpe ob siccitatem, aut aliam iniuriam decidunt ante maturationem. Sylvestre genus neutros maturat: Quædam singulis annis grossos ferunt: Quædam alternant: Aliando visum est precedente vere valde siccо omnes ficus grossos tulisse, & ad maturitatem perduxisse. Differentiæ multæ extant, & eatum variæ appellations apud diuer-

diuersas gentes. Theophrastus similiter describit Sycen; id est Ficum simpliciter vocatum: caudice breui, contorto, paucis nodis: carholo ligno, enerui, sed tamen robusto, si in rectum stans pondus sustineat, vt columna cortice leui: radicibus multis, & longis & obliquis, in longissimum aliquando spatium productis, si locum inanem & humectum asscutæ fuerint: folia ampla, laciniata & cruciformia, succo lacteo: semina congesta putamine inclusa, succo dulci: fructificat in nouellis surculis: plura producit: nam affert grossos præcidiuos & caprificos, sique inter ficos, caprificare consueuerunt: prouenit omnibus aliis modis præterquam ligno & surculo, ex semine autem degenerat in Caprificum, vel sicum sylvestrem, & saepe alio colore; nam ex nigra oritur candida, & ex candida aliquando nigra; Caprificus autem ficus fieri nequit; alicubi tamen pro ostento id visum est: De Caprificio scribit, mōribus propriâ esse, germinare ineunte vere fructus non maturare, nec perficere, sed ex putredine in illis igni paruos culices, qui alimenti gratia aduolantes alios Ficos petant, & crebro morbi aperiant eorum ora, quo fit ut superfluo humore consumpto, & ore ad aperto, fructus & magis perspirent & proprium humorem concoquunt, nam alioqui grossos decidere, nec ad maturationem peruenire. huius igitur gratia, caprificos ficsis appendere solere, ut culicum opera ficus tueantur, ne decidunt, & maturentur; aut prope ficos caprificos conserunt, ut culices aduolare facile possint: in Italia autem non egere caprificatione: quia sponte ficus maturantur, laudantur potissimum caprifisci nigrae, & locis ortæ saxosis: quia istæ per multa grana contineant. noscuntur, quæ aptæ culicibus emercent, quod rubræ, & versicolores & robustæ constant, contra quæ minus aptæ, albæ sunt & imbecilles: vbi plurimus sit puluis, ibi plurimæ validissimæque caprificus exeunt: Ficarios culices deuorat quoddam bestiolarum genus, quod Vlmi folliculis innascitur: remedium, cancrios alligare; nam in eos se vertere aiunt. In Aegypto Ficus non maturantur, nisi scalptis fructibus, oleoque peruntatis: ex his manifestum est in Italia Ficos, aut alterius generis esse, aut ratione soli, & celi aliquam differentiam acquirere, cum non egant caprificatione, nec adhuc sciatur Caprificos apud nos oriri, licet sylvestres Ficus multæ sint. Plinius Ficorum multa affert cognomina, vel à figura, vel à gente, vel authore derivata; Calcidicas; Lydias quæ purpureæ; Mammillanas, quæ mammatum similitudinem habeant; Callistruthiæ patum sapore præstant; Ficorum omnium frigidissimæ Aphricanæ, quas multi præferunt cunctis, serendæ in loco crasto, & stercorato. Terina quasi delicata candicans est: Rodia, & Tiburtina inter præcocos nigrescunt: Liuiæ: Pumperæ: Matiscæ, & quæ Harundinei folij macula variat: omnes sole siccatae in annuos vñus aptissimæ sunt. Herculanea; Albicerata; Aratia; Alba, pediculo minimo latissimæ.

latissima; Porphyritis longissimo pediculo primo prouenit. Popularis inter minimas & vilissimas: Chelidonia sub hyeme maturatur. Oma inter serotinas; cortice duro: sunt præterea eadem serotinæ, & præcoce, bifere, alba, & nigra cum messe, vindemiaque maturæcentes; omnibus mollis tactus; maturis frumenta intus; maturæcentibus succus lacteus, percoctis melleus; senescunt in arbore; anusque distillant Ygummi modo lachrymam, siccanturque; laudatas recondunt, & obsonij, & panis vice, Cottanas, & Caricas, & Cauneas vocant; De Caprifico autem, è generesyluestrium transcritbit ex Theophrasto, quæ dicta sunt, Difficile autem fuerit simul, & inutile, prædictas appellationes, nostris accomodare, ut Aphrycanas iis, quas vulgo Hætruria Brusciottos vocat inter nigras, Aratias, seu potius Auratias à colore auroeo inter albas iis, quas quidam Citreas cognominant inter præcoce; nam post grossos primæ maturantur, sed de Ficis simpliciter vocatis hæc satis.

C A P. I I.

AD Ficum reduci posse videtur peregrina arbor, quam Ficum Indicam vocant, ob quandam fructus similitudinem, licet planta non solum à Ficis, sed à ceteris quoque arboribus maximè differat. Tota enim arbor ex foliis inuicem insidentibus constat; sunt autem folia crassa valde, & carnosa, figura Clipei, oblongioris, aculeis paruis vndiq; armata quæ tempore incrassantur magis, & transeunte in lignosam substantiam, & caudicem; & ramos constituunt: prouenit facillimè folio, tanquam surcula; nam radices multas ex folio dimittit; germinat Vere in summis foliis, tria aut quatuor in singulis foliola erigens, aut fructus oblongos, paruis Cucumeribus similes; similiter aculeatos vt folia, quibus summis flos insidet luteus, in tres continentur semina in carne præhumida, vt in fructu Mandragoræ minora; sapor dulcis, sed ferinum quid præferens, non multum in Italia adolescit; quia frigoris impatiens, vt plurimum periit ante perfectam magnitudinem. Affert Theophrastus non valde absimilem Ficum Indicam; tradit enim arborem esse, mira magnitudine vt umbram ad bina stadia facere dicatur, caudice crassissimo; folium habet amplissimum non minus Pelata, & præ copia nutrimenti radicum ab eius foliis dimissarum generatio videtur accedere; dimittit autem singulis annis radice è ramis r. on. nouellis, sed anniculis atque etiam vetustioribus: illæ se teriæ coniungentes, ceu sepem circa arborem faciunt, veluti Tabernaculo constituto, sub quo morari homines, solent; totaque arbor fornicato ambitu, pulchre orbiculatur: radices autem nascentes euidentissimè à ramis discernuntur; sunt enim albiores, hirtæ, tortuosæque binaque fronde foliatæ:

M cum

cum autem mira magnitudine sit, fructum exiguum admodum, eundemque paucum fert magnitudine Ciceris Ficus similem. Quatenus igitur inquit, cum de causis loquitur, ex foliis radices dimittere alibi autem ex ramis annotinis, significare videtur eius folia, in ramos transire. Quod preterea tradit folia Peltæ, & fructum Fico similem licet exiguum, indicium est, nequaquam genere differre hanc ab ea, quam descripsimus, non tamen in regione adeo peregrina, & frigida dimittere radices illas queat, neque ad magnitudinem propriam accedere, quamuis fructus sit maior. Eandem similiter Plinius describit adeo vastis ramis diffundi, ut præ pondere in terram curuentur: ibique annuo spatio insigantur, nouamq; sibi propaginem faciant circa parentem in orbis operè quodam Topiario, decora specie subter intuenti, procalue fornicate ambitu; superiores eiusdem rami in excelsum emicant, syluosa multitudine vasto matris corpore, foliorum, Latitudo Péltæ Amazonicæ effigié habet ea de causa fructum integes crescere prohibet, rarus que est, nec fabæ magnitudinē excedens. Describuntur ab iisdē alia genera Ficus, quatuorundam regionū propria, quæ peregrinari nequeant, ut circa Idā fructicosa, crassa, contorta, lenta, nullo superiori ramo, sed giro comato, colore luidio, tūm corticis, tūm foliorum, quæ figura, & magnitudinæ Tilæ similia, mollia, & lata: flos Méspili: fructus russus, magnitudine Oliuæ, rotundior, gustu Méspilaceus, quem Ficum vocant. Plinius hanc Ideam, & ibi Alexandrinam vocari sine lacte, & cetera eadem, quæ Theophrastus. In Aegypto autem propriam Theophrastus sicaminem, id est Morum vocant, Mori similem folio, magnitudine, & aspectu; valde lactuam; fructum fert non in germinibus, nec ramis; sed in caudice magnitudine Ficus, & visu proximum, succo, & sapore Capriforis similem, sed longè dulciorē, internis granis omnino carentem, qui numerosior maturescere nequit, nisi scalpatur: vnguibus enim ferreis scalptus quarta die, maturescit, eoquè ablato aliis subnascitur similis, quod ter, & saepius factitare affirmant: lignum cefum non siccatur nisi aquis submersum, donec ob leuitatem emergat. Plinius hanc Ficum Aegyptiam vocat similiter describens. Dioscorides Sicomorum appellari tradit eius fructum ob gustum, quandam ignavum, nasci etiā in Caria, & Rhodio. In Creta autem quædam Ficus Cypria vocatur caudice magno, Populo alba simili, folio Vlmi: fructus similiter in caudice nascitur germinibus quibusdam ad nexus sine foliis, quater fructificat, toties germinat, sed nullum producit ad maturitatem, nisi pomo inciso emissaque lacte; dulcedo sicibus non ab similis, & interna grossis planè conueniunt; magnitudo autem Pruni est. Plinius magnitudinem sorbi tribuit, Dioscorides gigni in Cypro arborem genere distantem, quæ cum sit Vlmus, prædicta tamen est foliis Sicomori, fructu Pruni magnitudine multo dulcio-

te Sicomoro, in cæteris simili, De Fico igitur, & de iis, quæ ad Ficum reducuntur hoc satis.

C A P. I I I.

MORVS arbor est intorta; cortice aspero; ligno flavo, aliquando & Buxeo; foliis Fico minoribus, rotundioribusque, minusque sinuatis, sed serratis magis; in tenellis quoque germinibus lacteus inest succus, quamvis parcior, quam in Fico; non floret euidenter, sed fructus nascentis bintis squammis tegitur, quibus occidentibus, veluti flosculorum apices totis fructibus insident; Fructus vinosus, in aliis candidus, in aliis sanguineus, qui & maior & golla suauior; constant veluti ex coagmentatis squamis pulposis, sub quibus semina Ficis similia continentur, ut videatur quasi Ficus inuersa: Nam in Fico intra reconduntur, & flosculi, & apices, quibus grana sunt appensa, ventre quodam medio relicto: eadem in Moto exterior spectant, nullo corcie continente, utpote qui in communem sedem internam abierit.

Colitur hæc Arbor, solum ad alendum id genus erucarum: quod serum gignit; non enim alia vescuntur fronde. Theophrastus nomine à Fico deriuato Sycaminem vocat; materie spissa & lenta, valida, & facilis in operibus, quæ vetustate nigrescit, ut Lotus; medulla quoque nigra & dura: tarde germinat & cito folia dismittit: Fructus parvus pro magnitudine arboris, laevis, ac dilutus, ex humore, & cute constans succo vino flos lanuginosus totis fructibus insidet, quæ omnia nostræ Moto conueniunt. Plinius candidam, & nigræ videtur eandem accepisse, cum inquit, Motis succus in carne vinosus, irini colores, candidus primo, mox rubens, maturis niger: in nouissimis florent; inter prima maturescunt: tingunt manus succo matutæ, eluent acerba. Non aliae in hac arbore differentiæ, quam pomi magnitudine: sic enim differunt, Mora Ostiensia, & Tusculana. Romæ nascuntur, & in Rubis multum diff. rente callo; quasi candida, quæ hodie frequentissima est, & optima ad sericum præstandum Peregrina quondam fuerit in Italia, ut etiam Bestiola, quæ eius frondis pastu sericum reddit: Nigræ folia, utpote magis pulposa conueniunt adultis: sic enim serico pondus maius acquiritur & crassities. Quoniam vero Rubi quoque fructus Mora vocantur ob similitudinem, distinctionis gratia, arborem Morum excelsam vocant, vulgoque Gelsum.

C A P. I I I I.

SAMBUCVS virgas multas fert à radice; ideo ad hortorum septa queritur: crassatur in caudicem, qui utraque manu comprehendi possit, aut paulo amplius: cortice albo, tenui; ligno duro; sed

medulla molli, fungosa, ut excauari possit instar Harundinis: folia multi partita, ut in Iuglande, tenuiora & serrata, odore graui, ex longis inter uallis, quæ geniculi visuntur: mature germinat, cum tamen frigora patiatur; vmbellas fert latas, in alis foliorum molles; quibus flosculi insident candidi, odorati, quos placet panibus inspergete cum oleo, gratiam quoque acero reddunt infusi. baccas in eisdem Rotundas fert paruas vi rentes, in maturitate nigras, vino succo tingentes: intus includuntur terna semina oblonga. Alterum genus in montibus reperitur vmbellis paruis, baccis rubentibus; Describit Theophrastus Artem idest Sambucum, iuxta aquas potissimum nascentem, qualem prædiximus, ex qua baculi sunt leues; sed tamen robusti, cum siccatae sunt, aquis inoffensi: radices agit summa tellure multas, nec grandes; folia Lauri latisoliæ ferrata, multa ex communi pediculo, subroffa admodum, & fungosa: colorantur autem in Autunno tantum eius folia; ut Viti etiam contin git; flores minuti, & candidi redolent lirium, grauiter enim, fructum racementum, nigrum Eruo paulo maiorem, aspectu vinaceum, interna visa sesamacca continet. Dioscorides similiter describit. Plinius montanum quoq; videtur nouisse, cum in montibus etiam nasci tradat. Alia Sambucus apud nos in palustribus Pisanis nascitur, virgas ferens Sambuco similes: sed folia lata angulosa, ut Opuli, rugosa, longo pediculo, non multi partita, ut in Sambuco. Cacuminibus fert vmbellas, paruas, flore candido, foliato baccas depresso, in maturitate rubentes, quæ siccatae, vuis passim similes sunt, cum dulcedinem austere intus nuclei duo, similes semini Atriplicis compressi.

C A P. . V.

HE DERA frutex est peculiarissimam sortitus naturam: non enim solum radicibus in terram dimissis vivit, sed & germinibus alimentum exugit, & arborum caudicibus, quas scandit; nam pre cisa iuxta terram, non emoritur tamen; nisi à totis caudicibus auellatur; frequentissimas enim, easque breues per tota germina radiculas. Centipedis animalis modo edit, quibus pertinacissime hærens arbores suffocat, & ædificia (quamvis robusta) tandem demolitur; expeditur tamen viridariis; nam sponte nullo adminiculo totos parietes circum uestit, fronde perpetua exornans; ex cultu arborescit; caudice satis crasso, & ad magnam altitudinem latitudinemque distenditur, nisi desit, quod amplexetur. cum ad eam ætatem prope accesserit, in qua fructum ferre possit, quasi ex pueritia in virilem habitum transiens, totam mutat faciem, naturamque; nam per se erigitur nullum querens adminiculum, nisi nouis radicibus in parietum, & arborum caua demissis, ut aliquando nullum relinquatur coniunctionis vestigium cum repente Hedera, sed omnino

omnino separata à parente viuat ; foliis quoque longè diuersis vestitur . Quamdiu enim affixa est , folia fert in plures angulos desinentia , ad summum qui nos , quorum duo vtrinque prominent , unus in summo folio : quo autem magis adolescit ; Folia , & pauciores edunt , angulos obtusioresque , & ipsa maiora fiunt , ac virentiora , & vnicolora , cum ab initio eadem pusilla sint , nigra , & maculis albis distincta aliquando inferne subrubentia ; cum autem erigitur , folia rotundantur obliteratis ex toto vtrinque angulis omnibus , solo eo , qui in summo est , relicto ; semper tamen dura sunt folia & lenta , & in superiori parte leuia , pediculo longo adnexa flos lanuginosus totos fructus vestiens : racematin in cacuminibus tantum baccæ rotundæ in matutitate nigre , raro flauæ , quaterna , & quina semina ad summum continentes , rimosa , tenui membrana obducta : circulus in summa bacca , qua floris vestigium : differentias alias non ætatis ; sed generis adhuc non vidimus , quamuis Dioscorides tria affrat genera candidam nigram ob baccarum colorem , & tertiam Heli- cem quasi claviculam sterilem . Theophrastus quoque , & Plinius eadem tria in alias plures differentias distribuunt , pro fructus magnitudine , sa- pore , & colore , foliorum , sed de Helice ambigit Theophrastus , vtrum generis ; an ætatis sit differentia , vt multi putant , primo fieri Helicem , deinde vetustate in Hederam transire ; appellant autem hederascere , & in Hederam transire , cum erigitur nullis affixa , quando , & simpliciora sunt folia rotundioraque , cum in Helice sint parua , angulata , & concin ne disposita ac sine fructu : contendit Plinius easdem generie differre ma- xime ob foliorum varietatem in Helice . Quidam enim herbaceo folio virentique , aliam candido , tertiam versicolori constare , quæ Thracia vocatur , eandem Dioscorides tradit Rubro folio , quod nemo alias no- taurit ; sed non cogimur ob hec Helicem genus diuersum ponere cum in ea , quæ manifeste hederascit , variam foliorum & gerinum naturam contemplemur , quod in paucis aliis repertitur , vt notauit Theophrastus : fit vero alicubi , vt Hélix nunquam hederescat ob imperfectionem quan- dam , non speciei , sed individui , vt in arboribus plerisque accidit ; sed præter dicta genera esse , & humilè Hederam græcæ Chamecissum , quæ intet herbas recensebimus , & rigentem Hederam , quæ per se stat , sine admittendo , ob id sola omnium generum vocata est , Cissos græcæ idest He- dera , vt tradit Plinius , sed hanc in Theophrasto non aliam intelligimus quam ætatis perfectæ Hedera . Aequiuocæ quoque , ob græci nominis similitudinem Hederæ nomen transit in Cistum , cui flos Rölesyuestris inodorus , vt Plinius scribit ex Theophrasto , ubi Cissos legitur non Ci- stos , sed de hac intet suffrutices agemus . Smilax quoque aspera Hedera Cilicia cognominatur , de qua suo loco agendum , Hederæ mira natu- ram traditur à Plinio ad experienda Vina , si vas fiet ex ligno eius , vina tran-

transfluere, ac remanere aquam, si qua mixta fuerit. Theophrastus ignaria ex ea materia fieri testatur, quoniam calida.

C A P. V I.

AGRIFOLIVM frutex est; virgis virentibus; folio aculeato; figura Lauri, rotundiori, latetibus fimbriato, vt alicis, hæc per ætatem arborescens Hedera similis redditur, folio nequaquam fimbriato, nec pungente; flosculos candicantes iuxta folia gignit; bacca fert rubentes racematis circa ramos, carne modica, subflava constantes, & sub dulci; ossicula intus tria aut quatuor oblonga striata, & depressa; perpetuo folio constat, ac late virenti; ideo transfertur in Vigidatia ex montibus, ubi gignitur. rustici, ex cortice radicum decocto viscum parant, hæc forte Ricens erit Hedera apud Plinium.

C A P. V I I.

VISCUM frutex est in alienis arboribus viuens præcipue in Quercu, Cerro, ac Pino; Plutibus circa arborum ramos in orbem ad natum cubitalibus ramosisque, foliis veluti linguis binis in longo pediculo semper virentibus, bacca fert virides succo lento plenas, ex quo Viscum conficitur, bina intus semina continentur depresso, Theophrastus Viscum in Quercu, Ilice, Terebintho & aliis plutibus oriri scribit. Idem vero esse Hyphear apud Arcades, & Stelim apud Euboenses, sed in Pino, & Abiete: Alij autem differre etiam formis tradunt, & frumentu, quamvis in eadem Arbore nascantur; aliud folio perpetuo constare; aliud deciduo; iis pro pabulo vruntur, post messem boues, & iumenta, & pinguescent. Oritur stercore auium confecto in eorum aluis, visco; semine autem puto cum excremento demisso, vnde puluiat tanquam simo adiuuante mirum autem quod in terra pupulare nequeat, & vt Plinius recenset, omnino satum nullo modo nascitur, nec nisi per aluum auium redditum, maxime palumbis, & turdis. Hæc est natura, vt nisi maturatum in ventre auium non proueniat. Altitudo eius non excedit cubitum, semper fructicosi, ac viridis mas fertilis, femina sterilis, aliquando non fert; Viscum sit ex acinis immaturis collectis in meis, de insicatis, & aqua conditis, vt putrescant, duodenis fert diebus: iterum tradunt, & à corticibus carnem lentescentem separant, hoc est Viscum pennis auium tactu ligandis, sed oleo Iuglandis subactum, cum libeat insidias moliti. Druides in Gallia Magi nihil habent Visco & arbore, in qua gignitur, si modo sit Robur, sacratius. Dioscorides fruticem Buxeo folio constare scribit, ex cuius acinis in Quercu nascientibus, sit Viscum, gigni

gigni etiam in Malo, Piro, & aliis plerisque arboribus. Hodie lignum Visci Quercini derasum Drachmæ pandere exhibent Pleuriticis ex aqua hordei, aut alia simili; nam sudore copioso ab orto dolorem sedat.

C A P. V I I I.

LIGVSTVM frutex est sepius nascens; perpetua fronde; foliis Oliuari figura, sed mollibus, viridibus, maioribus; Floret cacuminibus racematis, exili flore candido, & valde odorato; bacca fert nigras succolas; intus duo semina vel tria continentur: colitur etiam in hortis opere Topiario, & floris gratia: Dioscorides Cyprum vocat foliis Oleo latioribus, mollioribus, & vitidioribus; flore candido, mucoso, odorato; Semine Sambuci, nigro, ex eius floribus unguentum Cyprinum paratur. Plinius Cyprum arborem Aegyptiam scribit: foliis Ziziphi: semine Cotiandri: flore candido odorato, quam putant quidam esse in Italia Ligustrum.

C A P. I X.

SIRINGA vulgo appellatur frutex, qui in Viridariis colitur floris tantum gratia, vix excedens bicubitalem altitudinem: cortice albo: foliis coniugatim per interualla, Vlmi minus rugosis, & nervis, in longitudinem discurrentibus, ut in Plantagine: flores fert candidos, valde odoratos: ex quatuor foliis constantes paruæ Rosæ magnitudine, tres aut quatuor in uno pediculo summis fructibus insidentes: fructus est cutaneus Rosæ similis; sed breuior, ac tenuior in quatuor barbulas desuens; intus semina dura, & farcta, tria aut quatuor.

C A P. X.

ROSSIA frutex est infirmus, & cito senescens, nisi recidatur, vt cum Suffruticibus ambigere videatur: Ideo Theophrastus modo inter Suffrutes, modo inter Frutices numerat: ramis hospidis frequentibus, aculeis non rectis, sed modice recurvis, ut in Rubo: foliis subrotundis circum serratis pluribus in uno pediculo, ditpositis ut in Fraxino: florem iucundissimum fert, nomine sui fruticis: foliatum, & latisfoliis, in medio stamina sunt luteis apicibus, quem proprie Rosæ florem vocant: foliorum color aliis rubens, aliis candidus, aliis candor inest rubore aspersus; qui proprio roseus, & carneus vocatur, aliis Pallidus. Differentia quoque est ex numero foliorum, magnitudine, & parte, comitante quoque aliqua fruticis differentia, pro magnitudine, & paruitate,

uitate, asperitate, & leuitate. Quæ igitur toleo colore est, nascitur in frutice valde hispido, quaterna cubita excedente, primo floret inter cæteras: campanam videtur appellare Plinius, quæ præcox est, & Trachiniam minus rubentem: Rosam fert multis foliis constantē amplam odo re iucundissimo, ex hac colligitur aqua per distillationem odoratissima; Medici quoque oleo infundentes rosaceum componunt: succus ex iisdem & infusio, ad purgationes paratur: Theophrastus plurimis quina folia esse, quibusdam duodena, vicenq; aliis longe plura: sunt enim quas centifolias vocant, sed folia interna parua admodum sunt non iucundi odoris, nec amplæ magnitudinis: odoratores inter amplas, quibus pars ima scabra: quamuis locorum ratione & odoris, & coloris, præstantia contingat. seritur optimè caule conciso, nascitur etiam semine, sed tardius quod flori subditum suo in Malo contentum Cnico simile, aut acanaceis lanugine quadam obdu&atum gerit, recisa, & vsta florem melius profert, relicta autem excrescit, & sylvestrit: ideo sepius transferre melius est. sic enim Rosam effundi pulchriorem, sylvestres asperiores tum virgis, tum foliis constat, & florem minus odoratum ferunt, minusq; coloratum, & minorem, hæc Theophrastus de omnibus Rosis. Apud nos, præter carneam Rosam, quedam rubens est multifolia, minus tamen quam carnea, & latior minime amara ideo sine vi purgandi: conditur saccaro ad astringendum roborandumque. Oritur hæc in breui frutice, vix cubitum excedente, & aculeis infirmioribus, constat calyce scabro, sericis floret, odore iucundo sed exili. hanc Plinius Milesiam vocat, colore ardentissimo, quæ non excedit duodecim folia, seraque est. alia apud nos huic similis inter peregrinas visitur, colore magis diluto, accidente ad carneam, latissimis foliis, pluribusque in se conuolutis, ut explicari nequeant, odoratior rubente. Eius frutex similiter paruuus est, & solus spinis caret. hanc Græculam videtur Plinius appellasse, conuolutis foliorum paniculis, neque dehiscentem nisi manu coactū, semperq; nascenti similem, latissimis foliis. quarta candida maxime omnium numero folio constat, sed paruo, odore valde exili, floret cum rubente, in frutice quoque simili. Plinius hanc Alabandicam vocat, viliorem albicanibus foliis: & Spermoniam plurimis foliis, sed minutissimis, vi lissimum non multo odoratam; Quæ ex translatione in Campanica & circa Philippos adeo profecit, ut latissima, & maxima folia prouenerint, non tamen odoratissima, quam Centifoliam vocant; Muscatula apud nos appellatur, ob odoris excellentiam, sed quæ opere Topiario colitur, caudice cæteris crassiore: ramis longissimis: aculeis rarioribus. Rosa parua ex quinque foliis constans candidis, multis, intus floccis, puluisculum luteum, fudentibus amerior hæc & maiorem vini pugnandi habet: tardissime floret, & prædurat usque in autunnum, in hoc genere quedam

quædam reperitur multifolia, forte Prænestina apud Plinium, quæ celeberrima, nouissime definit. Sylvestris in sepi bus sponte nascitur, virgis prælongis, tubo similibus fert parvam Rosam non excedentem quam que folia, colore albo, aut subrubente, exili odore : altiores virgæ, & spinosiores sunt, quibus subrubentes Rosæ, humiliores quibus alba in ramis utriusque sœpe visuntur spongialæ, villosæ, quibus magna uis ad calulum frangendum potu, & capillum nutriendum inunctione; Diocorides eandem Cynosbaton appellat, quasi rubum Caninum; nam rubo similis multo amplior, arboreus; folia tenuiora, quam Rosæ, Latoria quam Myrthi: Aculei Robusti circa virgas: flos albus: fructus oblongus, nucleis Oliuarum similis, in maturitate rubens: lana intus natura, semina complectens angulosa, & alba, ut in ceteris Rosis. Theophrastus inter Rubos tertium genus describit Synosbaton fructu subrubente simili Malo Puaico, inter fruticem & arborem Punicę non absimilem: folio Viticis: fructus colligendus auero flatu, alioqui periculum oculis imminere, Theodorus aliquando Caninam letem vertit. Plinius modo Cynorodon, modo Synosbaton vocat, videturque aliam intelligere: nam de Cynorodo inquit, radicem sylvestris Rosæ, quam Cynorodon vocant, somnio ostensam, valere ad mortuum canis rabidi, in lacte bibitam, etiam cum aquas incipiunt expauescere, spongialæ, quæ in medij secus spinis nascentur, cinere cum melle alapicias explent, alibi inter Rubos inquit, Alterum genus Rubi est, in quo Rosa nascitur, gignit pilulam Castaneæ similem præcipuo remedio calculosis, vbi per pilulam Castaneæ similem videtur spongialam intelligere villosam, Echino Castaneæ similem. alibi de eodem scribit, aliud genus Rubi, Rose similitudine, qui vocatur Cynosbatos, alibi inter Rosas coroneolam vocat in Rubo natam, iucundi odoris, quamuis angusti, licet alteram coroneolam scribat media magnitudine: autunnalem sine odore: sed aliam intollit Cynosbatum, quæ & Cynosbatos vocatur, folio vestigio hominis simili: fert vuam nigrum, in curvis acino neruum habet, quæ haec tenus incompta est, Capparis quoque Cynosbatos vocari traditur ab eo dem: sunt & Rosæ luteæ quinque foliis constantes, ut sylvestres latiore tamen: odore ingratu, frutex, & folia similia sylvestri. Plinius alteram Græculam vocat, Pallidam, Spinosam, longissimis virgis quinque folium. Addit autem Plinius alia genera, ut Græcam, quæ Lychnis vocatur à Grecis non excedens quinque folia, Violæ Magnitudine: odore nullo, in humidis nascens, & Mosceton à caule Maluaceo, sed etiam aquæ potius Rosæ appellatae sunt, alio loco explicandæ.

C A P. X I.

RUBUS frutex est ubique proueniens, virgas ferens longas, & infirmas, inclinatas ad terram, colore subrubente aculeis frequentibus aduncis, ut in Rosa, praesertim sylvestri: folia fert in uno pediculo terna, vel quina, latiora, asperioraque quam Rosa, rigicantis: floret in summis Ramulis, tanquam in racemulo quodam raro: flores longe minores, quam in Rosa sylvestri, candidi aut subrubentes sedent, in inferna parte: fructus, qui Moro similis dum maturatur, rubescit, tandem niger fit, succo vinoſo, ex austero dulci, Rubi Morum appellatur, in hoc igitur singulis seminibus pericarpij suceus datus est; in Mali Punici granis, nullo externo cortice praeter florem, & floris in uno lucrum, quod in Rosae fructu, & Punico nunquam abscedit: sed in fructus corticem, aut pericarpium abit: unde flos in summo insidet in iis; in Rubo autem circa sedem: Eius tres differentias nouimus, unum, qualiter descripsimus, sepius idoneum: alterum humilius, fructu paucis, sed grauioribus acinis, duobus aut tribus, aliquando vnicis, suauiori succo, in humidis nascens: tertium montibus proptium, infirmis spinis, illisque paucis, & breuibus, quæ facile decidant: foliis oblongioribus, & in acutum desinentibus, inferne candidis: fructus alioqui similiis excelsiori Rubo, sed in maturitate rubescit tantum, non nigrescit, sapore acido, gustui grato, in Alpibus Ampomelas vocant. Theophrastus Rubum, qui græce Batos dicitur, spinosum tradit non solum ramis, sed & foliis cunctis, folia in extremo & lateribus sinuata, perpetua alicubi in aquis nasci, esse autem plura genera, sed maxima inter se discrimine distantia: quadam enim erectam, & excelsam esse aliam quæ prope à terra, & proctinus deorsum vergit, cumque le terræ coniunxerit, rufus radicat, quem quidam appellant. Esse Humirubum praeterea Cani Rubum græce Cynosbaton vocatum, de quo diximus in Rosa. Videlur autem per excelsam Rubum nostram significare. Humirubus autem inter plantas humilioris naturæ recentenda est, quæ à nobis Fragaria appellatur; Nullum enim genus Rubi nostri eo modo radicat: Dioscorides duo genera tradit, Rubum vulgaris notitiæ, alterum Ideum: quoniam in Ida copiole prouenit, longe tenerior priore, & minoribus spinis quamquam, & sine spinis inueniatur, quæ conditiones satis conueniunt, nostro montano Ampomelas ferenti. Plinius Rubi inquit Mora ferunt, & alio genere, Cynosbatos similitudinem Rosæ, Tertium genus Ideum tenuius est, quam cætera, minoribusque spinis, & minus aduncis.

C A P. X I I.

VA spina vulgo appellatur frutex brevis, qui in hortis colitur: frequentibus virgis, cubito altioribus, aculeis rectis ternis per interualla folia laciniata, quasi Appij, aut Vitis: flosculi inter folia subcandidis summis fructibus insidentes: fructus rotundi, acinis vuæ similes, subhirsuti, in maturitate ex viridi flavescentes, seminibus intus paruis: maturescunt æstate incipiente in saporem dulcem, & pinguem cum antea austeri essent vuæ acerbæ modo. Alius frutex in Alpibus, nascitur prædicto similis, sed nullis spinis, vulgo Rhibes vocatur: folio latiore: fructu in maturitate rubente: sapore acido, quo Medici vuntur ad febrium ardores. Serapio aliam videtur intelligere hoc nomine Ribes: inquit enim folia insunt lata, rotunda, & vitidia, fert capreolos nuper prodeuentes colore è rubro in viridem languescentem: fructum subacidum: assimi autem succum è capreolis, ac fructu ad febricum ardores. nam acidus utrique. At planta, quam descripsimus, capreolis caret. forte intellexit Crespini nostri tenella germina, rubescencia, & acida. est autem Crespinus, qui à quibusdam Berberis vocatur, frutex spinosus, virgis bicubitalibus, rectis; tenui cortice, alboquè; foliis subrotundis, in ambitu serratis, Ilicis modo, angulis acutissimis; sed nequaquam pungentibus: sub singulis foliis tres aculei recti ac simili acutissimi, quæ sunt, nouella tamen germina aculeis carent, quæ dum tenella sunt cum suis foliis ex viridi subrubentibus gustui grata sunt ob aciditatem: flosculi sunt pallidi in racemulis, è quibus rati fructus pendunt, oblongi & rubentes; magnitudine grani Punici, sapore austero acidoque, intus unum aut duo semina nigra continentur oblonga, nullo osse, oritur in Alpibus. Alius est frutex Ribi similis, sed fructu nigro Piperi simili, & aceti, quod Pipet vocant, peregrina planta. Hanc forte intellexit Plinius, cum inquit Piperis arborem, iam etiam habet Italia, maiorem Myrtho, nec absimilem, amaritudo grano eadem, quæ Piperi Musteo creditur esse, deest tosta illa maturitas, ideoque, & rugarum, colorisque similitudo.

C A P. X I I I.

OXYACANTHA, quam aliqui vulgo Prunum album vocat, atrox est in sæpibus nascens, cortice, ligno, ac foliis Azarolo similis: ideo Azarolus sylvestris vocari possit: nam & eius insitiones optime recipit: sed minor, ac valde spinosa: flosculos fert candidantes, longitculo pediculo, fructus similes, sed paruos fere

Myrthi magnitudine, rubentes : pulpa intus flava, minus suauis : osse obfructus paruitatem vnico, & grandiusculo, diutius seruantur in arbore fructus per hyemem, postquam folia deciderint : hanc Plinius videtur tertium genus Mespili appellasse, cum inquit : degenerat, tam & si Antedoni similius est, quod Gallicum vocant. Theophrastus græce Anthenoideum vocat, quasi specie Anthedonis : utriusque lignum spissius est, & flauius, solidum, nullam sentiens putredinem. hanc eandem Dioscorides, Oxyacantham, quasi acutam spinam vocat, & Pyrinam, seu Pyriacantham, Pirastro similem, minorem, & valde spinosam : fructum Myrtho æqualem, in maturitate Rubrum friabilem intus nucleus habentem, radicem Multifidam, & profundam sed alia est Oxyacantha apud Theophrastum, ut patet in Lycio.

C A P. X I I I .

AZAROLVS vulgo dicitur arbor iusta magnitudinis : caudice canticante : ligno intus flavo : folia fert in extremitate, scissa, quasi Apij : fructum paulo minorem Mespilo, paruo quodam umbiculo flavescente, cum quadam rubidine odoratum, cu[m] dulcedine austera. tria intus officula continet subrotunda : maturescit autumno incipiente: apud Theophrastum, & Plinium Anthedon vocatur: minori fructu quam Satanea, sed qui odore praestet, & gustu astringentior sit, ac diutius asseruari possit. Arbor magnitudine excellit, eidem folia sunt fissa, quæ parte postrema Apium imitantur, amplioribus scissuris distensa, retinuata, Appio tenuiora, & longiora, longo, & tenui pediculo : vehementer rubescunt : antequam decidant : radix alta, & numerosa, ideo inexplicabilis. Dioscorides Aronam, in genere Mespili à nonnullis vocari tradit, spinosam arborem, folio Pyracanthæ, fert pomum suave, exiguo malo, non dissimile, tribus intus officulis : vnde nonnulli Tricaeum appellantur. Nostra tamen rupote magis domestica, spinis caret, ut testatur quoque Theophrastus, ubi de Sorbo loquens inquit, tam Sorbus, quam Mespilum aculeis carere, quod quidem huic generi conuenire non vulgati Mespilo.

C A P. X V .

MESPILVS arbuscula est ramis in latitudinem sparvis, spinosisque : cortice subruffo : foliis Lauri longioribus, angustioribus : fructu rotundo amplitudine parui Mali, exterius fulvo, interius albo, resimo umbilicum circundantibus quinque barbulis, quæ florem tegebant ex ruffo pallescentem: intra pulpam quinque offici-

Officula continentur depressa : sero maturescit hyemem attingens, saporem austero dulcis : Theophrastus & Plinius, cum tria genera faciant. Mespili. hanc Setaniam, seu Sataniam vocant, grandiore fructu, albidore solutiore : ligno intus molliori : Dioscorides in Italia nasci Setaneam, quam aliqui Epimelida vocant : foliis Mali sed minoribus : pomino rotundo, esui apto : latiore umbilico, quod astringit, seroque maturescit.

C A P. X V I.

LYCIUM in Italia arbuscula est aculeis acutissimis armata : cortice laeti, subfulvo, sed interius pallido : foliis Buxo longioribus, in ambitu, serratis perpetuis : flores in cacuminibus racematis insunt canticantes, baccas autem fert Myrtillo minores in maturitate croceas, saturato colore, gustu insuaves : nucleis intus duobus, aut tribus : perdurant autem hec in multam hyemem ut Oxyacantha : oritur locis humectis, & incultis, Dioscorides Pyxacantham quoque appellati testatur, ob similitudinem cum Buxo : arborem spinosam : ramis tricubitatis, amplioribus. foliis Buxi densis : fructum fert Piperis, melinum, id est luteum (vbi loco huius μήλινον legitur μέλλαχα : id est nigrum, densum, amarum, leuem corticem aut pallidum, referentem Lycij medicamenti colorem, cum soluitur : radices multas, obliquas, & lignosas habet : amat loca aspera, est autem Lycium medicamentum, succus expressus, & densatus, vel ex fructibus vel ex radicibus, ramisque tulsi, decoctisque, colore exterius nigro, interius ruffo, & croceum reddente, quale optimum, quod ex India afferebatur morbis oculorum praestantissimum. Plinius eadem fere ex-Dioscoride transcribit. Apud Theophrastum Pyxacanthae, seu Lycij nomen non reperitur, videtur autem hanc intellectisse sub nomine Oxyacanthi, id est acutae spinae inquiens : eam perpetuo virere : in plana descendere, geminare ineunte vere : fructum reddere post Vergiliarum occasum, eiusdem fructum inter sylvestria recipi in coronis, nam haec perpetue scilicet virere, & fructum in coronas expeti : nequaquam sylvestri Azatolo conuenient : illa enim sparsos gerit fructus inter spinas, haec racematum totis fere ramis onustis fert colore elegantissimo. Recentiores aliud genus Lycij confici precipiunt ex Caprifolio, quam & Matrisyluam appellant, de qua alibi dicitur.

C A P. X V I I.

SPINA Cernalis vulgo appellatur arbuscula in palustribus, Pruno similis, aculeis rectis, longis, & raris : sed foliis, & flosculis Sileri similis est: flosculos habet magis herbaceos, baccas nigras, Myrtillo-

ma-

magnitudine, pulpa intus viridi, qua pectoris vuntur, eadem saccharo condita aut melle alrum purgat: semina intus, aut tria, aut etiam quatuor continentur.

C A P. X V . I I I .

SE QVVNTVR, que florem non in summo fructus, sed in sede habent, ac plura semina in communi conceptaculo. Inter haec Vitis ambigit inter arbores, & frutices: caudice infirmo, & intorto, vsine admicculo per se sustineri nequeat: cortice aspero, & nigro, fibrosoque: germina edit longissima, que clauiculis quasi manibus vicinas arbores amplectuntur, & scandunt, ideo breui tempore ad magnam altitudinem crescit, & nisi crebra amputatione coercentur, multitudine Viticulatum luxurians sylvestrit: folia fort ampla, varie laciniata, vt Ficus, quos Parapinos vocant: flosculosos paruos, & candidos, vt Olea: racemos ingentes, onustos suis granis, que Vua appellatur, vnde vina vice diuini nectaris pro hominum potu habentur, alba, flava, rubra, vel nigra, dulcia vel austera, odorifera, multum spiritus æterei participatio, pro varia vuarum differentia in iis semina tria continentur, oblonga, que vinaria vocantur. Vites ex arboris quidem specie non differunt evidenter: sed pro vuarum colore magnitudine, & sapore multum, maximo autem ex vinorum varietate, multum ad hoc conferente Soli, & Celi statu: adeo vt terrarum qualitates, & adiacentium herbarum vina redoleant. idcirco Vites in saxosis, & tofaceis satæ, & procul asimo, cæterisque male olentibus sincerissima reddunt vina, & gustui gratissima, saluberrimaque. Ex Theophrasto haec habentur, Vitis corticem speciem radicis habere, netuoium, macilentum, tunicis multiplicem, quem auferunt cultores: medullam carnosam: materiem lentam: radices tenues, sobolem sursum versus procreantes, ideo euellendas, que in summa tellure sunt: folia ampla, aliquatenus fissa, longo pediculo propendentia, & tremula ex neruulo, & cortice, & carne constantia: frutificare ex nouellis surculis: florem latugineum amplectentem fructum: nam decidunt perforati: fructum congestum: succum vinosum. Ex semine natam degenerate, vt pro nobili ignobilis, & sape sylvestris oriatur, adeo vt quedam fructum non maturet, quedam eundem non compleat, sed ad florem usque perducat. Dioscorides sylvestris fructum si ad maturitatem proueniat, parnum esse, & nigrum, & astringentem. Plinus Labruscam vocat ipsam Vitam sylvestrem, & quandam albam esse testatur, cum dicit Agapanthem ex alba Labrusca præstantiorum esse quam è nigra est autem Agapanthe, vt idem inquit Vitis Lambrusce vua, que cum flore colligitur, quando optime olet, vel, vt Dioscorides, ciuidem fructus flore-

florescens, id est racemi flore onusti, qui à Medicis experuntur, ad ventriculum robotandum; quamvis etiam herba quædam Oenanthe appellatur alibi explicanda! Alia quoque traditur Vitis Sylvestris, & Vitis alba, ac nigra, de quibus inter Infrutices agemus.

C A P. X I X.

ARBU^TV^S in montibus tantum nascitur: arbor non magna: cortice ruffo, & fibroso, quale in Scopa: materie dura, & ruffa: folia fert Lauri, paulo angustiora, longioraque, vnde ferata, perpetua: flosculos in racemulis fert concavos, & candidos in summis ramulis circa virumque Solstitium: fructus rotundos, aspera superficie, in maturitate ex croceo rubentes, pulpa intus flava, quæ in medio mollior est: circam ipsam semina rariuscule disposita sunt, parua, oblonga, nigricantia, leuia, exterius pro cortice circumducitur pulpa asperior, officulis multis inspissata: incipit maturescere in autunno, & perdurat in multam hyemem, quando iterum floret. huius arboris differentias conspicuas, nequaquam animaduertimus, præter modicam quandam in fructu: nam quidam parui Mali amplitudinem implet rubore magis nigricante: mollior & suauior in mediterraneis proueniens: quidam Auellanæ magnitudinem non excedit, flauior & asperior, in maritimis tractibus magis: Theophrastus tria habet nomina, quasi tres eius sint species: Comaron, quam Arbutum interpretantur: Neleam, quam Latine Vnedonem, quia uno edito ob igniauam in gustu, negligitur, vt Plinius scribit: Terriam Andrachnem, quod Portulacæ herbe nomen est. Theodus Adrachnem legit ex Plinio, & Potulacam interpretatur, omnibus cortex cedit: folia perpetue virent. Arbutus est, quæ pomum cibò idoneum fert: magnitudine non multum præstat: corticem tenuem Tamarici similem: folium inter Ilicem & Laurum: floret mense Pyanephtione, quem male Iulium interpretantur, cum porius Nouember sit, aut October: flores concavi ore aperto, vt ouum exalptum, racematis coherent, qui cum deciderint, perforati reperiuntur, remanente fructu, instar verticilli circa fusum: fructus anno integro maturescit, vt simul hunc haberi, & alterum florere contingat: carbones optimos facit, quippe solidissimos, utiles ad argenatum excoquendum. Videtur autem intelligere, eam, quæ fructum maiuscum ferat, & gustui gratorem. Potulaca autem folio Arbuti, vel Mali Medicæ: cortice albo circumtrippi solito, quo in orbem detracto non interit, etiam si tam internus, quam externus detrahatur: lignum mulieribus ad opus textorium utile: montibus propria germinare incipit cum Vrbaniis: fructus Arbuto similis: maturatur primus, cum Vua dulcescit, posterior, cum floret:

ret : bis enim frutifera est hyeme incipiente . hæc omnia nostræ conuenient præter corticis albedinem . Vnedonem autem priuatim non describit . Plinius Vnedonem alio nomine Arbutum vocati , arborem fruticosam , cuius pomum terrestribus Fragis simile , sed in honorum ; anno maturescit , pariterque floret , subnascens cum aliud coquitur : hoc duobus nominibus græci vocant , Comaron , & Memecylon , ex quo apparet totidem esse genera . Dioscorides tamen tanquam vnicum Comaron quidem ipsam arbore vocat : Memecylon autem ipsum fructum . de Adrachne autem inquit arborem in Græcia esse sylvestrem , non in planis , similem Vnedoni , folio tantum minore , & nunquam decidente : cortice nec scabro quidem , sed qui circumgelatus videri possit , tam tristis asperet .

C A P . X X .

SCOPA , frutex est in incultis & aridis copiosissimus : intortis ramis : cortice rufa , ac deciduo , vt Arbutus : ligno durissimo , ac subrubente : radicibus tuberosis , & inæqualibus : foliolis tenuissimis , vt Myrica , perpetuis : flosculi sunt arentes circa summos surculos , tanquam in spica , concavi , vt in Arbuto , sed exiliores valde , albi aut purpurascentes , in quibus aridum fumen continetur tanquam in folliculo , minutissimum , asperumque , eius differentie plures : nam quædam flosculos in quatuor particulas dissectos fert : quædam tanquam minuta granula haber , virentia , quæ nequaquam dehiscunt : frutice quoque distant , magnitudine , & paruitate , & inter eas , quædam ramos humistratos fert circa stagna marittima . Dioscorides Ericam vocat , fruticosam arborem , Myricæ similem longe minorem , cuius flore apes improbum mel efficiunt . Theophrastus inter frutices numerat , qui cacuminibus fructum ferunt . Plinius fruticem non multum à Myrica differentem colore Rorismarini , & penè folio : in Autunno sola floret in sylvis , & plurima est ab Aequinoctio , Autunni usque in occasum Virgiliorum , ideo mel eo tempore improbus fit arenoso simile , quod Ericum vocant .

C A P . X X I .

ERMELLINVS , arbor est peregrina : non parua : cortice subcandido & leui , materie alba corde nigrescente , adeo ut quidam Guaiaacci lignum eis putauerint : folia fert Ciri angustibra , & candidiora , mollia , decidua : flosculos racematum surculis hærentes , concavos Arbuto similes , sed ex candido pallescentes , ac minores : fructus orbiculatos sine pedicula hærentes umbilicis quibusdam , magnitudine Arbuti tenuioris , sed leui superficie , colore fulvo , seminibus intus sex oblongis

oblongis cartilagineis, circa medium dispositis, sepiente pulpa; maturescunt hyeme incipiente, sapore glutinoso, dulci, & austero, Ermellina vocant in Hetruria. Horet & estate incipiente. Quid si apud Plinium dicamus inter Mala, esse Tuberum alterum genus, quod Sericum cognominatum est à calore? peregrinum in Italia: arbor aggeribus præcipue decora, Quoniam & in testa iam sylva scandunt. fructus baccis similliores, quam Malis. Galenus Serica ab insolentibus tantum, & Effrenatis pueris, ac mulieribus cibo expeti testatur: Exiguum præbere alimentum. difficile concoqui, stomacho inutilia.

C A P. X X I I.

GVAIACVM lignum ex India Occidentali primum aduehi copit, vbi Guaiacum appellant: oriuntur in insula Sancti Dominici, ex quo loco Christophorus Columbus, cum viros & mulieres in Italiam duxisset, ferunt simili & Luem, quam inibi Buuam appellant eius regionis familiarem tulisse, qui postea Morbus Gallicus appellatus est; vnde contingit ex eodem loco remedium quoque aduentum esse. Sunt autem caudices crassi, quorum maximi vitilem crassitudinem non excedunt, minimi vero crura hominis æquant: ligno densissimo, in ambitu albo, vel potius flavescente; in medio, qua cor, nigro, Ebani formæ similitudine, resinoso, sapor inest non insuavis, sub amarus, cortex crassus, coloris cinerei scaber, similitudine quadam Buxi, gustu amarior ligno. Hispani referunt arborem magnam Illicis magnitudine, multis tamis, cortice crasso, gummoso, qui sponte abscedit à corpore, cum siccatur, amplio corde ad nigrum tendente; tota materie valde dura, vt Ebani atque etiam magis: folio parvo, duro; singularis annis flores fertे luteos, è quibus fructus emergit, rotundus & solidus, semina intus continens magnitudine Mespili. Alterum genus in Insula Sancti Ioannis, supradicto simile, sed caudice, & tamis tenuioribus; nullo intus corde, aut parvo qui in trunco est, non in tamis: hoc genus odoratius esse & amarius, & efficacius in sanando morbo Gallico; Idcirco Lignum Sanctum vocant, quod Guaiaco præstatur: Guaiacum postea in Orientalibus repertum esse testantur, magnitudine Fraxini: foliis Plantaginis brevibus ac duris: floribus luteis: fructu In glandis magnitudine, qui exu aluum subducit: cortice annosis quidem nigro, iuuenibus vero subrutilo: visus autem, tum Guaiaci, tum Ligni Sancti, & corticis apud Indos traditur, non solum ad prædictam luem sanandam, & ex toto extirpandam: præceteris aliis remediis proprietate quadam Naturæ, sed etiam ad plerosque morbos antiquos, ab humore frigido, prouenientes, qui cæteris remediis tolli non potuerunt; vtun

O tur

tur autem simplici decocto in aqua nullo alio admixto: Quamuis enim multi varia immiscentes vñi sint satis felici successu, tamen experientia compertum ferunt, longe felicius egisse, qui simplici decocto vñi fuere, quasi proprietas substantię diuersarum rerum mixtione hebetescat: Vñm habet calefaciendi & exsiccandi mediocriter tamen: at intime in partes solidas & osscas peruadens abstergit, & sudorem prouocat. placet autem modum prescribere, quem Indi obseruant in tradenda eius ligni aqua. Assumunt ligni tornoderasi libram vnam, corticis eiusdem cominuui vncias duas, aquę fontanę aut alterius optimę libras duodecim, ponunt omnia in olla noua, vt per horas vigintiquatuor infundantur, obturata diligenter olla, coquunt postea carbonibus prius ignitis, ne fumus attingat, lento igne, donec absumentur octo librae, relinquuntur autem quatuor, quod mensura prius designata cognoscunt baculo intromisso: cum testificet colant, & asseruant vitro vase. Iterum eidem ligno semel decocto affundunt aquę libras sexdecim coquuntque, donec absumentur librae quatuor, relinquuntur autem duodecim, quam refrigerata in & percolatam seruant seorsum. Aeger igitur præpurgatus Thalamum ingredi præcipitur, in quo maneat tutus à frigore, & aëte externo, & matutino tempore, assumat aquę prius decocta vncias decem, quæ sit admodum calens, & confessim stragulis optime se operiat, vt sudor eliciatur saltē spacio duarum horarum, inde sudore absterto induat linteum calidum & reliquas vestes, ab hinc quatuor horis comedat Vuas passas, Amygdalas, & panem biscoctum mediocri quantitate, ac bibat aquę secundarię, quantum sufficiat ad litim arcendam, etiam interdiu cum opus fuerit. post prandium hora octaua iterum in lecto assumat aquę calentis primę vncias decem, eademque obseruet, quæ sudoris eliciendi gratia dicta sunt, & postquam duabus horis sudauerit, absteteritq; sudorem, induat calefactas vestes, & interuallo vnius hore, postquam sudauerit, in cena vescatur iisdem cibis, & potet de aqua secunda, vt in prandio dictum est, & hæc omnia præstet quindecim diebus continuis, si vires robustae fuerint; si vero debiles, vt eam vietus rationem perferte nequeant, incipiatur nona die pullum parvum assatum comedere, vel etiam statim ab initio si valde imbecilles fuerint: Decima sexta die iterum purgetur ex sola Casia pulpa pondere Drachmarum decem, qua die abstineat à potionē aquę primę, sed de secunda tantum bibat; altera die à purgatione revertatur ad potionēs aquę primę sudorificę, vt prædictum est, assumatque yiginti diebus continuis: in cibo autem dimidium pulli assati, & circa finem amplius; semper autem in potu vtatur aqua secundaria, conceditur hoc tempore, vt asturgat vestibus optime indutus, non tamen, & Thalamo egreditur, & in fine iterum purgetur, quibus omnibus per actis ad cibaria consueta se transferat, sed per

per quaraginta alios dies cibis optimi succi vratur, in potu autem aqua secunda, aut alterius generis, vt in cocto Aniso vel Feniculo; abstineat autem à vino à Venere, & cena sit parcior, absquè carnis esu: hunc maiorem ac magis tutum ligni prædicti vsum scribunt.

C A P. X X I I I.

TVBBR, quam vulgo falso Sicomorum vocant, peregrina arbor: recto caudice: cortice leui, liuido, & maculoso: folia ampla, dissecta in multas partes Fraxini modo, sed pediculo ramoso, vt in Filice, aut Cicutæ, quod in nullis aliis arboribus vidimus: foliorum partes latiores, quam Fraxini, in acutum productæ & serratae: flores odorati in ramosis racemis, candidi, modico rubore aspersi ex foliolis, veluti stellarum radiis constantes, medio caliculo nigrante; fructus rotundi, Sericorum ferme amplitudine, in maturitate candidi, laxa & fungosa pulpa, sed ignavi dulcedine: officula intus sex continentur, non sejuncta vt in Sericis, sed in unum coeuntia, medio relicto foramine, vnde transfigi & corollis inseri solent: afferuantur hi fructus in arbore amissis foliis per totam hyemem, donec alij subnascantur; sed imbris corrumpuntur, cum decidunt calcati crepitant, vesicæ disruptæ modo, Plinius Tuberes candidos vocat cum Sericis affines, & cum ziziphis: omnia peregrina in Italia baccis similiora, quam Malis: in Castrotum aggeribus sata specie decora, cum etiam intecta scandent sylue opere scilicet Topiario. Columella zizipha videtur appellasse, quos Plinius Tuberes, cum similiter scribat, eorum duo genera, rutilum, & album. Vtriusque floribus apes maxime delectantur. Forte Plinius zizipha hoc genus Tuberum intellexit, cum scripsit, eius florem inter Coronarios esse odoratum, similem Olearum floribus: folia vero Cypro similia.

C A P. X X I I I I.

IVVBA, domestica arbor est mediocris, in fruticem tamen spinosum facile degenerans: spinis validis & aduncis, colore subrubente, sed cum senescit aculeis caret: folia fert Corni angustiora oblonga, paribus interuallis bina in tenui surculo, quasi pediculo disposita: flosculos pallidos in alis foliorum, vt Buxus: fructus oblongos Cornu crassiores, qui in Autumno maturescant, colore exterius ex pallido nigrescente, quasi Fumo infectæ videantur, pulpa subalbida molli, fungosa, dulci & pingui, utili ad tussim leniendam: osse intus Oliuari, duro, aspero, bina conceptacula habente, in quibus singula semi-

na continentur: aliquando tamen alterum delitescit in crescente altero. Serapio Iuiubas putat esse apud Galenum, quæ vocat Serica, inter fructus reprobatos, à pueris tantum & mulieribus expertitos, exigui alimenti, difficilis concoctionis, stomacho inutiles, quorum tamen decoctionem, Arabes laudant ad sanguinis ferorem, & acrimoniam, extinguent ad Tussim ex caliditate ortam, ad renūm & vesicæ dolores, eadem Actuatius & Recentiores Græci testantur Zizipha vocantes. Plinius Zizipha distinguit à Sericis, ut superius in Tuberibus diximus, quæ difficile est nostris Iuiubis aptare. Quid sit Paliurum apud eūdem Plinium, & apud Dioscoridem asseramus esse nostram Iuiubam? nam. Diocorides de Paliuro hæc scribit. fruticem esse aculeatum, & validum; eius semen pingue, ac fuliginosum, id est colore fuliginis coloratum, quod potum Tussi opitulatur, & vesicæ calculos comminuit; & quæ sequuntur: nam & Arabes easdem vites in esse Iuiubis testantur, cum ad vesicæ, & renūm dolores, & tussim laudent. Plinius autem Paliurum Spinæ genus esse scribit, cuius semen Aphrizuram vocant contra scorpiones efficacissimam, item calculosis & tussi, baccas esse, quæ purgationibus feminarum, celiacis, dissentericis, ac colericis protusunt, Quid si & Theophrastum eandem intellexisse dicamus, cum de Paliuro hæc scribit. f uticem esse, qui excultu arborescit; aculeos habere in ramis: fructum, fert in fibra quadam quemadmodum fólium, vbi græce sic habet Εὐλογῶ τινὶ τὸν καρπὸν ἔχει καδάπτη το φύλον, quem locum Theodosius conuertens, in aliquā temen fert dixit, & abstulit illud verbum sicut folium; At verbum λογός significat etiam extremitates quascunque, vt extremas auriculas, & pulmonum fibras. fert igitur Paliurus in extremis ramis tenues quasdam virgulas, in quibus fructum fert & folia: imo unicum folium videtur communi pediculo tres aut quatuor fructus continens, vt inquit Theophrastus, quibus Medicis contra Tussim contusis videntur: habent enim lentitiam quandam, & pinguedinem, vt semen Lini; nasciur locis dilutis & aridis: foliis deciduis: differentias nonnullas habet, cum omnes fructiferæ sint. Quod autem de foliis scribit in extremo & lateribus sinuata considerere, vt in Rubo & plerique aliis accipendum est de integris virgulis, tamquam foliorum pediculis, quarum gratia alibi testatur Paliuri folia reddi spinosa, vt Rubi: eius fructum oblongum esse idem testatus est in Acere, reddi autem post Vergiliarum occasum, aliam porro describit Paliurum in Aphrica nascentem loto magis fruticosam: folio similem nostrati Paliuro, sed fructu diuerso: non enim lato, sed turbinato rubroque magnitudine qua Cedri, aut paulo minore nucleum habet non loti modo mandendum, instar aeinorum Mali Punici, qui per se iucundus sit, & cum vino suauior, cuius etiam meminit Plinius in Cyrenaica regione loto antecellere,

lere, sed magis fruticosam, magisque rubentem & reliqua ut Theophrastus. Ex quibus colligitur Paliurum fructum ferre nucleus continentem, nostratem autem ab Africano differre figura & colore: non enim in acutum turbinatur, sed æqualem amplitudinem seruat per totam longitudinem fructus. Theodorus tamen verbum *σπόγγυλος* non turbinatum vertit; sed rotundum. Quamuis Iuiubam sylvestrem habeamus fructu non rotundo, sed in latitudinem depresso, de quo mox agemus.

C A P. X X V.

VIRBIA sylvestris, quam in Hetruria Spinam Marrucam vocat, frutex est domesticæ similis, priusquam arboreescat, virgas rectas ferens, & ramos circa eas deo: sum inflexos, colore subrubenti aculeis tenuioribus: folia quoquè similia, sed fructum in latitudinem quandam depresso ex tenui pediculo pendente pulpa quadam fungosa: in tenue latitudinem circumducta, ossiculo intus rotundo, intra quem tria sunt seminis conceptacula, singulis seminibus, donata quæ in suis alveolis tintinnabuli modo sonant. hæc igitur seuidum interpretationem Theodori erit apud Theophrastum Paliurus in Græcia nascens, fructum ferens latum instar folij: in quo tamquam in siliqua tria semina continentur, aut quatuor; adhuc tamen quatuor semina ferentem non vidi, qua interpretatione melius quadrabit similitudo, quæ in Aceris fructu traditur; desinit enim & ille in foliaceam quandam longitudinem, ut Paliuri fructus in latitudinem. Apud Dioscotidem autem hæc inter Rhanni genera tertio loco ponitur, latioribus foliis, nigrioribus, & quadrangulis rubentibus, virgis longis fere cubitorum quinque, magis spinosis, aculeis infirmioribus mucronatis: fructu lato, candido tenui, foliiculari specie, simili Verticillo.

C A P. X X V. I.

CORNVS arbuscula est in montibus fruticosa, virgas rectas ferens nodis frequentibus robustissimas, quibus lanifices ad conciuendas lanas vtuntur: folia fert Iuiuba latiora acutioraque: flosculos in foliorum alis pallidos ineunte vere: fructum oblongum specie Iuuivarum, paulo tenuiorem, in maturitate rubentem, intus & extra: sapore austero & dulci, nucleo intus simili. Theophrastus duo genera tradit marem & feminam utrasque folio Amygdalæ pinguiori crassiorique: cortice neruoso, ac tenui: nodis per interualla geminis: flore Oleo: fructu dulci, odoratiisque grato, nucleo intus Oliuæ, marem solidiori materia constare sine corde solida, spissa, & firma, ut:

Cornu.

Cornu ad usum Venabulorum, longitudine duodecim cubitorum ad summum hanc fructum reddere circa aestiuia solstitia. Quidam autem steriles esse afferunt: feminam autem virgas parvas ferre Vitici similes fruticosam, molliori materia, medulla intus fungosa, quae cauari possit. hanc serotinam esse: nam post Autumnum fructum reddit, eumque ingustabilem: nasci etiam in humidis non solum in siccis. haec apud nos Sanguen vulgo vocatur. hic frutex est sapibus nascens inter Ligustra, virgis rectis sanguineis, flexilibus. folia insunt Corni latiora, subhirsutaque: flores cacumina edunt in Umbella candidantes: fructum nigrum ut in Ligastro rotundum: osse binas cavitates habente, in quibus singula semina continentur. fructus iste à Turdis multum expetitur: hanc Plinius videtur intellexisse Virginem sanguineam vocans, cuius cortex interior cicatrices, quae persanauere, aperit. hanc autem Theophrastus Cornum feminam videtur intelligere: Dioscorides differentias in fructu notauit: nam fructum Oliuæ modo, oblongum esse, primo quidem virentem, postea per maturitatem aut rubentem, aut cere coloro. quasi Zizipha ob colorem cereum nitor Corna recenscantur: non tamen astrigentia sunt: sed sapore pingui. alius quidam frutex est in Alpibus sine nomine, similis Corno, breuior: fructu similis parvis Cerasis, qui geminus in uno longo pediculo est rubens in maturitate, coeuntibus aliquando ex toto granis, in singulis duo, aut tria semina continentur sine osse, bipartito conceptaculo, ipsa semina oblonga, ut etiam grana, ut Corni sapore amaro. haec quoque Cornus scemina dici possit apud Theophrastum.

C A P. X X V I I.

SVNT inter arbores, quae semina ferant in siliquam, quippe sede in longitudinem producta; he proportionem gerunt cum leguminibus in humili materia, inter has est siliqua arbor sic appellata, quia semen fert in siliqua leguminum modo: similis est Terebintho, sed foliis rotundioribus latioribusque: floret ineunte Vere: in caudice, & grandioribus ramis, racematis, tecas fert palmi longitudine, latitudine pollicis compressas, in quibus semina per interalla disposita sunt depressa, & fermè ossis modo prædura, biualvia, ut faba: maturantur Autumno, ut ipsarum tecarum corpus prædulce fiat succo melleo inter fibras inspissato. fructus hos Carrubias vulgo appellant: inuehuntur ex Apulia. Plinius appellat prædulces siliquas, quarum cortex ipse lignosus manditur, digitorum hominis longitudine, & interim falcata. Pollicari latitudine seminis ea est proprietas, ut neque corpus, neque lignum, neque cartilago dici possit: Dioscorides Ceratia vocat ob corniculorum

culorum similitudinem. arborem Ceroniam Theophrastus appellat, quæ semen in siliquis fert ex grandibus ramis & caudice : folio perpetuo : flore candido .

C A P. X X V I I I.

ASSIA appellatur longissima quædam siliqua fermè cubitalis : teriti figura, nigra, aut fulvescens : intra corticem lignosum semina continentur siliquæ similia, interuallis septo membranaceo, distinctis & modica quadam medulla succosa, nigra, dulci, sed nau scosa, qua Medici vtuntur ad aluum subducendam, afferunt ut ex Alexandria meliores, & ex Occidentali India. tradunt arborem eius in Aegypto, nasci crassissimam : foliis quadantenuis Mori, aut Nucis Iuglandis : (nos vidimus ex semine nuper natam, folia siliquæ produxit esse) flores latos, candidos : copiosum fructum, ut præpondere rumpantur rami, nisi ante maturitatem leuentur. In India traditur arbor Piri magnitudine : foliis Persici angustioribus & virentioribus : foliis Genistæ luteis : odore Gariophylli, quibus decidentibus siliquæ longæ subnascuntur colore viridi, in maturitate nigre, longitudine aliquando quinque palmorum, nunquam minore duobus palmis : ubiq; sponte oriri. Videtur Theophrastus hanc intellectisse, cum siliquas quasdam Ficus Aegyptias appellari scribit. Quanquam errore manifesto nomen transferatur ad Ceronię fructum, quæ in Ionia, & Syria, & Cypro nascitur; illa enim in Aegypto non prouenit. Que autem scribit fructum scilicet anniculum nouum expectare, subnasci ante nouellum fructum sub Cane, postquam alter detractus fuerit, veluti racemum vniiformem, qui in Autumno explicitur in flores candidos, deinde per hyemem usque in aestatem enutririri : folio perpetuo, magis Cassię conueniunt, quam siliquæ supradictæ. Plinius quoque tamquam alteram videtur intellectisse, cum de siliqua Ceronia appellata transcribit ex Theophrasto ea, que dicta sunt.

C A P. X X I X.

SILIQUA sylvestris, arbor non magna : nascitur in asperis : cortice subrubente : folio lato, & leui, non diuiso in pluta folia, ut cæteræ siliquæ, sed exactæ rotundiratis, deciduo : floret in caudice, & ramis grandioribus, initio Veris ante foliorum exortum : flos rubens & oblongus, racematim cohærens : siliquas fert exiles, quales in Genista, latiores, & depresso sine succo. Sub eodem nomine meminit Plinius in Thessalica Tempe fontem quendam mirandę nature suis radicibus ampliati & florere purpura. Eadem apud Theophrastum videtur

detur Cercis appellata, ob circinnatam folij rotunditatem, quæ semina in siliquis fert.

C A P. X X X.

TAMARINDVS affertur ex Orientalibus, fructus pulpa nigra constans, vna cum seminibus in panes coacta: sapore acido, & subdulci, qua vtuntur ad alii subductionem, & feruorem bilis extinguendum. semina autem sunt Siliquæ similia, sed maiora. Tradit Serapio eius arborem in India nasci foliis Salicis: fructus esse colore rubro, copiosiore carne, quam Siliqua & firmiore, coloreque ex luteo in nigrum languescente, & pingui succo scatente. Ex quibus colligimus esse ex genere Siliquæ, non autem Palmæ, ut quidam putant, appellantes, Oxyphenica, quasi acidas palmulas: nam semen biualue est ut leguminum, durum verò, ut Siliquæ, & Cassia. Garzias inquit; arborem nequaquam similem esse Palmæ, licet nomen Tamar apud Arabes Palmam significet, forte ob seminis durius, similem ossi Palmularum; sed magnitudine Fraxini, aut Nucis, aut Castaneæ; ligno denso, non fungoso: multis ramis ornatam, & multis foliis tenuiter incisis magnitudine Palmarum: fructum noctu foliis inuolutum, interdiu pansiis foliis ostendi arcus modo incurvatum, aut instar digitii inflexi, cute viridi tectum ante maturitatem, postea cinereum, qui facile ascodit; pulpa viscosa, & lenta, cuius est vpus abiectis nucleus; sapore dulci; sed fructus viridis acidus est non sine suavitate: Infundi solere pondere unciarum quatuor in aqua frigida per tres horas, ut facta expressione propinetur cum saccato ad purgandos biliosos humores. Vidi plantam ex semine natam; folioramculo; cuius ramuli Coluteæ folia imitantur.

C A P. X X X I.

ANACYRIS arbor est fruticosa: cortice aspero, & candicante: trifolia, foliis oblongis: sedi odoris: germinat in Autumno; & per totam hyemem floret: flores lutei, longi racematum cohærentes circa ramos grandiores, & in caudice. Tecas fert æquales fermè Siliquæ: sed putamine arido. intus semina continentur longis intervallis disposita, figura Faseoli, dura, colore ex albo in cæruleum vergente, quod sub Cane perficitur, quo etiam tempore folia decidunt, cum pauclo post germinatura sit. Aliqui hanc ob seminis similitudinem Faseolatiam vocant, cui magna vis ad euomendum venenum: foliis autem ad Alopegiæ sanandas illitu. Dioscorides describit foliis & virgis similibus Vitici: fruticosam arboris modo, per quam graui odore: flore Brasice, semine in corniculis oblongis, simili renibus, vario, subrotundo,

tundo, & solido, quod durescit fere vua maturescere. Apud Plinium Anagyros vocatur eadem descriptione. Non multum ab hac recedere viderur Colytea apud Theophrastum: folio Salicis (nam & Vitici Salicis folia tribuuntur) sed valde oolido, & copioso (quamuis in aliam sententiam verat Theodorus) arbor in totum magna: semen in siliqua lata, more leguminum, paruum, modice dutum, non copiosum. Quasi hæc Anagyris quædam magna sit, minori tamen semine.

C A P. XXXII.

ABVRNVM vulgo Auornellum vocatur: arbor in Alpibus Fraxino similis: cortice leui, & subcandido: trifolia: foliis Anagyro, lacticibus, rotundioribusque: floret Vere in cacuminibus, racemis longis, pendentibus fermè semicubitali longitudine, forma, & colore Genistæ: siliquas fert exigvas, in quibus semina nigricantia, magnitudine lenti, sed figura Faseoli: materies densissima, candida, & flava, ad parva opera Torno elaboranda excellens. Plinius Alpinam arborem esse, quæ aquas odit: dura & candida materie, cuius florem cubitalem longitudine apes non attingunt.

C A P. XXXIII.

TRISVS frutex est in agro Neapolitano candidus, tum cortice, tum foliis: ligno duro: medulla nigra: foliis in tres partes diutis, ut in trifoliis, sed paruis, & subrotundis, ac perpetuis gusto Ciceris recentis: floret Vere in cacuminibus, paruis racemulis: flore Meliloti vulgaris: Siliquas fert falcatas, exiles, & depresso, in quibus semina flava continentur. Dioscorides fruticem esse inquit in totum album, ut Rhamnus: ramis cubitalibus, & maioribus: foliis Feñogreci, aut Loti trifoliz minoribus: dorso medio prominente, quæ trita digitis, olent Erucam: gusto Ciceris recentis. Plinius repertum primo in Cythno insula: fruticem angustioris trifoli in canum aspectu, qui postea translatus est in Græciam, magno casei prouento: nam optimum est iumentorum omnium pabulum, saluberrimumque: totò anno durat, licet æstate viridi, hyeme sicco utantur: In Italia rarum esse: de eodem pauca Theophrastus, infestum adeo esse cæteris plantis, ut omnes fermè enecet, subrepto alimento: eius medullam duram esse, ac spissam, & nigrum, ut proxime ad Ebenum accedere videatur: apud nos Cytisus sylvestris nascitur, quod Ipm vocant vulgo, frequens in Italiz montibus, frutex est alteri similis: aspectu viridiori: floribus non adeo croceis, sed pallidioribus, non in cacuminibus sed circa ramos:

P siliquis,

siliquis subrectis : semine subnigro : huius duas notauiimus species euidentissime distantes inter se : vnam in maritimis collibus albidiorem : foliis fermè sine pediculo hærentibus, gustu dulci . Alteram nigriorem in montibus frigidioribus pediculo longiori : foliis gustu amaris : siliqua longiore ferme Genistæ modo : Vtrique folia decidunt hyeme, & altitudo fructis æqualis, ac lignum durissimum, medulla interna nigra ; sylvestris Cytisi mentionem facit Columella .

C A P. XXXIIII.

EBENVS lignum est nigerrimum, durissimumque, odoratum, si friceretur, aut carbonibus iniciatur: vtuntur eo in coronis globulis ad præces numerandas, & alia parva opera lautiora: nitorem enim recipit pulchrum præ materiæ densitate . Diſcorides optimam Ebenum ex Aethyopia haberi scribit nigram, nullo venarum discursu, leuore cornuſ elaborati, densam, cum frangitur, gustu mordaci & astrin gente, suffi i iucundo odore super carbones sine fumi tedium; si recens ad ignem admoueatur, ob pinguedinem accendi, & tritam ad cotem ruf fuscere . ex India alterum aduehi internatis segmentis, candicantibus, & modice fulvis, & frequentibus maculis bonitate inferiorem: vendi apud quodam pro Ebeno ligna consimilia, sed fungosa, purpurascen tia, nihil mordacitatis habentia in gustu, neque suave olientia in suffitu . Sicamina & Acanthyna, potius Sicamina legendum videtur, nam Mori medulla dura & nigra est teste Theophrasto . Spinam quoque Ebeno similem tradit Plinius, lucernis deprehendi: nam protinus ardet . Theo phrastus duo genera similiter tradit, vtraque in India: vnum materiæ laudatum, pulchrumque: alterum vile, vitiatumque: rarum, quod præstantius, reliquum copiosum: hæc non recondita, colorē commen datum, sed flatim sua natura capessit: fruticosa est Cytisi modo: lignum aspectu Buxo simile constat: sed decorticatum nigerrimum redditur, vtile oculis tritum ad cotem, grane etiam, cum siccum est: quia densum sua tantum medulla, in qua & coloris nigredo, constat; & materies spississima, ac gratissima, perpetua . Plinius de genere meliori, quod rarum est, inquit arboreum esse: truncō enodi: materie nigri splendoris, ac vel sine arte protinus iucundi, Alterum fruticosum Cytisi modo, & tota India dispersum est . Paulanias à quodam Medico accepisse se testatur, Ebenum radicem tantum esse sub terra conditam, nec folia, nec fructus ferentem: ideo difficile inveni . in Aethyopia artifices esse Ebenei scrutandi, goares . Theophrastus quoque inter fossilia Ebenum reperi testatur, aliis lapidibus inclusum tanquam in ventre . An id ex genere Gagatis est, seu Ambræ nigra? differt ab Ebeno levitate ponderis .

C A P. X X X V.

GE N I S T A Frutex in Italia vocatur : materie densa, ut Cytisi : ramis iuncis, vtilibus adnexus : floribus luteis : siliquis Vicienigris, hirsutis, depresso, duo genera, vnum quadrato iunco : paucis foliis, exilibus, initio trifoliis, postea simplicibus nigricantibus : alterum rotundo constat iunco robustiore, ac magis flexibili : folia huic initio tantum sunt, cum germinat, simplicia quasi Lini : adulatis iuncis nulla sunt, sed flores circa summum speciosi, odorati, lutei, qui expertuntur in coronis : siliquas altero longiores fert, quae in arescentes crepitu semen ejaculantur : utrumque in collibus saxosis oritur: quadratum magis inter scopas reperitur. extat in Alpibus quadrati genus quoddam exiguum, lato cespite, palmaribus vicinis, mollibus sine foliis. rotundi quoque genus in Ilua est, frutice densissimo, orbiculato, humile acutis iuncis & valde robustis, pungentibusque figura Histricis animalis. Plinius de Genista inquit vinculi usum praestare: Flores apibus gratissimos esse: ideo seri iusta earum aluearia, decerpi ad coronas, colore luteo, semen eius, quod Greci Sparton vocant, in folliculis Faseolorum modo nascens, purgat Ellebori vice & ceteras vites ei tribuit, quas Dioscorides Spartio tradit. Dubitat tamen an haec sit, quam Graci authores Sparton appellauere, ex qua linea piscatoria siebat, & cetera nauium armamenta: quamque Homerus intellexit, cum dixit. Nauium Sparta dissoluta. nam eruditiores interpretati sunt linea armamenta: quoniam Sparta cum dixit, significauit fata: Sparti autem usus post multa secula coepitus est. In Hypania herba sponte nascitur, seu iuncus aridi soli, ubi nec aliud seri aut nasci potest: gignitur in Aphrica exiguum & inutile, sed in Hispaniae quadam parte, ubi nascitur, montes operit: hinc strata rusticis eorum, calceamina & pastorum vestes, ignes, facesque, animalibus noxiis, preterquam cacuminum teneritate ad reliquos usus laboriosè euellitur, siccatur sole, aqua marina aut dulci maceratur, ac tunditur: sic enim utile redditur, precipue in aquis, mariisque inuiectum. Dioscorides Spartion vocat fruticem, qui longas fert virgas sine foliis firmas, fractu contumaces, quibus vitesvinciuntur: semet lenticulae in folliculis Faseolorum modo: florem luteum, ut Leucoij: inest floribus ac seminibus vis purgandi vehementer per superiora Ellebori modo, ac per inferiora. Mesues Albrachim vocat, quod significat apud Arbas arborum vinculum, latine autem inquit Genestrā vocari, cui flores insunt lunaris figurę trinitatis multæ, folliculi Orobis modo, in quibus semina distincta ceu lentis: purgat vehementer pituitā utrinque: confert articularis, & tenibus, ex quibus manifestū est Genistam rotundā Spartum esse,

sive Spartium à Græcis appellatum. Theophrastus Lynospathum, & vt Theodorus vertit, Linogemistam appellat: cortice tunicis multiplici.

C A P. X X X V I.

ASPALATHVS apud nos in asperis maritimis nascitur; frutex, trifolius, spinosusque: cortice, & foliis Cyusi Sylvestris: perpetue virens floribus Genistæ: siliqua breui, modice lata, his-
tuta: seminibus nigricantibus; materie dura, & candida: sine
odore seruatur adhuc vulgo in Græcia Aspalathi nomen in hac planta;
quamvis eius breuis descriptio sit apud antiquos. Nam Dioscorides fru-
ticem esse surculosum, spinosumque: ligni autem duo genera, quibus ad
vnguentorum spissamenta vtebantur: vnum, quod probatur magis, co-
lore intra corticem subrubente, aut in purpuram vergente, densum, odo-
ratum, gustum amarescens: Alterum candidum lignosum, sine odore, de-
terius. Plinius esse Spinam candidam, & sylvestrem, magnitudine ar-
boris iusta: flore Rosæ, cuius radix expetitur vnguentis: probatur autem
colore rufso, vel igneo, tactuque spiso, & odore Castorei: alium præterea
fruticē humiliorem, & spinosum esse, qualiter descripsit Dioscorides, nō
vbiique odoratum, Aspalathum quoque appellari in Hispania Spinam
vulgarem, qua cortinae fulloniæ implentur: afferuntur autem hodie ex
Oriente duo genera ligni odorati: vnum candidum, alterum rubeum: Sandalos vocant, Medicis Arabibus sic appellantibus: traduntur autem
à Serapione sandalorum tria genera è Syria allata, candidum, rubeum, &
flavum, quod Citrinum vocant, quorum præstantissimum flavum, pin-
gui quodam scatens, secundum bonitate rubeum, quod siccus: ter-
tium candidum, facillimum ad leuigandum in pollinem tenuissimum:
flavum quod hodie habetur, est candidi medulla, multo suavior reliquo
ligno, quod album est; rubeum varia sorte visitur: quoddam enim exi-
giui odoris: quoddam nullius: quoddam præterea longe odoratus fla-
vo, non sine quadam Castorei emulatione. Sandali rubri præterea semi-
na ad manus venerunt, dura paruis Faseolis simillima, colote tam rubeo,
vt corallum vincant, quamvis autem ex iis non licuerit enatas plantas
videre, putandum tanten est, esse ex genere Trifolij, & ab Aspalatho Dio-
scoridis non multum recedere. Spina autem vulgaris fullonum, quam
in Hispania Aspalathum vocari à quibusdam testatur Plinius, hodie Ver-
zinum vulgo vocatur, lignum rubrum crassitudine tibiam excedente,
rubeo colore inficiens, cuius puluere adulterant odotatum Sandalum.
De Sandalo albo, & citrino scribit Don Garzias Lusitanus in India ori-
ti, arbores simillimas inter se, differre tantum colore ligni: similes esse
Nuci luglandi: foliis Lentisci, intensè viriditatis, flore cærulo-nigri-
cante:

cante: fructus magnitudine Cerasi, initio viridis, postea niger, sine sapore, qui facile decidit: lignum sine odore esse quamdiu tegitur cortice, & ante quam siccetur; vim odoris in medulla esse tum in albo, tum in flavo, non in ligno: probati id, cui multum inest medullæ, seu cordis: fluum odoratus, sed raro ferri ad nos; quia apud Indigenas in frequenti vsu est in balneis tum odoris, tum refrigerationis causa: Vbi oriuntur album & fluum, non reperiri rubrum; sed qualis sit arbor rubri, apud eum non constat.

C A P. X X X V I I.

SPINA Christi vulgo appellatur, frutex in totum spinosus: ramis trium cubitorum altitudine: cortice albo, & aspero, ac deciduo, vt in Vite: nullis foliis, sed ipsæ spinæ, tum foliorum, tum germinum vicem gerunt, digiti longitudine virides, quæ à latere alias spinas ferunt breuiores, & in iis flores luteos Genistæ similes: incipit florere in Autumno, perseveratque per totam hyemem ac Ver assidue florens: siliquas fert breues, & hirsutas, paulo minores Aspalatho. Theophrastus Scorpium vocare videtur. Theodorus Nepam vertit, sed intersufficiunt se sy'uestres, qui ex toto aculei sunt, vt Asparagus, & flore candido accedente ad purpuram: radice singulari, quæ conditioes in hoc frutice nona insunt..

C A P. X X X V I I I.

EMERVS vulgo appellatur frutex Cytiso æqualis: cortice subalbido: foliis in uno pediculo multis, coniugatim dispositis, virentibus, leuibus, subrotundis, & paruis: flores luteos, longo pediculo pendentes, figura Genistæ: siliquas fert tenues, & longas, in quibus semina continentur, nigricantia, & modice depressa: expeditur multum ad pecudum pabulum in collibus. Alterum genus siliquass fert veluti vesicas flatu plenas, laevi membrana, & subrubente constantes, in quibus semina Lentis continetur nigra, in ceteris supradicto simile, præterquam quod simplex assurgit arboris modo, at non excedit: quatuor cubita. Ex hoc genere videtur apud Theophrastum esse Colutea Lipare propria, arbor magnitudine præstans, fructum in siliqua ferens magnitudine lentis, qui oves mirum in modum pinguefacit: folium non absimile Feno græco: nascitur semine: germinat primo unicaulis usque ad tertium annum: quarto anno in ramos funditur, & arborescit, præcidunt baculos triennio: quia pulchiores, sed emoritur arbor: quia non germinat à latere: cum hac aut eadem, aut non absimi-

lis fuerit, apud eundem Theophrastum Colegia arbor Liparæ propria,
quæ semen in siliquis fert.

C A P. X X X I X.

SE N A à quibusdam Senna vocatur, medicamentum purgans ex Oriente illatum: folia sunt cum siliquis, quas folliculos vocant: folia Coluteæ similia, angustiora, oblongioraque: siliquæ latæ ac vehementer depresso, instar Lunariæ græce, longo & tenui pediculo pendentes: fruticem videre non licuit, quamvis alia inter herbas connumenta nascatur apud nos, quam serunt alicubi pro Sena, sed longe imbecillioris effectus. Serapio de Sena inquit tantummodo exsiccata asseruatur: siliquas fert, folliculosue oblongos, lunatosque, in quibus semina in ordinem belle disposita clauduntur, qui quidem folliculi pediculo quam tenuissimo, sic ramulis inherent, ut à vento faciliter procedant concutti, indeque à pastoribus leguntur. Ex his significatur arboream esse eius naturam, non humilem esse plantam. Mesues tamen herbaceam videtur significare, cum dicat eius ortum similem esse Orobis, inueniri inquit, domesticum, & sylvestre: melior pars plantæ est folliculus, deinde folia, in quibus vis est valde imbecillis: folliculi laudantur colore subuiridi, ac sub nigro, modice amari, cum quadam astrictione, seminibus intus amplis & compressis, purgat atram bilem, & humores adustos imbecilliter tamen, & tarde, efficacior est eius decoctione, quam puluis, ut Serapion tradit, ex puluere tamen una exhibetur drachma, ex decoctione autem quinque: respicit Cor, & Cerebrum.

C A P. X L.

BA R B A Iouis arbuscula est in scopolis marittimis ex toto candida, terna cubita parum excedens: ramis erectis, & densis: cortice rugoso: folio Lentis, molli, argenteo quodam splendore perpetuo: flosculos racematum in cacuminibus fert, ex candido modice rubentes, & breves, ac rotundos, siliquas, ut Glaux. De hac Plinius inter arbores inquit, odit aquas, & quæ Iouis barba appellatur in operi Topiario tonsilis, & in rotunditatem spissa, argenteo folio.

C A P. X L I.

SVNT, quibus seminis sedes bipartita est, ut duo aliquando concepcionata videantur, ut in Rhododaphne & Periploca, Populo, Salice, Mirica: omnibus his semina lanugine sunt inuoluta paucis qui-

quibusdam exceptis. Rhododaphne vulgo Oleandrum arboscum est, nascens sponte in præruptis maritimis inde in horros pulchritudinis gratia transfertur, mollis naturæ: leui cortice, ac cinereo: foliis Lauri longioribus, crassioribus, angustioribusque perpetuis: in cacuminibus flores fert speciosos figura calicis, sed labris diffestis, colore roseo: siliquas fert digitales duplices, & striatas, in singulis conceptaculis semina multa continentur lanugine flava obducta, non dehiscent nisi hyeme propæ exacta. Dioscorides Nerion, & Rhododendron etiam vocari testatur, notum in Græcia fruticem prope flumina & in maritimis nascentem: foliis Amygdale longioribus, & crassioribus: flore roseo: fructu corniculato, quod apertum ostendit lanosam naturam, qualis in Spinatum pappis visitur: radice longa, & fastigiata lignosa, guttu salsa. Plinius Sempiternum fronde Roseæ similitudine, caulis fruticosum, iumentis omnibus Capris, & Ovibus venenum: hominibus remedium aduersus serpentium venena.

C A P. X L I I.

PEIPLOCA frutex est ex Syria allatus, qui præ infirmitate non periret, sed aut humi repit longissimis viticulis cum lento robustissimis, ut pro funibus vtantur, aut arbores vicinas serpentis modo amplectens, adeo atque ut strangulet, scandit ad quamcunque altitudinem: cortice leui: foliis Lauri magis fastigiatis, mollioribusque, lacteo succo: è summis arboribus propendent ramuli multi, minus obsequiosi: brevioribus foliis, in quorum cacuminibus flores sunt magnitudine & forma, quales in Gellimino, sed colore tristi, ex purpura nigricante: siliquas fert Rhododendro æquales, similiter duplices, sed in extremis tantum coniunctas, in medio distantes, dehiscent exacta hyeme: semina intus nigra, & oblonga, in candidam lanuginem desinentia. Alter frutex ex eodem loco habetur, quam Periplocam non repente vocant: nam humi tantum serpit, nec arbores scandit: crassiori caudice: constat viticulis frequentioribus, brevioribusque, erectis: folia ferr Hederæ, sine angulis cineret coloris, sub croceo succo: flosculi sunt candidi in racemulis densi: siliquas fert breviores: folia, & flores grauiter olent. Dioscorides Apocynum vocat: similiter enim describit, fruticem scilicet esse longis viticulis Vitilium modo obsequiosis, & fructu fere inuestis: folio Hederæ molliore & in extremo acutiore, lento: graui odore: lacteo succo: siliquas ceu fabarum folliculari specie digitæ longitudine: semine intus duro, parvo, & nigro: folia enecant canes, lupos & vulpes coacta in panes cum adipè, protinus resolutis coxendicibus.

C A P. X L I I I.

FRVTBX quidam peregrinus, vocatur Ligustrum Orientale à quibusdam, magnitudine Ligustri: foliis Apocyni tenuioribus & minus candidis: racemos fert Ligistro grandiores, in quibus flores sunt, figura Gelsimini minores cerasuli, modico rubore alpestri, & si conuertas candor quidam argenteus spectatur, iucundi odoris: siliquas fert breves similiter duplices, in quibus semina oblonga, sed sine lanagine. fortè fuerit Iescminum cerasuleum Arabum.

C A P. X L I I I I.

STAPHYLODENDRON apud Plinium vocatur arbor trans Alpes: simillima Aceri albo materia: fert siliquas, & in iis nucleos: sapore nucis Auellanae. Apud nos frutex magis quam arbor ostenditur foliis Fraxini. fert in duplice vesica membranacea, ac viridi nucleos Auellana minores, binos in singulis conceptaculis medulla intus dulci: Pistaceam sylvestrem quidam vocant. Affinis videtur Aceri & Fraxino, solum tunica externa in vesicam dilatata, & plures complexa nucleos.

C A P. X L V.

POPVLVS arbor est excelsa & erecta: materie candida, in planis & humectis nascens: eius duo genera nigra & alba, ob corticis, & foliorum colorem distincta: nigrae cortex cinereus est, levius & vetustate disruptus: folia Hederæ figura ex longo pediculo in acutiorem angulum desinentia & tenuiora, utraque parte viridia, ac tremula: Ante foliorum exortum ineunte vere quedam floret, at fructu non fert: est autem flos veluti Amentum, colore rubente, aut candicante: quedam frumentum fert: at non floret: est autem eius fructus: racemulus oblongus grana continens viridia, & rotunda Vuatur modo, in quibus lana continetur candidia, paucis seminibus lanæ appensis, iisque adeo patuis, ut visum fere fugiant: quainvis autem vñica sit concavitas in rotundis actinis: sedent ramen semina in duobus lateribus: succus quidam resinosus inest in geminis erumpente germine, aureo colore, quem cogi in Eleætrum putavit antiquitas authore Dioscoride: gemmas eas assument hodie ad vnguentum Populeum parandum. hanc Aegyron Græci vocant: similis in Alpibus nascitur nigriori aspectu: tenuioribus foliis, serratisque, quam Plinius Libicam vocat, laudatissimam fungis enscentibus. Alba vulgo Albarus vocatur, quamvis & eo nomine nigram quoque

quoque intelligent quidam : cortex ei albus, non disruptus ut nigræ, sed veluti leprosus : folia inferne candida, superne viridia, subhirsuta, latiora, quam nigræ & varia : Nam virgarum nuper nascentium Althæe videntur esse, ramorum autem angulosa Tussilaginis, aut Vitis modo, vetustioribus redduntur nigræ similia : vuas lanolas similiter fert : quædam sterilis, ut neque etiam floreat, quod & nigræ contingit. Græci Leucem vocant ab albedine. Ei similis in Alpibus nascitur candidissimo-cortice ac lœui : folia fert nigræ similia, lœuiter serrata, inferne sub-hirsuta punctis albis distincta. hanc Berullam Plinius vocat, Gallicam arborem, mirabili candore, atque tenuitate, terribilem Magistratum virgis, eadem circulis flexibilis, & Corbium spartis. Bitumen ex ea Galliæ excoquunt. Theophrastus Semidam vocat : folio Nucis paulo angustiori : cortice versicolori; & materie leui, non nisi ad baculos vtili. Idem Theophrastus Leucem & Aegiron, id est Populum albam, & nigræ uniformes esse testatur, vrasque erecto corpore, & ligni albedine ac foliorum figura similes, sed nigræ excelsiorem esse, ac leuiorem : Albæ folia tempore immutantur : nam initio rotundiora sunt, vetera in angulosexeunt. Vertuntur quoque in Solsticio, ut prona supina redendantur : putantur vrasque steriles, ut neque flores quidem ferant : in Creta nigræ complures fructificant, licet translatæ sterilescant : descendunt vrasque in plana, gaudent palustribus & aquosis : Albæ præterea similem tradit Cercim, quam Theodorus Alpinam vertit : ramis albican-tibus ; folio Hederæ, alioqui sine angulo : sed vnicam appendicem longam & acutam habente, colore tum supra, tum infra fere simili, pediculo longo, ac tenui, & ob id inflexo ; cortice asperiori, quam Populus alba : videtur autem nostram Alpinam significasse. Alibi tamen Cercim vocat arborem, quæ semen in siliquis ferat more leguminum, licet alij coidices, non Cercim, sed Cicim legant. Plinius Populi albæ folium tradit superne candicans inferiore parte viridi, quod post Solstictium contingit, cum folia conuertuntur. Quod præterea Theophrastus de alba scripsit, Plinius nigræ quoque accidere vult, variari folia, ut ex rotundis angulosa fiant, quod in nostris non reperitur, grandissimam præterea lanuginem Populorum foliis inesse scribit, quæ candidæ candida eu-лат, ut Iulus : hæc de racemulis Iuli figura, ac virtentibus, ut folia nume-rosa videantur præsentim in alba intelligenda sunt : nam ante foliorum exortum, iis tanquam foliis virescunt Populi ; Vuam Populi albæ alibi meminit : nam acini sunt vuarum modo lanuginem continentes. Quod autem scribit Populi albæ vuam Bryon vocari in vnguentis laudatū, ansam dubitandi præbet, ne villosam substatiam intelligat in multis arboribus ortam, ut in Quercu & Cedro, ut tradit Dioscorides, quam Latini Mu-scum vocant. Numerat præterea Populū inter steriles, quæ neq; fructū, ne-

que semen ferunt, licet Theophrastus variam de hoc fuisse sententiam ferat, cum tamen Dioscorides, & idem Plinius Populi nigre semen laudent ad comitiales. Eius ambiguitatis id fuit in causa, quod superius notauiimus: quasdam scilicet neque florem, neque fructum ferre; quasdam florere tantum: Quasdam autem lanosam in vuis substantiam ferre semenibus vilum fugientibus, ob paruitatem. In hoc genere videntur esse arbores, quæ Camphoram ferunt in India Orientali: nam & in nostris bituminosus quidam liquor nascitur, qui in Electrum densari Diocrotides testatus est; & Plinius de Betulla Bitumen, ex eoque in Gallia scripsit. Videtur autem Camphora ex genere Bituminis esse; quoniam rapacissime ignem excipit, & ardet in aqua: substantia Gummi simili, candidissima, & translucida; odore valido, non ingrato; facillime cuadescit in auram, nisi in loco frigido & concluso feruetur. Arabes Caphur vocant, & recentiores Græci Chaphuram. Serapio scribit longiorum Camphoræ proueatum expectari, si præcesserint fulgura frequentia, & tonitrua, & terræmotus; quasi inde exhalatione scilicet ticca, à qua incensa illa fuit, Camphoræ materia suggeratur arboribus, quæ illam ferunt, ut contingit apud nos Fraxinis, & Ornis ex rore cœlesti Mannam reddere. Idem tradit, Gummi esse, seu lachrymam maculis rubentibus ex arbore, quæ copiose in insulis maris Indicii prouenit, materie leui, colore è candido in nigrum languescente, in cuius corde Camphora reperitur in interueniis impacta: Erupit quoque extra, & defluit, & corticibus hæret, quæ magis probatur, maculis inter initia robustis, postmodum calore solis candescens; hujus globuli drachmam vnam pondere non excedunt: secundum bonitate locum habet, quæ crassa, colore atro, nec peliucens: Ultimum locum habet, quæ fragmentis, & assulis implicita est, more Gummi agglutinata lenti: cit, in grummos coiens magnitudine Amygdalæ, aut fabæ, aut lentis, hanc Ponticum, & sacerdotium suffimentis in templis assumunt. Sed hec omnia per sublimationem in igne purgantur, & clarificantur, adeo ut inde exeat Camphora candida in laminas pelucentes digesta, quæ Camphora elaborata appellatur; sed cum magno dispendio, nam quoddam genus ex libra vix selibra redit. Vim habet refrigerandi & sicandi in tertio gradu. Veneris impetus extinguit: somnum conciliat, fluxus sanguinis sistit: Ardores quoescunque corporis compescit, sed visu frequenti caniciem accelerat, Hæc Serapio. Qui Indicas merces nostris temporibus scriperunt, referunt arborem magnitudine, & specie Nucis luglandis, foliis albicantibus, Salici similibus, neque fructum, neque florem ferre, quod sciatur: Caudicis color cinereus, ut Fagi, aut paucis nigrior: substantia mediocriter densa: visuntur aliquando eius tabulae & alia opera Camphoram continentia in rimulis. Camphoræ duas esse

esse præcipuas differentias; vnam, quam Burnei vocant carissimam, quæ nequaquam fertur ad nos, quæ granulis Milij magnitudine constat, vi- lior, quæ grandioribus, præcisiōr pro ratione magnitudinis, ut contingit in Margaritis: alteram ē Chinna, quam ferunt ad nos rotulis coactam. Si quæ maculosa fuerit, aut sordida, sola ablutione in candorem restitui, si linteolo inclusa abluatur in aqua calida, adicēto sapone, & succo limo nis; sic enim nullo ferè dispendio ponderis dealbari. Qui dimisso sen- su rationem querunt, contendunt Camphoram non esse arboris la- chrymam, sed res fossilē inter genera Bituminis, ut Naphtha, ne- que temperamenti frigidi & sicci, refragante scilicet odoris vehemen- tia, & mira familiaritate cum igne; sed calidi & sicci; nam etiam eius nimius usus vigilias facit teste Serapione, & Auicenna. At quid pro- hibet sub exhalatione tenuissima, quæ calida & sicca est, latē frigi- dam substantiam, quæ extinta exhalationis flammula ob tenuitatem minime vrente agat, & penitus, quo profundius ob tenuitatem exha- lationis penetraverit? vigilias autem nimio usu efficere non est absur- dum ob siccitatem, vt in senectute. Sed quoniam Auerroes tradit Ambra, idest Succinum esse Camphoræ speciem, vnde rem fossi- lem indicate videtur, dicamus & de Succino, quem Electrum vocat Dioserides ex lachrymis Populi condensatum, ut narrant; sequutus fabulam Phaeotonis; eius sorores in Populum versas iuxta Padum; la- chrymas autem in Electrum; vocari & Pterigophoron; quia pennis trahat: Eius varia historia apud antiquos, sed Plinius certitudinem habitam testatur ex equite quodam Romano, qui ad id comparandum missus fuit à Iuliano Neronis Principis manus gladiatorum curante: lachrymam esse arboris in genere Pinorum densatam, & vndis matis raptam ferri ad littora Germanorum; vnde copia multa colligitur, inde- que Pannionam & Venetas apotari, & circa mare Adriaticum: esse au- tem ex Pinæ arbore succinum illud affert signum, quod eo attrito odor Pineus sentia tur, & accensum flagret Thedæ modo. Quod verè liqui- dum prius sit, deinde densetur, indicio esse, quod sœpe intus translucen- tia appareant, vt formicæ, culices, lacertæ, & huiusmodi alia, quæ adhe- sisse oportet, cum liquidum esset deinde simul concreuisse. Authores Germani, quamvis ad eorum littora ventis quibusdam flantibus Succi- num magna copia feratur, vnde retibus expiscatur, tamen nihil certi de eius origine habent; solum enim Sacerdotem quandam testari visam à se lachrymani ē scopulis fluentem in mare; vnde putant rem fossilem es- se ex genere Bituminis. In hac sententia & quidam ex antiquis ioribus sue- re: Nam Theophrastus effodi scribit in Liguria, quod quidem hodie ne- scitur; & Philemon in Sciria duobus locis. Alij quidam iuxta mare Atlâ- ticum esse lacum Cephisidam, qui sole excalfaclus ē limo dat Electrum

fluitans ; & Cratim annem in Sacione è lacu in Oceanum effluentem eadem ratione Succinum ferre : Ideo fuere, qui sudorem teræ pinguem appellatur à Sole excitatum, qui densatus, & vndis Oceani raptus feratur ad littora Germanorum . In eadem sententia est Albertus, & Euax, qui sub Gagatis nomine de Succino agunt. An & trahi humorem huiusmodi pinguem in arbores quasdam non mirum ? vnde fluens lachryma defetur, & lapidescat ob maris falso dinem ? Sic diuersorum historiæ nequaquam negandæ : eadem enim terræ pinguedo genera Bituminis & Naphthæ sub terra gignere potest, & à diuersis arboribus ob quandam affinitatem attracta & Camphoram & Electrum reddere ut ros cælestis Mannam . Dioscorides Lyncurion quoque appellari testatur; quia ex vrina Lyncis coagulata esse existimetur, vt tradit in vrinatum examine : Alius tamen est lapis lyncis apud Euacem; ferre toto anno optimos fungos, vt explicatur à nobis in fungis. Forte huiusmodi lapis ex corticibus Populi fit aliquid conferente vrina Lyncis : Tradit enim Dioscorides corticem tam albæ quam nigrae Populi segetibus stercoratis inspersum fungos viiles, innocentesque toto anno ferre. At Succinum inter gemmas reponitur perspicuas colore aureo : vulgo Ambra gialla : extat tamen, & candida odoratior, ac præciosior : Alia coloris cærei : Quædam imitantur vinum Falernum, vnde cognomen assumpsit : alia ignei magis coloris, aut mellis decocti ; alia cinerei. Mira eius natura in trahendis pâleis, pennis, foliis, & quibuscumque corpusculis leuibus, vt Magnes ferrum : Exhalatio enī vstibilis valde addensata ob partium tenuitatem, corpora sibi similia circumposita trahit ; sunt autem similia leuia quæcumque, & vstibilia ; id reliqua non faciunt, vt Sulphur & Bituminis genera ; quia minus densa . Idem efficiunt gemmæ densiores, vt Adamasi prius fricando in calefaciat . Utuntur Medici ad omnes fluxiones sistentes seu sanguinis, seu humorum ; ad vomitus compescendos, & destillationes : potu : suffici acerem pestilentem fugat. Officina Carabem vocant nomine Arabo.

C A P. X L V I.

SALIX arbor non procera, iuxta flumen ripas & palustria degit : materie candida, minimi ponderis, cum sicca est, natura adeo lenta, vt ad nexus nulla alia commodior sit, eiusque gratia colitur ; caudex vetustate concavus redditur ; cortex valde disrupto, ac nigrante : amat detruncari ; sic enim vimina multa, & longas perticas gerit tanquam ex capite : seritur quoque ad Vites sustinendas quem admodum Populus : Virgarum cortex leuis est corij modo lentus, colore pallido, aut subrubente : folia Oleæ longiora, ac molliora, viridia, amara,

amara, racemulos fert Populo breuiores oblongis granulis lanam similem, & semina continentibus vna cum foliorum exortu, quæ scilicet in eo genere sterilis non fuerit: sterilis autem ante foliorum exortum flores fert Amentaceos, pallidos: Alia est iuxta Alpium flumina, gracilior, viminibus rubentibus: angustiore folio: Tertia colore luteo breuissima, quam prope terra præcidunt; sic enim vimina aptissima fert ad circulos lagenarum colligandos: Quarta fragilis, fruticosa; cortice cinereo, & maculoso: foliis latioribus, subrotundis, hirsutis, quam Vulgo Vetricem vocant; quia vitri modo frangitur, solum ad vinearum pedamenta, & baculos utiles. Quamvis autem, magnitudine, & paruitate, colore, & vsu in plures species distribui possint, quatuor tamen dictæ evidenter distinguntur. Theophrastus arborem palustrem scribit, cum tamen agat vitam ancipitem in aqua scilicet, & in sicco, in montibus, & planis; caudice brevi, & contorto; materie lenta ad scuta utili, & ad cistellas, & Canistrum: sata germinat, & celerrime, pulcherrimeque, ex auulsione sterilis putatur. Quidam generare affirmant, sed celeriter fructum dimittere, antequam in plenum crassetur, percoquaturque: vnde ab Homero Frugiperdis appellata est: multigena est: nam alia nigra appellatur cortice nigro, aut puniceo, quæ virgas pulchriores & ad texendum commodiores fert; alia candida albo cortice, densioribus virgis: in utroque genere tam albo, quam nigro tertium quoddam genus reperitur paruum, quod non augetur in altitudinem; quam Arcades vocant non Salicem, sed Helicem, putantque fructum secundum ferre. Que facile aptari possunt tribus generibus Salicis à nobis descriptis. Quod autem quarto loco posuimus, Vetrica appellatum, videtur apud Theophrastum Oleangnus vocata in lacu Orchomenio insulis fluitantibus, licet forte aliis locis proueniat, specie Oleæ, & Angni, idest Viticis, natura fruticosa non absimilis ceteris Angnis; folio figura proximo ceteris, sed molli vt Malus, lanuginosoque, flore Populi albè minori: fructu nullo, forte ex nominis similitudine, hanc apud nos Vetricem dici putarim, quasi Viticem. Plinius vsu distinguens plura genera tradit. Nam quædam in magnam proceritatem perticas emittunt, vinearum, Iugis, idest pergulis vocatis, commodus, parvuntque baltheo corticis vincula; aliæ virgas sequacis ad iuncturas lentitiae, aliæ prætenues, viminibus texendis, spe stabili subtilitate, aliæ firmiores corribus, delibrantur quædam, vt candidiores fiant, & lævi tractatu ad molliora vasa, & Cathedras texendas: coloribus autem duo genera facit, rubentem quam Græcam vocat, quæ finditur: candidorem, quam Amerinam appellat, paulo fragilorem, sed quæ solido ligat nexus. Indicat autem Oleagnum. in Asia præter nigram, & candidam, tertiam esse breuissimam, quam Helicem vocant apud Latinos quoque multos tria nomina esse. Vimineam eandem pur-

purpuream. Vitellinam alteram à colore, quæ sit tentior, Gallicam tertiam, quæ tenuissima: Salicis fructus ante maturitatem in Arancam abit.

C A P. X L V I I.

MYRICA frutex est in maritimis palustribus frequens, cultura tamen crassifrons in arborem iustum: materie lenta, ut *Salix*, sed foliolis veluti squamis ramusculos conuentientibus, ut in Cupresso: nam ipsa germina folia videntur carnosa, sed exiliora Cupresso: fructum fert in spica Salicis modo, sed exilioribus va sculis, quæ dehiscunt in quatuor partes, tenuem lanuginem effundentes cum seminibus. Quædam autem in hoc genere sterilis videtur, florem tantum ferens in spicis exilioribus, veluti Scoparum granula. Theophrastus fruticem hunc in plana descendere ait: ligno imbecillo in Græcia, sed in Arabia valido illicis modo, perpetue virente: foliis carnis constantibus pulpa. Dioscorides arborem sylvestrem apud stagnantes aquas nasci: fructum autem ferre quasi florem muscosum: Alterum autem genus in Aegypto & Syria domesticum oriri, in cæteris sylustri simile, sed fructu Gallæ proximo astringenti, quo vice Gallæ utuntur. Plinius Myricam & Tamaricem uocat similem Scopis Amerinis, inter infelices arbores putatam; quia nihil ferat, nec seratur unquam; in Aegypto tamen & Syria abundantanter lignosum fructum ferre, maiorem Gallæ, gustu alperum.

C A P. X L V I I I.

TRIPARTITA seminis sede pauca in genere arboreo reperiuntur: hucusque autem nouimus Buxum, & Myrthum, quarum flores summis fructibus insident. Buxus arbore est tenuis: materie densissima, & ualde æquali: colore pallido ad lautiora opera, quæ torno elaborantur utilis: cortice albo, & scabro: foliis densis, & paruis in rotunditate, oblongis, perpetue uirentibus, opere Topiario: fruscios fert inter folia racematum colore pallido: fructum colore uiridi, aridum Myrtho paulo maiorem, qui in summo in tres partes dehiscens binâ semina in singulis ostendit oblonga. Theophrastus de Buxo hæc habet: magnitudine non excellit folio Myrti: nascitur in locis algentibus, & asperis, perpetue uirens: serotina admodum fructum fert ingustabilem omnibus animalibus: materies spississima, & grauissima, etiam cum sicca est, rimas non sentiens, enodis; unde simulachra sculpere solent perpetua: medulla inest parua, & incerta. Plinius tria genera tradit Gallicum, quod in metas emittitur, amplitudineque procerior est.

Olea-

Oleastrum in omni usu damnatum; fert grauem odorem. Tertium nostrare, quod putat sylvestre, mitigatum satu, diffusius, & densitate parietum, uires temper, & tonsile. An Oleastrum fuerit denissimus frutex, qui in seculis matittimis sponte viuentorum tondetur Buxi modo, quem Alaternum alibi uocat?

C A P. X L I X.

MYRTVS arbor est fruticosa in sterilibus montibus, & maritimis nascens: subrutto cortice: materie candida: foliis Buxo latiotibus, in acutum desinentibus, odoratis, perpetuisq; flores fert candidos, foliatos, multis in medio staminibus, ex aliis foliorum longo pediculo prodeentes, ex quibus aqua odorata per distillationem extrahitur: fructus oblongos, Oleo figura minores, qui intres apices florem sustinentes desinunt: intus semina multa, candida, & de preisa triplici septo membranaceo distincte continentur, circundata exterius communis pulpa odorata: color in maturitate, aliis niger, aliis ex rubro candicans: differt quoque latitudine foliorum, & angustia. Ex Hispania quoddam genus habetur angustissimi folii, sed numerofissimi: coluntur in hortis opere Topiario, licet in montibus cedantur hodie ad coria deplanata, ut Rhus, & Lentiscus. Dioscorides Myrrhium domesticam uocat, candidam, & nigram, licet in eodem genere quandam montanam appelleret in Medicina magis probatam, fructu tamen infirmiori. Sylvestrem autem Myrrhum inter suffruices recenset Oxymyrsinum & Ruscum appellans, de quo nos suo loco dicemus. Ad Myrrhi caudicem adnasci uerrucosum quicquid intumescentem, & inaequale, & concolor, ueluti manus caudicem amplectens, Myrrhidanum uocant, quod in pastillos coactum, & umbra siccatum, multo efficacius est ad astrin- gendum, quam folia & semen. Plinius coniugalem quandam uocat à coniugiis dictam, nam Veneri dicata est. Hanc nostratem esse folio pa- tulo, Tarentinam aliam folio minuto, Exoticam denissimo senis foliorum uetsibus. Theophrastus arborem in fruticem transire, nisi sepius purgerur, & quo pauciora reliqueris melius germinare, & fructum copiosius ferre. Agit uitam ancipitem in montibus scilicet & planis. In agro Latino in planis. Mons Cyrcensis ea scatet, quem modo Coronarij generis videtur, cum cæteræ ampla exeat magnitudine, perpetue virerit: foliis crebris, angustis, & odoratis: flos super fructum insidet: fructificat autem ex annotinis: fructus vinosus: oritur ligno & râmo; ex semi- ne degenerare aiunt, nec colorem seruare, sed ex fructu nigro rubrum fieri. In Aegypto tenuis est, & odore longe præstantior: fructu exiguo, nec candido, sed nigro.

C A P. L.

VA D R I P A R T I T A seminis sede habentur manifeste quidem Siler, obscure autem ob fructus paruitatem Vitex. Siler quem vulgo Silium, alij Fusaginem uocant, arbuscula est in sēpibus nascens inter Ligustra, & sanguineos frutices: cortice constat candicans: materie densa, candida, quæ laudatur ad parua opera Torno elaborsanda, & fusos: quia non curuatur: folio latiore quam Ligustrum, serrato: floret uere in racemulis paruis: flosculus ex uiridi candicans: siliquas fert quadrangulas, quasi cruciformes, in maturitate puniceas: in singulis loculis, singula aut bina semina continentur, magnitudine Vicie, tenui quodam pericarpio croceo obducta, quibus mulieres vtuntur ad capillum nutriendum cum axungia. Plinium puto hanc Sileris nomine intellexisse, quamuis paucas de ea tradat notas: recenset enim cum virga Sanguinea, & Ligastro Silerem, cuius folia illita fronti capitis dolorem sedant: eiusdem semen tritum cum oleo Phthiriases coerct: serpentes & hunc fruticem refugiunt: baculumque rustici ob id ex eo gerunt: gaudet aquosis, vt etiam Ligustra: Theophrastus videtur eandem Euonymum appellasse, arborem Punicę magnitudine: folio maiori, & molli: germinare incipit mense Septembri: floret in vete: flos colore albæ Violæ: odore graui veluti cruoris: fructus cum putamine Siliquæ Sesame proximus, intus solidus in quatuor partes diuisus: hic pecus encat gustatus, etiam folium, præsertim capras. Forte melius hęc Atractylis dicenda esset à fusō, quam spinosa herba in genere Cniciphonos appellata à Theophrasto; quia cruentum fundit, & redolet morticinium. Nam similitudine odoris, non vsu aliquo, fusorum translatum videtur nomen Atractylidis ex Fusagine in Phonon, quem Theodorus Fusum sylvestrem vertit. Plinius ex Theophrasto Anonymon depravate forte legit non absimilem Punicę arbori, interque eam & Laurum folij magnitudine: figura vero & mollitia Punicę: flore candidior est, statim pestem denuncians. Fert siliquas Sesami Similes quadrangula figura: intus granum spissum lætale animalibus, nec non & in folio eadem vis.

C A P. L I.

VIRGAS vulgo Agnus Castus, arbor est minor Salice, virgas longas ferens, lentas, cinereo colore: folia Salicis, sed in uno pediculo plura, Cannabis modo: floret in summis virgis per intervalla, vt Marrubium: floribus Verticilli modo cingentibus surculos: figura Rosmarini Coronari, sed magis in cœruleum vergentibus: fructus rotundos;

rotundos, aridos, Piperis magnitudine, cinerei coloris, quaternis intus seminibus, sed vix discretis, odore acuto. Theophrastus Agnon vocat vt Dioscorides, sed non bene Theodorus Amerinam vertit Salici ascribendam: frutex ex cultu arborescit: flos super fructum insidet: frutificat cacuminibus. Plinius Viticem scribit non multum à Salice distans Vitilium vsu: foliorum quoque aspectu, nisi odore gratior esset. Agnon à Græcis vocatam; quoniam castitatis custodiendæ gratia Matronæ his foliis cubitus sibi sternunt. Duo eius genera: maior in arborem Salicis modo assurgit: minor ramosa: foliis candidioribus, lauginosis, prima album florem mittit cum purpureo, quæ & candida vocatur; nigra, quæ tantum purpureum: nascuntur in palustribus campis. Diocorides inquit frutex est in arborem assurgens: nascitur in fluminis ripis asperisque locis: ramos gerit longos, fractu contumaces: folia Olivæ, sed molliora, Duo genera eius: vna album florem mittit cum purpureo, altera tantum purpureum, & semen vt Piper.

C A P. L I I.

MULTIPLICI seminis sede, & indeterminatiōri numero multa reperiuntur: horum autem quædam fructum ferunt exterius communi cortice in testū, vt Malorum genera, quædam eundem habent tegente proprio singulorum corpore, vt Conifera: hæc enim veluti ex squamis compactilem fructum ferunt, sub singulis squamis semina continentur, vt Pinus, Picea, Abies, Cupressus, & cætera huiusmodi. Seminis autem cor in omnibus iis est in parte inferna. Flos autem nullus, aut si quis est, amentaceus est: constant omnia succo pingui, quæ Resina appellatur, sponte, aut vi ignis resudans ex ligno, aut etiam fructu, & foliis: omnibus folia angustissima sunt & dura, longissima quidem in Pinu, breuissima in Cupresso, medio modo in Abiete. Pinus ingens est arbor in montibus apricis: cortice scabro, & subrubenti: materie robusta, sub flava, odorata, pingui: Rami ordine prodeunt ternis per interualla germinibus, vt eius summa in amplam latitudinem ad rotæ similitudinem spargantur: foliis in modum setæ productis, acutis, perpetuis numeroso ordine totos ramos vestientibus: Amentaceum quid fert vere puluerulentum: Nuces in rotunditate modice oblongas, turbinata figura, impletæ utramque manum, ex lignosis squamis compactas: sub singulis squamis bini, vt plurimum continentur nuclei, ob longi, ossei, subnigro quodam puluisculo obsiti: seminis medulla intus pinguis, gustu dulcis, & odorata, non bipartita, vt in cæteris plurimis, sed veluti in alio nouellam Pinum tanquam frutum continens, cuius radix inferius spectat, quo modo tantum nascitur vñica radice in altum

R dimissa

dimissa. In hoc genere feminam vocant longiorē nucem ferentem, mā
 rem autem rotundiorē. Pinaster id est Pinus sylvestris in cæteris simi-
 lis, sed graciliori caudice; nuce pyramidali: nucleis ob paruitatem inu-
 tilibus, præterquam ad columbatum cibum; his enim vbetius significans;
 sunt nuclei nigriores, ac dentibus fragiles, quibus membranacea quæ-
 dam ala adnexa est. Aliud genus paruum in maritimis oritur; leui cor-
 tice ac cinereo: nucem hæc Pinastro similem fert, sed multo minorem:
 folia capillamenti modo tenuissima: Picea, quam in Alpibus Fœdam
 vocant: quia vntunt ad lumina, erecto caudice assurgit, non filio in-
 ramos, vt Pinus, sed ab imo ad verticem usque ramis veluti brachiis gra-
 datim porrectis, vt in Abiete, utrisque minor: foliola fert brevia specie
 quidē Pini, totos ramos circundantia, sed breviora multo, tenuioraque,
 & virentiora; paniculas potius quam conos fert, longas, & graciles, te-
 reti figura, ex tenuibus squamis compactas, & fragilibus, resinofas, atque
 odoratas, in quibus semina exigua continentur ferme foliacea. Audio
 in Tridentinis montibus alias differentias reperiri. Quandam in genere
 sylvestris Pini ramos ferre humi procumbentes, vtilem ad cingenda va-
 sa vinaria: aliam aspectu Piceę, sed foliis Pini: nucleis fragilibus, vt fa-
 cile dentibus comminui possint, Cerabrum vocat: aliam, cui soli folia
 decidunt hyeme, eximis proceritatis: cortice valde crasso, rimo soque
 intus rubente: ramis è caudice gradatim prodeuntibus, ad ratis multis
 more Salicis, lenti, colore luteo, odore non inicundo: foliis densis, ob-
 longis, molibus, comosis, Pineis angustioribus, & minime aculeatis:
 conos ferre Cupressinis admodum similes, cui & similis existit, cum no-
 uella est, odore non ingrato: Flores ineunte vere emergunt in cacumini-
 bus in purpura valde rubentes, odoratique: materies durissima, præ-
 fertim quæ in meditullio rubescit. in hac sola Agaricum reperiri: Resi-
 nam fundere liquidam, quæ pro Terebynthina vendit, hanc vero La-
 ricem vocari. Theophrastus Pinum Græce Peuce vocat: Piceam vero
 Pityn, licet Theodorus eandem aliquando Laricem verat. De Pinu igi-
 tut hæc habet, arborem proceram nodosam, non nisi locis apertis pro-
 uenire: radicem unam, & prægrandem, quæ in altum descendit, paruis
 compluribus ab illa prodeuntibus, sed nulla sobole; iis enim adustis
 nunquam regerminare visa est: vetustate Tedam ingerit radice & medul-
 la, quæ lignosa est: per mortuum autem tota efficitur Teda: ramos ex equo
 conditos habet, geniculis inuersus rectos porrectis, germinatione ter in-
 termissa paucis diebus, & ter nouis editis per intervalla germinibus de-
 ciso cacumine inarescit radicitus eodem anno: semine tantum proue-
 nit: folia capillata, pinguis multa excavata, profunda, & inclinata, ex-
 tremitate puogentia: præter fructum amentum fert deciduum, quem
 aliqui florem putant: genera vero assignat Urbanam; & sylvestrem: Ur-
 banæ

banz quoddam genus folium habere perpetuum . sylvestri autem omni
 id perpetuum esse , cuius duo genera , Ideam in monte Ida , cretiorem , ex
 celiore , ramosiorē , & crassiorem , quæ & copiosiore dat Picem : Nucem
 vero oblongiorem , viridem , quæ minus dehiscat : Marittimam alteram :
 folio tenuiori , imbecilliorique : cortice leuiori , utique ad coria : li-
 gnum validius : nucem rotundam , quæ breui dehiscat : Alij Ideam fe-
 minam esse : marittimam autem marem ; & tertium genus addunt steri-
 lem , quæ conifera non sit . Quod vero Pinis subnascitur colore Teda ru-
 bidius , maribus potius inest , odoris grauissimi , nec Tēdam redolens ,
 nec flagrans , sed ab igne dissiliens : ex quibus colligi licet vibani quod-
 dam genus esse , cui folia decidunt , quod in ea solum est animaduersum ,
 quæ Larix putatur : Nam & Plinius Larici tribuit , quæ Theophrastus Pi-
 no : cui autem folia insunt perpetua , in genere urbano notissimum est ,
 id scilicet , quod initio descripsimus . Sylvestris autem genera iis , quæ po-
 suimus , satis conuenire possunt , quamuis id , quod in marittimis vidi-
 mus , non rotundam sed oblongam nucem ferat , in acutum definentem ,
 quasi mas & femina , & in marittima , & in montana , & in urbana nota-
 ri possint . De Picea autem scribit , caudicem Pino minorem , minus ere-
 cūm habere , & evidentiorem , idest materiam magis perspicuam , & ope-
 ribus tenuiorem , id est minus aptam : folia capillata quidem , & in extre-
 mo pungentia ut Pini , sed pauca , tenuiora , squalidiora , & horrentiora ,
 perpetua : conum minorem , & nucleum horridiorem , magis resinofu-
 sum : adustis radicibus regerminare affirmant : montibus propriam ;
 quia in planis nasci nequit : auctu facillimam , & protinus fructiferam :
 amentum ferre , quem alibi racemum florentem appellat , non vuam , ut
 Theodorus vertit . Duo genera esse urbanam , & sylvestrem : Utbanam ,
 quæ conifera alibi φθειρόφορος cognominatur . Theodorus Piceam Tineo-
 sam vertit : puto autem à fragilitate nucleorum potius cognominari :
 φθειρός enim fragilem significat . Plinius Sapineum vocat huiusmodi
 fructum è Picea sativa , nucleorum cute verius , quam putamine , adeo
 molli , ut simul mandatur . Alterum Tarentinum digitis fragili puta-
 mine , auiumque expositum furto in atbore , fuerit autem hic , quam Ce-
 rabrum vocari diximus in Tridentinis montibus . Sylvestris autem Pi-
 cea φθειρόφορος : id est pediculifera cognominatur ab eodem Theophras-
 tro : ex i semine ut Cupressi , qualis ea est , quam vulgo Tēdam vocari di-
 ximus . Plinius autem sex cognatas arbores tradit . Pinum , Pinastrum ,
 Strobilum , Piceam , Laricem , Tēdam . Pinus in vertice tantum ramo-
 sa , fert minimum resinæ , interdum ex nucibus ipsis , quæ grandissime
 sunt , quæ nostra est urbana . Pinaster mita altitudine , & à medio ramosa ,
 copiosiorem dat resinam : Videtur Ideam intelligere . Strobilus per oram
 Italie gracilis , succinctior , & enodis penè sine resinâ , ad usus liburnicarū ,

maritimam intelligit. Picea montes amat & frigora, plurimam resinam fundit interueniente candida gemma, qua Thus adulteratur: folia breviseta, & crassiore, & dura: rami statim à radice modici velut brachia, lateribus inherent, vt in Abiete, materia vtilis ad trabes, & alia opera plura, resina ei, vitium est, quam paucam resudat solibus; Videtur autem urbanam Piceam intelligere, cuius fructum Sapineum vocati scribit, nō enim sylvestrem intelligit, cum eius materies sit operibus inepta, & resinæ plurimum ferat. Larix in eodem situ nascitur, quo Picea, eademque facies, altior, materia longe præstantior, incorrupta, emori contumax, rubens, & odore actior: cortice crassior, leuiorque: folio villoso, pinguior, & densior, moliorque flexu, totaque horridior, & perfusa resinæ. At Piceæ rariora, siccioraque folia, & tenuiora, ac magis algentia: plus Latici erumpit liquoris melleo colore, atque lentiore, nunquam durescens: eius morbus est, vt Teda fiat, sed à cæteris differt: aliarum enim Teda accensæ fuligine immodica carbonem repente expuunt cum evaporationis crepitus, eiacylanturque longe, excepta Latice, cuius Teda nec ardet, nec carbonem facit, nec alio modo ignis vi consumitur, quam lapides. Cæteræ quoque perpetuo virent, nec facile discernuntur in fronde à peritis: Latix vtilis radicibus non repullulat Picea repullulat. In ceteris nucamenta paniculatum modo squamatim compacta pendent, præterquam Latice. Datur mas & femina, vt in cæteris generibus, in Macedonia Laticem masculam vrunt ad picem: feminæ radices tantum: hæc satis conueniunt Latici superius dictæ. Teda proptie dicta abundantior succo, quam reliqua parcior, liquidiorque, quam Picea, flammis, & luminibus færorum etiam grata, eandem videtur intelligere sub nomine Piceæ, cū inquit, eam totis paniculis minoribus, quam in Abio te mascula, & gracilioribus, nucleos minimos ac nigros habere, propter quod Græci Phthirophorón appellant: in eadem nucamenta compressiora maribus sunt, ac minus resina roscida. hæc Piceæ sylvestri conueniunt, quam etiam hodie Tedam vocant. Dioscorides meminit Piceæ, & Pini, & Strobili arboris: eadem vi corticis & foliorum, quæ Pini & Piceæ: resinam quoque Strobilinam inter siccas recenseret: Strobilos autem fructus eiusdem laudat ad vrinam & renum vitia, tanquam diuersos à Pityide, qui fructus est Piceæ & Pini in conis repertus ad tussim, & vitia pectoris vtilis: Plinius tamen Pityida vocat Epinastris: meminit & Laticis resinæ sic patrio nomine appellatæ. in Gallia inter liquidas melleo colore, quam nos vulgo Trementinam vocamus.

C A P . L I I I .

ABIES arbor est rectitudine & altitudine cunctas excedens: ramis ab imo ad summum usque caudicis vnde circumdantibus veluti infixis usque in internam medullam, quod materiem nodorum frequentia robustiorē reddit, alioqui neroſam valde: fibris in rectitudinem tendentibus: rami perpetuo ordine coniugatim à lateribus tantum germinant cruciformi aspectu, totam latitudinem impientes, quibus paries stragulorum vice exornant: nam & folia similiter cuncta per totoſ ramos tendunt in latera, auium pennas imitantia quæ alioqui viderentur Piceæ, niſi latiuscula, & minus acuta eſſent, hilari aspectu perpetua, conos fert Piceæ; vomicas habet intra corticis tunicas resinoso ſucco plenaſ, quem oleum Abietinum uocant odoratum, uulneribus optimum, lachrymam quoq; fundit ex gemmis more Populi, odoratissimam. Theophrastus de Abiete haec habet, mōſtibus propria; nam in planis nasci nequit, ſed in umbrosis pulcherrima aſſurgit, ut in Arcadię loco quodam concavō, & ſilente à uentis, quem nunquam ſolem attingere aiunt: Abies plurimū tum longitudine, tā crassitudine cæteris preſtant ex quibus nauium malos & antennas, & trabes optimas faciunt, ſed ad lauitora opera in apricis magis laudantur, cortex ex multiplicitate tunica coſtat; lignum neroſum & fiffile; nodis rectis, ramis quodammodo infixis: Ideo Abies validiſſima ad pondus uſtincendum; nam neque rumpitur, neque cedit, rectis idonea ob corporis raritatem; radicem unam prægrandem in altum demittit vt Pinus, & germinationem ſimiliter intermittit ramis ex æquo conditis; perpetue uiret folia multifida, & quaſi ferrata extremitate pungentia alarum ſimilitudine, ſemper in minores pennas definentia, vt tota species ſit Filicis fæminæ, ad eo densa, vt neque niuem neque imbreſ transmittant; ſuccum fert pingueſ & resinofum; Amenatum ſue florem croci colore pulchrum, paulo ante ſolſtitium: fructum dimittit post Virgiliarum occasum: prouenit tantum ſemine: deciſo cœumine in aſcēſcit radicitus eodem anno. Duo genera mascula & fæmina: Mari folia acutiora & magis pungentia, & magis flexa, ideo aspectu criſpior tota arbor uidetur, in conis ſummiſ paucos fert nucleos, fæmina autem nulloſ. Plinius Abietem ſcribit è cunctis ampliſſimam, cuius fæmina etiam prolixior: materia mollior utiliorque: arbore rotundior, folio pinnato densa, vt imbreſ non transmittat, at hilarior intuitu, Abies masculæ in nucamentis prima in parte nucleos habent, non item fæminæ...

C A P. L I I I I.

Axvs vulgo Nassus vocatur, in Alpibus, arbor Abieti valde similis, minor : foliis nigroribus acutioribusque : flosculos amentaceos fert inter folia sine fructu : quæ autem fructum fert, eum rotundum gerit, & rubentem Agrifolij baccis similem, gustu dulcem, & vinosum : sed qui mandit, in febrem & dissenteriam incidit : lignum subrubens, venosum ac densum, ad lautiora opera tornatile; caret resina : quamuis autem hæc conum non ferat, constitutio tamen fructus similis est, ut patebit in Cedro, & Iunipero : Theophrastus græcc μίλον vocat : montibus propriam : in planis nasci nequit : gaudet vehementer vmbrosis : genere simplex, procera, auctu insignis, similisq; Abieti, non adeo excelsa, magisque alis sinuata : folio quoque similis : sed pinguior, molliorique ligno : quæ in Arcadia nascitur, nigro aut puniceo; quæ autem in Ida, flavo, & Cedro simili, ut pro eo vendant ; nam totum cor esse videtur detracto cortice, quem scabritia, & colore Cedro similem habet : fructum fert Faba paulo maiorem, rufum & mollem, qui ab aliquibus hominibus innoxie manditur, suavisque : folia aiunt iumentis lætalia, ruminantibus nequaquam : perpetue viret : germinat tardissime : floret, & fructum reddit cum Abiete. Plinius Taxum scribit Abieti similem, minus virentem, gracilem & tristem, ac diram, nullo succo : ex omnibus solam bacciferam. Mas noxio fructu, præcipue in Hy spania, lætale venenum baccis inest, vasa etiam viatoria ex ea vinis facta in Gallia mortifera fuisse compertum est. In Archadia tam pestilentis veneni, ut si qui dormiant sub ea, cibumue assumant, moriantur : sunt qui toxicæ venena, quondam taxica ab hac arbore appellata scribant. Dioscorides Smilacem vocat Abieti similem in Italia & Narbonensi Gallia Hy spaniæ contermina; baccis noxiæ in Italia, vmbra in Narborensi.

C A P. L V.

VPRBSSVS arbor est, quam iuxta sacras ædes serunt ornatus gratia, in rectitudine tantum crescens, more Abietis & Piceæ : ramis dense circumuestientibus, modo fastigiatis, quæ fæmina vocatur : modo ad latera sparsis, quæ mas; foliis nullis, sed ipsamnet germina tenuiter Feniculi modo scissa : folia videntur pulposa, insunt tamen in nuper nascentibus foliola brevia acutaue, sed hæc in adultis degenerant, in breuissimas veluti squamas totos surculos conuentientes : amentaceum quid exile fert, in summis germinibus, conum Nucis magnitudine, ex crassis & lignosis squamis constantem, quibus dehiscientibus

bus parua quædam semina decidunt. lignum odoratum, & resinosum, non sentiens putredinem. Theophrastus arborem proceram scribit, & longo caudice: lignum macilentum, perpetuum, rima non capit ob carnis æqualitatem, unde simulachra fiunt: radices summe hærentes terræ: sed nulla sobole; folia carnosa velut pulpa constantia, perpetue virentia, semina parua visu vix percipienda, non enim fructus id totum est, quod pilæ speciem gerit, sed quod cono innascitur, prætenue, exile, & quasi Piceæ semini proximum, quod pilula sua dehiscente dilabitur, & legi proinde non nisi ab experto homine potest. Ex semine tantum prouenit cæteris in locis: At in Creta etiam trunco. est enim Cupressus illi insulæ familiaris, ut ubique etiam terra subacta, & dimota sponte nascatur. Est mas & fæmina, scilicet ex semine plerumque pro fæmina marem nasci affirmant: simum & aquam nullo pacto concupiscit, imò emori dicitur, si nouella copiose adqueretur. Plinius aduenam in Italia quondam fuisse, & difficillime nascentium, Diti sacram, & idèo funebri signo ad domos positam. Duo genera earum Meta in fastigium coarctata quæ fæmina appellatur. placebat tantum distinguendis Pinorum ordinibus, postea tonsilis facta in densitate parietum coercita gracilitate, perpetue tenera: trahitur etiam in picturas opere Historiali. Venatus, classis, & imagines terū tenui folio breuique ex vidente superuestiens. Mas spargit extra se ramos, deputaturque, & accipit Vitam, utraque autem immittitur in perticas asseresque amputatione ramorum, qui decimo tertio anno denariis singulis veneunt. Quæstuosissima in satus ratione sylua. Vulgoque dotem filiarum antiqui plantaria appellabant.

C A P. L V I.

AD Cupressum reduci oportere videtur Thuiæ apud Theophrastum: nascitur in montium cacuminibus & locis algentibus, apud Ammonis Fanum, & in Cyrenensi agro, excelsa, Cupressus similis tum ramis, tum foliis, caudice, fructuque, vel potius seu Cupressus sylvestris: materies incorrupta omnino, ut contignationes ex ea vestissimæ reperiantur: radice arboris nihil crispus, ex qua præciosa opera conficiunt & simulachra. Plinius hanc Cedrum ab Homero Trogetem vocari, ab aliis Thya celebrem, non modo ad vetustissimas contignationes, sed etiam ad mensas, ut Ciceroniana memoria est, arbor Cupresso fæminæ etiam num sylvestri similis, folio, odore, caudice, laudatissimam fert mons Anchorarius citerioris Mauritaniæ, præcipua dos mensis in vena crispis, vel in vertice variis, quibusdam Tigri, quibusdam Pantheræ similitudine, quædam vndatim crispa maiore gratia, si Pauonum caudæ oculos imitentur, sed harum materia Tuber est radicis vitium.

C A P. L V I I.

SABINA vulgaris arbor in marittimis, petrosis, crassior Iunipero : alioqui similis tum cortice, tum ligno ; sed foliis Cupressi : in nuper tamen nata folia sunt Iuniperi pungentia, sed breuiora : fructus fert rotundos, flavescentes, magnitudine Fabæ, resinosos, in quibus tria aut quatuor semina continentur, ut Iunipero, tota odorata est. Dioscorides in codice Hermolai Iuniperum maiorem vocat, seu Cupressum sylvestrem, Cupresso persimilem, quæ nascitur in asperis, ac fere marittimis. Theophrastus quoque Iuniperum vocat, licet ab aliis Cedrum, vocari testetur : sed foliis maxime distat : non enim dura & acuta, qualia Oxycedro, sed mollia Iunipero sunt folia : excelsior quoque nasci videtur. Plinius hanc inter Cedros minore odore præstantem scribit. Sabina vera arbuscula est breuis, cacumine, & omnibus ramis deorsum inflexis in terram, ut in quodam genere Iuniperi contingit : folia Cupressi videantur, nisi squamuæ acutiores essent, odore acri : fructum non vidi-mus. Dioscorides duas assert, vnam, quam modo descripsimus, breuem, & in latitudinem magis fusam : folio Cupressi, spinosiorum : odore graui, acuto, feruenti gustu, qua ad suffitum pro Thure vtuntur. Alteram Tamarici similem. Plinius herbam Sabinam vocat, quam Græci Bras-tym appellant, duorum generum, Altera Tamarice folio similis est, altera Cupresso. quare quidam Cupressum Creticam vocant à multis in suffitu pro Thure usurpatam ; propagine seritur & auulsione, ut Rosma-trinum, quoniam neutri semen inest.

C A P. L V I I I.

IVNIPERVS arbuscula est, fruticosi potius generis : cortice scabro, & deciduo : ligno crispo, & flavo, odoratoque, tenuem lachry-mam gignens, resinolam, Vernicem vulgo appellant fabris & pictoriis utilem ad tectoria cum oleo : folia Piceæ robustiora, magis pungentia, & superne candicantia, quæ floret, fructum non fert : sunt autem flosculi amentacei exiles inter folia : quæ fructum fert, non floret : fructus baccas est rotunda, tanquam ex tribus squamis constans : vnde patuu quidam triangulus in summo appetat : pulpa non lignosa, vt in cæteris coniferis, sed in maturitate mollis, & dulcis cum quadam acre-dine : semina intus tria, aut quatuor continentur, veluti triangula : maturescit anno secundo, ut aliquando fructus trium annorum continantur, cum is, qui maturus est, seruatur ad tertij anni fructum nascentem. Eius duo genera summa, vnum in montibus magis, & locis algentibus :

fructu

fructu magnitudine Myrthi, in maturitate nigro: flosculus similiter eius
 generis nigrat: Alterum in maritumis: fructu nucis Auellanæ ma-
 gningudine, in maturitate flavo: flosculo autem eius generis flavescente.
 Reperi & Montanum fructu flavo. Montanum facilius in fruticem de-
 generat; & quoddam Sabinæ modo toto frutice in terram inclinatur:
 Maritimum magna ex parte crassius, ramis minus densum. Dioscori-
 des maritimum, Iuniperum minorem vocat, fructu Auellanæ magni-
 tudine, odorato, rotundo, & in mandendo dulci cum quadam saliedi-
 ne, montanum autem non Iuniperum sed Cedrum appellat Iuniperi mo-
 do baccas ferentem, Myrthi magnitudine, rotundas. Videtur autem
 duo Cedri genera ponere magnum scilicet & parvum, licet verba eius
 non exprimant in nostris codicibus: in quodam tamen vetusto codice
 in hunc modum repetitur. Cedrus arbor magna est, ex qua picem col-
 ligunt, quæ Cedria vocatur: fructum fert ut Cupressus, sed ut plurimum
 maiorem. fertur autem & altera Cedrus parva aculeata, quæ Iuniperi
 modo baccas parit Myrthi magnitudine, & quæ sequuntur: Galenus
 quoque id comprobat asserens. Cedrus specie duplex est, altera frutico-
 sa Iuniperis assimilis, altera arbor non exigua. Plinius similiter mino-
 ris & maioris Cedri meminit: minor Iunipero similis: duo genera, Ly-
 cia, & Phœnicia, differunt folio: nam quæ durum, acutum, spinosum
 habet, Oxycedros vocatur, ramosa & nodis infesta. Altera odore præstat:
 fructum ferunt Myrthi magnitudine, dulcem sapore. Videtur autem,
 intelligere per Oxycedrum Iuniperum montanam, per alteram autem
 olore præstantem, nostram Sabinam vulgarēm: virgine enim fructum
 ferunt Myrthi magnitudine, licet Sabina illa paulo maiorem habeat,
 quam Iuniperus montana: Maioris quoque Cedri duo genera esse tra-
 dit, quæ floret, fructum non fert: fructifera non floret, & in ea ante-
 cedentem fructum nouus occupat: semen Cupresso simile, Quidam
 Cedrelatem vocant ipsam magnam Cedrum, cuius laudatissima resina
 Cedria appellata, & materies æterna, ex qua Deorum lymulachra facti-
 tauerunt. hanc diuersam à Thuiā puto, de qua superius diximus. Nam
 & apud Theophrastum reperio huius Cedri magnæ factam mentionem
 præter Thuiam. De Iunipero autem idem Plinius, ut Dioscorides tra-
 dit, duo genera, maiorem & minorem. Alibi scribit Iuniperos non flo-
 re: Quidam earum duo genera tradunt, Alteram florere nec fructum
 ferre, quæ vero non floreat, ferre protinus baccis subnascientibus, quæ
 biennio hærent; eius oleo vites Cedri insunt: nam materies peruncta,
 nec tineam, nec cariem sentit. Vasta hæc in Hispania maximeque baccæ
 eius: medulla eius ubique solidior etiam quam Cedrus, videtur au-
 tem intelligere Dioscoridis Iuniperos, scilicet unam fructu nucis Iu-
 glandis: Alteram Auellanæ. Theophrastus diuersas assert sententias,

circa Iuniperi & Cedri appellations. Nam quidā duas Cedros tradunt, vnam Lyciam, alteram Phoeniciam. Alij vnicam tantum esse Cedrum similem Iunipero, sed folio maxime distare; nam Cedro duum & acutum & spinosum esse; Iunipero autem mollius, quæ & excelsior est. Ex quibus colligo per Cedrum intelligere nostras Iuniperos, per Iuniperum autem nostram vulgarem Sabinam: Quod autem subiungit ex aliorum sententia: utrasque Cedros vocati, sed alteram distinctionis gratia Oxycedrum, idest Cedrum acutum appellari; in eisdem versari videtur, scilicet non pungentem Cedrum vocari, pungentem autem Oxycedrum: utrasque nodosas, alosas, & ligno tortuoso. Aliter autem decernerē videtur, cum subdit, magis autem Iuniperus paruam habet & densam medullam, & cum ceditur, cito putrescentem. Cedrus autem plurimum cordis habet, & non putrascit; tor in utrisque rubet, in Cedro quidem odoratum, in altera autem nequaquam. fructus autem Cedri quidem flaus, Myrthi magnitudine, at Theodorus non hoc modo legit, sed pulchet; odoratus, gustu suavis: Iuniperi autem in cæteris similis, sed niger, acerbus, & quasi ingustabilis, durat in annum, decidens, cum alter subnatus fuerit. At ut Arcades volunt, fructus simul ternos retinet; id est anni proxime exacti non dum maturum, & tertij ante presentem matutinum atque gustabilem, & tertium nouum ipsum demonstrant. Ambas sine flore, cortice similes Cupresso, verum scabriori: radices rarae & summa tellure, nascuntur in saxosis & frigidis locis, ex quibus colligere licet per Iuniperum significare nostram montanam Iuniperum, per Cedrum autem Maritimam. Ad hanc Iuniperi acceptionem reduci visentur, quæ alibi sparsim de Iunipero scribit, scilicet montibus propriam esse; non florere vel, vt Alij; Alteram quidem florere, sed fructum non ferre: Alteram non florete, sed protinus fructum ostendete, sola in hanc in biennium fructum seruare, & tardissime omnium perficete in cacuminibus montium, & locis algentibus nasci quidem, sed non in excelsum: ad tem ædificatoriam, tum subdiualem, tum obruendam sub terra commodam esse, quia eo modo durat immunis à putredine, lachrymam gignere. Ad Cedrum autem eo modo acceptum reducenda sunt, quæ sparsim de Cedro loquitur, scilicet lignum esse macilentum, seu materiem excarnem esse, & æqualem, vt rimas non capiat, perpetuam, vnde symulachra sculpere solent: folia extremitate pungentia, radice per summam inniti. In Syria montibus longitudine & crassitudine præstantissimas esse, vt sint, quas vlnæ hominum quatuor nequeant amplecti, & inibi vti ad Tritermes. Deciso cacumine interire, vt quidam testantur. Eius materiem natam esse humorem emittere, vt cæteræ, quibus humor inest oleosus. Quamobrem vias esse statuas è Cedro aliquando iudasse, propterea ex his Deorum statuas condere solent. Ex quibus significatur Cedrum

Cedrum quandam magnam esse congenetem minori , cuius etiam meminit Plinius , & quam viderut intellectisse Dioscorides . cum Cedrum inquit esse de magnis arboribus , quæ picem dat Cedram vocatam : Ex lignis Juniperi montani igne superposito liquor extrahitur , qui oleum de Junipero vocatur apud Mesuem , efficacissimum ad cutis infectiones , & alia multa : Si hoc pro Cedra vteremur , puro non minorem in ea efficaciam futuram , quam si ex magna Cedro haberemus . Ex fructibus quoque oleum extrahitur per sublimationem vino prius madefactis ; qua operatione & aqua & oleum elicuntur ; Aqua ad calculum tenuum & vehiculam prodest , urinam & menses elicit singulis diebus porta à duabus unciiis ad tres ; extrahit quoque fæcum mortuum unciiis quatuor bibita ; aduersatur venenis : Oleum efficacius ad omnia praedita : extinsecus quoq; innigeretur ad frigidos articularum dolores , & tetra uicta . Recipitur in aqua ardente adiecis aliis quibusdam aromatis , & pugnantibus aduersus putredinem pestilentem , ut ex omni miscella iterum aqua distilletur , presentanem remedium iu febre pestilenti , exhibita à drachmis diuabus usque ad quatuor cum totidem unciiis aquæ Acetose paulo ante accessionem ; Nam ueluti fulgor propellit ab internis , & dissipat malignam putredinem , nunc sudores mouendo , nunc urinam copiosam , aut aliam insensibilem excretionem , repetitur potio usq; ad tres uices . Ex fructibus iisdem , aut Juniperi marini , cum marini sunt , uino remollitis exprimitur liquor , qui saccato exceptus , utilissimus in tempore pestis ; præseruat enim ex pulmone ac pectori educit purelenta .

C A P. L I X.

MAJORVM genus fructu constat pulpo : sed pulpa in aliis reperitur simplex , vt in Malis propriæ dictis & Piris : in aliis duplex , vt in Citrio , Aurantio , Limone ; Quorum interna substantia , in qua iacent semina , succo constat , veluti ex parvis utræculis congesta , sapore acido , intercursantibus membranis multa semina cum succo claudentibus , distinctis , vndique septis pro sedis seminum multitudine : externus cortex est continuus , carnosus , & crassus : arbores Lauro similis tum cortice , tum foliis , maioribus tamen , mollioribusq; , & magis odoratis ; aculeos habet rectos , & robustos , non tamen frequentes : Flores candidos ex pulpolis foliis constantes , valde odoratos : in se de fructus : gaudet apricis & læro solo : exornat viridaria , & parietes cœuclit perpetua fronde & fructu , qui etiam maturus diutius conseruatur in arbore , donec altere subnascatur . Distat fructu , qui in aliis oblongus est , in aliis rotundus : magnitudine quoque & paruitate : sapore : aliisq; differeatius . Citrus fruticosa est : longiori folio : fructu grandissimo .

quod Citrium vocatur, aliquando magnitudine Melopeponis, oblongo, & tuberoso, colore pallido exterius: carne candida, duriuscula, dulci, & valde odorata: internus succus subalbidus, parcior est, & valde acidus: semina oblonga, membranoso cortice intecta, quo ablato semina videntur Piri, amara: toto anno floret; facile prouenit ramo sata com modissime iuxta parietes, ut rami affixi pondus fructus sustinere queant: radices Vitis modo, alias profundas, alias summa tellure agit, sed has amputant, ne in æstu arefcentes totum fruticem ledant. Theophrastus Malum medicam, seu Persicam vocat: Mediæ, & Persicæ peculiarem: arbo rem folio Potulacæ, odoratissimo, aculeis vehementer acutis, & validis, ut in Piro, & spina acuta. Pomum eius non manditur, sed odore præcellit, huius gratia conditur inter vestes, ut à tineis defendantur: facit & ad oris suaveolentiam, & mortifera venena ebibita, si quis interna eius decoixerit, expresserit, ac absorbuerit. fert postea omnibus horis, aliis de cidentibus, aliis subnascentibus, aliis maturescientibus, floribus iis tantum fructus enascitur, qui veluti colum extantem in medio gerunt, quia ea carent infuscandi labuntur; serit semine sulcis, aut valvis fictilibus, perforatis, & cum adoleuerint, transferuntur vere in solum pingue, & riguum. Plinius Citrum vocat, quam alis malum Assyriam, ali Medicam, vocant recensens eadem, quæ ex Theophrasto scripsimus. Tentauerunt gentes transferre ad se propter remedij præstantiam, sed nisi apud Medos & in Perside nasci voluit. Hæc est, cuius grana Parthorum proceres incoquunt esculentis commendandi halitus gratia. In sacris Citri, & Cedri fruticum, fumo vtuntur. Citria mala contra venenum in vino bibuntur, vel ipsa, vel semen: ipsa vero contra stomachi infirmitatem, sed non nisi ex aceto facillime manduntur. Dioscorides tradit Malum ob longum esse, rugosum, colore aurum imitans, cum grauitate, odoratum: semen Piri. Ex quibus affirmare licet pomum hoc translatum in Italiam cultu, aut cælo adeo mitigatum esse, ut non amplius ingustabile sit, sed per se suauiter tum crudum, tum saecaro conditum. Limon arbor est Citro similis, tenuioribus tum foliis, tum fructu, qui similiter oblongus, & tuberosus, & pallidus est, sed multo intus succo acido, parua corticis pulpa dulci, quæ tenerior est Citrio, & cibis facilior cum interno succo. Eius plures differentiæ, quidam enim oblongiores, asperioresque sunt, & cortice crassiori, Citris magis similes, ut qui in Gaieta nascuntur: alij leuiori cortice, tenuiorique, succo acidiori: probantur, qui crasso cortice constant, teneriorique, & succo dulciori, quos dulces Limones vo cant: Quoddam præterea genus in Hispania habetur minimo fructu, vix nucis amplitudine, odore cæteris præstantiore, excelsiore arbore. Au rantia arbor Limone maior: folium alioqui simile, sed veluti binas appendices iuxta pediculum habet: fructus rotundus aureo colore ad cro ceum

ceum accedente : fungolo cortice , & amaro : succo intus multo palle-
scente, qui in aliis dulcis est, in aliis acidus , in aliis mediocris, ad suum
extinguendam valde expeditus, floretur copiose mense maio, ex cuius flo-
ribus aquam odoratissimam distillant, quam vocant Lanfam. Melangu-
lam, quam alij, Citrangulam vocant, frutice & fructu similiot est Citrio ;
ingens enim est fructus omnium maxime tuberosus , & crispus ; colore
pallido , sed rotunditas & succus internus inest Aurantia : cortex quo-
que similiter fungosus, sed tener & dulcis, cum laui quadam amaritudine.
Ponitus ambigit inter Limonem & aurantium, non enim oblongus, vt
Limon, nec omnino rotundus, vt Aurantium , utrisque amplior : cor-
tice crasso & leui, colore ad Aurantium vergente, dulci cum quadam
amaritudine, succo intus Limonis .

C A P. L X.

PVNICA, quæ Malum granatum fert, partim cum Citro , & que-
cias sunt generis conuenit, partim cum Malis: fructus enim eius,
sub externo cortice succum habet, vt Citria & Aurantia, membranis
septa distinguentibus, sed peculiari quodam modo; nam in illis suc-
cus à seminibus est sejunctus utricleis quibusdam inclusus. in Granato
idem singulis seminibus circunducitur, vinosus, colore carbunculi : se-
des quoque seminis diuersa : Non enim ex meditullio oritur, sed ex cor-
tice appendicibus quibusdam pulposis intro spectantibus, circa quas se-
mina coherēt farcta, ex paruis officulis molibus constantia, quæ simul
cum succo manduntur, cortex vero exterior, veluti corium flauum mo-
dico rubore aspersum : pulpa intus pallida acerbo sapore & ingustabili,
hoc in maturitate abrumptur, grana intus rubra ostendens. Cum Malo
autem conuenit; quia eius flos summo fructui insidet, sed proprio quo-
dam colore puniceo vasculo dentato & rubente inclusus, quod remanet
extuberante. Malo, arbor fruticosa non magna, intorta : cortice albo &
aspero : materie flava : ramis spinosis : foliis Oleæ brevioribus, leibus
virentibus : floret æstate : fructum rotundum, & magnum fert. Diffe-
rentia tantum in succo : aliis enim acidus : aliis dulcis : aliis mixtus me-
dio quodam sapore : dulcia vt plurimum grandiora, granis majoribus,
in quo genere quedam reperiuntur adeo paruo osse, vt eo carere videatur.
Reperitur in hoc genere sterilis, sed pereginta in Italia , flores tantum fe-
rens, adeo multiplici folio constantes, vt Rosæ videantur centifoliae, co-
lore saturato. Dioscorides domesticam & sylvestrem assert . Domesticæ
fructum aliis dulcem, aliis acidum, aliis vinosum media naturæ, horum
flores Cytinos vocari . Sylvestris florem Balaustium , Cytinus limi em,
aliis candidum, aliis fuluum, aliis colore rosco . ipse vidi tantum colo- e-

Rosę valde saturato. Plinius Malum Punicum circa Cartaginem cognomen traxisse scribit. Ab aliis Granatum appellari, id cui lignosus nucleus abest. Apyrinum grandiori natura, blandioribus acinis, minus amaris, qui membranis distinguuntur: nucleos habentium quinque species, Dulcia, Acria, Mixta, Acida, Vinosa, primus pomi huius partus florete incipientis Cytinus vocatur, flosculi in Cytino erumpentes Balaustia. Esse & sylvestre Punicū, à similitudine appellatū, eius radices rubro cortice, potè sōnos faciunt, semen poiū aquam inter cutem siccant, hodie Medi ci etiā Cytinos ipsos Balaustia vocant. Theophrastus Punicam ex cultura vñico caudice apparere ceteris abscessis testatur: caudicem breue & contortum: medullam carnosam: radices paucas summae harentes terræ: sobolem sursum versus procreantes: ramos aculeatos: folia angusta: fructum ex humore & cute constantem. semina congetta, putamine inclusa, succum acidum, in aliis dulcem: florem in hac sola puniceum, qui super fructū insidet, satam ex semine degenerare; nam ex acinis dulcibus vilem oriri (quo loco non γλαυκίων, sed γλυκέων legendum; non enim glaucis acimis reperitur) & ex enucleatis dulci, & plerumque acida, in Aegypto tantum ex acida in dulcem convertam, & in Cilicia omnes sine nucleo nasci. Quoddam genus fructū perficere nequit; sed ad florem usq; generatio tantum prouenit: eius flos copiosus & dentus est, & latus amplitudine quodammodo pomi. Ex Malis punicis contusis cum suis coticibus exprimitur succus, qui purgat bilem flauam: idem si coctione insipitur Polypum narium delet: reprimit enim carnem supercrescentem, & tenellam absunit: inest enim in cortice cum astrictione amaritudo quædam.

C A P. L X I.

QUAE in genere Malorum, pulpa simplicis constant, semina in media carne membranosis septis distincta ferunt bina, aut ternâ insingulis septis, quæ autem in hoc genere breui pediculo adnectuntur propriæ Mala vocantur, ab aliis Poma: quamvis hoc communissimum sit nomen fere de omnibus fructibus perspicue magnitudinis: quæ aut longo pediculo pendet, Pyra vocantur: omnibus flos in summum fructu insidet. Malus iuste magnitudinis arbor est: cortice leui, & iubnigro: longis ramis in latitudinem fusis: folia fert Lauro breuiora, molia, subhirsuta: florem candidū, aut modice purpureo centem; fructum magna ex parte orbiculatum, utrinque depresso, scilicet quæ pediculo necritur, & quæ flos insidet; hic carne constat, vt plurimū fungosa, succosaque, vnde facile rugas contrahit: sapor aīs acidus, aliis aquosus, aliis austerus, aliis dulcis. Differunt quoq; colore, magnitudine, & figura, adeo ut difficile sit species enumerare. Quæ tamen evidentiores differentias habent, huiusmodi sunt. Cotonea magnitudine prestant: carne constant durior-

dutiōti, sicciorique, austera, colore pallido: cortice lana quadam obdu-
cto: seminibus rotundis lentoē quodam obſtis: arbor breuis: folia la-
tiora, & candicantia: Eorum duo genera, quædam orbiculata & vtri-
que depreſſa, Mala cotonea vocantur: Quædam oblonga, ut plurimum
in vertice tenuiora, quaſi figura mammæ amplioris molis, Pira cotonea
vocantur. Dioscorides illa quidem Cydonia vocat, rotunda, parua &
odorata, quæ in vſu medico magis probantur: hęc autem Struthia ap-
pellat, magna quidem, at minus vtilia. Theophrastus Cotoneum gene-
re deterius Struthio tradit: nam si feminine feruntur genere deterius oritur,
ex dulci quidem acida, ex Struthia Cotonea. Plinius Strutheia lanugi-
ne obducta ſcribit. Melappia parua ſunt, nucem vix excedentia, rotun-
da, exterius tantum pallida, odoratissima, ſapore dulci. Viderentur hęc
Appiana eſſe apud Plinium ab Appio ē Claudia gente: inſitu Cotonco,
quibus odor eſſe Cotoneorum, magnitudoque: ſed cum obſtet magni-
tudo, melius dicitur apud Diōſcoridem Melimela à ſapore melleo eſſe,
qua à multis dulcia Mala vocantur: Nullum enim in genere malorum
illis dulcius eſt. Rosea mediæ magnitudinis ſunt orbiculata colore ru-
benti, qua parte ſol aſpexerit: odor in eſt ſuavis: ſapote dulci ſubacidus;
tota hyeme feruantur incorrupta, meliora ſunt, cum rugas contraxerint.
Dioscorides Epirotica & orbiculata vocat ſtomacho vtilia. Plinius ex-
Epiro primum allata putat ob nominis argumentum. Sanguinea Roseis
ſimilia, minus odorata, inſipdioraque. Plinius colorem ſanguineum
ex inſitu Mori tractum putat: in hoc genere quædam oblongiora, figura
Mammæ, acidi ſaporis, Plinius Orthomastica vocat. Calamagna quaſi
pulchrit̄ magnitudinis Mala: colore rubente: ſapore magis aquoso, Plinius
Pulmonia videtur appellasse, que ſolidē tuiment. Quædam colore
quaſi ferrugineo; ſolidiori carne; ſapore dulci ex austero, vulgo Testa vo-
cant, figura Strutheorum. Quædā parua humili frutice, orbiculata, vitētia
adhuc, gustui non ingrata. Plinius inter vilissima Daca vocat, que prima
aduētu decerpī properant. Dioscorides per verna hęc videtur intellexiſſe
cio damnata. Sylvestria ſimiliter parua, que p̄æcerbitate inguſtabilia,
Dioscorides Vernis ſimilia ſcribit. Multa alia nomina recēſerit Plinius, ut
Gemella, nunquā ſingula in fętu. Petilia parua gratiſſimi ſaporis, & ab ori-
gine Mariana, Geltiana, Manliana, Claudiiana, & alia que hic referre ſuper-
fluū videt. Theophrastus Malū tradit vnicō caudice ex cultura appetere,
ceteris abſcis, ſini autē multiplici caudice exilitatis cauſa, cotice leui.
Nodos in ea eſſe peculiares, faciebus belluatū ſimiles, vñ p̄egiādē; alios
circa eū complures paruos, illlico in ramos ſpargi, radices paucas ſumē hęc
rētes terre; folia oblonga; Horē foliatū ſtru& ui insidentē ex annotinis ſurcu-
lis; ſemina cōgusta putamine inclusa; germinare ſerotinus, fructū reddere
primis frigoribus, eius ſuccum, aquofum, acidum, vel dulcem eſſe.

C A P . L X I I .

PIRVS arbor Malo similis; asperiori cortice: ramis erectioribus; foliis subrotundis, leuibus, longo pediculo; flores similes Malo: fructus figura ut plurimum turbinata, crassiores iuxta florem, graciliotes iuxta pediculum, contraquam in Malis oblongis, in quibus figura Marimæ: carne constant densiori, quam Mala, quamvis non minus succosa; acerosa circa medium substantia. Genera eorum non pauciora, quam in Malis: sylvestre præ acerbitate ingustabile, & paruum: eius arbor aculeos rectos habet & crassos. Domestica alia æstate maturantur inter fructus fugaces; alia in Autumnum prorogantur; Quoddam non maturantur nisi frigoribus hyemis, postquam fuerint decerpita: Inter æstuia prima sunt Moscatula ab odore Moschi appellata, parua, & dulcia, ex viridi flavescentia. forte apud Plinium superba cognomine, parua hec sed oxyssima; paulo post succedunt Iuniola appellata; quia mense Iunio maturantur paulo Moscatulis maiora: colore virentia: suc cosa multum, que videtur Plinius Falerna vocasse à potu; quoniam tanta vis succi abundat. Hinc turba sequitur, sed in iis Glaciola præferuntur in acutum longius producta pyramide, lacteo intus colore. Vnde lactea vocat Plinius: & Rudia turpi quidem colore, sed sapore cæteris dulciori Glaciolis, crassiora, breuioraque. In genere Autumnalium Sementina vocamus crassa & brevia, rubentia, præsertim qua sol aspicit, sapore subacida, quæ appellatio etiam apud Plinium & Catonem repetitur, quia in tempore seminæ maturantur. Tiberiana eadem, quod Tiberio Principi placuerem. Hyemalia magna ex parte crassiora sunt, cæteris utiliora; quia per totani hycmem asseruantur, & pleraque graviori etiam succo constant, quam fugacia. In his Carouella crassa, & oblonga, breui pediculo, colore ferrugineo. Quæ Plinius Testacea à colore appellata scribit, ut nos in genere malorum Testa vocamus colore simili. Sunt Papalia grandia, & breui pediculo sessilia. Qualia Plinius regia vocat. Sunt Bergomata, magis depressa & Bronchia oblonga omnia colore viridi. Sunt Cucurbitana sic etiam à Plinio appellata ingentia sed ignavia. Multa alia sunt nomina, tum apud nos, tum apud Antiquos; Variis ex diuersa regione, aut cultu nascentibus. omnia ante maturitatem acerbo sapore, sed cocta redduntur grata. Theophaistus Pyrum ex cultura uno caudice apparere scribit cæteris abscissis: folia orbiculata: floreto foliatum: fructum succo aquoso constantem: semina congesta, puramine inclusa: fructificat ex annotinis surculis: germinat ex cacumine & latere; serotina est: quippe quæ Hyeme sua perficit poma: Quoddam genus Autumno. Pynaster, quam græcè Achrada vocat,

vocat aculeos fert in ramis : ex eius materie Cerdones suas faciunt tabulas , quia in dura materie acies ferri magis acuitur : germinare incipit paulo post urbanam : prius amittit folia, quam fructum percoquat Domestica ex semine sata , vitiatum oritur Pyrastrum . Pyrastrum autem Pyrus fieri non potest . Apud Dioscoridem Achras , species est Pyri sylvestris , quod tarde maturatur .

C A P . L X I I I .

SORBVS arbor est recto caudice , materierobusta , nodosa : ramis erectis , & frequentibus : foliis in uno pediculo multis , coniugatim dispositis , excepto postremo , solitario , ut Rhus : flores multi ex summo quodam peciolo prodeunt candicantes : fructus paruis Pisum similes flavescentes , succo ante maturitatem adeò austero , ut strangulent : Maturescunt autumno , & hyeme incipiente etiam decerpti , colore in rutilum transente , qualis in Mespilis succo dulci . Extat & sylvestris in Alpibus , baccas ferens rubentes similes Sorbo Torminali . Theophrastus arborem magnitudine & rectitudine præstantem scribit , forma concinna quasi nucis pineæ in uertice . Materiem solidam , spissam , coloratam , & ualidam : Radices non multas , nec alte descendentes , ualidas tam , & crassas , & incorruptibiles : amat loca frigida , & humecta , sterile scit autem si ad loca feruentia venit : folia Lauri tenuifoliæ ambitu serrata , breuiora , & rotundiora , ordine disposita in uno prolixo , & neruaceo pediculo , lateribus , alarum modo , solum extremo impari existente , vt totum unicum folium videatur , sed ad neruum usque laciniatum ampliusculo distantibus particulis . Flos racematim singulari pediculo è multis minutis , & candidis constans : fructus quoq; cum large fructificatur racemi modo aceruatus producitur ; quippè multa eidem coherent peciolo ; ita ut faui quodammodo speciem gerat . Ereditur hic à vermis super arborem crudus adhuc , magis quam Mespila Pyraq; , quamvis hic maximè omnium sit acerbus . Ipsa quoque arbor uermibus est obnoxia , atque ita senescens exarescit . Noua admodum fructificat ; nam trima continuò parit . Autumno , cum folium amiserit , protinus amenitaceum gerit peciolum , pinguem , & turgidum , quasi iam parturiat germina , itaq; hyeme perdurat . Caret aculeis : constat noua lœui cortice pinguiusculo , colore ad flauum albicante ; annosæ autem scabro , nigroque . Duo genera tradunt ; fæminam fructiferam ; marem sterilem . Differunt quoque fructibus ; nam alia orbiculatum ; alia ouatum ferunt . Orbiculati magna ex parte odoratores dulcioresq; ouati sæpe numero acidi , minusque odorati . Sylvestris maturior , suauiorque urbana ; quia natura potius sylvestri constat , & cultum non patitur . Plinius quatuor

T. Sorborum

Sorborum genera recenset: Aliis enim eorum rotunditas Malii; Aliis turbinatio Pyti; Aliis ouata species, cœ Malorum aliquibus: Hęc obnoxia, acri odore, nec suavitate iucunda: Ceteris uini sapor: generosissima, quibus circa pediculos tenera folia. Quartum genus Torminale appellant.

C A P. L X I I I I .

SORBVS Torminalis arbor in montibus nascitur, rectitudine caudicis, & ramorum forma simili Sorbo, sed unico in singulis pediculis folio lato, in angulosexeunte instat Platani. Floret, ut Sorbus, sed fructus paruos fert ouatos, colore rubente: Semina intus non membranis inclusa, ut in Sorbis, sed olse, in quo bina sunt cōceptacula, & in singulis cōceptaculis, bina semina oblonga. Alterum genus in alpestribus reperitur supradicto simile, sed folio Malii, rotundiore, magis ferrato, inferne candido; fructu rotundiore magnitudine fabę. Plinius priorem describit, quarū Sorbi genus, quod Torminale uocat, remedio ratum probabile assiduum prouentu, minimumq; pomo, arbore dissimili, foliis ferē Platani. Apud Theophrastum uidetur Cratagus esse, quam & Cratægonem uocant, folio Mespili (idest Azaroli nostri) tenso, sed maiore, latiore, & longiore, neque ferrato. Arbor nec admodum magna, nec crassa: materies versicolor, valida, flava: cortex leuis Mespilo similis: Radix ut plurimum singularis in altum acta. fructus rotundus, qui post matutinatem siccus redditur, & nigricat, gustu, & succo Mespilaceus, ut veluti Mespilos sy' ueltis appareat. Est simplex specie, & nullam sortitur differentiam. Videtur igitur cum Mespilo magis conuenire, quam cum Sorbo; nam fructus officium habet, ut Mespilus, sed unicum ex duobus coeuntibus; Mespilus autem disuncta. Plinius in Italia Aquifolium uocari testatur.

¶.

Finis Libri Tertii.

ANDREAE CAESALPINI

A R E T I N I

DE SVFFRVTICIBVS ET HERBIS.

LIBER QVARTVS.

CAP. PRIMVM.



XPLICATIS Arboribus & Fruticibus sequitur, ut eodem modo humiliorem materiam persequamur, Suffrutes scilicet & Herbas. In his igitur perquirendę sunt prius, quæ solitaria ferunt semina sub singulis floribus, aut solitarium semen conceptaculum: secundo loco quæ bina sub eodem flore continent uel semina, uel semen conceptacula: tertio, quæ terrena eadem: quarto quæ quaterna, aut plura eadem ratione includunt: Quibus explicatis ultimo loco eas plantas percensemus, quæ secundum propriam naturam nullum semen moliuntur, in quibus uniuersa plantarum historia erit absoluta. Solitaria autem ferunt semina etiam quædam inter eas, quæ plura in uno conceptaculo ferre apta nata sunt, ut quædam Trifolij genera; Capnos; & alia quædam: & in genere arborco Mespilus sylvestris: At genus, quod hic quærimus, ineptum est plura ferre, non enim in conceptaculo aliquo fert, quod sub flore continetur, sed propter modum nuda ostendit semina, ut Valeriana, & eius affines, aut pericarpio circundata, ut Thymela: Si quod autem seminis conceptaculum fuerit, id non intra florem continetur sed extra, florem regens, ut in Blito, & plerisque oleribus, & frumentaceis omnibus. Horum autem quædam & florem & seminis cor in summo ferunt, ut Valerianæ, & quæ Cassia lignea vocatur; quædam utrumq; intra habent, ut frumenta: quædam florem quidem intra, cor autem seminis extra, ut Thymelea, Blitum, & illis affinia. Incipiamus autem ab iis, quorum maximè nuda sunt semina, quæ Valerianæ vocantur, quarum tūm flos tūm seminis cor exterius sita sunt. insident autem omnibus pappi quidam summis seminibus & omnes racematum in summis caulinis florent exiguis flosculis, rotundos caules, & inanes, ac bina folia ex interuallis ferunt. Vidi mus autem hucusque earum septem differentias, quarum quatuor odore præstant, reliquæ sine odore.

C A P. I I.

VALERIANA, quam optimam cognominant, radicem vnam fert digiti crassitudine, in obliquum tendentem, alias præterea deorsum ab eadem ortas multas, ac tenues, ut in Elleboro albo, valde odoratas. Folia à radice oblonga quasi Laetucæ partim integra, partim sectiones quasdam habentia prope pediculum: folia verò, quæ in caule, frequentiores habent sectiones. Caulis rectus cubito altior, ac leuis est: flores fert candidos, quasi in Umbella, paruos, & concavos dissectis labris: semina oblonga, & depressa, figura feminis lini in pappuim desinentia: floret circa finem veris; colitur autem in hortis, & ad amatoria expetitur. Altera Valeriana, quæ sylvestris cognominatur, oritur in montibus, locis riguis: radices habet ex eodem capite ortas, ut in Elleboro, non ex altera obliqua, ut in optima Valeriana: hec tenuiores, minusque odoratae sunt. folia diuisa, ut Sorbi, ac subhirsuta: caulem alteri æqualem, striatum, flosculos ex candido purpurascentes. Dioscorides eas plantas Phu vocat, sed vnicula descriptione videtur duas prædictas significare: Nam folia Olusatri, priori magis conueniunt. similitudo Elaphobosci secundæ magis: radicis descriptio priori quadrat; floris color secundæ. Quod autem deflore inquit esse Narciso proximum, maiorem, ac teneriorem, puto pro Narciso Nardum legendum esse. Nardi enim Celticæ flos luteus traditur: Phu, autem ex candido purpurascens, qui & maior ac tenerior est: ponitur autem Phu inter Nardi genera tum à Dioscoride, tum à Plinio Nardum sylvestre & Creticum vocantibus. Galenus optimam illam Valerianam Carpesium vocavit, quæ herba est. Phu appellato genere similis: valentior tamen, & odoratum quiddam spirans: Tenuia autem sunt sarmenta Cinnamomi virgultis similia: Duo genera Ponticum, quod præstantius, Laertium quod infirmius: Quidam pro Cinnamomo vtebantur per sarmenta igitur Cinnamomo similia, non fruticem intellexit: herba enim est, ut ipse inquit, sed radices, quæ Elleborum imitantur Teste Dioscoride, ut patua quoque Cinnamomi virgulta: Ellebori albi radicibus comparantur ab eodem libro primo de Antidotis: consentit quoque locus Natalis, ut enim Galenus Ponticum Carpesium præferrat, sic Dioscorides Phu in Ponto nasci testatur. Serapio putauit Carpesium Ruscum esse: Cubebas vocans, vel quia de Carpasio nullibi Dioscorides egit, & de Rusco nullibi Galenus, vel quia radicibus Rusci adulterabatur Phu, teste Dioscoride. Sed officinæ pro Cubebis substituerunt grana quædam odorata forma Piperis, quem legitimi Amomi fructum puto, ut suo loco explicatum. Sed Carpesium apud Quintum Medicum, quo vice Cinnamomi vtebatur, non has

has radices intelligi puto, sed Gariophyllum nam & fructus expetebantur, vnde nomen Carpesij, & virgulta, ut in Cinnamomo.

C A P. III.

NARDVM Montanum radices tres, aut quatuor fert Glandis figura, Asphodeli modo extra subnigras, intus candidantes, valde odoratas: folia molliora quam Betæ, alia integra, alia inferna dissecta Eruca similitudine, caulem, non dum exacta hyeme, fert simplicem, infirmum, cubitalem: flosculos purpurascentes, ut Valeriana sylvestris: aduentante vere caulem amittit; nam cito exarescit, nec omnibus annis fert: Viuunt autem diutius effossæ eius radices, ac regerminant hyeme. Nuper hæc planta visa est in Italia. Dioscorides in Syria & Cilicia nasci tradit appellatam à quibusdam Thylacitum, ab aliis Nerim: foliis Eringij minoribus, nequaquam spinosis: radicibus duabus, aut pluribus Asphodilo similibus, tenuioribus, odoratis, ac nigris: carere autem & caule, & fructu, & flore, ex quibus patet male superioris in codicibus scriptum esse, folia & caules Eringij: nam quæ adnectuntur, non caulis, sed foliis tantum redduntur. putata est autem caulem non ferre, aut quia non ubique ferat; ut continet Helenio, aut quia cito perit, vt aliis quibusdam contingit. Foliorum similitudo cum Eringio non dissonat, nam & in Eringio nuper natæ folia quedam integra, quedam dissecta sunt. Theophrastus Nerum appellat inter odorata, quibus ad vnguenta vtuntur.

C A P. IIII.

NARDVM Gallicum, quæ & Spica Celtica vocatur, herbula est, non excedens cum sua radice quatuor digitos, nuper inventa, primum in Istriæ, & Syriæ montibus, postea & in Liguria: tota odorata excepto flore: ideo colligenda antequam florat: radiculos habet fibrosas: foliola dense cauliculos vestientia: figura quidem optimæ Valerianæ, sed longe minora, nequaquam dissecta, colore flauescente: ex mediis foliis cauliculus fermè nudus erigitur, concauus, vt in ceteris eius generis: Umbella in summo partua, colore luteo. Dioscorides similiter describit, ac Plinius: Videtur autem alibi Plinius eandem describere sub nomine Saliuncæ, quæ foliosa quidem est, sed breuis, vt necti in coronas non possit, radici numerosæ cohæret herba verius quam flos, densa veluti manu praessa, breuiterque cespes sui generis odore suaui, in Pannonia, & Norici: Diofco-

Dioscorides Aliungiam vocari scribit ab indigenis in Liguriæ alpibus, vbi nascitur: Nascitur & in Istria, frutex pusillus, qui cum radice velletur, & in fasciculos manuales digeritur. Folia ei longiuscula, leuiter flavescentia: flos luteus. Vsus eius in caule tantum atque radicibus; quoniam odorata: solum hæc habentur. Secerni quoque debere tradit ab alienis herbis & paleis premafactum, ne in fragmēta abrumptatur: Herbam quoque, quæ Hirculus vocatur à grauitate odoris, intermisceri, qua maxime adulteratur: Sed facilis distinctio; nam sine caulinculo est, candidior, & minoribus foliis, radice nequaquam amara, neque odorata. Hodie adulterari solet quodam genere Muſci, quod loco proprio indicabimus.

C A P. V.

VA'LERIANAE in odore tres hucusque compertæ apud nos, quarum prima oritur in umbrosis montium iugis, Valerianæ optimæ similis; sed folio breviori, latiorique, quasi Violæ, nequam secto eò, quod ab radice oritur: sed quæ in caule, minora sunt, & diuisa: caules ab eadem radice plures cubitales: flosculi racemosi, ex purpura candicantes: radices paucæ lunceæ, gustu subdulci non sine aliquo suauitate. Altera palmi longitudine similis sylvestris, oritur in Ilua sine ullo odore. Tertia in ædificiis antiquis oritur, frequens in mēnibus Pisaniis: ramis ab eadem radice pluribus, cubitalibus, leuibus, subcandidis: foliis oblongis, in acutum desinentibus, nulla ex parte scissis, levibus, & subcandidis: flosculi multi racematim insunt Punicei coloris Centaurio minori similes, idcirco à quibusdam inter Centaureas media cognominatur. Semina similiter plumosa, ut in cæteris Valerianis.

C A P. V I.

QUAE autem solitaria ferant semina protegente altero corpore, manifesto multa sunt; id autem aut pericarpium est, aut niembranorum quid, facile abscedens à semine, idque aut intra florem continetur, aut ipsum floris inuolucrum, pro tegmine seminis est: intra florem igitur paucis datum est solitariis feminibus, alterum tegmen: hoc enim arboribus magis contingit. Sunt autem quædam in genere suffruticum, quibus magna ex parte inest pericarpium: Quibus igitur in hoc genere seminis cor extensus sedet, flos interius, sunt Thymelæa. Chamelæa. Daphnoides, &c quæ, iis similia sunt. Daphnoides vulgo à nostris Lanteola vocatur, frutex est non altior cubito: ramis valde lenti; & cortice tenaci instar corij: folia fert Lauri breuiora, crassa,

lentaque, ac leuore quodam splendentia: florem album; & baccas nigras Pipere crassiores iuxta folia: sed in maturitate folia interna decidunt: fructus autem relinquuntur, ramis herentes infra folia: radicem ramosam fert, obsequiosam. Dioscorides describit cubiti altitudine, ramis flexilibus multis, à medio sursum versus foliosis: cortice viscoso, foliis Lauri, gracilioribus, mollioribus, fractu contumacibus, quæ manducata os incendunt: floribus candidis: baccis nigris; oritur in montuosis.

C A P. V I I.

CHAMELAEA, quam vulgo in alpibus Oliuellam vocant, duplex est: vtraque paulo minor Daphnoide, obsequiosa: paucis ramis: folio Oleæ virentiori, ac latiore: fructu Piperis, nigro iuxta folia, vrentis facultatis: radix longa, ramosa, ac lenta: distant folio & flore: nam alteri folium durum, & quadantenus pilosum: flos purpureus, oritur in Silicia. Alteri folium leuius, ac mollius: flos candicans, Laureo: magis similis, oritur in Appennino: Distant vtreque à Daphnoide, quod surculi in his ramosi sunt, in Daphnoide autem simplices. Dioscorides Chamelæ folia tantum describit, Oleæ quidem similia, sed tenuiora, amara, lingua mordentia: ramos dodrantales: cum in nostra Chamelæ folia sint nequaquam Olea minora, sed latiora potius, in eo præsertim genere, quod in Appennino oritur, tenuiora tamen sunt mollioraque. Plinius Chamelæam in petrosis nasci tradit, non ultra palmi altitudinem, foliis Oleæ amaris, odoratis: viderut autem intelligere Cneorum candidam Theophrasti, quæ inter coronarias Casia à Latinis vocatur.

C A P. V I I I.

THYMELAEA ab eadem radice plures virgas rectas fert, cubitales, altioresque, frequentibus foliolis undique refertas, media quadam magnitudine, inter Oleam & Linum, duris & fauces exuentibus. Floret in summis virgis autumno, racemulos paruos ferens: flosculi candidi sunt, Ligustrum similes: baccas fert oblongas, tenuiores Myrto, in maturitate flauicantes ex rubto: semine intus nigro: sed medulla candida & oleosa: radicem crassam gerit: ramis longis & obsequiosis: frequens oritur in matritimis incultis. Dioscorides tradit, eius folia priuatim Cneteron appellari, fructum autem Coccum Gnidiū: Describit autem in hunc modum. Frutex est, in quo nascitur Gramum Gnidiū, quod Syri Apolinon, alij Linon appellant à similitudine quam

quam cum Lino satiuo habet. Rami tenues, speciosi, cubitorum binum assurgunt. Ipsa similis Chameleç : foliis angustioribus, pinguioribus, gummosis, si mordeantur, glutinosisq;. flores albi, & inter eos semen, quale Myrthi, exiguum, rotundum, initio virescens, postmodum rubens : quod autem intra pericarpium continetur, durum, nigrumque intus album. Detrahuntur eo per aluum biles, aquæ, pituitæ, si quis è viginti granis interiores nucleos bibat : vrit hoc fauces, ideo cum farina, polentaue deuorandum, aut acino vuæ inclusum, aut in melle decocto folia eius, quæ priuatim Cneoron vocantur, messibus lecta, & siccatæ in umbra, seruantur, in vsu tunduntur venis exemptis, purgantur eo aquæ, & quæ sequuntur. Ipsa herba inimica stomaco : Pecus quidem in utero, vel admotum necat. Nascitur in montibus solo gracili. falluntur, qui granum Gnidium è Chamelæa herba gigni autumnant, similitudine foliorum decepti : Hęc Dioscorides. Plinius inquit ; in quo nascitur granum Gnidium, quod aliqui Linum : fruticem verò Thymelæam, alij Chamelæam (& alia nomina addit, quæ Dioscorides Chamelæam tribuit) est similis Oleastro : foliis angustioribus, gummosis, si mordeantur, Myrthi magnitudine, semine, colore, & specie foris, ad Medicinæ tantum usum. In Gallia succus Euforbio similis, sed multo inferior fit ex herba Chamelæa granum Cacci ferente : fractus Ammonico similis est, etiam leui gustu, os accensum diu detinens, & magis ex intervallo, donec fauces quoque siccet. Cocco Gnidio color croci, magnitudo grano Piperis maior, vis ardens; itaque in pane deuoratur, ne adulat, cum gulam transit. Huic vis præsentanea contra Cicutam, fistit aluum. At qui fieri potest, vt quod vehementer soluit, aluum fistat? Arabes Mezereon vocant omnes has plantas, scilicet Chamelæam, Thymelæam, & amplius ipsam Daphnoidem, & forte Cneorum, cuius mox mentionem faciemus : Nam Serapio quidem initio describit, vt Dioscorides suam Chamelæam : sed in processu distinguit in album, & nigrum; in latifolium, & tenuifolium : laudat autem magis latifolium : Insunt autem Chamelæa folia latiora, & albidiōra, quam Thymelæa. Mesues plures affert differentias : describit autem primo loco Thymelæam, cum altitudinem bicubitalem tribuat, sed in reliquis notis innuit reliquas; scilicet folia Oliuæ, sed maiora; grana nigra Myrthi magnitudine; Species plures; quedā enim magna habet folia & tenuia; quedā verò parua, sicut folia Oliuæ, & spissa nimis; quedā crispa, & aspera : & ex eis aliud est colorē habens viridem, & aliud colorē subnigrē producentem colorē Pauonis. laudat autem magis folia magna, & tenuia, & viridia habentem; indicans Laureolam, & nostram Oliuellam : Damnat autem eam, quæ habet folia parua & spissa, cuiusmodi sūt in Thymelæa & Cneoro : item improbat habēt folia crispa & aspera, cuiusmodi sunt in Sicula Chamelæa.

C A P. X.

GE SIMINVM vulgò appellatur frutex in viridariis opere topia-
rio, & flore gratus: Sarmenta fert longissima, leuia, virentia, ac
lenta, quæ circumvoluendo scandunt, & sylua decora conue-
stiunt parietes, arcus, rugiaria, & quæcunque fuerint amplexata: Crasse-
scit vetustate ferè specie arborea coeuntibus viticulis instar caudicis.
Folia fert Hedera in longum mucronem producta appendicibus quibus
dam pediculo ad oxis coniugatis, oblongis. Flores veluti in umbella
pediculis ab eodem exortu prodeuntibus, ut in Hedera corymbis, con-
cauosis, angustos, & oblongos, in extremo dilatatos, ac scissos, ut pluri-
mum in quaterna foliola, candidos, odore gratissimo, vi figura Leuco-
ion candidum imitentur. Floret post Rosam diutius in singulis folio-
rum aliis. Fructum apud nos nequaquam perficit, sed incoationem tan-
tum molitur; peregrinam enim quondam in Italia fuisse constat, licet
nunc copiolissima sit, facilime enim preuenit iuculo sara. Hyeme amit
tit folia. Duo alia genera ruperit vituntur, humiliota, quæ nequaquam
scandunt: eorum alterum flores fert grandiores, ac rariores, luce can-
didos, inferne subrubentes, odore acerori: floret Annumno; & ferè per
totam hyemem: Alterum luteos flores gerit in æstate, mirores, atque si-
ne odore. Huius fructus vidimus perfectos: bacca sunt nigra, ut Ligustrum,
tingentes, unico intus semine depresso. Arabes Sambach vocant,
eorum interpres Iasminum. Flores tradunt esse in Aphrica trium ge-
nerum, candidos, luteos, & cerasios; præferri autem candidos; ex eis
oleum parati Sambacinum, quod liberalius olfactum in calidioribus
natuis sanguinem elicit è naribus: at cæruleum in hoc genere adhuc
non vidimus, sed inter frutices ostendimus, quæ vulgè Ligustrum Ori-
entale vocant. Apud Dioscoridem Iasme in ter vnguentu recensetur: fieri
inquit apud Persas ex candidis Violæ floribus odoris gratia; at cum non
describatur ab eodem hoc genus Violæ, tantum ex nomine colligere licet
aliquid Gelsimini genus iocicari, præcipue illud, quod hyeme floret;
acerori enim odore constat. Testatur autem Dioscorides Iasminum un-
guentum ob odoris grauitatem aliquibus minus placere. Dieta autem
fuit Iasme quasi medicatus odor, aut immutata litera losme, quasi Violæ
odor. Sed vulgate Gelsimum, quod repit arbores, videtur apud Dio-
scoridem Smilax leuis esse, de qua inquit: Constat foiliis Hederae, mollio-
ribus, tenuioribus, leuioribus; sarmentis, quæ arbores scandunt, Smi-
lacis asperè modo, sed nullis spinis: in iis fructus instar Lupini niger, &
parvus: Flores candidi multi ac rotundi continuè superioribus parti-
bus oriantur per totam Smilacem: utilis in æstate ad umbras parandas;

sed aūtumno folia decidunt. Scio autem pro Smilace leui ostendi vulgo Conuoleuli, cui non solum folia, sed & caules cum tota planta hyeme inarescunt; nec adeò adoleſcit, vt ad umbras accommodari possit: Quamuis autem Dioscorides odorēm floris subtricuerit; reperio tamē apud Homerum σμιλακος οξων: id est Smilacem redolens.

C A P. X I.

GE SIMINVM rubrum nuperrime visum est in viridariis semi-ne satum, sed frutice valde dissimili. Nam caules fert crassos, bicubitales & ampliores, geniculatos; ramis multis in latera tendentibus. Folia heterē latiora, mollia, nullis appendicibus. Flores puniceos sine pediculo multos in alis infixos, duplo maiores, ac longiores albo; at sine odore, aut exili: ideo magis colore placent: fructus nigros, rotundos, magnitudine Ciceris; aspero cortice, medulla intus candida absque pericarpio: floret propè finem aestatis per totum autumnū; hyeme caules amittit; regerminat vere. Radice constat crassa, exterius nigra, intus candida, sed, cum scinditur, rubore in contrahit sanguinis modo; multos ramos in altum dimitit, inuicem harentes, & conuolutos, vt Mandragoras: carnosā constat substantia, sapore insipido. Puto hanc Mandragoram apud Theophrastum vocari: longe enim diversam tradit, quam Dioscorides, & Plinius: conuenit autem cum ceteris in radice tantum. Caulem, inquit Ferula proximum fert: fructum peculiarem scilicet nigrum, racematum, vinosumque suo sapore. Eam effodientes ense ter circumscribere iubent, & alterum succidere ad occasionem spectando, alterum circum saltare, plurimaque de te Venerea dicere. Folium utile ad ulcera cum farina tradunt, radicem ad erysipelata rasam, & aceto subactam; & ad morbos podagricos, & ad somnum atque amores datur ex vino aut aceto: consecant quoque eius orbiculos, sicut radiculæ, quos transfixos in fumo suspendunt. Alterum genus Gelsimini rubri nunc visum est inter peregrinas plantas multis viticulis circumvoluens se, frequentibus foliis tenuiter scissis instar Myriophylli, floribus predicto similibus.

C A P. X I I.

FLOREM autem in summo fructu gerentia, & seminis cori, hucusque noui Caſiam ligneam vocatam, & alias nonnullas. Quæ in officinis hactenus Cassia lignea appellata est, parvus est frutex, similis Genistæ, foliis angustioribus, quasi Lini, pulposis, colorate nigritante; fert flosculos herbaceos iuxta folia, & fructum initio oblongum,

In tres floris appendices desinente, qui maturescens in autumno rotundus fit, & colore rubente, sapore & odore ingrato; oritur in collibus. Hæc putata est inter Sabinas esse, quæ scilicet folio Tamaricis constat. Quod autem Plinius de Sabina dixit accipi solitam in medicamentis duplicitate pondere pro Cynamomo, ut de Cassia scribit Galenus, traditum fuit huic plantæ Cassiam ligneam vocatibus. similem vidi in Agro Piambineni totam rubentem, & ramis, & foliis; ideo quidam Genistam rubram vocant, cum tamen initio nigra sit, ut iuperiori hæc apud Plinius Osycis videtur: inquit enim: ramulos fert nigros, tenues, lentes, & in iis folia nigra, cœu Lini; semenque in ramulis nigrum initio, dein colore mutato rubescens, smegmata mulieribus faciunt ex his, radicum decoctum potum sanat arquatos, eodem prius, quam maturescat, semen, concisa & sole siccata aluum fistunt, post maturitatem vero collectæ, & in sorbitione decoctæ, reumatismis ventris medentur, & per se tritæ ex aqua cœlesti bibuntur: forte & eandem Dioscorides intellexit, quamuis de fructu mentionem non fecerit; nam in ceteris similis est descripitione: fruticulus est niger, virgas ferens tenues, lentes: folia tria, aliquando quatuor, quinque, & sex cœu Lini, initio nigra, mutata autem subiubra sunt: hæc descriptio secundo generi, quam rubram Genistam diximus, conuenire possit, his conueniet quoque, quod Galenus inquit coremata ex ea fieri solere, id est scopas ad vertendum aptas.

C A P. X I I I.

PAUVS quidam frutex in Alpibus nascitur similis Cassie ligneæ, dodrantali altitudine; tenuibus ramulis: foliis angustioribus, similiter pulposis. Grana fert in aliis foliorum patua, oblonga, in quorum summo flosculus est candidus. Alius in saxosis nascitur fragilissimus, foliis quoque fragilibus, paucis, Vermiculariæ modo pulposis, longioribus: flosculos fert herbaceos, summis caulinis sparsos: sapor inest subtilis in foliis. Tertius in maritimis asperis, bicubitalibus ramis, lignosis, frequentibus foliis quasi Ericæ, sed crassioribus, & pulposis: Quidam Semperuium maritimum vocant, aut Vermiculariam arborecentem: flosculos fert iuxta folia pallidos, ac minitos Ericæ modo. Putarim Selaginem dici apud Plinium, quamvis non describatur, sed eo tantum argumento, quia similem herbae Sabiræ tradit: Quædam enim Sabina Tamarici similis est, cui & Erica ipsa comparatur. Hanc inquit contra omnem perniciem habendam prodidere Dñi eius Gallorum, & contra omnia oculorum vitia fumum eius prodefisse. Sed colligi oportere modo quodam superstitione.

C A P. X I I I .

BUPLEVERON herba est est in aruis nascens, geniculata binis foliis, geniculos cingentibus, oblongis costæ similitudine, leuibus : ramusculi ex singulis geniculis, bini prodeant : flosculi sunt canes dicantes in summis ramulis paruae Vimbella modo : granula. au- tem tunica membranosa obducta, veluti ex tribus partibus constantia: in quaum una semen est exiguum in acutum tendens, duæ reliquæ par- tes inane sunt. Tenella hec herba inter sylvestres assumitur hyeme in acetariis vulgo Morbidellos vocant : Differit magnitudine; nam quædam parua non excedens dodrantalem altitudinem: foliis Lini latioribus : Altera quæ maior est ferè ad cubitalem altitudinem accedit, foliis lati- tudine pollicis. Plinius hanc inter sponte nascentes tradit, caule cubi- tali, foliis multis longisque, capite Anethi, laudatam in cibis ab Hypo- pocrate.

C A P. X V .

VIBYS autem pro seminis tegmine datum est floris inuolucrum seminibus solitariis existentibus subsingulis foliibus, multa sùr- in genere herbarum : sedent enim in iis semina tanquam in um- bilico magna ex parte membranaceo : flosculi autem in plerisque ob exi- litatem sensum fugiunt, cum praesertim lateant, ut plurimum sub follie- culo. Duo autem genera summa eorum manifesta sunt, unum quod se- minis cor exterius profert, ut Beta, Vrtica, & olera multa, alterum quod idem inferius habet, ut frumentacea omnia, in vitroque genere, quædam reperiuntur, quibus flos sine fructu est, & fructus sine flore, vi in genere frumentaceo, quod Maiz, vocatur, & quæ lachrymæ Iob dicuntur : in al- tero genere Vrtica, Lupulus, & alia nonnulla. Vrtica ob proprietatem notissima, quia lanugine potius, quam spinis, mordax est, vt leui ractu- pruritom, & vredinem confessum exciter. Tenella herba iuxta ædes, & in hortis nascens quadrato caule, foliis per intervalla binis, latis, & in- acutum desinentibus vndeque serratis. Quatuor novi differentias, vnam lato folio, ac magis serrato, semine maiuscule, quodammodo ad Lini se- minem accidente, in rotundis racemis, globi modo sarcitis. hæc Romæ na- scitur, alibi rara : hanc Dioscorides primo loco pingit sylvestrem vo- cans, asperiorem, foliis latioribus, & nigrioribus, nomine Lini minores. Plinius eandem videtur Caniam appellasse, quæ acris, caule quæque mordaci, simbriatis foliis. Altera in longitudine magis, quam latitudi- nem crescit, ad bina aliquando cubita, candidior moliori lanugine : fo- liis

lliis longioribus : semina in oblongis racemulis, sine flore fert, exigua & depresso in asperis folliculis, levia colore nigricante : Dioscorides hanc secundo loco describit non æque asperam, minuto semine. In utroque genere reperiuntur, quæ florent tantum, neque fructum ferunt, nam in genere Canie exigua quedam est, foliis quoque secundum proportionem paruis, sed simili figura, asperitateque : flosculos ædit purpurescentes, in tenuibus & oblongis racemulis ; in altero autem genere hæc quidem altior, sed brevior, fructifera, foliis similibus, flosculis candicanibus : Addit Plinius Veticam Herculaneam, quæ odorata est : & innoxiam, quam Lamium vocat, de quibus alibi commodius dicendum erit. Illa enim inter Calamenti genera, hæc autem inter Mariubia continetur.

C A P. X V I.

CANNABIS herba est bicubitalis, & amplior, recto caule, & concauo, cuius cortex Lini vsum prestat, huiusque gratia feritur : folia fert in eodem pediculo, quinque aut plura, manus digitos imitantia, & subaspera, odore graui : quæ floret, fructum non fert : flores autem in racemis pendent subcandidi, lanuginei puluisculum quendam fundentes, quæ fructum fert, non floret : semina in alis foliorum aceruata sunt, in suis folliculis modice compressa, maculosa, & splendida. Dioscorides satiuam Cannabis vocat, ad funes precipue quesitam ob similitatem, foliis Fraxini : odotis grauis : caulinibus proceris, inanibus : semine rotundo. Galenus similem Vitici facit non solum figura, sed & facultate: genitur enim pro fluvium siccatur eius semen potum: Cannabis autem sylvestris apud Dioscoridem, & Cannabis Rosea apud Plinium, inter Maluas potius recensendæ sunt.

C A P. X V I I.

VPVLVS herba est nascens inter vepres, cuius viticulae longæ, & tenues ac subasperæ, frutices scandunt, circumvoluentes se, huius recentes Asparagi in cibos veniunt cocti, folia insunt quasi Vitis, minora, rugosa, & subaspera. Quæ floret, sine fructu est; flores sunt similes Cannabi in Autumno prouenientes: Quæ fructum fert, non floret. semen rotundum labellis cutaneis adnexum in racemo veluti ex squamis compactili continetur, figura & magnitudine coni Cupressini, odore Allij. ferunt Germani potum ex eo parantes cum hordeo, quam Cervisiam vocant. Apud Plinium iudicatur esse Lupus salictarius, inter herbas sponte nascentes ad cibos, quamvis eius nulla afferantur nota. Meses inter genera Volubilis numerat, foliis asperis, vt Citrulli,

truli, cuius flos est sicut ampulla herentes, quod de racemo seminis videtur dictum. Laudant recentiores ad atram bilem contemperandam, & reliquos humores adustos in potu ex aqua.

C A P. X V I I I.

AMBROSIA, quæ vulgo à quibusdam Ambrosiana vocatur, ramosa est herba, cubito brevior: foliis Arthemisiæ minoribus, & nigrioribus, subasperis, & crispis, odore multo & gravi: foliola autem in ramis minus incisa sunt, iuxta quæ semina fert rotunda, & spinosa, congesta, sine flore, quosdam tamen flores fert in æstate similes Absinthio herbaceo circa summos ramulos, sed sine fructu, quibus decidentibus in Autumno, semina fert in inferioribus ramulis. Apud Dioscoridem videtur hæc Ambrosia esse, frutex pusillus trium palmarum altitudine, ramosus, foliis Ruta, paruis circa imum caulem, in ramulis semen e tracematum sine flore, odore vinoso iucundo, nisi obstat odoris iucunditas; nam ob odoris grauitatem non ab re putant quidam apud Hippocratem libro de Mulieribus secundo esse Conizam Apio cri spo similem, in maritimis, fabulosisque nascentem, odoris teterrimi & maxime fastidiendi. nam inter cætera nomina Dioscorides Apium rusticum appellari testari ipsam Ambrosiam. forte odor ingratus, dum virens est, gratus fit & iucundus, cum siccatur, ut contingit Coriandro. Plinius inter Artemisiæ secundo loco pingit, teneram tenuioribus, foliis, & non nisi in maritimis nascentem.

C A P. X I X.

BOTRYS herba est ramosa, in fabulosis, arenosisque locis, & torrentium alueis siccatis: altitudine eadem, qua Ambrosia, sed retioribus ramis, tenuioribus, longioribusque: foliis Cerri, ratiocibus diuisuris: colore ex viridi pallecente: ramuli pleni semine minuto, splendido, & nigrante in suis folliculis viridibus, admodum racemi, tota succo glutinoso veluti roscida est, odorataque: Dioscorides & Plinius, simi iter describunt, fruticosam scilicet herbam, torram luteam, multis alis, semen circa totos ramulos: folia Cicotio similia (nam similiter laciniata, licet tota forma ad Quercum magis accedit) suauem odorem spirare, ideo vestimentis interponi, nasci autem in torrentium ripis, & conuallibus.

C A P. X X .

HERBA Turca, vulgo appellatur herbula humistrata: ramulis dodrante minotibus: foliis Polygoni breuioribus: seminibus racematin hęentibus, per totos ramulos inter folia, minutis, vt Botrys, exili odore: nascitur in solo arenoso, cuius puluere pro effaci remedio utuntur ad urinam mouendam, & calculos frangendos. quædam in montibus prouenit, locis fabulosis, palmi altitudine: foliolis angustioribus: ramulis densis, racemosis semine onustis, quod foliculo quodam barbato includitur, odore iucundo, sapor inest turbamatus, & siccans. Hanc Ambrosiam esse quandam paruam non dubito.

C A P. X X I.

BELVEDERE vulgo appellatur herba ramis adeo densis & rectis, vt Cupressus videatur, ultra bicubiti altitudinem: folio numeroso, longiore quam Lini, lète virenti: seminibus exiguis, neque multis, iuxta folia sine flore, serit in Viridariis spectaculi tantum gratia, nam per totam æstatem viret. An hec fuerit apud Plinium Chamæcyparissus herba, quæ ex vino pota contra venena serpentum omnium, & scorpionum pollet.

C A P. X X I I.

BETA o'us est frequentissimum in cibis: foliis latis, subrotundis & crassis: caule striato, ramosoque, altitudine bicubitali & amplius, semina racematin fert, sine flore manifesto circa ramos, dura officulis binis, aut ternis coherentibus inæqualibus, tunica herbaea obductis, eius quatuor differentias habemus, unam vulgarem, folio breuiori, & viridiori: alteram candidantibus foliis, longioribusque multo, & amplioribus quasi Brassicæ prelatam in cibis: Tertiam colore rubro, radice quoque rubra & magna, quæ condita seruatur in cibis. Quartam radice Buxea: caulis quoque Buxeis: foliis virentibus. Dioscorides, Plinius, & Theophrastus, duo genera tantum faciunt, nigrum, & candidum, Theophrastus candida sapore præstantiori esse, paucorumq; seminum, quam Siculam quidam appellauerunt. Betam exculta arborescere: caule carnosum, radice singulari, & carnosa, longa, crassa, & recta, vt Rafani, suani, vt crudam nonnulli mandant: germinat radix à latere, ex semine paucæ proueniunt anno primo, sed longo tempore post pullulant, anno scilicet sequente & tertio.

C A P . X X I I .

ATRIPLEX Olus est, Betæ magnitudine: paucioribus ramis: altiore caule: folia latiora quam Betæ & breuiora, & quasi triangula, ut Spinacæ, colore ex viridi palecente: semina sine flore fert, racematum circa summos ramulos, compressa, & rotunda, intra folliculum foliaceum contenta latitudine vnguis, colitur in hortis ad cibos, ut Beta in Gallia Cisalpina, & paucis Aëtrutia ruribus. est & sylvestris sponte nascens in hortis & securis vias, leto solo: breuior sativa Folio simili, sed minore ac nigriore: seminibus similiter depresso, nigris, in folliculo quadrato: folia quæ circa summum caulem, sunt, tenuiora & longiora sensim fiunt in utroque genere. Dioscorides Atriplicem, & Chrysolanachum vocat, olus cognitum, sativum & sylvestre. Theophrastus radicem lignosam tradit, vnam alte descendentem, vnde aliae exeat, copiose frutificare, nam protinus nodis singulis semen insidens racematum gerit à latere & in summis, semen foliatum, ut in Laserpitio. Plinius ex Pythagora damnat Atriplicis usum, quoniam Hydropicos faciat, morbos regios & pallorem, & alios plurimos morbos, stomacho contrarium, lentigenes & papulas gignere, nec nisi mutata saepius aqua concoquendum.

C A P . X X I I I .

HALIMVM olus est marittimum, ad fruticis naturam accedens; ramos fert cubito altiores, multos, & candidos: folia quoque candida Oleæ similia, pulposa, salso gustu: in summis ramulis racematum semina coherent autumno & per hyemem sine flore, Atriplici sylvestri similia: eius duas notauimus differentias, vnam tenuiori folio, quam Oleæ, alteram latiore longioreque, quasi ad Atriplicem sylvestrem accendentia. haec quoque ramos crassiores fert & longiores, ut Rhannus alioqui videretur, nisi careret aculeis: Dioscorides, fruticem esse sepiibus idoneum, similem Rhano sine spinis, foliis Oleæ latioribus, in sepiibus marittimis. Plinius similem descriptionem affert: Amplius ex aliorum sententia olus marittimum esse: foliis in rotunditate longis, salsum, vnde nomen Halimi: duorum generum; sylvestre, cui folia tenuiora sunt, efficacius in sananda scabie, mitius alterum, utrumque mandi, & condiri in cibis. Theodorus apud Theophrastum Auronem vocat: inquit, cæteras plantas interimit, etiam Cytisum: perniciosior est Hedera; nam nimio pabuli desiderio & salagine sibi ingenita arbores necat, prouenit locis salcis.

CYNO-

C A P. X X V.

CYNOCRAMBE olus est sylvestre iuxta parietes hortorum na-
scens, & prope sterquilinia, ramis cubito minoribus, candican-
tibus: folia fert veluti cinere aspersa, alioqui Atriplicis sylue-
stris, sed minora ac serrata Mercurialis modo: semina racematum fert sine
flore exigua, & rotunda. Alterum est in eisdem locis foliis nigriotibus,
latoeibusque, specie quadam pedis anseris, vnde à quibusdam pes anse-
rinus vocatur: Tertium etiam vidimus in maritimis, ramis humi pro-
cumbentibus, candidis: foliis veluti puluisculo argenteo aspersis, rotum
dioribus. Diocorides describit caule duorum dodrantum, molli,
subalbido: foliis Mercurialis aut Hederæ similibus per intervalla, sub-
candidis: semine paruo, rotundo, foliis hærente. Alia vero est Cynocram-
be apud Galenum, & alios, quæ alias Apocynem vocatur foliis Hederæ
candidantibus, de qua alibi dicitur à nobis. Hermatius testatur apud
Plinium Chenopum idest herbam simili anserino pedi in quibusdam co-
dicibus vetustis legi, quod in aliis acinos legitur, quam Epipetron vo-
can, quæ nunquam floret, his affinis est herbula quædam, fædissimi odo-
ris, vulgo Connina, nam redoleat muliebria, ut vel leui contactu, pertina-
cissime odor perseveret, in ætate prouenit iuxta parietes pæcipue, qui
lotio asperguntur: ramulos fert dodrantales humi procumbentes, subca-
didos: folia subrotunda, cädicantia, quasi cinere aspera, tenuiora, quam
Cynocrambe, minime serrata: semina racematum fert sine flore exigua,
& rotunda: videretur Coriza tertia apud Diocoridem, crassiori, & mol-
liori caule: foliis mediæ magnitudinis, minime pinguibus, sed multo
grauioribus odoris iniucundiorisque, in locis humentibus proueniens: as-
hæc locis prædictis nascitur.

C A P. X X V I.

BLITVM olus est sylvestre, saporis ignavi, in eisdem locis, vbi Cy-
nociamben, cubiti altitudine: foliis subrotundis, cuspis, mini-
me serratis: semina exigua fert, nigra, & splendentia, racematum
in tenuibus membranis inclusa. eius duo genera, rubrum colore san-
guineo, tum caulis tum foliorum, initius; Alterum sylvestrius, colore
herbaceo. Theophrastus olus hoc scribit viraque parte fructificare, sci-
licet cacuminibus, & lateribus, ideo copiosius, protinus enim nodis sin-
gulis semen insidens, racematum gerit: caret radice illa singulari, quæ in
rectum tendit, sed cōtinuo ab extremo multas crassas, prolixiores, quam
Atriplex gerit, lignosas. Duo alia Bliti genera, peregrina hodie seruntur

in hortis non solum ad cibos, sed etiam magis pulchritudinis gratia ob-
coloris venustatem, quorum vnum grande est, specie fere arborea : folia
sunt Blito longiora, rubentia, caulis crassus, striatus, tuberosusque ad
quaterna cubita accedens, ex alis, & ex summis ramis paniculæ longis-
simæ exeunt ac tenues, colore nigrantis Rosæ, speciem floris Amaranthi,
sine odore : semina in iis multa continentur, candida, Panicò exiliora,
quæ in cibos veniunt. An hæc Erysimum fuerit apud Theophrastum in-
ter fruges? Trionum vertit Theodorus. Plinius Irionem vocat inter fru-
ges æstiuas : foliis Sesami, caule Ferulaceo : cum virgines est, à nullo ani-
malium manditur, Sesamo pinguisculum. Plinius folia tribuit san-
guinea & cætera ex Theophrasto. Galenus huius meminit esse inter fru-
ges, Sesamea deterius, & insuauius, minus aërens, temperamento calido.
Alterum vero est apud Dioscoridem Erysimum, de quo inter Erucas,
dicemus. Alterum Bliti peregrini genus brevius est cubito, numerosis
foliis, ex lato in acutum tendentibus, alternis viridibus sanguineis flaviis
que. & plerumque in eodem folio tres colores spectantur, extremo fla-
uo, medio Puniceo, reliquo viridi, vnde vulgo Merauiglia, id est mira-
culum vocat semina racematis sunt inter folia, vt in Blito nostro, scili-
cat nigra, exigua, & splendentia.

C A P. X X V I I.

TRIBULVS fructus est robustissimis aculeis armatus eo ordine,
vt qualiter cumque ponatur, vnuſ ſurſum ſpectet, trēs deorsum,
quibus tanquam pedibus fulcitur. Duo eius genera apud nos,
aquaſicum, & terrefreſte, quod in aquis degit præcipue in paludibus repe-
ritur, fructu nigro, magnitudine caſtanæ, medulla intus dulci, quam
commedunt more caſtanearum : eius planta multis ramis frutificat, ſu-
perne crassioribus, qua folia & fructus gerit, inferne tenuioribus, ſine fo-
liis, qua veterum foliorum, quæ déciderunt, pediculi in capillamenta
quædam extenuati caules conuentiunt. Folium est in rotunditate latum,
ac pulposum longo pediculo. Theophrastus tradit, Tribulum aqua-
ticum in fluminum palustribus tantum prouenire, profunditate ad ſum-
mum quinorum cubitorum aut paulo altiore, nihil autem eius excedere
præterquam ipſa folia inflexa quodammodo, & occultantia Tribulum, qui
mersus in aquam pronus ad imum vergit : folio ampio ad effigiem Vi-
mei, pediculo admodum longo ; caule parte ſumma crassiore ; vnde fo-
lia & fructus dependent : inferna graciliore continuè vſque ad radicem
capillamenta quædam gerente, quæ affidue prope radicem ampliora ſunt :
Germina à latere multa terna, quaternaque, quorum maxima, quæ pro-
xima ſunt radici : fructus niger durusque vehementer. Dioscorides ſi-
militer

militer describit In Thracia è uirenti equos saginate , è semine dulci & esculento panem facere . hęc dē Aquatico . Tribulus Terrestris in ruderibus æstate nascitur , & harenosis locis , ramulis multis , humi stratis , cubitalibus , tenuibus , foliis multipartitis , ut in Cicere tenuioribus , pinguisbus , iuxta quæ parui fructus candidi inuicem herentes quinque ad summum unicum constituentes veluti capitulum rotundum robustissimis aculeis . Dioscorides hanc describit foliis effigie Portulacæ , tenuioribus , viticulis in terra stratis , spinis secundum folia rigidis , præduriis , iuxta amnes & ruderā . Theophrastus inquit , exit folio Ciceris , in terra stratus multifidus , fructu aculeigero , qui maturius prouenit . semen Semame simile . Plinius non σπαραγῆς legit , sed Αμμᾶς , idest arenaceum ; Alterum genus terrestre tradit Theophrastus , quod similiter humi stratum , & multifidum est : serius germinat : spinoso quoque folio : rotundo semine , ac nigro in siliqua : prouenit apud septa villarum , quod genus adhuc nobis est incompertum . Plinius Theophrastum sequitur , vnum in paludibus tradens , quod excipitur in cibis , iuxta Nilum , & Strymonem , alibi dita res , nam in reliquo orbe , genera duo , vni Cicerulae folia , alteri aculeata ; hic & serius floret , magisque septa obsidet villatum : semen ei rotundius , nigrum in siliqua , alteri harenaceum . esse autem Tribulum inter frugum morbos , potius quam terræ pestem , vt Carduum , Lappataque non minus quam Rubum .

C A P . X X V I I I .

SPINACIA vulgo appellatur olus , alioqui Beta simile , sed foliis in extremo angustiotoribus , figura ferme triangula appendicibus quibusdam prope pediculum : ramos breuiores fert , in quibus aut flores sine semine pallidi , aut sine flore aceruata sunt semina dura & spinosa : vnde nomen venit : in cibos cocta , vt Beta , appetentiam excitat tubacido sapore , cuius gratia seruit in hortis . quædam sylvestris repeatitur in montibus breuiore , & latiore folio . Quid si Spinaciā dicamus Lapathum domesticum ? quam Dioscorides tanquam notam nominavit tantum pro secundo genere , solum inquit non similem figura esse cum Oxylapatho , distat enim tum folio , tum semine , conuenit autem sapore cum cæteris Lapathis . Plinius tamen aliter scribit , Oxylapathum scilicet satiuo similius esse . At quod de Oxalide Plinius scribit , idem comprobat , cum inquit , esse Rumici satiuo proximum : foliorum enim figura eadem est , vt suo loco patebit .

LA PATHUM, seu Rumex olus est sylvestre, passim in campis humecto solo nascens: cubiti altitudine: radice Betæ carnosa, intus Buxei coloris: folia sunt Betæ, sed longiora, angustioraque, in acutum desinentia, subrubra, sapore subacido: eius rami vndeque semine onusti sunt, comam constituentes rectam, & densam: semen triquetrum in acutum desinit pendens in folliculis, qui veluti ex tribus labiolis constant membranaceis, colore rubro, sapore austero. Dioscorides Oxylapathum vocat, in palustribus nascens, subacidum, & in summitatibus durum. Plinius non subacidum legit, sed acutum, de foliorum figura intelligēs, quæ & rubriora inquit esse, quam satiuum. Lapathum rubrum Cretense iam seritur in Italia, non solum foliis, sed & caule sanguinei coloris, succo quoque sanguineo inficiente manus, simpliciori caule constat, quam nostrum, & foliis paulo latioribus, rotundioribusque. Est & magnum Lapathum in paludibus nascens, quod Hippolapathum vocatur, magnitudine tantum distans, ab Oxylapatho, nam radix crassa est, ut Rhabarbarum imitetur, non solum colore sed etiam facultate purgandi, cum astrictione: folia sunt Betæ candidæ, longiora: caulis erectus tricubitalis. Dioscorides de Hippolapatho inquit, olus est magnum in paludibus. Plinius inquit maius satiuo esse, candius, ac spissius: adiecit & Hydrolapathon in aqua natum, quæ eadem videtur esse. reperitur & Lapathum sylvestre passim in ruderibus nascens, & prope vias angusto folio strato, cui plerunque sectio quædam est circa imam partem: caulem ramosum fert: ramis non in rectum, sed in latera tendentibus, in quibus semina tenuiora; & rariora sunt. Dioscorides hoc genus paruum inquit esse, humile ac molle Plantagini simile. Plinius genus sylvestre non distinguit ab Oxalide. reperitur & in montibus quoddam foliis in latitudinem magis, quam longitudinem dilatatis: radice crassa, & crœca, ut Rhabarbarum. Forte apud Plinium Bulapathum vocatur radicis tantum altitudine differens, efficacis remedij ad dissentericos. Theophrastus Rumicem, siue Lapathum describit radice singulari omnium olerum altissima, maiore semipedibus ternis, carnosa, viuaci, ideo diurnitate vincit etiam sylvestrem, & omnia olera, multicaulis, & ramosus consistit, & tota forma cum perfecta est Betæ proxima: sylvestris radicem breuiores agit, gravior quam urbana: tamen succo acidior: olera cocta tantum cibo idonea. ex his videtur Vrbanam Rumicem Hippolapathum intellectisse, hec enim radice multos annos viuit. Galenus meminit Lapathi, Oxylapathi, & Hippolapathi. esse autem Lapathum veluti sylvestrem Betam, ex quibus colligitur non esse

esse apud Galenum Ruminem satiuam , & forte per Oxylapathum accedit Oxalidem , per Lapathum autem simpliciter dictum vulgarem Ruminem tum maiorem , tum minorem : per Hippolapathum autem Ruminem magnam . ex hoc genere videtur esse Rheum ab antiquis appellatum , ut testatur quidam Hesiodi commentator , qui Lapathi radicem Rheon appellari alserit . Dioscorides stirpem non describit , sed radicem tantum ex locis ultra Basphorum allatam , quæ etiam Rha , & à Romanis Rhaponticum appellatur nigra . Centaurio magno similis , minor , rufior , fungosa aliquantum , leuis , sine odore , gustu cum astrictione lente- scens : præterea commanducata reddit colorem pallidum , & croceum . Arabes Raued vocant , & Rheubarbarum , cuius non absimilis est descri ptio apud Mesuem inter medicamenta purgantia , quamvis eius tria ge nera faciat , vnum Indicum , quod optimum est , & Rauedsceni vocant : alterum Barbarum ; Tertium Turcicum deterius : laudat subnigrum ten dens ad rubedinem , quod graue cum sua raritate , & in fracturis mixtum colorem reddit rufum cum glauco , tinturæ croceæ . Adulterari testatur infuso in aqua per dies quinque , postea exsiccato anima extracta . Idem Galenus in primo de Antidotis fieri testatur in Rhapontico . Paulus Aegineta vim purgandi in esse testatur in Rhapontico , quod alibi Rhabarbarum vocat in compositionibus . eius tamen facultatis nec Dio scorides , nec Galenus meminerunt . idcirco Averroes eos accusat , quod huiusmodi vim non cognoverint in Rheubarbaro . Quamvis autem re centiorum quidam acriter contendant alterū esse Rhaponticum à Rheubarbaro , quod & Rhabarbarum vocatur , quia tententur se vidiſe legit timum Rhaponticum à Rheubarbaro diuersum : quia tamen video Arabe omnes , & Paulum rem eandem sensisse , putandum est radicem quam officinæ pro Rhapontico substituerunt adulterinam esse , ut nunc quoq; visitur , ipsam Centaurij maioris radicem pro Rhapontico vendentibus , deest autem color rufus , & succus croceus : rectius autem alijs Hippolaphi nostri radicem substituerunt , Rhabarbarum vocantes . sed in ge nere Rhabarbari Turcicum apud Mesuem Rhaponticum fuerit , quod deterius est , quale illud est , quod officinæ acerbum Rhabarbarem vo cant , colore minus vario , minus croceo , minus odoratum , minus dēsum , ac facultate minus soluente , vnde in fluxibus alui magis probatur .

C A P. X X X.

OXALIS , vulgo autem Acetosa inter olera domesticareponitus , quæ cruda comeduntur ex oleo & aceto ; nam colitur in hor tis , licet etiam sponte nascatur gracili solo , tenuis herbula : foliis digitalibus , in tres angulos desinentibus : figura quasi sagittæ : sapore

sapore ob multam aciditatem grato: caulinum tenuem fert, dodrantalem: comam rubram, in qua semen ut in Oxylapatho pendet, tenuisius Alteram in montibus maior, foliis ad Spinaciam acoedentibus, sapore simili. Tertia etiam est mediæ magnitudinis: rotundioribus foliis. Dioscrides Oxalidem quartum genus Lapathi ponit, cuius folia sylvestri scilicet exiguo Rumici similia: caulis non magnus: semen subacutum, rubens, acre in caule, & agnatis appendicibus, ex quibus paruum illud videtur significare. Plinius Oxalidem sylvestre Lapathum esse, satiuo proximum: foliis aquosis, colore Betae candidæ, radice minima, ex quibus videtur significare, reliqua genera maiora; illa enim Spinaciae proxima sunt, quod Lapathum domesticum posuimus ex Diocoride.

C A P. X X X I.

FORMENTONE vulgo vocatur, aliis Saresinum, semen trilateum, figura seminis Lapathi, grandius, corticenigro, candida intus substantia, ut Frumenti, quod in cibis coquitur, Farris, & Orizæ modo, cuius gratia seritur inter aestivas Fruges: eius planta caules cubito maiores fert, infirmos colore sanguineo, lèques: folia Oxalidis mediæ, quæ cum tota planta aliquando rubescunt, ex alis Foliorum racemuli exeunt cum flosculis candidantibus, è quibus pendent semina, qualia dicta sunt. Alterum eius genus est, quod sponte oritur, Convolvulo simile, tenuibus cauliculis, vicinas plantas amplectens, semine Lapathi, hoc in gracili solo totum rubet.

C A P. X X X I I.

LIMONIUM herba in palustribus, præcipue maritimis, oritur: radice crassa, & rubra, ac ramosa, astringenti, qua pro Been rubro vtuntur: folia à radice tantam fert Rumici similia: caulem nudum, tenuem, cubito minorem, qui in summo fnditur in ramos, in quibus hærent flosculi parui quales in Polygono, alij candantes, alij purpurei, alij punicei: in his semina Polygoni includuntur. Alterum eius genus exiguum reperitur, foliolis paruæ Oxalidis, cauliculis quatuor digitorum altitudine in locis aridis. Diocorides describit foliis Betae, tenuioribus, ac longioribus, decem aut pluribus, caulem tenuem, rectum, Lilio æqualem seminibus rubris scatentem, gustu astringente. Plinius Limonium Betam sylvestrem vocari tradit, multo minoribus tenuioribusque foliis ac densioribus, vnde decim sæpe caulum. Galenus Betam sylvestrem nullam nouisse se testatur, nisi quis Ruminem accipiat. certe hæc plena est seminis rubri, & astringentis. Limonij tamen seorsum meminit, vires ex Diocoride examinans.

BISTORTA

C A P. XXXIII.

ISTORIA vulgo appellatur in alpibus radix conuoluta serpentis modo, vnde Serpentariam quidam vocant, colore rufo, astrigentis saporis: folia ferrab radice Lapathi sylvestris figura, plumbi coloris: in parte prona caulem simplicem fert & rectum ratis foliolis, in cuius summo spica est Persicariae similis semine rufo. Plinius Mylodenam, idest Plumbaginem appellat herbam, quæ vulgo nascitur etiam in aruis folio Lapathi, crassa radice, hispida: alibi videtur intelligere inter Dracontia sibi demonstrata, primum foliis Betae non sine Tyrso, flore purpureo, reliqua vero generali cum Aro a nobis explicabuntur.

C A P. XXXIV.

PERSICARIA vulgo dicitur herba, in humidis & palustribus locis fermè cubitalis, paucis ramis Calami modo geniculatis, colore rubro, foliis Persici, aut Salicis, gustu acerbo, in summis ramulis parvæ spicæ sunt, refertæ semine candicante, aut subrubente, figura cuspidis lanceæ, radice geniculata nititur pallida, aut rubente. eius duæ inueniuntur differentiæ, vna folio constat leui, & maculoso, macula in medio folio subrubente, figura triangula. Alteri folium asperiusculum est, ac sine macula, acerbioris saporis. Dioscorides Britanniam vocat seu Bretanicam, quæ & Bettonica dicitur, cui folia sylvestris Lapathi, sed nigriora & pilosiora, gustu astrigentia: radix tenuis, & brevis: caulis non magnus: exprimitur succus e foliis, qui igne, aut sole cogitur, vim habet astrigentem, potissimum ad depascentia oris, & tonsillarum ulcerarum. eandem puto describi iterum mox sub nomine Bettonicæ: radix enim rubens non sine odore: caulis rectus, Calami modo geniculatus, in quo folia oblonga, & medio macula rubens triangula: inquit enim Bettonica nascitur in fenariis campis, locis montuosis, puris & placidis apud virgultam, animas hominum & corpora tuetur à maleficis, & piaculis omnibus ac periclis, contra peregrinationes nocturnas, itinera insidiosa, difficiles sonnos, in totumque per omnem medicinam ante cunctas celebratissima est: eius descriptio hoc modo legitur: habet radicem totam rubram & odoratam, folia autem prasina, & quod in medio foliorum puniceum, & recto calamo triangulum, & super ipsa flores purpurascentes: eius virtus huiusmodi est recens detrita vulneribus, capitibus imponitur ad dolorem leuandum, conglutinat, & ossa fracta extrahit, quod singulis diebus fit donec sanentur, feruefacta in aqua dolores

flores capitum sanat, si ea irrigetur, & cum bitumine temporibus inungantur: radix quoque suffita idem prestat, hæc Bettonicæ narratio à recentioribus tanquam spuria deleta est. Plinius Brittanicam vocat, miraturque nominis causam, cum in Britannia non plurima nascatur, in Germania trans Rhenum maritimo tractu, fontem esse aquæ dulcis, qua pota, dentes intra biennium deciderent, & compages in genibus soluerentur, repperam auxilio herbam Brittanicam non solum nervis & oris malis salutarem, sed ad anginas & serpentes. folia habet oblonga nigra, radicem nigram, succus eius exprimitur & ex radice, florem Vibones vocant quia collectus antequam tonitrua audiantur, & deuoratus securos in totum reddit.

C A P. X X X V.

HYDROPIPER, aliqui Persicariam minorem vocant, in totum Persicariae similis: tenuioribus, ac brevioribus foliis, leuibus, sine macula: ramis, & fructu magis rubentibus: sapore aceti, similiter in aquosis nascitur. Dioscorides apud aquas stagnantes nasci tradit: caule geniculato, solidi, multis alis: foliis Mente majoribus, mollioribus, candidioribusque, gustu Piperis, citra odoris gratiam: fructum autem acrem in surculis paruis fert prope folia racematis: radicem paruam nullius usus. ex hoc genere videtur apud eundem Dioscoridem Cratægonem esse, foliis Melampyri, multis calamis ex una radice prodeuntibus, multorum geniculorum, semine Milij: nascitur in opacis, & fruetosis, parte plurima summopere acre. Plinius de eo scribit Spicæ Tritici simile est, id est Melampyro, multis calamis ab una radice, multorumq; geniculorum, in opacis semine Milij vehementer aspero gusto, qui sapor Persicariæ magis contient. Theophrastus Cræcum vocat, cuius fructus ex aqua semen prolificum facit, nascitur id, Lini modo rufum, & fructum tanquam Milium fert.

C A P. X X X V I.

POLYGONVM, quæ vulgo Centinodia vocatur, herba est humistrata; in æstate passim proueniens multis ramulis Iunci modi lentici, tenuibus, geniculis frequentibus: singulari folio iuxta singulos geniculos, quod paruæ linguae similitudinem gerit, ideo Lingua passerina à nonnullis vocatur: iuxta singula folia flosculi sunt pauci exigui, rubentes, aut candicantes: semen autem in suis folliculis triquetrum Acetosæ simile, reperitur quædam longiori tum semine, tum folio crenata in montibus: alia quoque in maritimis brevior & crassior, tota candida

dida & humi strata. Dioscorides Polygonum maret vocat, exilibus ramis, teneris, multis, Graminis modo geniculatis, humi stratis: foliis Rutæ mollioribus, longioribus: semine sub omnibus foliis turgente: flore candido, aut puniceo. Plinius hanc in maret & fœminam distinguit. Mas non attollitur è terra, foliis Rutæ, similis Gramini. Fœmina maior, minus nigra, geniculis densior, semine sub omnibus foliis turgente. Quidam hanc maret, illam fœminam vocant. Quamvis autem utriusque semen sub omnibus foliis insit: quam tamen erectam posuimus, videtur Plinius posteriorem intellexisse. Aliæ autem plantæ, eodem nomine appellantur, tum à Plinio, tum à Dioscoride, de quibus alio loco dicendum est.

C A P. X X X V I I.

AL SIN E herbula est iuxta hortorum parietes, & in umbrosis, læto solo alioqui similis Helxine, sed raro lis humi stratis, eodam talibus: foliis per interualla binis, paulo Helxine minoribus, leuiibus, crassis Portulacæ modo, odore omnino Cucumeris, si terantur digitis, fructum sine flore fert in alis foliorum, mote Polygoni, sed rotundum, & durum hyeme & Vere tantum. Dioscorides inquit, eadem esset quæ Helxine, nisi humilior, minoribus foliis, non hirsutis, cum teritur, odorem habet Cucumeris, nascitur in opacis, & lucis, &c, vt inquit Plinius, eadem fere ex Dioscoride repetens, in hortis, & maxime in parietibus. appellata etiam fuit Myosotis, quia, cum prorepit, musculorum aures imitatur foliis: Quamvis autem hæc descriptio satis conueniat alteri plantæ, quæ vulgo Morsus Gallinæ, & Centumculus vocatur. affinior tamen Helxine illa est quam descripsi, nam præter cæteras similitudines, semina circa caulem sine flore fert, alioqui hæc vix à Centumculo distinguitur, visu, sed inuentu rarior.

C A P. X X X V I I I.

HELXINE vulgo autem Parietaria, herba est, ubique in parietibus nascentis: cauliculis subrubentibus, teneris & quadantenuis perspicuis: folia insunt figura Hederæ, parua, infecta, subnigra, aspera, vt vestibus hærent: semina in alis foliorum pauca râcematum fert, folliculis asperis inclusa: eius succus maculas ex oleo abstergit, propinat quidam eundem miro effectu ad vitinam mouendam, & tenes à calculis purgandos. Dioscorides tradit in parietinis, sepibus, & maceris nascentem, foliis Mercurialis, hirsutis: cauliculis subrubentibus, circa quos veluti semina aspera, vestibus hærentia insunt. Plinius quan-

Y quam

quam sub hoc nomine plures plantas intelligat. hanc tamen describens, multa ex Diōscoride mutuatus est, aliter autem foliorum similitudinem tradit, mixtae scilicet similitudinis Plantaginis, & Marrubij, caulinulos densos, leviter rubentes, semina in capitibus Lappaceis adherentia vestibus, unde nomen Helixines, inficit lanas. forte communia sit cum Perdicio, quam herbam Vrceolarem a nostris appellari tradit: folio Ocyymi tantum nigriori: nascitur in tegulis, parietinisq;: precipui remedij lapsis ex alto succus potus, monstrata somnio a Minerva Pericli Atheniensium principi, unde & Parthenion vocatur. Galenus quoque Helixinem, & Perdicium & Parthenium vocari testatur: si igitur in Plinio folia Ocymo similia, sed nigriora accommodentur Helixine, cui Dioscorides Mercurialis similitudinem tribuit, licet non sint serrata: folia autem mixtae similitudinis Plantaginis & Marrubij reddantur herbe Vrceolari, dicemus Vrceolarem herbam, cui vasculum Vrceo simile & folia Platinis, vulgo autem Saponaria appellatur, quia lanas purgat, quam & illi congenere sit, que folio est Ocymi, unde Ocyoides vocatur, de quibus inferius erit dicendum.

C A P. XXXIX.

QUIDAM Salsolam vocant, herbilam in maritimis nascentem, ramosam: foliolis thereti figura pulposis, ut Vermicularia, in aculeum tenuem, & pungentem desinentibus, flore rubente: aliquando tota rubet multis ramis humili sparsis, semen fert in autumno, veluti in souea, ternis circundantibus foliolis pungentibus. Herba dum tenella est, assumentur in cibis cum oleo & aceto: quoddam genus colitur in hortis, vulgo Isgatum vocant: foliis nequaquam pungentibus, longioribus, ac viridibus: ramis maioribus: femine nigro simili Vermicullo in spiras convoluto, quod gustu fauces viri: herba ipsa assumitur inter olera. apud Diōscoridem putatur Tragos; at sapore non constat acerbo, nec acinis constat. Plinius inter genera Halimi recenset, cum inquit alij olus maritimum, salsum, & inde nomen, foliis in rotunditate longis, laudatum in cibis; Duorum genium sylvestre & mitius, vtrumque dissentericis, & exulceratis. Sylvestri tenuiora folia: efficacior in sananda scabie: vtrumque mandi & condiri. Crateas tertiam genus, longioribus foliis hirsutioribus, odore Cupressi, nasci sub Hedera. Quae autem intelligatur odore Cupressi adhuc incertum est. Quædam in maritimis nascitur foliis tenuioribus Isgato, numerosioribusque, nequaquam pungentibus, rubris: in autumno copioso semine racematim tamulis haerente, nigro simili Blito: haec quoque salto sapore constat: aliæ huic generes iuxta parietes, & sterquilinia nascuntur: foliis gracilioribus, viridibus: semine Polygoni, gustu insipido.

C A P. X L.

ALIVD genus Salsolę in maritimis nascitur, palustribus : fruticosa : nullis foliis : Cupresso nuper nascenti similis : pulposis ramulis : salso gustu : colore rubente in maturitate. aiunt ex hac combusta, Nitri quoddam genus facere, quam Soda vocant, ad vitrum aliquandum necessariam : hæc summis ramulis turget in autumno : semina intra se condens tanquam in alio : constat enim ramusculorum compago ex frequentibus squamulis pulposis, sub quibus instar Lentis, semina cōcipiuntur parua, quæ decidunt arescentibus squamulis in hysme. eius duas notauimus differentias : unum simplicius, & breuius doctratali altitudine, rectum, annuum : Alterum multis ramulis, fruticans, lignosum & grandius, perpetuum. plurimum in Ilua, portu Ferrario, aliquando in Scopulis. Serapio Vnaem & Cali vocat, eo nomine intelligens tum plantam, tum Nitrum ex ea paratum. Plantam alicubi tantæ magnitudinis tradit, ut facile sub ea, quis umbram inuenire, & meridiari posse : totam etiam num lignosam esse, huic Plantæ Tragos videretur conuenire, cum fruticosa sit ac sine foliis, non tamen acuto cacumine adhuc visa est. potius Empetron dici apud Dioscoridem puto, quæ Phacoides appellata est à Lentis similitudine, sed apud Galenum, & Paulum depravata, ut puto vocatur Praesoides. inquit Dioscorides de Emperio, nascitur in montibus maritimis, salsa, quo vero à mari longius recessit, magisque terrena fuerit, eo amarior sentitur. sumitur in iure aliquo aut hyrdomelite, pituitam inutilem trahit, & bilem, & aquam. Plinius eadem fere tradit. Empetron nostri Calcifragam vocat, nascitur in montibus maritimis ferè in saxo, quo proprius mari fuerit, minus salsa est, potaque bilem trahit, ac pituitas : quo longius magisque terrena, amarior sentitur, trahit aquam: vetustate vires perdit: recens vrias cit: decoctum in aqua, vel tritum calculos frangit. Qui fidem huic promisso quæcunt, affirmant lapillos, qui subseruefunt, una rumpi. Videtur autem Plinius, Empetron, & Saxifragam Dioscoridis eandem plantam putasse, cum vtriusque vires & nomina vni huic tribuerit. Galenus certe Saxifragę non meminit in simplicium censu : Empetri meminit, alibi tamen idem Plinius Saxifragam à nostris appellari tradit ipsum Adianatum nigrum, nō quod in saxis nascetur, sed quod calculos mitte pellit.

C A P. X L I.

FRVMENTA inter fruges numerantur non solum hominum, sed & iumentorum, cibus maxime proprius, cuius gratia singulis annis seruntur: annua enim sunt. seminibus inest multa vis alendi,

nec herba ipsa inutilis, cum depascantur illa tum viridi, tum sicca omne pecudum & iumentorum genus. peculiare in seminibus his; non enim ab eadem parte videntur radices in terram agere, & germen, sed radices quidem ab ea parte, qua cor est, quod infestus sedet: germen autem ab altera, & exteriori, quod nullis aliis contingit: eadem enim particula in omnibus seminibus principium est tum radicis, tum germinis. At vero neque in frumentis distant vere huiusmodi particulae, sed intra corticem latente seminis corde, radix quidem inferius, germen autem (uperius) emergens, corticem distumpit in opposita parte: non enim semen biuale est, ut in leguminibus, & cæteris plerisque bina folia in ortu ostendentibus: nam in iis tota nouella plantula tanquam fetus, è cortice seminis etumpit unica parte: in frumentis autem continetur intra corticem seminis corpulentia, unde primum alimentum habetur, & tan diu hetera nuper natæ plantulæ, donec tota eius substantia in radices & germina abierit. Quod aliquando & biualis contingit, cum præ crassitię seminis, & corticis durius, binę ille seminis partes non erumpunt in folia, sed statim proprium foliorum genus ostendunt: sic frumentorum genus uniuersum se habet: radicem non unicam in altum dimittit, sed statim plures fibras sine ramis spargunt: caules ferunt simplices, geniculatos, & concauos magna ex parte, sine cortice, sed folij pediculus circum, quaque vestiens cortices vicem gerit, ut in ferulaceis, caules hoc culmos vocant, & calamos folia in longitudinem producta & indiuisa, neruofragi: semina summis calamis continentur in spica, aut racemosæ iuba, aridis folliculis inclusa, qui pletumque in aristis desinunt, id est tenues & asperas festucas: flosculos edunt lanuginosos è seminū folliculis erumpentes; frumentorum hyberna dicuntur, quæ hyeme & Vere sata, æstate perfecta sunt: æstiu autem, quæ in æstate sata, in autumnum prorogantur: hyberna spicis magis continent semina aristis munita: æstiu autem racemosis potius Iubis exposita, paruis aubus sunt, ut Milium, Panicum, eorum quoque alia folliculis multipattitis includuntur, à quibus facile absoluuntur, ut Triticum, Far, Secale: alia uno continuo folliculo inclusa permanent, ut Spelta, Hordeum, Auena.

C A P. X L I .

TRITICVM frumentorum optimum: nam ex eius farina panes sunt ad homines alendos optimi: in granis subrotundis & levibus rizula per longitudinem discurrit; color aliis candidus: aliis subrufus: aliis rotundiora: alia oblongiora: grandiora quoque; vel tenuiora: in spicis quoque aliqua est differentia; plurimè enim aristis munitæ sunt: quædam illis carent: ramosæ quædam sunt, in quibus gran-

grandiora sunt grana : pluri^ma simplices . ex his genus, quoddam can-
cidiissimum in spica sine aristis gignitur, apud Aretinos Galbigiam vo-
cant incolæ, quam Siliginem vocat Plinius Tritici delicias, cui candor
est, & sine virtute & sine pondere, conuenit humidissimis tractibus, ali-
bi transit in Triticum biennio, spicam fert sine aristis, similiter ut Far, ex-
cepta Laconica, nunquam maturescit pariter, & minime dilatationem po-
titur decidentibus granis, sed minime in stipula pericitatur, quoniam
stipulam habet rectam, nec torem continet, qui rubiginem faciat. Gale-
nus panem Siligineum purissimum esse testatur, Græcis tamen incogni-
tam Siliginem fuisse : Aliud rotundo magis granō, quod setitur Veræ,
vnde Vernellam vocant vnicō culmo. Dioscorides Trimestre vocat, &
Sitaniū, quod leuorem cibum & reddi faciliorem præbet. Farinæ au-
tem differentiæ sunt Pollen, Similago, Secundarium, Furfur. Pollen ut
Plinius inquit idem in Tritico est, quod flos in Silagine : vniuntur pro-
glutine libris glutinans teste Dioscoride euolat autē Pollen, ut vicinis pa-
rietibus & molis hęreat. Similago est Tritici farina purissima, vnde panis
similaceus, post Siliginem proximus, ut inquit Galenus, plus alit, quam
cibarius, ut inquit Dioscorides. Fit etiam ex ea gluten, ut ex Polline : se-
condarium apud Plinium, ex quo cibarius vocatus panis sit, quem Dio-
scorides Syncromiston vocat. Videtur hoc quod secundo loco post Si-
milaginem excernitur, medium inter Furfur & purissimam Farinam, ex
quo pauperes panem conficiunt. Galenus tamen Syncromiston, & Auto-
pyron vocari tradit panem, qui ex tota Farina cum Furfuribus paratur.
Furfur pars est crassissima ex Tritici cortice constans ad panes pro cani-
bus alendis commoda .

C A P. X L I I I.

QUOD vulgo Far vocatur, non vnum semen est, sed aliud apud
diuersas gentes intelligitur, vbiq; tamen Far vocant quodcum-
que semen quod à cortice mandatum, & contractum, elixatur
in cibis. In Sicilia ex Hordeo parant, & in quibusdam Appen-
nini locis: quoddam genus hordei habent paruum, alibi Spelta vtuntur.
In Gallia Cisalpina semen est proprium, Tritico longius, dorso acuto, co-
lo te ruffo, in spica crassiori, quam Spelta, multiplici folliculo, binis or-
dinibus, & in singulis ordinibus, bina semina coniugatim disposita pro-
priis membranis arcte inclusa, culmus multiplex, brevior Tritico, folia
angustiora, amat loca pinguis, seriturque Vere: difficile exterritur à fol-
liculis. Aliud nobilius, sed rarius in Italia seritur, longe crassiore gra-
no, & candidiore, quod è suis folliculis facilius erumpit more Trinci :
eius spica sine aristis est. Plinius quoque multa genera Farris tradit : de iis
autem,

autem, quæ modo descripsi, videtur intellexisse, cum inquit. Far spicam ferre sine arista, ut Siligo : nam de altero genere Farris, quod veteres Adoreum appellabant : quia difficulter exteritur, inquit condi cum sua palea, & stipula tantum, & aristis liberari; ad nostrum genus Farris etiam illud pertinere videtur quod inquit : Galliæ quoque suum genus Farris habent, illic Branca vocatum, apud nos Sandalum nitidissimi grani, quod plus panis affert quaternis libris, quam Far aliud. Quod præterea inquit in Aegypto fieri ex Olyra, ad alterū nobilius Far pertinere videtur, quod etiam tempore Plini in Italia serebatur, licet esset sub alio nomine Galiliarum proprium. Quod enim Olyra in Aegypto est, Arinca in Gallia vocatur, qua decocta medicamentum sit, quod Aegyptij Atharam vocant infantibus utrilibet. ex Arinca inquit dulcissimus sit panis, ipsa spissior, quam Far & maior spica & ponderosior : modius grani sexdecim libras implet. exteritur in Græcia difficulter, ob id iumentis dati : in Aegypto facilis fertiliisque. Dioscorides nostrum Far videtur Zeam Dicocon appellasse, quæ duo grana in duobus folliculis iuncta gerit, ex qua Chondros sit, quam Alicam interpretantur multi non bene : Galenus ex genere Tritici esse Chondrum scribit. & Olyra Dioscoridis eiudem generis cum Zea habetur : solum nutrit minus : panis ex ea sit & tunditur in crassiore Fatinam, ut Zea, quam Crimnon vocant pro pulte. Theophrastus Zeam, quam Theodorus semen vertit ex Plinio per quam similem Tritico esse scribit, & in Triticum mutari solere, si pistum eius granum seratur, idque non protinus, sed anno tertio, aliquando in Auenam : mature seritur, exit Tritico & Hordeo similis robustissima, & maxime terram extenuans, quia radix ei multiplex atque alta, culmusque numerosus constat, sed fructus facillimus, omnibus animalibus gratissimus : solum pingue, & letum desiderat. Olyram autem quam Theodorus Siliginem auertit, molliorem Zea, & infirmiorem scribit mature seri, Tritico & Hordeo similem : semina multiplici folliculo includi.

C A P. X L I I I .

SPELTA vulgo appellatur veluti exiguum Triticum suo folliculo perpetue inclusum, qui singulis seminibus unicus est, leuis, candicans, & modice depresso, in aristam desinens subasperam, spica brevis est, & depresso, seminibus utrinque unico ordine dispositus, culmus quoq; brevis : amat solum tenue & aridum : panem modicum quidem, sed suauem reddit ; sed propter exilitatem iumentis datur. Dioscorides Zeam simplicem appellat, quæ vi panificia magis Hordeo, minus Tritico nutrit : ori grata, ex ea quoque sit Crimnon, quæ crassior est Farina, ex qua pultem faciunt, ut ex Tritico & Olyra ; à puite autem Spelta

Spelta videtur appellata . Plinius testatur Romanos pulte non pane longo tempore vixisse, sed tam Greci pultem ignotam, quam Italiam polentiam . idem Plinius à Grecis accipiens aliquando Zeam vocat, quod à Latinis semen appellatur , maxime in Campania : quia res præclara etiam Homero teste laudante arua Zeam ferentia : ex hoc semine Alicam fieri, de qua inquit, semen maxime nudum esse, ut Hordeum, quod nequam Chondro conuenire videtur : Tunditur granam eius in pila lignea, excussis inde tunicis, iterum nudata medulla conciditur in tria genera, minimum scilicet, secundarium, & grandissimum . Alicam præterea res Romana est inquit, neque Pompei magni etate in usu fuisse traditur, Ptsanq; antefertur sine dubio : nam laudes Ptsang, quas Hipocrates uno volume condidit, omnes in Alicam nunc transeant . Contra, quanto innocentior est Alicia : Hippocrates tantum sorbitonis gratia laudauit : quoniam lubrica sitim arcet, in alio non tumesceret, facile redderetur, & assuetis hic solus cibus in febribus die possit dari, tantum remotus, ab istis, qui Medicinam fame exercent, de Alicam confimat & Paulus Aegineta, aliam esse à Chondro, cum inquit similem esse Chondro natura, nisi quod ventrem magis supprimit, ut Dioscorides testatur de Zea, præsertim tosta in Crimno . Galenus Speltam videtur intellexisse sub Tipha nomine, inquit enim esse veluti Triticum paruum, eo longe exilius, colore magis flavo, cortice vestitum ut Hordeum ; equorum cibis commodum, decorticatum in panes recipitur, vel aqua elixatur, manditur cum sapa, aut sale .

C A P . X L V .

H ORDEVM semen est in medio crassum, & rotundum virisque extremis in acutum desinentibus, cortice potius quam folliculo inclusum : adhæret enim semini, ut cum labore avelatur : ponuntur semina in spica nulla, alia protegente membrana, ideo nuda videntur ut Speltae : & similiter in aristam desinunt, longam, & asperam aliquando binis versibus, ut unicum vitinque semen ordine procedat : longissima spica, quod genus Ordeolam vulgo appellant : in montibus & locis frigidis satam, bieuiori giano, ac rotundiori, candido, quo pro Farre videntur . Hoc forte fuerit Far Adoretum apud Plinium : inquit enim fuisse primum antiquis Latio cibum Far Adoretum magno argumento in Adoreq; donis: ex omni genere durissimum, & contra hyemem firmissimum, patitur frigidissimos locos, & minus subactos, vel astutos sitientesque : purgari non potest nisi tostum : ideo spicam Faris tosti pinsant ruuido pilo, sed ad fatus seruant cum suis vaginalis & non torrent : quia difficulter exteritur : conuenit cum palea sua condii, & ripu-

la

la tantum & aristis liberatur. Ad hoc genus referri videtur, quod alibi inquit, qui Zea vuntur, non habent Far, per Zeam intelligit, que in Campania semen appellatur, ex qua fit Alicia. Alterum genus Hordei similem spicam fert paulo breuiores; granis tenuibus, vtrinque alternatim ad latera inclinantibus, ut in Spelta, in montibus Lucensibus Scandellam vocant, ex qua panes faciunt reliquo Hordeo meliores: sed iumentis noxia est: nam aluum turbat. Galenus forte hec genera Hordei inter Olyras recensuit, cum inquit, Olyram colore candido: corticem extrinsecus habere, vt Hordeum, & decorticata assumpti in panes, qui si ex optima Olyra fiant, post triticeos sunt præstantissimi: secundi ab his sunt Tiphini. Quod si Olyrini ex vitioso semine sint facti Tiphini non erunt eis inferiores. ex nobilissima quoque Olyra, cum, vt decet, fuerit decoricata, nominatum Tragum conficitur, quo plerique vuntur primum in aqua decoquentes, deinde ea affusa, Sapam, aut Vinum dulce, aut mulsum infundentes super iniiciunt, & pineas nuces aqua pre maceratas, donec plurimum intumuerint. Quidam autem inquit, iemen hoc genere quidem non tamen specie cum Olyris idem esse affirmant. hec Galenus. Dioscorides Tragum inter fruges (nam & alia est Tragos inter herbas medicas Scorpios cognominata) Chondro similem figura tradit, que multo minus, quam Zea nutrit, quod multum aceris habeat, quare ægrius conficitur, aluumque magis mollit. Plinius Tragum externum esse semen ab Oriente inuestum Orizæ simile.

C A P. X L V I.

HORDEI aliud genus est, crassius, in spica breuiori, rotundiorique, quinis ordinibus, raro quaternis aliquando senis, quo maxime vuntur ad iumentorum nutrimentum, & rustici ex eo panes faciunt: primum metitur inter fruges, magnum in penuria suo præcoci aduentu afferens adiumentum: huius quoddam genus est, cui cortex sponte abscedit, vnde Hordeum mundum vocant, quod facilioris concoctionis est, & succulentius in ptisana confienda. Plinius Hordeum Glabrum vocat in Beotia & Aphrica. Et Galenus Hordeum nudum in Capadocia corticis expensis. Ex quounque Hordeo pollentiam fieri, que in cibis præfertur apud Græcos. Theophrastus Hordeum describit latiore folio quam Triticum: calamo breuiori, tenuiorique: semine nudo: nam maximè omnium caret tegumento: spicatur inuersus: aliud binos: aliud ternos, aliud quaternos; aut quinque, ad summum senos. Quantò autem pluribus versibus construitur, eo spissius, & positu arctius constat. vt plurimum granum: aliud rotundius, minusque: aliud oblongius, maiusque, & in spica rarius: & aliud can-didum:

didum: aliud accedens ad purpuram, quod aduersus frigora, & flatus & cæli mutationes validius candido resistit: in gracili solo proficere potest: In India quoddam genus Hordei sylvestris est, ex quo Chondrum bonum faciunt. Dioscorides vnum tantum genus ponit, quod candidum purumque est.

C A P . X L V I I .

AVENA vulgo appellatur semen Hordeo longius, tenuiusque & leui cortice, crasso, ac duro: medulla intus molli, candida, & dulci, tenui quadam lanagine obducta: pendent bina in coma potius quam spica, longis, ac tenuibus pediculis, binis membranis amplectentibus, sine aristis, calami Tritico altiores, nodosioresque: inter segetes præcipue Tritici nascitur: seritur quoque per se ad pabulum iumentorum, ut Hordeum & Spelta: extat mitior, & sylvestrior: mitior colore candido: crassiore grano: sylvestrior nigra, tenuiorque. Tertium quoq; genus est omnino sylvestre & immite: breuiori calamo: frequens in Hordeis: grano subrubente, multa lanagine obducto: arista nigra tanquam festuca robusta, medio semini impacta, ut alterum videatur semen, cum tamen bina tantum in hoc sint, ut in cæteris. Dioscorides prima duo genera Bromon vocat, quorum vnum inquit inter fruges Calatum esse, foliis Tritici, geniculatum, qui fructum in summo gerit, veluti parvas locustas, bimembres, in quibus semen continetur vtile ad castaplasmata, ut Hordeum: puls quoque ex eo fit aluum sistens: eiusdem tremor tussientibus prodest. Alterum inter medicas plantas Aegilopi simile ad Ozennas laudatum, ex quibus manifestum est, Bromon inter fruges numeratum Auenam esse latiuam, & mitiorem, alteram autem Aueniam nigrum: hæc enim Aegilopi similius. Theophrastus Brömon inter eas numerat, quæ Tritico & Hordeo similes sunt: sed radice numerosiore constat, & multis dispergitur culmis, veluti sylvestre quoddam & immite: semen multiplici tunica integritur. Plinius Bromon inter externa recenset ab Oriente inuecta Orizæ similia, & alibi inter vitia segetis Auenæ Græce genere, & folio & stipula Triticum imitatur: in cacu minibus dependentes, paruulas veluti locustas habet. Auenam alibi vocat Frumenti vitium, & Hordeum in eam degenerat. Germani edunt ex ea pultem, semen maxime nudum, ut Hordeum, & Alica, sed hoc aduersari videretur Theophrasto, qui Bromon multiplici tunica tegi testatur, & alibi inquit Auenam maxime natura operuit, vbi græce Cricos legitur, quam vocem Auenam vertit Theodorus, sed Bromos, ut puto, legendum est. Sed Plinius nudum vocavit: quoniam membranæ in maturitate dehiscentes maxime nudum ostendunt semen, proprio tamen

erice interdum, ut Hordeum & Spelta. Galenus frequentissimam in Asia & potissimum in Misia, ubi Tipha & Oryza multus est prouctus, sed iumentorum alimentum, non hominum, nisi extrema satne in partes digeritur, coctum ex aqua eius semen cum Sapa, aut Vino dulci, tuae est, ut Tipha, minus durum & minus nutrit, sed panis inservit. Tertrum autem genus Aegilops vocatur, manifeste quidem a Theophrasto, Auenam verut Theodorus: sylvestre quoddam de immite, quod magis in Hordeo nascitur, terram vehementer extenuat, & multipliciter calamum, tum radice, constat folio piloso, cultis melius erumpit, & folium frugale desiderat, & coli exposcit, sed deleri contumax, cum aphidis alienis nascatur: non enim simul prouenit ex omnibus seminibus, sed patet anno primo partim secundo: semen continuum, & bisiduum cernitur, ut eius una pars prius nascatur, altera posterius anno sequente. Dioscorides autem aliam videtur describere Aegilopis nomine, cum scribit herbulam esse foliis Tritici molitoribus, in summo capite bina terrena semina gerit rubra, quibus aristae quasi capillace exstant, inedetur rotulorum morbo ciuidem nominis, & durius discutit, quæ descriptio magis videtur conuenire Tritico sylvestri in Sicilia appellato, quod apud nos quoque pa'sim in incultis, & montosis nascitur, palmi altitudine, duobus aut tribus capitibus in summo datus, quæ multas aristas in latera spargunt, colore candido, semen inquis continetur Tritico simile exiglius. Siculum autem aliud candidum, aliud nigrum, & aristas magis subiectas habet: verum si hanc apud Dioscoridem Aegilopam dicamus, incertum fuerit, quid Bergos sit apud eundem Aegilopi similis, nihil enim habet Avena simile cum ea plantula, preterquam quod neque rubri sint Tritici sylvestris fructus, ut Aegilops, sed candidi, aut nigri. Quod si per aristas capillaceas seminibus, incidentes in Aegilope, interpretemur lanuginem, quam diximus in tertio genere Auenæ in esse, nihil obstat, erit enim eadem Aegilops apud Dioscoridem & Theophrastum. Plinius festucam vocat, ut puto a similitudine aristæ ex medio semine etiupente, tanquam festuca in oculo impactata. Hordeum inquit vocat Festuca, quæ vocatur Aegilops. nisi estor. Deinde invenimus

C A P. X L V I I I.

A VENA græca, numeroso calamo nascitur, cubito brevior: seminibus rubris, ac nudis in aristas desinentibus, longis, Avenæ modo, sed depresso, quæ ex ramosa coma pendent, parvis spicis, sex aut octo semina, continentibus duobus ordinibus, quæ nunquam cadunt: frequens est in aruis precipue in Scrobium superciliis: huic salitis conueniret Dioscoridis Aegilops, nisi numerus seminum obstat.

Plinius

Plinius Auenam grēcam seri ad genus pabuli, quod Ocyrum appellatur, quia cito prouenit, ei non cadit semen. Hermolaus non Ocyrum, sed Ocynum legit, ut quoque apud Varro, & Catonem legitur quod erat pabuli & farraginis quoddam genus, dictum ab ocyis verbo, quod significat cito: Ocyrum vero aliud est inter olera.

C A P. X L I X.

LOLIVUM semen est in Tritici segete maxime nascens, cum praecepit hyems aquosa fuerit, quasi ex Tritici putredine fiat; granum est parvum, cortice fusco intectum, in acutum desinens & tenuem aristulam, quod etiam in parva quantitate Tritico ad mixtum, vertigines facit, & oculos hebetat: stipulam Tritico similem gerit, & folia colore virentiore nitentia: spicas longissimas gerit, alternis vtrinque racemulis brevibus sursum spectantibus per intervalla. Theophrastus Lolium grēce Αἴρα, sylvestre penitus est: oxitur in Tritico & Hordeo corruptis propter imbræ frequentes, etiam ex Lino: semen cortice simplici intectum, quod caput tentat, graueque est: folium angustum, pilosum, pingue peculiariter quadam pinguedine, Tritico viridius. Plinius aliquando Lolium vocat inter frugum morbos, ac terræ pestem, aliquando Αἴρα, cum inquit Triticum enecare, ut Oranche Eruum. Eius granum minimum est in cortice aculeato, cum est in pane celestissime vertigines facit, carbonibus iniectum aiunt turbam pellere, & quamvis infelix a Vergilio dicatur, sahat tamen morbos multos exterius applicatum. Dioscorides Lolium, quod inter segetes nascitur, mollitam ad Ganganas, ulcera putrescentia, feras lichenas, lepras, strumas, & alia multa laudat.

.

C A P. L

ORYZA vulgo autem Risum, granum est in vaginala striata inclusum, cui parva insidet aristula, quod deglutium lacteo colore spectatur, Avena brevius, crassiusque: manditur elixatum Farinis modo: pendent semina ex coma ramosa, culmo alto, folio arundineo in gurgitibus, seritur in pluribus Italæ locis, quamvis quondam esset peregrinum semen. Plinius inquit Oriza Italicæ maxime quadrangulum, ex qua prisam conficiunt, quam reliqui mortales ex Hordeo: folia carnosæ. Porro similia, latiora: altitudo cubitalis: flos purpureus: radix gemmeæ rotunditatis. Theophrastus Oryzam in India seri inquit: id Zæ simile esse pistumque Chondri modo reddi: concoctu perfacile: aspectu Loliis simile, statque magna parte temporis in aqua: effundit non spi-

cam, sed veluti iubam modo Milij, atque Panici. Dioscorides Oryzam frumentorum speciem esse, in palustribus & riguis, quæ mediocriter nutrit, & aluum silit.

C A P. L I.

MILIVM inter astiuas fruges gratum est ex candido flavescenti, leuore quodam peculiari nitens, exiguum, & rotundum, quod à suo cortice deglutitum Oryze modo coquuntur: eius farina in panes cogi nequit ob naturam friabilem, nisi feruenti aqua vtantur, ut lentorem quandam assumat, & sic quoque panes redduntur friabiles, dulces tamen: proueniunt semina in coma inclinata ac fusa, ex qualibet occasione decidua reliquo tenui folliculo: culmus cubitalis Triticō crassior ac plenior: Folia latiora quasi Porri: alterum genus est colore nigro deteriorius, vt rurisque auibus nutrientis expeditur, ut columbis & gallinis. Theophrastus Cenchron, id est Milium inter frumenta astiuā diebus quadranginta à satu perficitur: caulis Harundineus: flos lanugineus: iubam ferunt omnia Miliacia, quæ coma est fusa, ut in Harundine: minimum semen, in folliculo copiosum, quod seruari egregie potest. Plinius culmum geniculatum, & concavum tribuit, semen inde sensum membranis, ideo parvis auibus expositum, non in spica, sed racemo pendens. Nequit purgari à folliculis nisi tostum: ex eo puls candida in Capania fit, & panis perdulcis, cum musto fermentum fit, in annum tempus. Dioscorides Milium in panes coactum minus cæteris nutrit, aluum silit, & vrinam mouet.

C A P. L I I.

PANICVM gerit culmum Milio similem & folia: sed iubam, costam in rotunditatem, longam: seminibus Milio exilioribus ramentum farctis: colore flavo: expeditur parvis auibulis. Theophrastus eadem Panico tribuit, quæ Milio, sed dulcior & infirmius esse: Elymon, & Melinen vocat: sic Dioscorides inquit Milio simile, sed minus nutrit, & minus astringit. Plinius Panicum à paniculis dictum: cacumine languido nutante, paulatim extenuato culmo: aceruatur prædensis granis quasi in surculū, cum longissimo pedali. Genera plura. Mammosum parvis paniculis, & cacumine gemino, candidum: nigrum: rufum: purpureum: panis ex eo rarius fit, sed apud nos huiusmodi Panicī differentiæ adhuc non visæ, nisi Milium sub Panici genere comprehendatur: extat enim Milium candidum, & nigrum: rufum vero Panicum nostrum, purpureum vero quod vulgo Sagina vocatur & Melica.

C A P. L I I I.

MELICA forte à Meline appellata, vnde etiam Milium deriuat videtur. Alij Saginam vocant, quia ea saginantur animalia: culmum altissimum gerit, plenum: & folia Harundinis modo, in cacumine comam ingentem fert & rectam, semine rubro, quod Milio est longe crassius: rustici ex eo panes conficiunt: si boues herbam virentem depascantur, intumescunt, & pereunt: si culmos exiccatos, proficiunt. seritur lato solo & humecto, ad agrorum luxuriam castigandam: nam radices multas agit robustas ex singulis geniculis. Plinius Milium Indicum vocat ex India inuestum: nigrum colore: amplum grano, Harundineum culmo: adolescit ad pedes altitudine septem prægradiis culmis, Lobas vocant: omnium frugum fertilissimum, ex uno grano terni sestatiij gignuntur: seri debet in humidis. ex hoc genere videtur esse Calamagrostis, idest gramen Harundinaceū apud Dioscoridem, in omnibus gramine grandius, iumentis cauendum: necat enim deuoratum præsertim in Babylonis regione, id quod iuxta vias nascitur, & id, quod in Cicilia oritur Cinna ab indigenis vocatum, quod virides bobus appositum, amburit eos.

C A P. L I I I I.

MAIZ vulgo appellatur apud Indos, semen in Italiam nuper traslatum, culmo Melicæ æquali, ac foliis, paniculam fert non in summo calamo, sed à latere in singulis geniculis foliis inclusam tanquam in vagina, ex cuius summo, cum floret, pendent capillamenta quædam purpurea, florem alium gerit in summo calamo sine fru. Etu similem comedere Harundinum: semina farcta sunt, magnitudine Ciceris nullo folliculo inclusa, & sine cortice, alia flavescentia, alia purpurea: coquitur Milij modo, & in panes recipitur. hoc Panicum Indicum imitatione Indici Milij appellari possit.

C A P. L V.

LACHRYMA vulgo appellatur, & Lachrymæ lob, planta ante dictæ similis, breuior, quæ floret tantum, at fructum non fert: flos in summo caule est comosus, à latere ex singulis geniculis ramuscili exerunt, in quibus rotunda quædam gignuntur candido colore nitentia tanquam Margaritæ in medio perforata, vnde alias surculus traicitur: vtuntur traiectis ad coronas: iisdem propagatur sobole potius quam semine.

CAN.

C A P. L V I.

CANNA mellea vulgo appellatur similis Melice: colitur in Insulis Athalantici maris, Medera & sancti Thomæ, translata postea fuit. in Sycilia, Cyprum, Cretam, saccari tantum gratia, nam medullæ succus inest melleus, qui decoctione separatur, & cogitur in salem dulcissimum, quod saccarum vocatur. hoc prima quidem vice coactum, flauescit, postea arte repurgatum, candidius redditur, & diu sius in pyramidales metas digestum: præstantissimum ex Medera, quod autem ex Insula Sancti Thomæ, qua sub æquinoctiali sita est, affertur, solutum est paruis glebis, pingue & flauum, dulcedine quadam medica ta, ob innatam pinguedinem, neque cogi neque dealbari potest: ideo utuntur eo loco mellis ad excipienda medicamenta pro antidotis & se rapiis. Alterum vero genus concretum & candidum, ad dulces confectiones bellaria & condimenta expetitur. paratur quoque ampliori coctione quoddam genus chrystallo simile quod saccarum candum vocant ad leniendam tussis asperitatem in ore detentum, ut liquefaciat. Dioscorides in Melle inquit. est & aliud concreti mellis genus, quod Sac charum vocatur, in India & felici Arabia in Harundinibus inuentum: consistentia sali simile: dentibus fragile: alio idoneum, & stomacho vtile, si aqua dilutum bibatur: auxiliatur renibus, & vesicæ: oculorum te nebras clarificat illum. Plinius inquit Saccaron & Arabia fert, sed laudatius India. est autem mel in Harundinibus collectum gumifum modo candidum, dentibus fragile, amplissimum nucis Auellanæ magnitudine ad medicinæ tantum usum. Serapio ex Arabibus varia genera affert in primis Zuccharum Labarzet, quod tanquam optimum video ab eisdem Arabibus in confectiones recipi: Alterum, quod ventrem magis mollit: Tertium, quod sali frustatum conciso simile: Quartum minus dulce astringentis saporis, quod in planta nascitur, cui foliæ sunt lata: stillat enim tamulis foliorum cauis non parum amateſcens, fructus fert testiculis Chamelorum similes, in quibus substantia continetur adutens. Inutiliter altercantur in his recentiores nostrum saccarum aliud esse ab eo, quod traditur ab antiquis, afferentes illud quidem sponte nasci in Harundinibus, aut Gummi modo, ut Plinius scribit, aut ex ore cœlesti, in foliis colligi veluti Mannam, Auicenna hoc testante de illo genere, quod quarto loco ex Serapione citauimus, nostrum autem non nisi artificio extrahi. At quis neget nostrum saccarum Arabibus fuisse cognitum? qui illius usum frequentissimum non solum in medicamentis, sed & condimentis loco mellis inuenierunt. Quod autem præparationis modum non docent, quo ex Harundinibus exiāhitur argumento non est

est aliud genus intellexisse. Idem ad Dioscoridem dici potest, cum enim dicat in Harundinibus inueniri, siue sponte, siue artificio, non explicatur: nam & Galenus affirmare non audet cum inquit, saccarum, ut vocant, quod ex India & felici Arabia conuehitur, in Calamis, ut aiunt, concrescit. Sed Plinius aut vulgatam opinionem fecutus, aut tertium genus à Serapione positum describens, inquit guminum modo in Harundinibus colligi amplissimum nucis Auelanæ magnitudine, cui adstipulatur, quod subiungit esse scilicet medicinæ tantum utile, quod nequaquam de illo verum est, quod à Dioscoride & Galeno ponitur: est enim genus mellis tum ventriculo, tum alio utilio. Forte apud Theophrastum fuerit Melstrigum, quod inter loti genera ponitur diucrium, tum virtibus in vtu cibatio, tum quod non eadem loca desiderat. Inter genera Sacchari videtur esse id, quod apud Arabes Tabasir vocatur: conuertitur autem ab interprete Spodium errore manifesto. Refert enim Don Garzias Medicus Lusitanus hodie in India Tabaxir vocari, & ab incolis, ubi ascitur, Sacar de Mambu. Esse autem liquo rem dulcem, cassum, similem faringe amidi, & simili candore, qui reperiunt in Harundinibus quibusdam arboreo nature: Arborem esse aliquando Populi altitudine, aliquando minorem: ramis rectis, internodiis palmum distantibus: foliis Oleo longioribus: Ramos tamen inflecti opere rapiatio ad viarum umbras parandas, in singulis internodiis succum prædictum colligi, qui postea quam concreuerit, aliquando nigrescit, aut ciñereus redditur vel propter humotem aliquem semiustum, vel propter diurnam moram in ligno: non tamen ob id deterior censeretur: nam id contingit & ramis, qui ab igne tacti non fuere. Non reperiti autem in omnibus ramis, neque in omnibus locis, sed in paucis quibusdam: vendi magno præcio: ex India aportari in Persiam, Arabiam, & apud Turcas. In Arabia ramæquare præcia argenti: vntuntur ad ardores tum intemos, ut extemos: in febris biliosis: & dissentientiis: Serapio vires tantum scribit, at, quid nam sit, non explicat. Auicenna inquit radices esse Cannæ adustæ: aiunt enim adusti propter stictionem extemorum, cum ventus eas perflat, nec alia habetur ejus historia. Cum igitur hodie amplior eius notitia habeatur, & ex nomine, quod in hunc usque diem seruatur apud omnes eas nationes, & ex historia prædicta tutò astrarere possumus Spodium de Cannæ Auicennæ huiusmodi genus Saccari esse.

C A P. L V I I.

GRAMEN herba est radice repens geniculata, candida, ac dulcis, parua: ex singulis geniculis fibras spargente: difficilis ad stirpare dum: natura concisa renascitur secundius, & breui totum solum

lum implet tanquam agrorum pestis, dum prorepit: caulis tenues sue sum emittit: foliis Tritico brevioribus, paruas spicas in autumno feruntur diuisas in tres partes, aut quatuor, aut quinque veluti lineas, in quibus rubra semina sunt extremitate pungentia: iis pueri sanguinem e natibus eliciunt: unde Sanguinella vocatur. Graminis radice equos reficiunt testate: cum alia nulla herba viret: aquam ex eadem extrahunt per distillationem laudatam ad puerorum vermes & ad febres malignas. Auditio in Germania quoddam genus seminis gratia seri; assumunt enim in cibis coctum, vocantes gramen Mannę. Theophrastus Graminis partes supernas, ut caules, breues & imbecillas esse scribit, infernas autem, grandes, frequentes, & validas, geniculatas, quibus concisis nascitur. Diodorides describit geniculatis ramulis serpentem, à quibus radices spargit dulces, articulis præcintas: folia acuta dura, & ut patet Harundinis lata: ea depascuntur iumenta, & boues: Affert præterea Harundinaceum gramen, & cilicum, de quibus superius in Melica dictum est. Gramen vero Parnassium, quod in monte Parnassio densius fruticat: foliis Hederaeis: flore odorato, candido: semine paruo, non inutili: radicibus digitali crassitudine, quinis aut senis candidis, mollibus, & admodum dulcibus adhuc incomptum est. Plinius de nostro Gramine loquens inquit: geniculatis serpit internodiis, crebroque ab his & ex cacumine nouas radices spargit: folia eius in reliquo orbe in exitilitatem fastigiantur. in Patnasso rātum Hederacea specie: & paulo post cum inquit, sunt qui, & aculeatum gramen vocant trium generum, cum in cacumine aculei sunt plurimum quini Dactylon vocant, hos conuolutos natibus inserunt, extrahuntque, sanguinis eliciendi gratia. nostrum Gramen manifeste intelligit: sed alterum genus Aizoo simile: & tertium tenue, in tegulis & parietinis caustica ui incerta adhuc mihi sunt.

C A P. L V I I I.

MVLTĀ aliae sunt plantæ in genere frumentorum, sed semine inutili ac sèpè nullo, licet spicam omnia ferant, ut frumenta. Hęc multa quidem sunt, pauca autem nominata. Quædam igitur spicam simplicem ferunt Hordei, aut Tritici modo, sed sine aristis, ut cauda Vulpina vulgaris, & pauca alia: cum arista autem Hordeum mutinum. Cauda Vulpina spicam mollissima lanugine constanter fert: capillis colore subfulvis, omnino imitantem vulpis caudam: tenuem culmum cubito breuiores: folia subcandida, lanuginosa ut Hordei: oritur in tenui solo. Theophrastus spicosa quædam recenset inter olera, ut oculus Canis, Alopecuros idest cauda Vulpina. Stropheros, idest Plantago, & alia quædam, de quibus in Plantagine dicemus: alioqui

alioqui hæc maxime videretur Alopecuros, at non floret particulatim. Panicastrælla vulgo vocata, oritur inter Vites & in hortis, spica figura caudæ Vulpinæ sub flava, aspera, lanagine adhærente vestibus non sine seminib⁹ Panico exiliortibus. Folia quoque & culmus parui Panici similitudinem gerunt: circum hanc obuersantur libenter perdices & Coturnices; Panicum sylvestre, id dici potest: est etiam parvus culmus non excedens dodrantem, spica tenui & longa, nequaquam lanuginosa, sed veluti ex minutissimis granis constante, dura, ac rotunda. Altera est cubitali prope culmo spica alioqui caudæ Vulpinæ, sed sine lanagine, ex folliculis lati⁹ dense compacta candidis: alia huic similis, solum spicæ, folliculis mollioribus, hirtiutoribusque constant ac subrotundis. In segeribus quædam est coacta in c. assitudinem spica, magis quam in longitudinem veluti ex squamis constans. Hordeum Murinum passim iuxta vias nascitur, breuior dodrante, folio & spica Hordei, tantum tenuioribus folliculis inanibus, eius mentio est apud Plinius, nascitur inquit inter Hordea, at non describitur. De Tritico sylvestri diximus in Auena. Quæ autem spicam inæqualem ferunt, aut ramosam, aut ex racemulis constantem, aut aliter disiunctis seminib⁹, multas quidem habent differentias, sed sece omnia innominata. Herba Luciola vulgo appellatur; quia noctu luctet, in montibus nascitur, altitudine duorum dodrantum: foliis Tritici, quibus pauca lanugo inest, veluti pili oblongi: in cacumine inter folia racemosum quid inest, potius quam spica, ex candidis folliculis & mollibus, constans, cui præcipua uis ad recentia vulnera, & sanguinem sistendum. Videtur autem Plinius Ischæmon vocare, herba est inquit in Thracia, qua sanguis sistitur, non solum aperta vena, sed etiam præcisa, serpit è terra Milio similis, foliis asperis & lanuginosis, stercitur in nates: Quæ in Italia nascitur, & sanguinem eadem ad alligata sistit. Duæ sunt spica molli & lanuginosa, racemulis distincta Panici modo, foliis lanuginosis, magnitudine tantum inter se distinctæ, una cubitali ferme altitudine, altera breuior numerosiore calam. Quædam in rydeibus culmo inclinato, foliis candida lanagine oblitus Hordeo latioribus, spica comosa, magis densa quam Milij, ex tenuibus, ac mollibus folliculis constante candidis, quadam similitudine Hatundinis. Lolium sylvestre passim secus vias nascitur, & in agrorum aggeribus, pratisque calamis Lo'io minoribus, mollioribusque, multis quasi circulo dispositis: circa radicem, spicas fert dodrantales Lolio similes, seminib⁹ exiguis: secatur ad fenum. Phœnix pusilla quædam herba est in parietibus & tectis, vix palmi altitudine, spicis Lolii sylvestris longe exilioribus ac magis diuisis colore Puniceo. Dioscorides inquit de Phœnice, herba folio constat Hordei breuiori, angustiorique: spicæ

ea Lolij, ramis radicem circundantibus senum digitorum, quibus insident spicæ septem & octo: nascitur in aruis & tectis recens oblitus: laudatur ad aluum sistendam, & sanguinem ex vulneribus, & vrinæ impetus compescendos: Plinius Phœniciam herbam meminit tantum, nec describit. Perlara vulgo appellatur herba in montibus, radices ferēs gemmæ rotunditatis cādidas, veluti Margaritas quatuor aut quinque inuicē hærentes, ac si stylo essent transfixæ, fibrosis alis ex postremo exeuntibus: culmos fert cubitales: foliis Tritici, iuba Mili, seminibus Auenæ binis pendentibus tenuioribus à brevioribus aristis, ut Oryzæ: propagatur hæc radice Graminis modo: Oryza sylvestris dici potest: nam Plinius Oryzæ tribuit radices gemmæ rotunditatis: Herba capillaris in pratis Alpium nascitur: folia ferens capillamenti modo tenuia: caulinulos quoque prætenues: parvis spicis: ramosisque: raris folliculis, molibus, in tenuem apicem desinentibus. Quædam in tenui solo oritur culmo cubitali, sed spica parua in paucos ramos digesta, qui ex folliculis latiusculis dense compacti sunt in apicem desinentibus. In parietibus & ripis fluminum pendet herbula Gramini similis, quæ perpetue radicibus vivit, tenuissimis filamenti modo spicatum ramis, in quibus flosculi sunt purpurei: extat huius generis maior & minor. In aruis duæ naescuntur inter segetes, quarum spicæ floccos habent triangulos sparsim pendentes è ramulis: constant flocci ex latis folliculis sine arista. Una culmum habet simplicem, prope cubitalem altitudinem, altera brevior ex multis calamis constans, cuius flocci frequentiores & longiores pyramidali figura.

C A P. L I X.

CVM frugibus & spiculis conueniunt & Calami & Iunci. Calamus siue Harundo frutex est in aquosis, aut pingui solo nascens: à radicibus geniculatis, & obliquis, crassisq; rectos calamos ferens geniculatos, nullis ramis nisi anno secundo: germinant enim tunc è singulis geniculis: folia fert totos geniculos cingentia neruosa in multam longitudinem producta more Tritici, multo latiora: inbam in summo fert villosam, & mollem: seminibus non conspicuis. Differentiè apud nos non multæ sunt, quædam enim crassa & valida, colitur ad vites sustinendas, amat solum pingue & bene subactum: seritur radicum geniculis, quæ oua appellantur: Alia gracili Calamo asturgit in palustribus, utilis ad tegetes texendas, & tuguriorum recta: Tertiam habemus in marittimis hatenosof solo ex longissimis calamis humi serpentem, ramosam eadem tenuitate, sed angustiore fistula. In omnibus autem anno primo latior fistula, corpus gracilius: contra sequentibus annis: nam incremente

scento corpore angustior fistula redditur. in omni genere reponuntur quædam frequentioribus geniculis, quædam longioribus internodiis. At longe plures ab antiquis traduntur differentiæ, præcipue ob diuersos usus cognominatae. Quoddam enim genus aptum ad cantus Tibiale appellatum fuit, græce Auleticon, quia calami tibiarum vicem explebant: ex lacu hoc genus petebatur. Plinius Occhomenium vocari tradit ex loco, continuo foramine peruum: eius quoddam durante inundatione crassatur, & plenius fit, carnosiusque, quem calamum Zeugitem Theophrastus & Plinius vocant. Theodorus Armamentarium vertit. Quod autem gracilias deficiente aqua relinquitur, Bombycium, seu Bombycinum vocatur. hæc igitur in genere Tibialis recensentur. Multa præterea alia ponuntur genera, vnum, quod in ripis expatiantis lacus oritur in pingui solo, Harundine crassi, & valida, Characiæ Theophrastus & Plinius vocant. Theodorus Vallatoriam, qualis apud nos est, que colitur: aliud in insulis fluitantibus subtilius Plocimon Theophrastus vocat. Texilem Theodorus, Ploriam Plinius: aliud fruticosum communissimum, iuxta flumina & lacus Donax appellatur à græcis, Cannam Theodorus vertit, Dioscorides crassam & concauam esse scribit. Syringa, seu Syringia alia dicta est, quasi fistularis concaua fere nihil habens ligni & carnis, seu totus calamus concavus, utilissimus fistulis. apud Dioscoridem Syringias, cui multum inest carnis, crebris cincti geniculis ad librorum compositionem accommodata inter graciles: Nam alia tota solida apud Theophrastum, & tota pene intus repleta matrem vocat, feminam vero inanem ad tibiarum ligulas. in istorum genere videtur esse ea, quam Sagittariam vocant, ex qua sagittæ factitari solent. Dioscorides Naston vocat à soliditate, hæc nodis paucis geniculata, carnosior omnibus, maxime flexum recipiens & omnino obsequens, quo libeat flecti calefacta. Plinius esse in Rheno Bononiensi, cui plurima inest medulla, pondusque volucre contra flatus quoque peruvicax libra. Aliam Theophrastus magnitudine præstantem, ut vicem hastæ prebeat, folio non longo, sed simile Salici, huiusmodi fuerit, quæ Aucupatoria vocatur à Plinio. esse etiam in India amplitudine arborea, quarum singula internodia nauigiorum vicem expleant, cui folia similiter brevia. Meminerunt quoque Plinius & Theophrastus eius, quæ spargitur iuxta terram Graminis modo, suauissima animalibus in temeritate. vocatur à quibusdam Elegia. Laconica folio versicolor est. Spadones modica, aut nulla lanagine constant. Meminit amplius Dioscorides Phragmitis quasi fareta intus fistula. Sed præter omnia Calamus est Aromaticus ex India aduenitus inter aromata: laudatur fusuus de se geniculatus, plena Araneorum fistula, assulosis fragmētis albicāribus, lēntus in mādendo & astringens cū aliqua actimonia apud Dioscoridem, sed huiusmodi hodie desideratur.

C A P . L X .

IVNCI sunt caules enodes, & flexiles : ideo adnexus commodi. Alij nullis foliis, ut Iuncus rotundus : nam folia à caulibus nō differunt, quibus insunt semina, vel potius indiscreta quædam lanugo vice seminis. Alij folia habent partum à radice, partim in summo caule, ut Iunci angulosi. Aliis folia tantum Iunceæ sunt, caules nequaquam, ut Iuncus odoratus, Tipha palustris ; omnia in paludibus oriuntur. Iuncus rotundus numerosissimas radices fert, nigras, Ellebori modo, in alium, descendentes, quæ ex obliquo quodam callo oriuntur : ab hoc dum serpit alia radiculae nascuntur exsiccatis prioribus, & Iunci prodeunt, qui primo exorti, veluti folia sunt se inuicem complexa, ut in frumentis : postea rotundantur in Iuncum : propè verticem exit à latere racemosum quid constans ex floccis, nullo manifesto semine, idque nō ex omnibus Iuncis, multi enim steriles sunt. differunt magnitudine & paruitate : duitie & mollitie : extremitate, quæ in quibusdam acuta est & pungens, in quibusdam mollis : lenitate & asperitate : aliisque differentiis. Sed tria genera potissimum notantur. Duo parua cubitum excedentia, quorum unum maximè leue, non pungens, tenellum, viride, floccis orbiculatis nigris : alterum robustum, extremitate pungens, colore flavecente, granis rotundis, Melicæ similibus, in quibus non seminis medulla aliqua continetur, sed puluisculus quidam. Iuncis his vtuntur pro Spartho ad funes construendos prius contusis : robustissimi enim sunt : oriuntur in maritimis potissimum. Tertium genus magnum est, ad quatuor cubita accedens & amplius, colore vidente, qui exsiccatus albescit : asperior superficie, quam cæteri : substantia molli, ac fungosa : vtuntur ad contexendas tegetes, & vites palo alligandas : floccos fert subrufos, inæquales, non nisi in aquis prouenit. Primi & secundi generis aliquæ reperiuntur differentiæ, tum in semine, tum in Iunco. exigui enim quidam reperiuntur in maritimis : sed inutiles ob breuitatem : floccis inæqualibus, vel nigris, vel subrufis : ex granulis trilateris constantibus. Dioscorides tria eadem genera ponit eodem ordine, primum. Iuncum lœuem vocant : Alterum acutum, græce Oxyſchenum : quia in acutum mucronem delinit: eius sterilem quemdam esse tradit : alium semen ferentem nigrum, & rotundum, huius calami habitiores sunt, & carnosiores : Tertium Holoschenum vocat, reliquis duobus multo carnosiorē & asperiorem, qui fructum similem supradictis fert, sed quod de Oxyſcheno dixit reperiiri sterilem, etiam in cæteris animaduersum est; propagantur enim omnes radicibus magis quam semine; Apud Galenum pro Holoscheno, deprauate (ut puto) legitur Oligoschenos ; nam codem

codem ordine tria recenset genera ex Dioscoride, Iuncum lœuem, Iuncum acutum, & Oligoschēnum: Acutum graciliorem inquit esse, & du riorem: Oligoschēnum crassiorē laxioremque. Theophrastus quoq; tria genera recenset: Primum acutum, quem Marem, & sterilem esse te statut: Alterum fructiferum, quem Melancranim, quasi atriferum vocat: quoniam semen nigrum ferat, eo crassiorē, carnosiorē, Tertiū magnitudine, crassiū, & carnositate insignem, quem Holoschē non appellat, ex quibus videtur per Melacranim nostrum primum intellexisse: nam reliqua manifesta sunt. Quod autem subiungit tanquam admirandum, scilicet sterilem & Holoschēnon ex eodem cespite oriri, absurdum quidem esset, si cum acuto Holoschēnos nasceretur: diuersæ enim species sunt: at sterile & frugiferum nequaquam. addit præterea propagari radicibus emissis ex capite Iunci, per caput intelligens crassum corpus, vnde & Iunci & radices exeunt, ut in Cēpa, non Iunci cacumen vt Plinius accepit. Plinius aliter ea genera distinguit: nam primum genus Matiscum appellari scribit ad tegetes texendas, quod conuenit magno: Alterum genus Marinum, & à Græcis Oxyischēnum. Acuti tria genera: sterilem, quem marem, Ozyn Græci vocant: feminini generis liqui duo. Qui semen nigrum fert, Melancranis vocatur, crassior, & fructicosior mare. Tertius qui Holoschēnos vocatur ad huc magis crassus, & eodem cespite nascitur cum mare, utilissimus ad virilia: quia mollis & carnosus est: fert fructum vuarum coherentium modo: at Melancranis sine aliis generibus nascitur, accepit igitur pro tribus acuti teneribus, tria à Theophrasto posita.

C A P. L X I.

CYPERVS. inter Iuncos angulosos est trilatera figura: foliis à radice frumentorum modo, sed tima per medium discurrente, dorso acuto, vt tanquam acies scindat euellentium manus, quod & ipsius Iunci anguli præstant: in cacumine comam gerit, & brevioribus foliis constantem, interquæ ramuli sunt spicosi, vt Graminis subrufi, in quibus semina triangula continentur: radices multiplices fert geniculatas, odore suavi, sapore subacri & amaro cum quadam astrictione. Duas nouimus differentias: vnum cubitali altitudine: foliis longissimis, digitali latitudine: radicibus Graminis, crassioribus, intortis, exterius nigris, interius candidantibus: amat limosa & palustria. Alterum exile palmi altitudine: numerolis radiculis Oliuę figura, media quadam fibra tanquam filo connexis multum odoratis: amat loca arenosa: similes radices afferuntur inter externa longe crassiores exterius rubentes. Dio scorides describit foliis Porraceis, longioribus, tenuioribusque: caule cubi-

cubitali, & maiore, anguloſo, Iunceo: in cacumine folia parua, inter quę ſemen, radices Oliuæ figura oblongæ, aut rotundæ, nigrae, odoratae, amarae, quarum est uſus. optimæ oruntur in Sicilia, Syria, & Cycladibus, crassæ duræ, odoratae cum quadam acrimoniam: ex quibus patet noſtrum Cyperum utrumque aliqua ex parte ab eo diſferre, licet vitibus forte non ſit inferior. Qui enim apud nos radicem oliuarem fert, non ad eam altitudinem adoleſcit: cui autem caulis altus eſt, radix neque oliuaria eſt, neque rotunda. Theophrasto Cypirum vocat, quem Theodorus Gladiolum vertit: peculiarem inquit in caule æqualitatem habet: radix inæquali, partim crassa, carnoſaque, partim gracilis, & furculosa: in al- tum agitur, ideo contumax emori: caulis enodis: folia angularia, ha- rundinea: in omnibus fere fluiiſ, & stagnis nascitur, radice vtuntur vnguentarij. Plinius Cyperum diſferre putauit à Cypiro, quem Gladio- lum eſſe inquit: vnde Theodorus in Theophrasto Gladiolum vertit, er- tore manifesto. Quæ enim aſtribuntur à Plinio Cypiro, radix bulbosa: odore Nardo vicina, præſertim in Creta: in Aegypto inodora, eadem Cypero conueniunt eodem teste, vnde inquit confundi intellectum: Cyperis autem ab eodem vocatur, cui radix oblonga. Cyperus Indicus à Dioscoride vocatur, radix Gingiberis effigie, Croci colore, ſi manduce- tur, facultate depilatoria. Hæc vulgo Curcuma vocatur in officinis, ea vtuntur infectores lanatum. Arabes eo nomine intelligunt Chelidonij maioris radicem, quia crocea, & confectionem diaſcurcuma; quia reci- pit Crocum.

C A P. L X I I.

GA LANGA in officinis appellatur radix ex Oriente inuecta, effi- gie nostri Cyperi majoris, subruſa intus & extra, ſapore Piperis, modice odorata, Arabes sub eodem nomine deſcribunt radicem Casiaſ crassitudine: cortice rubente: interius colore ex rubro in candi- do langueſcente ex Syria: oris halitum commēdat, & Venetem adauget, Græci recentiores Cyperum Babylonicum vocant: idecirco libuit inter Cyperos recensere, quamuis herba à nomine deſcribatur. hanc forte ac- cepti Dioscorides pro Piperis radice obſimilitudinem ſaporis, quod alij de Zinzibere putauerunt: eſſe inquit Piperis radicem Costoſimilem, quę ora gustantium accedit, & ſaliuam elicit. circumfertur & altera radix crassior ac tuberosior, quam Galangam maiorem vocat, de qua in Aco- ro dicemus. Vtiusque Galangæ historiam tradit Garzias Lusitanus: Minorem, quę efficacior eſt, oriſi ſponde in China: fruticem duorum palmorum altitudine: foliis Myrti: radice nodosa. Maiorem in Iaua duorum cubitorum altitudine: foliis Myrti, acutis inſtar Lancearum cu- spidis:

spidis : radice crassa, & nodosa Harundinis modo : flore albo : plantam esse soporiferam : ferri radice, non semine, Zinziberis modo, ex quibus significatur has plantas cum nostro Ruscō congeneres esse.

C A P. L X I I I.

TRASI vulgo appellantur in Agro Veronensis, radicule Cypero oliuari similes, sed candidę, molles, ac dulces, quas esitant Castanearum more, aliqui Zizolas terrestres vocant : & ob similem figuram, & facultatem, qua pollent ad tuſsim : caules, ac folia, & semina sunt Cyperi media magnitudine inter magnum & paruum Cyperum : feruntur radices lato solo, & humecto. Theophrastus Malinat hallam vocat: prouenit hoc non in aquis, sed locis arenosis haud procul à fluvio terrenum, figura rotundum, magnitudine Mespili, sine nucleo, sine cortice : folia, ut Cyperus mittit, hęc incolae legentes in bruto Hordeaceo decoquunt, dulcia admodum efficiuntur, iisque pro bellariis vntuntur.

C A P. L X I I I I.

PSEUDO CYPERVS maiori Cypero similis est, hirsutior; seminum floccis crassioribus, nigricantibus, forma spicata : radices fert rotundas fere nucem æquantes, nigras, per longa interualla dispositas, ut in Oliuari : sine odore, sapore astringente : alias radiculas fert fibrosas, summatellure, idcirco rotundæ illę difficiles extirpatu ob profunditatem: inueniuntur in fluminum ripis detectæ: ob aquatum cursum: herbam tum huius tum Cyperi fecant ad fenum, & protamento lectis substernunt Noccum vocantes in Etruria. cum tenella est, mellea quedam dulcedo inest prope radicem, quam brobrem pueri mandunt & exugunt succum. in Paludibus clane meminit Plinius Pseudocyperi inquiens, fruticem esse, qui protinus floret & semen fert, & Dioscorides in Anypodis inquit, quoddam fieri extremato Pseudocypero, cuius gratia putandum est, radices eius rotundas assumi. Theophrastus videtur Mnasis appellasse, inquit. n. herbaceis annumerari in paludibus, nullo alio vsu quam in cibis, quia dulcedine præstat, ut Papyrus, & Satio-

C A P. L X V.

PAPYRVS, quem vulgo in Sicilia Piperum vocant, iuncos fert Cypero longiores, crassioresque, ad quaterna aliquando cubita accidentes, angulis obtusis : folia à radice brevia, adulto iunco nulla,

nulla, in cacumine comam latam, ex numerosis paruis iuncis triangulis constantem, in quorum summis flocci sunt ruffi. Cypero similes inter foliola terna: radices habet lignosas, crassas Harundinis modo, geniculatas, numerosa sobole in obliquum tendentes, odore, & sapore Cypereum emulantes, sed infirmius, subrufas: ex inferna earum parte, radiculae multae descendunt fibrosae: ex superna autem frequentes iunci asurgunt, qui dum tenelli sunt, dulci succo constant, venit in horum Pisanum ex Siciliæ palustribus. Theophrastus duas describit plantas, magnitudine tantum inter se distantes, quæ nostro Papyro conueniunt, scilicet Papyrus & Sari, de Papyro inquit: nascitur non in altitudine guttum, sed prope intra duo cubita aut minus: radicis crassitudo brachialis, longitudo ultra dena cubita in obliquum summa tellure tendens: vnde radices tenues & frequentes in limum demittunt, sursum autem quos Papyros vocant trilateros, magnitudine forme quatuor cubitorum, comam habentes inutilem, & tenuem, sine fructu, eos ex multis partibus fundunt. radice vtuntur & ad ignes & ad opera alia facienda, ob naturam lignosam & pulchram: Papyrus ipse ad multa utilis: nam & nauigia ex eo construunt & è libro vela tegetesque texunt, & vestem quandam, & stragula, ac funes, aliaque plura, & celebratissimas extensis hominibus chartas: in cibis quoque multam utilitatem tribuunt, nam incolæ omnes, tum crudos tum elixos, & astos mandunt, succum deuorantes & corpus expuentes. Sari autem in aquis prouenit circa paludes, planaque, vbi annes recesserint, habet radicem preduoram, flexuosaque, ex qua, quæ Saria vocant, exeunt: his longitudo duorum cubitorum, crassitudo pollicaris, triangulum id quoque Papyri modo, & comam similem gerit, qui manducant, eius quoque manducamentum, expuunt: ex radicibus carbones faciunt, quibus fabri ferrarij vtuntur ob ligni duritiem. A Plinio Papyrus vocatur, quod nascitur in palustribus Aegypti, & quiescentibus Nili aquis, vbi euagatae stagnant, describiturque simili modo, ut à Theophrasto: additut modus conficiendi chartas ex eo, diuidi enim in tabulas longitudine, qua est Papyrus, madescere Nili aqua, vnde turbidus liquor emanat, qui pro gluine est: texi omnes tabulas, & glutine illiniri postea transuersas crates peragi, præmi deinde prælis, & sole siccari: atque inter se plagulas iungi bonitate differentes. Dioscorides quoque meminit Papyri, vnde chartæ conficiuntur, quo Medici vtuntur ad asperiendas fistulas: ramenta enim eius madefacta, & filo coactata donec sic centur fistulis intromissa intumescunt: quia bibula est eius natura. habet radix halibile quoddam ac tenerum esui, quod mandunt Aegyptij, vt succo expresso expuatur corpus, intelligit autem teneros iuncorum partus è radice prodeentes: nam radice inquit, incole pro ligno vtuntur. Venit in ysū & charta ex Papyro apud

apud Medicos: nam cinis eius nomas compescit, sed hodie nouo char-
tarum artificio inuenito, dimisso Papyro, reuersi sunt ad linteas, quæ vſu
attrita & flaccida tardiuerterunt machinis aqua motis, donec in succum
dissoluantur: hunc optime aqua dissolutum, non sine glutine, & contur-
batum, cribris excipiunt, qui succi crassitatem retinentes paginam red-
dunt super stramenta ad hunc vſum parata, nam & ante vſum charta-
rum inter cetera linteis monumenta præsertim priuata conficiebant: &
Parthi etiam inuenito Papyri vſu, malunt, vt inquit Plinius, vestibus li-
teras intexere.

C A P. L X V I.

PHALARIS, ambigit inter Iuncos & Calamos: nam ex denso cespiti
multos fert caulinulos, triangulos, iunceos: sed duobus aut tri-
bus internodiis: cubito breuiores, obtusioribus angulis, vt quasi
rotundi videantur, prope radicem euidetioribus angulis: folia fert Cyperi
angustiora, in cacumine non coma, vt ceteris iuncis triangulis, sed Spicæ
simplices ex aliis foliorum dependentes, in quibus semina sunt Milio syl-
vestri similia, in acutum tendentia, & modice depreffâ, viridi cortice in-
tecta, radices tenues & fibrosas, quarum tenella germina, dulcedinem,
quandam habent, vt reliqua huius generis: ortitur in montibus iuxta
aquas, reperiuntur eius aliquæ differentiæ: nam quædam caulinulos fert
breuiores, nullis internodiis, nudos, vnicam in cacumine spicam susti-
nentes rectam seminibus latioribus. Quædam patua & valde exilis: in
cacumine tres aut quatuor ramulos fundit, quibus inest semen triangulum.
Dioscorides describit, caulinulis numerosis, ex tenuibus inutili-
busque radicibus, qui duorum palmorum longitudine geniculati cala-
mi modo Zæ similes assurgunt, graciliores & dulces, quibus semen inest
candidum, ob longum Milij magnitudine, pollet ad vesicæ cruciatus.
Plinius de eodem inquit. Thyrsum habet longum, tenuem, ceu cala-
mum in summo flore inclinatum: semen simile Sesamæ, calculos fran-
git, & vitia vesicæ sanat.

C A P. L X V I I.

SPARGANIVM à radice fibrosa folia fert Cyperi latiora, & pauca
quædam breuiora in caule ex intervallo: caulis nequaquam iun-
ceus, sed nodosus, & rigidus, cubitalis circa summum pilulas fert
tres aut quatuor distantes Platano similes, in quibus semina congesta,
oblonga, Phalaride crassiora: ortitur in palustribus: alias pilulas in ob-
longis peciolis fert inanes loco floris. Dioscorides, describit foliis Gla-

dioli arctioribus, ad terram magis inclinatis, in summo caule veluti pilulæ prominent, in quibus semen: radix in vino ad venena serpentum laudatur.

C A P. L X V I I I .

TYPHA palustris, Vlua dicitur à Latinis, ut apud Virgiliū. Limosoque lacu per noctem obscurus in Vlua Delitui, & alibi. Informi limo glaucaque exponit in Vlua, Herba Alge-similis, sed longe maior: vnde vulgaris versus: Alga venit pelago, sed nascitur Vlua palude: vulgo Schianza dicitur in Etruria, quam ad multa opera expertunt, præcipue ad vitrea vasa conuestienda, ad tegetes, & mulierum sellas texendas: longissima enim sunt folia, plana, ac flexibilia, ex quorum medio caulis exit nudus, rectus, lignosus, leuore quodam veluti perpolitus terna cubita aliquando excedens, qui in summo paniculam substinet ex densa lanugine constantem, quam vulgo vocant Mazza forda: non nisi in limo aquarum stagnantium nascitur, ibique copiosa est. Dioscorides describit foliis Cyperi, caule albido, lævi, enodi: obducitur in summo flos densus in pappum tendens: nascitur in palustribus, & circa aquas stagnantes: flos sanat ambusta cum suillo adipe eloto. Theophrastus radicem numerosam tradit: caulem enodem, æqualem, sed in lacu Orchomeno peculiare: quia folio caret, neque radice numerosa hæret: pars tenera ab radicibus proxima est, quam pueri mandunt, vroqueloco prouenit terra & aqua.

C A P. L X I X .

IVNCVS odoratus in officinis Squinanthū vocatur: affertur ad nos inter aromata externa, plantula palmum alta, foliis alioqui Tritici, sed in tenuem rotunditatem iunceam desinentibus colore vario, qui enim prope radicem est, albidior est vel subflavus, prope verticem virescit, aut in purpuram vergit: odore iucundo: sapore subacti, præcipue circa summitates: visitur aliquando medius cauliculus lignosus, in quo fructus Harundini similis lanuginens sapore & odore infirmiori. Dioscorides eligi oportere inquit, recentem, rufum, flore refertum, tenuem, fragmentis in purpuram vergentibus, odore Rose, cum teritur: sapote mordaci, igneo: in vsum esse florem, culmū & radicem. Galenus miratur depauci florem à Chamelis, esse tamen optimam Iunci partem, quam Schenianthon, id est Iunci florem vocant. Theophrastus oriri Iuncum cum Calamo odorato trans Libanum in valle minima iuxta lacum, qui odorem spirant ingredientibus in vallem, virides nequaquam esse videntur,

tur, sed siccii; forma vero nihil ab aliis differunt: in Arabia odoratores longius spirant. Serapio describit herbam Paleę similem, ramulis tenuibus, numerosis, duris in summitate spicas ferentibus lanuginosas, qui flores odorati Iunci censentur esse autem Iunci fructum similem Harundinum floribus, tenuiorem & minorem: copiosissime otiri locis humectis, & pratenibus, ut vniuersum solum occupet, cum siccatur albescere, odore optimo cum teritur, sapore amaro. ex his autem colligimus, Iunci florem; qui cæteris partibus præfertur, non esse vere florem: Iunci enim & Calami non florent, sed statim aut floccos, aut lanuginosa quædam ferunt, sed per translationem tenuiores Iunci partes florem vocari, quæ sunt Iunci summitates, quas Chameli depascuntur, ut inquit Galenus. Sic enim hodie vulgo Feniflorem vocant, & Pisis adhuc nomen Anthi apud rusticos seruatur: tenuiorem feni partem significans, ut in aliis quoque multis solemus floris nomen usurpare, ut farinæ florem, & salis, & inuentum ætatis florem, aliaque huiusmodi. erit igitur Iuncus flore refertus, cum eius folia iuncea ad perfectam magnitudinem adoleuerint, antequam caulescat, & floccos suos ferat minus validos, ob id raro affertur Iuncus cum fructu: colligunt enim antequam caulescat, cum foliorum cacumina floridum quandam colorem subrubentem habuerint, vnde eius fragmenta in purpuram vergentia laudat Dioscorides, ac tenuia: quæ conditiones hodie visuntur in Iunci cacuminibus; præterea cum dicit, esse in vsu florem, calatum & radicem, deteliquisse videretur folia ipsa iuncea, quibus Calami nomen nequaquam conuenit, neque radicis. hæc igitur attestantur Iunci florem huiusmodi folia significare. de Calamo autem Iunci, seu idem sit cum Calamo aromatico, seu differat, patet intelligi caulem lignosum Harundineum, qui nequaquam hodie ad fertur, cum colligant antequam caulescat, optima enim pars est flos Iunci prædictus. At diuersas quidem esse plantas Calatum aromaticum & Iuncum tum ex Theophrasto colligere possumus, tum ex Dioscoride, qui Calatum ex India haberit scribit: Iuncum autem ex Aphrica & Arabia: congeneres autem plantas esse significat Iunci Harundinea coma, & calamus, visuntur aliquando intet Iunci merces adultiores culmi, qui pro Calamo assumi possunt.

C A P. L X X.

QUODDAM genus Iunci rotundi oritur in siccо, locis maritimis, vnicо à radice caule nudo, pedali altitudine, aut amplius, in cacumine tria folia fert porracea, deorsum inflexa in quorum medio floccus quidam continetur rotundus: à radice nulla folia excunt.

FINIS QVARTI LIBRI.

B b 2 A N.

ANDREAE CAESALPINI
ARETINI
DE SVFVRTICIBVS ET HERBIS.

LIBER QUINTVS.

CAP. PRIMVM.



ACTENVS explicata sunt, quibus singula semina sub singulis floribus aut foliis continentur: ut caper sequamur, quibus eadem plura sunt, sed unicum ac simplex datum est sub uno flore seminum conceptaculum: quod aut pericarpio constat, ut Solani fructos, Cucumeris, Cucubitæ; aut ex sicciori materia, vel leguminum Siliquæ, & alia quedam seminum vaseula.

Incipiamus autem ab iis, quorum fructus pericarpio constant. Quæ in hoc genere florem summo fructui intendentem serunt, pleraque coluntur ob fructus in cibis expertitos, vt Cucurbitæ, Melopepones, Cucumeres: fructus ingentes ut præ pondere sustineri etiam à natura arborea nequirent, ideo humili iacent cum caulis: quedam ad miniculis innixa scandunt, in multam altitudinem, ut altissimas etiam arbores superent, vñica æstate, qua viuunt: nam primis frigoribus pereunt omnes huius generis; nec seruntur nisi frigora abierint: semina omnibus depresso, & copiosa carni infixa sunt pendentia ex mediis quibusdā fibris, tenui cortice carthagineo recta: flos figura calicis albus vel luteus: sunt inter fructus æstiuos refrigerantes, cum multa humiditate.

CAP. II.

CVCURBITA sativa fructus est ingens, carnosus, qui elixus, aut assus, & tandem non nisi coctus venit in cibos: eius duò præcipua genera, longa scilicet, & rotunda: longa ut plurimum falcatæ figura crescit, quamvis varias assumat figuræ, vel sponte, vel arte coercita: nam quedam rectitudine seruata prope ad bicubitalem longitudinem protenditur, si pendula sit, nec desint aquæ: nam gaudet irrigatione: quedam cetericem tantum habet recurvam: quedam dilatatur in

in ventrem ceruici adnexum, qua exsiccata, ac repurgata ab internis seminibus, & fungosa substantia, viuentur pro dolio: in cibos autem haec non veniunt, nisi tenellæ, antequam ætate obduruerint, ideo seruari ad hyemem nequeunt, nisi conditæ saccaro aut melle. Quoddam earum genus præciditur secundum longitudinem in tenues tabulas dimissa interna substantia fungosa, in qua semina continentur, quæ filo traectæ siccantur, ut per hyemem asseruantæ, cum usus exposcit, remollitæ coquuntur in cibis: distant longe à rotundis semine quoque, & carnis substantia: nam semen in tres angulos definit, candida constant carne, flore quoque candido: rotundæ figura constant Mali, sed ampla vastitate, ut eorum quoddam genus amplecti vtrisque vlnis vix queat: carne constant pallida, dulciori quam longe: in medio, cum perfectæ sunt, inanes; asseruantur per se integræ tota hyeme: semina nequaquam angulosa: Horres luteæ. Distant colore corticis: nam quædam virides sulcis distinctæ, ut Melopepones: Quædam candidæ: Quædam flavae: Quædam paruae at tuberosæ sunt, aliæ maculoso cortice constant: Omnia plantæ scandunt, vbi adminicula noctæ fuerint ad multam altitudinem clauiculis amplexantes, alioqui humi serpunt, numerosis propaginibus luxuriantes, ut vni plantæ iugerum non sufficiat: folia longissimo pediculo attolluntur lata, rotunda, & aspera, latiora in rotunda, & quandoque sinuata. Græci Cocolyntham vocant. Theophrastus inquit: semina distantia fert, succum aquosum, florem in postremo fructus diu infixum seruat, erumpit circa diem quintum à satu, aut sexto, vel septimo: seminis ætas recentior maturius prouenit: radix bieuis. Genera quædam traduntur, dulciores & molliores reddituntur, puluerem furculo excitantes sine rigatione, cum venti anniuersarij perflant, hoc generi rotundo conuenit, testatur Atheneus longas quidem Cucurbitas vocari, rotundas autem Cocolynthas, quæ & Indicæ vocantur, quas intellexit, cum inquit: Admirabamur Athenis Cucurbitas mense Ianuarij comedentes, quæ virides durant, proprietatemque succi seruabant: erant enim ab iis composta conditæ. Plinius inter sativas longam intellexit, cum inquit, Cucurbita omni modo fastigiatur, vaginis maxime virilibus coniecta in eas, postquam defloruit, crescit, qua cogitur, forma plerumque & Draconis intorti figura, libertate vero pensili concessa iam visa est nouem pendulum longitudinis. Cucurbitarum numerosior usus, & primus caulis in cibo: nuper in balneariū usum venere, vice orum, iam pridem etiam cadorum ad vina condendā, cortex viridis tener, deraditur nihilominus in cibis: semina, quæ proxima collo fuerint, proceras patiunt, item ab imis, sed non comparandas supradictis, quæ in medio rotundas, quæ lateribus, crassas, breuioresque: siccantur in umbra, & cum libeat serere, in aqua macerantur: cibis quoque longiores, tenuioresque:

eo gratiores, & ob id salubriores, quæ pendendo creuere, minimumque seminis tales habent, duritia eius in cibis gratiam terminante. Duo prima genera. Camerarium & Plebeium, quod humi reptit, in prioro mire tenui pediculo libratur, pondus immobile auræ, scandit parietum aspera intactum usque, natura sublimitatis auida; vires sine adminiculo standi non sunt, velocitas pernix leui umbra camerasque & pergulas operiens, unde Cameraria appellata: seruantur virides in scobe & opaco loco harena substrato, fenoque sicco operatas ac deinde terra: haec de longa intelligenda sunt: nam rotunda, quam Plebeiam videtur appellasse, per se seruantur aeri exposita loco sicco.

C A P. I I I.

CUCURBITA sylvestris, fructum fert paruum, & ob amaritudinem ingustabilem: duo eius genera summa proportione respondentia satius. Quæ cum longa conuenit, figura Piri, & magnitudine constat, ceruice scilicet in gracilitatem producta, colore viridi aliquantum maculoso: haec similiter ut longa, cum perficitur, duressit: nec aliud usum præstat, quam patuæ ampullæ exemptis seminibus cum fungosa substantia, postquam in aruit: seritur in viridariis ad parietes conuestiendos. Plinius inter Cucurbitas sylvestres Somphon à Græcis appellari scribit: quia inanis digitali crassitudine non nisi faxos nascens. Quæ autem cum genere rotundarum conuenit, duplex visa est, vna colore viridi, magnitudine, quæ utramque manuum impleat. Altera minor colore flavo similis Aurantiis Malis, medulla amarissima: huius folia à cæteris distant: incisa enim sunt ut folia Anguria, sed longe minora: huius medulla arida & fungosa venditur in officinis inter purgantia medicamenta externa, Coloquintidam vocant: Apud Diocoridem Cocolynthis appellatur: sarmenta, inquit, & folia emitit Cucumeris satiui per terram repentina, diuisa, fructum specie medicocris pilæ conglomeratum, vehementer amarum, quem legere oportet, cum cæperit in pallidum colorem permutari. Medulla fructus purgatoriam vim habet. Plinius utramque videtur nouisse, cum inquit, Cocolynthis inter Cucurbitas sylvestres vocatur, quæ plena, sed minor, quam satiua, utilior, pallida, quando eius sunt medicinae. Herbacea arefacta per se inanit aluum. Mesues quandam tradit lanuginosam, grauem, & duram, asperamque tendentem ad nigredinem, que mas vocatur, alteram feminam à medicis receptam: laudat autem crassam, & leuem, laxam, & albam ac lenem completæ maturitatis, cuius pars interior pulposa, laxa & lenis, & alba vehementis albedinis.

C A P. I I I .

BALSAMINA in hoc genere appellatur, ab aliis Caranza: fructus vtraque parte turbinatus, gracilior supradictis, tuberosa superficie, in maturitate croceus, & ferme rubens, seminibus intus latiss & nigris, lituris quibusdam inscriptis: viuntur fructu ad vulnera, & dolores coniecto in oleo vice balsami. Planta tenuibus viticulis, ac leuibus scandit opere topiario capreolis amplectens adminicula folia fert Vitis modo incisa mollia, & leuia.

C A P. V.

CITREOLVS vulgo appellatur fructus Malo Citrio similis, ternis aut quaternis sulcis discurrentibus, extuberantibus veluti pustulis: colore flavo in maturitate: seminibus oblongis, & angustis: carne succosa, candida, dulci, aliquantum nauseosa, cum matura est. Placet nouellus, antequam incrementum assumperit: crudus enim cum sale esatur, gratissimus stomacho calido, olfactu recreat animo delinquentes. eius planta viticulas fert breuiores Cucurbita, humi stratas, folia fert angulosa, aspera palmi latitudine: flores luteos: seritur in artuis optime subactis. Alter est fructus non absimili sapore, qui crudus antematuritatem carne tenera, & fragili gratus est, sed forma dissimili: crescit enim, qua cogitur forma, ut plurimum anguis modo intorta pluribus sulcis vel potius striis discurrentibus, simili modo horridus, colore candicante. Florentiae Mellonem vocant, sed huic minor authoritas quam Citreolo. eius planta assurgit in pergulas magis, vnde fructus pendet, qui si permittantur ad iustum incrementum peruenire, crassescunt in longitudine multum, ut Cucurbitae. Nuper tertium genus aduectum est, fructu cubitali tenerimo, praedicti ergo fructus recenter orti & immaturi gratiore sunt, quam perfecti & maturi, omnes oblonga figura constantes, Cucurbitis longis proportione respondentes. Duo vero alia genera sunt, quibus rotunda inest figura, & saporis suauitas maturis tantum. Eorum alter vulgo Melon, & Pepon vocatur, qui præfertur in cibis ob sapidam dulcedinem, & odorem: ideo stomacho gratissimus: exceptitur non solum primis mēsis, vt vinum generosum superbibatur, sed & postremis: nec enim supernatat, sed alio commodus cito descendens: nil tamen fallacius eo: nam vel ex eadē planta aliis suavis, aliis insipidus nascitur sapore Citreoli maturi, aliis medio modo magis & minus ab optimo Pepone recedens: præcepit quoque colligendi tempus: nam immaturus Cucurbitam crudam sapit: deest odor, & proprietas dulce-

dulcedinis, perfecte maturus aquosior redditur, & gratiam amittit. optimis inest solidior caro : eliguntur ponderosi, vi potestate ex toto pleni : seminibus carni infixis, exacte rotundi, & quibus pediculus sponte abscedit, lato quodam floris vestigio, qua odorem spirant : item quibus aliqua ex parte abruptus cortex est : minus probantur, quibus in medio cavaitas in est, in qua semina cum fibrosa substantia distant à carne. Differentiae eorum innumerabiles : nam in dies nouæ species accedunt: figura aliis perfecte rotunda : aliis modice depressa & sessilis : aliis oblonga : Peponiferas vocant, qui ex ventre medio vtrinque fastigiantur similitudine quædam Citreoli magni : cortex aliis asper, rugosusque, tuberosus : aliis leuis, nunc viridis, nunc cinereus, nunc pallidus, nunc varius : pulpa in terra aliis rufa, aliis candida, virensque : magnitudine quoque distant, maximus vix capitum humani amplitudinem excedit, minimum quoddam genus visum est magnitudine Mali rosei, cui & semen proportione minutum est : sunt, qui collecti, domi maturentur, ad hyemem usque perdurantes incorrupti, vnde hyberni cognominantur, modice oblongi : cortice flavo ; & semine pallescente. Cæteri æstivi : incipiunt enim maturescere mense Iulij ac per totum Augustum. Plerique sulcis distincti sunt : semina ferunt candida, paulo latiora Citreolis, gustui grata tum per se, tum saccaro incrustata vice belliorum, impellunt vrinam, eiusque ardorem corrigunt : sunt, quibus semen sine cortice constat : ideo simul cum sua carne comeduntur : fibrosa substantia aqua semina enascitur, in optimis nequaquam abiicitur, sed simul comeditur, quam quam nitrosum quid sapiat, sed in cæteris simul aufertur cum semine : nam sub amara est, qui sapor aliquando reliquæ carni communicatur. Omnia sarmenta humi repunt longiora, quam Citreoli : folia aliquantum sinuata : flores lutei. Alter fructus, qui non nisi maturus expetitur, Cucumer vulgo appellatur, à quibusdam Anguria : hic in altissimam rotunditatem crescit, cortice leui, nequaquam sulcis intercepto : exili floris vestigio veluti puncto : pediculo tenui : deprehenditur matritas levitate solum : non enim mutatur color, neque odoratus redditur : color aliis virens : aliis maculosis subcandidis maculis Ophitis modo : Caro interna aliis candida : aliis rubens : que prope corticem durior & minus grata; que in meditullio mollior, & aquosa, veluti cocceta pruinæ modo, fragilis & fungosa, liquefons in ore : eius usus post meridiem in æstu ad sitim arcendam per se non cum reliquis cibis : nam (upernat & ad vomitum prouocat. Sapor est aquosus cum quadam dulcedine : dulcior, cui caro rubens : nam veluti mellea : semina insunt latiora Pepone : crassioraque, lubrica veluti pinguedine oblita colore nigro, aut rubente, aut fuluo. Vidimus & sine semine. Quamvis autem humidior longo sit eius natura Pepone; diutius tamen afferuari potest decerptus,

vt aliquando hyemem attingat. Quoddam genus sylvestre vidimus translatum ad nos, carne intus lignosa, atque adeo dura vt pilè modo resiliat, nec frangatur proiectum. Omnia planta humi serpit: foliis multifariam dissectis, subcandidis, hirsutis: flore luteo. Apud Theophrastum & Dioscoridem duo tantum genera traduntur: appellat Theophrastus alterum quidem Sicyon, alterum vero Sicyan: vterque vertitur a Theodoro Cucumis, quamvis aliquando distinctionis gratia Sicyos Pepo, & Cucumer vocetur, Sycia autem Cucumis: utriusque communia haec tribuit Theophrastus: flores in postremo fructus eo crescente diu infixum gerunt: radix inest breuis. priuatum autem de Sicyo inquit; seritur cum Cucurbita mense Martio; erumpit circa diem quintum aut sextum vel septimum: seminis ætas recentior maturius prouenit, celerius præmaceratum. Megarenses dulciores & molliores reddunt puluerem surculo excitantes, cum venti anniversarij perflant, sinerigatione: semen lacte præmaceratum saporis differentiam facit: fructus ex carne & neruo constat: succus aquosus. Eius genera tria notant, Laconicum, Scytalicum, Beotium: ex his Laconicum melius euadit rigatum, reliqua non rigata præstantiora sunt, ad Sicyam autem ea pertinent: Alios flores simplices in postremis sarmentorum fert, qui auferuntur, ne incrementum impediant, figuram accipit loci, in quo posita fuerit: semina fert non congesta sed distantia: ex his colligere licet Sicyam apud Theophrastum significare Citreolum nostrum: hic enim figuram accipit loci, præcipue genos illud, intortum anguis modo. forte & idem inter Sicyos intelligitur scilicet Laconicus, qui melius euadit rigatus: id enim conuenit nostris Citreolis: gaudent enim aqua, vt Cucurbita longa: reliqua autem Sicyorum genera, quæ non rigata præstantiora sunt, optimè quadrabunt nostris Peponibus & Cucumeribus, qui maturi cibis experuntur: hi enim puluere æstiuo gaudent, aquas oderunt. Dioscorides Sicyn masculino genere vocat, quam Theophrastus Sicyan appellat. Peponem autem, quem Theophrastus Sicyon. Sicys inquit satius stomacho, & alio utilis est, refrigerans, & corruptionem non sentiens; vesicæ prodest; olfactu reuocat animo delinquentes, & quæ sequuntur. haec profecto conueniunt nostris Citreolis. De Pepone autem inquit eius caro in cibis vrinam cit: illa sedat oculorum inflammationes: eius testa puerorum caluarię imponit aduersus ardores, & fronti ad oculorum fluxiones, succus cum semine adiecta farina siccatus in sole absteriorum fit faciem purgans, & nitorem afferens, & quæ sequuntur. Ex nomine quidem colligere licet Peponem accipi debere aliquem ex iis, qui maturi experuntur in cibis, vt nostrum Peponem, aut Cucumerem, aut virunque sed ex eo vsu quo βλέγμα ἀντί κατά τὸ βλέγμα τοιοῖς επιτείγε: id est eius testa veluti caluaria pueris imponitur ad caluariam,

significatur potius noster Cucumer; rotundum enim eius corium, & teste modo fragile, & planitie ac levitate caluariam amulatur: idem com probat & facultas refrigeratoria, & vis repellendi: haec enim in Cucumere magis est manifesta, quam in nostro Pepone. Apud Galenum repetitur Sicyos & Pepon, & Melopepon: de Sicyis inquit, substantia constare minus humida quam Pepones: ideo non facile in ventriculo corrupti, ut illos, virinam carent minus quam illi, ex largo eorum vsu, licet concoquantur in ventriculo, succus frigidus & mediocriter crassus in venis colligitur, qui non probe mutatur in sanguinem. haec profecto cum Sicy Dioscoridis conueniunt, id est cum nostris Citreolis. De Pepone inquit, vniuersa natura frigidior est, quam Cucurbita, cum humiditate multa; habet autem vim quandam abstergendi, cuius beneficio virinam ciet & deorsum expeditius permeat quam Cucurbita & Melopepon, abstergit & cutem, vitia faciei auferit praelestrem semen, quod & calculos renum deterget: succum in corpore vitiosum gignit, cum prope non fuerit concoctum: antequam corruptatur, ad vomitum excitat, reddit cholerae obnoxios. haec omnia cum Dioscoridis Pepone conueniunt, & nostris Cucumeribus quadrant: Sed unum tantum ansam dubitandi praebet, quod ipse inquit, homines in Peponibus, a carne intima, in qua semen habetur, abstinent: contra enim apud nos vsu venit: gravior enim est Cucumeris interna caro, in qua semina quam externa prope cortice: De Melopepone autem inquit, hi minus humili sunt, quam Pepones, nec adeo praui succi, minus item virinas mouent, tardiusque deorsum descendunt, ad vomitum preterea excitandum non tantum quantum Pepones habent momenti; sicut nec celeriter adeo ut illi in ventriculo corrumpuntur, cum prauus humor in eo collectus fuerit, aut alia quæpiam corruptionis causa ipsum prehenderit. cæterum tametsi in iuuando stomacho autumnalibus fructibus longe sint inferiores, haud quaquam tam ei, ut Pepones sunt noxij, neque enim vomitum ut illi excitant. haec adamassim nostris Melonibus quadrant, sed quod subiungit eadem dubitationem affert, quam in Pepone indicamus, inquit enim in Melopeponibus homines carnem intimam, in qua semina continentur mandunt; idque ipsis ad deiectionem confert. Qui vero eorum quasi carne tantum vescuntur, non tam cito eam, ac Peponum excernunt: raro enim ex nostris Melonibus internam substantiam, fibrosam comedimus, sed: una cum semine auferimus: idcirco suspicor errore aliquo commutata esse in eo loco vocabula Peponis & Melopeponis, ut rectius in hunc modum restituatur Galeni locus: huc accedit, quod in Melopeponibus homines a carne intima, in qua semen habetur, abstinent, in Peponibus autem mandunt, idque ipsis ad deiectionem confert. Qui vero eorum, quasi carne tantum vescuntur: non tam cito eam ac Melopeponum excernunt.

nunt. Quasi hoc sit in causa, cur Melopeones tardius discedant quam Pepones: quia interna caro eorum nō comeditur vt Peponum; vis enim ad deiectionem faciens magis in ea parte est: ideo si ex Pepone aliquis tantum carnem duriorem assumeret, vt sit ex Melopepone, sentiret tardiorum Peponis discensum. Plinius omnes hos fructus, Cucumeres vocat: nam Pepones & Melopeones inter eos recenset, quasi species. Cucumis tamen priuatim ab eo intelligitur Citreolus noster: inquit enim, fructum esse cartilaginei generis: crescunt, qua coguntur, forma: in Italia virides, & quam minimi, in prouinciis quam maximi, & citrini, aut nigri. Placent copiosissimi Aphricę, grandissimi Męsię. at cum magnitudinem excessere, Pepones vocantur; viuunt hausti in stomacho in posterum diem, nec perfici queunt, in cibis non insalubres; tamen plurimum natant, oleum odore mire, nec minus aquas diligunt, in fistula flore dimisso mira longitudine crescunt: ex his significantur non solum Italici Citreoli, qui parui sunt, sed & grandes, qui peregrini sunt apud nos. cum autem inquit: Pepones vocantur, cum magnitudinem excessere, consentit cum nostris Cucumeribus, seu Anguriis: grandissimi enim sunt inter hos fructus. cum præterea inquit: ecce cum maxime nova forma eorum in Campania prouenit, Mali cotonei effigie. forte primo natum ita audio vnum; mox semine ex illo genus factum Melopeonas vocant, non pendent hi, sed humi rotundantur. mirum in his, præter figuram coloremque & odorem, quod maturitatem adepti, quam quam non pendentes, statim à pediculo recedunt: ex his manifeste indicantur nostri Melones. Atheneus de Cucumere Authores citat indicantes fructus miram longitudinem: est Cucumis visus mihi terre filius alme, inter grata faciens olera mensasque tenebat ille nouem: iterum inquit: augetur veluti Cucumis regione madenti. Paruos autem Cucumeres, quales Italici sunt, diminutius Cucumerculos appellatos tradit. De Pepone autem inquit, Cucumerem seminarium nuncupatum à Cratino in rebus Vlixis: emptum enim in Paro Athenis Cucumerem maximum seminarium: ediles autem esse sine semine, Peponas, atque maturos tantum. Arabes præter tria dicta genera ex Galeno desumpta afferunt quartum genus, quod Dullaha vocant, interpretes vertunt Melonem magnum, viridem, cui vim tribuant insignem ad humectandum & extinguendum ferorem in febribus ardentibus, & contumperandos acres humores, qui magis praua qualitate infestant, quam quantitate: Puto intelligi fructus ingentes, quos in Alexandria Batecas vocant, similes nostris Cucumeribus, sed eorum caro sponte in succum conuertitur præ dulcem in maturitate, quem per ostium in cortice excisum hauriunt, & astuantibus publicè vendunt eius laticis calyces: quamquam hoc nomine Batecha Arabibus nostrum Cucumerem significet. Auicenna Mę

lonem Indum vocat ; quia primum ex India habuerunt hunc fructum . In India Batice vocant , de quo Garzias inquit : fructus ingens , rotundus , ouata figura : scinditur transuersus : eius caro suavis , soluitur in succum aquosum , febrietibus optimum : semen nigrum .

C A P . V I .

CVCMIS sylvestris , vulgo Cucumer Asininus , sponte nascitur in ruderibus : radice crassa : foliis Citreoli minoribus , candidioribus , & valde hirsutis : fructu paruo , oblongo , candida lanugine horrido ; huic in maturitate pediculus sponte abscedit , ostiolo relicto , vnde confessim totus internus humor , vna cum seminibus proicitur in longinquum , contrahente se netuosa corticis substantia , ut colligentes sepe illudat , non sine oculorum pediculo : semina sunt nigra , longe minora satiо . Theophrastus Sicyon sylvestrem vocat , satiо penitus incomparabilem , sed aspectus tantum similitudinem gerit : loca algentia querit : medicamen liquatum ex eius fructu Elaterium vocatur : Theodorus Agitatorium vertit . Dioscorides inquit solo fructu distat a satiо , quem longe minorem parit , oblongis glandibus non assimilem : folia atque farmenta satiui : radice candida , magna : nascitur in salubetis , & ruderibus : frutice in totum amaro : ex fructu huius medicamentum fit , quod Elaterium vocatur . Dicerpti fructus , qui tacti protinus exiliunt , seruantur nocte vna , postridie cultro supino scinduntur , vt deorsum humor labatur in subiectum vas interposito cribro , & rametta aqua dulci perfundunt , premuntque in subiectam peluim : humor collectus in sole siccatur : medicamentum vehementer purgans pituitam & bilem . De hoc Theophrastus inquit , extrahit tam superius , quam inferius , omnium medicamentorum diuturnissimum ; opportunumque quod vetustissimum . Quidam Medicus seruabat annorum ducentorum , causa eius humoris copia , qui nec in cinere siccari possit , & vsq; ad quin quagesimum annum lucernis ad motum lumen extinguit : Dioscorides tamē aliter laudat , quod scilicet lucernæ ad motum facile flagrat , hoc ab innatu ad decenniū diectionibus utile est . Plinius Cucumin sylvestrem inquit multi hunc esse apud nos , qui Anguinus vocatur , ab aliis erraticus , arbitrantur , quo decocto mures de eius sparsa medicina non attingunt : est multo infra magnitudinem satiui . ex eo fit Elaterium succo expresso ex semine , cuius causa nisi maturius incidatur , semen exilit , oculorum etiam periculo . Aliqui inquit , in Arabia natum magnificant , mox Cyrenis , alij in Archadia tradunt , similem Heliotropio , cuius inter folia , & ramos prouenire magnitudine Nucis iuglandis semen . esse autem ad speciem scorpionis , cauda inflexa sed candida , aliqui etiam ab

scorpionum Cucumin vocant, efficacissimum contra scorpionum ictus, & semine, & Elaterio, sed hoc genus apud nos non vistum est.

C A P. V I I.

NON multum ab his recedit Bryoniae natura, quæ à quibusdam Cucurbita sylvestris vocatur: distat fructu, quæ exiguæ sunt baccæ in raris racemulis in maturitate ex rubro flavescentes: insident in iis flosculi concavi, & candicantes. At radix vasta, & breuis, alba, succo acri prædita: viticulas fert tenues, & asperas, quæ clauiculis frutices vicinos scandunt: folia quoque hirsuta, angulosa, minora Cucumere sylvestri: oritur in sylvis: viuit hæc radice multis annis, ut Cucumis sylvestris. Dioscorides Vitam albam appellat, & Bryoniam, hæc inquit, foliis, viticulis, & clauiculis, satiuam Vitam imitatur, sed hirsutiiora sunt omnia: proximis fruticibus implicatur suis clauiculis amplectens: fructum habet in racemis rubentem, quo coria denudantur, ex ea Asparagi, qui prima germinatione exeunt decocti in cibo, aluum & urinam cident: folia, fructus, radix, acrem vim fortiuntur. Plinius de Vite alba inquit à Græcis Ampeloleucem, ab aliis Ophiostaphylon, ab aliis Melothron appellari, atq; aliis multis nominibus: huius farmenta longis, & exilibus internodiis geniculata: folia pampinosa, ad magnitudinem Hederæ diuiduntur ut Vitium: radix alba, grandis Raphano similis, initio ex ea caules Asparagi similitudine exeunt: hi decocti in cibo aluum & urinam cident, folia & caules exulcerant corpus. semen in Vua raris acinis dependet, succo rubente, postea Croci: nouere id, qui coria perficiunt: illo enim vtuntur. Theophrastus de Melothro inter sus frutices fructum inquit Smilaci similem fert.

C A P. V I I I.

BRIONIAE nigrae radix aliquando ad nostras manus uenit, nauis causa pro uictu circumferentibus: uocitant panem Turcharum: Est radix brachiali crassitudine amplior, sed breuis, carnosæ, colore intus subrubente, ut diuisa in taleolas, Farciminis speciem gerat. hæc quamvis multo ante eruta, aduentate Vere germinare cepit. Quamprimum igitur eam terrę mandaui, ut plantæ speciem addiscerem; protulit autem caulem circumvolucentem se adminiculis ad multam altitudinem, & folia Hederæ mucronata, colore subrubente, uixit usquæ in Aurumnum; frigore uero aduentate penitus extinta est, eius nequæ flarem, nequæ fructum uidere licuit. Dioscorides Vitam nigram, & Bryoniam nigram uocat: folia inquit fert Hederæ Smilaceis proxima, sed maiora:

iora : caules etiam cognatos, qui arbores circumvolutionibus apprehendunt : fructus inestracemosus initio viridis, in maturitate niger : radix foris nigra, intus Buxei coloris. Viticulae, quæ primò germinum partu erumpunt, in olera recipiuntur. radix eadem præstar, quæ alba, sed minus efficax. Plinius inquit, est & Vitis nigra similis albæ præterquam colore, huius enim color niger, cuius Asparagos similes Diocles prætulit ueris Asparagis in cibo urinæ ciendæ, lieniq; minuēdo in frutetis : & ha rundinetis maxime nascitur : radix foris nigra, intus Buxei coloris, ossa fracta efficacius extrahit, quam alba.

C A P. I X.

TAMARVM vulgo appellatur, ab aliis Cerasiola ob fructus parua Cerasia imitantæ : radicem subrotundam fert, & tuberosam, colore candido, acrem : viticulas simili modo circumvoluentes se vicinis fruticibus arboribusque, tenui cortice, & candido : folia Hederæ mucronata, lente virentia, racemulos frequentes suis viticulis implexos instar claviculorum : flosculis candicantibus minutis, granulis rotundis rubentibusque : oritur in collibus locis umbrosis & riguis : huius recentes cauliculi à veris Asparagis non discernuntur, ac similiiter in cibos veniunt. Plinius vuam Taminiam appellari tradit, eandemq; esse putat cum Vite sylvestri ; inquit enim, quæ à Græcis Ampelos agraria appellatur, spissis & candicantibus foliis geniculata, timido cortice, fert vuas rubentes Coccii modo, quæ cutem in facie mulierum purgant, & variis coxendicum, & lumborum vitiis tusq; cum foliis, & succo proslunt, radix decocta in aqua pota in vini Coi cyathis duobus, humorem alui ciet, ideo hydropicis datur, vtuntur ea pro Amuleto. Dioscorides de Vite sylvestri inquit, longas fert viticulas, Vitis modo lignosas : asperas, timido cortice : folia autem similia Solano hortensi, latiora, longiora q; : flores capillaceos muscosos : fructum parvus vuis similem, in maturitate rubentem, rotunda figura. Eius radix in vino decocta, & cum aqua pota purgat, datur & hydropicis, & quæ sequuntur. Theophrastus eius radicem scribit anno utilem esse, si in umbra, & sine iactu seruetur : nam alioqui, putreficit, & inanis fit ac fungosa, excalactoria & acrem vim habet, idoneam ad Psilothri vsum, & vitia cutis in facie : Fructu eius de foliatis arbores solent : succiditur omni tempore præcipue Autumno : at puto corrupte in codice græco legi pro Ægypio : Ægypto : eius enim fructu denudari coria magis verisimile est, quam arbores, vt Dioscorides testatur de fructu Vitis albæ.

C A P . X.

SALICA STRVM uocatum à Plinió, prouehit in humectis & lato solo, sarmenta ferens pollicis crassitudine, vt plurimum humili iacentia: cortice albo, lœui: folia fert mollia, mucronata; appendicibus binis ad pediculum, aliquando nullis, aut uno tantum: flores in racemulis latis, figura Solatri, colore cœruleo: ampliores: apicibus quibusdam in medio luteis, sine odore: fructus fert in rotunditate oblongos, qui in maturitate rubent, succo aquoso, seminibus multis ac depresso, vt omni ex parte videatur Solatru congenit. Inquit Plinius de ea: est Viti sylvestri similis, sed in salicetis nascens, idē distinguitur nomine, cum eisdem usus habeat, & Salicastrum vocatur. Scabiem & prurigenem hominum, & quadrupedum acetō mulso trita hæc efficacius tollit. Videtur Dioscorides hanc intellexisse, cum de Vite sylvestri dixit: folia habere Solano similia, at reliquæ conditiones magis Tamarum indicat.

C A P . X I.

QUOD vulgo Vinciboscum vocant: quia Frutices amplectendo connectit, nascitur in sylvis, sarmenta ferens lignosa, candida, nec crassa: scandunt hæc circumvoluentes se arboribus; folia ex interuallis bina insunt, subrotunda, candicantia, & subhirsuta: hæc circa supremas viticulas inuicem connexa, vnicum folium constituunt concavum vmbilici figura, in cuius sinu flores oblongi in extremo hiantes, albi, aut subrufi ramulos ambiunt odorati, & baccæ in maturitate flauæ pertinaciter hærentes, ingrati saporis, seminibus intus duobus, aut tribus depresso. Multi hanc pro Matrisylua accipiunt, quæ dicenda est inter Hyperici genera: radice nititur tenui in ramulos producta. Dioscorides bis videtur hanc plantam describere: modò Periclymenum: modò Cyclaminum alteram vocans. De Periclymeno inquit: simplex fruticat, ex interuallis parua folia habens caulem amplectentia, subcandida, Hederacea: inter folia surculi exeunt, in quibus baccæ Hederæ similes: flos Fabæ candidus aliquantenus, rotundus, & quasi insertus in folio: fructus durus, & difficilis ad euellendum: radix crassa, & rotunda: nascitur in ruderibus ac sèpibus conuoluens se vicinis adminiculis. Hæc descriptio in cæteris quidem congruit excepta radice: at Plinius radicis non meminit, cum in cæteris consentiat cum Di scoride inquiens. Periclymenos fruticat & ipsa, ex interuallo duo folia habens, subcandida, mollia: in cacumine autem semen inter folia durum, & quod difficilè euellatur: nascitur in aruis, sèpibusque conuol uens

uens se adminiculis quibuscumque: semen eius in umbra siccatum tun-
ditur, & in pastillos digeritur, qui in vino albo poti tricens diebus vri-
na cruenta, aut per alnum lienem absument. De altero autem Cycla-
mino inquit Dioscorides. folia fert Hederæ minora: geniculatos cau-
les, crassosque, qui vicinas arbores instar capreolorum se conuoluunt:
Florem candidum, odoratum: acinos Hederæ molles, lenti gustus, ali-
quantum acris: radicem super vacuam: nascitur in asperis: huiusaci-
ni drachmæ vnius pondere poti cum Vini albi cyathis duobus quadra-
ginta diebus, lienem per virinam, & alium absument, & quæ sequuntur,
in quibus eadem prorsus facultates leguntur, quæ in Periclymeno. Af-
fert quoque Plinius alterius Cyclami descriptionem nequaquam di-
uersam à Dioscoridis enarratione: Ex quibus patet prædictam plantam
magis conuenire cum altero Cyclamo ob fructus mollitatem, & radi-
cem superuacuam. Si igitur eidem accommodari possit Periclymenum,
& fructus durities de semine intelligatur, auferaturq; conditio radicis ro-
tundæ, & crassæ, errot erit in repetitione eiusdem diuersis nominibus:
probabilius igitur dicendum videtur, legitimum Periclymenum adhuc
non compertum esse, non tamen à prædicta planta multum differre.
Plinius alibi Climenum vocat: foliis Hederæ; tam osum; articulis præ-
cinctum; graui odore; seminibus Hederæ.

C A P. X I L

SMILAX aspera, vulgo autem Hedera spinosa, viticulas fert lon-
gas, aculeis aduncis, & paruis horridas: folia Hederæ, nullis an-
gulis in gracilitatem fastigiata, dura: & capreolos tenues, quibus
arbores scandit ad multam altitudinem: floret in Autumno racemulos
ferens Labruscæ modo, flosculis candidis, odoratisisque: baccas ruben-
tes subdulces; officulis intus duobus, aut tribus solidis, vt Asparagi:
radicem pollicis crassitudine geniculatam, candidam, & lignosam, præ-
longam, fibrosis alis paruis circa genicula exentibus. Dioscorides in-
quit Smilax aspera folia habet Periclymeni: fatmenta tenuia multa, Ru-
bi modo, aut Paliuti aculeata: arbores scandit, ab imo ad summa petre-
ptans, se conuoluens eis: fert racemulos exiles, qui maturi tubescunt,
gustumque leniter mordent: nascitur in palustribus, & asperis: radice
dura, crassa que. Theophrastus simpliciter Smilacem vocat, quam Theo-
dorus Hederam Ciliciam vertit: Amplexi caulis inquit assurgit; caule
aculeato, & præhorrido: folio Hederæ paruo sine angulis in acutum pro-
ducto, iuxta pediculi nexum excauaro: proprium huius, quod medius
neruus, qui spine animalium respondet, tenuis est, & stamina non ex me-
dio illo neruo dispensantur vt in cæteris, sed circa illum circulatiter du-
cuntur,

cuntur, otta ab annexu pediculi cum folio. Ad caulem autem infirmum secundum foliorum internulla adnascentur ex eisdem pediculis luis quidam tenuis, specie claviculi : flos candidus suavis, olens Li ium. (Theodorus non *Kepivov*, sed *Hepivov* legit, id est vernum, quasi vere floreat, non in Autumno : fructus Solano proximus ; ac Melethro, maximeq; signis vix Labriscæ : racemi penitiles, ut Hederæ ad Labruscam accedentes : ab eodem enim puncto acinorum pediculi oriuntur : fructus tuberos, nucleos habens plurimum duos, aut ternos, in majoribus, unicum in minoribus, nucleus verò valde durus, colore exteriori nigra, peculiare racemis, quod tum à lateribus caulinum continuus, tum in extremo maximus exortus, ut in Rehanno & Rubo : in his autem fructus est conspicuus, utpote qui in summo, & à latere perpetua serie feratur. Plinius Smilacem è Cilicia primum profectam scribit Hederæ similem, densis caulis geniculataam, spinosam : tamis fruticosam : folio Hederaceo, parvo, non angulo; à pediculo erubente pampinos : flore candido, olente Lilium : fert racemos Labriscæ modo, non Hederæ, colore rubro complexa : acinus maioribus nucleos ternos, minoribus singulos nigros durisque : infasta omnibus sacris & coronis, quoniam sit lugubris. Aliibi de eadem inquit quidam duo genera Smilacis dixere. Alterum immortallitati proximum, in conuallis opacis, scandentem arbores contuberculatis acinorum cotympbis, contra venena omnia efficacissimis est tantum, ut acinorum succo infantibus saepe instillato, nulla postea venena nocitura sint. Alterum genus culta amare, & in his gigni nullius effectus, illam esse Smilacem priorem, cuius lignum ad aures sonare diximus : hæc Plinius. At nostræ Smilaci nequaquam lignosa inest natura, aut crassities. Alterum vero genus Smilacis in cultis nascens fuerit Smilax lepida Dioscordi tradita.

E BULVS iuxta oppida frequens, nascitur in aggeribus : caule crasso, simplici, ac recto : frequentibus geniculis, in quibus folia diffusa, ut Sambuci, frequentioribus segmentis, angustioribusque ; vmbellas feri in cacumine, & flosculos candidantes in summis fructibus, quæ in maturitate nigri, ut Sambuci, succo insiciente manus : radices fert tenues, & longas, iunceaas : tota graue olet. Dioscordis Chamæatem vocat, quasi huiusmodi Sambucum : est inquit longe humilior Sambuco, magisque herbaceo generis assignandus : caule quadrangulol, geniculato : foliis Amygdalæ ex intervallo longioribus, genicularim expansis, graue oentibus, in ambitu serratis : vmbella Sambuci : flore & acino eiusdem ; radice nititur longa, crassitudine digitali.

C A P. X I I I.

BAГОЛА vulgo in Alpibus appellantur, quasi bacculae, fructus dulces, & subacidi, paruis suis similes, in matutitate nigri, quos existant Alpini: fert eos parvus frutex dodrantali altitudine: ramulis virentibus, & striatis: foliolis in rotunditate oblongis, leviter serratis, sine pediculo adnexis alternatim: flosculis radicantibus, concavis, ut Arbuti, qui summis fructibus insident; Alterum genus fructu minori constat, & paucioribus intus seminibus: foliolis inferne albicanibus, specie Malicotonei, sed pusillis: Videntur hi frutices, quasi humiles Mespili.

C A P. X V.

SOANI genera à supradictis distant, quod florem non in summo fructu, sed infra enascentem ferunt, simili modo concavum, aliquando dissectis labris: fructum numerosis seminibus refertum, compressis, & subrotundis: inter hæc hortense scriitur inter olera æstiuia, eius enim fructus venit in cibos, ut Cucurbita, vocant Manum insanum, & Pyrum insanum, quia Mali, aut Pyri effigie constat, alij Melanzanam, & Petroncianum vocant. Pyra igitur insana turbinata figura constant, magnitudine Cotonei, alia colore flavo, alia purpureo: extat & genus candidum candore Eboris, oblongiore figura, veluti parua Cucurbita, gratius in cibis: omnium planta cubiti altitudine attollitur: caule crasso, subhirsuto, ternis assidue ramis fisso: foliis Mali cotonei, ali quantum angulosis, latioribus, nigroribusque: flore purpureo, aut candido, dissecto: fructus ante maturitatem elixus, aut assus fungorum more esilitur, sapore fungos imitante, at non sine condimentis acribus, ut Pipere, ad castigandam saporis feritatem: ægre concoquitur in ventriculo: refrigerantis & humectantis facultatis. Græci Styrchnon vocant. Dioscorides de hortensi inquit, esculentus, est parvus frutex multis aliis concavus: folio nigro, maiore, quam Ocymini & latiore: fructu rotundo, viridi, qui post maturitatem nigrificat, aut fulvescit: herba autem in nocentis est gustus; facultatem habet refrigerandi. Apud Theophrastum Theodorus omne genus Styrchi Vesicariam vertit, nomen inquit æquiuocum esse: de Urbana inquit, cibo idonea est, fructum acinosum ferens: recensetur alibi inter olera, quæ coqui exigunt licet cruda etiam mandatur: interpretandus igitur est fructus acinosus, non vix modo granula ferens, sed cuius interna substâria numerosis granulis referta est. Ex hoc genere videtur esse & Corchorus, de quo mox inquit Theophrastus, ob amaritudinem in prouerbio est: folium eius Ocyminum emulatur.

Plinius

Plinius tertium inquit in genere Styrax est, quod in cibis sumitur: foliis
Ocymi, licet preferatur hortensis sapotibus. Galenus de esculentis in-
quit, in hortis nasci omnibus notum.

C A P . X V I .

MA LA insana rotundiora sunt, veluti Mala: eorum quoq; duas
nouimus differentias; unum colore auro, specie Mali Appii;
vnde quidam Malum aureum vocant; alterum depresso, &
latius, specie Mali rosei, sicut distinctum, colore rubenti, quasi igneo.
Vtrique caules sunt veluti sarmenta, longitudine duorum, aut trium cu-
bitorum, qui, nisi habeant administricula, procumbunt in terram: folia
vtrique hirsuta ac divisa, Eruca modo, sed multo longiora, ac latiora:
flores albantes: Vraque peregrina: coluntur in hortis ad spectaculum
potius, quam usum. Quidam tamen fructus in patinis paratos come-
dunt, vt Pyra Insana, sed ferinus quidam odor inest, præcipue rubris.
existimo haec ad Solani furiosi genera pertinere: Non enim unica apud
Dioscoridem insinuatur planta, quamvis ex continua verborum serie
unicam videatur describere: vnde factum est, vt hodie occultum sit So-
lanum Manicum; nulli enim ex nostris tota descriptio conuenit, nec ve-
risimile est eandem plantam capitula ferre similia Platani pilulis, & si u-
nam racemosum granis constantem similibus Hederæ corymbis, sed in-
his verisimilius est plures plantas insinuari, quod si hoc modo intelliga-
mus, habebimus plantas, quibus optimè nota omnes quadrabunt. Ac
primum Mala insana, quæ descriptimus, ad primum genus Solani furio-
si reducenda erunt, cuius Dioscorides folia tantum, & caules describit
in hunc modum; Solanum Manicum folio constat similis Eruca, sed ma-
iore quasi Acanthi: caules autem fert ab radice decem, aut duodecim
proceros, altitudine ylnæ: hucusque descriptio est primi generis; nam
quæ sequuntur, ad alia pertinent, de quibus mox dicemus: Eadem ver-
ba leguntur apud Theophrastum; vnde videtur Dioscorides rotum ca-
put Solani Manici manuasse; ideo eadem apud eundem difficultas. Plu-
nius consulto preterit eius descriptionem; nam parvo succo insaniam fa-
cit: hoc inquit est venenum, quod innocentissimi auctiores Dorycnium
appellauere, ab eo, quod cuspides in præliis tingerentur, illo passim na-
scente, qui parcus spectauerant. Manicon appellauere; qui nequius oc-
culabant, Erythron, aut Neurita, vt normuli Petison, ne cauendi qui-
dem causa curiosus dicendum.

C A P . X V : I . I .

MALVM spinosum à quibusdam Stramonia vocatur herba inter
æstuas, cubiti altitudine; caule crasso, leui, in ramos fillo: fo-
liis Pyri Insani, candidioribus, leuibus, quibus odor quasi
Opij: flores fert prægrandes, figura calycis, aut tubæ, colore
candido: fructum rotundum, hispidum, Mali amplitudine, aut Nucis:
colore viridi, qui in maturitate dehiscent, semina intus ostendit vehe-
menter congesta, ut Mali granati, colore candido, compressa, & ferme
triangula, media fructus parte carnosa, externo cortice membranoso:
Peregrina est planta, quæ seritur in Viridariis spectaculi gratia: huic al-
terum genus Solani Manici ascribendum censeo, quod induxitur à Dio-
scoride cum inquit: caput fert in cacumine instat Oliuæ, sed hirsutius,
veluti Platani pilula, maius tamen, & latius. Theophrastus inquit: caput
fert instat Gethyi, sed minus, atq; hirsutius, simile fructui Platani. Apud
Auicennam Nux Methel appellatur, de qua inquit. Est venenum obstu-
pesfaciens similis nuci, super quam sunt spine breues, & crassæ, & est simi-
lis Nuci Vomicæ, & eius semen est simile semini Citri, pondus trium gra-
norum inebriat. drachma vna interficit eadem die.

C A P . X V : I . I .

SO LATRVM vulgo appellatum; duorum generum est apud nos:
vnus maius, quod montanum est, Alterum minus, quod passim
in ruderibus nascitur. Maius in sylvis montium nascitur: plu-
ribus ab eadem radice caulibus, crassis, nigris, bicubitalibus, alti-
tioribusque: ramis ternis in latera tendentibus: foliis Mali cotonei, ni-
gris, leuibus: flores fert concauos, oblongos, nigros, ordine dispositos
in ramis per intervalla singulos: fructum vuæ acino similem, grandius
culum, in maturitate nigrum, vinosum, seminibus parvus, ut Elyscya-
mi, nigris: vivit hec radice, quæ crassa est, ramosa, alba, strumosa, atque
admodum fragilis, & excavata. Dioscorides in Solano Manico postre-
mo loco hanc ostendit, inquiens: flos niger, quo decidente, fructus, vuæ
specie, rotundus, niger, acini sunt decem, aut duodecim, similes Hederæ
cotympis, molles, ut Vua. radix subest candida, crassa, caua, cubitalis;
gignitur in montibus, vento perflatis, & riguis. Theophrastus de hoc
genere inquit Strychnon, quod insahite facit, constat radice candida, &
longa, ad cubitum, caua: dabitur eius radicis drachmæ pondus, si, ut
quis ludat, seque pulcherrimum putet; voluerit, at si uis, ut magis insa-
hiat, drachmis duabus opus est; sicut autem nunquam insania solui, ma-
lueris,

bueris, tres dabis: & quatuor, si anterimendum sit. huic baccas nigras
alibi tradit, vbi inquit, in Archadia nascitur utrumque genus Solani;
quod fructum puniceum fert, idest somniferum, & quod nigrum, idest
manicum: duo enim esse Solani genera tradit, præter hortense: somni-
ferum: & furosum. Plinius hoc genus Cucubalum appellauit, de quo
inquit; Quidam hanc alio nomine Strumum appellant; alij græce Sury-
chaon: acinos habet nigros.

C A P. X I X.

SO LATRVM minus nascitur passim in æstate secus vias, locis fi-
molis: caule subhirsuto, nigrante, similiter diuiso in ternos ra-
mos, breuiores tamen, quam ante dictum: folia quoque breuio-
ra, aliquantum angulosa, nigrantia, subhirsuta: flores fert in inter-
uallis foliorum plures in uno pediculo, candidos, dissectos, medio quo-
dam apice luteo: fructus paruis vxis similes, in maturitate nigros, aut
flavos, humore plenos, & seminibus paruis, candidis, similibus Hyoscy-
amo: radix candida, quæ hyeme emoritur: vtuntur hac herba frequen-
ter medici simpliciter Solatrum vocantes ad ulcera vehementer inflam-
mata, & humores candidos tusam in cataplasmate, aut succo illito, aut
aqua stillatitia irrigata: infunditor & in intestinorum exulcerationibus:
propinan aquam, aut succum ad ventriculi & reliquorum viscerum in-
flammationes: vrinæ ardorem, & calculum: aqua sudorem elicit tribus
vnciis pota cum totidem aquæ Absinthij. putatur hec Solanum horten-
se vocari à Dioscoride, cum tamē nullibi seratur, nec vlo pacto esculen-
ta sit: suspicor autem hanc à medicis assumi pro Hyoscyamo albo, reie-
ctis duobus aliis Hyoscyami generibus, vt testatur Dioscorides: inquiens
id placidissimum esse, pinguis ceteris, molle & lanuginosum; flore, &
semine candido: nascitur in maritimis, & ruderibus: excipitur succus
ex fructu tenero; item ex caulibus foliisque tundendo, & in solem siccان
do, & quæ sequuntur. Cum igitur dicat succum excipi ex fructu tenero,
profecto innuit huius fructum non Cytinis similem esse durum & ari-
dum, vt in cæteris: reliquæ conditiones manifestissimæ sunt.

C A P. X X.

VESICARIA, quæ in officinis vocatur Alchæchengi, in agrorum
limitibus nascitur, & sepius: caule, vt plurimū simplici, aut pauc-
is ramis: folia fert maiora supra dicto, iuxta quæ singuli flores
candidantes, & fructus exacte rotundi, magnitudine Cerasorum, colore
puniceo, vesicis inclusi rubentibus, sed ante maturitatem viridibus:
semina

femina in carne continentur, depresta, & candida: singulare remedium ad vrinam impellendam, & vesicę cruciatus, & calculum, si tres fructus, aut quatuor ex vino bibantur, quasi natura vesicę remedia ostendat, dum fructum vesica conditum gignit. Dioscorides inter Solani genera, Halicacabum vocat, foliis Solani hortensis, latioribus: caulisbus, cum adoleuere, ad terram inclinatis, folliculis orbiculariis, veluti vesiculis, in quibus fructus continetur, rubens, rotundus, leuis, figura acini vaꝝ: vntut coronarij corallis intexentes. Plinius hanc diligenter ostendit, inquiens: cui acini coccinei, granosi folliculi, Halicacabum vocant, nostri Vescariam; quoniam vesicæ, & calculis prodest: frutex est surculosus, verius, quam herba; folliculis magnis, latisque, & turbinatis: grandi intus acino, qui maturescat Nouembri mense.

C A P. X X I.

SO LANVM: somniferum peregrina est planta apud nos: fruticata ab eadem radice, multis caulisbus, bicubitalibus, altioribusq; , litigiosis, candida lanugine obductis, in quibus folia Malii cotonci candidiora, & flosculi in aliis numerosis, ex luteo subrubentes, ac folliculi exiles, in quibus grana longe minora Vescaria, simili colore, sed quaerad croceum inclinante: seminibus intus flavis: radix crassa, & ramosa, subrufa, viuit diutius: Dioscorides paulo diuersum describit inquiens: fruticata multis ramis, densis, caudiculis, fractu contumacibus: foliis numerosis, pinguibus, Malo cotonea similibus: flore rubro, grandi: fructu in folliculis croceo: radice prægrandi, cortice subrubro: nascitur in locis petrosis, non procul a mari: vim somniferam in radice esse, sed blandiorem, quam in Opio: dari drachmam unam corticis in vino: fructus vrinam vehementer impellit: dantur hydropticis duodecim corymbi: si amplius, alienationem mentis faciunt, & quæ sequuntur. At nostræ, quam descriplimus, non videtur conuenire flos grandis, nimirum onustum flore accipiamus: neque radix subrubra, quod & Theophrastus confirmat inquiens: somnificum Strichnon radice constat rubra, sanguinis modo, quæ siccata albescit: fructu Coeco rubicundiore, folio Tuymalis, aut Malis dulcis, piloto, & prope radicem magno; nascitur in rupibus, & faucibus, atque sepulcris: radicis, corticem tusum in vino metaciore dant, vt dormire faciant. Plinius nequaquam describit; vocari Halicacebon, quod soporiferum est, atque etiam Opio velocius ad mortem.

C A P. X X I I .

PIPER Indicum vulgo appellatus fructus acerrimi sapotis, ex Occidental India primum illatus, nunc frequentissimus in hortis condimenti gratia satus inter aliiua: caulem feret cubitalem, viuentem, aere subnigrum, leuem, paucis ramis: folia Solatri, angustiora, longioraque, ac magis fastigiata, late virentia: flores in aliis singulos, candidos, dissectos: fructus longitudine digitali, fastigiatos, colore rubente in quibus semina similia Vesicariae latiora: viri vehementius, quam Piper, adeo ut pustulas excitet, tundunt cum mica panis; deinde torrent, sic castigata mordacitate obsoniis inspergunt, loco Piperis extant quaedam differentiae in fructu; nam color in initio aliis viridis, aliis niger, in matuitate autem rubicundus, aut croceus: figura quoque; aliis brevior, & crassior: aliis longior & gracilior. putatur apud Plinium Siliquastrum esse, quæ & Piperitis dicta est: describitur autem Castore Auctore, caule rubro, & longo, densis geniculis: foliis Lauri, semine albo, tenui, gustu Piperis; utilis gingivis, dentibus, oris suavitati, & tactibus; bibitur contra morbos comitiales: seritur ubi Smirnium, locis scilicet putridis, & macris, & roscidis: ex hoc genere viderut esse, Circæa apud Dioscoridem: inquit enim, foliis constat Solani hortensis, agnatis, muleis: floribus nigris, paruis, multis: semine Milij nascente in quibusdam veluti corniculis: radice dodrantali, triplici, aut quadruplici, candida, odorata, excalfaciente: Nascitur in apricis, saxis, & vento perflat: eadem fermè ad verbum habet Plinius.

C A P. X X I I I .

SO LANVM arborescens nuper inter peregrinas allata est: planta caudice constans crassitudine brachij, hispido, non tamen aculeato, subnigro: ramis ad lateta fusis: folio Siliquastri, ac flore: fructu rotundo, rubro; grandiore quam Vesicaria, at sine vesica; semina intus eadem habentur. laudant fructum ad urinam impellendam, at in foliis vis venefica inest.

C A P. X X I I I .

MANDRAGORAS planta est in montibus nascens, unde translata est in hortos, radice constat crassa, & longa, candida, divisa in duos, aut tres ramos, veluti crura, tenuibus fibris hirsuta, germinat mense Decembri; folia edens in orbem disposita

posita circa radicem, similia Lactucæ; simul & flores, singulis pediculis inter folia, candidos: procedente tempore folia longiora redduntur, veluti Betæ candidæ, aut Hippolopathi, & fructus gerit in terra iacentes, rotundos, virides, qui in fine Véris maturescant, colore flavo, magnitudine Málī Apij, odore iucundo, cum quadam grauitate: semina intus candicantia, & farcta, figura renum. Duo alia genera videntur in horto Pisano, flore purpureo; eorum alterum folio constat hirsuto, ut Anchusa, similiter strato in orbem, breuiore tamen, & latiore: floret circa brumam, ut superior: fructum nunquam perfecit: radix exterius nigra. Alterum ex Sicilia adiectum est, foliis Lactucæ, ut primam gentis: fructu turbinato, ut patui Sorbi, qui in maturitate flauescit: radice candida: hæc germinat, & floret circa equinoctium Autumni: perficit autem bruma, quo tempore prioribus amissis foliis, & fructu, iterum germinat, noua folia edens, at sine flore & fructu: omnia autem genera aduentate estate folia amittunt: nulla caulem fert, præter tenues florum pediculos ab radice. Dioscorides tria eadē genera Mandragoræ describit; albam quidem scilicet priorem, Marem vocans; nigrā vero feminam: Tertiam Morion: incipit autem à nigra inquiens: angustioribus foliis constat, & minoribus quam Lactucæ, virolo, & graue olenibus, in terra sparsis: Mala gerit Sorbi similia, pallida, odorata, in quibus semen veluti Pyrorum: radicibus in hæret magnis, binis, ternisq; inter se conuolutis, foris nigris, intus albis, crasso cortice: caulem non fert. de candida autem, quam nos primo loco descripsimus; quia notissima est, inquit; huius folia magna, alba, lata, lauia, ut Betæ: mala altero duplo maiora, colore iu croceum inclinante, iacundè olenia cum quadam grauitate, quorum cibo pastores aliquantum sopnoratur: radix alteri similis, maior, & candidior: hæc quoq; orbata caule. Motion postremo ex aliorum relatu tradit, in opacis iuxta specus enatum: foliis albis Mandragoræ, minoribus, albis, dodrantalibus circa radicem, quæ molles est, & candida, paulo maior palmo, crassitudine pollicis. Plinius duo tantum priora genera describit ex Dioscoride inquiens: niger, quæ femina existimatur, angustioribus foliis quam Lactucæ, hirsutis, & caulinibus: radicibus binis, ternisq; foris, intus albis, carnosis tenerisq; penè cubitalibus: ferunt mala Auellanarum nucum magnitudine, & iis semen ceu Pirorum. Candidus, qui mas; huius folia alba, quam alterius latiora. ut Lapathi satiuæ: caudent effusuri contrarium ventum, & tribus circulis ante gladio circumscribunt, postea fodunt ad occasum spectantes; sed hæc ex Theophrasto desumpta sunt, qui tamen diuersa ab iis omnibus Mandragoræ ostendit.

C A P . X X V .

QVAE D A M est planta in Alpibus, quam quidam barbam Capri appellant: folio constat ramoso, instar Ferularum; in multis partes secto, similitudine folij vulgaris Sicomori: caule simplici, recto, cubitali: in eacumine baccas fert, in maturitate nigras; in racemo Ligustro similes, in quibus multa semina continentur depre-
sa & farcta.

C A P . X X V I .

QVIBVS pauciora in fructu semina sunt in hoc genere, magna ex parte eadem ossa sunt, aut cartilaginea, ut Asparagi, & Ru-
sci: later autem seminis medulla; quia ob exitatem inuisi-
bilis fermè est in ossis meatu quodam inclusa, ut Palmæ con-
tigit inter arbores: Asparagus caules multos ab eodem globo radicum
fert, qui vere dum tenelli sunt, in cibis expetuntur tum crudii, tum co-
cti, quorum exemplo & ceterorum virgultorū tenera germina esui apta
Asparagi vocantur. hi procedente tempore in multam longitudinem at-
tolluntur, ceteris fruticibus innixi, lignosi tamen, sed ob tenuitatem in-
firmi, candicantes, aduncis quibusdam aculeis prope solum, qui facile
decidunt; ramuli circundant per tota sarmenta, breues, ac duri; foliolis
umerosis, capillaribus, robustis, acutisque, ut ex toto aculei videantur:
flosculos fert mense Augusti sub foliolis tenui pediculo pendentes, albi-
cantes, in sex particulas scissos: fructum rotundum Piperis magnitudi-
ne, in maturitate rubrum: radices ex globo quodam multæ descendunt
in profundum, candidæ, junceæ: oritur locis saxosis inter vepres. AL-
terum genus colitur in hortis, cuius Asparagi crassiores, & gustui gratio-
res, sapore quodam fungos Pimulos imitantur; caules breviores, per so-
stantes: longioribus ramulis: foliolis mollibus, non pungentibus: flo-
sculi longiore pediculo pendent: fructus paulo crassiores, in quibus
semina ad summum sex nigra continentur: amat umbrosa: florit verè.
Tertium satiuo simile, tenuius, & brevius: oritur in incultis solo hare-
noso, vulgo Pålantium leporis vocant; quia sub ea latitant lepores. Quar-
tum genus vixit quondam in horto Pisano peregrinum, cui pro folio ve-
ré aculei erant, crassi, robustissimiq., similiter virentes: radices ex com-
muni callo exentes, crassiores ceteris. Dioscorides duo genera ostendit:
primum Asparagum petreum vocat, & Myacantham, quasi maris-
spinam, quam tanquam noram nequaquam describit, at ex cognomine
facile coniectari possumus intelligi id, quod primò descripsimus, genus

Eg scilicet

scilicet spinosum, quod inter vepres frequentissimum est: de altero autem genere inquit: Tradiderunt quidam nasci Asparagum, arietis cornibus contulisi, atque defossis, quod non creditur. hic tamen Asparagus multis ramis fruticat: foliis longis, numerosis. Foeniculo similibus: radice rotunda, magna, nodum habente. hæc optime conueniunt nostro satiuo, cuius radix maiori globo constat, quam sylvestre, & est quasi multarum radicum nodus. Theophrastus vnius tantum meminit, scilicet sylvestris, quem Theodorus modò Asparagum, modò Corrudam verit. est inquit inter suffrutes spinosos, quibus nullum folium iuxta aculeum est, sed ex toto aculei sunt, nisi ipsi aculei folia dicantur: pauca autem huiusmodi sunt: nam præter Corrudam, & Nepam diff. ille est alios suffrutes inuenire, que post æquinoctium Autumni florecunt. Corruda iuxta aculeos peciolum quendam pusillum producit, ex quo flosculus tandem erumpit: innitur radice alta, numerosa, & adeo crebra, ut pars suprema radicum tota connexa, & continua reddatur, ex qua vel ipsum caulinum factitatur prouentus; exit vere caulis ex Asparagia, ciboque idoneus est, deinde durescit; flores citque sequenti tempore; flos non solum ex hoc, verum etiam de primoribus emergit caulis: non enim annuo constat caule. hæc Theophrastus, quæ omnia adamussim vulgari Aspatago sylvestri conueniunt. Plinius genus satiuum Asparagum vocat; sylvestre Corrudam: de satiuo inquit; omnium horten-
fium laudatissimam esse curam Asparagi: iubebat Cato in harundine-
tis seri; seritur spongiis (spongias autem vocat globum radicum) est
enim plurime radicis, altissimeque germinat; potest & semine seri; vi-
ret Thyslo primum emicante, qui caulem educens tempore ipso, quo fa-
stigiatus est, in toros stringitur: nullum gratius his solum, quam Ra-
ueanatum: hæc est hortorum Corruda. De sylvestri præterea inquit;
Hunc intelligimus sylvestrem Asparagum, quem Græci Horminum, aut
Myacanthon vocant, aliisque nominibus, in totum (spina, cui efficacior
vis, & candidiori maior: addit & tertium, cum inquit: est & aiud ge-
nus incultius Asparago, mitius Corruda, passim etiam in montibus
nascens, resertis superiori Germaniæ campis, non in Scito Tiberij Cæ-
saris dicto. Herbam ibi quandam nasci simillimam Asparago. ex quibus
manifestum est intelligi per postremum hoc genus, id quod à nostris Pa-
latium Leporis vocari diximus: nasci præterea tradit sponte in Heside
Campaniæ insula, quod longe optimum existimatur. Galenus in alimen-
ti Asparagos vocat, omnia tenera germina, seu ex oleribus & herbis, seu
ex suffruticibus, seu ex arboribus, fruticibusque: & inter suffrutes nu-
merat Asparagum ex Oxymyrsine, Chamædaphne, & Oxyacantha (ègo
potius Myacantha legendum puto) nam Oxyacantham non inter suf-
frutes est, cum arborea natura constet, ab his præterea alij sunt diversi-
quorum

quodrum aliis regius, aliis palustris vocatur, quemadmodum alias est
Byzantia ab iis diversus. in simplicium autem censu unius Asparagi me-
minit, quem Petreum, & Myacathinum vocat, ut Dioscorides primum
genus. Quid autem per regium Asparagum, & palustrem intelligat, dif-
ficile est diuinare, cum nullæ eorum tradantur notæ; ex nomine tamen
coniectari licet regium Asparagum vocati Hastulæ regie germen, quod
apud antiquos in maximo erat preçio; in palustribus autem nullum
aliud germen in cibos aslumi inuenio, præter id, quod ex Polygono fo-
mina erumpit ante carium exortum: figura enim constat Aspatagi, nu-
per etrumpentis, sed colore candicante, Menzulum vulgo appellant.
Reperio etiam apud Athenæum palustris Asparagi mentionem, & mon-
tani, quorum optimi non seruntur, cum omnium hortensium maxime
culum excipient; qui seminantur, grandes admodum nascentur. In lib-
bie Gerulia nasci non nulli dicuntur, qui Calami Cyprij magnitudinem
consequuntur, & duodecim pedum longitudinem. A pudi Oceanum
in montibus crassitie magnarum Ferularum, longitudine viginti ferè cu-
bitorum: Brasica Asparagus proprio nomine Orminus dicitur: hæc
Athenæus.

C A P. X X V I I.

SARZAPARILLA ab Hispanis appellata radix est in India occi-
dentali Aspatago nostro simillima, nam ex globo quodam crasso,
multæ, ac longissimæ excent iunceæ, candidæ, aut nigræ, sapore nullo
conspicuo, aliquantum glutinoso, visus aliquando est caulis,
sed abruptus pollicis crassitudine, paruis spinulis horridus, vt aliqua ex
parte Smilacemasperam æmuletur. referunt Hispani Sarzaparilla vsum
ab Indis acceptum esse, ad multos, & varios morbos sanandos. Esse plan-
tam multas ferentem radices, in profundum actas ultra bicubitalem lon-
gitudinem, vt integras eruire sit difficile; ramos ferre nodosos, ligno-
sosque, qui facile atescunt: flores, ac fructus adhuc non visos; oriri in
noua Hispania radicibus colore albo ad flavum vergente, tenuibus. Al-
terum genus in Honduras efficacius, iuxta flumen quoddam, crassioris
bus radicibus, ac magis fulvis, aut subnigris, qui color magis probatur:
in totum experti maxime recentem, scilicet quæ, dum frangitur, pulue-
rem non spargit, nec corrosæ est, quæ in rectum facile finditur perpetua
flura, sine puluere flexibilis, item grauior, & cui cortex crassus, carno-
sus, medulla interna neruosa exigua; virtus enim in cortice est. Inditum
ab Hispanis hoc nomen ob similitudinem cum Smilace aspera, quam
Sarzaparillam vocant; ei namque simillima est, quæ in noua Hispania
nascitur, at non ea, quæ in Honduras, sapor inest insipidus, sine villa acri-

monia, & aqua, in qua decocta fuerit, non magis sapida est quam aqua Hordei: vtuntur ea ad morbum Gallicum, & reliquos morbos diuturnos; sanat sudorem prouocando: initio longe diuersus eius erat usus, quam hodie: sic enim Indi vrebantur: assumebant radicum in paruas partes concisarum corde exempto, libram dimidiam, & amplius, contundebantque, & aquę sufficientem quātitatem assūdebant, sinebantq; donec per infusionem emollitę essent, si siccæ assumerentur, qua emollietionē recentes non egent; postea in mortario optime contundebant, exprimebantque crassum quendam succum; huius succi calentis matutino tempore propinabant ægrotō vasculum satis amplum, à cuius assūptione large sudabat duabis horis substragulis; iterum vesperi alteram mensuram, similem exhibebant, operiebantque, ut sudor eliceretur. quidam hæc tribus diebus continuis faciebant, quo tempore nil aliud æget degustabat, neque potum, neque cibum, sed prædicti succi quantum libuerit interdiu. alij cum cibo sufficienti nouem diebus succo vrebantur: posteaquam verò asperior hic curandi modus visus esset, licet valde efficax, cæperunt decoctionem parare duplē, ut de ligno Guaiaco fieri solet, accipientes Sarzparillæ minutim cōcisę & parum contusę vncias duas, aquę libras duodecim, similiter infundendo, & decoquendo, ut de Guaiaco fit: & ad secundariam aquam ollam implendo, & unico tantum ferore decoquendo: exhibebant autem ægrotis præpurgatis, & in thalamo clausis quindecim diebus continuis, cum eadem viētus ratione exsiccante, & si perfette nequeant, concedunt paruum pullum gallinaceum assūm: postea iterum lèuiter purgant, & aliis quindecim diebus aquas prædictas exhibent cum ea viētus ratione, que in Guaiaco præscribitur: post quos dies ad reliqua cibaria optimi succi transferunt, ut tamen per quadraginta dies à vino, & Venere abstineant, & bibant aquam Sarzparillæ simpliciorem, que in libras sexdecim aquę assūperit Sarzparillæ vnciam dimidiā, serbueritque, donec relinquantur librē duo decim: alij præstantius accipiunt Sarzparillæ vncias quatuor à corde interno mundatas, aquę autē libras sexdecim: coquunt ad dimidiā, & decocto solo vtuntur, pro medicamēto, & pro potu singulis diebus præparantes. Quoniam verò sāpe fit, ut propter ægrotantium temperamentum calidius, non sine periculo remedium id exhibeat, excogitatæ sūt à medicis variæ mixtiones, quibus contēperetur medicamenti vis: compertum autem experientia, est Sarzparillam felicius commixtiones pati, quam lignum Guaiacum est autom Sarzparillæ temperamētum paulo calidius, Guaiaci autem paulo siccus; idcirco vtrunc; commiscent, & Guaiacci siccitatē humectantibus contemporant; Sarzparillæ autē caliditatem refrigerantibus in hunc modum: assūmunt Sarzparillæ vncias duas, ligni Guaiacci vncias quatuor, Iuibus numero trīginta sex demptis

demptis ossibus, pruna passa demptis ossibus numero vigintiquatuor, florum Borraginis, Violatum vtriusque vnciam dimidiam, Hordei mudi pugillum, Aquæ libras duodecim: coquuntur donec redeant libræ quatuor: huius decocti exhibent mane & vesperi vncias decem, addentes Syrupi violati vnciam vnam. alio modo simplicius: Sarzapatille vncias octo, aquæ libras sexdecim: coquitur donec redeant libræ quatuor, quibus adduntur saccari libræ quatuor, exhibent vncias tres, mane & vesperi. Alio modo puluis paratur tenuissimus ex pulpa Sarzapatilæ dempto interno neruo, cuius exhibetur pondus drachmæ vnius cum aqua decoctionis simplicis Sarzapatille, mane ieiuno ventriculo, & vesperi post cenam, cum victu boni nutrimenti, & potu aquæ eiusdem. Quidam cum vino eundem puluerem exhibent; sic enim ventriculum minus dissoluit; alij addunt medicamenta purgantia. sed hæc præter institutum nostrum ob remedij nouitatem subtexere libuit.

C A P. X X V I I I.

Ruscus in officinis Bruscus vocatur, suffrutex in særibus, locis saxosis, umbrosisque; numerosis caulis, lœvibus, virentibus, duriis, fractu contumacibus, altitudine duorum dodrantum: foliis figura Myrti, robustis, in aculeum dependentibus; hæc nullo pediculo ramis hærent parte prona, flexa ad latus, ut non sursum, & deorsum specent, sed dextra, & sinistra: flosculum fert Asparago similem in medio folio; quod huic peculiare est, & iis, quæ illi sunt affinia: est enim eorum folium de natura caulis, admodum durum, ac robustum: fructum rotundum, ac rubentem, crassiorem Asparago, duobus intus osculis, candidis, rotundis, quasi carnea substantia: floret hyeme, & fructus seruat usque ad alterum prouentum: radices fert albas Asparago similes, magis intortas: ramis, vtpote pungentibus, arcentibus Mures, idcirco quidam vulgo Pungitopum vocant, imitatione græci nominis Myacanthe, quo nomine Asparagus dictus est ob eundem usum. Dioscorides Myrrhum sylvestrem vocat, & Myrrhum acutum: folio Myrti latiore, mucronato, in formam lanceæ: baccis in maturitate rubentibus rotundis, à medio folio dependentibus, osleo intus nucleo: ramis cubitalibus, ab radice lenti vitilium modo, fractu contumacibus, foliosis: radice Graminis simili, acerba, & subamara: caulinuli recentes Asparagorum vice in cibo sumuntur; amari tamen sunt, & vrinata mouent. Plinius de Myrto sylvestri inter arbores agit cum satiua, eademque illi ascribit, quæ Dioscorides, alibi de Rusco medicas tantum facultates scribit. Quamvis idem sit Ruscus Romanis, & Myrthus sylvestris, seu Oxymyrrine Græcis teste Dioscoride. Arabes Rusci fructum

Cubebas

Cubebas vocant, putantes esse Carpesium apud Galenum : aquia nullibi Dioscorides, de Carpasio, & nullibi Galenus de Rusco egit : sed de Carpasio diximus in Phu, cuius radices Dioscorides tradit adulterari solitas Rusci radicibus.

C A P. X X I X.

RVSCO affines tres hucusque nouimus, sed nequaquam pungentes : quarum prima vulgo Bislingua dicitur, & Bonifatia ; numerosis ab radice caulisbus, simplicibus, dodrantalibus, & fractu contumacibus, ut Rusci : folia fert Lauro similia; quibus alterum foliolum infidet ex medio folio exortum ; unde flos penderet, & fractus Rusco similis, minor, unico ut plurimum officulo : in umbrosis nascitur, montanis : laudatur ad veteri strangulationes ; nam folia vel radices in puluerem redacta, cochleari mensura in vino, aut iure brusta, praesertim sunt remedio : sanant quoque Enterocelas puerorum, si diutius cundem puluerem sumant pondere drachimæ vnius, cum dimidio ex decocto Consolidæ maioris : sed in primis diebus pulsum in ramice concitant, ut impelli foras intestina videantur. Dioscorides Hypoglossum appellare videtur, de qua pauca haec scribit : parvus est frutex; folia habens similia Myrtho sylvestri, & tenui, comam autem spinosam habenti, & in cacumine veluti partas linguas efoliis exeuntes : Si in hunc sensum vertantur eius verba, nulla erit difficultas ; sed si ut vulgati codices habent, Hypoglosso ascribatur comam spinosa, nequaquam nostræ Bislinguæ id conueniat, præter quamquod ex iis verbis innui-videtur Hypoglossum tenui folio constare, cum comparentur eius folia Myrtho sylvestri, & tenui, imò etiam significatur Myrthum sylvestrem comam non spinosam ferre, cum de Hypoglosso dicat, similem quidem esse Myrtho sylvestri, sed comam spinosam ferre : idcirco locum hunc, aucto modo, ut dixi, esse interpretandum censeo, quasi dicat : Hypoglossum folio constare simili Myrtho sylvestri, non quidem illi, quæ inter arbores est, sed exili, cui comam spinosa est, idest Rusco; aut, si placeat Hypoglosso verba illa ascribere, comam autem spinosam habet, addendam censeo negationem. Plinius Hypoglottion vocari tradit, & Laurum Alexandrinam; ab aliis Ideam ; & aliis nominibus : ramos inquit spargit a radice dodrantales, Topiarij, ac coronarij operis: folio acutiore, quam Myrtii, molliore, & candidiore, maiore; semine inter folia rubro : plurima in Idam, & circa Heracleam Posti, nec nisi in montosis. Theophrastus de Lauro Alexandrina inquit ; circa Idam nasci; fructum super folia gignit, quemadmodum Myrthus sylvestris, quippe fructum ambæ super dorsum folij ferunt : Dioscorides tamen aliam tradit Laurum Alexandrinam, diuersam ab Hypoglosso, ut mox parebit.

C A P. X X X. ◊

ALTERA in ceteris omnibus Bislingue similis est; sed caule constat altiore, ad cubiti altitudinem accidente, simili modo sine ramis: fructus ex medio folio similiter penderubens, sed magis ex parte prona: caret quoque foliolō imitante linguam: alata hæc ad nos ex Sicilia: Dioscorides Chamædaphnem vocat, quasi hamilem Laurum: inquit enim: Quidam & hanc Laurum Alexandrinam vocarunt: virgas emittit cubitales, testas, tenues, & lœues: folia Lauri similitudine, lœuiora multo, ac viridiora: fructum rotundum, rubentem, foliis ad nexus: folia trita & illita, capitis dolores, & stomachi ardores mulcent, ad sedanda tormenta cum vino bibūtur: succus cum vino potus menses, & vrinam ciet, idem facit pessu appositus: hæ facultates satis conueniunt cum viribus Bislingue: affines enim plantæ etiam plerumque in viribus conueniunt. Galenus assomi in cibos eius Aspatagos testatur: esse viribus persimilcm Lauro Alexandrinæ. Plinius inquit Chamædaphnæ est sylvestris frutex inter genera Lauri, est & Alexandria, & quæ sequuntur: Alibi Chamedaphnem pro Vincaprouina accipit: describit & alibi Chamædaphnem ferè ut Diſcorides unico inquit ramulo est, cubitali ferè; folio tenui, Lauri similitudine: semen rubens, ad mixtum foliis, sed per vnicum ramu'um simplicem intelligere videatur; nam alioqui numerosis virgis constat, syluola sobole, ab eadem radice prodeuntibus.

C A P. X X X I. ◊

TERTIA ramoso constat caule: ramis in latera sparsis: foliis candidioribus, caulem cingentibus, vt in Persoliata: fructum fert rubentem, qui è sinu folij exit, longo pediculo pendens, vt partim ex folio exire videatur, vt in prædictis, partim ex caule; quoniam caulis folium perforat: radice constat Rusci, candidiore: ortur in montibus. Dioscorides, vt puto, hanc Laurum Alexandrinam vocat; sic enim scribit: folia Rusco similia habet, maiora, molliora, & candidiora: fructum in mediis illis rubentem, magnitudine ciceris: ramos ad terram spargit, dodrantales, aut maiores: radicem Rusco similem, maiorem, molliorem, odoratam: nascitur in montosis Aliam diximus esse Laurum Alexandrinam, apud Plinium, & Theophrastum.

C A P. X X X I I .

FRASSINELLA vulgò appellatur, in montibus, & umbrosis na-
scens : caule simplici, inclinato ad terram, longitudine duorum
dodrantum : foliis Lauti, latioribus, nervis secundum longitudi-
nem discurrentibus, nullo pediculo in caule alternatum dispositis : ex
singulis foliorum alis pediculus exit ; unde plures flores pendent, can-
didi, oblongi : fructus rotundi, albidi, duobus, aut tribus intus offici-
lis, depresso : radicem habet candidam, in obliquum tendentem, geni-
culis veluti nodis distinctam, teneram, odore graui, sapore totius plantæ
insuauia, subamato : radice utuntur mulieres ad nitorem faciei præstan-
dum, aquam per distillationem elicentes. Dioscorides Polygonatum
vocat : nascitur inquit in montibus, frutice cubito altiore : foliis Lau-
ti, latioribus, & leuioribus : sapore Malii cotonei, aut Punici, cum quan-
dam astrictione : flores per singulos exortus foliorum edit, candidos, nu-
merosiores, quam folia, supputando à radice : radicem habet albam,
mollem, longam, crebro geniculatam, densam, graue olientem, digitis
crassitudine, quæ vulneribus efficaciter illinitur, & maculas in facie de-
bet. Plinius inter genera Polygoni recenseret, quibus vis inspissandi, & re-
frigerandi : at non describit.

C A P. X X X I I I .

VAEDAM in Alpibus nascitur similis Polygonato, flore, fru-
ctu, ac radice, sed caule altiore, recto, aliquando bicubitali;
foliis per interualla quaternis, aut quinis, angustis, longitudi-
ne digitali; colore cæsio : appellant multi Polygonatum an-
gustum folium : hanc puto apud Dioscoridem esse Ephemerion non latale,
de quo inquit : folia habet Lilij, sed tenuiora ; caulem parem ; florem
candidum, amarum : semen molle, radicem unam, digitali crassitudine,
longam, astringentem, odoraram : nascitur in sylvis, & opacis. Plinius
florem cæruleum tradit, & semen supervacuum, reliqua consentiunt
cum Dioscoride.

C A P. X X X I I I I .

LILIUM conuallium vulgò appellatur in sylvis umbrosis, planta
breuis, duobus aut tribus foliis, Polygonato longioribus, ceu
Ellebori candidi, è quorum latere caulinus erumpit nudus,
in quo flosculi ordine dispositi deorsum nutantes, cœau, labris parum
sectis,

sectis, candidi, odoratissimiq; , Vere erumpentes : in Etruria Mugheos vocant ; fructus fert Asparago similes, in maturitate rubentes : radices tenues, Graminis modo summa tellure serpentes, implicatas : viuntur in Germania floribus in vino vindemniæ, aut aqua eorumdem cum vi- no distillata ad cordis palpitationem, comitiales, paralysim, iætus ve- nenatos .

C A P. X X X V.

PECVLARIAS inter hæc est natura Dracunculi, & Ari, & reliquo rum huius generis : Dracunculus, quæ vulgo Dragontæ vocatur, & Serpentaria, nascitur in vmbrosis; caule crasso, & maculoso, specie serpentis, valde leui, qui tunicis constat ex foliorum pediculis conuentientibus : folia in plures partes scissa, tanquam pa'mæ digitos, ut singulæ folij partes, Romicis folia videantur, inuicem implexa, & ma culosa, candidis maculis, leuia, & mollia : nulli insunt rami, immo neque folia ; nudus enim caulis, & simplex ynâ cum foliis ab radice exoritur : induitur autem à foliorum pediculis sic, vt ex caule folia exorti videantur : In cacumine æreditur tamquam cornu, longitudine duorum do drantum, coloris purpurei, intus inane, tenerum : conuestit id, veluti teca, quedam foliacea, quæ cum dehiscit, colorem eundem ostendit, de cidente cornu cum sua teca : fructus ostenditur in summo caule con gesitus, magnitudine Fabarum, qui æstate maturescit colore croceo, semi nibus intus rotundis, & candidis, non ossis, sed cartilagineis, duobus, aut tribus, aut ad summum quinis, aliquando singulis : radix rotunda, colore laetio, succosa, pustulas excitans, similiter & fructus : tota plan ta grauiter olet, præcipue cornu cum sua teca . Est aut in hoc genere cor nu loco floris, aut amenti, ex summa fructuum sede enatum : teca autem ex inferna . Dioscorides Dracontiam magnam vocat, in vmbrosis cir cumseptam nascitur : caulem habet rectum, leuem, duum cubitorum baculi crassitudine, versicoloribus draconum maculis, purpureis tamen euincentibus : folia Romicis sibi inuicem implicata : fructum in sum mo caule racemosum, coloris primum cineracei, mox per maturitatem in crocum, & purpuram vergentis : radicem pregrandem, rotundam, candidam, cortice tenui vestitam . Theophrastus Dracontion vocat, id est Dracunculum : radicem inquit habet cibo ineptam penitus, & medi cis tantum commodam ; nam data cum melle utilis ad tulles : eius se mine nulla in re vti solent : caulis varietatem quandam habet ; nam ver sicolore serpentis speciem representat . Plinius Dracunculi nomine duas ostendit : Dracontij autem, vt Græci vocant, tres : sed Dracunculum, de quo hic méto, in Lusitania à se visum testatur, in agro hospitis nuper re-

F p pertum :

pertum : caulem pollicari crassitudine , versicoloribus Viperarum maculis, quem ferebant contra omnium morsus esse remedium : ei alia figura inquit inest , quam Dracunculo alibi à sedicto, aliudue miraculum, exēuntis è terra ad primas serpentum vernationes , bipedali ferè altitudine , rursusque cum iisdem in terram se condentis , nec omnino occultato eo, apparet serpens , vel hoc per se satis officioso naturæ munere , si tantum præmonceret, tempusque formidinis demonstraret .

C A P. XXXVI.

GI C H E R V M , seu Gigarum vulgò appellatum, oritur in sēpibus, & iuxta oppidorum mēnia : foliis magnis, figura sagittæ , quasi triangulis, lœvibus, ac maculosis ; maculis candidis, vel nigris, hyeme exēuntibus è terra : vere caulem fert , crassum , purpurascētē, dodrantis altitudine : in cacumine tecam herbaceam , ac modice palleſcentem fert, quæ cum dehiscit, auriculæ oblongæ figuram preſefert, corniculo intus tenerrimo inclusō, palleſcente, fetidi odoris : fructus Draconteæ ſimilis , primum viridis , poſtea croceus in æstate , quo tempore folia exaruerunt , solo relicto caule , tamquam pistillo : radix initio oblonga, & recurua ſerpentis modō; poſtea crassescit in rotunditatem : hęc quoque tactu pustulas excitat, mulieres tamen vtuntur ad maculas faciei tollendas, & nitorem præſtandum : parant quoque ex ea contusa , & diligenter abluta ſuccum Ceruſſæ ſimilem . Diſcorides hanc non Dracontiam, ſed Dracontion paruum appellat ; quamquam ſuperfluæ quædam in eius descriptione legantur, aſſumpta ex altera Dracontia : iis igitur reſecatis apertissima erit hystoria : inquit enim : folio conſtat Hedera, magno, candidis maculis raspero , (quæ poſtea de caule ſubiunguntur ſuperfluæ ſunt) : fructus in ſummo caule racematiſ coheret , colore pri- mum herbaceo , & cum maturuerit, croceo , gusto feruens , & mordax : radix aliquatenus rotunda, bulbosa, Aro non abſimilis, tenui obducta cortice : naſcitur in ſēpibus vmbrosis , & quę ſequuntur . Plinius Dracunculum vocat, diuersum ab eo , quem vidit in Lusitania : hic inquit radicem habet ſubutilam, & draconis conuoluti modo, vnde ei no men : Quidara ab Aro non diſtinguunt ; ſemen eius feruens, mordaxq; ; tantumque ei virus inest , vt olfactum grauidis abortum inferat : effuditur Hordeo maſtureſcente, crescente luna ; omnino habentem ſerpen- tes fugiunt ; ideo percussis prodeſſe in potu , aiunt maiorem ; quaſi hęc minor sit ..

C A P. XXXVII.

ARON patuum in locis asperis nascitur, & inter saxa, plurimum in monte Sancti Iuliani prope Pisas: folia hyeme fert multò minorata Gichero, simillima Hederæ, subrotunda, sine maculis: caulinulos inter folia fert, nudos, palmi altitudine, punctis quibusdam purpureis insignitos: in cacumine parua est veluti auricula, herbacea, dura, recurvo fabro, è cuius siu corniculus parvus exit. Vere decidente auricula, grana ostenduntur quatuor, & quinque, Gichero crassiora, & aridiora, primum viridia, deinde nigrescentia: radix rotunda, magnitudine Auellang, subdulcis, innocentis gustus. Dioscorides de Arone inquit: folia fert Dracunculi minora, & minus maculosa: caulem subpurpureum, dodrantalem, pistilli specie, in quo fructus est croceus: radix alba, Dracunculo similis, quæ decocta estur, utpote cum minus acris sit: folia ad esum conduntur, & ipsa per se siccata, & cocta manduntur. hæc descriptio, ratione fructus crocei, praedictæ plantæ non conuenit: at minus conuenire possit Gichero, tum ratione foliorum, tum facultatis, quæ in radice. Theophrastus hoc genus intellectissime viderut, cum inquit: sunt, qui genus quoddam Dracunculi Arum appellant, quod eius caulis varietatem habeat quandam; nam alterum est Arum apud eundem, quod caulem non fert, ut mox patebit.

C A P. XXXVIII.

ARON magnum, vulgo Colocasia vocatur, oritur in Sicilia: folio grandi, amplitudine ferme Personate, figura Gicheri, sed coniunctis infernis foliorum angulis, ut sinus quidam in folio telia quatur, superficie valde leui & admodum virente, non sine maculis quibusdam, effigie vndatum late virentium: pediculus id sustinet crassus baculi crassitudine, cubitalis, & amplior; à quo folium pendet deorsum spectans. Vocant incolæ Pampina Paradisi: truntur iis ad recentes fructus excipiendos, & caseum recentem: radix subest rotunda, & crassa, ut maior Dracunculus, acris quidem, sed innocentis gustus: hec neque caulem, neque fructum fert: tota estate viret: hyeme amittit folia: gaudet multa irrigatione. Theophrastus Aron appellat, & Aron esculentum: hec sparsim de eo tradit: folia admodum ampla sparguntur, eadem cum latitudine caua sunt, & Cueumeracea: caulis nullus: neque flos: radix cibo idonea: & folia in acetato cocta: suavis, & ad fracta utilis: radix est toto corpore mollis, quasi sine cortice, carnosa; alteram habet tenuem & neruosam, ut dubitetur, an radicis nomine dici debet,

quemadmodum & in Cypero hæc , vt incrementum capiat , cum foliis luxuriatur , folia desfestantes ipsa circum obtuere solent , quo planta non in germina excrescat , sed totum alimentum in suum attrahat caput . Plinius de Aro lóquens similiter esculentum intelligit , magnè cum Dracon tio litis . Quidam enim eamdem esse dixerunt . Glaucias satu discreuit , Dracontion sylvestrem Arum pronunciando , aliqui radicem Aron appellauere , caulem vero Dracontion , in totum alium : nam Ari radix nigra in latitudinem rotunda , multo quoque maior , & qua manus impletatur , miris laudibus celebrata , & in cibis & in medicaminibus . In foliis Ari caseus optime seruati traditur . In Aegypto Aron vocant inter genera Bulborum ; Scyllæ proximum amplitudine ; foliis Lapathi : caule recto , duum cubitorum baculi crassitudine : radice mollieris naturæ , quæ edatur , & cruda . sed hoc genus Aegyptium adhuc visum non est à nobis . Ex his colligere licet Dioscoridis codices perturbatos esse , cum in minori Dracunculo multa legantur , quæ Aro esculento conueniunt , ut verba illa : caseus foliis inuolutus à putredine defenditur : radix cocta , cruda ad sanorum usus pro olera recipitur . In Insulis Balearibus coctam radicem cum melle multo in conuiuiis placentarum loco offerunt : & in Aro quædam leguntur , quæ Dracunculo minori conueniunt , ut fructus croceus . inter cætera autem nomina reperitur apud Dioscoridem Cyprios vocare Colocation , quod nomen hodie seruatur apud nos , quamquam equiuocum cum Faba Aegyptia ; quam Plinius Colocasiam vocari tradit .

I I V X Y Z . 9 . 1 . 0
C A P . X X X I X .

ARISARON inter sèpces nascitur , non longè ab urbe Roma , herbula , quæ in fine æstatis floret ante foliorum exortum ; exerit enim à terra corniculum cum sua reca purpureum , Serpentariæ similem , sed longe minorem , palmum non excedentem , quo arefacto semina intra terram concipiuntur , breuissimo caulinculo intra terram latente : Hyeme folia fert ab radice , angusta , & oblonga , Lilio similia : vere semina iam perfecta sunt , colore candicante : aduentante æstate sic cantur folia : radix est rotunda , ut Serpentariæ , quæ perfecta est , Nucis magnitudinem implet , cui caulinulus inest cum semine , reliquæ mulæ circa eam minores Oliuæ magnitudine . Alterum genus ex Sicilia aduenientum est , cuius radix digitali longitudine constat , ad modum tenella , & quasi perspicua , cui alia rotunda insidet durior , & nigra exterius : huius folia maiora sunt , quasi Rumicis ; corniculus quoque maior : germinat hæc quoque iisdem temporibus , ut altera : & semen intta terram condit . Dioscorides Arisarum vocat : exigua inquit herbula est , cuius radix

radix Oleæ magnitudinem implet, lôge majoris actimoniæ, quam Aro. Aris à Plinio vocatur: nascitur inquit in Aegypto, similis Aro, minor tantum: minoribusque foliis; & vbique radice, quæ tamen Oliuæ grandis magnitudinem implet. Alba geminum caulem: altera vnum tantum emittens. vnum mirandum ingens: contactu genitali cuiusque feminini sexus, animal in perniciem agi, an id abortum significatur. Quod autem ei tradit folia Aro similia, sed minora, innuere videtur id genus, quod nos ex Sicilia habuimus: folia enim insunt Romicis, qualia Aro Aegyptio tradidit.

C A P. X L.

AD genera Dracontij tradita à Plinio ea est reducenda, quæ in palustribus nascitur Germania: radice oblonga, geniculata, quæ à singulis geniculis, vnum pediculum sursum attollit, in cuius cacumine vnicum folium est Hederæ figura, in acutum desinens, & in sinus eiusdem fructum fert racemosum, rubentem, & acrem, Gichero similem. De hac Plinius inquit inter Dracontia, tertia demonstratio fuit; folio maiore, quam cornus: radice Harundinea, totidem, ut affir- mabant, geniculata nodis, quot haberet annos; totidemque esse folia. Hi ea ex vino vel aqua contra serpentes da- bant. Primum autem Dracontium apud eum- dein puto esse Bistortam vulgo appellatam, de qua alibi sermo est. Secundum vero genus adhuc incom- pertum est.

g

Finis Libri Quinti.

A N.

ANDREAE CAESALPINI
ARETINI
DE SVFFRVTICIBVS ET HERBIS.
LIBER SEXTVS.
CAP. PRIMVM.



EGVMINA inter fruges numerantur; quia eorum semina in cibos veniunt: condita hæc sunt in vasculis oblongis, chartilagineis, quæ siliquas vocant, ex altero earum latere pendentia, adnexaque, qua parte cor est, superno siliquæ dorso, in quibusdam adeò farctæ, ut ex contactu angulosa reddantur, ut Cicerula, Mochus: in aliis distantia, ut quodammodo septis intercisa siliqua videatur, ut in Faba, & Lupino: flores in omnibus inferius sedent, & tamquam vaginulæ nascentem siliquam amplectuntur, ex duplice folio constantes, quorum alterum inferiorem siliquæ carinam tegit; alterum supra eius dorsum protenditur in labrum delinens, latum, & superius reflexum: folia ferunt magna ex parte diuisa, coniugatim pediculo adnexa, postremo tamen in quibusdam impari, ut in Fasiolo, Trifoliis, & Ciceri: in aliis capreolus datus est, ex postremo folij pediculo exortus, ut Piso, Viciæ: caulis plerisque infirmus adminiculo egens.

C A P. I I.

FABA semen est inter legumina maximum, & quò maius, cò magis in longitudinem depresso est; minora autem rotundiora sunt, & modice oblonga: color aliis albicans; aliis niger: rubras quoque fabas vidimus: continentur in siliqua fungusa, ut plurimum ternæ Fabæ, ad summum quinæ, quod rarissime contingit: caules ab eadema radice fibrosa plures mirtit, simplices, & per se stantes, cubitales, quadrato, & concauas: folia alternatim disposita, in duas partes subrotundas, aut quatuor dissecta, carnosa, breui, & inutili capreolo: flores in foliorum alis semper geminos, oblongos, candidos, macula intus nigra. Theophrastus de Faba inquit: pars feminis, vnde principium germinandi

di mentule effigiem præbet : exit foliis pluribus, rotundis : caulis pluri-
bus, sine ramis, geniculatis, & inanibus, quasi culmis erectis. Differ-
entias habet colore, & sapore; candida dulcedine præstat. Plinius sol-
lam fabam inter legumina vnicalem tradit, id est sine ramis, ut Theo-
phrastus, & enodem : folio rotundo, & multiplici : in flore eius inesse
literas lugubres, ideo quosdam ea non vesci : ex Varrone damnantur, &
Pythagorica sententia, vel quia mortuorum animæ sint in ea, vel quia
existimatur sensus hebetare, & in somnia facere esse & sylvestres Fabas
in Mauritania. Fabarum farinam Lomentum appellari. Galenus Fabas
constare inquit ex substantia fungosa, & flatulenta, quomodo cumque
præparentur, vi quadam detergendi. Dioscorides solas vires tradit, pre-
termissa hystoria, tamquam notissima : Adiungit Fabam Aegyptiam in
lacubus nascentem; semine Fabis simili, maiore, & nigrante : at non
in siliqua, sed in folliculis, quasi vesparuin fauis : folio amplio : radice
Harundinis, crassiore, que edatur cocta, & cruda, Colocasiam vocant :
de eadem etiam Theophrastus, & Plinius ; sed hoc genus adhuc non vi-
sum est ; quamvis Colocasię nomine alia hodie intelligatur in genere
Ari, ut suo loco explicatur.

C A P. I I I.

PISEOLVS vulgo appellatur semen candidum, & rotundum, in
siliqua ferè columnaris, breviori, quam Fabæ : caules fert infi-
mos, humi procidentes, sed ubi ad minicula adepti fuerint, assur-
gunt clauiculis amplexantes, ultra bicubitalem altitudinem, quo modo
& secundiores redundunt : folia multipartita, rotundiora, & gracilio-
ra, quam Fabæ, albidioraque, sed binis ad pediculi nexum latis : flores
in longo pediculo binos, latiores, quam Fabæ, colore altis candido, aliis
rubente, aut vario : gratissima omnium leguminum eius grana recentia,
ac tenuilla ante perfectum incrementum, tum cruda, tum cocta, vel per
se, vel cum suis tecis, sed cum adoleuere, virus quoddam cum duritis
contrahunt, citissimeque perforantur a vermiculis, qui ipsis innascuntur:
extant eius aliquæ differentiae magnitudinis & paruitatis. cui in siliqua
pauciora insunt grana, grandiora sunt, & rotundiora. cui plura, eadem
minora sunt, & magis farcta. omnium siliquæ, quo magis terræ vicine
sunt, magis scabiosæ redundunt, ac veluti leprosæ. Græci numero mul-
titudinis tantum proferunt, Phasiolos, & Phaseolos appellantes, ut Ga-
lenus animaduertit ; alios à Phaselio : manduntur, inquit, recentes cum
suis siliquis, quas lobos appellant, vnde & ipsi Phasioli Lobii, id est sili-
quæ dicuntur : inueterati non seruantur, propter humiditatem, ideo
siccari solere, ut hyeme perdurent, quo modo eundem vslum præstare,
quem

quem Pisa : eosdem Dolicos appellari testatur apud Theophrastum. Hippocratem , & Dioclem . Theophrastus de Dolicho , Siliquam Theodorus vertit : siliqua, inquit, longa affixeris, ascendet, & frugifera fiet, alioqui eruginosa reddetur : perit celeriter. Dioscorides Phasioli, inquit, inflat, difficile concoquuntur ; sed virides aluum emollunt, contra vomitiones idonei : in summis foliis capreoli insunt, ut testatur in Isopyro . Plinius Faseolum vocat , cui folia venosa ; eius siliquæ cum suis granis manduntur : serere licet , qua velis terra ab idibus Octobris in calendas Nouembri : ex his patet Faseolos antiquorum nequaquam esse eos, quos vulgo Fasolos vocamus ; nam cuncte seruntur, perficiuntur in Autumno, seruantur optime incorrupti, facillime coquuntur, sed nostros Piseolos paucis literis mutatis, ut ex descriptione patet.

C A P. I I I I.

PISUM peregrinum est in Italia semen, Piseolo nostro parvo in cæteris simile, sed colore viridi etiam cum perfectum est, diuque perdurat incorruptum Piseolus viridis appellatur planta quoque similis : foliis paulo oblongioribus : floribus purpureis . Theophrastus folium tribuit oblongius ; caulem humi procidentem ; siliquam cylindratam , idest figuræ columnaris : & semina intus talem figuram sequentia . Plinius eadem confirmat ; caules in terra spargi, si non habent adminiculum : quo modo & deteriora sunt : folia multiplicia, oblonga: seri in Græcia mense Nouembri, ut Lentem, locis apricis : nam frigoris impatientissimum est, ideo in Italia non nisi verno tempore, terra facilis, ac soluta : semen angulos habet : siliqua cylindracea . Serapio semen describit inquiens; granum paruum esse non absimile Eruo maiori ; colore vitidi : oculum habens pupilla in albo nigra : plantam vero & siliquam similem Phaseolo . Galenus Pisum substantiam tradit, similem Fabis, minus flatuosam, minus detergentem, & quæ tardius descendat. Dioscorides Pisorum non meminit, ut videatur cum Phasiolis comprehendisse .

C A P. V.

ISOPYRON semen est simile Eruilio, atrum, rotundum, quod, dura viride est, coquitur, ut Piseolus, sed perfectum negligitur ; eius planta sponte prouenit inter segetes ; caule fermè simplici, cubitali, pro cumbente in terram, nisi adminicula habuerit : folia fert non divisa, ut cæteris leguminibus contingit, sed integra, ternum digitorum latitudine, in tres capreolos desinentia : florem in aliis foliorum fert, luteum : aliquam

siliquam Piseolo tenuiorem. Dioscorides de Isopyro inquit; aliqui Phasiolas appellant; quia folium in summo; capreolos fert ut Phasiolus: capitula insunt in summo caule, tenuia, plena seminis, quod Melanthio simile gustu: folium Aniso simile: huius semen cum Melicrato potum, ad vitia thoracis, & tussim confert, Hepaticis, & sanguinem excreantibus vtile: hec Dioscorides. profecto folium optime quadrat, at siliquas tenuia capitula vocavit, semina atra quidem sunt, ut Melanthium, forte & gustu simili, ob quandam acredinem, qua pollent ad pectoris vitia, ut Eruum. Plinius de Isopyro sic habet. Isopyron vocant aliqui Faseolum; quoniam folium, quod est Aniso simile, in pampinos torquetur: capitula sunt in summo caule, tenuia, plena seminis Melanthij.

C A P. V I.

ERUILIVM quod vulgo Rubilium vocant, tamquam Piseolus sylvestris est: vendunturque eius grana recentia, aliquando pro Piseolis: deprehenduntur autem, quoniam decoctione rufescunt, & duriores permanent: cum perfecta sunt, nigra redduntur, sed decorata, pallida sunt: gracilior eorum siliqua: folio constat bipartito, angusto, digitali fermè longitudine, medio capreolo, flore purpureo, aut roseo, qui geminus in longo pediculo est: caules fert Piseolo similes: oritur sponte inter segetes. Quoddam genus in sylvis nascitur, pluribus in eodem pediculo floribus, roseis: siliquis tenuibus, nigris. Plinius modò Eruilium, modò Eruiliā vocat: ei folia lögiora: serenda precipitut iuxta apū alueria; quia apes ea maximè delectantur: granū eius decorticatur, & tostum pinsitur, ut Lens. Theodorus Eruilium vertit id, quod à Theophrasto Ochros vocatur, quamvis aliquando Ciceram vertat, quasi putauerit idem esse, Eruilium & Cicoram, & Ochrom. de Ochro Theophrastus inquit; caulis humi procidit: folio constat oblongo: semen diuturnum est; quia plenè id habet, quod pntredinem arcere, & tutari possit, quippe calidam & siccā naturam. Galenus Ochrom comedī testatur, maceratum in aqua, donec radices produixerit, sumptum ante alios cibos ventrem subducere, nullam habere qualitatem manifestam, ideo in medio ponī: Hippocratem citat de Dolichis, & Ochris loquenter, quod celerius secedant, quam Pisa, ac minus flatum gignant, & magis nutritant. De Cicera mentio est apud Columellam, qui pabuli potius generibus, quam leguminibus eam adnumerari testatur; nam bubus datur Erui modo, nec hominibus inutilis, sapore nihil differens à Cicerculā, colore tantum discerit, qui nigro proprietate.

C A P. VII.

CICERCULA semen est altera parte depresso, quasi effigie cunei: cortice levissimo, albo, aut nigricante, aut vario, in siliqua breui, & lata: planta brevior Eruilio, humili procubens; multisd ramis: folia humili modo bipartita, & angusta, brevioraq;: Flores purpureos: feruntur gracili solo: legumen hoc caput tenet, & officit Iqminitibus. Plinius inquit, est & Cicercula minuti Ciceris, inaequales, angulos habens, veinti Pisum, dulcissimum autem, quod Eruo humilium, si miusque, quod nigrum, & rufum, quainquod album. Theophrastus Lathyro vocat, ut Theodorus putat Cicerculam vertens: folio, inquit, oblongo constat, non rotundo, ut pleraque legumina: caulis humili procumbit. Galenus de Lathyro inquit; substantia similis est Ochris, & Phaselis, crassior tamen; ideo magis nutrit. In Asia plurimum utuntur rustici, non solunt, ut in Alexandria Ochris & Phaselis, scilicet aqua macerantes, donec radices emiserint, sed etiam ut phacopisanam parantes.

C A P. VIII.

VI vulgo in Etruria Mochi appellantur, seruntur in Alpibus ad pabulum brutorum: planta in totum similis Cicercule: tenuioribus foliis: seminibus simili modo angulosis, candidatis, vel nigris, minoribus, & in sua siliqua magis farctis, asperioribusque: haec columbis gratissima sunt, utilissimaq; ad festificandum. Dioscorides Orobum vocat: frutex est, inquit, patuus, & tenuis: follio angusto: semina in valubilis fert. Theophrastus inquit: diutissime floret, caulis in latus tendit, ut Lentis: siliquas figura tereti fert, ut Pisum, in quibus semina continentur se inuicem tangentia: durant haec longo tempore, incorrupta: seruntur & mature & sero: sed si quis vere serat, facilis, gratisque sit, non gravis. differentias habet, & colore, & sapore: candidus dulcedine praestat. Orobis a Theodoro Eruum converxitur. Plinius de Eruo scribit, non operosam eius esse curam: Mattio mense satum noxiun esse bubus; item autumno grauedino sum. primo autem vere innoxium fieri latum. Galenus de Orobo inquit, in aqua dulcoratum boues pasci, homines protersus abstinere, nisi in magna fame: nam in suauissimus, & praui succi est. Medici autem utuntur praeparatis ad modum Lupinorum Orobis cum melle ad crassos humores ex thora, & pulmone educendos: albi minus medicamentosi sunt, quam flavescentes, aut pallescentes: biscocti & in aqua dulcorati insuavitatem depo-

deponunt, simul & facultatem abstergentem, & incidentem, relicta ter-
restri substantia, citra insignem amaritudinem.

C A P. I X.

ARACVS exilis est planta; dodrantis altitudine: foliis Cicerculae: flores fert luteos; siliquas longiores, tenuiores, rotundatas; & nigras, in quibus semina rotunda nigra, & Cabra: oritur inter segetes, gracili solo. Theophrastus inquit. Aracus in Lente ha-
scitur: semen scabrum, & dutum. Galenus idem testatur: ex Lente in-
quit degenerat: semen ineptum cibis: alibi inquit. Quod Aracon vo-
catur in Asia sylvestre quoddam rotundum, ac durum, Eruoq; exilius,
in fructibus cerealibus repertum, quod feligentes proiiciunt. Alibi Ara-
cus ab eodem vocatur, semen Lathyro simile, adeo ut multi putarint,
ab eo nequaquam genere diversum esse; quandoquidem & vultus ipsius
omnis, & facultas Lathyri facultati similis est: nisi quod Araci durio-
res sunt, minusque facile elixantur, & ideo concoctu afficiiores.

C A P. X.

LENS semen est in rotunditate depresso, candidans, aut ruf-
escens, valde laeve, in siliquis brevibus, & compressis: planta
dodrantali altitudine; ramosa: foliis multipartitis, exilibus, ob-
longis; extremo capreolo flosculos fert candidantes, vel purpurascentes:
seritur locis aridis. differunt amplitudine feminis, & exilitate: proba-
tur latum, & candidius: ruffum, & paruum deterius est: elixatur in ci-
bos: perfectum tantum Graeci Phacon vocant. Theophrastus eius semen
pusillum esse scribit, vnde fertilissimum inter legumina; caulis in latus
tendit: siliquas patuas, & laeviter latas fert pro figura feminis. Plinius
duo genera esse tradit in Aegypto; rotundius; nigriusque: alterum
sua figura, vnde vario vsu translatum in lenticulas nomen: Equanimi-
tatem fieri velcentibus tradunt. Galenus succum melancholicum creare
testatur, astringere, & laxare, ideo ventrem perturbare, nisi abiecto pri-
mo iure, iterum affusa noua aqua coquantur. Diiscotides oculorum
aciem hebetare tradit longo vsu. Arabes decoctum Lentium laudant ad
febres pestilentes, quas lenticulares vocant, quia exanthemata in illis
erumpentia lenticulas representant.

C A P. X I.

VICIA semen est nigrum, aut maculosum, Lente rotundius, in siliqua rotunda, prælonga, & nigra: caules ultra cubitum attolluntur adminiculis innixi suis capreolis: folia multipartita, ut Lentium foliolis, subrotundis: flores oblongos, purpureos, aut in cœruleum vergentes: serit in campestribus ad pabulum brutorum, quamuis & ad hominum usum in fame panibus Triticeis admixta eius farina: differunt semina inuicem, crassitie, rotunditate, amaritudine: amarius, quod tenuius est, & rotundius: huius siliqua brevior, & aspera. Plinius inquit Vicia pinguescunt arua, nec agrikolis operosa: serit De cembri usque ad Martium: amat siccitatem: nec aspernatur umbrosa; non serenda inter vites; nam languescunt. Galenus Viciæ semina, inquit, figura non rotunda constant, ut Fabæ, sed aliquantum depressa, & Lentium: reponuntur cum siliquis, & tota planta ad pabulum brutorum; per famem etiam hominibus in usu præcipue tempore veris, dum recentia sunt, insuauia, & concoctu difficultia, aluum astringunt, & succum melancholicum gignunt magis, quam Lens,

C A P. X I I.

APHACA semen est in Triticis frequens, longe exilius Vicia, & depressius, nitore quadam splendens, colore nigro, aut vario, maculis albicantibus: in siliqua ruffa, ac deppressa, longiore quam Lentis, caulinos fert tenues, & infirmos, cubitales, binis per intervalla foliolis nullo pediculo adnexis, subrotundis medio utrinque è lauiculo, & flore luteo. Dioscorides in aruis nasci tradit, altiorem Lentem: foliis tenuibus; siliquis Lenticula maioribus, in quibus sunt semina terna vel quaterna nigra, Lente minora, facultate astringente. At folia tenuia non videntur prædictæ plantæ conuenire, cum subrotunda sint, pollicis latitudine; Lentem autem multò exiliora insint: verum si integrum Lentis folium assumatur, diuisum in multa foliola, profectò longe superabit Aphacæ folium, quamvis in binas tantus partes diuisum. Theophaestus Aphacam non inter leguminæ, sed inter Cicoracea describit, de qua nos suo loco agimus: videtur autem aliquando etiam Aphacam inter leguminæ recensere, ut cum inquit, celeriter perit, ut Dolichus: eius siliquæ leviter latæ: in Aphacis nascitur Securidaca: sero inter leguminæ serit, sed in his videtur aliquam speciem Lentis significare; Lens enim celeriter à vermiculis eroditur, seriturque inter leguminæ ad cibum hominum, non iumentorum, ut quam hoc loco descripimus.

com-

comprobat Galenus, qui nasci Securidaeam non in Aphacis scribit, ut Theophrastus, sed in Phacis, id est Lentibus: Aphacam autem tamquam Viciae affinem tradit ad brutorum pabulum colligi solitam à rusticis. Plinius Aphacem vocat, ut ab altera Aphaca distingueret, quæ inter Ciceracea reponitur: huic tenuia admodum incise folia, inquit; caulem Lenticula pusillo altiore: siliquas maiores: semina tria, vel quatuor nigriora, madidiiora, & minora Lenticula: per madidiora significare videatur lubricum leuorem, qui peculiaris est in Aphacæ seminibus.

C A P. X I I I.

A M. explicitur, quæ inter legumina capreolis carent. inter hæc Cicer principem locum tenet: semen propendentibus testiculis simile, in tenuem apicem quasi mentulam desinens, qua parte principium germinandi continetur: cortice rugoso obductum, quasi seto: color aliis ex candido pallescit: aliis rufus: aliis niger. continet duo, ad summum tria in siliqua brevi, tumida, & cartilaginosa: seritur æstate, ac citissime perficitur: ramos fert lignosos, cubito breviores: folia in multas partes diuisa, subrotundata, & serratas, subhirsutas: in singulis foliorum alis singulos fert flosculos candicantes: tota planta vitens salsuginem quādam continet, subacidam in superficie: expeditus in cibis etiam recens, crudus; coctusque. Erebinthon Græci vocant. Theophrastus inquit inter legumina seritur, utroque tempore mature, & sero, ut grandescat, cum putaminibus madefactum seritur: pars unde principium germinandi, qua nectitur siliquæ, prominet, & mentula speiem gerit: exit foliis multis; caule lignosissimo, qui tendit in latus: radicem omnium leguminum altissimam haber, quæ nonnunquam ex latere mittit: diuturnissime floret; paucissimis diebus perficitur; nam diebus quadraginta post sementem absolui potest: siliqua rotunda, parua, pauca semina continet: differunt colore, & sapore; nam candida dulcedine præstant: differunt & magnitudine, odore, & forma, ut Arietinum & Columbinum: cum floret, nocet pluvia, contra quam in cæteris leguminibus, quia abluta salsagine tabescit radicitus: rufum, & nigrum, fimbrius est, quam album. Plinius inquit; Ciceris natura est gigni cum salsagine, ideo solum viri, arietino capiti simile, unde sic appellatum album, nigrumque: est & Columbinum, quod alij Venereum vocant: candidum, rotundum, lœve, arietino minus. Aetius & Columella quodam Orobiqum cognominant, Eruo simile. Galenus tradit, quæ nigra sunt, arietina vocari in Bytinia, quæ & exigua, maiore vi abstergendi, ideo ad renum calculos pollere: omnia Venereum stimulant, & creduntur semen gignere, idcirco exhiberi equis admissariis. Dioscorides sativum

vum & sylvestre tradit : inter sativa quoddam arietinum vocari : de sylvestri inquit, foliis constat sativo similibus, odore graui, sed semine discrepat. hoc genus videtur significasse Theophrastus cum dixit inter cæteras differentias, quoddam odore differte. & Aetius Orobicum hoc idem appellasse videtur, nam ei vim tradit attractoriam, discussoriam, incisoriam, & abstensoriam, liuen, iecur, & renes expurgare, scabiem, & impetiginem exterere, parotidas, & testes induratos dilutere, maligna vulcera sanare : quæ profecto Ciceri sativo per se non insunt, nisi cum Eruo admisceatur, ut Dioscorides animaduerit. Est autem Cicer sylvestre, vt existimo, planta in collibus nascens, caulinis dodratalibus, ræctis ; in quibus folia alioqui Ciceris satini, sed paucioribus, diuisuris, ternis scilicet foliolis, oblongis, simili modo serratis, & hirsutis, adiunctis appendicibus ad pediculi nexum : specie Ononis (vnde quidam Ononim lœuem appellant) : flosculos fert, & siliquas exiliores Cicere, & semina in his parua, & rotunda, subflava : tota planta odore constat valde medicato, Theriacam imitante, vnde vulgo Theriacaria herba vocatur, laudata ad vermes enecandos.

C A P. X I I I .

PHASELVS, qui vulgo Fasolus appellatur, semen est candidum, effigie nauiculae, eiusdem nominis, ex dorso scilicet recurvum, remnis similitudine ; eius cor in parte sima est, qua macula quædam nigra pupille oculi modo continetur : eius siliqua longissima, rotundæ, ac recurvæ, effigie cornicularum : seritar æstate in aruis : perficitur in Autumno. Planta viticulas fert, humi procumbentes, Convoluuli modo, vicinas plantas circum amplexantes, quamvis capreolis careant : folia in singulis pediculis terna, figura Hederae, in acutum desinentia : flores pallidos : quamvis autem sit amplexi caulis, non tamen ei adminicula adhibent, ut Piscolis : non enim minus frugifera redditur, præter candidos extant nigri, vel maculosi, & subrubentes : distant & crassifie, ac tenuitate : comeduntur non solum perfecti, sed & recentes crudæ, & cum suis tecis cocti : Aliud genus peregrinum apud nos seritur in hortis opere Topiario, viticulas enim fert longiores adminiculis egentes : siliquas breuiores, sed latas, & falcatas, instar siliqua arboris : femina grandiora nostris Phaselis, ac magis depressa, levioraque, ac nitentia : color aliis ex toto candidus, qui magis probantur in cibis ; aliis melleus ; aliis maculosus ; aliis lineæ nigrae in candido circumaguntur, Phaselos Tuccicos vocant : hi recentes insuaves sunt, perfecti coquuntur in cibis, ut reliqui. Galenus Phaselum, inquit, alium esse à Phasiolis : comedì in Alexandria maceratum in aqua, donec radices emiserit, more Fenigreci, Ochri,

Óchri; & Lupinorum : substantia mediocri constare : præsumi ante cibos ad aluum molliendam . Paulus comedii etiam inquit integrum cum suis siliquis vitide , quemadmodum & Dolichon : genus candidum recipit in compositione quadam ad renes , sed eo loco Phaseolus legitur , non Phaselus : Dioscorides Smilacem hortensem vocat (aliae enim sunt Smilaces , ut alpetia , & lærnia , & quædam inter arbores) huic tribuit folia Hederæ , molliora : caules tenues , & viticulas veluti claviculos in multam longitudinem , vicinas planctas amplexantes , opere Topiario : fructum Fænigreci , longiorēm , habitioremque , in quo semina renum similia , non vnius coloris , aliqua ex parte subfusua : recentes siliquæ Asparagi modo coctæ , cum seminibus vicinam carent , & tumultuosa somnia faciunt ; Lobia vocantur , à quibusdam Asparagus . hæc descriptio partim nostrates Faleolos ostendit , præfertim siliqua similitudo cum Fænigrecō , partim Turcicos vocatos , cum seminis variis colores tradit . Qui autem ab antiquis dicantur Phasioli explicatum est à nobis in Pistolo . sed verbum Lobia à quivocationem facit ; nam apud Dioscoridem fructum Smilacis significat : apud Galenum autem , & Aetium Lobos est Phasiolorum siliqua .

C A P . X V .

FAENVMGRABCVM semen est Phaselō longa gracilius , ac depresso . sius , fermè quadratum , subflavum , odore quodam cùm decoquiatur medicato , succum querreddens glutinosum , seminis Lini modo . Planta semicubitum non excedit , ramosa ; ternis foliolis in singulis pediculis , instar Trifolij pratensis : flosculos fert subcandidos : siliquas corniculis similes , Phaselō breviores , ac duriores , Galenus in cibis assumi scribit , eodem ysu , quo Lupini existantur , magis autem aluum subducentes in medicamentis emolliendi , & dolores mitigandi facultate polle . græce Telis vocatur , ab alijs Buceras , & Argocras à bouis , & capre cornu . Plinius Fænum græcum à Latinis Siliciam appellari scribit , quo quanto peius tractatur , tanto melius prouenit : seritur scatificatione lucorum , quatuor digitorum altitudine .

C A P . X V . I .

TRIFOLIVM omne à Fænogræco , & Phaselō , tamquam sylvestre quoddam , distare videtur ; nam omnibus terna iuot in singulis pediculis folia , & semina , aut ad Phaselī , aut ad Fænigreci figuram accedunt , sed exiliora multo : siliquas alia ferunt intortas , veluti cornu arietis , ut Medica ; alia coclear modo implexas , ut plurima , quæ in segetibus

segetibus nascuntur, & in incultis; alia rectas, & breues, vt plurimura
folliculis florem tegentibus inclusas, vt Trifolium bituminosum, Lago-
pus, Lori genera, & quædam inter pratensis. Trifolium pratense voco,
quod in fenalibus campis, & inter segetes ad pabulum iumentorum fe-
catur; inservit caulis, aut stratis in terram, aut procumbentibus. mul-
ta eius differentiae, magnitudinis, & paruitatis, tum foliorum, tum cau-
lium, tum fructus. Quibusdam mæcula est in folio nigra, aut candida
lunæ falcatae figura: folium omnibus subtundum, aliquando in extre-
mo sinuatum. Grandioribus siliquæ insunt in spiras recurvæ: flosculus
luteus in brevi pediculo inter folia: spiræ nunc pauciores, nunc plures,
nunc cōpactæ vt figuram Lentis præseferat, nunc solutæ; aliis lœves, quæ
& latiores sunt; aliis asperæ; aliis in ambitu veluti aculeatæ, non tamen
pungentes. Quoddam genus in incultis præcipue maritimis otitur, cu-
ius fructus, Tribuli modo, robustissimis aculeis armatur: hoc humi stra-
tum est, & breuius: foliis minutis, candidisque: semina in omnibus
ad renis similitudinem efformata continentur, inuicem distantia. Quod
dam genus vidi, cuius siliqua valde lata, ac falcata erat effigie lunæ, aut
ferri æquini; lanuginosis foliis; humi stratum. Quæ flosculos multos
in uno pediculo ferunt, veluti capitulum constituentes, siliquas ferunt
breuissimas, & rectas floccis similes: floris color aliis candidus: aliis
purpureus; vnum in hoc genere flosculis pallescentibus reperitur, velu-
ti floccis aridis. Quibus flos candidus est, & macula in foliis candida,
iis odor quidam inest suavis, nō tamen si naribus admoueat, sed si quis
super herbam deambulet: id quò breuius, eò odoratius est: prouenit
iuxta semitas, & in pratis. hoc genus Dioscorides Lotum urbanam ap-
pellat: nasci eam inquit in vitidariis, quos Græci paradisos vocat: apti-
simæ enim est ad herbosas semitas, atque areas in vitidariis patandas; hu-
milis enim herbula, obambulatum pedes non offendit: interim cum pe-
dibus calcatur, suave quid spirat; valet ad ocolorum nubeculas, albu-
gines, atque alia visum obscurantia eius succus cum melle adhibitus,
quam facultatem videntur medici à natura edocti in foliis albuginem
ostendente, vt in aliis plerisque solet. De aliis Trifolijs pratensis geneti-
bus Dioscorides propriam mentionem non facit, sed tantum inter attri-
buta, vt in Medica, & Loto sylvestri, & Ononide, quarum folia compa-
rat Trifolio pratensi, aliquando Lotum pratensem vocat. Plinius de Lo-
to Vrbana: Lotum herbam vocans Homero teste inquit, primam nomi-
natam fuisse inter herbas subnascentes Deorum voluptati, non nisi post
annum nascitur ex semine suo. Theophrastus Lotum in caule tantum fo-
liatam nasci, non simul ex omnibus seminibus, sed partim anno primo,
partim secundo: sed alia multa apud cumdem de Loto habentur, quæ
Loto Aegyptiæ conueniunt, aut arbori Loto.

C A P . X V I I .

LOTVS sylvestris vulgo Trifuli, & corrupto vocabulo Tripull vocatur; prouenit in sylvis, & fluminum ripis: caule erecto, bicubitali, multis ramis brachiatu: folia fert in ambitu serrata, & quæ à radice latiora, rubra linea discurrente: flosculos luteos, aut candidos, in tenui quadam veluti spica dispositos prodeunt ex foliorum alis: siliquas breues, & exiles fert: ex floribus utpote odoratis extrahitur aqua per distillationem, quæ per se quidem nequaquam grata est, at aliis odoratis admixta, valde gratum & perseverantem odorem prestat. Alterum genus petegrinum apud nos, Trifolium Balsaminum vocant, ob odoris vehementiam, qui spirat è semine; caule breuiori: foliis similibus: flore non in spica, sed in rotundis capitulis cæruleo: semine flavo, odore valde medicato. Quoddam genus latifolium ex Armenia allatum: odore ingrato. Dioscorides Lotum sylvestrem Trifolium minus appellari scribit, ut scilicet differat à Cytiso, quod Trifolium maius appellatum est: constat inquit caule bicubitali, ac maiore; alis multis; foliis Loti Trifoliae pratinensis: semine Fænigræci multo minore, gustu medicato. Theophrastus hoc genus Loti intellectissime videtur, cum recente inter odorata, quibus vntur ad vnguenta: nam Loti nomen inquit equiuocum esse, cum genera pluta sint flore, folio, caule, fructuque discreta; inter quæ recensetur & illud, quod Melilotum vocatur, sic enim legendum puto non Meliassitos, quod Theodorus vertit Melfrugum: diuersa quoque viribus in vsu cibario, & quod nō eadem loca desiderent, in his innuit Lotum Aegyptiam, quæ in paludibus nascitur, & in cibos venit, semine, a cradice omnino diuersa à supradictis, vsu, & loco, & forma. At Melfrugum apud Plinium ex sententia Dioclis ipsum Panicum est: facilis autem fuit commutatio inter hæc duo verba Melilotos & Meliassitos: sed de Meliloto Græcorum non inter Trifolia, ut puto, quærendum est; ideo alibi de illo agemus. Serapio tamen inter Arabes Melilotum aliquam ex his, quas diximus intelligere videtur: inquit enim herbam esse foliis rotundis, & virentibus, raris, circa exiles ramulos: semen in siliquis tenuissimis, & rotundis, in quibus rara granula clauduntur, glauci, pallidiue coloris, rotunda, Sinape minora: ex Meliloto autem potissimum siliquæ, & clausa intus granula in vsu habentur, putauit autem id à Dioscoride Melilotum vocari colore Croci, odoratum. in hac descriptione videtur Serapio intellectissime illud Loti genus, quod nos Trifolium Balsaminum appellauimus: eius enim semen cum siliquis odoratissimum est, & reliquas conditioñes omnino representat. Alibi omne genus Loti, idem Serapio Handacoccam vocat, includens etiam Lotum Aegyptiæ, de Loto Aegyptia nos alibi loquimur.

C A P. X V I I L

TRIFOLIVM Bituminosum in maritimis nascitur, gracili solo: foliis initio rotundis, procedente tempore in acutam desinentibus, magnitudine ferme Phaseli: tactu glutinosa: odore medicato: caules sunt rectos, tubasperos, ac nigricantes, cubitales, amplioresque: flores purpureos, capitula quædam constituentes, in longis, & rectis ramlis: semina farcta in capitulis, quorum siliquæ breues, hirsute in cuspidem desinunt foliaceam, unico intus semine in rotunditate oblongo, sapore medicato: copiosum in Ilua, ubi incole Dictatum vocant, celebrantes aduersus venena. Dioscorides Trifylion, & Oxytrifylion, & Menyanthes, & Aspalthion, & Enicion vocat. frutex supra cubiti altitudinem virgas habet tenues, iuncea, & nigras: folia Loti arboris similia, terrena in singulis germinibus, quibus tellinis odor ut Rutæ, cum adoleuerint Bituminis: florem purpureum: semen latum, & quadantenus pilosum, altera parte cornutum, antennæ modo: radicem longam, gracilem, & firmam. Scribonius tradit, plurimum in Sicilia, & in portu Lunensi: foliis & specie Trifolij communis, plenioribusque, & lanuginosis, in extremo aculeatis, fruticem esse altitudine duum pedum, altioreaque, cui odor grauis: Galenus scribit Trifolium, cum vere parturit, Iacintho simile: quod de flore intelligentum est, & semen agresti Cnico simile, vnde Cnicum vocatum est. Vis plæ calida, & sicca, ut Bitumen, cui odore est similis, utrinque tertio ordine: pota laterum dolores ab obstructione ortos iuuat; vrinam & menses proluocat, decocta admodum, deinde morsibus Aranei, vel Viperæ quoq; ex aquæ fotu adhibita ipsis medetur, & dolores statim sedat. Si autem in alio non cōmorso sanum locum eodem fotu circumdedetis similem serum, similesque dolores iis, quo morsus inuehit, omnes efficit, ut re vera miraculo dignum opus videatur, videlicet herbâ & mortum sanare, & ferarum modo sanam partem præfere afficere. At res minus miranda apud Dioscoridem, qui aquam, qua quis venenatum vlcus sanauerit, si alteri applicetur, vim veneficam inferre scribit. Plinius Trifolium inter coronarias recenset, Minyanthes, seu Aspalthion, idest Bituminosum, maiore folio, quo vtuntur coronarij: Alterum acuto Oxytrifylion Tertium ex omnibus minutissimum. videtur per Oxytrifylion acidum Trifolium intelligere, quam alibi Oxym vocat, de quo nos alibi agimus: Tertium vero genus pratense fuerit.

C A P. X I X.

LACOPVS, quasi pes Leporinus, inter Trifolia ostenditur, quæ in segetibus proueniunt ad pabulum iumentorum: caule recto, fermè cubitali: foliis oblongis, angustis, lanuginosisque: in cuminumibus ramulorum veluti spicas fert lanuginosas, leporini pedis similitudine, flosculis albicantibus, vel rubentibus, tenuibus, inter furfuraceas membranulas, & exiguis seminibus: extant quedam differentiæ magnitudinis, & paritatis: Maiori folia insunt latiora, quam Oleæ, & cetera secundum rationem: Minoris valde angusta, & ramuli tenuissimi. Diocorides non describit, tantum inquit in segetibus oriti, astringentis facultatis; nam in vino pota lauum ficit, aut ex aqua in febre: ad inguinum inflammationes alligatur. Hippocrates Lagopyron vocat furfuribus simile, cù inaruit: folio patuo, quasi oleagineo, longiore, quod cruentis vulneribus imponitur. Galenus Leporatiam herbam vocat, quamvis alibi Lagopum ex Diocoride.

C A P. X X.

MEDICA seritur in Hispania feni gratia, viuitque multos annos radice, ut singulis annis demeti sepius possit, Alfaſam vocat, frutex est multis ab eadem radice caulinulis, cubitalibus, infirmis, ut procumbant in terram: folia fert parua, ac serrata, initio tamen latiora, ut Loti sy ueltris numerosa: flosculos in foliorum alis spicatos, cæruleos: semina exigua, oblonga, flauescentia in corniculis recuruis, ut cotu arietis, valde exiguis. Diocorides inquit, cum recente prodiit Trifolio prateni similis est, procedens folia angustiora gerit; caules Trifoli: semen Lentis magnitudine, corniculorum modo intortum, quod siccatum iucundi saporis gratia sali condimentario admiscetur, Viride, quibus refrigeratione opus est, illiniri solet. Herba tota pro Gramine venuntur, qui pecora alunt. Plinius ex Media in Italiam aduectam esse scribit: ferri ad pabulum pecorum tanta dote, ut uno satu plus tricenis canis durare credatur.

C A P. X X I.

ONONIS, quam quidam vulgo Bonagam, alij Bulimacam vocant, sola inter suffratices Trifolios aculeum gerit: A longis & lents radicibus caules fert semicubitales, lignosos, simplices, frequentibus foliis, oblongis, ferratis, & subhirsatis, initio latioribus,

& tactu glutinosis, odoratisque, procedente tempore iis decidentibus, subnascuntur aculei, atque alia foliola angusta per totum caulem, inter quæ flores subrubentes, & siliquæ rotundæ, Ciceris modo, tenuiores: flotet æstate: passim reperitur, præcipue tenui solo. Huius radix derafa ex vino albo pota, mirificè vrinam impellit, præcipuum cálculosis remedium. Theophrastus Ononim tradit ramis aculeigeram, annuo folio Rutaceo, per totum caulem disposito, ea forma, qua in cotolis negati solent comprehensus vndique & floribus & siliquis: in segéribus, & lato solo oritur, agicolis infesta, viuax, extirpatu difficultis, cum radix à lateiore anno sequenti germinet, & in profundum agat: germinationem incipit æstate: perficitur Autumno. Plinius inquit post ver spinosa fit, antea Fænogræco similis, fruticosior, hirsutior, odore iucundo, ramosa. Dioscorides & Ononium, & Anonim vocat: ramos inquit fert fruticosos, dodrantales, & maiores; frequentibus geniculis; aliis multis; capitulis rotundis: foliis Lenticula tenuibus, pusillis, ad Rutæ aut Loti pratensis folia accendentibus, subhirsutis, odoratisque: Maria constitutæ ante quam spinosa fit, cibis gratissima; rami acutas spinas habent, tamquam spicula firma: radicem albam, quæ excalfacit, & extenuat, cuius cortex in vino vrinam ciet, & calculos frangit: per capitula rotunda ipsas siliquas intelligit: folia autem Lenticulae, ea, quæ in secunda germinatione oriuntur, accipit, quæ & Rutæ comparantur, quia oblonga sunt, & parua. Loto autem pratensi assimilat ea, quæ latiora sunt, in prima germinatione orta, quæ vere agitur, antequam spinosa fit.

C A P. X X I I.

V O D vulgò Melilotum appellatur, herbula est ramis multis, circa radicem stratis in orbem; tenuibus foliis: quasi Serpilli, in brevi pediculo ternis, adnatis duobus, veluti aliis ad pediculi nexus: flores fert in summis ramulis quinque aut sex in orbem dispositos lutei coloris, aliquando ad croceum vergentis: siliquas oblongas, & tenues, in quibus semina Fænigræci exigua. Tota planta odore caret, saporis insipidi cum quadam astrictione: oritur passim iuxta semitas. Huius flores officinæ pro Meliloto antiquorum substituunt, quamvis præter colorem croceum alia nulla qualitas legitimi Meliloti insit, ut loco proprio ostenditur. Alla tamen in sylvestribus & veteribus ædificijs nascitur, brevior: foliis subhirsutis, candidioribusque: flore veluti in capitulis copioso, odoris exigui, Lotum æmulantis: siliquas fert incurvas. hanc multi legiptimum Melilotum putant, sed hæc forte ad Melilotum Serapionis reduci possit; cōgener enim est cum Loto, cuiusmodi significasse videtur Dioscorides, cum inquit nascitur & in

Campania circa Nolam, colore in luteum languescente; odore infirme. At non inest ea odoris præstantia, vt mereatur inter Sampfucum, & Marum connumetari, vt facit Dioscorides. Nos herbam Sanctæ Mariæ legitimum Melilotum putamus, de quo suo loco patebit.

C A P. X X I I I.

LAVX in asperis nascitur, præcipue marittimis: pluribus ab eadem radice caulinis, lignosis, subasperis: folia fere sine pediculo, vt vulgare Melilotum, quaterna, aut quina ex eodem exortu, candida, vt Cytisi, sed angustiora, oblongioraque, & magis hirsuta, gustu astringenti: flores in ramulorum cacuminibus congestos, prope folia, ex candido purpurascentes: siliquas rotundas, & breues, rubentes, in aculeum infirmum desinentes. Dioscorides de Glauce inquit: similis est Cytiso, aut Lenticulæ foliis, quæ superne virent, auersaque candiora spectantur: ramulis à terra exiliunt, quini, seniue, tenues, ab radice dodrante alti: flores Violæ albæ, purpurei excunt, minores tamen: nascitur iuxta mare: coquitur cum hordacea farina, sale, & oleo in sorbitione, ad reuo candam extinti lactis vbertatem. Plinius Eugalacton antiquis appellatum scribit, cuius ramuli in terram serpunt, & reliqua ex Dioscoride transcribit: sed loco verbi από γῆς: idest à terra, legit ἐπί γῆς, idest in terra: sed prior lectio verior est.

C A P. X X I I I.

OLIGALA in marittimis nascitur similis vulgari Meliloto: latiore folio, molli: flore singulari, in summis ramulis, grandi, pallido: siliquam fert longam, & quadrangulam, exiguis seminibus, gustu astringenti: Diæscorides inquit palmi altitudinem petit; foliis Lenticulæ; gustu astricto, quæ pota lactis vbertatem facit, vnde appellatio. Plinius inquit in caule summo foliis constat Lenticulæ, & reliqua, vt Diæscorides.

C A P. X X V.

RAGOS in marittimis nascitur: ramulis multis ab eadem radice procumbentibus in terra, lignosis, tenuibus, dodratalibus: foliolis pusillis, nigricantibus: in cacumine flosculos candicans fert: & fructus Glauci similes, sapore vehementer astricto. Alterum genus in totum grandius, bicubitali altitudine: foliis Glauci, latioribus, vtrique sapor acerbus, tum foliis, tum fructui, qui veluti grana Tritici

acer-

aceruata, & in aculeum infirmum tamen desinunt. Dioscorides hoc nomine unam numerat inter fruges, de qua alibi dictum est. Alteram, quę & Scorpius vocatur, in maritimis nascens, pusillus frutex, in terram procumbens, oblongus, non magnus, dodrantalis, aut major: folia autem non habet: in ramis veluti acinos pusillos, rufos, magnitudine Tritici, acuto cacumine, gustu multum astringente, numerosos. Plinius inquit Herba Trogos, quam aliqui Scorpion vocant, semipede alta, fruticosa; sine foliis: pusillis racemis, rubentibus: grano Tritici, acuto cacumine, & ipsa in maritimis nascens: alibi eamdem Tragion & Scorpionem vocat, veprem sine foliis racemis rubentibus ad medicinas usum. Sed quod sine foliis traditur, repugnat predictę plantę. At suspicor hanc conditionem adiectam esse propter equiuocationē, cum Scopio Theophrasti, quam Theodorus Nepam vertit, cui nulla folia, nisi spinæ pro foliis habeātur, ut in Asparago, de qua nos alibi loquimur, quod Plinius significauit, cum de Tragio, idest Trago dixit, veprem esse sine foliis, non enim Tragos spina est, sed hoc Nepa Theophrasti conuenit.

C A P . X X V I .

LVPIVS, semen est in rotundam latitudinem depresso, colore pallido, sapore amato: quod tamen aqua calida præmaceratum fuerit, amaritudine dimissa, gratum gustui redditur, ut citra ahā coctionem essetur: eius planta cubitalis est altitudinis, ramosa, lignosaque, ut Cicer: folia in singulis pediculis, ut plurimum septena, oblonga, stellatim disposita: flos in foliorum alis candicans, aut ad cæruleum vergens: siliqua similis Fabæ, sed grana inuicem magis distant, latiorque est: seritur mense Augusti, ac paulo ante colligitur. aliud genus sponte prouenit in locis harenosis, brenius: foliis angustissimis: liquis tenuibus: flosculis cæruleis. Dioscorides græce Thermon vocat, satiuum & sylvestrem: sylvestres satiuis similes, sed omnino minorē eiusdem facultatis. Theophrastus sparsim de Lupino hęc habet, natura sylvestris est, culturam nullam patitur. semen diuturnius, male tamen prouenit, nisi protinus ab area terra mandentur, non vult obtui terra, nam etiam si suspensum in herbis procyl à terra maneat, germinat tamē, & radicem in terram agit, si sub alta seratur materia, radices obſistentes versus terram sumnum præscindunt, valenterque germina edunt: solum arenosum, & vitiosum poscit. Vitide nullum animal mandit, quia amarum: semina in siliqua magnopere interseptia continentur, cui parte quā dām concava noctūntur. Plinius circumagi folia cum sole testatur, unde agricolis horas etiam nubilo demonstrat: ter floret: eo pinguiscunt arua, & vinea: si depastum sit in fronde, in arari protinus solum opus est.

Quod

Quod igitur Theophrastus dixit viride à nullo animali mandi propter amititudinem, de fructu intelligendum est, nam hodie etiam pro boum pabulo scritur inter Rapas.

C A P: X X V I I.

ALi a planta hodie à rusticis Lupinus sylvestris vocatur: oritur prope flumina præcipue in maritimis: caulis humi repentibus & cubitalibus, circa radicem subuibentem: Folia fert diuisa Lentis modo: foliolis scilicet coniugatim, in pediculo dispositis; colore, & figura Lupini, inferne candicantibus, superne viridibus: flores in racemulis oblongis, colore sanguineo. Siliquas vagina inclusas, tenues, asperas, interseptas, ac deprellas, quasi Lentes, inuicem hærentes: ea pinguescunt iumenta, & à morbis curantur. Alia gracilior inasperis, & petrosis nascitur: dodrantalibus caulinculis erectis: foliis ab radice longioribus, nulla ferme diuisura, in caule autem crebris diuisuris, gracilioribusque: flosculos fert veluti in capitulis rubentes; & exiguae, ac breues siliquas folliculis inclusas: radice nítitur tenui colore buxeo: his non absimile videtur Helenium Aegyptiū apud Dioscoridem descriptū ex sententia Crateuſ; Herba inquit est, cubitalibus ramis, Serpilli modo, pet humum repentibus: foliis Lenticulæ circa ramos, sed longioribus, crebrisque: radice pallida, digitii minoris crassitudine, per imam tenui, superne crassiori: cortice nigro nascitur in maritimis, & collibus.

C A P: X X V I I I.

ASTRAGALOS humi strata, est, similis Helenio Aegyptio: foliis numerosioribus, tenuioribusque: flores similiter sanguineos fert racematum in summis ramulis: siliquas autem corniculis similes, rubentes: radicem crassam, ac lignosam, superne in multis ramos inuicem implicitos diuisam, vnde germina erumpunt: oritur in maritimis, gracili solo. Dioscorides scribit paruum esse fructum, humi stratum: foliis, & ramis Ciceris: flore purpureo, parvo: radice rotunda, Rafani modo, grandi, quæ adnatas appendices firmas habet, nigras, præduras, veluti cornua inter se implicatas, gultu astringentes: nasci in uentosis, opacis, & niuálibus. Plinius inquit: Astragalus folia habet longas, incisuris multis, obliquas, circa radices caules tres, aut quatuor foliolum plenos: flore Hyacinthi: radices villosas, implicatas, rubras, præduras: nascitur in petrosis, apricis, & niuálibus.

C A P . X X I X .

LEPORIS auricula vulgo appellatur herba multis ramis, humistratis: foliis indiuisis, prælongis, instar Leporinæ auriculæ: florculis luteis in summis ramulis ut Securidacæ: siliquas fert longas, & tenues, hisutas, inuicem implicatas: seminibus distantibus: prouenit læto solo. Dioscorides Clymenum vocat: ei inquit, caulis Fabæ, quadratus: folia Plantaginis: folliculis supra caulem inflexis inuicem ut Polyporum Cirri: probatissimum est e montibus: celebratur succus ad sanguinem sistendum. Plinius Clymenum à rege quodam appellatum scribit: vnum quidem foliis Hederæ, ramosum, articulis præcinctum, graui odore, seminibus Hederæ. His intelligit quam alibi Periclymenum vocari diximus. Alterum Græcorum sententia, Plantagini simile, caule quadrato, folliculis inflexis, ut Polyporum Cirri.

C A P . X X X .

SECURIDACA semen est apud nos peregrinum, omnium amarissimum, ut si vel minimum eius degustetur, ingens amaritudo sentiatur, depresso est quadrangula figura, ancipitem securim præseferens, colore rubro; extat & pallidum. Planta similis Viciæ; frequentibus ramis, humi procumbentibus; foliis frequentioribus, laevis: flores fert luteos, in longo pediculo plures, in orbem dispositos: siliquas digitales, depresso, & aduncas: Dioscorides Hedysaton, & Pelecinon vocat: fruticem in segetibus, & Hordeis nascentem: foliis Ciceris: semine rufso in siliquis aduncis corniculorum modo, quod ancipitem securim emulatur, vnde nomen, amaro: expeditur in Antidotis, spem concipiendi adimit, subiectum cum melle ante coitum. Apud Theophrastum Theodorus Securinæ vocat securi similem: nascitur in Aphacis, & necat. Plinius inquit Lentem ea strangulari. Galenus quoque Lentem in Securidacam degenerate testatur.

C A P . X X X I .

ALTIBRYM genus Securidacæ apud nos oritur in sylvis grandioribus; ramis tenuioribus; siliquas instar Meliloti vulgaris, semina intus habet oblonga, subalbida: flosculos simili modo in orbem dispositos, albos, aut subrubentes.

C A P. XXXII.

AD Securidacam reduci posset & ea , quam vulgo vocant Sfera-
cauallo, ab aliis Lunaria : oritur in montibus, in totum minor
Securidaca : foliolis figura cordis : flosculos fert singulares, lu-
neos : siliquas depresso-s, alternatim sinuatas, in quibus semina effigie Lu-
nae falcatæ, aut ferri æquini, vnde nomen. Chimici hanc in archanis ha-
bent ad coagulationes argenti viui, quamuis & aliæ Lunatiæ ad cunctæ
effectum celebrentur.

C A P. XXXIII.

QUÆDAM gracili solo nascitur , tenuibus ramulis , dodrantal-
ibus, sparsis : foliolis candicantibus, Lente minoribus : floscu-
lis luteis, aduncis, vt vulgare Melilotum : quidam Athyliidem
primam putant : at sapor non inest falsus .

C A P. XXXIII.

CAPRAGO vulgo appellatur, alibi Gralega, in Hetruria Auano-
te, frequens est in aruis frugiferis, ramis cubitalibus, firmis : fo-
liis Viciae , multo longioribus, laevis : flores fert racematis,
eruleos, vel purpureos : siliquas nigras, Vicia breviore : floret estate :
pericitur autumno . eius succo tumentes ob venenum boues sanant in-
fuso in os . Quidam aquam distillatam in peste exhibitent.

C A P. XXXV.

ONOBRYCHIS in montibus riguis nascitur, similis Capragi-
ni, brevior : flore rubente, corallij modo : siliquas nigras fert,
longas, vt Vicia . Altera latioribus foliis constat, rarioribusq; :
flore purpureo : siliquis similibus . Dioscorides folia ei tribuit Lentis ,
longiora paulo: caulem dodrantalem : florem puniceum : radicem par-
uam : in viginosis, & incultis. Plinius circa fontes eodē modo describit.

C A P. XXXVI.

SEÑA nostræ frequens est in agro Pistoriensi , seriturque in quibus-
dam Florentiæ locis : caule constat cubitali : foliis latioribus Se-
na Orientali : gustu glutinoso : flores fert luteos : siliquas com-
pressas,

pressas, & falcatas, angustiores Orientali, linea vtrinque per medium in equaliter extuberante; seminibns nigris, compressis, figura cordis: viuntur hac Medici loco Sena Orientalis, sed longe inefficacior est ad purgandos atros humores.

C A P. XXXVII.

TELEPHIVM vulgo, à nostris herba Amoris vocatur, herbula præcipue in vineis nascens, candicans; tenuibus ab radice caulinis, ramosis, in quibus rara insunt folia, indiuisa, rotunda, leuia, & pulposa, breui pediculo adnexa, binis appendicibus, veluti foliolis adiunctis: flosculos fert luteos in summis ramlis: & siliquas Meliloti vulgaris similes, ob quartum similitudinem cum cauda scorpionis, à quibusdam Scorpoides censemur: huius folium cum salvia applicatum cutim rubificat, aliquando & pustulas excitat: vnde nunc vlys puerlaris in amore explorando: si enim cutem rubefacit tantum, amoris putatur indicium: si pustulas excitat, odij hunc usum antiqui poete Telephio tradiderunt, ut apud Theocritum, ob id Philothron quoque appellata est. Dioscorides Telephium, Portulacam quoque sylvestrem vocari tradit; nam Portulacæ similis caule, & foliis, alas binas in singulis geniculis habet: ramuli insunt à radice seni, & septeni: foliis cernueis, crassis, lentis, carnosis: flore luteo, aut candido: oritur in incultis, maxime inter Vites. facultas inest detergendi & siccandi: nam senis horis illita folia sanant vitilaginem albam. Plinius eadem ex Dioscoride habet. Quoddam genus fruticosum peregrinum apud nos caulinis multis, lignosis: foliis divisis, ut Securidacæ, sed crassis Portulacæ modò & candicantibus, binis appendicibus rotundis, ut alterum, sapore magis astringente, & vrrente lingua. flores plures in uno pediculo, ut Meliloti vulgaris lutei & siliqua tenues caudam Scorpionum imitantæ.

C A P. XXXVIII.

QVAEDAM in incultis, & saxosis nascitur, ramulis hami stratis, palmi longitudine: foliis frequentibus, subrotundis, indiuisis, hirsutisque, inter quæ flosculi sunt lutei, & folliculi tumidi, veluti viriculi; in quibus siliqua clauditur brevis, intersepta rotundis seminibus.

C A P. X X X I X.

CORONEOLA, seu Corneola vulgo ab infectoribus lanarum appellatur, suffrutex lignosus, cubito brevior; rectis ramulis, striatis: foliis simplicibus, figura Lini, latioribus: copioso flore, luteo, simili Genistæ, sed tenuiori; siliquas fert exiles: oritur in sylvis, eo inficiunt colore luteo, vnde non immerito Lutea herba dici possit apud Plinium, qua tingebatur Chrysocolla, ut linum, & lana.

C A P. X L.

ALVIS suffrutex Coroneole similis, altior: ramulis obsequiosis, lanuginosisque, qui anno secundo aculeis rectis armantur, quibus alij à latere insunt aeulei, ut in ea, quam spinam Christi vocant: folia fert Polygoni: flores Genistæ, minutos: siliquas breves, & latas Lentis modo, in quibus pauca semina continentur. Tota platta sapore austero, & glutinoso predita est cum modica amaritudine: nascitur in incultis, & humectis. Videtur hæc apud Dioscoridem esse alterum Acaciæ genus, quod in Cappadocia & Ponto nascitur Aegyptiæ spinæ simile, tenerius, humile, infirmius, cruciformi aculeorum implexum vallatum; foliis Rutæ: semine Lenticeles minori, in folliculis conjugatis ternum aut quaternum capacibus in autumno, succo astringenti.

C A P. X L I.

LYCYRIZA, quasi dulcis radix, vulgo autem corrupte Liquiritia, suffrutex est, cuius radix succo dulci predita est; commaducatur enim, ut succus deuoretur, reliqua expuatur, quod fibrosum est, sunt prælongæ radices, digitæ crassitudine, sarmentosæ, intus flavescentes, serpunt in terra, virgas ferentes multas, bicubitales, lignosas, annuas tamen: folia in longo pediculo coniugatim disposita, subrotunda, ut Rhus, tactu glutinosa: ex aliis foliorum racemulus exit flore purpureo, siliquis brevibus: nascitur in Apulia monte Gargano: seritur apud nos in hortis admodum viuax. Dioscorides fruticum inquit esse, qui virgas fert bicubitales, & folia circa eas frequentia, Lentisco similia, pinguia, tactu glutinosa: florem Hyacintho similem. fructum Platani pilularum magnitudine, asperiorem, in quo siliques, ut Lentis, fuluæ, prælongæ, radices prolixas Buxei coloris, ut Gentianæ sub astrigentes, dulces: haec succum reddunt, ut lycium, qui lingue subditus, ut liquefacat, utilis est asperæ arteriæ, & quæ sequuntur. Theophrastus

Scytiacum vocat: est inquit radix dulcis: nascitur apud Meotim: utilis ad anhelitus, & ad tussim siccum, & sthoracis vitiis; ulceribus quoque prodest ex melle. siccum extinguit, si teneatur in ore; ideo ea Scythas tolerare sicuti vndeclim & duodecim dies affirmant. Plinius, famem quoque ea sedari, eademque scribit, quæ Dioscorides, eo excepto, quod folia Echinata tribuit, numerans inter spinosas pro Schino, idest Lentisco, Echinum legens.

C A P. X L I I.

ALTERVM est simplicis vasculi genus, cuj seminis sedes in medio est, circa quam semina distributa sunt extrinsecus protegentes vasculo, ut Lychnide, Onagra, Chelidonio maiori. Horum semina longe magis numerosa sunt, & minora, quam in leguminibus; quia in illis simplicior est seminis sedes in siliquæ dorso, & tota cavitas seminibus data est: in his seminis sedes multam partem cavitatis replet, & vndique abiuncta est à vasculo, ut in Lychnide: in quibusdam hæret duobus lateribus, ut in Papauere corniculato. Incipiamus autem ab iis, quæ cum Lychnide magis conueniunt. Horum vascula veluti capitula subrotunda, cum arescunt, dehiscunt in multas rimulas, & plerumque osculo quodam semen effundunt, recurvatis in summo, veluti denticulis: flores ferunt ex plurimis foliis constantes ad minus quinque, ex sede fructus enascentes, alio extrinsecus folliculo florem protegence: folia omnibus indiuisa sunt, & gemina in singulis geniculis, nulla in cibis assumuntur ab hominibus.

C A P. X L I I I.

LYCNIS Coronaria flos est parua Rosæ similis, ex quinque tantum foliis constans, colore rubenti, aut albo, eius planta cubitalis, candida, & molli lanugine obducta est; ramulis rectis; paucis foliis, oblongis, similibus Cynoglossæ, angustioribus: calyces in cuminibus fert Rosæ similes, striatos, in quibus semina ex ruffo nigrescunt: colitur in hortis inter coronarios flores, quamvis odore nullo constet. Dioscorides ei tradit florem albæ violæ, purpureum, quo corollæ factitantur. Plinius Lychnin flammam, & Rosam græcam vocat, non nisi in humidis nacentem; numquam excedere quinque folia, Violæ magnitudine, odore nullo, inter flores astriuos. Apud Theophrastum Thedorus Lucernulam vertit, inter flores astriuos & coronarios. Quamvis autem à nomine planta describatur: ex nomine tamen coniucere licet, quæ hic descripta est, Lychnim esse; quia eius folia tomentosa,

mentosa, lucernarum luminibus sunt apta, ut etiam illa, quæ inter Verbasci genera dicta est, Lychnitis. Alia sponte oritur in aruis inter Triticum ultra cubitalem altitudinem, recta; foliis angustioribus, nigris: calyce in longiores barbulas desinente: flore simili magis purpureo: semine atro, ut Gith, ideo quidam Gittonem vocant. Hæc Lychnis sylvestris dici possit, ob maximam affinitatem; quamvis hæc quoque non describatur à Dioscoride; tradit enim in omnibus urbanae similem.

C A P. X L I I I .

ALIAE sunt plantæ forte antiquis Lychnides appellatae: floribus in summo caule congestis, umbellæ modo, tenuioribus, venustis, quorum alij coccineo colore splendent, ex quinis foliolis constantes, in extremo sinuatis, vulgo Oculum Christi vocant: allatus hic flos ex Creta, caules fert multos, & simplices, crassos: frequentibus foliis figura nostræ Lychnidis Urbanae, colore virenti, subhirsutis: calyces fert tenues, & oblongos: Alij ex puniceo purpurascentes videntur nostræ Lychnidi similitores; ei folia sunt leuia, ac mollia. Tertium genus est in totum exilius: flosculis Centauri minoris: oritur in montibus: ex eo autem hos flores Lychnides appellatas coniicio; quia Dioscorides Centauri minoris florem Lychnidi similem tradit.

C A P. X L V .

FLOS Gariofilus, quam alij Violain Damascenam vocant, peregrinus quondam in Italia, nunc familiarissimus inter flores aliles principem locam tenet: incuruis ramis, crassis geniculis: foliis Porraceis, brevioribus, crassis, & in caule deorsum incuruatis: radice superius ramosa, flexuosaque, alba, apta ad propagandum auulsionem: calyces in summis ramis fert longos, ac laues, florem tegentes, è quibus erumpit flos proximo Rosarum amplitudine: foliis constans in extremo, tenuiter laciniatis, eisque numerosis; adeo ut aliquando abrumpatur calyx, medio stamine capreoli modo intorto: color plurimis rubentis Rosæ, aliis magis saturatae purpurae, atque hi nobiliores habentur; aliis candidior modico rubore aspersus; aliquando guttis sanguineis maculatus: odor suavis, qualis in Aromate Gatiophyllo: floret in æstate post Rosam diurne: sunt, qui per totam hyemem floreat ob quandam in cultu diligeniam: Intra floris calycem vasculum est paruum, rotundum, nigro semine plenum, quod satum aut nō prouenit, aut degenerat in sylvestrem. Sylvestris in totum tenuior, sine odore: oritur in montibus,

tibus, & pratis, & ædificiis, colore tantum commendabilis, rectis caulinis: eius quoque multæ differentiæ; magnitudinis & paruitatis: distant & numero foliorum, & colore; nam & tubentes, & purpurei, muciosi, & albidi reperiuntur ex paruis foliis constantes: Alij præterea sunt inter candicantes, roseo colore, numeroso folio, calyce breui, veluti capitulum constituent, quod genus colitur à matronis peregrinū: extat & minimi floris, qui vix erumpat è suo calyculo, sed coloris saturæ purpuræ. Apud antiquos de domestico nullam video factam mentionem: sylvestrem autem forte intellexit Theophrastus per Louis florem, qui græce Diosanthos vocatur inter suffrutices coronarios, cuius flos tantum in vsu coronatum, sine odore; prouenit semine, nam & ipsa, & radix lignosa: æstate floret. Plinius inquit, colore tantum placet Louis flos, odor abest. Sunt qui hanc herbam Tunisi à recentioribus medicis celebratam aduersus pestem, & venena esse putent; idcirco huic miras eius herbæ vires tribuunt, Betonicam alteram apud Dioscoridem putantes, unde Tunica appellata est dempta prima syllaba. de hac Betonica inquit Dioscorides: nascitur in senariis campis, locis montosis, puris, & placidis, apud virgulta, animas hominum & corpora tuetur à maleficiis, & piaculis omnibus ac periculis, contra peregrinationes nocturnas, itinera insidiosa, difficiles somnos, in totumque per omnem medicinam ante cunctas celebratissima est. habet radicem totam rubram, & odoratam, folia Porracea, in medio puniceum quid, & in recto calamo triangula, in cacuminibus flores in purpuram inclinatos, recens de trita vulneribus capitis imponitur ad dolorem leuandum; conglutinat, & osfa fracta extrahit, quod singulis diebus fit, donec sanentur: feruefacta in aqua dolores capitis sanat, si ea irrigetur, & cum Bitumine temporibus inungatur: radix quoque suffita idem præstat. Hæc Betonica enarratio à recentioribus tamquam spuria deleta est: Nam Antonius Musa medicus, qui libellum de Betonica conscripsit, in unam plantam confundit, quæ in viraq; mentione apud Dioscoridem leguntur. Idem apud Serapionem legere licet, qui vites utriusque attributas unu Betonicæ, que Cestron à Dioscoride vocatur, ascribit; sed quoniam antiqua hæc descriptrionum plantæ figuram longe diuersam à vulgari Betonica, tum vires ostendit, profectò non inepte, ut quibusdam doctis viris placere video, Gariophyllo flori quadrare possit, quamuis radix omnium non rubescat neque odorata sit; nam in genere sylvestri quamdam vidimus subrubente radice, nec sine odore, omnium folia porracea. puniceum autem est quid in medio foliorum interpretatur Hermolaus, stamina; hæc autem aptius quadrare possint flori; hic enim stamina punicea in medio foliorum continet, ut transposita sit hæc particula: si vero in foliis porraceis puniceum quid inest, id non specie staminis est, sed tota pars folij punicea

In exortu antequam caulescat planta, ideo in medio foliorum puniceum quid inest, triangula vero dicuntur folia; quoniam dorso acuto discurrente triquetram figuram ostendunt, ut Porri folia, recentiores medic inter quos est Arnaldus Villanouensis herbam Tunicam extollunt aduersus pestem & venena: huius gratia ex floribus domestici Gariofilli consuetam efficiunt, radicis quoque fatinam exhibent: arcet enim pestis contagia; totius quoque herbae puluis bibitur cum vino albo aduersus toxica, & serpentum ictus, ac scorpionum: discutit horrores quartang, & reliquarum febrium: comitalibus optulatur; partum accelerat: ebrietatem arcet presumpta: imponitur vulneribus neruorum, & mortui canis rabidi: extahit enim virus: inspergitur carcinomatis, & eius succo abluuntur. priuatim genus sylvestre calculum frangit, & educit, ut hinc conicere liceat hanc apud Galenum intelligi libro quinto de sanitate tuenda, cum ad calculosos aliquid Betonicæ, & Cestri qui in Galliis nascitur, immiscendum præcipit in vino: vocant autem inquit herbam eam Sarxiphagon. in his verbis significat aliam plantam esse, Betonicæ & Cestrum Gallicum: ut vt reque nomine Cestri & Betonicæ intelligentur apud diuersos autores: & hodie Galeni exemplo sunt, qui florem Gariofillum inter Saxifragias numerant, ut notat Hermolaus.

C. A. P. X L V. I.

SA X I F R A G A Pisis nascitur locis præruptis, non nisi in saxorum crepidinibus; tenuissimis, ac iunceis tamis, ultra dodrante ferme, sine foliis, sed per longa interualla binis veluti apicibus angustis: cacuminibus insident flosculi, valde exiles, purpurei, & non nulli iuxta alas, in totum Gariofillo sylvestri similis est, sed in omnibus longe exilior: radix subpubens, aut flauescens. Quædam in umbrosis parietibus nascitur, breuior: frequentioribus geniculis: foliis angustissimis: flosculis candicantibus. priorem illam Hermolaus Barbarus depictam in vetusto codice Dioscoridis vidisse se testatur: nomine Saxifragæ, non plus foliis, quam cirris minutis per ramos ex interuallo conditis, nec frequentioribus: in cacuminibus surculorum flocci ceu arentes potius, quam flosculi, subrubida radice non sine fibris. Alteram similem Romæ ostendi in marittimis, ac montosis tantum; non rubida radice, sed candida: flosculis quoque candidis. Dioscorides Sarxiphagon inquit: aliij Saxiphragon, aliij Empetron. Romanii Saxifragam vocant, frutex est surculosus, in saxo, & asperis nascens, similis Epithymo, (quidā codices legūt, Tymo, in aliis spatiolū est inane, ut notat Hermolaus) in vino cocta prodest habentibus febres, & ad stranias, & singultus, calculos vesicæ frangendos, utinas trahendas. Hæc

Dio-

Dioscorides. Huius profecto conuenit Epithymi similitudo, ob surculorum tenuitatem, ferme sine foliis: foliola autem non valde recedunt a foliis Thymi, nisi quod exiliora multo sunt; quamquam ea, quæ ab radice exerant, priusquam caulescat, quodammodo folia Triticæ emulentur, figura, non magnitudine. Plinius aliam ostendit Saxifragam in genere Adianti, ut suo loco patebit: & recentiores multas alias plantas ab effectu Saxifragias vocant.

C A P . X L V I I .

OCYMOIDES maior, passim in ruderibus nascitur; incurvis ramis, cubitalibus, altioribusque hirtutis, in quibus folia Ocy- mi latifolij, hirsuta, instar Anchusæ: flores fert in summis ramulis candidos, Leucoio similes, aliquando tubrubentes: Vascula cytinais Malii Punici similia chartilaginea, in quibus semina Hyoscyami albidiora. Alterum genus paruum in asperis, & saxosis nascitur, fructosius, humi stratum: ramulis frequentibus, dodrantalibus, subrubentibus, hirsutis: foliola fert paruo Ocymo similia, hirsuta: flosculos rubentes, numerosos, aspectu pulchros, at sine odore: tenuia vascula, in quibus semina nigra, ut Nigellæ. Dioscorides describit foliis Ocymini; ramis dodrantalibus, hirsutis; siliquis Hyoscyastis similibus: semine nigro, ut Nigellæ plenis: radice tenui: eius semen in vino potum viperarum motibus, & cæterorum serpentum auxiliatur. Dubium est an Plinius Ocymoidé intellexerit, cum Ocytum sylvestre appellat; an potius Aeinum, quod & Ocystrum à Dioscoride appellatur. Nam certe inter Echy species, eam, quæ Pulegio similis traditur, ab eodem Ocymoidem paruum esse, asserere possumus. Nicander quoque, & Numerius duo similiter Echy genera scribunt, quorum alter Ocyroides appellatur: alterum Alcibium, de quo nos inter Anchusas. Dioscorides quoque statim post Echium de Ocyroidi agit, cuius descriptio magis generi paruo conuenit.

C A P . X L V I I I .

SAPONARIA vulgo appellatur in harenosis nascens, pluribus ab eadem radice caulis, rectis, duorum dodrantum altitudine, frequentibus: foliis levibus, figura Ocyroidis maioris, instar Plantaginis nervatis: in cacumine flores fert congestos, quasi in umbella; subrubentes, & vascula oblonga: radiculas summa tellure, hæc Saponis vicem prestat ad padnos purgandos: altera fruticosior ex Sicilia angustioribus foliis, quasi Oleç; lato cespite: floribus distantibus. non defunt qui

qui hanc ad Struthium pertinere putant, quæ & herba Lanaria dicta est, ob effectum . certe folia Oleæ , vt tradit Plinius , secundæ hic descriptæ conueniunt , & radix Polemoniæ , vt tradit Dioscorides : nam in hoc genere continetur. At quia Theophrastus herbam Lanariam inter Acanacea reponit, quamvis teminis conceptus nō sit spinosus, non licet eam in hoc genere ponere ; sed forte apud eumdem alia fuerit à Struthio Struthos ; nam Struthium inter flores coronarios recenset , & acanacea : de Struthio autem inquit, quo splendorem linteis tribuunt : folium Papaveris Herculani ferte, innuens ex illa adiectione aliud intelligi ab eo, quod inter flores coronarios recensetur . Dioscorides quamvis Struthium non descripsit, tamquam rem notissimam ; foliorum tamen similitudinem indicauit in Papaveris spumeo , id est Herculano, vt Theophrastus vocat, & in Phyceumate : eius radicem ad lanas purgandas assumi ab infectoribus, acetem esse, vrinam impellere, & inter alias multas facultates sternutamenta mouere, & pituitam ad os trahere, idcirco Arabis saepe sternutatoriis immiscent, appellantis Condisi . Plinius radicem vocari tradit, cui succus inest lauandis lanis mirum in modum conferens, candore, & mollitia : & que nascitur sativa ubique, sed sponte præcipua in Asia, Syriaque, Saxonis, & asperis locis, trans Euphratem ramam laudatissima , caule ferulaceo tenui , & ipso cibis indigenum expedito, & tingenti, quicquid sit cum quo decoquatur ; folio Oleæ , Struthion Græci vocant : floret æstate, grata aspectu, verum sine odore, spinosa, & caule lanuginoso : semen ei nullum : radix magna, que conciditur, ad quem dictum est vnum : sed quæ de flore dicuntur, & spinis, & lanagine, ex Struthio Theophrasti desumpta sunt, de quo nos inter Acanacea dicemus.

C A P. X L I X.

NISEAGO vulgo vocatur herba : cuius rami visco obducti sūc, adeo ut paruæ Muscæ harentes retineantur : caules fert rectos, & tenues, cubito altiores : paucis foliis, subhirsutis, forma fere oliuari : radicem candidam , Rafano similem : flores candidos, aut rubentes, Saponaria tenuiores . Quædam racematum tamquam in spica fert, longe exiliores, subpallidos ; vascula tenuia : oriuntur in aridis, & præcipue maritimis. Dioscorides inter genera Papaveris sy'uestris Aphrodem id est spumeum cognominari inquit, ab aliis Heracion : caule dodrantali : foliis inter cætera Papavera, valde paruis, Struthio similibus : fructu iuxta ea candido : tota herba candida est, & spuma : radix tenuis, & summa tellure : colligitur æstate : fructus, cum perfecte adoleverit, ficcatusque deciderit, qui acetabuli mensura cum aqua mula per vomitum purgat : subuenit priuatim comitalibus. Hæc descri-

ptio prædictæ plantæ conuenire possit, si Spumea, ob viscum inhærens appellata sit, nec abhorret, si quis Saponariam Spumam Papauer diceret, quia tota herba fricata, spumam candidam reddit, ut sapo: Visca-ginem autem Struthium assereret, nam radix descriptioni vtriusque magis congruet. Theophrastus veluti æquiuocum quoddam inter Papauera sylvestria inquit: Papauer Herculaneum folio constare Struthij quo splendorem linteis tribuunt; radice in summa tellure eunte; fructu albo: huius radix purgare superius nata est: non desunt qui ad comitia lem morbum ea vtuntur in vino mulso. Plinius in sylvestribus Papa-uera generibus inquit est Heraclion, vocatur ab aliis Aphron: foliis (si procul intuearis) speciem Passerum præsentantibus: radice in summo terræ eunte; semine spumeo: ex hoc lina splendorem trahunt æsta-te: tunditur in pila comitialibus morbis acetabuli mensura: semen im-vino albo, vomitiones enim facit. Plinius hic verbum in Theophrasto-Struthion, Passerem interpretatus est, non herbam: & illam adianctio-nem, Quo splendorem linteis tribuunt, non Strutho tibuit, sed folio Papaueris Herculani. Quæsententia non videtur præter rationem in Sa-ponaria: eius enim folia alis expansis Passeri assimilantur, & tusa splen-dorem linteis tribuunt: quem vsum Struthij tantum radix præstat. Di-ctum autem est Struthium quasi Passerulus.

C A P. L.

POLEMONIA, cuius radice grandi, & candida vtuntur officinæ pro Been albo Arabum; oritur gracili solo, frequens in vineis: multos ab eadem radice caulinulos gerit; incuruos, cubitales, læues: folia lequia, subcandida, Gariofilo breuiora, latioraque: floscu-los candidos in tumidis & candicantibus calycibus, veluti vesiculis in-clinatis, intus capitulum continentur rotundum, plenum semine nigri-cante. Altera peteigrina apud nos semine ex Sicilia allato, caulinulos fert hirsutos; ramis in diuersa tendentibus, infirmis, & procumbenti-bus ad terram: folia Ocymoidi maiori similia, & simili modo hirsuta, sed in ramulis longe minora: flosculos, & vesiculas priori similes, qui-bus decidentibus capitula ostenduntur nigra, & rotunda veluti baccæ pendentes, in quibus semina atra continentur, ob leuorem splendentia: Dioscorides Polemoniam describit ramulis exilibus, ac patulis: folio Rutæ paulo maiore, longioreque ad similitudinem Polygoni, hut Nepi-tæ: cacuminibus corymbi dependent nigro semine: radice cubitali, albicante, Struthio simili: oritur in montibus, & asperis. Hæc descrip-tio vrasque prædictas innuit: nam folia in ramis Nepitæ similia, secun-dæ conueniunt: similitudo autem Rutæ priori magis; sed folia ramulo-rum accipiuntur, quæ longe exiliora sunt in vtraque.

C A P. L I.

RAPVM sylvestre dicta est quædam in hoc genere, similis Polemo-næ lœui, sed caule erecto, foliis latioribus, ramulos in summo spargit, vascula continens striata, ex quibus exit flosculus subruber, intra capitulum carthagineum continentur rotundum, in quo semina nigra Rapo similia: radice nititur tenui, oritur in aruis gracili solo. Quamvis hæc nulla ex parte in genere Raporum contineatur, quia tamen semina omnino Rapi videntur, forte Dioscorides sylvestre Rapum appellat; folia inquit fert lœvia, digitalis latitudinis, aut ampliora: fructum in siliquis calyculatis, quibus ablatis alia intus est siliqua, veluti capitulum, in quo parua semina foris nigra, intus alba continentur, ut illa ad cutim detergendarum: in segetibus nascitur, cubitali altitudine, in summo multis ramis constans, lœuis. Totius quidem plantæ descriptio etiam in genere Raporum reperitur, excepta siliqua; nullam enim in eo genere adhuc vidimus, quæ siliquam alia inclusam siliqua ferret, ut in hoc genere contingit.

C A P. L I I.

ODONTIDES, quasi denticulata, in pratis nascitur, & humecto solo: caulinculo dodrantali, recto, paucis ramis, hirsuto: foliola fert Ocymoidis, parua, vascula oblonga, figura grani Hordei, ex uno caulis latere prodeuntia, instar dentium: flosculos purpureos: radicem exiguum. Plinius eo nomine appellat inter fæni genera, nascentem in pratis, caulinulis densis, ab eadem radice geniculatis, triangulis, nigris: in geniculis folia parua habet, longiora tamen, quam Polygonum; semen in alis Hordeo simile: florem purpureum, & pusillum.

C A P. L I I I.

CENTUNCULVS hodie in quibusdam Etruriæ locis vocatur, alias Centone, & Morsus gallinæ; qui à gallinis, præsertim earum pullis, & anseribus expetitur; tenella, & mollis herbula passim in ruderibus nascens, præcipue umbrosis, caulinulis tenuibus, humili repentibus: foliolis Parietariae, exilioribus, leuioribusque: flosculos exiles fert, candidos, longo pediculo pendentes: ex foliolum, alias & parua granula, in quibus semina flava continentur. Huius plures vidimus differentias, magnitudine & paruitate; nam quædam viticulos fert cubitales, & ampliores, & folia proportione longiora, initio lœvia,

circa summos caules hirsuta. Quedam minutissima : caulinulis ut instar filamenti : foliolis valde paruis. Multe aliae media magnitudine spectantur. Quoddam genus extat, hirsutum : recto caulinulo . omnium sapot insipidus ; & tubastrigens. Quamquam his multum conueniat Alsinæ descriptio apud Dioscoridem, neque tamen abhorret Centunculi appellatio apud Pliniū : in Italia, inquit, Centunculus vocatur; quam Græci Clematidam vocant : rostratis foliis, ad similitudinem capitus penulatum : iacens in aruis : facultate astringendi; Nam folia ex latitudine sensim in acutum veluti rostrum desinentia imitantur capitis penulas, quod erat genus Capitij . Inter Clemetidas autem numerat Plinius, quia sarmentis multis constat : Centunculus autem dicta est, quia Centonibus familiaris pro Tomento; mollis enim herba est, ut eudem usum prestatre possit, quem Gnaphalion , quam Dioscorides Centunculum à Romanis vocati tradit; seu hæc sit Alga, qua vitrea vasa fulciuntur, seu herba Impia Pliniij cuius foliola alba, mollia, veluti ex lanosa substantia constant. De Alsinæ alibi dixi, similem huic plantam ostendens, sed solitariis feminibus in aliis foliorum , ut Polygoni . Extat & Centunculus montanus in Alpium pratis : hic dum proreperit, radicat Graminis modo, adeo copiosè ut universum solum conuestiat : attollit vere frequentes caulinulos, in quibus flores lactei, veluti stellati insident, sine odore : folia aliis parui Centunculi ; aliis ad Hederam magis accendentia ; aliis angusta, paruis ligulis similia ; ob id Linguam auis quidam vocant, & non nulli Gramen Parnasium putant. Quartum genus tenuissimis foliis constat, lanuginosum , in hoc profecto genere videatur esse Gramen, quod in Parnasso monte oriri testatur Dioscorides; cēsiore frutice quam alia Graminis genera ; foliis Hederaceis : flore odorato, candido : semine paruo, non inutili : radicibus quinque, aut senis, digitali crassitudine, cædidis, mollibus, & admodum dulcibus, de eodem Plinius eadē referti.

C A P. L I I I .

CENTV MGRANA vulgo appellatur herbula, æstate proueniens iuxta parietes, præcipue inter saxa, quibus viæ sternuntur, multis ac breuibus ramulis, quatuor digitos non excedentibus, duris, ut Polygoni ; in quibus foliola insunt rotunda, ac lœnia ; in cacuminibus granula frequentia, Centunculo tenuiora : flosculo vix conspicuoso, eandicante ; datur ex aqua frigida puluis ad dissenteriam, & tenesum, unde quidam vulgo Pondinam vocant; nam miro modo sanat. sunt, qui non inepte apud Dioscoridem Paronychiam intelligi putent; nam exiguum frutex in petris nascens, Peplō similis, brevior, quamquam non majoribus foliis ; idcirco nos aliam pro Paronychiam ostendimus.

C A P . L V .

LYSIMACHIA herba est in humectis, virgas rectas ferens, nunc binis per interualla foliis, nunc ternis, aliquando quaternis, figura Salicis : flores circa cacumina luteos, aut purpureos, in partes quinque dissectos : fructus rotundos, ut Anagallidis, in quibus semen farctum continetur, & album : Quæ luteum florem fert, in mentibus magis oritur, cubitalis altitudinis : foliis latioribus, breuioribusque, gustu acerbo : eius quædam in aliis foliorum floret, breuior ; rotundioribus foliis: quædam in cacuminibus tantum, veluti racemum fert non densum. Quæ autem purpureum edit florem, in campestribus magis nascitur iuxta flumina, & in scrobibus, altitudine bicubitali; foliis angustioribus, gustu glutinosis ; flores densos cacuminibus fert in prælonga, veluti spica, vascula oblongiora, tenuioraque : radicem ramosam, duram, cortice rubescente, gustu astringente. Dioscorides Lysimachion vocat, caulinibus cubito altioribus, fruticosis, tenuibus, à quorum geniculis exeunt folia Salicis, tenuia, gustu astringentia; flore rubro, vel auro : gignitur in aquosis, vel palustribus : suffici acerrimum odorem reddit, quo serpentes fugat, & muscas interficit. Plinius Lysimachiam ab inuentore appellatam ; foliis Salicis, viridibus : flore purpureo : fruticosam : creatis ramulis : odore graui : in aquosis ei : tanta vis, ut iumentis discordantibus iugo imposita, asperitatem cohibeat.

C A P . L V I .

NIVULARIA vulgo appellatur herba in scrobibus nascens, humili strata, multis ab eadem radice caulinulis, recta circumquaque serpentibus ; foliis rotundis, figura nummi, vnde nomen, conjugatim per brevia interualla, sapore acerbo ; flores in aliis foliorum fert luteos, & fructus Lysimachiae similes. Placet in vitidariis opere Topario ex vasis dependens longissima coma: Quidam Centummorbiam vocant ; mirificam in sanandis ulceribus tum externis, tum internis. Chymistæ sperant hac herba coagulari posse argentum viuum : in archanis quidam Borissam vocant, quidam Lunariam.

C A P . L V I I .

HERBA Paralysis à récentioribus medicis vocatur, in móribus proueniens, locis vmbrosis, ab radice tantū foliata : foliis Lactucæ, aegustioribus, vnde quidam Lactucā sylvestrem in Alpibus vocant, vesciturq; pro olere : radix subest pollicis crassitudine ex frequētibus radiculis iuccis cōpacta; flores fert in singulis caulinulis singulos inter folia, pallidos: fructus aut Lysimachia lögiores, folliculo florē tegente inclusos,

&

& semina intus farcta, sapore astringente; floret non dum exacta hyeme; unde primula veris à quibusdam vocatur: laudata ad articulorum dolores, & calculum, radicis decocto; florum succus maculas faciei delet. Altera illi similis paulo hirsutioribus, ac rotundioribus foliis, caulinulo dodrantali, candido, hirsuto, in cuius cacumine tres, aut quatuor flores dependent aurei, & fructus alteri similes, vtuntur ad eosdem vfls. Apud Dioscoridem in Verbasco Phlomides duæ, idest Verbascula, traduntur hirsutæ; rotundiis foliis; humiles; ab aliis Thryallis vocatur. apud Theophrastum Thryallis traditur inter spinosa Plantagini similis, de qua nos alibi.

C A P. L V I I I.

AVRICVLÀ Vrsi, seu Lupi vocatur in Alpibus similis herbæ Paralyti: foliis paucioribus, in terra stratis, & conuolutis, vt auricula, alba quadam linea denticulata circundante, crassis, pulposisque, mollibus, non rugosis vt supradictæ: in caulinulo subhirsuto & nudo fert flores aureos tres, aut quatuor, gratissimi odoris: oritur in altissimis, & præcipitiis. Quid si hanc tertiam Phlomidem dicamus apud Dioscoridem, quæ Lychnitis cognominata est: foliis ternis, aut quaternis, vel paulo pluribus, hirsutis, crassis, pinguibusq; aptis ad lucernarū lumina? Non enim hæc genere sciungitur à supradictis. Plinius fere eadem habet, quæ Dioscorides sunt, inquit, Phlomides duæ, hirsutæ, rotundis foliis, humiles. Tertia Lychnitis vocatur, ab aliis autem Thryalis; foliis ternis, aut cum plurimum quaternis, crassis, pinguibusque, ad lucernarum lumina aptis, ex quibus, Lychnitim sciungit videtur à reliquis duabus hirsutis; quia huic nequaquam hirsuta essent folia, sed crassæ, & pinguæ, apta ad lucernarum lumina, vbi exsiccata fuerint; in reliquis autem conuenienter tres Phlomides, rotundis foliis, humiles. in Dioscoride igitur superfluum videbitur illud verbum hirsutum in Lychnite quamquam non omnino lœque sit eius folium.

C A P. L I X.

ANAGALLIS herbula est humi procumbens; caulinulis quadrangulis, dodrantalibus: binis foliolis in singulis geniculis sine pediculo adnexis, similibus Centunculo: flosculos in singulis geniculis binos, longo pediculo fert, colore puniceo, vt Corallus, aut cæruleo elegantissimo, patulos, & quinquepartitos sectos: fructus rotudos, pédulos, quibus arescéntibus abscedit dimidia vasculi testa, & semen minutū fundit. Punicea passim in hortis, & secus vias prouenit; cærulea

rulea in montosis , & gracili solo . florent utique tota aestate. Diſcorides Anagallidis duo genera esse tradit flore diſtantia : feminina flore cæruleo ; mas puniceo ; ſutices parui , in terra iacentes : foliis in quadrangulo caule pufillis , ſubrotundis , ad Helixinæ folia accedentibus : ſemine rotundo. Plinius eadem fermè tradit : nasci in hortis , & aquosis : non alioſores palmo : frutice tenero : foliis pufillis , rotundis , in terra iacentibus : prior floret cærulea : aliqui Corchoron vocant . apud Theophratum Chorchorus inter olera ponitur ; ſed ob amaritudinem in prouerbio eſt : folium eius Ocymum emulatur . quod vero aſſerit Plinius prius florere cæruleam , aliam plantam ſignificare videtur , hyeme incipientē , geminis orbiculis testium modo , de qua inferius .

C A P. L X.

MYRIOPHYLLON in paluſtribus Pisanis nascitur ; frequen- tibus foliis , mollibus , tenuiſſime ſciffis , iſtar latæ avium plu- mæ : radice iuncea , alba , fibroſa : caulem ſupra aquas attollit , nudum , tenerum , ac molliſſimum ſupra dodrantem : flores circa ſum- muſ , per interualla congeſtos , multo latiores Anagallide , colore ex al- bo modice purpuradente : fructus quoque Anagallide maiores ; flore vere : Alterum in eisdem locis foliatum uſque ad verticem ; foliis per in- terualla quinque ſimili modo diſectis , minoribus . Thyſum egerit extra aquas , quatuor digitorum longitudine , in quo fructus per interualla quinque in orbem , Coriandri magnitudine , ſine flore . Diſcorides cau- lem ſcribit tenerum , & ſingularem , vniua nixum radice ; pluriuſis fo- liis , leuiuſis , Fæniculo ſimilibus : caulis flauescit , variuſ , ac veluti ex induſtria depictus : nascitur in paluſtribus . Plinius Myriophyllum à no- striſ millefolium appellari teſtatur , caulis eſt tener , ſimilis Fæniculo ; pluriuſis foliis , vnde nomen accepit : in paluſtribus .

C A P. L X I.

PORTULACA aestate prouenit in hortis humi ſtratam : frequen- tibus ramis , rotundis , & carnoſis : lauiuibus foliis , ſubrotundis & cratilis : Hærent in aliis apices , floſculum condentes luteum , qui aduentate ſole aperitur , apice reflexo veluti galea , noctu clauditur , reſti- tuta galea : ſemina veluti in fouea continentur , nigra , operculo teſta . extant differentiæ quædam magnitudinis , & patuitatis . Quæ latiora fert folia , attollit magis & colitur pro olere : quæ anguſtiora habet , magis humi ſternit , ſylvestrior , ſecus vias nascens : hæc florem non explicat , ſed intra conditum ſeruat : venit & hæc in cibos , quamquam in gratiore utique

utrique succo glutinoso constant, cui proprietas inest stuporem dentium tollendi, asperitatem levigando, ut Galenus testatur. Diocorides & Plinius inde scriptam reliquerunt, tamquam notam, sed ad multos morbos efficacem, vi refrigerandi, & humectandi. Theophrastus Portulacæ radicem breuem scribit, tum quæ media est, tum quæ in latus porrigitur; exit tardius post septimam diem à satu. De sylvestri Portulaca pluribus in locis fit mentio, scilicet in Thelephio, in Semperiuo minimo, & in Peplio, sed nulla ex his conuenit ei, quæ hic posita est sylvestrior. reperiatur tamen in codicibus græcis Diocoridis caput de Portulacâ sylvestri ad nexus ei, quod de sativa loquitur: cuius principium & finis desumpta sunt ex tertio Semperiuo, sed interseritur Portulaca sylvestris, quæ proposuimus in hunc modum. Est quando & in domesticis locis oritur foliis Oleæ, minoribus multo, pluribus, & tenuioribus: caulinis rubentibus, ab radice una frequentibus, inclinatis in terram: his manu facile in succum soluuntur tenacem, liquorem cum quedam salis gustu, quæ postea sequuntur: facultas eius calfacere, & reliqua, non ad hanc pertinere videntur, sed ad eam, quam dixit in petris nasci, scilicet tertium Aizoum.

C A P. L X I I.

AMARANTVS in Etruria vulgo Fioruelluto, spica est ramosa, veluti ex serico vellere constans, colore specioso nigrantis Roseæ, qui nequaquam marcescit, sine odore: vasculis constat inter multiplices folliculos instar Tritici, in quibus parua semina continentur, nigra, ut Bliti. Planta colitur in hortis inter coronarias, cubiti fere altitudine, recta: ramis quoque rectis: foliis Bliti, angustioribus: spicas fert in summo, & à latere in autumno. Veniunt in cibos folia ex oleo sale, & acero. Plinius de Amaranto scribit. Est spica purpurea verius, quam flos, & sine odore: mirumque in eo, gaudere decerpi, & lætius renasci: prouenit Augusto mense, durat in autumnum. Alexandrino palma, qui decerpitas asseruatur, mirumque, postquam defecere cuncti flores, madefactus aqua reuiuisceat, & hybernas coronas facit. Summa eius auctoritas in nomine est, appellato, quoniam non maturescit. Sed alia est Amarantus apud Galenum, quæ à Diocoride Helachryson vocatur.

C A P. L X I I I.

CENTAVREA vulgo appellata herbula est in collibus riguis, paulo altior dodrante; tenuibus, & rectis caulinis quadratis: foliis per interualla binis, sicut pediculo, subrotundis, paruis, quibus

quibus nerui in longitudinem tendunt: flosculos fert in cacumine veluti in umbella, rubentes, qui summis fructibus insident, sed et in quinque foliola: fructus exiles, & oblongos, quibus semina insunt nigra, minutissimis atomis similia: radix subest exigua: tota amarissimo sapore constat, & magnis viribus ad vulnera sananda & purgationes: mulieres cauteuntur ad capillum rufso colore tingendum, ideo Biondellam vocant. Dioscorides Centaurium minus appellat: Origano aut Hyperico similis est, caule anguloso, palmum excedente: flore Lychnidis è puniceo in purpureum vergente: foliis Rutæ, prælongis, & paruis: fructu Triticæ simili: radice pusilla, lequi, & superuacua, amara. Plinius Centaurium inquit cognomine Lepton, minutis foliis, Origano simile; angustioribus & longioribus foliis: anguloso caule, palmum alto, fruticante: flore Lychnidis: radice tenui, & superuacua; succo efficax. Fel terræ nostri nominant propter amaritudinem summam. de Centaurio maior alibi dicendum.

C A P. L X I I I .

ACHILLEOS in incultis nascitur iisdem fere locis, vbi Centauræ: unico caule, rotundo, recto, semicubitali: foliis Centauræ latioribus, per longa interualla inuicem coniunctis, ut medium vndique caulem amplectantur, colore ex viridi & ceruleo albicante: paucis ramulis, rectis, quibus summis flores insunt lutei, & vascula crassiora Centaurea: nigris seminibus. hęc quoque amaro sapore constat, vulgo accipiunt pro Centaurea maiore; nam Mesues inter Centaureas recenset, magis laudans, cuius flores colorem habent citrinum palearem. Plinius ex quorundam sententia veram Achilleon esse scribit, scapo cœruleo, pedali sine ramis, ex omni parte singulis foliis rotundis, eleganter vestitam; vulneribus medetur.

C A P. L X V .

GRATIADBIS à recentioribus Medicis in Italia vocatur herba in pratis fennariis, præcipue humectis: caule quadrato, dodrantali: foliis per interualla geminis, angustis, & oblongis: inter quæ flores sunt concavi, & oblongi, dissectis labris, ex cœruleo purpura-scentes; vascula seminis rotunda, vt Anagallidis: tota amarissima: efficax vulneribus glutinandis, casu inuēta, cum in campo fennatio quidam vulneratus in capite, concidisset, obducta capiti hac herba, cum alia non esset ad manus, vulnera glutinata sunt. Altera est paulo altior, ac ramo-fior; foliis longioribus quasi Lysimachiæ purpureæ: floribus ex purpu-

ra albicantibus. Mattheus Sylvaticus Persicariam minorem vocat. Germani alias habent hoc nomine.

C A P . L X V I .

CIMBALARIA vulgo appellatur herba in parietibus dependens: rami tenuibus ramulis, fere cubitalibus: foliis tuberculatis, Hederae figura, scissis, patulis, & crassis: flosculos purpureos fert in alis foliorum, caudatos, ore compresso: fructus rotundos, in quibus parua semina, & multa continentur: radix inutilis: viuntur infibres hac herba pro Umbilico Veneris. Plinius, ut placet Hermolaus, Capnon primam intellexit, quam pedes gallinaceos vocant: nascitur inquit, in parietinis & sepiibus: ramis tenuissimis, sparsisque: flore purpureo: viridis succo caliginem discutit.

C A P . L X V I I .

VERONICA femina vulgo appellatur herbula in aruis strata, similis Cimbalariae, hirsuta: foliis rotundioribus, non incisis: flosculis pallescensibus: fructu simili praedicta: tota acerbo sapore constat cum amaritudine, efficax ad vulnera sananda, & scabie, & tumores dissoluendos, precipue cervicis, & Elephantiasim illita: altera est Veronica mas alibi dicenda.

C A P . L X V I I I .

CATANANCE, quidam vulgo Balsaminum vocant, herba in hortis seritur, pulchritudinis gratia: caule constat crasso, tenere, subrubro, simili Portulacea. Sed recto, ferme cubitali, assidue proprie radicem crassiori, paucis ramis, rectis: foliis figura Salicis, serratis: flores in axis foliorum fert, speciosos, concauos, cauda inferius reflexa, hiantes productis duobus labris, colore purpureo: fructus tubinatos, hirsutos, magisitudine siliquarum Ciceris, qui arecentes peculiariter quodam modo dehiscunt; nam rimula lateri aborta, confessim contrahantur diaisi in plures, veluti vogues aduncos, & in terram decidunt, effuso semine, quod simile est parum Viciae, colore subrufso; punctis quebuldam distinctio. Altera in Alpibus nascitur locis umbriosis: ramis patulis: caule tenerimo, ferme perspicuo: foliis tenui pediculoso deorsum inclinatis, subcandidis, brevioribus, latioribusque, & subrotundis, mollissimis, magis incisis: flores fert ex longo pediculo veluti filo pendulos, figura grandis scorpionis, cauda superius reflexa, hiantes, colore

colore aureo, puctis nigris quibusdam in fauicibus : tenues fert siliquas, que in maturitate leuissimo tactu dissiliunt in plures partes, vt supradictæ; semen autem longius eiacylantur, vt colligi nequeat, nisi magna industria : sunt hæc granula paulo oblongiora, simili modo punctis distincta : radices utriusque tenues, & plures : in exortu caulis tuberosæ Diocorides viramque Caranancem hoc modo describit : vna, inquit, folio longo constat, vt Coronopus : radice tenui, iuncea, capitulis senis, septenisque, in quibus semen Ervo simile : flectitur fructus exarescens in terram, & ad speciem vnguium Milii exanimati se contrahit. Altera Malii exigui, magnitudine conspicitur; radice parua ceu Oliuæ; foliis quoqne Oleæ figura, & colote, mollibus, inclinatis in terram, diuisis : fructum in virgulis paruum, Ciceris effigie, in multas partes attritum, puncti coloris : Viramque narrant in amatoria expeti : Thessalicae mulieres his vti traduntur. Plinius neglexit harum plantarum descriptiōnem; quia solum ad amatoria celebratae sunt.

C A P. L X I X.

Flos quidam vulgo in Etruria Fior Capuccio ob coloris gratiam, que etiam artefactis seruatur : expetitur in coronas, caulis est cubitalis, rectus, paucis ramis rectis : foliis numerosis, in angusta, & oblonga foliola diuisis Fæniculo proximis : Flores circa suymas virgulas initio antequam dehinc cant, effigie Delfinotum, virides : procedente tempore explicati, colore in purpurum elegantem contrahunt, tendenter ad cæruleum, à tergo eaudati : Folium in his est quoddam implicatum, quod in albo characteres habet occultatos, ex virgulis cæruleis, duas literas exprimentes. A. I. aut tres. A. I. A. : siliquam fert oblongam, nigrum, seminibus nigris, vt Melanthij, sapore ingratato, amato : colitur in hottis inter coronarias, quamvis & sponte proueniat in aruis. Alterum genus frequens in segetibus bieuius : tenuioribus ramis, & patulis : tenuioribus tum flore, tum foliis, in quo nequaquam visuntur insculptæ literæ : utræque annuae tantum sunt : Recensentur à quibusdam non sine probabilitate ratione inter genera Cumini sylvestris, ipse rō dubito hunc florem inter coronarios habitum apud antiquos sub nomine Hyacinthi, quem poetæ fabulantur ex Aiacis cruento ortum, vt apud Ouidium legitur. De hoc Plinius inquit ita discurrentes Venas inelle, vt græcatum litterarum figura. A. I. legatur inscripta. Alius tamen est Hyacinthus apud Dioscoridem inter bullosas, vt proprio loco patebit. De hoc Hyacinthro meminit Dioscorides in Delphinio inquiens, alijs Hyacinthum appellat. Romani Buccinum, eius duo genera. Maius ramos fert ab vna radice duorum dodrantum, altitudine, vel maiores : & circa eos foliola diuisi-

sa, tenuia, oblonga, Delphinorum effigie, vnde nomen: flos Leucoio similis, in purpuram vergens; semen in siliquis Milio simile: nascitur in asperis, & apicis: semen in vino potum iectibus scorpionum vnice medetur: argumento: quoniam obstupescunt Scorpiones ea herba apposita, & inualidos iectus agunt, ea amota pristinas vires assumunt: Alterum scilicet minus, simili antedicto, sed foliis, ac ramis multo tenuioribus, vires quoque similes habet, infirmiores tamen. in hac descriptione illud solum animaduersione dignum, Delphini effigiem, non in foliis esse accipiendam: qui enim fieri potest, vt in foliolis scissis tenuibus, & oblongis, eius animalis figura exprimatur? sed in floribus adhuc herbaeis quiuis facile agnoscat Delphini effigiem, capite crasso, curuo dorso, in tenuem caudam desinente. Est tamen planta parua foliolis Delphini effigie, curuo dorso: forte minus Delphinium, quam nos inter affines Irioni describimus.

C A P. L X X .

ONAGRA in Alpibus nascitur locis aquosis: caule bicubitali, altiorique, subrubente, recto, ramis veluti virgis Salicis: foliis quoq; Salicis: flores fert circa sumas virgas, roseo colore, speciosos, in foliola explicatos: decurrentia à tergo cauda: siliquas rectas, digitali longitudine, tenues, subrubentes: hæ dehiscunt perfecto semine in quatuor partes recurvatas: semina intus parua, quibus lanugo inest cädida, quæ pappus vocatur. Dioscorides fruticem in montibus prægrandem esse scribit, instar arboris; foliis Amygdali, latioribus, Lilio non dissimilibus: flore rosaceo, magno, radice candida, longa, quæ cum siccata est, vinum obolet. hæc feras mitigat, & sicuras reddit aqua, in qua maduerit, porta. Theophrastus Oenotheram vocat radicem, quæ è vino pota, mitiores hilarioresque mores conciliat. Plinius Oenotheram, & Onurum appellat: Amygdalino folio: flore rosaceo, fruticosum; longa radice, & cum siccata est, vinum olente.

C A P. L X X I .

ALIAE in campestribus oriuntur, locis palustribus, breuiores: foliis in alis, foliorum, rubentibus, minoribus, qui suumvis siliquis insident: siliquæ tenuiores, digitali longitudine: semine in pappum desinente: quarum una hispita est, latiore folio: altera lquis, angusto folio, quod hyeme venit in olera antequam caulescat. Tertia in montibus, folio ad Hederam accidente. omnibus serrata insunt folia, hæc ex genere Onagre censenda sunt.

Ascle-

C A P. L X X I I .

A SCLEPIAS tota facie Apocynum, quam inter frutices posuimus, representat: nascitur in sylvis: multis, & tenuibus radicibus, pluribus virgines, rectis, simplicibus, cubitalibus, succo latèo: folia insunt Hederæ in acutum desinentia: circa summas virgas racemuli sunt in alis foliorum, in quibus flosculi candicantes, ut siliquæ crassifuscæ in acutum desinentes, quæ rimula à latere dehiscentes semina ostendunt farcta, oblonga, & depressa, argenteis quibusdam pappis adnexa, quidam hodie Vinee toxicum vocant, quia venena depellit, quam uis alia apud recentiores medicos eo nomine accipiantur. appellatur etiam à quibusdam Hirundinaria ob seminis similitudinem. Dioscorides describit: ramis longis; foliis Hederæ, longis: radicibus numerosis, tenuibus, odoratis: flos graue olet: semen Securidacæ: nascitur in montibus: radices in vino potæ rorminibus, & venenatorum morsibus subueniunt: folia illita, maleficiis mammarum, & vteri vitiis opitulanter. Plinius eadem tradit, tantum radicis odor in hac nostra nequaquam evidens est.

C A P. L X X I I I .

C HELIDONIUM maius, vulgo Celidonia, nascitur inter sepes, & in ruderibus prope maceris; herba coloris ex albo cærulei: caulis cubitalibus, ramosis; foliis diuisis, Ranunculi modo, sed pluribus in uno pediculo: flores in racemulis fert luteos, figura Leucolej: siliquas tenues, digitæ longitudine, in quibus semina sedent in duobus lateribus nigra, & splendentia: radicem pollicis crassitudine, in multis fibris desinentem, colore croceo: succo madet tota planta croceo, amata, mordens, graue olens. Dioscorides describit caule geniculato, cubito altiore: foliis Ranunculi, mollibus, glauci coloris, subamaris, graueolentibus: radix superne unica, inferne fibrosa, croceis capillamentis: siliquæ Papaveris corniculati: semen Papavere maius: floret in aduentu hirundinum, & discessu marcescit; unde nomen. sunt, qui scribant Hirundines pullis suis in nido mederi illa vitium cæcitatis abstergentes. Apud Theophrastum Theodorus Hirundinariam vertit: floret inquit in aduentu Hirundinum. Plinius maius Chelidonium inquit, constat frutico so caule: foliis Pastinacæ erraticæ, amphoribus: ipsa altitudine duorum cubitorum; color albicans: flos luteus: succus Croci, mordax: semen Papaveris: Hirundines hac visum pullis restituunt: distillatur hodie aqua ad oculorum nubeculas; vtuntur radice inserentes cauis.

cauis dentibus : purgat enim & dolorem tollit, de minori Chelidonio
alibi dicendum .

C A P . L X X I I I .

PAPAVER corniculatum, foliis & flore similitudinem habet cum Papauete : fructu valde distat ; non enim calycem fert , sed siliquam palmo longiore , cornu modo cui uam, ac duram, in qua semina nigra continentur, sed tamquam catni infixa: qua tota siliqua repletus, duobus lateribus adnexa ; folia longiora , quam Chelidonij, lateribus sinuata magis quam diuisa, candida, aspera, lanugine obducta : flores in suimis ramis pallidi, magnitudine & figura Papaueris : oritur in montibus , sed copiosè in maritimis, cubitali altitudine . Dioscorides describit foliis candidis, hirsutis, Verbasco similibus, in ambitu incisis, vt sylvestre Papauer : caule simili : flore pallido : fructu Fenugreci, corniculorum modo inflexo : semine Papaueris, pusillo , nigrō : radice per summa cespitum nigra, crassa, in maritimis asperis . Noxas similares assert fumentibus, quas Opium , & similem habet curationem , vt libro sexto inter venena tradit, quod mirum videtur, cum eius temperamentum calidum statuatur à Galeno : quod patet ex effectu; nam semen acetabuli mensura purgat aluum cū aqua mulsa : radix decocta in aqua ad dimidium, & pota, medetur ischiadicis, afferibus lecineris, & mengentibus crassa , & areneosa : folia & flores vlcera emarginant illita ex oleo, exterunt enim carnem tenellā, & crustas auferunt. An foliis, & floribus, & succo inest vis deleteria partim cum caliditate, partim cum frigiditate soporifera ? ideo nemo ea intus exhibet . Theophrastus inter ea , quæ æquiuoce dicuntur , Papauer corniculatum recenset, nigrum esse : foliis Verbasci nigri , sed minus nigris, cubitalis altitudinis : radice breui per summa cespitum : fructibus inflexis corniculorum modo , qui per messem colliguntur ad aluum purgandam : nascitur iuxta mare, locis faxosis . Plinius inter genera sylvestris Papaueris , Cetatitum vocari inquit nigrum , cubitalis altitudinis : radix crassa , corticosa : calyculo inflexo , vt cornu : folia minora & tenuiora , quam cæteris sylvestribus : semen exile . Nec absurde Verbasco nigro comparantur folia à Theophrasto & Plinio , nam adulta planta nigriora redundunt, quæ initio candida, vt Dioscorides testatur .

C A P . L X X V .

LEONTOPE TALON radix est rotunda, & magna, Rapi modo, nigra, & tuberosa, vnde incipiente vere emergunt folia, longis & tenuibus pediculis , ramolis , in quibus folia inæqualiter diuisa,

divisa, & subrotunda, canticantia : cauliculis dodrantalibus, in quo parua sunt folia, & ramuli, quibus insident flosculi pallidi, quales in Chelidonio : siliquæ breues : paucis seminibus : peregrina apud nos. Audio in Apulia copiosam. Alia in montibus umbrosis ; minori radice, flava, & excavata : foliis tenerioribus, ac tenuius scissis, ad Fumiterra fo- lia accendentibus : caulinum breuem, & simplicem fert, cui in mediotantum sunt folia, ut in Anemone : flosculi tamquam in spica concaui, & purpurei, figura Fumiteerae maiores. Audio & flore candido reperiri. siliquas paruas, alteri similes fert ; nigro semine : hac in Germania viuntur pro Aristochia : quidam Pistolochiam vocant : utriusque folia breui tempore adsunt ; Vere tantum florent. Diocorides Leontopetalon non absimilem his tradit : caule dodrantali, aut altiore ; plurimis aliis, in cacumine semina parua, duo, aut tria in siliquis Ciceris modo : flores Anemomæ similes, puniceos ; fo'lia Brassicæ, sed Papaveris diuisura : radices Rapi modo, nigras, strumosas : nascitur in aruis, & segetibus. Plinius similiter describit : fo'lia Brassicæ ; caule semipedali : alæ multæ : semen in cacumine in siliquis, Ciceris modo : radix. Rapæ similis, grandis, nigra : nascitur in aruis.

C A P. L X X V I.

SPLIT vulgo appellatur in præruptis Alpium, & saxonum crepidi-
nibus, herbula numerosis cauliculis, dodrantalibus, teneris : fo-
lia Fumiterraæ : flosculis quoque similibus, colore pallido : sili-
quas exiles fert, in quibus semina atra continentur : radices tres, aut qua-
tuor inuicem intortas, pallecentes, amarissimas, quibus magna vis
ad cerebri, & neruorum, articolorumque morbos sanandos, ut paraly-
sim, tremores, conuulsiones, dolores, ad quem usum radix in vino co-
quitur olla crusta panis obstructa. Huius dectionis exhibentur vnciae
duæ ieuno ventriculo semel in die, qua potione initio veluti ineptiæ
videntur. Quinta ad sumum liberari traduntur. Hanc Pistolochiam
esse apud Plinium existimo, inter Aristochias quarti generis, de qua
inquit, tenuior, quam Clematitis, densis radicis capillamentis, lunci-
plenioris crassitudine. hanc quidam Polychizon cognominant : con-
vulsis, contusis, ex alto præcipitatis radice porta ex aqua utilissima esse
traditur : semine pleuriticos, & neruos confirmare ; excalfacere ; eadem
Satyron est, idest Venerem stimulat.

C A P . L X X V I I .

FVMARIA, quæ & Fumusterræ à recentioribus medicis vocatur, tenera herbula est, passim in hortis, & inter segetes, etiam in parietibus nascens: pluribus, & in firmis ramulis, angulosis: foliolis multifariam diuisis, instar Apij tenuioris, candicantibus: flosculos in oblongis racemulis fert, tenues, & oblongos, purpurascentes: fructus rotundos, ac præduros veluti parua capitula, vnico intus semine. libuit autem inter has recessere, quoniam in cæteris magnam video affinitatem. Quædam extat longioribus caulinulis: rarioribus foliis: flore candicante. Dioscorides Capnon græce vocat, quasi fumum: fruticosa inquit herbula est prætenera, Coriandro similis: foliis candidioribus, vndeque numerosis, cineracei coloris: flore purpureo. Plinius Capni duo genera facit: primam, quam Pedes gallinaceos vocant, nascens in parietibus & sibibus; ramis tenuissimis, sparsisque: flore purpureo: viridis succo caliginem discutit, itaque in medicamenta oculorum additur. Hanc Hermolaus existimat esse, quam hodie vulgo Cimbalaria vocant, de qua nos alibi. de altera inquit, similis & nomine & effectu alia est Capnos fruticosa, prætenera: foliis Coriandri, cineracei coloris: flore purpureo: nascitur in hortis & segetibus hordeaceis. claritatem facit inunctis oculis, delachrymationesque ceu fumus. vnde nomen accepit, quæ descriptio eadem est, cum ea, quæ traditur à Dioscoride. Quid repugnaret, si his significari dicamus duo Fumariae genera prædicta? nam & si vna est flore candicante, in eodem tamen flore purpureum quid inest, oriturq; magis in parietibus, & circa maceris: cum altera in aruis magis proueniat. Mesues simili modo duo genera facit; nam quædam inquit, florem fert subalbidum, cineritium: altera pallecentem, violaceum, idest purpureum. recenset inter medicamenta purgantia, infirma tamen; nam euacuat flauam bilem, & humores adustos, ideo confert lepræ, scabiei, pruritui, & Iecinerosis; clarificat sanguinem; eligit autem eam, cui flos subviolaceus. Testatur Dioscorides herbam bilem ducere per vrinam, succum oculis iniunctum claritatem visus facere; ob id Aerius Chelidonium appellari tradit, vt Hermolaus putat, ob similem effectum: Capnum inquit in curatione iecinoris obstructi, appellatur etiam Chelidonia; eius succus expressus, & siccatus reponitur redactus in pastillos, & semel quidem adhibitus dolorem omnem adimit, ter autem præbitus in totum ab affectione liberat, & firmitatem visceribus addit: datur cum vino, aut aqua mulsa, idem præstat herba decoctum, etiam si valde febricitent ærgi: aliquando herba ipsa exsiccatur, eiusq; puluis exhibetur colectati mensura, alibi Chelidonium Phragmitem vocat, quia liberat ab infarctu.

C A P. L X X V I I I.

GENTIANA non nisi in Alpibus prouenit; caulis rotundis,
rectis, simplicibus, bicubitalibus: foliis Plantaginis, maiori-
bus, per interualla binis: flores circa summas virgas, in orbem
dispositos per interualla, luteos, in foliola explicatos, stellæ modo: fol-
liculos breues, & latos, in quibus semina cōpressa: radices in diuersa tē-
dētes, longas, lertas, pallidas, ex crassa quadam nigra exorientes, amaras.
Dioscorides Gentianam appellatam ab inuentore Gentio Illyriorum re-
gescribit: foliis ab radice quidem Iuglandi, aut Plantagini similibus
subrubris, à medio autem caule, & prope cacumen paulum dissectis:
caule concavo, læui, digitæ crassitudine, geniculato, & per maiora inter-
ualla foliato, bicubitali: semen in calycibus habet, latum, sine pondere,
paleaceum, ad spondylium accedens: radicem longam, Aristolochiæ
longæ similem, crassam, amaram: in altissimis montium iugis, & um-
brosis, aquosisque: vis radici inest calfactoria, & astringens, bibitur ex
vino ad mortus serpentum: ex eadem succus extrahitur decoctione, qui
inspissatur, optimum remedium dolori laterum, lapsis ex alto, ruptis,
conuulsis, hepaticis, & stomachicis potus ex aqua drachmæ pondere:
radix subdita eicit partus, vulneribus quoque, & ulceribus sinuosis vti-
lis. Plinius scribit ubique nasci, in Illirico tamen præstantissimam: foli-
o Fraxini, sed magnitudine Lactucæ: caule tenero, pollicis crassitudi-
ne, cauo, & inani, ex interuallis foliato, trium aliquando cubitotum: ra-
dice lenta, subnigra, sine odore: aquosis montibus subalpinis plurimæ.
componitur ex hac apud Mesuem, & alios plerosque medicos Theriacæ
Diateßaron idest ex quatuor rebus, scilicet addita Aristolochia rotun-
da, Myrrha, & baccis Lauri æquali portione, quæ vicem explet Theriacæ
magnum. Dioscorides alio modo Diateßaron facit exhibens percussis à
serpente radicis Gentianæ drachmas duas cum Pipere & Ruta & Vino.

C A P. L X X I X.

VINCITOXICVM à recentioribus medicis vocatur, & Anti-
pharmacum, herba in montibus Getianæ similis: breuiori cau-
le, non ultra binos palmos, purpurascente: folia fert Saponariæ,
longiora, & angustiora, in tenuem mucronem desinentia: flores inter
folia cœruleos, oblongos, & concauos, parum dissectis labris: siliquas
in calyce similes Asclepiæ: radices plures Buxei coloris, longas, digitæ
parui crassitudine, amarissimas. extat in hoc genere quædam, cuius ra-
dices pertusæ eo ordine, vt crucis formam ostendant, vnde Cruciatæ vo-
catur:

catur: flotibus purpurascientibus, pluribus, in summo caule congestis: circa folia, quæ paulo sunt angustiora: extat & breuior, palmi altitudine. De Vincitoxicō Mattheus syluaticus scribit, multum reperiri iuxta Elleborum nigtum: caule violaceo, longitudinis vnius, aut duorum palmorum, foliis Persici: valere contra venenum: ingredi in Theriacam Diatestalon, quasi hæc pro Gentiana accipiatur, nam apud Mesuem & reliquos authores non Vincitoxicum legitur, sed Gentiana. celebrantur radices harum in febribus pestilentibus, & ad vermes enecandos singulari remedio. Alij pro Vincitoxicō accipiunt, eam quæ Asclepias vocatur à Dioscoride, non absimili forma prædictis.

C A P . L X X X .

QVAEDAM in Alpium pratis pusillæ, quatuor digitos, aut palmum non excedentes, amarae, foliis Centaurij minoris, paucis: flores, & fructus eosdem ferunt cum supradictis: radicem paruam, & similiter Buxei coloris. different inter se magnitudine, & paruitate foliorum, aut florum: flores omnibus concaui, & sectis labris magis minus, plerisque colore cœruleo, quibusdam candicantes, omnes Gentianæ congeneres.

Finis Libri Sexti.



X I X T U R A S

V
AN-

ANDREÆ CAESALPINI

A R E T I N I

DE SVFFRVTICIBVS ET HERBIS.

L I B E R S E P T I M V S.

C A P . P R I M V M .



O ST Q Y A M eas plantas perfecti sumus, quibus solitaria sub singulis floribus data sunt semina, aut sim plicia seminum conceptacula: iam explicemus, quibus bina semina, sub singulis floribus continentur, ut vniuersum genus Ferulaceum: post hęc autem de iis dicemus, quę seminū conceptacula bipartita ferunt. Appello genus Ferulaceum, quodcumque Ferularum modo floret, ac semen fert: caulem omnia fere fungosum gerunt, geniculatumque: ramos alternatim, à dextris & sinistris tantum, ramorumq; surculos eodem ordine, sed secundum alteram dimensionem: floret non solum in cacumine, tum caulis medij, tum ramorum, sed etiam à latere in tertia surculorū productione, atque aliquando etiam in quarta, vt Feniculus, & quibus diurna est, floris productio: extremi surculi in multis ex eodē callo veluti radios finduntur, quibus summis flosculi numerosi insident, rotundam superficiem cōstituentes, specie umbraculi; ideo umbellæ appellantur: latissima, quæ in medio caule, eademque prima exoritur, ei succedunt & tempore & magnitudine, quæ in summis ramis maioribus, minimę omnium ac postremę, quæ in ramorum surculis: flosculi summis seminibus insident, constantes ex foliolis: semina bina sub singulis flosculis, inuicem adeo coniuncta, ut vnicum videatur, nec prius abscedunt, quam perfecta fuerint & exsiccata, eorum cor in parte superiori existit, qua flos insidet; folia plurimis lato pediculo constante caulem cingente internodiis & magna ex parte secta, & in ramos distributa; aut tripattitis assidue ramis vt Apio. Ferulis, Feniculo; aut à medio pediculo pluribus coniugatim exeuntibus, vt Pastinacę, Sio: pauca in hoc genere integro folio constant, plurima verò acria sunt, & odorata; alia quidē semine; alia radice; nonnulla etiā foliis & caule sunt & quę la chrymas fundat medicatas, idcirco ex hoc genere multa remedia medici elicunt: quedā & inter olera assumuntur; quedā & cōdimētis experūtur.

C A P. I I.

FERULA altitudine caulis ; & crassitie forme specie arborea constat ; nam ad quina, & sena cubita adolescit, crassitudine brachij : foliis latissimis, tenuiter incisis ferè capillamenti modo, vt Fæniculi, pediculo caulem vestiente , vt in Harundine : vmbellas fert latas, conuexa superficie , vt Anethi : flosculos pallidos : semen latum , & depresso, subnigrum, vnguis magnitudine , acre : radicem crassam , ramosamque , lacteo succo manantem . Ejus duo genera : Mas crassior , & brevioribus internodiis ; latiore semine : radice candida : foliis tenuius scissis : fæmina erectior , geniculis magis distantibus ; foliorum segmentis angustis quidem, non tamen capillaribus, vt maris : radice nigra exterius. Vtriusque caulis, cum exaruerit, laevissimus est , quia fungosus, adeo tamen robustus, vt sufficiat pro baculo ad substantandam senectutem : exarescit autem perfecto semine in æstate . eius substantia igni familiatis, nam instar funiculi ignem conceptum tamdiu seruat, donec totus contabescat. Viunt radice diutius : autumno & per totam hyemem folia ab radice emittunt : ineunte vere caulescunt : mas paulo ante æquinoctium , veluti ouum in medio foliorum producit, quod estur sub cineribus coctum , id in dies in scapum adolescit . Fæmina paulo tardius caulem attollit : gaudet regione calida , & læto solo : frequentes in Sicilia, & apud nos in monte Argentario . Theophrastus genus Ferulaceum inter suffrutices recenset , hanc quidein Ferulam, alteram vero Ferulaginem vocans vt Theodorus vertit : græce enim hæc Narthex, illa Narthecia vocatur; caule neruoso constat, vnde & ferulacea dicuntur, quæ nervicaulia sunt ; medullam habent carnosam, solutam, & membranis similem : natura earum similis est, vt patet, præterquam ratione magnitudinis : Ferula enim grandis admodum allurgit : Ferulago autem parua; sed vniciales ambæ , & geniculatae sunt : folia & coliculi quidam geniculatis erumpunt , ac alternatim excent, id est non ex eadem parte geniculorum, sed permutatim : caulem magna ex parte folia amplectuntur, vt Harundinea , sed ratione magnitudinis , & mollitiei magis deflexa : nam folium his grande, molle, multifidum, fere capillamenti modo, maximaque terræ proxima, & reliqua subinde ad proportionem : flos melinus : semen fulcum, Anetho simile, maius : caulis in cacumine finditur in plures stipites, non magnos , quibus flos , & semen insidet, neque iidem carent laterales caules, sed Anethi modo ferunt: Annuus est caulis: germinatio autem vere primo foliorum, deinde caulis, radice alte descendit , eademque singulari innititur, hæc Theophrastus : ex quibus conicerelicit Ferulam intellexisse, quam nos marem appellauimus. Ferulaginem

nem autem, aut nostram fæminam, quamquam in lœto solo, non solum non est humilior mare, sed & altior, gracilior tamen, aut aliud quoddam humilius genus ex dicendis. Plinius Theophrastum secutus inquit. Ferulam calidis nasci locis, atque trans maria, geniculatis nodatam scapis: duo genera: Narthex assurgit in altitudinem: Narthesia semper humiliis: à genibus exeunt folia maxima, ut quæ terræ proxima: cæterum natura eadem, quæ Anetho: & fructus similis. nulli fruticuro leuitas maior: ob id geltata facilius baculorum vsum senectuti præbet: seruat quoque optime ignem: præcellit in Aegypto. Quæ ab uno caule diuiditur in cacumine, fæmina putatur. caules eduntur decocti, commendanturq; musto, & melle, stomacho vtiles: sin plures sumpti, capitis do lores faciunt. Dioscorides Ferulam tantum describit, & breuiter in hunc modum, caulem inquit profert ternum sæpe cubitorum: folia Fæniculi, multo crassiora, & maiora: ex ea quoque Sagapenum fit properadice incisa: de Sagapeno alibi seorsum agens inquit: succum esse Ferulæ in media nascentis, de quo nos suo loco agemus.

C A P. I I I.

THAPSIA apud nos in Ilua nascitur Ferulæ fæminæ similis, minor, & candidior: caulem fert non excedentem bina cubita, candicantem veluti cinere asperso: folia proportione minora, sed latioribus segmentis, & subcandida: florem similiter luteum in umbellis: semen autem candidum, striatum, crassius & longius, in foliacea quædam labra desines: radix subest candida, crasso capite, in ramos diviso, succo lacteo, valde acri, ut tractantium & manus & facies intumescant. Theophrastus simili modo radicem Thapsiæ candidam scribit: caulem ferulaceum; folium Fæniculo latius: radix inquit vomitoria est, & si quis contineat, purgat tam superius, quam inferius: liuida tollere potest: radicis succus validior est: secunda aduerso vento, & corpore oleo peruncto, ne intumescat. Plinius inquit. Quidam Ferulæ semen Thapsiam vocauere, decepti tamē, nam Thapsia sine dubio Ferula est, sed sui generis: foliis Fæniculi; inani caule, nec excedente baculi longitudinem: semen quale Ferulæ: radix candida, incisa lacte manat, & contusa succo, nec corticem abdicant: omnia ea venenata, nam etiam fodientibus nocet, si minima aspirat aura, intumescunt corpora, faciemque invadunt ignes sacri, ob id cerato prius illinunt. Nero Cæsar claritatem dedit, nam nocturnis crassationibus conuerberatam faciem succo illinebat cum Thure & cæra, & sequenti die cutem synceram contra famam circumferebat. Dioscorides Thapsiam paulo aliter describit, ut videatur non hanc intelligere, sed Ferulaginem, quam nos Ferulam fæminam

appellamus: inquit enim ab insula Thapso, vbi primum inuenta est, non men inuenisse, & inter cætera nomina Ferulaginea à Romanis vocari: tota natura Ferula similis est, tantum graciliore caule; etiam folia habet Feniculo similia; in cacumine autem umbellas, in singulis ramis Anetho similes, in quibus flos luteus: semen latum, ferula simile, tamen minus: radix magna est, intus alba, exterius nigra, crasso cortice, acri, succus quoque inest lacteus, quem excauata radice colligunt, sed habitu adeo acri, ut tractantibus pustulas in facie excitet, præcipue aduersa ventilante aura: tam cortici radicis, quam succo inest vis purgandi; nam utrinque flauam bilem extrahunt, ex alto quoque humores eliciunt. Mesues proculdubio utrumque gen' Thapsia Turbith appellat, inquit enim: Thurbith est radix herbae, cuius folia sunt sicut folia Ferulae, minora tamen, & est ex habentibus lac. reperitur sylvestre, & domesticum: & ex eo etiam est magnum & paruum: & adhuc aliud album, aliud citrinum, aliud nigrum. Quod in locis siccioribus nascitur, sit gummosius propter spissitudinem lactis eius; in humidioribus è contra, quod deficit à septem conditionibus, quæ bonitatem eius ostendunt, ut scilicet sit album, & concavum, harundinosum, & gummosum, & sit cortex eius cineritius, & planus, & sit recens, & friabile: citrinum vero malum est, & nigrum peius; crassum est non bonum, & similiter quod tenue est, nam imbecille: & rugoso cortice, & quod interius, dum frangitur, nervos habet, sylvestre est & malum: quod non est gummosum, imbecille est, & ventris conturbantium, adulterant super illinentes gummi dissolutum: deprehenditur fracturis; nam caret gummi. quod est nimis recens, est conturbantium, & subversionem facit viscerum: vetustum imbecille est, ideo eligitur id, quod in mediocritate consistit. euacuat humores tenues: quod, si addatur Zinziber, educit humores crastos, & viscosos à partibus longinquis, & articulis, & locis profundis. pondus eius contriti exhibetur à drachma una ad duas: decoctionis autem à drachmis duabus ad quatuor. ex his patet indicati à Mesue nomine Thurbith nigri Thapsiam Dioscoridis, quod genus improbat. Thurbith autem album Thapsiam esse Theophrasti. Tam Dioscorides, quam Mesues corticem radicis assumi testantur, conueniunt & in facultate, nam & superius, & inferius purgant, ut Graeci assertunt: quod Mesues inquit purgare cum subversione & nausea, illi bilem ducere: Mesues humores tenues scribit, de pondere exhibendo non conueniunt Dioscorides & Mesues, quia hic nigrum, ille album assumit: Dioscorides radicis obolos quatuor, succi obolos tres, lactis obolum unum, si amplius, periculosum esse: Mesues radicis drachmam unam usque ad duas exhibet, succum solum non exhibet. Galenus maximam differentiam esse recentis ad vetustiorem testatur: vis enim huius pharmaci post annum multum

multum exoluatur, atque amplius adhuc post duos annos, ad triennium penitus inutilem esse audet proferre. Mesues recentem abdicat ob vehementiam, veterem ob ignauiam. Testantur hodie qui Turbith ex Apulia ferunt, radices esse Thapsiæ, ut ex his fateri liceat idem esse Turbith, & Thapsiam. Alia tamen fuit sententia apud Actuarium inter Græcos recentiores; nam Turpetum (sic enim appellas) Titimalis ascribit: album quidem esse Alypiæ radicem, nigrum vero Pythyusæ. Ac longe diuersa est Serapionis opinio: putauit enim Turbith essē apud Dioscoridem Tripolium: sed radix, quæ in hunc usque diem pro Turbith venditur, nec Tripolio conuenit, nec Alypiæ, nec Pythyusæ, de quibus suis locis erit manifestum. Thapsiæ succus, aut lachryma, quod sciatur, non adfertur hodie ad nos, quamvis radix succosa, & sincera habeatur etiam ex Orientalibus, sed ob vetustatem infirma, ut eum usum præstare nequeat ad extrahendum ex alto, quem sinapis, & cataplasmata ex succo Thapsiæ præstabant apud antiquos.

C A P. I I I I.

A patuas Ferulas reduci posse videntur, quædam genera, Panacis, Libanotidis, & Peucedanum; omnibus enim folia Fæniculi, & radices succo planæ. Panax Asclepium in montibus prouenit; foliis capillaribus, ut Fæniculi, subcandidis: caulem fert rotundum, cubitalem; geniculis crassis, cingentibus non solum caulem, sed & ramos: flores luteos: semina rara in umbella, Thapsiæ albæ similia, candida, & striata: radice nititur alba, crassa admodum sed breui, à qua rami sparguntur. Theophrastus de hoc genera Panacis tradit; radice constat magnitudine palmi, candida, & valde crassa, cortice crasso; & salso: caule undique geniculato: folio simili Thapsiæ, sed crassiori. Herbarij hanc effodientes, varium genus frugum vicissim terræ iniicere solent, & placentas veluti mercedem quamdam exoluentes. Plinius eadem ferme refert: radicem scilicet multi corticis, & salsi, ex qua succus extrahitur Opopanax. hanc sententiam sequutus videtur Mesues, nam Opopanacem extrahi testatur ex planta Ferulæ simili, cuius caulis cubitalis, aut bicubitalis est, pallidus; folia Ferulæ, minora: flores aurei, odorati, Antho similes: incidi huius caulem prope radicem: egredi humorem croceum, qui coagulatur, & fit Opopanax. Dioscorides tamen ex alio genere Panacis scilicet Herculeo, haberi Opopanacem testatur: de Asclepio autem inquit, caulem tenuem fert, cubitalem, geniculatum: circa quæ folia funduntur Fæniculo similia, maiora tamen, & hirsutiora, odorata: in cacumine umbella, in qua flores aurei, acres; & odorati: radix autem parua. At hæc conditio dissonat; repugnat enim ceteris authoribus.

bus. ostendo autem Dioscoridis Asclepium ex Sicilia allatum : foliis circa radicem stratis , densis ; foliorum capillis breuibus , subhirsutis : caulinculo tenui : vmbellis luteis : seminibus compressis , magnitudine Feniculi ; perficitur sub Cane : radix digitii crassitudine, nigra.

C A P. V.

ALIA in montibus nascitur , quam quidam pro Meu falso accipiunt : radice non breui, ut supradicta, sed profunda, cubitali, crassa, candida , medulla intus flauescens : caulis ab eadem radice pluribus, rectis, striatis, bicubitalibus, ex viridi pallescentibus : foliis capillaribus, figura Fæniculi, ut supra dicta : flores luteos fert : & semina nigricantia, depressa, & oblonga, ut Ferulæ fæminæ. Hanc quidam inter Libanotides reponunt : ego potius ad Ferulaginem ; huic enim magis conuenit conditio tradita à Theophrasto & Plinio ; nam Ferula comparata, cui similis est, parua dici potest, & humilis .

C A P. VI.

PEVCEDANVM in Sicilia nascitur , vnde translatum ad nos semen, plantam produxit aspectu similem Panaci Asclepio , & supradictæ Ferulagini : longioribus foliis, erectis, hirsutis, pediculis densis , ac breuibus eorum capillamentis : caulem tenuem , ac lœuem fert, cubitalem : flores luteos : semina oblonga, striata, in foliaceam latitudinem desinentia, sapore resinaceo : radix Pastinacæ figura, sed cortice atro : madet succo multo, qui concrescit in lachymam, Thuri similem, non solum colore, sed & odore ; at sapor acris , & amarus est. in totum videretur Panax Asclepium Dioscorides , nisi constaret grandioribus foliis, erectisque : caulem gignit, cum folia dimiserit , prope finem aestatis ; perficit aduentante hyeme. Dioscorides Peucedanum inquit : caulem emittit tenuem, gracilem, Fæniculo similem, comam habet circa radicem , copiosam , spissamque : florem luteum : radicem nigrum , crassam, graui odore, succo abundantem : gignitur in montibus opacis: tenera radix conciditur, & profluens è plaga succus vmbrae mandatur ; nam in sole confestim euanescit : Qui colligit nares prius ; & caput rosa- ceo perfundit, ne dolor capititis, & vertigo prement : colligitur lac & succus tum ex radice , tum ex caule : inuenitur etiam concreta lachryma Thutis similitudine, caulis , radicibusque adhærens : præfertur succus è Sardinia , & Samotracia , colore ruffo , odore graui, gustu feruens . Plinius, inter primas celebrari, inquit, Peucedanum, laudatissimum in Archadia ; mox Samothracia, caulis est ei tenuis longus, Fæniculo simili,

lis, iuxta terram foliosus : radice nigra, crassa, grauis odoris, succosa : gignitur in montibus opacis, fodiuntur exitu autumni : placent tenerime, & altissime radices, haec conciduntur in quaternos digitos osseos cultellis, funduntque succum in umbra, capite prius, & naribus rosaceo per unctis, ne vertigo sentiatur, & aliis succus inuenitur caulis adhuc, incisisque manat. Theophrastus Peucedanum radix, inquit, vtilis est annis quinque, aut sex : vim calefactoriam habet : quidam ex ea vnguentum Sudatorium faciunt : datur & ad lienes : semen inutile est: nec succus illa in re prodest. An hoc dixit, quia facile spirat, & euaneat, ut Dioscorides testatus est: nam & lachryma ob id infirmior succo apud eundem est?

C A P . V I I .

LIBANOTIS candida, cuius semen Cachrys vocatur, ex Sicilia traslata ad nos est : semen est crassum, & rotundum, ac striatum, osso cortice candido, quo fracto nucleus intus apparet albicans, multo amplior, quam in Erithmo, feruenti gustu, & resinoso : radix unica est, profunda, & candida, acris : folia ab radice non in longitudinem extensa, lateralibus tantum ramis, ut in Peucedano, & Ferulis, sed in orbem tripartita, assidue, scissorem in tennitatem Feniculo crassorem, erecta, & praedura, ut integrum folium turbinis figuram referat, in his lachryma concrescit prope pediculum, rufa, odorataq; : caulem ad huc videre non licuit, quamuis per multis annis adhuc vivat in horto Pisano ex praedicto semine orta. Dioscorides eam hoc modo describit: Genus fertile Libanotidis, cuius semen Cachrys vocatur : folia habet Feniculi, crassiora, & latiora, specie trochi, terrae incumbentia, iucunde olentia : caulem cubiti altitudine, aut maiorem, multis concauam alis in cacumine umbellam, in qua semen copiosum, candidum, Spondylio simile, rotundum, angulosum, acre, resinaceum, quod in mandendo linguam exurit : radix Thus redolet, candida, prae grandis : sed in hac descriptione dissonat Spondylji similitudo, nam depresso eius semine fere in foliaceam tenuitatem, huic rotundu & plenu, ut Crithmi, & Hippomarathri, quae Dioscorides Cachryi comparat. An satis est magnitudine spondylium emulari? in hac planta dicere possumus sterile quoddam repertiri, quod neque caulem, neque florem, neque semen ferat, in ceteris illi simile, quod fertile est, ut tradit Dioscorides, quod & multis aliis contingit, non propter speciei diuersitatem, sed affectionem quamdam, ut alibi ostensum est. nascitur inquit sterile in saxosis & asperis : sed apud Theophrastum tum sterile, tum fertile aliter describuntur, de quibus ali bi a nobis dicitur.

C. A. P. V. I. I.

LIBANOTIS nigra, vulgo accipitur pro Peucedano, in monte-
s & vmbrosis nascitut: foliis ab radice similibus Cachryi,
mollioribus, longioribus, & orbem maiorem prope terram de-
scribentibus: radicem fert modo candidam, modo nigram, altè descen-
dentem: caules bicubitales, tenues, ex medio foliorum orbe exeuntes,
duos, vel tres, quibus rami prope cicutina simplices, & vmbellæ: flo-
ribus luteis: & seminibus in fine autumni, depresso fere in foliaceam te-
nuitatem, in latitudine, oblongis, & nigricantibus, acribus, & odoratis.
Dioscorides inquit: est & alterum Libanotidis fertilis genus, omnino
consimile, semen ferens latum, nigrum, ut Spondylium, odoratum, mi-
nime exurens: radice foris nigra, intus, si frangatur, alba.

C. A. P. VI. X.

FAENICULVM hortense caule constat cubitali, & paulo altiori,
recto; vmbellas fert latas: semen crassum, in rotunditate oblon-
gum, candidum, sapore subacri, aromatico: scribitur in hortis pro
condimentis, & obsoniis, sed anno secundo transit in sylvestrem. Sylve-
stre sponte in incultis nascitur montuosis, saxosisque: caulibus ab ea-
dem radice pluribus, ad tricubitalem altitudinem, & amplius: vmbel-
las fert tenuiores: ac semina exiliora, acrioraque: radicem crassorem,
ramosam, candidam, acrem. Folia vtriusque longis & rarissimis capillamen-
tis constant: tenella germina sylvestris cocta veniunt in cibos inter ole-
ra. flores vtrique lutei, qui crudi placent inter obsonia; nam subacres,
& aromatici. Dioscorides Marathron vocat ipsum satium, quod tam-
quam notissimum non describit: sylvestre autem Hippomarathron, quod
inquit magnum est, & semen fert simile Cachryi: radix iucunde olet.
Galenus de sylvestri Feniculio inquit: præ magnitudine Hippomara-
thrum appellatum est: huius non radix modo, sed multo magis semen
Cachryi ad simile est. Theophrastus Feniculum inter olera recenset, &
suffrutices Ferulaceos; nam veluti neruicaule est: lemine nudo: sua-
olentiam præstat: meminit & Hippomarathri, Equisfeniculum Theo-
dorus vertit, inter suffrutices Ferulaceos. Plinius Feniculum scribit à
serpentibus nobilitatum; quoniam gustatu senectam exeunt, & oculo-
rum aciem succo eius reficiunt, vnde intellectum est, hominem quoque
caliginem præcipue eo relevare: colligi succum caule turgescente: in
sole siccari, & melle inungi. Laudatissimum in Iberia fieri è lachrimis
& ex semine recenti: ex radicibus quoque fieri prima germinatione in-
cisis.

cisis. est & sylvestre, quod alij Hippomarathon vocant, alij Mylineum; foliis maioribus, gustu acriore, procerius; radice brachiali crassitudo, candida: nascitur in calidis & faxosis,

C A P. X.

ANETHVM seritur in hortis; nam folia recentia ad condimentum incoquuntur, præcipue cum recentibus Piscolis, suaveolentiam simul, & coctionis facilitatem in ventriculo præstantia, capillamentis constat Feniculo tenuioribus, & magis odoratis: caulis cubitalis: vmbellæ latæ, conuexæ, ex tenuibus festucis constantes: flosculi lutei: semina depressa, ac rotunda, fulua, subacria, & odorata: annua est planta. Theophrastus recenset inter olera: semine nudo: suaveolentiam præstat, ideo ad vnguenta vtuntur: exit à satu die quarto: radix lignosa, vni stirps, non prolixa, neque fibris multis, constat multis caulinibus, multisque ramis. nec Plinius, nec Dioscorides describunt, sed ex aliis plantis Anetho comparatis facile colligitur eam esse, quæ nomen in hunc usque diem seruat.

C A P. X I.

ANETHVM sylvestre in Sicilia nascitur, grandius satiuo: caule crasso: foliis amplis, vt Feniculi, sed odore Anethi, quamquam infirmo: vmbellis amplioribus: flore luteo: semine exiguo fermentè, vt Armeos, subacri: radix parua, & lignosa: est annua. hac herba equos purgant; nam miro modo eius usu vegetiores redduntur.

C A P. X I I.

MEV in Alpibus nascitur; foliis Anetho angustioribus, longioribusque, & tenuioribus, crerioribusque capillamentis: caule cubitali, & altiore: flore luteo; semine Feniculi oblongiore: radix nigra exterius, in longas fibras diuisa, odore valido, sapore amaro. Quidam Imperatoriam vocant. Dioscorides inquit, Meon congnomine Athamanticum in Macedonia, & Hispania plurimum gignitur: foliis & caule Anetho simile, sed crassius, alicubi altitudinis bicubitalis: radicibus sparsis in obliquum, tenuibus, rectis, longis, odoratis, linguam calfacientibus. Plinius duo genera facit: nobilius Athamanticum: seri in Italia non nisi à Medicis, & iis admodum paucis: foliis Anetho simile (ubi depravate Aniso legitur), & caule aliquando bicubitali: radicibus multis, & obnigris, quibusdam altissimis, minus rufum

quam illud alterum. An quod *Anethum sylvestre* appellauimus ad Meum ignobilius reduci possit, grandius scilicet, sed infirmius.

C A P. X I I I.

X. S. A. C.

CUMINUM vulgo appellatur in officinis semen ex Orientalibus
callatum: figura & magnitudine grani Hordei: odore salido,
medicato; sapore acri: colore candicante: eius planta annua
est, breuior cubito: foliis paucis, ratis capillis: vmbellas paruas fert in
summis ramulis rotundas: flore candido: semine hoc non solum medi-
ci: viuntur ad dolores internos, præcipue a flatu excitatos, sed & veteri-
narij: cataplasmata conficiunt digerentia: ad Equorum dolentes articuli
los, atque alia multa; columbariis quoque inserunt, vt eius odore co-
lumbas allificant, tritum cum calce condentes. An vero hoc fuerit Cu-
minum satium apud antiquos, an aliquod genus sylvestre, ambiguum
est. Quo minus satium esse affirmem illud facit, quia non est ori grad-
tum, vt panibus in spargi possit pro cōdimento, nec pusillum semē est, vt
Theophrastus testatur, nec vlo pacto cōferri potest: cum Ammi, vt vult
Dioscorides, idcirco inclino magis in alterā sententiā, vt sit primū genus
Cumini sylvestris, quod à Dioscoride hōc pacto describitur: Plurimū
nascitur, & efficacius in Galatia, Lycia, & Hispania ad Cartaginem:
frutex parvus; dodrantali caule, ac tenui: quatuor, aut quinque foliis,
tenuibus, veluti serratis, diuisum Gingidij: in cacumine capitula quin-
que, aut sex, mollia, rotunda, in quibus semen acerosum, satiuo acrius:
nascitur in collibus: hēc Dioscorides, nec mirum, capitula vocari ipsas
vmbellas, nam & alibi capitula Anethi vocat: semen autem acerosum
vocat, quasi furfurosum; nam cortex veluti in furfures abscedit: folia
veluti serrata, significat foliorum rāmulos in longitudinem productos:
capillis vtrinque dispositis, vt in Millefolio, qui Stratiotes à Dioscori-
de vocatur, cuius folia penitus auium, & Cumino sylvestri comparan-
tur, possent tamen pro Cumino sylvestri alia semina hirsuta ostendi, que
verius acerosa dici possint, vt eius, quæ inter Saxifragas numeratur: exi-
li semine, vt Amos valde hirsuto, & vehementis a credinis, & inter eas,
quas pro Gingidio ostendimus: seminibus non in vmbellas, sed capituli-
lis inter folia hirsutis, at non valde acribus! Plinius inquit. Cuminum
sylvestre est pretenue: quaternis aut quinis foliis, veluti serratis: effica-
cius satiuo: sed alterum Cumini sylvestris genus traditur à Dioscoride,
cornicula ferens elata: semine Melanthij, de quo alibi dicendum est; non
enim inter Ferulacea continetur, & p̄ter folia, nihil comune habet
cum aliis Cumini generibus.

C A P. X. I. I. I.

CVM IN V M. sativum existim o semen quoddam exiguum , quod ex Orientalibus adfertur, Ameos nuncupatum in officinis ; acre est , & iucundum : sed plantam adhuc vider e non licuit : ex eo genere illam esse puto, quæ seritur in Hispania, Visnagam vocant , cuius vmbellæ , vasculi modo clauduntur, vt Staphilini : utuntur autem iis ad repurgandos à prandio dentes , ob suaveolentiam : planta cubito altior : foliis rarioribus, quam Feniculi, nec adeo capillaribus, subcandidis : floribus albis : seminibus exiguis, oblongis, acribus, odoratis : annua est planta . Dioscorides de satiuo Cumino inquit : ori gratum est , præcipue Aethyopicum , quod Hippocrates regium vocat , cui Aegyptium succedit : ultimo , que in reliquis regionibus nascuntur . eorum usus excalfacere, astringere, siccare, tormenta inflationesque discutit decoctum , & alia multa præstat remedia, sed colorem bibentium, aut illinentium mutat in pallorem . Testatur Galenus Cumini semen cibis inseri , quemadmodum Anisi, Caui, Ligustici, & Petroselini . Theophrastus quoque inter olera recentes, semine nudo angusto , instar liture (sic enim interprætor verbum γραμμωδη nescio qua ratione Theodorus , canaliculatum vertit) esse autem Cumini semen omnium secundissimum , quia pusillum est, alibi minimum scribit, sed quod maxime fructificat : radix exigua penitus est , cum omnibus viribus superiora petat , inter aestiu a nocet pluuiia post satum .

C A P. X. V.

AMMI otitur in Ilua, semen omnium minutissimum, punctis nigris simile, acerrimo sapore, ac suaui, specie Origani : planta cubito minor : foliis initio Nigellæ , sed procedente tempore angustioribus capillamentis, specie Millefolij: ramulos fert tenues : vmbellas capillaceas : flosculos candidos : colligi semina ob exilitatem nequeunt se iuncta à suis vmbellis : sapor tamen & illis inest acris , & suauius: Dioscorides inquit, hoc quoque Cuminum Aethyopicum appellatum esse, secundum aliquos diuersum ab altero : exiguum semen notum, Cuminum longe minus, Origanum resipiens : eligendum autem purum, minime furfutosum. Plinius inquit, est Cumino similimum, quod Græci vocant Ammi : quidam idem esse putant cum Aethyopico Cumino : plerique alterius naturæ in totum putant ; quoniam sit exilius, & candidus, similis autem huic usus ; nam & panibus Alexandrinis subigitur , & condimentis interponitur . At nostrum Ammi nigrius est Cumino ,

vnde

Vnde colligere licet, Aethyopicum Cuminum nigerrimum esse. Est autem quædam pusilla, quæ in asperis apricis nascitur inter saxa : paucis foliolis, rarioribus capillis, subcandidis : caulinulo exili, non ultra duos dodrantes : ramis tenuissimis instar filamenti : quibus flosculi candidi, ceu flocci arescetes in sparsis vmbellis : semen in Autumno figura Apij, exilius, nigrum, & aromaticum ; acre : radix subrotunda in tres, aut quatuor ramulos diuisa : sapore acri, & amaro. Quidam Saxifragam vocant : Arbitror Cuminum Aethyopicum dici.

C A P . X V I .

DAVCVM Creticum semen est ex Creta nuper allatum, longius, & angustius Feniculo, candicas, lanuginosum, acre, odoratum ; sed eius plantam adhuc videre non licuit. describit autem Dioscorides in hunc modum : Daicum aliqui Daucium vocant : Generis eius tria : Creticum foliis Feniculo simile, minoribus, & tenuioribus : caule dodrantali : vmbella Coriandri : flore albo : semine acri, candido, hirsuto, suauissimi odoris in mandendo : radix digitii crassitudine, & dodrantis longitudine adolescit : nascitur in saxosis, & à sole illustratis. Plinius, de eodem inquit, probatissimum in Creta, mox in Achaja, & in siccis vbiunque natum, Feniculi similitudine : candidioribus foliis, & minoribus, hirsutisque : caule pedali, recto : radice suauissimi gustus, & odoris : Hoc genus in saxosis nascitur meridianis, apud nos in colibus saxosis, nascitur herba Feniculo simillima, breuior, candida : ramis in latera tendentibus : flore candido : semine farcto, breui, vulgo Fendaxum vocant : vtuntur pro Saxifraga.

C A P . X V I I .

DAVCVM montanum apud nos in Alpibus nascitur, semine alio qui Cretico simile, sed nequaquam lanuginosum, acre, & valde odoratum : eius planta foliis constat non capillaribus, vt Feniculi, sed specie Staphylini longo pediculo in adnexu folioso, prædura hæc, & odorata : caulis striatus, cubitalis, reperitur breuior, non ultra dodrantem : Vmbellæ clauduntur, vt Staphylini : radix singularis, in altum descendens, vt Pastinacæ : Dioscorides inter genera Dauci, secundo loco describit in hunc modum : sylvestri Apio simile est, id est Oreoselino, acre, odoratum, aromata olens, feruentis gustus, probatissimum Creticum. Plinius tertio loco recenset inquiens : est simile Staphilino sylvestri : semine oblongo : radice dulci.

C A P. X V I I I .

DAUCUM **C**ampestre herba lato solo, & in agrorum limitibus
vbique frequens in estate: caule cubitali, crasso: frequentibus
foliis, capillaribus, vt Feniculi, crassioribus: umbellas fert la-
tas, tres, aut quatuor, initio conuexas, capitulorum modo herbaceas, qui
bus postea flosculi insunt candidi: accedente autem ad perfectionem se-
mine, concavae, redduntur, reflexis ad medium corymbis, vt in Staphy-
lino, & tamdem clausæ vasculum efformant, in quo multa semina con-
tinentur parua, in rotunditate oblonga, sapore acri, & amaro: radix al-
ba est, acria, & odorata, sed lignosa. **D**ioscorides tertium genus Dauci
inquit assignatur: foliis Coriandri: floribus albis: capite, & fructu Ane-
thi: umbella Staphylini: semine oblongo, ceu Cumini, acri, profecto si
Cumimum semen illud pusillum est, quod à nobis indicatum est pro
Ameos vendi, similitudo huius maxime congruit: folia autem Corian-
dri, cum sint varia, hac ratione non connueniunt cum hoc Dauco, sed
quæ in summis caulibus ad Feniculaceam ferme tenuitatem scissa sunt,
quadrare possint. Plinius de hoc loquens post Creticum inquit: reli-
qua genera vbique nascuntur: terrenis collibus, limitibusque, nec nisi
pingui solo: foliis Coriandri: caule cubitali: capitibus rotundis, lepe
pluribus ternis: radice lignosa, sed cum inaruerit superuacua: semen
eius Cumino simile, prioris Milio album, acre, odoratum omnibus, &
feruens: secundum priore vehementius est, ideoque parce sumi debet.

C A P. X I X .

CAVCALIS **C**vbique in artuis nascitur, similis Dauco campestri,
sed foliis varie diuisis, vt in Coriandro; nam prope radicem se-
ctiones longes sunt, ac subrotundæ, leviter in ambitu serratae, ac
leues; procedente tempore, cum caulescit, folia tenuios & inæqualiter
scinduntur, & tamdem redduntur Dauco prædicto similia, subcandi-
da, & subhirsuta, rariora quam Dauci: caulis candidus, ab imo ramo-
sus, cubitalis, & amplior: umbellas fert capillaceas, tactu aspero, quæ
nequaquam clauduntur, vt in Dauco flosculi candidi: semina parua
fere, vt Ammi; idcirco pro Ameos hodie à plurimis accipitur, sed pau-
ca inest a credo, cum aliqua amaritudine, nō insuavi: radix candida est,
ramosa, & parua, gustu non ingrata, coquitur in cibis, vt Pastinaca syl-
vestris. **D**ioscorides de Caucali inquit; ab aliis sylvestre Daucum vo-
catur: caulicolo dodrantali, aut maiore, subhirsuto: foliis Apio simi-
libus, sed in cacumine Feniculi modo, tenuiter diuisis, hirsutisque: can-
dida

dida in summo vmbella, odorata : recipitur inter olera : estur cruda, & decocta : vrinam mouet : Plinius inquit, estur & Caucalis Feniculo similis : breui caule : flore candido : cordi utilis : recensetur inter herbas vulgares in cibo. Theophrastus similiter recenset inter olera : pes Gallinaceus vertitur à Theodoro.

C A P. X-X.

CAROTA vulgo in Etruria appellatur radix Pastinacæ similis, paulo breuior, aliquando crassior, carnosa, colore sanguineo, intus & extra, reperitur & Buxei coloris : comeditur decocta prius in aqua, deinde ex oleo & aceto parata, aut in patinis addita sapo : virus eius hyeme : folia fert prælonga, crassius diuisa, quam Feniculi, tenuius quam Cicutæ, subhirsuta : caulem cubitalem : vmbellas clausas, vasculi modo : flore candido : semine paruo, vt Anethi, hirsuto, subrama : seritur in hortis inter olera. hæc ab antiquis non describitur, quia forte illis vt nobis notissima erat inter olera. puto autem apud Græcos Staphylinum satium esse, sic appellatum à colore vix nigrantis. De hoc inquit Dioscorides easdem vires habere, quas Staphylinus sylvestris, sed minus efficaces, & cibo aptiorem esse. Plinius Pastinacam vocat, quod Græci Staphylinum. De sativa autem inquit : seritur radice vel semine, primo vere, vel autumno, solo quam altissime defosso, annicula utilis esse incipit, bina uterior, gratior autumno, patinisque maxime, & sic quoque virus illi intolerabile est. Theophrastus hanc vt putto Daicum vocavit, quam Theodorus Pastinacam vertit : inquit enim in Arcadia nasci colore Croci, insinuans radicem Buxei coloris : sed verbum inibi interpositum Daphnoides postponendum puto, vt herbam propriam significet, non conditio sit Pastinacæ : quæ enim Lauri similitudo esse possit in vlo genere Dauci aut Pastinacæ ? nisi Pastinacam nostram intelligat ; latifolia enim est, vt particulæ quamdam Lauri speciem habeant. scribit præterea in agro pratenſi præstantiorem cæteris nasci : huic vis calfactoria est ; radix nigra : & alibi, in agro Spartensi Achaiæ laudatissimam referunt : naturam calfactoriam : radicem nigram. ex quibus insinuat illud genus, quod sanguinei coloris est, niger enim appellari solet, huius modi color, vt vix nigra, & vini nigri.

C A P. X X I.

STAPHYLINVS sylvestris, quod vulgo Pastriccianum vocant, radices fert candicantes, Pastinacæ similes, longe minores, quæ diutius elixæ more Carotarum in patinis parantur hyemali tantum cibo :

eibo : frequens est in aruis, etiam in gracili solo, & saxo : folia fert hirsuta, minora quam domestica : & caulem cubito altiorum : vmbellas foliolis quibusdam circundatas, quod fere omnibus his contingit, quæ in vasculi speciem clauduntur : flore candido, sed initio purpurascente : semina in vasculo numerosa, hirsuta, & quasi pungentia, paulo latiora satiuo. extant quoque huius plures differentiæ, magnitudinis tantum & paruitatis : id quod maximum est, Daicum marinum vocant, cuius seminibus officinæ pro Daucō utuntur. Dioscorides hoc modo describit : folia habet Gingidij latiora, subamara : caulem rectum, scabrum : vinbellam similem Anethi, in qua flores insunt candidi, & in medio purpureum quiddam, ac ferme croceum : radix digiti crassitudine, dodrantalis, odorata, quæ cocta manditur. Plinius Pastinacam erraticam vocat, quæ efficacior in medicinis quam sativa, magisque in petrosis nata. Galenus in alimentis Daicum vocari tradit à quibusdam ipsum Staphylinum sylvestrem, qui mendicamentosior est, multumque est elixandrus, si quis eo vesci velit, & in simplicium censu utrumque Staphylinum Daicum vocari tradit : agrestis quidem inquit domestico minus est esui idoneus, cæterum in omnibus vehementior : at domesticus esui aptior, sed imbecillior : acrem & calfaciēdi facultatem obtinet, ac proinde etiam extenuandi : certe radix præter iam comprehensa flatuosum quiddam obtinet, ac venereum : semē autem domestici quidem, & ipsum quamdam ad Venerem ciendi potentiam obtinet : Agrestis vero plane flatu caret, ac proinde vrinam, mensesque ciet. Iterum sub nomine Staphylini inquit; Staphylinus satius imbecillior : agrestis ad omnia potentior est : vrinas, mensesque provocat, tum herba quidem tota, tum maxime semen, & radix : habet potro etiam abstorsorum in se quippiam. Quamobrem vlcera phagedenica quidam foliis eius cum melle, quo pura reddant, illinunt.

C A P. X X I I.

GINGIDIVM apud nos est sylvestre quoddam olus, quod passim oritur in ruderibus, & vineis, lappas ferens, quæ vestibus pertinaciter hærent. herbula est parua : foliis Staphylini, longe minoribus, ac minus hirsutis, odoratis, quæ pro Apio aliquando venduntur : caulinum habet tenuem, cubito breviorē, hirsutum : paruas vmbellas, flore candido : semina Fæniculo proxima, in rotunditate oblonga, herentia vestibus. extant & huius differentiæ quædam magnitudinis & paruitatis, inter quas una est, quæ fructus inhærentes ramis fert nullo pediculo, quam aliqui Cicutariam vocant; nam eius foliola, magis ad Cicutæ incisuras accedunt. Dioscorides de Gingidio inquit : plurimum

nasci in Cilicia & Syria: herbula est similis Staphylino sylvestri, tenuior, & amarior: radiculam habet subalbidam, amarescentem: venit in olera, & cruda, & cocta, & condita. Galenus in alimentis coniungit Gingidium in Syria nascens cum Scandice, quæ oritur apud nos; nam utrumque stomachum iuuat, seu crudum, seu elixum, sed elixationem diurniorem non tollerat: at medicamentum potius quam alimento: habet enim perspicue astrictionem, & amaritudinem non mediocrem. Plinius seri inquit in Syria, herbam Staphylino simillimam, quam alij Gingidium vocant, tenuius tamen, & amarius, eiusdemque effectus est, crudum coctumque, magna stomachi utilitate; fiscat enim ex alto omnes humores eius.

C A P. X X I I I . **V A E D A M** in collibus asperis, nascitur semine grandi prope nu-

Q uarelli oliuarum magnitudine, striato, & yalde hispido, colore candido, medulla intus non iniucunda: eius planta breuis est, dodrantalis: foliis Staphylino minutioribus, & tenuius scissis, fere ut Fæniculi: vmbellas paruas Gingidio similes fert: floribus candidis, latifoliis. hanc congenerem Gingidio statuo: quamvis particularem eius mentionem apud authores non reperio.

C A P. X X I I I . **C A N D I X**, vulgo Acicula à nostris dicitur; frequens in agris inter segetes, fruticosa: dodrantibus ramis: foliis minutissime scisis, vt Chamæmeli: in cacuminibus flosculi sunt candidi, longis veluti stilis insidentes, similitudine acus: in his detracto putamine semen continetur, nigrum, & oblongum, gustu non insuaue, vt neque folia. Dioscorides de Scandice inquit olys est sylvestre, amarum, subacre, quod manditur, crudum, & coctum, stomacho & ventri utile. Galenus eadem confirmat coniungens cum Gingidio, sed plantam nemō describit. tantum reperio apud Theophrastum, Scandicis mentiōnem inter eas plantas, quarum caules humili procumbunt, vt Maluæ, Cucumeris sylvestris: quo in loco non ἐπετείκανλα, idest annicaulia legendum puto, sed ἐπιγέοκανλα, idest humicaulia, vt opponatur eis, quæ dixit recticaulia, & pericaulia. Plinius Scandicem inter olera sylvestria recenset & vilia. Aristophanes objectit Euripidi matrem Scandicem venditasse non olus legitimum, Anthrisco similem esse. Hermolaus appictam vidit Scandicem in vetusto codice Dioscoridis: folio febre Fæniculi, cum corniculis in summo: floribus luteis, siue albis: hac ipsa

S CANDIX, vulgo Acicula à nostris dicitur; frequens in agris inter segetes, fruticosa: dodrantibus ramis: foliis minutissime scisis, vt Chamæmeli: in cacuminibus flosculi sunt candidi, longis veluti stilis insidentes, similitudine acus: in his detracto putamine semen continetur, nigrum, & oblongum, gustu non insuaue, vt neque folia. Dioscorides de Scandice inquit olys est sylvestre, amarum, subacre, quod manditur, crudum, & coctum, stomacho & ventri utile. Galenus eadem confirmat coniungens cum Gingidio, sed plantam nemō describit. tantum reperio apud Theophrastum, Scandicis mentiōnem inter eas plantas, quarum caules humili procumbunt, vt Maluæ, Cucumeris sylvestris: quo in loco non ἐπετείκανλα, idest annicaulia legendum puto, sed ἐπιγέοκανλα, idest humicaulia, vt opponatur eis, quæ dixit recticaulia, & pericaulia. Plinius Scandicem inter olera sylvestria recenset & vilia. Aristophanes objectit Euripidi matrem Scandicem venditasse non olus legitimum, Anthrisco similem esse. Hermolaus appictam vidit Scandicem in vetusto codice Dioscoridis: folio febre Fæniculi, cum corniculis in summo: floribus luteis, siue albis: hac ipsa

ipsa specie in sylvis reperiti : frutice odorato : flore candido. Ex his significatur planta, quam descripti : nam & inter antiqua nomina apud Dioscoridem Acucula appellata est à similitudine acus : ob eamdem rationem Anthriticus dicenda est ea, quæ Acus muscata appellatur : fructu simili, tenuioribus foliis, odoratioribusque, ut suo loco ostenditur.

C A P. X X V.

CARVI in officinis vocatur semen paruum, & oblongum, gustu feraens, odore Cumini : eo Germani vtuntur pro Antso cum panibus subigentes. Audio eius plantam in Germania frequentem in pratis : caulis ab eadem radice multis, quadrangulis, foliis Staphylini, minoribus multo, & rarioribus : floribus candidis : semine in summis tamis copioso, anguloso : radice oblonga, & lutea. à Dioscoride Caros vocatur, sed non describitur tamquam notissimum : semen inquit gusto iucundum, ac stomacho facile effectu Arisi : radix eius cocta in cibos admittitur, ut Staphylinus. Hinc pater Carotarum nomen apud nos, Staphylino accommodatum ; nam radix Buxei coloris Caro similis est, & simili modo æstur. Plinius Careum vocat, peregrinum semen, laudatissimum in Caria, proximum in Phrygia, culinis præcipue Galenus in alimentis Cari radicem eum Staphylinis numerat, & melioris succi esse testatur. videtur & Athenæus inter Staphylinos reconquisse, cum inquit : quod Caros vocatur, magnus est Staphylinus, seu ut vertunt, magna est Pastinaca, quæque facile augeatur ; meliorem habet succum, quam Pastinaca : magis calefacit : virinamque magis ciet ; stomacho confert : facileque digeritur, ut Diphilus est author, sed alij codices non Caros legunt, sed Carton : ponitur autem Carton à Galeno inter Cæpas, ut alibi suo loco explicatur : de magna autem Pastinaca suo loco dicemus.

C A P. X X V I.

SILAUS, ut Plinius vocat, herba apud nos in aquarum riuis nascitur, non solum in montibus, sed & planis, numquam tamen in secco : caule recto, cubitali, concauo, crassitudine baculi, sensim in gracilitatem extenuato : foliis amplis, ut Cicutæ, tenuius divisis, ut Staphylini, odotatis : vmbellas ferrrotundas, flore candido; semi-nibus oblongis, ut Cumini vulgaris, leuibus, subnigris, & oderatis : radices fert fibrosas. Plinius inquit Silaus nascitur Glareosis, & perennibus riuis, cubitalis, Apij similitudine, coquitur ut olus acidum, magna virtute vesicæ.

C A P . X X V I I .

CICUTA in solo pingui frequens est prope urbes : caule crasso, rotundo, ac maculoso, ultra bicubitalem altitudinem: foliis amplis, fere ad Ferulam accedentibus, diuisura Staphylini, sectionibus quasi serratis : à lateribus umbellas capitulorum modo rotundas fert : flore candido, graue olente, ut prope accedentibus quasi murium fetor videatur, & diutius obuersantibus capitinis grauitas accedit: semen est rotundum, & candidum, crassius Aniso, cuius esu aues obstupecunt, ut manu capi possint, & si amplius vertigine tentantur, ac mortiuntur: radix candida similis Staphylino sylvestri. Eadem in Alpibus reperitur, brevior, & odoratior, simili semine. Dioscorides græce Conion vocat, caulem inquit fert geniculatum, ut Fæniculi grandem: folia Ferulæ, angustiora, graui odore: rami mox umbellæ in summo producent; flores albicantes; semen Aniso candidius: radix non alta, concaua: lethale venenum ob summam frigiditatem. Theophrastus caulem inquit carnosum esse, Ferulæ proximum: radicis liquamentum, quod exprimitur, infusa aqua, validius est fructu, & obitum facile, breuique affert, etiam si exiguū potui detur, quod idem & ad alios usus efficacius est. optimum circa Susam, & in totum locis prægelidis. succus eius cum succo Papaveris, & aliis huiusmodi obitum inferunt sine ullo dolore, drachmæ pondere, & inremediabile penitus. terenda autem Cicutæ prius detraetæ tegmine; nam id difficilem reddit, & confici contumacem, & affusa aqua prætenui cribro transmittenda, iis qui bibunt, obitus celer, & facilis occurrit. Plinius Cicutæ inquit venenum est publica Atheniensium pena, ad multa tamen usus non omittendi: semen habet noxiū: caulis autem eius & viridis est, plerumque & in patinis: lenis hic & geniculatus ut Calami, nigricans, altior sœpe binis cubitis, in cacuminibus ramulosus; folia Coriandri tenuiora, graui odoratu; semen Aniso crassius: radice concaua, nullius usus: semini & foliis refrigeratoria vis, quæ si necat, incipiunt algere ab extremitatibus corporis. Galenus Cicutæ potu quoddam amentię genus fieri tradidit, quod Conion ab ipsa Cicutæ vocatur: in remediis autem nemo auderet propinare, sed extrinsecus obstupeciendo, sœpe commodissimum fit remedium ad ingentes dolores erisipelata, vlcera serpentia, ad mammas lacte priuadas & coercendas, testiculos refrigerandos in intempestiuæ nocturna pollutione: usus est succi ex cacuminibus, priusquam inarescant, addensati in sole, ut pastilli arescant. Ad epotam autem Cicutæ remedio est; post vomitionem, & alii subduxionem vini generosi & meracis potio repetita ut alia, quæ apud Dioscoridem leguntur in venenorū remediis.

Cicy.

C A P. X X V I I I.

CICUTARIA in collibus nascitur locis humectis, Cicutæ simili-
lma; sed breuiore caule, striato: foliis quoque minoribus, ac
tenuius scissis, non insuauit gustu: vmbellis paruis: flore can-
dido: semine longo, & angusto, leui, subnigro, vel candican-
te: radice candida, vt Cicutæ, breui, quæ cocta estur, vt Staphylini
sylvestris. Alia in Alpibus nascitur, hirsutior: seminibus grandiori-
bus, veluti Auenæ. Tertia: odore ac sapore Fæniculi domesticam, vnde
Alpini Finocchiellam vocant, in ceteris antedictæ similis: breuiore cau-
le: grandioribus seminibus, veluti festucis angulosis: tota odore ac sa-
pore præstat: recipitur inter olera. A Dioscoride Myrris vocatur, Ci-
cute simillima: caulis, & foliis: radicem habet modice oblongam,
teneram, rotundam, odoratam, cibo non insuauem: cocta in sorbitio-
ne tabidis utiliter datur: tradunt præsumptam in vino bis, terue in die,
in constitutionibus pestilentialibus præseruare à peste. Plinius inter
Gerania secundum latinorum sententiam inquit est Myrris appellata, si-
milis Cicutæ: foliis minutioribus: caule breuiori, rotundo, saporis,
& odoris iucundi..

C A P. X X I X.

PANCAS EOLVS vulgo appellatur in montibus nomine confi-
cto, ex pane & caseo, quorum vicem in cibis explet radix, quæ ro-
tunda est & tuberosa, effigie Tuberis, exterius nigra, intus can-
dida, tenera, sapore dulci, ideo cruda estur: ab radice folia exeunt par-
ua, rotunda specie Geranij vulgaris, aut Anemonæ, magis diuisa, cauli-
culus altitudine duorum dodrantum, tenuibus ramis, paucis foliis,
iisque tenuius incisis, in cacuminibus vmbellæ, flore purpureo: semini-
bus Fæniculi, paulo longioribus, odoratis, acribus. Dioscorides Gera-
nium vocat, quod scilicet primo loco eo nomine describit in hunc mo-
dum: foliis constat Anemonæ, diuisuris longioribus: radice subrotun-
da, dulci ad mandendum, quæ in vino pota drachmæ pondere, discutit
vuluæ inflammations. Plinius similiter inter Gerania secundum Græ-
corum sententiam iisdem fere verbis hac ostendit secundo loco inquiens.
alterum foliis Anenomes, diuisuris longioribus, radice Mali modo ro-
tunda, dulci, quæ deficientibus se ab imbecillitate, utilissima est..

C A P. X X X.

PYRETHRUM, apud nos in palustribus nascitur: radice nigra, breui, diuisa in fibras, specie Meu, odorata, amara, linguam non statim exurente, sed cum plusculum mansa fuerit: folia fert Staphylini sylvestris, tenuiora: caulem cubitalem, rectum, lœcum: vmbellas tres, aut quatuor, in cacumine: flore subrubente: semina compressa, & rotunda, figura Lentis, nigra, & feruentia. Clanarum incole Imperatoriam vocant: exhibent radicem in vino maluatico drachmę vnius ponderis ad dolores colicos magna efficacia; nam vehementer digerit flatus, & vrinam promouet. Alterum autem est Pyrethri genus, quod assertur ex Oriente, radix est alba, pīz longa, digitali crassitudine, recta, feruentissimo gustu, sine odore, sed plantæ reliquas partes adhuc videre non licuit: tradunt in Gallia eius plantam Anthemidi similem foliis, & flore. Dioscoridis descriptio radiculæ, quæ assertur ex oriente satis conuenit, inquit enim: radix est longa, pollicis crassitudine, gustu feruidissimo: folia, & caulem fert Daucō sylvestri & Fēniculo similia, vmbellam Anethi rotundam. Quo in loco Aldimus codex gr̄ecus non Τροχότιδης, id est figura trochi, sed Τριχότιδης, idest capillaceam scribit.

C A P. X X I.

SESELI Massiliense oritur in maritimis harenosis: lato frutico, candicante: caule contorto, multis ramis, foliis Fēniculi, densis, latioribus, crassioribusque: flore candido: semine farcto, candidato, striato, breviore, quam Fēniculi, acri, odorato: radicem habet profundam, candidam, & odoratam, copiosa est in maritimis Pisaniis: quidam Fēniculum marinum appellant. Dioscorides describit hoc modo: folia habet Fēniculi crassiora: caulem vegetiorem: vmbellam Anethi, in qua semen oblongum, angulosum, gustanti statim acre: radix longa est, iucundi odoris. Apud Theophrastum & Plinium mentio quidem reperitur, & non descriptio: nam Theophrastus in Archadia nasci tradit Seseli, sed quod genus intelligat, incertum est. Plinius Massiliense optimum inquit; lato enim grano est, & fulvo, sed his notis Peloponense potius indicat, ut mox patebit. Aristotiles tradit cerasus à partu Seseleum herbam petere, & cum ederint, ad prolem redire, purgat enim à partu, vrinam mouet, thoracem expurgat, menses, & partus trahit, & semen & radix recentiores medici Seselei corrupto vocabulo Siseleos vocant, & Siler. quoddam campestre, quod Massiliense est; quoddam montanum, idest Peloponense.

SER.

C A P. X X X I I .

SERMONTANVM vulgo appellatur, & Siler montanum, semen in officinis, longius, & crassius Feniculo, striatum, cum quadam grauitate odoratum, instar Cumini vulgaris: vnde quidam Plato cyminum, idest latum Cuminum vocant. eius planta in nostris Alpibus prouenit, alioqui similis vulgari Peucedano, quam nigram Libanotidem appellauimus, sed foliorum particulae breuiores, & latiores sunt, figura ferme Polygoni: integrum autem folium in multam latitudinem extenditur: radix candida, & profunda; caulis cubito altior, rectus: vmbellæ latæ: flos candidus: prouenit locis viginosis prope riuulos. Dioscorides Seseli Peloponense vocat, de quo inquit: folia habet Cicutæ latiora, & crassiora; caulem supra Massiliensis magnitudine, ferulaceum: & latam in cacumine vmbellam, in qua semen latius, odoratum, & carnosius iasidet: nascitur in asperis, riguis, & collibus: inuenitur etiam in insulis. Plinius Peleponensis quidem non meminit, sed notas, quæ huic conuenient, Massiliensi tribuit; latum enim inquit, grānum est & fuluum: eisdem autem viribus prædictū est, teste Dioscoride.

C. A. P. X X X I I I .

SESELI. Creticum apud nos in sylvis nascitur, tractu marittimo, & collibus harenosis: pauca fert folia, inflexa ad terram, Apij modo diuisa; paruis, & ratis segmentis, crassis, & præduris, quæ ex prælongis, & patulis pendent pediculis: caule singulari constat, rotundo, ac subnigro, cubitali: in cacumine duas, aut tres vmbellas gerit: flore ex albo subrybente: semina fert in rotunditate, compressa, magnitudine Lenticulæ; circalo quodam foliaceo circundante, subfulua, actria & odorata: radice constat singulari, in altum demissa, & odorata, & alba. Dioscorides de Seseli Cretico inquit: Tordylium alio nomine appellari, iuxta Ciliciam in A mano monte nasci herbulam surculosam: semine dupli, rotundo, scutulorum effigie, odorato, subacri: hoc potu difficultatem vrinæ tollit, & cit menes: succus recentis caulis cum semine renes sanat decem diebus haustus ternis obolis cum passo: radix cum melle delincta efficax ad pectoris excretiones. Plinius Creticum Seseli omnium odoratissimum statuit: alibi Tordylem inquit semen Sili dicit à quibusdam ab aliis herbam per se esse, quam & Syreon vocaverunt, de qua aliud non tradit, quamquod in montibus nascitur. Altera est in montibus similis prædictæ: sed pluribus ab eadem radice caulis, striatis: foliis longioribus, tenuius incisis, subrectis: radice constat:

in

in multos ramos distributa, & subnigra: semina in totum similia: idcirco & hanc Tordyliο congenēterē statuo.

C A P. X X X I I I.

SESELI Aethyopicum nigrum est semen, Olus atro simile, striatum, in suis corymbis farctum, tactu asperum, durumque, in mandendo odoratum, & suave cum quadam amaritudine, & astrictione. Eius planta in harenosis nascitur, reperitur & inter segetes, peculiarissimum huic, quod in hoc genere sola ferme folio constat integrō nulla ex parte scislo, nec serrato, sed ut in cæteris plerisque Ferulaeis folij pediculus geniculos cingit; sic in hac folium ipsum velati pediculus est dilatatus, caulem circumdans, ut in Smyrnio, figura vmbilici, oblongum, ut in Periclymeno: longiora adhuc sunt, quæ prope radicem, leuia, neruata, subcandida. Quoniam vero caulia folias permeare videtur, vulgo quidam Perfoliatam vocant: caulem fert rotundum: ramis in latera tendentibus, non ultra cubitalem altitudinem: ex vmbilicatis foliis vmbellæ prodeunt flore luteo: corymbi quoque seminis vmbilicis inclusi: laudant recentiores ad glutinanda vulnera, & vlcera tum externa, tum interna, ad puerorum ramicos, & vmbilicos prominentes: radix parua inutilis. Dioscorides Seseli Aethyopicum sic describit: folia habet Hederæ minora, & ad Periclymeni modum oblonga: frutex nigricat, palmitibus fere ad binā cubita extensis: ramis dorstantibus: capitulo Anethi: semine ceu Tritici, denso, nigro, aciore, & odoratiore, quam Massiliense, multum suavi: cui ædem vires, quæ Massiliensi. Quamvis autem ea, quæ apud nos oritur, non ad eam magnitudinem accedit, scilicet bicubitalem, non ob id neganda est ad Seseli Aethyopicum pertinere: extat quoddam genus paruum, foliis Graminis.

C A P. X X X V.

ALTERA est, quæ pro Sesili Aethyopico ostenditur, fruticosa, virgis prælongis, foliis Oleæ, longioribus, candicantibus, in curvaine vmbella, flore luteo.

C A P. X X X V I.

BATICULA vulgo appellatur, & corrupto magis vocabulo Baciuco, quæ latine Batis dicitur, herbula fruticosa in scopulis maris, quæ & seritur in ædificiis, oleris gratia: folia fert brevia, & crassa, divisa

diuisa in foliola, Portulacæ similia, acutiora tamen, & inæqualia, subcandida, sapore salso, & subacri, odorata, quæ in cibis assumuntur, & cruda, & cocta, sed præcipue placent aceto condita: caulinulos fert dodrantales: & in cacumine vmbellam, flore candido; seminibus rotundis, angulosis, molli putamine, quod in arescente semine abscedit ab interno nucleonigro: acria & hæc, & multum odorata. Alterum genus ex Sicilia habetur, grandius: foliis tenuius incisis, odore Apij, sed sapore Baticulæ: caules fert cubitales in Autumno, ex lignosis ramis, in terra procumbentibus, crassis: vmbellas cardidas: semina altero candidiora, modice oblonga, striata, odorata, & gustu feruentia: è caulinibus recentibus incisis, lacteus succus emanat, qui concrescit in lachrymam subrufam: radices utrique ramosæ, & candicantes: utræque vrinam mouent, sed efficacius id, quod maius est; nam tenes, & vesicam mito modo purgat. Dioscorides Erithmum vocat: fruticosa inquit, & vnde foliosa herbula est, cubiti altitudinem ferè petens: nascitur in maritimis, & petrosis: foliis pinguis, numerosis, albicantibus, veluti Portulacea, latioribus, & longioribus, salso gustu: flores candidi sunt: & semen ceu Libanotidis odoratum, molle, rotundum, quod siccatum rum pitur, habet intus Tritici modo nucleus: radices digiti crassitudine, tres, aut quatuor, grati odoris, & iucundi: Estut crudum, coctumue in olere: seruatur etiam in muria. ex his Dioscorides cum herbulam vocat foliis Portulacæ innuit nostram Baticulam, quasi parvam Batim; cum vero cubitaliter altitudinem tribuit, alterum genus significare videtur grandius. Plinius utrumque distinguit, tradens Batim hortensem diuersam à Chritimo, quam Cretimoni agrion vocat, idest sylvestre: inquit enim Cretimoni ab Hippocrate admodum laudatum inter eas, quæ eduntur sylvestrium herbarum. Hancque apud Callimachum apponit rustica illa Hecale, speciesque est Batis hortensis: caulis palmum unum altus: semen feruens odoratum, ceu Libanotidis, rotundum: siccatum rumpitur: habet intus nucleus candidum, quem aliqui Cachrym vocant, folio pingui, albicante veluti Oliuæ, crassiore, & salso gustu, reliqua ad verbum ex Dioscoride transcribit: alibi de Bati inquit; aluum mollit: illinitur podagrīcī tosta, & contusa.

C A P. X X X V I I.

APIUM domesticum vulgo Petroselinum vocatur: scribit id in horis præcipue vmbrolis: foliola fert prælongis & ramosis pediculis, in extremo laciniata, mollia, odorata, gustu gratas ideo assumuntur in cibis & cruda & cocta: caulescit in eunte vere: caulinulos fert rotundos, nigricantes, tenuibus ramis ad cubitaliter altitudinem,

in quibus folia diuersa spectantur ab iis, quæ ab radice; angusta enim, & prælonga sunt, rara, & indiuisa: vmbellas fert, paruas, herbaceas: semina exigua, subrotunda, acria: radice nititur singulari, & profunda, candida, carnosæ cortice, quæ & petitur in cibis cocta; sed perfecto semine exarescit: diutius durat, si prohibetur semetescere. alterum genus peregrinum, odoratus, latiore folio constat, tum ab radice, tum in caulis, ac breuioribus pediculis: semine paulo ampliore, multo acriore, & subamato: caule breuiori cōstat, candidiore; radix crassior, que & diutius viuere potest. Theophrastus vtrumque genus sub nomine Selini videtur intellexisse: inquit enim, Apiorum tum in foliis, tum in caulis discrimen vtique constat; aliud enim folio spillo, crispo, densoq; aliud rariori, latiorique, cauleque maiori: Horum iterum aliud candidi caulis; aliud purpurei, aut versicoloris: verum ad summam eiusmodi omne sylvestri proximum est. Apior radix singularis, propagines magnas suggerit, altius quam arbores, proportione sui corporis: perpetuo viret: cacumine perdurat amissis reliquis: foliis iam perfectis, caulis assurgit: suaveolentiam præstat: omnium difficultime nascitur: nam celerrimus eius prouentus est die 40, quidam & die 50: seminis ætas vetustior celerius prouenit, fructificat non anno tantum, sed etiam bimatu, licet non inter capitata: mittit tamen à latere radices, quibus folia, caulesque proueniunt; nam inter ea est, quorum radix diuturnior caule: radices & que crassas de latere mittit, non à principio, sed de medio, carnosas: lætius prouenit, si aceruatim seratur; ideo in lacimiis colligatum serunt palo adacto, sic quoque transferunt. Plinius Apij rami inquit, largis portionibus per iura innatant, & in condimentis peculiarem gratiam habent, ex Crisippo & Dionisio, marem & feminam esse: feminam crispioribus foliis, & duris: crasso caule, sapore acri, & feruido: marem nigriorē, breuioris radicis, vermiculos gignentem: vtrumq; defunctorum epulis feralibus dicatum: inimicum visus claritati: sterilescere mares & feminas: Puerperis abdicari, nam comitiales gignit iis, qui vbera hauriunt. Dioscorides Apium hortense non describit, tamquam notissimum. De Apio Galenus visitatissimum esse inquit, & suave, & stomacho gratum, vrinam mouere. puto autem apud Galenū & Dioscoridem genus illud Apij latifolij, quod peregrinū est apud nos, Petroselinon appellari, quamuis difficile sit ex solo semine, quod describitur, coniectari; iudicandum enim est, plantæ faciem non differre ab Apio domestico, cuius frequens est vsus. inquit Dioscorides Petroselinon prouenit in Macedonia, locis præruptis: semine Ameos, odoratiore, sapore acri, aromatico. Galenus Petroselinī semen maxime vsui esse scribit, cum tota etiam herba vnā cum radice simile, sed imbecilliorē facultatē fortiatur: est gustu acre, cum amatitudine: optimum vero Macedoni-

cedonicum, præcipue angusto quodam loco & prærupto natum, quod Estreaticum appellatur, aceratum & amarissimum, quod etiam Theriacam amariorem reddit, præsertim cum recens imponitur: oriri autem & in aliis regionibus, quamquam infirmiora, non spernenda tamen. Hęc Galenus; porro cum semen huiusmodi in conficienda Theriaca venisset ad manus sub nomine Petroselini Macedonici, satum protulit Apium latifolium, quale descripsi. Plinius quamuis ex Crisippo hoc genus Apij feminam appellauerit; crispiotibus enim foliis, & duris: crasso caule: sapore acri & feruido constat: tamen alio genere inquit Petroselinon quidam appellat in saxis natum, præcipuum ad vomicas remedium. sed hoc ad Smyrnium forte pertinet, & quod Petroselinon appellatum est testa Dioscoride: aut verum Petroselinon Macedonicum sylvestre est; huiusmodi inferius ostendetur in Saxifragia.

C A P. X X X V I I I.

ALIVD genus Apij sponte nascitur apud nos locis humectis & vmbrosis, quod in officinis vulgo Apium vocatur: eoque pro Apio satiuo vtuntur, alicubi serentes in hortis, sed infirmo odo re, ac sapore: folio constat latiore quam nostram satiuum, nigriore, & magis criso, minus ramoso; nam simplici pediculo constat, cui à lateribus folia sunt, tripartito diuisa: caule fert striatum, crassum, molle, multis ramis cubitalibus, in quibus folia nullo pediculo adnexa, & par uæ vmbellæ in eorum alis: flosculis cädidis: seminibus satiuo tenuioribus, & subnigris: radices fibrosas fert, candidas, quamuis hæc à pleris que Eleoselinon idest Paludapium censeatur, quod minime negauerim: paucæ enim notæ, quæ Eleoselino traduntur, huic nō desunt; tamen ab eadem video néquaquam abhorrete Hippiselini descriptionē apud Di scoridē & Galenum, non apud Theophrastum, & Pliniū, apud quos Hip poselinon est Olusattum, de quo paulo post dicemus. describit aut̄ Di scorides Hippiselinos in hunc modum: maius, & candidius est Apio satiuo; caule concavo, alto, molli, habente veluti lineas, foliis latioribus, in puniceum vergentibus, in quibus coma Libanotidis plena flore congestis corymbis: antequam defloreat, semen nigrum, oblongum, solidū, acre, aromaticum: radix odorata, candida, gustui grata, non crassa: oritur in vmbrosis, & iuxta paludes: assumitur inter olera, vt Apium: radix cruda & cocta comeditur: folia cum caulibus decocta manduntur, & per se, aut cum pīscibus præparantur, coniunctur quoq; muria: semina, & radix potu cīent menses, & stillicidio vrinæ mēdentur. hęc descriptio nulli magis ex his, quas habemus, conuenit quam huic, non enim Olusat tro; quoniā caulis ei non mollis, non lineas habet, non radix candida, non comē inter folia dependentibus corymbis, neque Leuistico appella-

to; nam radix ei magna: semen album, & mendicamentosius est quam ut
inter cetera assumatur: huic, quam proposuimus, candor non videtur
conuenire, neque color ad puniceum vergens, neque semen oblongum
& solidum: an calidius est satiuo? nam caulis satiuo nigritat, hujus vi-
rescit: folia & si nouellis nigriora sunt ut pluviatum, vidimus tamen
& ad puniceum inclinantia: seminis conditio maxime quadraret Olu-
satro, quod nigrum, oblongum, & solidum; huic valde exile, nigrum
tamen, & solidum, & in sua paruitate oblongum, at ceterae conditio-
nes clarissimæ sunt, nam caulis mollis lineas ostendit, cum striatus sit,
comas potius quam umbellas fert, corymbaceas inter folia, & inter cæ-
teras conditio[n]es locus natalis in umbrosis scilicet & iuxta paludes;
huic maxime consentit, & comparatio foliorum Phu, & Sij cum Hip-
poselino idem comprobatur; non enim ramosum iis inest folium, sed sim-
plici pediculo coniugatim disposita sunt. Galenus de Hippiselino in-
quit, insuauius est Olusatro, ut non nisi coctū mandatur; crudum enim
insuauie est, imbecillioris virtutis, quam Oreoselinon. Theophrastus hoc
genus indicauit, cum inter Apia dixit, quoddam latiore folio constare,
& caule maiori, colore purpureo, aut versicolore, cuiusmodi proxim-
um est sylvestri.

C A P. X X X I X.

CRESCIONE vulgo appellatur, & herba Cannella, que in aquis
stagnantibus nascitur & limosis riuiulis, ab radice longo & cras-
so pediculo, concavo, & recto: cui folia coniugatim disposita
insunt Apio vulgari longiora, & minus incisa, sed tantum serrata, lauio-
ra, virentiora, & magis odorata: caulem fert infirmum: ramis procum-
bentibus, in quibus folia breviora multo, saepe subrubentia, in quoium
alis paruæ umbellas fere sine pediculo habent, ut in Apio vulgari: floscu-
lis candidis: seminibus nigris, rotundis, & paruis. Alterum genus re-
peritur crassiore caule, subrubente, ac recto, cui umbellæ non in alis, sed
in summis ramaulis: radix fibrosa & candida: assumuntur inter olera:
adhibentur ad stomatica vrina in cataplasmate, potu renes expurgant.
Dioscorides primum illud Eleoselinon vocat, idest Paludapiu, quod bre-
uiter describit in hunc modum: in humidis nascitur Apio satiuo gran-
dius, ad eadē efficax. Alterum autem Sion appellat, unde nomē Crescionis
videatur deriuatum. De Sio inquit, in aquis inuenitur: fructus pingui,
recto: foliis latis, Hippiselino similibus, sed minoribus, & odoratis, que
cruda, coctaq; esu calculos rupunt atque exceraunt: aliam vero descri-
ptionē Sij ex Crateua tradit, que Sisymbrio potius alludit: nam & Si-
symbrium aquaticū etiam Sion appellata est teste Dioscoride, & nos quo
que

que ea vulgo Crescionem vocamus: sed haec inter Nasturtia dicenda est. Galenus non viderut distinxisse inter Sion & Eleoselinon, cum Sij tantum meminerit, non Eleoselini: numerat autem inter genera Apij, inquiens, insuavis esse, ut non nisi coctum mandatur, sicut & Hippocelinon; quantum aut gustu odoratum est, tantum calfacientis facultatis particeps est: digerit: vrinam mouet: calculos frangit: & menses euocat. Plinius de Eleoselino inquit, id, quod sponte nascitur in humidis, Eleoselion vocatur, uno folio, nec hirsutum: alibi Eleoselino comparat Hippocelinon, sed hoc in siccis nasci, pluribus foliis, non unico, ut Eleoselion. ex his manifeste indicatur platta, quam descripti; nam sepius unicum ab radice folii attollit, quo marcescente subinde aliud exit, non statim plura, ut in aliis generibus Apij. De Sio autem inquit latius est Apio, in aqua nascens, pinguius, nigrius, copiosum semine, sapore Nasturtij: verum ultima haec nota, non Sio, sed Sisymbrio traditur a Dioscoride. Existimat apud eudem Plinium idem esse Lauer cum Sio, herba in riuis nascens, que condita & cocta terminibus medetur, cruda aut calculos eicit. Theophrastus de Eleoselino inquit. Paludapiu, ut Theodorus vestit apud aequedus & in paludibus prouenit; folio raro, nec hirsuto, sed simili quodam modo Apio, odore, sapore, & figura, quo in loco Theodorus Μαγόφυλλος idest uno folio, ut Plinius legit, sed Μαγόφυλλος, idest raro folio.

C A P. X L.

SI O N in locis quidem humectis nascitur, non tamen in aquis, ut Sion: folia fert in simplici pediculo distributa, ut Sion, sed minora: dividuntur haec tenuius prope cacumine, ut in Coriandro: caulem fert rectum, firmum, cubito altiorum; tenuibus ramulis: quibus summis tenues umbellae, ac numerosae insident: flore candido: seminibus paruis, & nigris ut Sij, acribus, odoratisq; huiusmodi semen assertur ex orientalibus pro Amomo, quavis passim apud nos oriatur in foecis. Diocorides Sisonis semen tantum describit, non plantam, inquiens, exiguum semen esse in Syria Apio simile, oblongum, nigrum, furentis naturam, eo indigenem in coddimentis vntuntur: Plantam in cacumine granula multa gerit. Apud Galenum, Siton, & Sina legitur, calidus, & subamarus est gustu.

C A P. X L I.

CE REBOLIVM vulgo appellatur a recentioribus inter Apia connumeratum: peregrinum est apud nos: seritur in Gallia pro oleo, herbula tenui caulinco, dodrantali, aut paulo aliore: foliis in multas partes divisis, figura tenuioris Apij, brevioribus,

&

& magis numerosis, odoratisque: tamulos fert rectos, quibus summis numerosæ, & paruæ vmbellæ: flosculis candidis: seminibus tenuibus, & longis, figura literæ. i: tota herba prope fructus maturationem, rubescit: radicula subest parua, quæ perfecto semine exarescit cum tota planta: estur cruda & cocta ut Apium. Plinius inter hortorum herbas meminit Cerephylli, quod Pederota inquit Giæci vocant: seritur æquinoctio autumni, sed cum nullas herbæ nothas tradat, non licet nisi ex nomine coniectari hanc esse, quæ in hunc usque diem Cerefolium vocatur. Puto apud Dioscoridem Oreoselinon esse, de quo inquit, caule constat dodrantali, ab radice tenui, in ambitu rami sunt, & capitula Cicutæ rotunda, multo tamen tenuiora: semine oblongo, acri, tenui, odorato instar Cumini: nascitur in petrosis, & montibus, unde appellatio Oreoselini, id est montani Apij. Theophrastus, apud quem Theodorus Montapium vocat, inquit distat a ceteris Apij generibus maioribus differentiis: folio namque Cicutæ simile constat: radice tenui: caule Anethi, minore. Plinius eadem recenset ex Theophrasto. Galenus inter Apia vim Oreoselini similem inquit esse Hippiselino, sed valentiorem.

C A P. X L I I .

PE T R E S E L I N V M sylvestre vulgo appellatur, & a recentioribus medicis Filipendula: oritur paßim apud nos locis humectis, & in pratis: foiiis ab radice stratis, Apij tenuioris figura, tenuius quidem sectis, sed minus laciñiatis: caulem fert rectum, firmum, candicantem, striatum, cubitalem, & altiore, in quo folia, alio modo secta sunt, in particulas scilicet longas, & angustas, colore candicante: in cacumine vmbellæ crassiores: florè candido: semine farcto, horrido in summo: radiculas fert plures, ab eodem capite sparsas, quæ ut plurimum parte postrema crassescunt, similitudine nuclei Oliuarum, ut in altera Filipendula, de qua agitur in Oenante: color his niger exterius, intus candidus, sapore dulci: laudatur ad calculum frangendum, & impellen- duim: herba recipitur inter olera, saporis insipidi. Non ab re fuerit, si hanc Bunion dicamus apud Dioscoridem, cuius duplex reperitur men- tio iisdem ferè verbis repetita, una inter olera, altera inter herbas medi- catas cum Pseudobunio: utrobique describit in hunc modum. Caulem mittit quadrangulum, in eo multis rāmulos, foliolis digitæ longitudi- ne, tenuibus, & floribus plenos: folia autem, quæ ab radice, Apio simili- lia sunt, multo tenuiora, Coriādro proxima (aut Tribulo, ut alij legunt) flos Anethi: semen odoratum, minus Hyoscymo: vrinam cit, calefacit, euocat secundas, auxiliatur lieni, renibus, & vesicæ usus recentis, & atri- di: excipitur quoque succus è radicibus suis, & caulinibus, & foliis cum meli-

m elicitato. Alio modo legitur in aliis codicibus. Caulem edit quadratum, procerum, digitii crassitudine: folia autem Apio similia, & quæ sequuntur. At prior lectio foliorum diuersitatem optime exprimit, eorum scilicet, quæ in ramis, & quæ ab radice. Coniicio autem hanc Bunium appellatam; quoniam radices eius extuberant, vt Buniadis, qui Napus vocatur, de quo cum Rapis agitur. Plinius tamen etiam ipsum Bunium à Græcis vocatum Napum vocat, cum inquit. Naporum duas differentias, & in medicina Græci seruant, angulosis foliorum caulis florentis, quod Burion vocant, purgationibus fæminatum, & vesicæ, & vrinæ utile decoctum potum ex aqua inulsa, vel succi drachma. Alterum genus Buniada appellant, & quæ sequuntur. Describit præterea Dioscorides Pseudobunum fruticulum in Creta nascente, palmi altitudine, foliis, & ramulis Bunij, acribus. Quamuis autem apud nos multæ eius differentiae magnitudinis & paruitatis reperiantur, acredinem tamen in foliis, & ramulis adhuc non animaduerti.

C A P. X L I I I.

LVSATRVM à latinis vocatur, vulgo autem Macerone corrupto vocabulo vt puto, a Macedonio Petroselino; quia eius loco aliquando acceptum est: alij Alexandrium vocant: oritur in vmbrosis hortis, prope macerias, pingui solo: letissimum autem in cimiteriis: foliis latis, ramosis, crasso pediculo, subrubente, foliorum sectiones latiores sunt palustri Apio: caulem fert cubitalem, firmū, multis ramis striatum; luteum florem in vmbellis Anethi: semen Feniculo grandius, durum, nigrum, & angulosum, odoratum: radicem nigram, intus albam, acrem cum quadam amaritudine, non insuauem gustui, odoratam. venit in cibos cruda & cocta, tum radix concisa, tum folia tenella, & caulis ex aceto & oleo. Alterum genus peregrinum nuper ferti cepit: foliis ab radice longe exilioribus, quasi Apij tenuifolijs, in caule autem sensim grandioribus segmentis, adeo vt prope ramulorum cacumina, nulla ex parte scissa sint, sed rotunda, caulem ambiant forma acetabuli vt in Periclimeno, colore pallescente: vmbellas fert luteas; & semina altero minora, ac rotundiora, similiter dura, & nigra, odore ferme Syracis: radix breuior, ac tenuior, gustu suauior, simili modo cutes nigra, intus lactei coloris: vtræq; florent vere. Dioscorides Smyrnium vocat, quod inquit plurimum in Amano monte nascitur: caulem habet Apij, & stolones multos: folia latiora, sub pinguis, ad terram infracta, robusta, odore medicato, cum quadam acrimonie iucunda, colore in luteum languescente: capitibus cauliis orbiculatis vt Anethi; semine Brassicæ rotundo, nigro, acri, sapore Myrræ, vt alterum alterius loco

hoco cedat : radix quoque odorata , acris fauces mordet , succosa , molis , cortex eius foris niger , intus vitidis , aut subalbidus : nascitur in saxosis , & collibus atque squalidis , & limitibus terrenis ; hæc descriptio secundum genus indicat , quod scilicet peregrinum est apud nos . Galenus utrumque ostendit nomine Smyrnij : de primo inquit Romæ plurimum vendi , appellatique vulgo non Smyrnium , sed Olusatrum , multo acerius est , & calidius , quam Apium , quin & odorati quipiam habet , unde vrinas prouocat vehementius quam Apium Equapium , & Sion , mensesque mulieribus mouet . Vere autem caulem producit , qui crudus vescitat , non aliter quam folia , quæ hyeme sola plantæ inerant , caulem non dum habenti , vt neque tum Apium habet , postea vero accedente caule tota planta iucundior redditur , siue quis crudam ipsam siue elixam mandat , & quæ sequuntur . Iterum in simplicium censu , de eodem inquit , Smyrnium quidam Hippo selinon sylvestre nominant , ex eodem genere cum Apio est , & Petroselino , sed Apio quidem validius , Petroselino autem imbecillus ; menses itaque , & vrinas mouet ; calidum siccum in tertio ordine . omnia hæc de Olusatris intelliguntur . De altero autem genere Smyrnij inquit Cilices Petroselinon vocant , quod in Amano monte nascitur ; est quidem , & ipsum Smyrnium , minus vetricare Petroselino & Smyrnio ; ideo veleribus commodum ; quia siccata sine molestia , & digerit indurata ; semine vtimur ad menses vrinas , & asthmata . Theophrastus Hippo selinon vocat , quasi Equinum Apium , & vt Theodorus Equapium vertit : foliis vicinum Paludapio , hisutum & grandi caule constat : & radicem crassam modo Raphani agit , sed nigram : fructum quoque nigrum fert , magnitudine Etuo ampliorem : ad vrinę difficultates , & eaculos pellendos utile : nascitur omnibus locis , & lachryma ex eo Myrrha similis defluit : quidam in iotum Myrrham id esse affirmant . stillat ex radice , quæ sole exsiccata & sata Equapium provenire affirmant : radix carnosa est , cortice non etiasso , palato grato , sed folia sicciora & acriora sunt , perpetuo virget , cæcumine perdurat , amissis teliqais . ex his significatur Olusatrum . Plinius Olusatrum , & Hippo selinon , & Smyrneum vocari tradit , mira natura , nam & lachryma caudicis sui nascitur : seritur & radices succum eius qui colligunt . Myrrhe saporem habere dicunt : Authori Theophrasto tribuit tribuit Myrrha sata natum . Veteres Hippo selinon in locis incultis lapidosis iuxta maceriam seri , nunc & repaskinato seritur a Fauonio & post equinoctium autumni . Alibi Smyrnium vocat inquietis ; Smyrnium seri ; Myrrhamq; radice resipere . Alibi Hippo selinon inquit simile Eleoselino esse ; sed in siccis nasci : pluribus foliis , non unico , vt Eleoselinon . Hæc omnia de Olusatris intelliguntur : de Smyrnio autem altero , eamdem serme ad verbum habet descriptionem , quam Dioscorides tradit .

C A P. X L I I I .

LE V I S T I C V M vulgo appellatur, quia pro Ligustico aliquando accepta est: gaudet iisdem locis, quibus Olusatrum: folia fere ab radice erecta longis pediculis, foliis Apij latifolij oblongioribus, & candidioribus, in luteum quodammodo vergentibus, odore valde medicato; non sine aliqua iucunditate: caules fert rectos, striatos, cubito altiores: vmbellas luteas, in quibus semina farcta, ut in Petroselino sylvestri, maiora Feniculo, aliquantum compressa, & striata, multum odorata, resinacea, ex candido flavescentia: radix candida, prægrandis, succosaque. quidam hanc de Laserpitium reducunt. Censeo apud Theophrastum Libanotidem fertilem esse: duo enim genera Libanotidis tradit: Theodorus Rosmarinum vertit; sterile, & fertile: de fertili inquit: folium habet palustri Apio simile, multo maius: caulem ad magnitudinem cubiti, aut maiorem: radicem magnam, crassam, candidam, & ve-
luti Thus redolentem: fructum candidum, scabrum, oblongum, qui Cachrys vocatur: nascitur potissimum squalido solo, atque saxoso: vni-
le tam fructu, quam foliis, & radice in medicamentis: radix ulceribus
utilis, & mensibus, porta in vino astero & nigro: fructus ad vrinæ stilli-
cidia, & aures, & argemam, & lippitudinem, & mulieribus lacteis huber-
tatem facit. Plinius Libanotis inquit, locis putridis, ac macris & roscidi-
dis seritur semine: radicem habet Olusatris, nihil à Thure differentem.
Quidam alio nomine Rosmarinum appellant. Duo genera eius: alterum
sterile; alterum cui & caulis & semen resinaceum, quod Cachrys voca-
tur: foliis odor Thuris: alię vero sunt Libanotides apud Dioscoridem:
foliis Feniculi, quamvis in cæteris descriptiones consentiant.

C A P. X L V .

LE V I S T I C V M alterum omnino in incultis nascitur locis, squa-
lidis, montuosis, cui folia ab radice strata in terram, dura, & len-
ta, breviora altero, & vt plurimum subrubra, odorataque: cau-
liculum fert leuem, subrubentem, cubitalem, paucis ramis: vmbellas
subrubentes, & semina nigra, parum compressa in rotunditate, oblon-
ga: radicem fert nigrum, pollicis crassitudine, non sine odore: hanc ni-
gram Libanotidem appellare possumus, quamvis Theophrastus nigrae
non meminit. Plinius hanc significasse videtur, cum dixit, radicem ha-
bet Olusatris, nihil à Thure differentem.

C A P. X L V I.

LIGUSTICVM, in Alpibus Ligurię vulgò Imperatoria vocatur: folia à radice, rotundo pediculo, & fere lignoso, ac tripartito gerit, figura herbæ Sanctæ Mariæ, sed magis in acutum desinētia, magisque serrata, tereta in singulis pediculi ramulis, odorata; prædura: caulem cubitalem, altioremque, paucis foliis: semina in umbellis figura & magnitudine Feniculi, nigra, odorata, & acris: radix candida pollicis crassitudine, in duas aut tres prælongas desinens, odore iucundo, sapore acris: oritur in Alpibus propè riulos: vtuntur semine in obsoniis, & radice ad stomachi dolores, & imbecillitatem, ac omnes ferme internorum noxas: Dioscorides dicit Ligustico inquit plurimum in Liguria nasci, in monte Apennino Alpibus contermino, vnde nomen traxit, Panaces incolæ non ab re appellant, quoniam & radice & caule Heracleotico Panaci simile est, & viribus eisdem præditum: gignitur in altissimis, asperisque montibus, & umbrosis maxime circa fluenta: caulinum fert Anethi geniculatum, tenuem, & in circuitu folia Meliloti, molliora, odorata, prope verticem graciliora, & magis diuisa: in cacumine muscarium, in quo semen nigrum, solidum, & oblongum, Feniculo proximum, gustu acre, & aromaticum: radix candida Heracleotici Panacis similis, odorata: semine vtuntur indigenæ pro Pipere in obsoniis. Adulteratur semine simili, quod amarum est, admixto Feniculo, aut Sesili. Theophrastus meminit Ligustici inter odorata, quibus ad vnguenta vtuntur. Plinius Ligusticum inquit sylvestre est, in Ligurię suæ montibus seritur, ubique suauius satiuum, sed sine viribus: Panacem alij vocant: eamdem puto apud eundem inter Panaces appellari Pharnaceon, à Pharnace rege cognominatum: seritur inquit hoc: longioribus quam cetera foliis, & serratis: radix odorata in umbra siccatur, vi noque gratiam adiicit: huius genera duo fecere, alterum leuioris folij; alterum tenuioris: per alterum autem genus tenuioris folij, intelligi puto herbam in omnibus fere Alpibus frequentem, que & in plana descendit, umbrosis tamen locis, Imperatoria simillimam, sed sine odore: foliis tenuioribus, mollioribus, pediculis non rotundis, sed excavatis: radice breui: umbella candida: seminibus, gustu insuauibus: hanc Pseudoligusticum appellari posse censeo, cuius semine adulterari legitimum Ligusticum testatur Dioscorides.

C A P . X L V I I .

VABBAM in montibus nascitur Ligustico maior : foliis latioribus , rotundioribusque : caule crasso , proximo Ferulae : umbellas fert luteas : semina compressa , & rotunda , candicantia , Sphondilio minora : Radicem candidam , Ligustico crassiorem : Qui-dam pro Libanotide Theophrasti ostendunt : non tamen odor adeo insignis inest . Censerem hanc potius apud eumdem inter genera Panacis recenseri , cum inquit : sunt & aliae , quædam Panaces : vna folio tenui ; alia latifolia : ut Ligusticum significet , & hanc , quæ latiori folio constat , quasi Ligusticum maius dici possit , & Imperatoria maior .

C A P . X L V I I I .

ANGELICA vulgo appellatur in Alpibus caule bicubitali , crasso , & concauo , odorato : foliis Olausatri , oblongioribus , leviter serratis , mollibus : umbellas fert latas : flore candido : semen candidum , oblongum , striatum , quod in foliacea quædam labra dilatatur , valde odoratum , quasi Moschum redolens , sapore acri : radicem palmi longitudine , crassam instar Napi , candidam , fungosam , succosam , iucundissime olentem , acré , & subamaram : lachryma concrescens pallescit : descendit & in plana iuxta aquas locis umbris , brevior : folio nigriore : radice minori , figura tenuioris Napi , quæ in plures radiculas definit , odore infirmo ad Pastinacam vergente : caules recentes & tenelli , ac folia virtiusque gustui grata sunt . celebrant radicem ad venena , & pestilentiam . extat & sativa , quæ colitur in Germania : radice nigra , in multas fibras diducta , Ellebori modo , gustu suavior : eruitur antequam caulescat hanc ad Laserpitium referri posse reot , quod Græci Silphion vocant , licet in Italia non ad eam magnitudinem crescat , neque ea sit suc ei hubertas , quæ in Aphrica , & calidioribus regionibus , ut multis aliis contingit . Theophrastus de Laserpitio inquit : radix ei est multa , & crassa , ut radicibus potius constare eius tota natura videatur , quo euidentissime à cæteris differt : caulis quantus Ferulae , & crassitudine fere proximus : folium , quod Masperton vocant , Apio simile est : semen latum , foliaceum scilicet , quod folium appellatur : caulis annuus , sicut Ferulae : Folium exit ineunte vere , quo pecus purgatur , ac pinguefcit vehementer , & carnes mirabilem in modum suaves redduntur : post hac caulem edit hominum cibo idoneum omnibus modis , elixum , assumq ; : corpora eo quoque purgari ferunt : Quadraginta diebus succus capitur duplex , alter ex caule , alter ex radice , ob id Scaparium , & Ra-

dicarium vocant: radix nigro cortice tegitur, eumque detrahere solent,
 certa quadam mensura, ad succum colligendum: collectum succum va-
 sis coniiciunt, farinamque admiscent, & longo tempore spatio quatiant,
 quo modo & colorem capesit, & conditum incorruptumq; perdurat:
 locum Apicæ amplum occupat, sed maior pars colligitur apud Syrites:
 culta fugere traditur, &, si colatur, degenerate: Radicem alij cubita-
 lem tradunt, aut paulo maiorem, hanc extuberare in caput, quod subli-
 me penitus extat, ut fere super terram esse appareat, vnde primum, quod
 lac appellant, erumpit: dein caulis assurgit, ex quo Magydaris, &, quod
 Foliū dicitur, exeunt, Foliū id semen est aurei coloris, quod, cum Au-
 ster ingenuē post caniculam flauerit, discutitur, atque ita Laserpitium
 nascitur, eodemque anno radix consumatur & caulis: radices quoque
 madunt recentes in aceto decisas, & paulo post de Magidari loquens in-
 quirit: quod vero Magydarim vocant, nimirū à Laserpitio differt; te-
 nerius enim, minusque vehemens, & sine Lasere est id est succo, aspe-
 ctu quoque manifesta homini experto, licet quidam Laserpitium id ap-
 pellent: Laser lachryma est gustu vehemens; modo Laserpitij, præstan-
 tor ex radice; quia purus, translucidus, & siccior: qui ex caule humi-
 dior, ideo fatinam inspergunt, ut satis coagulari possit: folium & fru-
 ctus suavis & mollis est, quia acrimoniam moderat permixtus humor
 aquosus. Laserpitium peculiare in Cirenensi, odore suauissimum. Pli-
 nius Græcos authores testatur, Laserpitium repente ortum, cum antea
 non esset in Aphrica circa Hesperidum hortos, Syrtimque maiorem,
 annis septem ante Cyrenarum oppidum, ex imbre piceo tellure madefac-
 ta, & reliquam historiam ex Theophrasto recenset. Dioscorides La-
 serpitium in Syria Armenia, Media, & Lybia nasci tradit, caule feru-
 laceo, quem Maspeton vocant: foliis Apio similibus: lato semine: ra-
 dix excalfacit: in cibis ægre concoquitur: vesicae noxia: succus è radice,
 & caule scarificatis colligitur: prefetur rufus, translucentis, Myrrhæ si-
 milis, non porraceus, odore valens, suavi gusto, qui dilutus facile al-
 bescit Cyrenaicum si quis degustauerit, humoré toto corpore ciet, odo-
 re blandissimo, ut ne os quidem gustanti nisi paulum spiret: Medius &
 Syriacus infirmiores odore, magis viroso acrem vim habet: radicem ali-
 qui Magydarim vocant: caulem Silphion; & folia Maspeton. Alteram
 præterea in fine capitinis Magydarim tradit in Lybia nascentem: radicem
 Laserpitio similem, minus crassam, acrem, & fungosam, ex qua non pro-
 fluit succus: eiusdem cum Laserpitio facultatis ex quibus patet, no-
 stram Angelicam non multum discedere à Laserpitio Cyrenaico, aut sal-
 tem ab altera Magydari: immo Angelica montana, & magnitudine,
 & odoris suavitate, & acrimonia, & succo maxime ad Laserpitium ac-
 cedit: Altera vero ad Magydarim. Laser à recentioribus medicis Affa-
 voca-

vocatur distinguenter in odoriferam & fetidam : ut per odoriferam succus Cyrenaicus significetur : per fetidam Medius & Syriacus . tamen in officinis non reperitur nisi feditissimum genus , quam Assam feditam vocant , cuius suffitu maxime ab hominabili fugient animalia , & mulieres à suffocatione vteri liberantur . mirum autem si in Aphrica copiosum est Laserpitium , non afferri succum Cyrenaicum , qui ob excellentiam simplici nomine succus appellatur , græce Opos , omnium succorum calidissimus , maxime tenuium partium , aereæ substâtæ , & igneæ , ut Galenus testatur . cum ex eadem Cyrenaica regione Ammoniacum ha beatur teste Dioscoride : ideo querendum inter eas merces , an cum Ammoniaco feratur .

C A P . X L I X .

HERBA Rena vulgo appellatur in Alpibus nostris , alibi Ostruthium , & Imperatoria vocatur inter nobiles Alpium plantas ; nam & ea , ad omnes fere morbos internos instar Panacis vtuntur : Folia in singulis pediculis ternâ tantum gerit , subrotunda , & farcta , Apij modo , latiora , quam Olusatri , candidioraque , & magis rugosa , & subaspera : caulinus fert cubitalem : umbellas latas , flore cädido , seminibus latis , Sphondylio similibus : radices fert summa tellure serpentes , geniculatas , multas , & prælongas , à quibus germina ex interuallis attolluntur : radiculis color subalbidus , aliquando interno diis subrubentibus , aut nigris antibus , odor suavis , non absimilis Angelicæ , sapor feruens , & subamarus : easdem vires habet quas Angelica , & effaciatores ; nam vnicæ venenis aduersatur , & pestilentiae contagia arcet : educit cralla ex thorace ; & ventriculi pituitam deificit : appetentiam excitat : vrinam mouet , & menses : rigores febriles discutit in vino pota : glutinat interna vulnera ex vino & aqua decocta : extrinsecus applicatur iictibus venenatis : canis rabiosi morsui , carbunculis cum polenta , doloribus lumborum , & vitiis Hypochondriorum . si vires huius plantæ contemplerur , & formam , maxime conuenire videbitur cum Panace : si igitur flos aureus inesset , constanter affirmarem Panacem Chironium esse . at eadem difficultas contingit in Panace Herculeo ; quæ enim apud nos oritur , in cæteris omnibus conuenit cum descriptione ab antiquis tradita , excepto floris colore luteo , cum in nostra albus sit : Inquit autem Dioscorides de Panace Chironio , quod genus tertio loco describit inter Panaces : maxime nascitur in Pelio monte : folia fert Amaraca similia : flores aureos : radicem tenuem , non in profundum actum , gustu feruentem : valet radix contra serpentes potu , coma autem illitus similitudo autem Amaraci non de Sampacho intelligenda est , sed de Partenio ;

Partenio; nam & hæc Amaracus vocata est, cui folia Coriandri tribuuntur, quæ obrotunda & fracta sunt: radicis descriptio aptissime tradita est, nam tenuis, non in profundum, sed summa tellure, sapore acri. Theophrastus non folia Amaraci tribuit, sed Lapathi, idest Rumaticis, in cæteris consentit cum Dioscoride. Inquit enim Panax Chironia, folium habet simile Rumatici: florem auri specie: radicem longam: amat loca pinguia: vtuntur ea aduersus viperas, & Phalangia, & tineas vestium, & cætera reptilia data ex vino, & vñcta oleo, & adnascētia ex melle. Plinius in hoc genere Panacis describendo, partim ex Theophrasto assumit, cum inquit: foliū eius Lapatho simile, partim ex Dioscoride in Panace Asclepio, vbi subiungit, mains tamen & hysutius: flos luteus, radix parua, profecto, si pro Lapatho Amaracus legatur, vt in Dioscoride, nulla erit inter hos authores differentia: rationi autem magis consentaneum est sic legere; nam in genere Ferulaceo, nulla est apud nos folio Rumaticis, nisi quis Perfoliatam accipiat, quam ad Seseli Aethyopicum Dioscoridis reduximus: nam folia, quæ ab radice sunt, Rumaticis figuram habent; & flos aureus.

C A P. L.

H E R B A Costa vulgo appellatur; quia radices pro Costo in usum venerunt: oritur in montibus: folia fert ab radice humi strata, ramosis pediculis, foliorum segmentis in rotunditate oblongis, inæquabilibus, serratisque, non excedentibus ternum digitorum latitudinem: hæc initio letia sunt, procedente tempore horrescunt: caules fert bicubitales, pallescentes, hirsutos; vnde emanat lachryma aurei coloris, odorata, acri: flores fert luteos paruis umbellis: femina in latitudinem depresso, vt Pastinacæ: radices crassitudine baculi, in diuersas partes tendentes, nervosas, exterius subrufas, gustu feruente. Iudicatur à quibusdam non immerito Ferula genus esse, quod Sagapenum fert, de quo Dioscorides seorsum à Ferula agens inquit; Sagapenum succus est Ferula in Media nascentis; optimum translucens, colore extetius fulvo, interius albo, redolens quid inter Laser, & Galbanum, gustu acri: Galenus in Antidotis inquit: est succus Ferula cuiusdam Panaci similis: hodie huiusmodi venditur in officinis inter merces orientales. Mesues & cæteri Arabes succum hunc inter purgantia medicamenta numerant; nam purgat humores crassos & tenaces ex cerebro & nbris, trahit quoque aquam flauam. sed multas alias vires & efficaces legere est apud Di scoridem.

C A P . L I .

AL B A N V M succus est pinguis, non tamen oleo solubilis, sed aqua: media quodammodo natura constat inter Gummi & Resinas; accenditur enim igni, ut Resinæ: humore aqueo soluitur, ut Gummi, tactu mollescit, ut cæra: color ex rufo subliuidus: odor validus, medicatus. assertur autem ex orientalibus. Dioscorides succum esse inquit Ferula in Syria nascentis, laudari similitudine Thuri, chartilagineum, & pingue, purum, liberum à ligno, sed aliquid semi-nis & Ferula ad mixtum habens, olfactui graue, neq; valde humectum, neque tursus aridum: naturam habet calfactoriam, feruentem, extra-storiam, & discussoriam. Galenus inter ualida emollientia recenset, Plinius sincerum inquit fugat nidore serpentes.

C A P . L I I .

AMMONIACVM inter succos pingues est aqua solubiles, consistentia aridioris cære, exterius flauum, intus candidum, crassitas guttis constans, sapor inest primo gustui suavis, postea subamarus, odor incensi, actior Galbano. huiusmodi assertur inter merces orientales. Dioscorides succum esse tradit Ferula sive arboris Ferulaccæ in Cyrenaica prope Ammenis oraculum: probari valde coloratum absque lignis, & hatenis, chartilaginibus, Thuri similibus, purum, densum, absque sordibus, odore Castorei, gustu amaro: vim habet emolliendi, extrahendi, discutiendi, & alum purgandi: Plinius unum scribit Thuri masculo simile, quo maxime probatur; alterum pingue, & resinosum, adulteratur hatenis, veluti nascendo apprehensis: igitur quam minimis glebis probatur, & quam purissimis.

C A P . L I I I .

PANAX herculeum vulgo à nostris Panacea, Ferula est in Alpibus, cui folia ab radice simplici pediculo quina ad summum, aliquando terna, initio vnicata, lata, fracta, & aspera, instar foliorum Fici: caulem cubitalem fert, subalbidum, hirsutumque; umbellas in cume lateas: flores candidos: semina in latitudinem rotundam valde compressa, & candicantia: radix in plures ramos diuiditur, candida, acris, & amara; viuit arescente caule, at sine succo: alterum genus ex Sicilia ad nos translatum: foliis constat in terra stratis, initio quasi Pastinacæ latiæ, laevibus, sed procedente tempore in vastam amplitudinem

nem dilatantur, simul & asperitatem induunt, segmentis amplis se tangentibus, ut unicum folium integrum figura cruciformi ad amplitudinem cubitalem accedat; vere caulem attollit, anno secundo aut tertio bicubitalem, rubentem, lauem, in quo lachryma concrescit colore flavo, idem procedente tempore subhirsutus redditur: vmbellæ insident amplè: flore candido: semine crasso, & oblongo, candida lanugine hirsuto: radix non magna, candida, quæ perfecto scmine exarescit. Dioscoridis descriptio secundæ magis congruit, quam primæ: inquit enim Panax herculeum in Cyrene Lybiæ, & Macedonia: nascitur alicubi etiam colitur questus gratia, hinc collecto Opopanax radice incisa: foliis constat asperis, in terra iacentibus, herbacei coloris, ad Ficulnea accendentibus in ambitu quinquepartito divisis: caule altissimo, ut Ferulæ, lanugine quadam incano, minutioribus foliis: vmbellis Anethi: flore luteo: semine odorato, ferventique: radices multas ab una origine, candidas, graueolentes, crassi corticis, subamari gustus. Theophrastus Herculananam Panacem inquit, folio constare magno, & ample, ut quoquo versus tres palmos perficiat: radicem prope digiti crassitudine bifidam, aut trifidam, gustu subamari, odore synceri Thuri. Plinius Herculeum intelligit, cum simpliciter Panacem vocans inquit Ferulam esse sui generis quinque cubitorum: foliis primo quaternis, mox senis, in terra iacentibus ampla magnitudine, rotundis, in cacumine vero oleagineis: semine in muscatiis dependente, ut Ferulæ: excipitur succus inciso caule messibus: radice in autumno. ex his patet præter floris colorem, & caulis altitudinem, cæteras conditiones nostris connenire, sed magis Siculo. habemus autem Opopanacem inter merces exterias, odore graui, colore flavo: laudatur à Dioscoride intus quidem candidus, & subrufus, extra vero croceus, leuis, pinguis, friabilis, tener, facile tabescens in aqua, & elactescens, odore graui, amarissimus. Melius Opopanacem inter medicamenta purgantia ponit, at plantæ figuram aliter tradit, ut Asclepium Plinij & Theophrasti videatur intelligere.

C A P. L I I I .

SPHONDYLIVM in montibus, & collibus nascitur, locis riguis, foliis Pastinacæ satiuæ, simplici pediculo, sectionibus latioribus, in angulos desinentibus, ut Platani folia: in totum vulgari Panaceæ tota planta similis est, tantum minoribus foliis. Dioscorides inquit: folia Platanum referunt, cæterū ad similitudinem Panacis: caules cubitales, vel ampliores, Feniculo similes: semen in cacuminibus simile Seseli, duplex, latius, & candidus, paleosiusque, graue olens: flores candi di; radix candida, Rhafano similis: oritur in palustribus, & aquosis.

Plinius

Plinius inquit à Panace differt, quæ vocatur Sphondylium foliis tantū; quia sunt minora, & Platani diuisura: non nisi in opacis gignitur: semen Silis speciem habet, medicinæ tantum utile.

C A P. L V.

PASTINACÀ vulgò appellatur, radix vasta, quæ in hortis seritur cibi gratia, quamvis & sponte oriatur breuiori radice: folia fert simplici pediculo, longitudine duorum dodrantum, sectionibus oblongis latitudine ternum digitorum, circumfarcitis, hirsutis, frequentibus: caulem crassum, bicubitalem, & ampliorem, striatum: vmbellas summis ramis insidentes, latas; flore luteo: semina in rotunditate deprecta, lata, candida: floret æstate: radix singularis in altum demittitur, cubitalis, subpallida, cortice carnosò, neruo intus duro: Hæc venit in cibos elixa exempto neruo, dein frixa more fungorum verno tempore: ex eadem cum saccaro electuarium conficiunt ad vires recreandas conualescentibus, & puerperis, communissimum rusticorum remedium; appetentiam quoque præstat. Pastinaca nomen Latinum est, quod Plinius multis tribuit, scilicet Staphylino sylvestri, & sativo; item Hibisco in genere Maluæ: Quartum genus Dauco, quam nostri Pastinacam Gallicam vocant: Meminit & Pastinacæ maioris, cui neruus inest, vt Siseri, sed tantum anniculæ. Atheneus de magna Pastinaca inquit; quod Caros vocatur, magna est Pastinaca, quæque facile augeatur, meliorem habet succum, quam Pastinaca, magis calefacit, vrinamque magis ciet, stomacho confert, facileque digeritur, vt Difilus est author: profecto si aliqua magna dici debeat Pastinaca, hæc quam proposui, cognomen id meretur. sed apud Dioscoridem quo nomine donata sit, incertum est; neque enim in genere Staphylini, neque Dauci ponenda videtur; cum totius plantæ facies longe discrepet; neque cum Sisere, cui valde affinis est; nam Plinius Pastinacam maiorem seiuinxit ab eodem; alioqui Siseris facultates, quas Dioscorides & Plinius tradunt, maxime conueniunt cum nostra Pastinaca; & vulgo cognitus traditur Siser, vt apud nos Pastinaca. Inquit enim Dioscorides, apud quem non Siser, sed Sisaron vocatur, notum est vulgo, eius radix decocta, ori grata est, & stomacho utiles; vrinam ciet; & appetentiam inuitat. Plinius inquit: Siseris præcipua generositas est in Germania: ei Princeps Tiberius nobilitatem dedit, qui singulis annis efflagitabat: ex quo apparet frigidis locis conuenire: inest longitudine neruus, qui indecoctis extrahitur, amaritudinis tamen magna parterelicta, quæ mulso in cibis temperata etiam in gratiam vertitur: neruus idem & Pastinacæ maiori dumtaxat anniculæ. Seritur Siser Februario, Martio, Aprili, Augusto, Septembri, Octobri, utiles est stomacho.

RR

SIS B R Germanicum, foliis constat Pastinace, tenuioribus, ac minus hirsutis, Sio proximis: flore candido: seminibus latis, pluribus ab eodem exortu: radiculis digitalibus, & amplioribus, alius breuioribus, quasi aceruatis bulbis, vt in Asphodelo, subcroceis, quæ coetæ in cibos veniunt. Puto apud Diöscoridem Elaphoboscum vocari, quasi Cerui Pastinacam: nam Græce Βόσκειν pascere est; vnde Pastinacæ nomen deriuatum videtur. Inquit igitur de Elaphobosco: caulem Fæniculi, aut Libanotidis fert, geniculatum: folia duorum digitorum latitudine sufficienter oblonga, vt Therebinthi, circumtracta, aliquantum aspera: ramos quosdam: umbellas Anetho similes; flores subluteos: & semen Anetho simile: radicem trium digitorum longitudine, crassitudine vnius, albam, dulcem, esui aptam: aslumitur etiam caulis nuper ortus inter olera. Aliunt ceruas huius herbæ pastu morsibus serpentum resistere, cuius gratia semen in vino propinatur. In hac descriptione flos luteus non conuenit Siseri Germanico, cui albus est flos. At nostræ Pastinacæ maxime quadraret tum flos, tum folia, caulis, & semen; at radicis breuitas nequaquam, nisi genus sylvestre assumatur, cui radix breuior, inulta quam satiuæ, ac flos luteus. At id nequaquam disjungendum videtur à satiuæ, cum solo cultu differat; grandescit enim in latro solo, & optimere refollo. hæc faciunt, vt nostram Pastinacam vulgarissimum Sisarum esse putem: Germanicum autem Siser ob radicum figuram digitalem, & reliquas notas ad Elaphoboscum referam; quamvis flos non sit luteus. Plinius non inepte Elaphoboscum describit, inquietus. Ferulaceum est geniculatum, digiti crassitudine; semine simili, corymbis dependentibus, sed non amaris: foliis Olusatri: & hoc lautum in cibis, quippe etiam conditum protogatur ad vrinam mouendam.

C A P. L V I I .

SA X I F R A G I A vulgò appellatur in montibus nascens inter saxa : foliis Pimpinelle, non hirsutis; vnde quidam Pimpinellam vocant. eius plures differentiæ: Quædam ab odore radicis Hircina cognominatur: folio maiori, quasi ad Pastinacæ solium accedente, magis acuto, criso, circuiferrato: ramos fert cubitales, striatos: radice crassam, acrem, odore hirci: flores albos in tenuibus vmbellis: semina Apij, oblonga, odorata, valde acria, & tubamara. Altera minor, caulinculo constat dodrantali: foliolis ab radice Pimpinelle, scilicet subrotundis, & circumferratis, in simplici pediculo dispositis: rami autem tenuius diuiduntur, vt Sisonis: semen fert acrius, & odoratus priore, nigrius, & tenuius: adeo vt cum Petroselino Macedonico cōgruere omni ex parte videatur, & magis quam vulgare Petroselinum latifolium, de quo egi mus. Tertia foliis constat ab radice stratis in terram, sectionibus rotundis, & latis, simili modo serratis: caulem tenuem, rotundum, cubitalem, in quo folia vario modo scissa, Coriandri similitudine: in cacuminibus tenues vmbellæ, antequam floreant, deorsum inclinatae: flores albi: semina valde exigua, quasi Ameos, lanuginosa, subcandida, gustu feruētia. Quarta in totum tertie similijs: solo semine discrepat, quod paulo crassius est, nequaquam lanuginosum, & infirmius. Celebrantur Saxifragiæ ad calculum frangendum, & vrinam impellendam, etiam ad venena & pestem: spicula infixa extrahenda totius herbae succo, sed præcipue semine & radice. Tertia species forte dici posset Cuminum sylvestre primū, cui semen acerosum, & acrius satiuo; & exilitate cōuenit cū Ammi.

C A P. L V I I I .

PIMPINELLA Romana vulgò appellatur herbula, cubito brevior; paucis foliis in simplici pediculo, rotundis, paulo latioribus Pimpinella, candidantibus, hirsutisque: vmbellas fert canidas: & semina lata, acrotunda, vt Pastinacæ, circulo candido, ac denticulato ornata instar clypeoli; vnde quidam Tordylium esse putarunt, at infirmi odoris, saporisque non ingratii: radix est tenuis & inutilis. ipsa herba cruda assumitur inter olera, copiosè nascitur in sub Urbiis Romæ, præcipue in Vaticano. Alterum genus sylvestre insuauius passim in ruderibus nascitur, & sèpibus, cubitale, & altius: foliis latioribus ad Pastinacam accendentibus, ad pediculum reflexis, hirsutioribus, que prope cacumina tenuius diuisa sunt: flores, & semina in totum similia.

CORIANDRVM seritur in hortis : caule cubitali : foliis variis , initio quidem latioribus, quasi Pastinacæ, rotundioribus, colore virente, leuibus ; in progressu eadem sensim tenuius diuiduntur, ut tandem Fæniculo proxima reddantur, odore ingratu, ac pertinaci, ut mirari liceat in Hispania expeti in cibis tum cruda, tum cocta, que in Italia vehementer ferent : eo cibo somnum conciliant, sed capitis grauitas, & vertigines excitantur : vmbellas in cacuminibus fert candidas, & semina rotunda quibusdam apicibus in summo, quibus siccatis odor inest suavis ; idcirco condimentis inferuntur : incrustantur quoque saccharo inter bellaria : Cotion Græci vocant, & Coriannon . Dioscorides multas plantas Coriandro cōparat tamquam plantæ notissimæ : ipsam tamen non describit : ei vim refrigeratoriam tribuit, ut inter venena respondatur : nam qui succum eius biberunt, insaniunt, multa loquentes, ut temulentii . Dubitat Galenus de eius facultate refrigeratoria, quoniam & effectus caliditatis in eo videt : in his postea multum altercantur recentiores : similis est in plerisque aliis difficultas : Nam ea magis refrigerando interficiunt, quibus caliditas cum multa humiditate vaporosa coniuncta est, ut Crocum, Styrax, Vinum, multo magis Cicutæ succus, & Coriandri, & Papaueris, quibus humiditas crassior & indigesta est; indicat enim fætor. At Coriandri semen ab ea humiditate exceptum est magna ex parte; idcirco sine noxa assumitur ; largius tamen a sumptum, & vsu continuo mentem non sine periculo tentare tradit Dioscorides. Arabes laudant ad reprimendos vapores à ventriculo ascendentes, ut in epilepsia, dolore capitis, ebrietate : semen tostum aluum cohibet, & sistit sanguinis profluvium . Meminit Theophrastus sparsim Coriandri, hæc scribens : prouentu contumax : semen novum nascire refusat, nisi conuoluatur : vetus celerius prouenit : radix lignosa, vniſtirps, non prolixa, neq; fibris multis: multis caulibus : multisque ramis constat: semen nudum, sub Canis ortum salescit. Plinius Coriandum inter sylvestria non inueniri testatur. sunt tamen qui hodie Coriandum sylvestre passim in Hetruria oriri testantur, in pratis, & campestribus, quod profectò adhuc mihi incompertum est, nisi per Coriandum sylvestre accipient eam plantam, que vulgo Verdemarkum appellatur, de qua suo loco egimus . venditur autem in officinis Coriandri semen ex Orientalibus allatum.

M I Q U A R C A P . L X .

ANISV^m semen est Feniculō minus, & rotundius, odore, & gusto suaui, subdulce, & acre; ideo præ cæteris incrustatur saccharo inter bellaria: seritur in hortis annuo prouentu, ut Corianum: eius planta breuior Coriandro: foliis initio rotundis, in tummo serratis: procedente tempore inciduntur Coriandri modo, bene olenitia: flos albus. Dioscorides tamquam notum indescriptum reliquit: Theophrastus Anesum vocat, recensens tantum inter odorata. Plinius quoque tacet, desideratum viride aridumue omnibus, quæ condiuntur, quæque intinguntur; panis etiam crustis inferioribus subditum; otis halitum iucundorem facit, & vultum iuniorum prestat: insomnia levat suspensum in puluino, vt dormientes olfactiant.

*

Finis Libri Septimi.



A N-

ANDREAE CAESALPINI
ARETINI
DE SVFRVTICIBVS ET HERBIS.
LIBER OCTAVVS.

CAP. PRIMVM.



V AE bina seminis conceptacula ferunt, solitariis seminibus in singulis alveolis, paucae sunt. Harum flos summo fructui insidet instar Ferulacei generis, vt Rubizæ, Agrimonizæ: aut fructus sine flore est; & flos sine fructu, vt Mercurialis Xanthij. Fructificant hæc non in umbellis, vt Ferulacea, sed aut sparsim in aliis foliorum, & summis ramulis; aut in capitulis, vt Pimpinella.

C A P. I I.

MERICVRIALIS vbiique obuia est iuxta parietes, hortorum mæceries, & vias, herba dodrantali altitudine, frequentibus geniculis, in quibus bina folia, & bini rami à latere producuntur: folia latiora quam Oleæ, mollia, & circum serrata, ex viridi pallescentia. Quæ floret, racemulum ex aliis oblongum, & tenuē fert, referunt granulis herbaceis, qui flosculi sunt sine fructu. Quæ autem fructum fert, geminum in singulis pediculis breuissimis gerit, similitudine testium, herbacei coloris, subhirsutum, vtuntur hac herba clysteribus ad alvi subductionem. Altera in montibus nascitur: simplicibus ab radice caulis: foliis maioribus: fructu grandiusculo: sine flore: radices fert Graminis modo tenues, candidas, cæruleo quadam colore, vt plurimum depictas. Dioscorides Linozostium vocat: foliis Ocymi, Helxine cognatis, minoribus: ramulis geniculatis, multis aliis. Feminæ fructus copiosus, rameorum specie; Mari pendet è foliorum sinu parvus, rotundus, ceu bini testiculi coharentes: frutex dodrantalis, aut maior. Hæc descriptio prioribus duabus conuenit. de montana Mercuriali mentionem non fecit. Theophrastus Phylon vocat, idest Folium, cuius fæminam Thelionon

gonon appellari tradit, idest Fœminifcum; ut Theodorus verit: Marem autem Arrenogonon, idest Marifcum; quia illud ad fœminas procreandas faciat, hoc ad mares, ut testatur quoque Dioscorides de vtræ Mercuriali. Describit Theophrastus vitramque specie Ocyimi, inter se similes, fructu tantum distare; nam Theligoni fructus Musci oleaginei modo est, veruin pallidior: Arrenogoni sicut Oliua, cum primum ex musculo flore emerget; geminat ut testiculi hominis. Dioscorides tamen ex Cratætia aliam vitriusque Phylli historiā affert, quæ aliqua ex parte cum Mercuriali conuenit, ut suo loco ostendetur. Plinius à Mercurio inuentant̄ tradit, vnde Hermupoia à multis dicta est, apud nos Mercurialis: Duo genera, masculus & fœmina: quæ efficacior, caule cubitali, interdum ramoso, in cacumine, Ocymo angustioribus foliis, geniculis pensis, alarum cauis multis, semine in geniculis dependente; fœminæ copioso: mari iuxta genicula stantis rariori, ac breui, contortoque: fœminæ soluto, & candido: folia maribus nigriora: fœminis candidiora: radix superuacua, prætenuis: nascitur in campestribus cultis. mirum est, quod de vitroque proditur, ut mares gignantur hunc facere, & fœminæ illam.

C A P. I I I.

XANTHION herba in æstate prouenit iuxta lacus, & in torteum alueis siccatis: caule crasso, multis ramis in latera tendentibus: foliis latis figura Populi albæ: fructum sine flore fert in alis foliorum, spinosum, Lappæ modo hærentem vestibus; ideo quidam Lappam minorem vocant: figura nuclei Oliuarum, cuspede bipartita: semina bina intus septo chartilagineo disiunta, oblonga, & nigricantia: flores in summis ramulis fert sine fructu, vel potius aridos, floccos herbaceos. Dioscorides nasci inquit, læto solo, & lacubus exsiccatis: caule cubitali, anguloso, pingui, crebris aliis: foliis Atriplicis, incisis, odore Nasturtij: fructu grandis Oliuæ, rotundo, spinoso ut pilulæ Platanii, qui contactu hæret vestibus. hic capillos rufos reddit tusus & aqua dilutus, si prius nitro illiti sint capilli: asseruatur per se tusus dum viret, aut ex vino, exsiccatusque. hinc videtur nomen Xanthij adeptum esse.

C A P. I I I.

GRIMONIA vulgò appellatur in incultis nascens, & tenui solo: caule recto, ferme cubitali, sine ramis, lignoso, & hirsuto: foliis frequentibus, longo pediculo, & simplici constantibus, in quo conjugatim foliorum partes dispositæ sunt, serratæ, maiores Quinquefolio, alijs paruis inter mediis, ut Pimpinellæ: summus caulis in prælon-

prælongam desinit veluti caudam circundatam floribus luteis ex quatuor foliolis constantibus: fructus fert pilosos deorsum nutantes, & parte postrema latos, qui siccari ut Lappæ vestibus adhærent: intra osseum corticem bina semina continentur: tota planta sapore constat siccantes, absque manifesta amaritudine, aut alio sapore, & odore. Dioscorides Eupatorium vocat, cum tamen a quibusdam falso Argemone dicta sit, nam alia est Argemone: est autem Eupatorium surculosa herba: uno caule lignoso, nigricante, recto, tenui, hirsuto, cubitali, interdum ampliore: foliis per interualla Quinquefolij aut Cannabis potius similibus, quinque partito, aut amplius diuisis, nigricantibus, & ipsis per ambitum serratis: semen è medio caule erumpit, pilosum, deorsum spectans, quod siccatum vestibus hæret: folia contrita cum adipe suillo ulceribus rebellibus cicatricem inducunt. Herba aut semen in vino potum dissentericis, & hepaticis, & serpentiū ictibus auxiliatur. Plinius Eupatoria inquit regiam autoritatem habet: caulis lignosi, nigricantis, hirsuti, cubitalis, aliquando & amplioris: foliis per interualla Quinquefolij; aut Cannabis, per ambitum incisis quinquepartito, nigris & ipsis, plumosisque: radice superuacua: semen dissentericis in vino potum auxiliatur vnicē. Aliud porro apud Auicennam & Mesuem est Eupatorium; sapore amaro, laudatum ad lecinoris obstrunctiones abstergendas. Galenus quoque Eupatoria facultatem tribuit incidendi & abstergendi circa manifestam caliditatem cum astrictione quadam: herbam esse tenuium partium, idcirco pollere ad obstrunctiones Hepatis expurgandas: Quæ facultates Agrimonæ non videntur inesse, cum præter astrictionem alia euidens qualitas in ea non sentiatur: Quod cum viribus à Dioscoride traditis consentit; nam siccando cicatricem inducit, dissentericos, & fluxus hepaticos sanat. An latere potest sub terresti i substantia qualitas aliqua tenuis incidens & abstergens? Facit & difficultatem, quod scribit Dioscorides libro sexto, ubi ad epotam Mandragoram precipit excitandos à sopore ægrotantes olfactoriis, inter quæ Eupatoriū in primis numeratur, quasi vehemens in eo sit odor, quod nequaquam Agrimoniæ inest. Hinc puto Arabes alias plantas inuxisse pro Eupatorio, & amaras & odoratas, de quibus loco proprio agemus. At Agrimonia excitare possit sopore affectos, si eius virtus nidor ut capillorum natibus excipiatur. Quoniam vero hæc Argemone appellata fuit à quibusdam teste Dioscoride, videtur Plinius eamdem intellectisse, cum de Lappa Canaria inquit: trita cum Plantagine & Millefolio ex vino Carcino mata sanat ternis diebus soluta; medetur & suibus: hæc effossa sine ferro & addita in colluuiem poturis, vel ex lacte & vino, quidam adiiciunt, & fodientem dicere oportere: hæc est herba, Argemon, quam Minerua reperit suibus his remedium, qui de illa gustauerint; merito enim hæc

inter

inter Lappas numerari potest, cum semen pertinaciter vestibus adhuc reat. aliae tamen sunt Argemonia apud eundem Plinium, & apud Dioscoridem, de quibus locis propriis agetur.

C A P. V.

PIMPINELLA à recentioribus appellatur, vulgo autem apud nos Sorbastrella à sorbendo dicta; nam sanguinem ex vulneribus sorbet, & vulnera glutinat: herba in arido solo, & inculto nascitur, & saxorum crepidinibus: seritur quoque in hortis inter olera; nam cruda in cibum venit ex oleo, sale, & aceto: foliola coniugatim multa in longo, & tenui pediculo fert, subrotunda, & circumserata, grati odoris, qui etiam in vino placeat. Nam calices herba virenti replent, ut vinum ex ea bibatur, quod facit ad arcenda venena & pestem: caulinulos fert rectos, dodrantales, aut paulo altiores: paucis foliis, ramisque: in cicutinis capitula ex granis congestis; quibus floculi insident constantes ex quaternis foliolis, herbaceis, media quadam lenagine rubra: fructus angulosi, asperi, duri, quibus bina semina continentur: radix unica est parvo Raphano similis. laudatur ad sanguinem fistendum, & dissenteriam. extant eius aliquæ differentiæ magnitudinis & patuitatis. Fama est alicubi cum eius radicibus vermiculum erui sericis tingendis colore coccineo, quem Chermesinum vocant. sed audio in Hispania Coecum huiusmodi vermiculum gignere, quod magis rationi consentaneum est; nam Coccii folia non absimilia sunt Pimpinellæ. Quamquam scio etiam Chermesinum ex purpurarum conchis haberi. Pimpinella sapore constat astringente, cum quadam dulcedine, subaci. Hermolaus vim inesse scribit extrahendi ferrum & spicula ex vulneribus facile, & sine dolore. Apud Dioscoridem Tragum dici puto, quod secundo loco describitur in hunc modum: Folia Scolopendri habet, & radicem sylvestris Raphani, tenuem, & candidam, quæ tum cruda, tum cocta in cibo disfentericis opitulatur: folia in Autumno hircum redolent; unde nomen Tragij; prouenit in montibus, & precipitiis. Quamuis autem hirci odor in Saxifragia magis manifestus sit, quæ & Pimpinella ob foliorum similitudinem dicta est: facultas tamen astringendi, & usus in cibis, huic inest, non Saxifragæ.

C A P. VI.

POTERIUM translatum est nuper ad nos, ac viuit in horto Pisano: frutex cubitalis, in multam latitudinem extensus: ramis frequentibus: foliis Pimpinellæ, minoribus, quasi Trichomanes,

superne virentibus, infra candicantibus, tenui cortice, villoso, ac flauescente: summi ramuli in spinas desinunt, molles, ramosafisque: quibus fructus racematin cohaerent Piperis magnitudine, in candido subrubentes, fungosa exterius cute: flosculus iis inest qualis Pimpinellæ: sapor totius plantæ astringens, & subacris, sine odore: Radices summa tellure spargit: pulcherrime prouenit surculo. Dioscorides de Poterio inquit, large fruticat: ramulis proceris, mollibus, lenti, tenuibus, ut Tragacantha: foliis gracilibus, rotundis: totus frutex lanoso cortice, ac tenui, obducitur, spinosusque est: flores fert paruos, candicantes: semen gustu odoratum, & acre, nullius usus: inuenitur in aquosis collibus: radices habet binum ternumque cubitorum, neruolas, & firmas, que propter terram recise lachrymam dant. Gummi similem: radix tusa vulneribus sanandis efficax, præcipue neruis præcisis illita: decoctum quoque eius potu affectibus neruorum opitulatur. Plinius eadem fere ad verbum habet, excepit flore, quem longum, & herbaceum scribit. Alibi autem Phrynon vocans inquit. Auxiliatur Ranis rubetis Phrynon in vino pota: aliqui Neurada appellant; alii Poterion: floribus paruis: radicibus multis, neruosis, bene olentibus. Si igitur prædicta planta Poterium est, flores patui magis conueniunt, quam longi: odor tamen nec in fructu, neque in radicibus est conspicuus. Ab hac non multum distare putandum est Tragium Creticum; nam frutex Lentisco similis tum folio, tum fructu, & virgis, minoribus tamen, & succus simili modo inest. Gummi non dissimilis: Vires preterea, quae traduntur huius Tragio à Dioscoride, consentiunt cum Pimpinellæ virtute, quam congenetem esse animaduertimus, alterum Tragium appellantes; nam semen folia, & lachryma illitu spicula è corpore ciiciunt: omnia quoque corpori impaeta euocant: sed amplius strangurię medentur: calculos vesicę frangunt: menses trahunt: datur drachma una in potionē. fama est sylvestres capras sagittis confossas, hujus herbe pabulo spicula excutere. In hoc eodem genere & Tragacantha videtur esse.

Visa est apud nos spina ex semine peregrino nata, frutex ramosus, binis aculeis robustis, iuxta singula folia, quæ ramoso constant pediculo, in eoque coniugatim foliola disposita sunt, subrotunda, leuia: hec noctu contrahantur, & quasi complicantur, interdiu pandunt se: at perfectam plantam cum flore ac fructu videre non licuit: suspicatus sum Tragacantham esse, de qua Dioscorides inquit: radix est lata, ac lignosa, summo cespite nixa; unde surculos humiles, robustes latissime fundit, in quibus minuta sunt folia, & multa, interpositis

positis spinis inter folia occultatis, candidis, robustis, subrectis, est autem Tragacantha lachryma, que vulnerata radice manans concrevit: præstat perlueens, gracilis, leuis, syncera, & subdulcis, naturam habet conglomerantem similem Gummi, valet ad scabritias arteriæ, tusses, raucedines, distillationes in elegmate cum melle, ad renum dolores, & vesicæ tensiones bibitur cum passo dracma cum cinere cornu cerui, aut cum exiguo Aluminis scissis. Apud Theophrastum Theodorus Hirci spinam vocat: habere lachrymam dicitur: hec antea nasci tantum in Creta putabatur: nunc vero in Achaia etiam Peloponnesi, & aliis locis, & Asia circa Medeam comperiri certum est. Sponte succus consistit, spissaturque lachrymæ modo; hanc enim cedere nequaquam opus est: large in Archadia nascitur, nec deterior Cretica existimatur, sed etiam visu pulchrior. Plinius inquit Tragacanthem fert Creta Insula, Spinæ albae radice multum prælatam apud Medos, aut in Acaia nascenti. Hodie assertur lachryma specie veriniculorum candida, arida, qua mulieres pro glutine viuntur, & medici ad tusses & distillationes acres.

C A P . V I I I .

RVRIA, quam officinæ Rubeam Tinctorum vocant, radices sunt Iunci modo tenues, & rubicundæ, quibus infectores lanarum vntuntur: laudatur crasso cortice, in quo est visitingendi, nervulo intus tenui: seritur in Piceno, præcipue Ravennæ. sunt & sylvestres in Etruria frequentes, locis montosis, & aridis: omnium caules infirmi, qui sine adminiculo nequaquam scandunt: sylvestres inter vepres assurgunt, aliquando ad bicubitalem altitudinem, paucis ramis. sativa procumbit in terram, ramosior multo, & longior: foliis quoque longioribus, in acutum desinentibus, subasperis: in summis ramulis flosculos fert, rameosos, pallidos: baccas quales Ligustri, rubro colore tingentes: intus officula duo, concava, acetabuli figura: tota planta asperitate quadam horrida est: quadrato caule: foliis per interualla quinis, in orbem figura stellæ. sylvestris asperior est: foliis breuioribus, Oleæ figura & magnitudine: florem fert candidum: fructum similem satiue. Quadam in genere sylvestri fructu constat subaspero, ac nigro, quod genus breuiori caule constat. Dioscorides Erythrodanum vocat: radicem rubram, qua lanæ tinguntur. Vna sponte prouenit: altera seritur, vt in Thebana Gallia, & Rauenna Italiæ; in Caria inter Oleas, vt in aruis, hanc non sine questu serunt, cum maximum ex ea prouentum sentiant. asperi sunt caules, & quadranguli, longi, Aparinæ non dissimiles, robustiores, & multo prouersus maiores: foliis per interualla circum articulos stellæ modo dispositis: semen rotundum, inter initia viride, mox rubrum,

postea cum maturerit nigrum : radix tenuis, longa, rubra. Theophrastus describit folio Hederæ, rosundiori, tamen : humi serpit Graminis modo : loca amat umbrosa : radix rubra : citrinam, qua de causa ad lumborum & coxa dolores evituntur. At folio Hederæ adhuc non vidi mus. Plinius inquit, in primis Rubia tingendis lanis & cotiis necessaria : laudatissima Italica, & maxime suburbana, & omnes pene provincias statent ea : sponte prouenit, seriturque : similitudine Eruiae, vetum spinosus si caulis, & geniculatus hic est, quinque circa articulos in orbe solis : semen eius rubrum est.

Liqu. Alioquin exponit. A. de frumentis. C. de medicamentis. D. de medicamentis. E. de medicamentis. F. de medicamentis. G. de medicamentis. H. de medicamentis. I. de medicamentis. J. de medicamentis. K. de medicamentis. L. de medicamentis. M. de medicamentis. N. de medicamentis. O. de medicamentis. P. de medicamentis. Q. de medicamentis. R. de medicamentis. S. de medicamentis. T. de medicamentis. U. de medicamentis. V. de medicamentis. W. de medicamentis. X. de medicamentis. Y. de medicamentis. Z. de medicamentis.

C. A. P. I. X.

iv. matutina, et nocturna, et diurna. Quod in hibernali et nocturna, et diurna.

APARINAB vulgo apud nos Asprælla vocatur, frequens in artuis, & in aliis & sibi: latè solo nascitur, tenerior multo Rubia, sed tactu asperior, ut vestibus adhæreat: folia ferr angustiora, in singulis geniculis plura, sena, rauis septena: flosculös candidos: fructum asperum, & durum: radicem valde tenuē, flavescentem. Dioscorides describit ramis multis, & paruis, asperis, quadrangulis, per interualla erbiculatim foliis circumdantibus, ut in Rubia: flos albus: semen durum, rotundum, concavum, albūm, umbilici figura: herba vestibus adhæret: ea vtuntur pastores coli vice ad pilos ex lacte eximendos. apud Theophrastum Theodorus Lappā vertit, quæ suę asperitatis causa vestibus adhærescit, ut difficile auferri possit: Notabile in ea, nam quiddam inest hirsutum & asperum, in quo nascitur flos, non exiens, neque manifestus, sed intus matutescens, & semen pariens, ut accidit Galeis & viperis: illa enim postquam oua inter se pepererunt, mox animalia gignunt, hec quoque florem intra se continens, & concoquens, fructum deinde parit. Amplexi caulis est, si non habeat, quibus accumbat, humi serpit: inter Lentem maxime coalescit, quam Eruangē modo aggreditur, & herbam totam, veluti branchiis capessit, nec secus angit, atque obstrangulata: Galenus inter semina alienigena in frugibus reperta Aparinem recenset, quæ Lentem amplectitur, strangulat, & suffocat & detrahit non aliter quam Orobanche Eruum. Plinius Aparinem inquit, aliqui Oraphalocarpon, alij Philantropon vocant: ramosam hirsutam; quinque senisque in orbem circa ramos foliis per interualla: semen rotundum, durum, concavum, subdulce: nascitur in frumentario agro, aut herbis pratisue, asperitate etiam vestium tenaci. Inter cæteras facultates laudantur folia, cum sece aceti trita ad strumas dissoluendas. Alibi Plinius, eamdem inter Lappagineas Asperuginem vocat; asperioribus foliis constantem, quod verbum alludit vulgari nomenclatur: Asprælla enim vocatur.

C A P. X. *Industries and Commerce*

LAPPAGO quidam Aparinem l̄quem vocant, vbiue nascitur, Aparinē similis; nequaquam aspera; durior, ac ramosior, vt Rubia; sed foliis pusillis, & subrotundis, septenis, aut pluribus in singulis geniculis: racemoſo flore, candido; & magis manifesto: fructu exiguo, Milij magnitudine: radice rubra, oblonga; vt Rubiae, multis aliis capillatibus flauescentibus. Eius aliquæ differentiæ magnitudinis & paruitatis,asperitatis ac l̄quitatis. Aliqui non immерito inter sylvestres Rubias numerant. Puto autē apud Plinium Lappaginē vocari: Inquit enim similis est Anagallidi, nisi esset ramosior, ac pluribus foliis aspera, rugosa, asperioris succi, grauis odoris! quæ talis est, Mollugo vocatur, cuius succus expressus pondere xi denariorum in vini cyatis duobus ad podagras quotidie sumitur: similis & asperioribus foliis Asperugo vocatur: sed alia Lappago vocatur à Theodoro, quam Theophratus Hippophion vocat.

C A P. X I.

GALION Lappagini similis est, tactu laevi: sed foliis angustissimi
mis, in singulis geniculis numeroso ambitu: flosculos copiosos
fert in cacuminibus, racematin, luteos, & grantula exigua, ac
nigra: radicem flavescentem, extant & huius differentia magnitudinis
& paruitatis, & coloris. Quædam enim flore candido constat, in læto-
solo nascens, & palustribus. Quæ vero luteum florem gerit, in sterili so-
lo magis, ac montibus prouenit. Dioscorides inquit. Galion ab eo no-
men traxit, quod in cōtrahendo lacte coaguli vicem præstat: ramulum,
foliumque habet Aparinæ simillimum, rectum: florem in cacumine lu-
teum, tenuem, densum, copiosum, odoratum: nascitur in palustribus:
flos medetur ambustis; profluia sanguinis prohibet: radix Venerem
stimulat.

C A P. X I I.

RV C I A L I S herba vulgò appellatur : multis ab eadem radice
cáuliculis , simplicibus , dodrantibus quaternis foliis in sin-
gulis geniculis ad modum crucis , hirsutis , sed tactu mollis , pau-
lo Rubia minoribus : flosculos fert in singulis geniculis , luteos inter fo-
lia : fructus rotundos , leues , candidos : oritur in pratis , & collibus :
Eadem in montibus longe exilior nascitur : Quedam in maritimis mi-
nima , quatuor digitorum altitudine : fructu in orbibus pungente . Plinius Alysson vocat inquiens : distat à Rubia , qui Alyssos vocatur , fo-
liis

liis tantum, & ramis minoribus, quippe nomen accepit, quod à cane
commercos rabiem sentire non patitur, potus ex aceto, ad alligatusque:
mirumque est, quod additur, saniet conspecto eo frutice siccari. Non
abhorret ab eadem herba & Dioscoridis descriptio; nam de Alyssio
post Aparinem statim agens inquit: Fruticosa herbula est, vnicaulis,
subaspera: rotundis foliis: sed quod de fructu subiungit, non videtur
congruere: cum inquit: fructum fert duplichum scutulorum effigie,
in quo est semen quadantenus latum: in montibus, & asperis locis
emicat: Non tamen ex toto abhorret hæc conditio; nam & in Apari-
na & Rubiæ generibus semen duplex continetur, altera parte conca-
uum, altera conuexum scutulorum effigie. Hermolaus ostendebat Alyss-
on, non herbam Crucialem, sed quam nos Rubiam sylvestrem appel-
lauimus: foliis quinis in singulis geniculis, asperioribus, quam Crucia-
li, & grandiori semine: magis anguloſo caule: flore candido, cuius-
modi est, quam nos inter sylvestres: fructu aspero: & breuiori caule
ostendimus. At Galenus & Actius alias omnino diuerſas plantas oſten-
dunt Alyssi nomine, de quibus inter Marrubij genera querendum est..

C A P. X I I I.

QVAEDAM dodratalis, fruticosa: ramulis tenuibus: binis fo-
liolis, angustis, in singulis geniculis: in alis grana singula ace-
tabuli figura in quinque barbulas desinentia, patua, dura,
viridia, & striata: intus semina bina continentur: oritur in montibus.

C A P. X I I I I.

QVIDAM fruticulus in collibus saxosis nascitur, arido solo, &
inculto: ramulos tres, aut quatuor ab radice spargens, simpli-
ces, dodrante longiores, humi procumbentes: in quibus pau-
ca folia, ceu Lini, brevia, colore aliquando viridi, aliquando
ex rubro nigrescente: supra folia pendent flores ex uno tantum latere vs-
que ad cacumina, spectantes ad terram, purpurei, vel cærulei, vel pal-
lescentes, ex rotundis foliolis tegentibus: fructum compressum & rotun-
dum, qui in summo scissus est: semine in utroque latere oblongo, gustu
subamaro. Non abhorret ab hac Osyris Dioscoridis; inquit enim:
fruticulus est niger: virgas ferens tenues, lentes: foliola tria, aliquando
quatuor, quinque, & sex: ceu Lini, initio nigra, murata autem subrubra
fiunt. decoctum huius sanat morbum regium; sed quoniam apud Pli-
nium coloris mutatio non foliis tribuitur, sed fructui, idcirco aliam
ostendimus Osyridem eius descriptioni conuenientem.

C A P. X V.

VAE in geminis conceptaculis plura ferūt semina, multa sāt,
& multis modis varia; nam aliis pauciora in singulis alueolis
continētur semina: aliis plura: constitutio quoque vasculo-
rum differt; nam alia septum habent productum à dextris ad
sinistra, vt alueoli ante & retro spectent, vt genera Verbasci: Alia vico
versa alueolos habent in dextris & sinistris, septo secundum profunditatem
producto: vt genera Nasturtij & Leucoij: septum præterea vel te-
nus est membrana, adeo vt in quibusdam vix conspicua existat, vt in
Plantagine; vel crassum corpus, quæ vt plurimum est seminis sedes, vt
in Acantho: abscedit autem perfecto semine exarescente vasculo, aut ve-
luti testa superposita, vt in Plantagine, Hyoscyamo: aut vtrinq; valuula
solo relieto septo, vt in Nasturtio; aut solum timula in summo vasculi
fit, vnde effunditur semen, vt in Verbasco; aut dehiscunt vtrinq; oscula
vt in Linaria. Ut autem varia est vascorum constitutio, sic & to-
tius plantæ facies valde differt in singulis generibus, sed incipiamus ab
his, quibus pauciora insunt semina, inter quæ ea sunt, quæ spicata ap-
pellantur à Theophrasto, quia spicam gerunt similem frumentis.

C A P. X VI.

PLANTAGO herba est in humidis nascent, passim in pratis, & se-
cūs vias: foliis in terra stratis, figura Betæ; nervis in longitudinē
discurrentibus, aliis quinqæ, aliis septem; vnde vulgo Quin-
queneruia & Centineruia, & Beta sylvestris appellatur: radicem fert
pollicis crassitudine, breuem, à qua multæ aliæ tenues, & fibrosæ descen-
dunt: caulinos simplices, ac nudos totos, fere semine circundatos mo-
re spicatum: flosculo lanugineo pallescente, sunt autem tenuia vascula
& oblonga, brevibus quibusdam folliculis protecta, in quibus semina
continentur exigua, ex aigro rufescens, splendidaque: Huius cauli-
culi apud nos ad cubitalē altitudinem non accedunt aliquando vix pal-
lum attingunt procumbentes ad terram, quo vero longiores, eo magis
eriguntur: estat quædam foliato caule, frequens in Germania. Dioscorides
Arnoglossum maius vocat; quasi Agnilinguam: habitus inquit est
lato folio, oleraceo, anguoso: caule subrubro, altitudine cubitali:
tenui semine à medio ad verticem usque circundante: radicibus tene-
ris, pilosis, & candidis, digiti crassitudine; in palustribus, secus agge-
res & septa. Theophrastus simpliciter Arnoglossum vocat, aliquando
Stelephuron, utrumque verbum à Theodoro Plantago vertitur. De Ar-
noglosso

noglosso inquit: ab radice tantum foliata est: prorogat suos prouentus ex singulis floribus: alibi Stelephuros inquit spicosa, quæ Agnina lingua à quibusdam vocata est, & ab aliis Conturnix, similis caudæ Vulpiæ, nisi quod florem non particulatim edit, sed per totam spicam Tritici modo: flos lanuginosus, ut Frumenti: Genere autem conuenit cum Oculo Canis, & Bibinella, & Cauda Vulpina, quæ spicam gerunt, nō acutam, neque aristatam, tota forma cum Triticò similia, sed latoiore folio constant. Plinius seorsum de Plantagine, & Stelephuro agit: nam Stelephuros inquit proxima est Caudæ Vulpiæ, nisi quod illa particulatim floret. Alibi duo genera Plantaginis tradit, minorem, & maiorem: De maiore inquit: foliis laterum modo inclusa, quæ quia leptena sunt, quidam eam Heptapleuron vocarunt. Huius & caulis cubitalis est, & Napi similis: nascitur in humidis, multo efficacior minore. At quæ Napi similitudo cum Plantagine, non video, nisi intelligatur semen. Miras huius herbae facultates legere est apud Dioscoridem.

C A P. X V I I.

LANCBOLA vulgo appellatur, quia caules lanceas cum sua cuspide referunt: herba similis Plantagini: foliis angustioribus, longioribus, ac mollioribus, sapore non ingrato; nam cruda sumuntur inter olera, quæ oleo, sale, & aceto parantur: caules fert multos, cubitales, nudos, ex medio foliorum exeuntes, rectos, quamuis prope radicem incuruos: quibus summis breues sunt spicæ, lanuginosæ: flosculi ab imo incipiunt in orbem circundantes apice quoddam insidente stamini tenuissimo, pallescentes: fructus similis Plantagini, sed binis tantum seminibus: oritur in pratis, & tenui solo. reperitur & in hoc genere maior, & minor, & maximum quoddam genus in montibus. Dioscorides Arnoglossum minus, idest Plantaginem minorem vocat: angustioribus foliis, minoribus, mollioribus, leuioribus, ac tenuioribus: caulinis angulosis, veluti in terram procumbentibus: flore pallido: semine cacuminibus caulinum imposito. Plinius similiter Plantaginem minorem describit: angustioribus foliis, nigrioribus, linguæ Pecorum simillimis: caule anguloſo, in terram inclinato: in pratis. An hæc apud Theophrastum Alopecuros, idest cauda Vulpina dicta est? inter spicosa, spicam habet hirsutiorem, & magis lanuginosam, similem Vulpium caudis, unde nomen. ei similis Stelephuros, nisi quod florem non quemadmodum illa particulatim edit: flos utrique lanuginosus, sicut etiā Frumento: Hæc Theophrastus. Quamuis autem inter frumenta sylvestria & pabularia quedam ostendatur, cui spica mollissima est, maxime similis Vulpium Caudæ, non tamen in eo genere continetur, quæ

Theo

Theophrastus spicosa appellat inter olera : hæc enim latifolia magis truduntur, quam Triticum, ut patet in Plantagine, quam Stelephuron vocat in hoc genere. Plinius Theophrastum fecutus inquit: Alopecuro spicam habet, mollem, & lanuginem densam, non dissimilem Vulpium caudis; vnde ei & nomen. Proxima est ei, & Stelephuros, nisi quod illa particulatum floret.

C A P. X V I I I.

BIBINELLA herbula est ex Sicilia habita, minor Lanceola, ac viudior: folium medio quodam modo se habet, inter Lanceolam & Plantaginem; paruis circumquaque apicibus, ut Coronopo, frequentioribus: caulinulos fert palmares, plenos semine, ut Plantago: herba assumentur inter olera. Apud Theophrastum Thryallis vocatur, quam Theodorus Bibinellam vertit: hæc inter spicosa quadantenus similis est Stelephuro idest Plantagini: meminit & Plinius inquit, Thryalis est ex his, idest Stelephuro, & Alopecuro.

C A P. X I X.

CORONOPVS, quæ vulgo herba Stella appellatur, folio' a sete multa, circa radicem strata, longa, & angusta: appendicibus quibusdam raris, & inæqualibus, magna ex parte falcatis, acutisque, non tamen pungentibus, sed initio nullis, sapore dulci, & astringente, ideo cruda in cibis recipiuntur: caulinulos fert tenues, humi pro cumbentes: spica simili Lanceolæ, tenuori: seritur in hortis, sed & sponte nascitur in incultis, & secus vias. quæ seritur angustiore folio constat, mollior, rarioribus appendicibus, gratior: sylvestris his superior, folius profundius laciniatis, Erucæ similitudine. Dioscorides Coronopum vocat, quasi pedem coruinum, ob aduncas foliorum appendices vnguis pedis coruini similes: hodie tamen Pedem Coruinum vocant Ranunculi speciem ad inustiones laudatam pro Cauterio. reperio Coronopum inter cæteras appellations antiquas, Astrion quoque dictam fuisse, quasi Stellam, quod nomen hodie vulgare est; at breviter in hunc modum describitur à Dioscoride: est oblonga herbula, in terram strata: foliis scissis: coquitur in oleo: radicem habet tenuem, astringentem, quæ in cibo celiacis facit: prouenit in incultis iuxta domos, & secus vias. Plinius eadém transcritus inquit: Coronopus oblonga herbula est cum fissuris: seritur interim, quoniam radix celiacis præclare facit in cinere tosta: sed alibi inter aculeatas recensere videtur, quarum caules per terram serpunt, sed inibi verbum aculeatarum superioribus adne-

Etendum est, cum de Ononide loquens inquit, viuaxque præcipue aculeatum: sequitur postea: caules aliquarum per terram serpunt, ut eius, quam Coronopum vocant. Apud Theophrastum Theodorus Silaginem vertit, quæ ab radice tantum foliata inter olera, quibus amaritudo quædam inest, ut Cicoraceis.

C A P. X X.

S I L I V R U M . T A C

VAEDAM in montibus nascitur inter taxa: latiore, ac densiore frutice, quam herba Stella: foliis pusillis, angustioribus multo, ac sine appendicibus, aut scissuris, quasi Graminis, leuibus, sapore subausto, gustui grato: caulinos tenues, spicosos, ut Plantaginis: radicem fert, lignosam, inferne singularē, superne in multos ramos fissam, unde erumpunt deſa foliola, capillaceam comam præferentia: Frequens hæc in Etrurijs Montacuto: ea vivuntur in cibis cruda. altera in ædificiis visitur simplicior, lanuginosa: tenui radice: caulinis quatuor digitorum longitudine, quibus insident capitula Psyllio similia: hanc quidam Serpentinam vocant: Dioscorides Holestion vocat, quasi totum esui aptum, intelligens, ut puto, priorem illam fruticosam. Alij tamen ex Plinio Holostium vocant. est inquit Diſcorides, pusilla herba, tribus aut quatuor digitis supra terram: foliis, ramulisque Coronopi, aut Graminis, sapore austero: radice admodum tenai, usque in capillamenti speciem, candida, quatuor digitorum longitudine: in collibus: & carnes hac, cum coquuntur, addita cohæreſcunt: extat & usus eius ad rupta in vino potæ. Plinius non Holeſtium sed Holosteon vocat, quasi totum osseum, ex aduerso tamen appellatam à Græcis herbam; quia sine duritia, sicut Fel dulce. Herba inquit est tenuis usque in capillamenti speciem, longitudine quatuor digitorum, ceu foliis angustis: astringens gusto: nascitur in collibus terrenis: ex quibus error notatur in Diſcoride, capillamenti similitudinem tribuenti radici, cum potius herbæ conueniat; nam folia comam capillaceam radici fruticosæ insidentem præferunt, aliquando amplitudine, quanta humani capitis vertex; ob duritiem vero fruticis, forte Holostium dicunt est, non à contrario sensu, ut Plinius putauit.

C A P. X X I.

SYLLIVM à supradictis distat, quod in caules assurgat foliatos, & ramosos, altitudine prope cubitali: folia ab radice longa, & angusta, ut Coronopi, sine scissura, hirsuta, in caule vero breuiora: ex aliis caulinis excut, quibus insidet capitula, quæ spicas sunt breues, ex

con-

congestis granis cōstantes, vt in Lanceola : flosculi simili modo, stamine
 lōgo constant, apicem quēdā sustinente : semina in suis folliculis bina,
 cūdenter concava, in speciem nauiculae; parte autem conuexa pulices re
 presentant, vnde appellatio apud Grēcos, colore nigrante, cum splen-
 dore quodam : oritur locis harenolis, prēcipue maritimis, eius duas no
 tuimus differentias, magnitudine & paruitate tum seminis, tum folio-
 rum, ac totius plantæ : maioris semen candidius est : recentiores Pulica-
 riam vocant, licet eodem nomine etiam Conizam intelligent. Diosco-
 rides describit foliis Coronopi, hirsutis, longioribus : ramis dodranta-
 libus, vt tota herba Feni speciem gerat : coma eius à medio incipit cau-
 le, in summo capitula duo, aut tria compacta, in quibus semen durum,
 nigrum, simile pulicibus, vnde nomen : nascitur in artuis & in cultis.
 Plinius in vineis reperiri : radice tenui, superuacua : sarmentosum fabæ
 granis in cacaminibus : foliis canino capiti non dissimilibus: semine au-
 tem pulici : intelligit autem per caninum caput herbam, cui vasculum
 inest canino capiti simile : folia autem Psyllij, vt suo loco ostendetur.
 Apud Theophrastum censeo Cynopa intelligi Psyllium, quoniam inter
 nomina à Dioscoride tradita, etiam Cynoides, & Cynocephalon dicta
 est, ob similitudinem cum capite Canino herba. Theodorus mode ocu-
 lum canis vertit, modo Canariam. suspicatur Hermolaus non Cynopa
 legendum esse, sed Conopa, vt intelligatur herba Culex appellata ; nam
 Grēce Conops culicem significat, de qua herba reperitur apud rei rusti-
 cę scriptores, Cucumeres nasci sine semine, si farina eius herbae maceren-
 tur semina. Ego potius Culicem herbam censerem Conizam deriuato
 nomine à Conope, quoniam culices abigit, vt Dioscorides testatur : Cy-
 nops igitur apud Theophrastum numeratur cum spicatis supradictis :
 germinat post æquinoctium primis imbris. Apud Plinium quoque
 inter easdem spicatas Cynopsis mentio reperitur. Psyllij facultates dili-
 genter apud Mesuem leguntur inter medicamenta purgantia : nam sol-
 uit emolliendo pars quēdam in semine, quæ in superficie est, dum solui-
 tur in aqua, nam aquam in spissat, vt testatur Dioscorides, nostri mucil-
 laginem Psyllij appellant, qua viuntur ad asperam arteriam, ad acres di-
 stillationes in eclegmate, & ad linguæ ariditatem, asperitatemque in fe-
 bribus exurentibus, ad quem usum sufficit semen globulo tenuis linte
 exceptum, vt in aqua frigida madescat ; soluitur enim glutinosus eius
 succus, cui facultas inest refrigerandi, & humectandi vehementer. At se-
 minis medulla vehementer calida & sicca est, acris, rubificans, & exulce-
 rans, in genere venenorū. Dioscorides quoque libro sexto inter venena
 Psyllium numerat.

C A P. X X I.

PO T A M O G E T O N in fluminibus, & stagnantibus aquis nascitur : longis ramis, iunceis innatans : foliis per intetualla, Plantaginis magnitudine, Laurini folij, ex quorum alis spicas egerit super aquas quatuor digitorum longitudine, granis rufescens tibus, circu data; in quibus bina semina continentur. Dioscorides inquit; foliū Betæ simile, hirsutum, & parum extra aquam supereminens ; facultate refrigerandi, & astringendi: inter cætera nomina Stachyitem appellari, quasi spicatam. Plinius inquit Potamogeton similis Betæ : foliis minoribus tantum, hirsutioribusque, paulum supereminens extra aquam : peculiariter refrigerat, & spissat. Aliam præterea Plinius ex Castore Potamogeton describit : foliis Equiseti, de qua nos alibi.

C A P. X X I I.

MA LABATRVM ex hoc genere videtur esse; nam affertur ex India foliū quoddam, quod Folium Indum vocant, Lauro simile, cui tres venæ, seu nerui discurrent secundū longitudinē; iucundi odoris, sapore pingui, ac subaci : huiusmodi ferunt apud Calicutenses mandi voluptatis gratia : Betellas patrio nomine vocant, oramandentium & dentes inficere colore subrufo, Venerem excitare; idcirco in frequenti vsu esse. Putant quidam huiusmodi esse, aut Casiae folium, aut Gariophylli; quoniam earum folia Lauri vel Mali Assirij traduntur. At qui arbores eas viderunt, vt Betellas, tamquam rem diuersam tradunt, vt videre licet apud Lodouicum Romanum, & Aloysium Cambustum in suis nauigationibus, & alios, apud quos, & pictura eiusdem folij traditur, neque fuerit Tembul Auicennæ, quod inquit mandunt Indi, ad gingiuas consolidandas, & ventriculum roborandum, temperamenti frigidi & siccii; non enim euidens est astricō in hoc folio, sed acredo quædam manifesta, & caliditas aromaticā. consideranti igitur Potamogeti folium in nostris paludibus & figura & neruis tribus discurrentibus maxime affine huic folio esse, nullum videbitur absurdum, si hoc Malabathrum statuamus apud Dioscoridem, inquit enim: folium est sui generis in paludibus Indiæ genitum, aquisque innatans palustris Lenticulē modo: nulla radice: Hoc protinus collectum, Lino traiectum, siccatur, & reponitur. Tradunt exustis estu paludibus cremiis & farmentis in vri locum, alioqui non prouenturo eo genere nisi ita fiat. laudatur recens, & in albo nigricans, contumax frangi, solidum, integrumque, odore, qui narces feriat, & qui summoto quoque eo persistat,

stat, sapor eius similis esse debet Nardo sub lingua, non salsus : Damnat-
tur infirmum, & minutum contusum, præfertim si cariosum virus oleat.
Vim habet Nardi, quamuis in cæteris infirmiorem, tamen vrinis impel-
lendis, & stomacho roborando utilem : Ocis halitum & suavitatem
commendat linguæ subditum : interponitur vestibus ad odorem & no-
xia animalia arcenda . Plinius Malobathron vocat è Syria quidem, &
Aegypto arborem esse: conuoluto folio, ex quo exprimitur oleum ad vn-
guenta. Laudatius autem ex India venit, in paludibus ibi gigni , Lentis-
modo, odoratus Croco, nigricans, scabrumque, quodam salis gustu-
minus probatur, candidum celerime situm in vetustate sentit, sapor:
eius Nardo similis esse debet, odor in vino sufferuetætæ antecedit alios .
Auicenna Malabatrum tribuit ramos, & florem frangibilem. Contendit
Don Garzia Lusitanus Malabatrum in India vocabulo parum immuta-
to vocari Tamalapatra, & esse arborem ingentem in siccis natam; non in
paludibus natare, ut Dioscorides tradidit . De Betellis autem, {quas Be-
tre vocat, inquit Tambul vocari, quasi Tembul Auicennæ: inquit na-
sci vbique in mariitimis Indiæ, at in mediterraneis nequaquam, nisi transfe-
ratur; neque in frigidioribus locis, ut Chinna; neque in calidioribus:
in insulis Moluccis fructum ferre similem caudæ Lacertæ, qui gustui-
gratus comeditur ab indigenis : seri ut vites, adiunctis adminiculis, ut
serpat, Hæderæ modo : sed operosa eget cultura, & aquarum irrigatio-
ne continua ; ex quibus significatur plantam palustrem esse, simile quoq;
fructu nostro Potamogeto, intelligique pro Malabathro à Dioscoride:
Quod autem Tamalapatra vocant Indi esse genus arboreum, quod scri-
bitur à Plinio; & apud Auicennam Tembul ..

C A . P . X X I I I I .

ACANTHVS vulgo Brancaursina : oritur in vmbrosis : foliis abi-
radice magnis, & multis, figura Cardui sylvestris, at nequaquam
spinosis, leuibus, mollibus, ex viridi nigricantibus: caulem ex-
medio foliorum fert, simplicem, nudum, rotundum, ac rectum, ultra cu-
bitalem altitudinem : à cuius medio usque ad verticem veluti in spica
fructus continentur, figura grandis oliuæ, inter flores candidos, ac diffe-
tos, & membranas quædam procedente tempore aculeis robustis arma-
tas : in fructibus bina utrinque semina conduntur ossea, compressa, Fa-
bz magnitudine : radices multas, ac longas fert : Tota planta glutinosa
quodam succo, ac mucoso constat, ex quo gummi Tragacanthæ emul-
lum faciunt quidam. Dioscorides Acantham vocat, quasi spinam : pro-
uenit inquit, in viridariis, & locis saxosis, ac humectis : habet folia mul-
to latiora, ac longiora Lactuca, Erucæ modo diuisa, subnigra, pioguria,
legua :

lēuem : caulem lēuem, bicubitalem, dīgiti crassitudine, circundatum pro
pe verticem per interualla foliolis quibusdam, ob longis, tamquam nu-
camentorum squamulis, spinosis (Græce Ακανθωτοι, idest lacinthinis) ex quibus flos
erumpit albus : fructum oblongum, melinum : caput autem Thyrsi : ra-
dices subsunt lente, mucosæ, longe, rufescentes, quæ inustis & luxatis
conueniunt cataplasmate imposito, sylvestrem præterea Acanthum tra-
dit Dioscorides Scolimo similem, spinosam, & breviorem domestica :
sed in hoc genere adhuc nequaquam vidimus spinosis foliis; idecirco in-
ter Acanacea sylvestris Acanthus ostenditur. Apud Plinium Acanthos
est topiaria, & urbana herba : elato, longoque folio, crepidines margin-
num, assurgentiumq; puluinorum toros vestiens. Duo genera eius sunt;
aculeatum, & crispedum, quod brevius : alterum lœue, quod aliqui Pedero-
ton; alij Melamphyllum vocant. Apud Theophrastum Acanthos
inter arbores ponitur, Aegypti peculiaris; Spinam Aegyptiam vertit
Theodorus : aliquando pro Aceri, nisi mendosus sit codex. ubi inter ar-
bores, quæ in plana descendunt, post Palyurum, ut Oxiacantham sub-
iungitur Acanthos, cum Sphendannos, idest Acer ex sequentibus verbis
significetur. Acantha autem inter herbas spinam vertit Theodorus, de
qua inquit : germinat ut Cyperus, sed radix non Harundinosa, neque
geniculata est : & alibi, spinam quandam narrant, quæ aquam coniecta
congelet, eius caulem alibi testiculo comparat : quæ omnia Acantho
conueniunt; nam caulis simplex, veluti spicam gerit, ut genera testicu-
lorum, & ob mucosam substantiam aquam inspissat, iniecta : hodie ob
vim emplasticam hac herba vtuntur ad tumores rebelles suppūrāndos.

C A P. X X V.

HA C T E N V S despicatis : reliqua genera florem gerunt foliatum
in sede fructus, eumq; alia continuū, patulum, vel concavum,
ut genera Verbasci, Auticula muris, os Leonis ; alia ex foliis
coagmentatum, ut Rhafani, & Leucoij genera. sed de his posterius.

C A P. X X VI.

ANTIRRHINON herbula est humi strata : prouenit non dum
exacta hyeme in hortis, & iuxta parietes : ramulis dodrantali-
bus, tenuibus, ex capillari radice : foliolis subrotundis, quibus
paucæ incisuræ, ut in Cymbalaria, subhirsutis : flosculos tenui pedicel-
lo fert, iuxta singula folia, cęruleos specie Anagallidis : fructus pendent
gemini, figura testiculorum, candicantes, in quibus duo semina conti-
nentur,

nentur, concava, ut Aparinę, candida, ut parte concava narium cauitatem rotundam ostendant, parte autem curva caluaria testam praeferant. Alterum genus exilius, in parietibus frequens: foliolis magis serratis: seminibus exilioribus, ac pluribus, in simili vasculo. Dioscorides inquit herba caule, & foliis est Anagallidi similis: flore Leucio purpureo, minore; vnde sylvestris Anagallis (seu ut alij legunt) Lychnis nominata est: semine vituli narium simili. Theophrastus Anthirrhizon vocat, utilem ad gloriam comparandam, Aparinę similem: radice nulla: fructui insunt tamquam nares vituli, quo perunctos gratiam, vietque gloriam consequi creditur. Plinius similem Lino tradit: radice nulla: flore Hyacinthi: semine Vituli narium. Hermolaus corrupte pro Aparina, Linum eo loco scribi putat. At vero, quæ affinitas Anagallidi, ut Dioscorides comparat, cum Aparina, aut Lino? Qui Plinij lectionem probant, ostendunt Antirrhinon foliis Lini: capitulis Vituli pet nares & os effundentibus: semen minutum: Planta ea vulgo à nostris Os Leonis vocatur: auget hanc fidem, quod Bucranion aliquando inuenitur appellari, quasi Bubulum, aut Vitulinum caput, ut testatur Hermolaus apud Galenum. Si vero Dioscoridem sequamur, non haec, cui neque in foliis, neque in caule similitudo vlla est cum Anagallide, sed ea, quam descripsi per belle quadrabit: a qua non abhorret similitudo Aparinę apud Theophrastum, si caules humi procumbentes spectemus, & fructum, quamquam folia valde differant.

C A P. X X V I I .

AVRICVL A Muris plures habet differentias: una in pratis humectis nascitur, & scrobibus: pluribus ab eadem radice fibrosa caulinis rectis, simplicibus: foliis oblongis, levibus, assidue prope cacumina exilioribus: flosculos ex cœruleo candicantes fert in summis caulinis, veluti in spica, similes Anagallidi: vascula autem tenuia, compressa, in summō diuisa, in quibus pauca semina: tota planta sapore astringente constat. Altera in parietibus: foliis internis, in ambitu serratis, rotundioribus, & subhirsutis, prope cacumina autem angustis in acutum desinentibus, non serratis. Tertia, quæ à Germanis Veronica mas appellatur: oritur in collibus, gracili solo: pluribus ab eadē radice ramis, humi procubentibus, dodratalibus, subrubentibus: foliis per interualla binis, oblōgis, nigris, leuiter circūserratis: ramulos in cacuminibus fert, veluti spicas, digiti longitudine: flosculis circundantibus, cœruleis: & vasculis compressis, bifidis, in quibus tenuia semina: radice nititur tenūi: tota plāta, gustu astringēs, & subamara est: laudatur ad vlcera sananda, & scabie: propinat quoque ad febres pestilentes, & obstru-

obstructiones internas : eius succo ferunt quandam Gallorum Regem à Lepta sanatum . Quarta huic similis, hirsutior : ramulis rectis, in longissimam spicam desinentibus : caudæ mutis similem : flosculis cæru' eis eleganter vestitam : oritur in montibus : huic non absimilis, quæ in Germania pro Chamædri mare usurpatur . Quinta & sexta, quæ pro Chamædri fæmina : foliis latioribus, rotundioribus, & crispis, ut Menta : racemulos in alis fert magis quam spicas, in quibus flores latiores : oritur in sylvis : utrèque amatores Veronica ; ideo valentiores ad obstrukções internas . has omnes ad Myosota, seu Myosotidem, idest Muris auriculam redigendas censeo apud Dioscoridem : inquit enim : Myosotis caules plures fert ab una radice, aliquatenus rubentes ab imo, & concauos : foliis angustis, oblongis, dorso acuto, nigris, per interualla geminis, in acutum desinentibus : ex aliis parui caulinuli enascuntur, in quibus flosculi cærulei, parui insunt, ut Anagallidis : radix digitæ crassitudine, multis capillamentis fibrata : radix illita Argylophia sanat . Plinius leuem herbam, & reliqua ex Dioscoride transcribit, ei vim stipticam, & ex ulceratiuum tribuit : ideo sanate Argylophas .

C A P . X X V I I I .

A NAGALLIS aquatica, herba in aquosis nascitur circa duos dodrantes : caule crasso, concauo, molli, & subrubente, ramoso : foliis per interualla geminis, subrotundis, aut oblongis, ut Menta, lichenibus, serratis : racemulis ex aliis foliorum oblongis, in quibus flores cærulei, ut supradictis, scilicet forma Anagallidis : & fructus compressi, in summo bipartiti . Veterinarij hac herba utuntur, ad equorum scabiem sanandam, & tumores discutiendos . Hæc quoque ad Auriculam Muris pertinere viderit ; quamuis apud Dioscoridem Anagallis aquatica vocetur Sion, ideo quidam hodie Crescionem vocant : oritur enim cum Sio .

C A P . X X I X .

ROVINCA vulgo in officinis vocatur herba in umbrosis nascens, quæ viticulas fert longas, & tenues, humi repentes, succo lacteo : foliis per interualla binis, effigie Lauri, sed minoribus, quasi Ligustri, duris, nigricantibus, perpetuis : floret ineunte vere, cum nuper terra viticulae exirent, nec dum procumbentes ad terram : flores oblongi in quinque folia patentibus, figura Gelsimini, colore cæruleo, fine odore, in aliis foliorum singulares : fructus oblongos, veluti siliquas bifurcatas gerit ; in quibus semina oblonga, & depressa . Venit in coronas lugubres folio . altera maior : folio latiore, quasi Hederaceo : grandioribus floribus &

floribus, quos toto anno fert, cæruleos : peregrina apud nos. Dioscorides Clematidem vocat cognomine Daphnoidem, de qua inquit : humili serpit lento, & pingui solo: viticulas spargens, crassitudine lunci, exiguae : folia Lauri figura, & colore, multo minora. Plinius duo habet nomina diuersis locis, eamdem tamen plantam significantia : Vincaperuina inquit, in modum linea; foliis geniculatum circundata, topiaria herba, in opia tamen florum aliquando supplet : haecque à Græcis Chamædaphne vocatur: sed aliam tradit Chamædaphnem ex Dioscoride. Aliibi inter Clematides, inquit : est & alia Clematis Aegyptia cognomine, quæ ab aliis Daphnoides, ab aliis Polygonoides vocatur : folio Lauri, longa tenuisque: Aegyptus hanc maxime gignit. Videtur autem Plinius nostratem Prouincam, Vincameruincam appellasse: Peregrinam autem Clematidem Aegyptiam. Laudatur Prouinca ad sanguinem undcumque fluentem, ad dissenteriam, & alui profluvia, in vino pota, & ad dolorem dentium commanducata.

C A P. X:X.

PHYLLON Græcè, quasi folium latine dicitur: aliud tamen à Malabato, quod & Folium appellatur: herba in Alpibus repetitur, saxa conuestiens, similis Semperuiuo maiori, sed longe tenuior: foliis pusillis, fermè Oleagineis, multos ab radice orbes describentibus, nequaquam pinguis, candida quadam linea in ambitu leviter denticulata: caulinus ex singulis orbibus dodrantales, altioresque, subhirsuti, & subrubentes, paucis foliis: flores summis ramis, summisq; fructibus insidentes, candidi, vascula subrotunda, parua, mollia. Alterum genus humilius: caulinis simplicibus, altitudine quatuor digitorum, aut paulo altioribus, in quibus frequentia foliola specie alterius, longe exiliora: florem autem grandiusculum fert, purpureum, singularem in cacumine: fructum oblongum bifidum in extremo, in cæteris similem priori; nam utique semina minuta ut Papaueris nigri in duplice cuitate continentur: utrèque sapore constant astringente. Dioscorides ex Crateua tradit Phylli duo genera. Theligonon, quasi Feminiscum; & Arrenogonon, idest Mariscum: utrasque Musci modo in saxosis nasci: Theligonon inquit, prouenit Musci modo: folio Oleæ, sed colore magis herbaceo: caule tenui, breui: radice exili: florem album fert: semen Papaueris maiuscum. hec descriptio satis conuenit priori à me descriptæ Arrhenogonon, cætera huic simile, solo fructu distat: habet enim similem Oleæ, cum nuper ex muscoflore prodierit: sic enim ex Theophrasto legendum puto: verbum autem Botrys, idest racemosum, Bysodes, potius scribendum esse idest muscosum; nam velu

et ex Musco fructus erupit incipientibus geminis oliuis similis. Verum Theophrastus non has videtur intellectisse per Phyllon Fæminificum, & Marificum; sed Mercurialem ipsius Dioscoridis: cum describat: foliis Ocymi: utrique autem in genere maris fructus inest geminus, ut testiculi hominis: utrique traditur facultas generandi mares vel feminas; nam Arrhenogonon potu masculos partus facere; Theligonon fæminas. Plinius inquit, Phyllon à Græcis vocatur herba in saxosis montibus: fæmina magis herbacei coloris: caule tenui: radice parua: semine rotundo Papaueri simile, hęc sui texus facit partus: Mares autem semine tantum differunt, quod est simile incipienti Oliuæ: utrumque bibitur in Vino. alibi Arrhenogonon, & Theligonon inquit: herbae sunt habentes vras: flores Oleæ similes, pallidiores tamen: semen album Papaueris modo: Theligoni potu fæminam concipi narrant: Arthenogonon ab ea semine Oleæ, nec alio distat: huius potu mares generari perhibentur, si credimus. alij utramque Ocymo similem tradunt; Arrhenogoni autem semen geminum esse, testibus simile. hęc partim ex Diocotide, partim ex Theophrasto assumpta sunt: in codicibus tamen Plinij non Arrhenogonon, sed Arsenogonon corruptè legitur. Alibi Theligonon speciem Crateogoni facit; minus aspero gustu: utrique semen testibus simile esse; sed quia hęc à variis authoribus desumpta sunt, nequaquam curamus.

C A P. X X . X I .

A FFINIS Thelygono est herba in eisdem locis nascens: foliis latioribus, rotundis, quasi cotyledonis, circum incisis, parte inferna subrubentibus, pinguibus: caulinum fert semicubitalem, Thelygono similem: paucis foliis: ramisque, quibus summis flores candidi, & vascula oblonga, figura Hyponici, mollia: radicem habet breuem, & villosam, cui aliquando adhaerent veluti granula rotunda, partim alba, partim rubea, quibus propagatur; sapor astringens, cum aliqua amaritudine: comminuit calculos: & vrinam mouet: vnde quidam vulgo Saxifragiam maiorem vocant, & albam.

C A P. X X X I I .

PIROLA vulgo appellatur in Alpibus herba: foliis ab radice Pyri, astringentibus: caulinum simplicem, & nudum fert, dodrantalem, subrubentem: circa eius summitatem fructus sunt rotundi, deorsum inclinati, magnitudine Myrthi, resimi, & subrussi: quibus summis flores insident albi: vtuntur huius decocto ad vulnera tum interna, tum externa. alia in campestribus nascitur, lecis aquosis: folio

Beræ carnosæ, & teneræ, sed parvo: caulem foliatum fert, simplicem & rectum: fructum virentem circa summum inter folia, paruum, rotundum, ac resimum, sapore astringente: utique fructus figura quasi Tintinnabuli.

C A P. XXXIII.

VA B D A M in montibus: foliis subhirsutis, crispis, nigricantibus, figura Solani: caule tenui, ferme cubitali, paucis ramis: fructus hirsutos fert, subnigros, oblongiores Pitola: & flosculos candicantes in summis fructibus. Huic satis conuenit Circeæ descriprio, de qua Dioscorides inquit. Circea, quam & Dirçam aliqui vocat, foliis constat hortensis Solani, agnatis, crebris: flore nigro, pusillo, copioso: semine Milij, nascente in quibusdam, veluti corniculis; dodrantali: radice triplici fermè, aut quadruplici, candide, odorata, excalfaciente: Nascitur in apricis, saxis, & vento perflat: Radicis tuſæ pondio quatuor in sextariis tribus vini duleis per diem & noctem macerantur, potuque triduos vulvas expurgant. Semen in sortitionibus datum lacte mammas nutricum explet. Eadem descriptionem ad verbum habet Plinius: sed semini vim minuendi laetis tribuit in vino, aut aqua mulsa pota. Prædictæ autem plantæ cætera satis congruunt præter florrem nigrum.

C A P. XXXIII.

EVFRAGIA vulgo appellatur, herbula in Alpibus, copiosa in pratibus: tenui, & simplici caulinco, palmi altitudine: foliolis subrotundis, rugosis, circumferratis, geminis ex interuallo, nullo fere pediculo adnexis: flosculos inter folia fert, concavos, Ocymini figura, candicantes, aut modice purpurascens: fructus in rotunditate oblongos, exiguo: radix fere nulla: gustu constanter siccante, & subamaro. Altera ramosa: foliis maiusculis, altior, frequens in Liguriis Alpibus: utique florent in æstate. non reperitur hoc nomen nisi apud recentiores medicos. describitur à Mattheo Syluatico: caules fert Hyssopo similes, coloris violacei, ramis carentes: ab eorum medio folia parua, incisa, sicut crista Galliculi: flores tendentes ad albedinem, exiguo: medetur æretudinibus oculorum, & confert visui. At Hermolaus flores luteolos tribuit: folia Pampinulæ, idest Pimpinellæ, minora, ac magis serrata, & lentiuscula: minus quoque fruticosam esse: præcipue claritatis ad omnia vitia oculorum, luteolus igitur color in eo flore permixtus deprehenditur cum albo & purpureo. Arnaldus Villanouensis Eufragiam extollit ad visum restituendum in senibus, aut in quacumque æstate oculorum vitia contingent, dummodo in natura pituitosa & pinguis ea sit.

Exhibit vinum cum Eufragia confectionum in vindemia, aut puluerem cum ovi vitello, aut cum vino: sit quoque aqua destillata ex tota herba florente, qua oculi abluuntur in caligine, & suffusione: ad eadem praestat succus illitus.

CIA P. XIX X. V.

AD Eufragiam reducendæ videntur, quædam quamvis sineno-mine, Cristæ appellari possunt; quoniam folia Cristas oblongas pullorum Gallinaceorum præferunt. vna simplici, & recto caule, duorum dodrantum altitudine: foliis oblongis, pallescentibus, ta&n glutinoso: flores fert in spica prædensa luteos: & fructus proportione grandiores Eufragia: oritur in collibus gracili solo, & inculto. Altera simili altitudine, ramos fert rectos: foliis purpureis, ex latitudine cristata, in rostrum prælongum desinentibus, densis: inter quæ aurei sunt flosculi, quasi in spica: amat loca culta, & montana, & si equens inter segetes: utique florent mensis Maij: Dicerem hanc Amellum esse, quoniam inter folia purpurea, luteos condit flores, spectatu pulchra, si ex uno cespite multos caules ferret, ut Virgilius cœcinit de ea: vbi inquit. Namque uno ingentem tollit de cespite syluam. Igitur aptius ostendemus inter affines Asterattici & Anthyllidi. Hæc eadem apud quosdam recentiores herbarios inter vulneratias herbas recensetur, apud quos Filago, & Cartofilago appellatur, cuius duas faciunt differentias: una enim est, quæ hebet longum & altum caulem, atque rubicunda existit, in summo luteum florē gerens: Altera rubentibus est foliis, & acutis & caule procero, & hirsuto: floribus luteis. Ex aceto & vino circumponitur vulneribus recentibus: nam glutinat, idem præstat eiusdem crematæ cinis inspersus: fistulas quoque sanat, & tetra ulcera idem cinis ex aceto præparatus, & siccatus. Hermolaus Barbarus patet corruptè dicit cartofilaginem, cum potius Ceratophylax dicenda sit; quia partem ocularum Ceratoidem, id est, corneam tunicam defendat, salutique percussam restituat: foliis Seriphij, vel potius Rotismarini, aut Lini quoque capitulis arentibus citris subluteis: sed ipse hac descriptione, aut herbam Iepiam, aut aliam similem videret intelligere. Mattheus quoque Sylaticus eo nomine nullas ex his intelligit, sed Papyrum, ducto nomine à chartis & filamentis, quæ ex Papiro siebant: eique vites eas tribuit scilicet ad vulnera & fistulas, quas Chartofilagini recentiores ascribunt.

CIA P. X X X V. I.

DVO alia genera Cristatum passim reperiuntur in Autumno: vna quidem in pratis, & suburbis: folio oblongo, & angusto; colore nigricante, leviter seiso: flosculo purpureo; Altera in incultis

ris copiosa inter Ericam : angustissimis foliis : flore aureo , quem apes
vaide expetunt : Vtraque caule constat tenui, ferme cubitali, nigrante:
ramis in latera tendentibus : flosculos numerosos, inter folia, tamquam
in spica : & fructum oblongum, ac rotundum : sapor amarus, & astrin-
gens omnibus , ut Eufragiae . Auderem hanc secundam cum Erica na-
scientem ob similiudinem cum Erica , vel Tamarice Acacalim asserere
apud Dioscoridem, nisi inter frutices illam recenseret : statim enim post
Ericam inquit : Acacalis fruticis in Aegypto nascentis sement est, quod
fructu Tamaricis simile est : hoc aqua madefactum additur in colytia
ad oculorum claritatem prestantem . Serapio Athel vocat : fruticem
arborescentem esse : ramulis sursum spectantibus : foliis longis, exilibus,
angustis, sine spinis excauari ex eius ligno vascula: color fructus qua-
dantenus subrubens, Scorpique colori non absimilis ex aliorum au-
tem auctoritate, esse ex genere Tamaticis : lignum habet, & ramulos vi-
rides, maculis rubris sparsim infectos : folia numerosissima Tamaticis
foliis quam simillima: gustuque vim astringentem maxime ostendit: flo-
re careat: fructum fert Cicerum siliquis non absimilium, rotundum, cine-
ritatis coloris, qui ad glaucedinem, palloremque potissimum vergit: pauci-
ca in eo granula colligens inuicem agglomirata, atque coadiueta, dul-
cia nominata, quae nimirum Februario mense colliguntur. Huic tandem
ea tradit, quae Dioscorides Acacali tribuit . Quamuis autem herbacee
prædictæ plantæ, valde recedant à natura arborea; forma tamē simili
constant, neque abhorreret facultas; nam ex genere Eufragiae sunt . Alia;
vero est Crista Gallinacea apud Plinium, Grece Alektorolophos: ad cas-
ligines oculorum efficax, de qua alibi dicendum, & apud Diōscoridem
Peristereon rectus idest Verbenaca recta, Crista gallinacea à Romanis di-
ci scribitur, à qua nō abhorrere videtur ea, quam in pratis oriti diximus;
nam flosculos fert omnino similes alteri Verbenacee: vnicaulis est: folia
sine pediculo cauli adnexa, incisa, non tamen subalbida, sed potius nigri-
cantis.

C A P . X X X V I I .

In montibus duó alia genera Cristatum reperiuntur : foliis latiori-
bus Eufragia: fructu late, quasi patru nummi, folliculati specie:
intra cuius bipartitos loculos semina continentur, depressa, sapore
subdulci . Quædam simplici caule constat, dodrantali: alia ramos ha-
bet rectos, cubitali ferme altitudine: oriuntur in pratis .

C A P. X X X V I I .

QVÆDAM in Alpibus reperitur: caulis digitæ crassitudine, cubitalibus, rectis, simplicibus: foliis præduris, rectis. quasi Filicis, aut Tanaceti: Huius vascula oblonga, præducta, modice depressa circa cuspidem: semen continent, candidum, & farctum.

C A P. X X X I X .

OROBANCHÆ vulgò Cauda Leonis, caulis est tener, rectus, durantis, simplex; sine foliis, subflauus: flores fert veluti in spica concavos, albantes, vascula oblonga, in quibus puluisculus subrufus continetur pro semine: radice nititur rotunda, colore flavo, cui radiculæ insunt breues; amburit plantas leguminum vicinas, ut ad frugem non perueniant; ideo mala herba à rusticis vocatur: Altera brevior & ramosa: floribus purpurascensibus. Dioscorides inquit: caulinus est sexquipedalis, interdum maior, subrubens, hirsutus, tener, sine foliis, pinguis: flore subflavo, aut in luteum vergente: radice digitæ crassitudine, quæ dehiscit, cum arescit caulis: nascitur inter legmina, quæ strangulat; vnde nomen: comeditur cruda, & cocta Asparagi modo: cocta cum leguminibus accelerare coctionem creditur. Plinius eadem scribit. Theophrastus hoc nomine aliam ostendit, ut patet in Cuscuta.

C A P. X L.

ARACHIDNA ex genere est Orobanches, plâta apud nos in opacis nascitur, tenerima, succosa, odore fungi, gustui grata: ab eadem radice, quæ in profundum agitur, numerosi veluti caulinuli exeunt, candidi, intra terram latitantes, quibus loco foliorum frequentia insunt corpora fungosa, candida, veluti squamæ præcrassæ, specie quodammodo radicis Dictariæ; ideo sunt, qui Dentariam Aphylion appellant: iidem caulinuli, cum è terra eruperint, prædictis squamis carent, findunturq; in ramulos, similes Orobanche; floribus multis, purpureis, aut candidantibus: fructus fert breues; in quibus semina candida, rotunda, in duobus vasculi lateribus sedentia, coquitur in cibis, dum tenera est, more Asparagi, aut fungorum; cum exarescit, dura redditur, ac nigrescit. in Gallia Cisalpina vulgò Carpignam vocant. datur puluis in potu ad affectus matricis, & colicos. Theophrastus duas ostendit. Arachidnam, & quod Araco simile est: ambo inquit fructum ferunt sub terram,

ram, non minorem superno: Pars ipsa carnosa, radicem simplicem, et aliam, altius infigendam mittit; cæteras vero, quibus insidet fructus, tenues, ac summo cespite coherentes agit: loca harenosa potissimum amant: neutrum folia gerit, neque foliis quicquam simile; sed quasi binorum fructuum partibus inter se oppositis, secunda potius exiat, quod mirum profecto est: haec Theophrastus. Plinius inter herbas, quibus utuntur in cibis, huius meminit inquiens: Aracidna quidem & Aracos, cum habeant radices ramosas, ac multiplices, nec solium, nec herbam villam, aut quicquam aliud, supra terram habent.

C A P. X L I.

CVSCVTA à recentioribus Medicis appellata, fruticulus est, sine foliis, ut prædictæ, sed totus supra terram; nam eius nulla radix visa est, neque ullum in terra principium, sed videtur alii plantis innasci, ut Viscum in arboribus: viticulas tenuissimas fert, quasi filamenta numerosa, colore subrufo, quibus paruos frutices, & herbas irretit amplexu tenaci, præcipue Genistam: flosculos fert per intervalia candicantes, veluti in capitula aceruatos: exiguis seminibus: sapore constat sub amaro. Serapio describit inquiens: Cuscuta herbosis fruticibus adnascitur, quas irretit volubili contextu sepius, fili instar: semine tenuissimo scater, circa summa fastigia: nascitur in arboribus inter uineta: herbas potissimum enecat: inter Linum inuenitur, & cum eo conuoluitur; vnde vulgo Podagra Lini vocatur: amarescit, sed magis astringit: efficax obstructionibus viscerum auferendis. Recætiores Græci Casytam, seu Cassutam vocant: vnde Hermolaus suspicatur apud Plinium Cadytas vocari, de qua inquit: herba in Syria, non tantum arboribus, sed etiam ipsis spinis circumvoluens se. Theophrastus eamdem videtur intellexisse nomine Orobanches. Theodorus Eruangam vertit: inquit Erui propria est; quia Eruum potissimo vincit ob eius imbecillitatem: herbam totam veluti brachiis capeffit, & angit, & strangulat.

C A P. X L I I.

EX hoc genere est Epithymum, quod scilicet in Thymo reperitur: circumvolutum, aliquas plantæ, cui innascitur, qualitates recipiens. de Epithymo Dioscorides inquit: est flos Thymi durioris, eius scilicet, quod Thymbræ similius est. capitula sunt tenuia, & leuia, caudiculas habentia, capillamenti instar. Digladiantur hic autores; alij proprium Thymi florem recipientes, ut verba Dioscoridis innuere videntur; alij rem externam, Thymo extrinsecus adnatam.

Plinius

Plinius litem direxit, florem non Thymi legens, sed e Thymo, quasi sui generis sit flos e Thymo pronatus, Satureia similis: Differentiam vero esse inter hunc, & proprium Thymi florem; nam hic herbaceus est, alterius Thymi albus. A quibusdam autem aliiter Epithymum traditur: si ne radice nasci, similitudine tenuis pallioli rubens: bibi siccatum umbra dimidia acerabuli mensura ex aqua ad pituitam, & bilem detrahendam.. Menses inter purgantia medicamenta recenseret: esse ex herbis super nascentibus alijs herbis. Cuscuta simile, optimum in Creta, subrufum, acuti odoris; deterius in Syria, minus rufum; item damnari sub citrinum, & pallidum: eligendas extremitates, que sunt partes crassi, veluti flores.

C A P. X L I I .

TORNABONA nuper ex India Occidentali inuecta est, primum in Hispaniam cum magnis encomiis ob multas, & mirabiles eius facultates, vt apud Monardē eruditissimum Medicum Hispanū legere licet. vocat autem is Tabaccum patrio apud Indos nomine: deinde in Galliam, mox in Italiā Alfonso Antistiti eius patruo Nicolai Tornabonii Antistitis opera tunc apud regē Gallię Legati transmissa est; vnde nomen apud nos inuenit; nam cum studiose ab eo coleretur ea herba, communicarenturque ex eadem multis languentibus remedia praestantissima, nomen herbe Tornabone diuulgatum est in totam Hettiarium, cum Tabacci nomen Indicum adhuc non fuisset auditum. Herba est Verbasco similis, nigrior: caulis baculi crassitudine: multis ramis, altitudine ferme ternum cubitorum, hirsutis: folia fert lata, & prælonga, in angulum acutum desinentia, lanuginosa, mollia, tactu glutinoso: flores in summis ramis, longos, & concauos, tubę figura, purpurascentes: Vascula oblonga, figura Oliuz, plena multo semine, minuto, ex fulvo nigrescente: tota æstate floret, & usque in Hyemem, sed frigoris inclemencia perit, regerminat autem ex radicibus; aliquando ex caulis, quibus etiam concisis seritur: sed facillime prouenit semine: amat loca pinguis, & à sole illustrata. tota gustu constat astringente, & subactri, cum humiditate quadam glutinosa, pingui. Ideo vehementer exsiccat, sine multa caliditate: penetrat autem in profundum eius exsiccatio, & astricatio, ob tenuitatem & acridinem, vt statim possit siccata in gradu tertio, calida in primo. Ulceribus malignis & diuinitnis praepiuum remedium; exterit enim sine mortu, & in profundum siccata: inspergiunt puluis foliorum, que filo transfixa fuerint, exsiccata in umbra: idem excipitur cerato: aut ipsa folia virentia imponuntur: succus quoque lineamentis exceptus idem præstat. Glutinat vulnera recentia: tumores quoque omnes discutit charaplasinante, & cancre sanat. Aqua distil-

diffillata sanguinem vnde cumque fluentem cohibet ablutione, aut super nares trahendo, aut potu: pulueris fumus super carbones iniecti, in os attractus per fistulam ad destillationes mite facit; nam pituita multa attrahit ore prono, ac toto corpore; simul & exsiccat quæ in pulmo-ne, & fauibus, seu humores fuerint, seu ulceræ, narrant tamen non sentiri in itinere, si globulus ex ea reteatur in ore, viresque corporis interima non deficere: fumum eius aiunt inebriare, & soporem suauem accersire: remedium ad lassitudinem.

C A P. X L I I I .

QVAE D A M congenere Tornabone in nostro orbe nascitur, quæ à quibusdā pro Hyoscyamo nigro ostenditur brevior: foliis rotundioribus, ad Solanum somniferum accendentibus, glutinosis, uirentibus, ut Tornabonæ. Flores fert in summis ramis pallescentes, concavos, breues, labris parum sectis: vascula rotundiora quam Tornabonæ, in quibus semina emnino similia: estate floret, & aduentante hyeme perit in totum, peregrina apud nos.

C A P. X L V .

HYOSCYAMVS, qui vulgo dens Caballinus vocatur: oritur prope domicilia, & ubi excrementsa proiiciuntur, in collibus magis, at locis depresso, & aquosis non prouenit: herba simili Verbasco: sed foliis laciniatis, hirsutioribus, & tactu veluti madidis: caules fert crassos, pingues, & lanuginosos: ramis in latera tendentibus, prælongis, ac simplicibus, veluti caudis, in eacumine reflexis: flores autem ordine prodeunt explicato cacumine, inter parua folia, concavi, aspectu tristi, ex pallido & purpureo, nigris quibusdam lineis inscripti, similitudine floris Fabarum; vnde nomen traxit: Hyoscyamus enim quasi Faba Suilla dicta est: Vascula seminis superne tantu: ordine disposita, tecta folliculo præduro, forma Balaustij, extremis angulis pungente, operculum vasculo superpositu, quo abscedente semine effunditur, copiosum, cinerei coloris, in candido liuescens. Alterum genus in maritimis nascitur, præcipue in edificiis: breuioribus, & rotundioribus foliis, nequam laciniatis, sed angulosis tantum, ac minus hirsutis: flores fert luteos, purpureo quadam colore in fauibus: Vascula ratius disposita, tenuiora, mollioraque: in quibus semina et candido flauescit. Diocorides Hyoscyamum fruticem esse scribit: caulis crassis: foliis lati, oblongis, diuisis, nigris, hirsutisque: flores è latere caulis oratione prodeunt ut Cytini Punicorum scutulis septi, pleni seminis Papaveris.

eius tria genera; unum semine nigro: floribus pene purpureis: foliis Smilacis: cytinis prædutis; & spinosis: Alterum semine subflavo, ut Irionis: flore melino: foliis; & siliquis simplicioribus. Vtraque dannata vnu; nam insaniam; & soporem lignant: Tertium minussum à Medicis receptum, pingue, lanuginosum, molle: candidissoris; sericeisque: quod in maritiinis, & ruderibus nascitur. Galenus tria genera eodem modo recenset colore tum floris, tum semen distantia: ex quibus manifestum est, duo genera à nobis descrypta, nigrum, & flavidum esse; Quod enim vulgo notum est, semine liuido, nigrum dici potest, nam flores eius pene purpurei, & cytini præduri, spinolique: folia vero Smilacis inter flores sunt, nulla scissura, in acutum desinentia: hoc tamen pro albo tota Italia vtitur: quod autem secundo loco descripsi, flavidum est; sed quia ratum est, à paucis visum; idcirco non in vnu. nullum autem haec tenus vidi, cui flos candidus esset, & semen; sed de albo Hyoscyamo nostram sententiam diximus, in Solastro vulgari recipitur autem Hyoscyami semen inter medicamenta soporifera; nemo autem solum exhiberet ob deleteriam facultatem: folijs recentibus vtuntur ad vlcera inflammatu; nam dolorem soluunt, tumores reprimunt: semen suffitum, carbonibus injectum dolorem dentium tollit: tritum ex ace-to pruritus aufert, & pediculos manus necat: aqua distillata ex tota herba recenti illita fronti dolorem capitis sedat, & somnum conciliat. Plinius de Hyoscyamo inquit; Herculi ascribunt eam, quæ Apollinaris, apud Arabas Altercum, apud Grecos verò Hyoscyamum appellatur: plura eius genera; unum nigro semine, floribus pene purpureis, spinosum: talis nascitur in Galatia: vulgare autem candidius est, & fruticosus, altius Papauere: Tertijs semen Irionis semini simile; & omnia insaniam lignant, capitisque vertigines. Quartum genus molle, lanuginosum, pinguis, cæteris, candidi seminis, in maritiinis nascens: hoc recipere medici: item rufi seminis, nonnumquam autem candidum rufescit, si non ematuruerit, improbatumque: & alioqui nullum nisi cum inaruerit, legitur. Natura yini, ideoque mentem, caputque infestans; Videtur ex his Plinius, quod secundo loco ponit, vulgare nostrum, intellexisse, quod licet candidius nigro, improbatum tamen. Iusquiamum in officinis vocatur.

C. A. P. X. L. V. I.

VERBASCVM, vulgo Tassum barbastum, multas habet differencias: florem omnia ferunt pâtulum, in quinque partes dissecuti, qui vel lœui istu ad radicē paulo post decidit vnu post alterum, velut in cantamento: fructus ferunt prædutos, diuisos secundū septum: seminibus nigricantibus. Plurima vno caule recto assurgunt, coque aut simpli,

simplici, aut ramoso : omnia ultra cubitalem altitudinem : folia lanuginea fere omnibus, lata, ab radice strata in terram, aut candida ; aut virentiora, aut purpurascens : his longiora, angustiora que : his latiora, ac breuiora ; aliquando fimbriata à lateribus : flores plurimis lutei ; aliis candidi ; aliis purpurei : ex his nouem species animaduertimus. primum caule baculi crassitudine, simplici : frequentibus foliis, multa lanugine canticibus, latis : definitis in prælongum thyrsum, crassumque, stipatum floribus luteis, ac fructu, qui cum inaruetit, oblitus oleo, aut amurca in vsu est pro face : Aretij Planta domini vocant ; alij Candelatiam . Duo alia genera in ceteris prædictis similia ; sed longissimis foliis, quasi Helenij ; & caule altissimo, aliquando terna cubita excedente ; floribus latis, amplitudine Rosæ sylvestris ; colore huic quidem aureo, alteri autem candido : Quartum genus brevius est prædictis : ramoso caule : tenuibus, ac rectis ramis : foliis subrotundis, cinereis, minus hirsutis : floribus pallidis, tenuibus . Quintum ab eo distat colorem foliorum, tum floris ; nam folia superne subpurpurea sunt, inferne candida : flores albi : peregrina apud nos . Sextum folia fert cæteris angustiora, oblonga, & fimbriata, lanuginosa, & magis virentia : caules ab eadem radice plures, in latera spargit : ramis tenuibus : flore luteo : hoc frequentius apud nos est, securis vias, & in ruderibus : hoc præcipue videntur pescatores ; nam contusa ea herba in fluminum vadis, torpescunt pisces, aut flore contuso in pastillos, qui proiciantur in gurgite . Septimum in montibus oritur : foliis latis, subrotundis, ex purpureo nigricantibus, pauca lanugine : caule recto, cubitali : paucis ramis : floribus luteis . Octauum prædicto minùs : foliis simili colore, Betae magnitudine : floribus purpureis : peregrinum . Nonum folia ab radice fert, oblonga, & angusta, sinuata, leuia, colore virenti : caulem rectum, cubito altiore : paucis ramis, rectis : flores in virgis ratiis dispositi, colore aureo : fructum grandiusculum : nascitur passim in ruderibus : reliqua genera pleraque, fabulosis gaudent : Dioscorides Phlomon vocat, in genera summa duo distribuens ; album, & nigrum : albique marem, & feminam . Fæminæ descriptio in hunc modum traditur : folia eius ad Brasilem accedunt, multo hirsutiora, latiora, & candida : caulis albus, cubitalis, & amplior, subhirsutus : Flores albi, aut ex luteo pallescentes : semen nigrum : radix longa, crassitudine digitali, acerba : nascitur in campestribus . Hæc descriptio maxime consona est, quarto & quinto geneti . De mare autem inquit : longiora & angustiora producit folia : caulem vero tenuiorem : innuit autem sextum à nobis descriptum . De nigro autem inquit : in omnibus simile est albo, sed latiora, & nigriora habet folia : quæ conditiones montaho, quod septimo loco descripsimus, conueniunt : reliqua à nobis descripta ad prædicta genera reduci possunt, nam

primum ad Fæmīham ; secundum & Tertiū ad matem : omnia grandiora : duo postrema ad nigrum in genere masculi ; nam quod ponitur à Dioscoride nigrum , ad Fēminam magis pertinet . At Verbascum sylvestre, inter eas, quæ Marrubio affines sunt, reposuimus : & Phlomides, idest Verbascula explicata sunt superius ; nam simplicia ferunt vascula . Plinius album marem facit ; nigrum vero fæminam : sunt inquit folia Brassicæ, latiora, pilosa : caulis rectus, cubitali amplior; semen nigrum, inutile: nascuntur & in capestribus; alibi trādit similem Verbasco herbā, quæ sāpe fallit pro ea capta : foliis minus candidis: caulinis pluribus: flore luteo : hæc abiecta Blattas in se contrahit; ideoque Romæ Blattariam vocant, quæ descriptio ei maxime conuenit, quam ultimo loco descripsi . Porro genera omnia Verbasci in vsu sunt ad vlcera sananda, præsertim circa pudenda, & ad sedis rimas, ac tenesimum : exsiccant enim sine morsu, & conglutinant, aut per se in puluerem redactis foliis, vel radice, vel cerato rosaceo exceptis, aut decoctis.

C A P . X L V I I .

VIRGA regia vulgo apud Insubres Aralda vocatur, herba in suis nascens, locis montanis, præcipue iuxta fluenta : foliis longis, & angustis, nervatis instar Plantaginis, circumseratis, majoribus, quam Lanceolæ, ad terram inflexis : caulem fert simplicem, rectum, cubitalem, in quo paucæ sunt folia : flores frequentes ab uno tantum virge latere, ordine perpetuo dispositi sunt, deorsum inclinati, concavi, & oblongi, colore pallido : fructus Verbasco similes : radicibus nititur fibrosis, ut Plantago : Herba gustu amara, & subacris, glutinosa-que, celebris ad omnia vulnera consolidanda. extat & maior : flore gran- diusculo, nunc pallido, nunc purpureo, in montibus : Germani Diga- dem vocant à similitudine floris, cum digitali mulierum . Dioscorides Alisma, & Damasonium vocat: describit autem in hunc modum : folia ei Plantaginis, angustiora, conuexaque in terram : caulis simplex, tenuis, cubito altior, specie thyrsi, in quo capitula insunt : flores tenues, albi, subpallidi : radices Ellebori nigri, tenues, boni odoris, acres, subpin- gues : humida amat loca : herba fistit aluum, menstrua pellit, tumores illita mitigat : radix bibitur ad Leporem marinum : Ranam rubetam : Opium : torminibus medetur, dissentericis, conuulsis, veteri affectibus . Galenus Damasonium casu experimento didicisse, calculos renum fran- geret, radicis decocto epoto; nam abstersionam quandam facultatem ob- tinet. Plinius eandem ferme habet descriptionem : folia inquit, ei Plan- taginis, nisi angustiora essent, & magis laciniosa, conuexaque in terram, alia etiā venosa similiter: caule simplici, & tenui, cubitali, capite thyrsi :

radi-

radicibus densis, tenuibus, ut Veratri nigri, ac ribus, odoratis, pinguibus: nascitur in aquosis. Alterum genus eiusdem in sylvis, nigrius; maioribus foliis: ex postremis his verbis significare videtur, quam Digitalem appellari diximus; sed verbum capite thyrsi, melius apud Dioscoridem Thysoides cauli adiungitur, non capitulis. Auicenna Fistulam pastoris vocat, quod verbum à recentioribus perperam tribuitur Plantagini Aquaticæ, putantibus eam Damasonium esse: videtur autem hęc Fistula pastoris vocata, ob floris figuram fistulosam.

C A P. X L V I I I.

G ALBOPSIS à Græcis appellata, non à galea, nec à lacte dicta est; sed à felo ob fetorem, vnde & Galeobdolon appellata est, quia si felis fetor, vulgo autem Vrtica mortua, herba est passim in ruderibus nascens; quadrato caule, & lœui, cubitali, ac ramoso: foliis Vrticæ, leuibus, ingrati odoris, si terantur: flosculos tenues, paruis racemulis insidentes, inter folia, rotundos, & concauos, labiolo superiore prominente, purpureos. Fructus Verbasci, magis in acutum desinentes. Dioscorides post Vrticas huius meminit: constat foliis Vrticæ, lœuori-bus, grauis odoris attritu: flore purpureo, tenui: oritur circa sepes, & semitas, & passim in ruderibus. Plinius eadem ex Dioscoride scribit: discutit duritias, carcinomata, strumas, parotidas, panos ex aceto.

C A P. X L I X.

SCROFULARIA maior à recentioribus Medicis vocatur, herba in aquosis nascens in aggeribus, grandior Galeopsi: caulibus crassis, bicubitalibus: foliis lögioribus, leuibus, serratis, quibus binæ appendices iuxta pediculum: flores quoque grandiusculos fert circa summos ramulos, nigriores: radicem habet obliquam, & strumosam, ob id laudatam ad strumas. exrat & in Alpibus riguis: folio purpurascente: herba illita, & succus ad ulcera putrescentia, & faciei defedatione, elephanticas confert: repellit ficos, & alios affectus ani, & cuiusvis generis strumas: aqua eiusdem distillata quatuor unciiis pota, mane & vesperi, & linteolis madefactis impositis idem præstat. aliæ porro sunt Scrophulariæ, de quibus propriis locis agitur ..

C A P. L.

DVAE sunt fruticosæ in montibus, & collibus, folio in multas & tenues partes scisso, lœui, grauis odoris: flosculos figura similes Scrophulariæ prædictæ, ex purpureo candicantes: & fructus reuiiores,

nuiores, valde duros, congestos circa ramulos : differunt magnitudine. Maior folia ferme Filicis habet, aut Tanaceti: colore subcandido, & splendente: caules rectos, in caeumineramosos: peregrina apud nos. Minor ramis constat obliquis, fruticosior: foliis breuioribus, diuisura ferme Rutæ, tenuius tamen, & inæqualius scissis; ideo sunt, qui Rutam sylvestrem appellant, & Harmel: at fructus non in tres partes diuisus, sed binas, nec semen triangulum, sed minutum, ut Papaueris. Ego potius ad Sideritum secundam apud Dioscoridem reducendas censeo, præsentim maiorem; inquit enim: ramos habet bicubitales, tennes: folia in longo pediculo Filici similia, numerosa, utrinque per oras diuisa: ex alis superiori parte surculi longi exeunt, tenues, in summo orbiculati, asperum capitulum habentes, in quibus semen est simile Betæ, rotundius, & durius: herba vulneraria est. per asperum capitulum interpretor, aceruatos veluti in globum fructus, præduros, ac rotundos, ut Betæ. Plinius de eadem inquit binum cubitorum est: ramulis exilibus, triangulis: folio Filicis, pediculo longo, Betæ semine.

C A P. L I.

LINARIA vulgo appellatur herba, ESLULÆ simillima, sed lacte caret: caule ferme cubitali constat, rotundo: ramis rectis, simpli-cibus: numero folio, longiore quam Lini: flores in summis virgis fert luteos, concauos, ore compresso, in tenuem caudam desinentes: vascula oblonga, parua, & mollia, duobus osculis semen effundentia, nigrum, & minutum: nascitur in aggeribus passim: floret estate. eius succum laudant ad cancros, & erysipelata. Quædam in vincis nascitur, parua: paucis foliis, breuibus, & subhirsutis: flosculos fert purpura-scentes: vascula exiliora.

C A P. L I I.

OS Leonis vulgo appellatur herba in ædificiis nascens: ramis crassis, & curvis, cubitalibus: foliis Linariæ; deorsum inflexis: flores circa summos ramos, veluti hiantis Leonis, cum præmuntur iterumque os sponte cōprimentis, speciosos, pollicis crassitudine, colore roseo, aut candido: capitula fert dura effigie canini capitis, præcipue Laconici, rostro recurvo: semen effundit ex tribus osculis, quamvis binæ tantum insint cauitates, tamquam ex duplice nare superiore, & ore inferiori: semen minutum est, & nigrum: copiose nascuntur in mæniis Florentiæ. Quædam in præruptis scopulis nascitur: foliis breuioribus, latiusculis, subhirsutis: floribus pallidcentibus. Alia in-

mon-

montibus similius Linari; nam testiculis est: flore breui, cæruleo; capitulis rotundioribus, in vineis quoque testiculis nascitur. flosculis: purpureis: capitulis paruis. Plinius has omnes intelligere videtur, appellans herbam Cynocephaliam, quasi caninum caput: inquit in Aegypto Osyritem vocati diuinam herbam, ut Appion Grammaticus asserbat, & contra omnia beneficia. Meminit & Canini capitis in Psyllio. Diöscrides eam, quæ roseo flore constat, Chamæpeucem appellat, quasi hymilem Laricem: herba inquit est vitens: incurvis foliis, surculisq;: flore roseo; quo in loco depravati quidam codices legunt Chamæleum. Plinius Chamæpeuce, inquit: foliis Larici similis: lumborum, & spinæ doloribus propitia: quoniam vero harum capitula etiam vitulinum caput referre videtur, binas habens nates; id circa sunt, qui ad Antirrhinos referunt, cum præsertim à Plinio tribuantur folia Linii, ut notauiimus in Antirrhino: Osyritis autem dicta videtur apud Aegyptios; quia ob similitudinem capituli Vitulini dicata est Osyridi eorum deo, ut Bos. Osiris autem Diöscordis Linaria conuenire videretur, si pauciora haberet folia; id circa alias eo nomine ostendimus, præsertim apud Plinium.

C A P . L I I I .

E ORVM, quæ in duplice vasculo ferunt semina, relinquitur illud genus, cuius vascula in dextram & sinistram cavitatem distincta sunt. omnibus septum inest membraceum: seminis autem sedes in duobus septi lateribus est, ut abscedentibus utrinque vasculis solo relicto septo, sæpe relinquantur semina in ambitu septi. flores omnibus diuisi in foliola quaterna. reperiuntur in hoc genere olera multa; omnibus acredo inest: aliis in radice, ut Raphano, Hibridi; aliis in foliis, ut Eructe, Lepidio. omnibus saltem in semine, ut Brassicæ, & Bursa pastoris.

C A P . L I I I . I .

BRASSICA olus est vulgatissimum: caule constat crassissimo, simplici, propè radicem graciliore: folia dense circundant, magna, subrotunda, ac lævia, pediculo crasto, & carno: cui appendices quædam insunt: ex summo caule veluti ex palmæ cerebro cauliculi exunt, qui tenelli adhuc existentes cymæ appellantur, quæ non minus quam folia in cibis experuntur cocta: in his rara sunt folia, & parua; flores pallidi, aut candidi; siliquæ tenues, rotundæ: in quibus semina rotunda, & subrufa clauduntur, ex interuallis disposita. eius multæ sunt differentiaz pro soliorum colore, crispitudine, densitate, aliisque qualitatibus. color aliis virentior est: aliis candicans: aliis ad purpureum vergens:

gens : crispiduo, & leuitas tum in genere virenti, quod nigrum vocatur, tum in candido reperiuntur. At genus purpureum, nequaquam crispum adhuc visum est. omnium crispissimum inter nigra reperitur, quod & gratissimum ex oleo paratum, de quo Plinius inquit : Sabellico usque in admirationem crispa sunt folia, quorum crassitudo caulem ipsum extenuat, sed dulcissimum perhibetur ex omnibus : & Theophrastus, crispa inquit, succi bonitate, & folij amplitudine laeti prestantior est. In hoc genere quædam est, quæ scissis foliis constat, similitudine quadam Apij, unde Selinadum & Apianam vocauerunt teste Plinio, stomacho vtilem, & alii modice mollientem. Candida, & purpurea breuiori caule constat, graciliorique : sed qui magis crescit in caput, foliis rotundioribus, magis sursum reflexis. crispa inter candidas crescit in caput oblongum, amplexu foliorum, candida, tenerrima, & dulcissima, seu ex oleo pareatur, seu ex iure carnium. Lævis non nisi ex iure pingui paratur, aliquando ob amaritudinem abiecta prima decoctione. De hac Plinius inquit : leuis constat latis foliis e caule exuentibus ; unde Caulodis dicta est, nulius in medicina momenti : hinc sumptum vulgare nomen Cauoli apud nos. quædam preterea in caput rotundum crescunt ex foliorum amplexu coagmentatum, Caputios vocant. Plinius Cumanum vocat, sessili folio, capite patulum. Quibusdam caudis ipse in caput extuberat Rapi similitudine, vulgo Torzutos vocant, cymis præcipue laudati & interna medulla. De quibus Plinius inquit : Lacuturtes capite prægrandes : folio innumeri; alij in orbem porrecti; alij in latitudinem torosi : nec plus vllis capiris post Tritianum, cui pedale aliquando conspicitur, & cyma nullis serior, præcipuus fit caulis ipsius sapore & magnitudine : primum omnium si in repastinato seratur, dein si terram fugientes, caulinulos seces, à terraq; proceritate luxuriosa attollentes se exaggerando, aliam accumules, ita ne plus quam cacumen emineat. Tertium quoddam genus capitata Brassicæ à flore cognominatum, Cauli flores appellantur : Cymæ sunt candidæ, luxuriosa lobolè cœquentes, veluti in umbellam latam, & solidam, tenerrimam, ac suauissimam, priusquam explicitentur in flores; raro tamen hi perueniunt ad Frugem; ut hinc videatur apud Theophrastum illud genus esse, quod nullum inquit, aut primum semen producit. sed hæc omnia sativa sunt. extat & sylvestris Brassica, sponte nascens, sed gustui ingrata, in maritimis, asperis, qualis in scopulis Ilua nascitur : foliis ex candido purpureo centibus, similis sativæ purpureæ, tantum minor. Dioscorides describit in maritimis nascentem, præruptis locis, sativæ similem, candidorem, hirsutioremque, amaram, cuius cyma in lixiuio cocta ori non insuavis est; sed ea, quam prædixi in Ilua nasci, nequaquam hirsuta est. Plinius hanc Petram vocat, inimicissimam vino, quam præcipue Vitis fugiat, aut si non possit fugere,

fugere, moriatur: folia habet bina, patua, rotunda, leuia, plantis oleris similiior, candidior, satiuia, & hirsutior. At per bina folia rotunda intellegit binas foliorum appendices rotundas. Theophrastus hirsutiem negat inquiens: Brassica sylvestris modo peculiariter a ceteris sylvestribus distat; nam in ceteris asperior est, tum caulis, tum folia: haec caules habet rotundiores, leuioresque quam satiuia, & foliorum appendicem: illa latum: haec habet rotundiorem, & folium ipsum minus angulatum. Describit alibi Brassicam sylvestrem in hunc modum. sylvestri folium laue, sed paruum, atque rotundum: & ramis, foliisque permultis condita est: succum asperum & instar medicamenti habet, quamobrem eo Medici ad aluum purgandam sepe utuntur. Plinius Theophrastum imitatus, cum duo satiuæ Brassicæ genera tradidisset, crispam, scilicet & lauem: Tertia inquit propriæ Crambe vocatur tenuioribus foliis, & simplicibus, densissimisque: amerior, sed efficacissima: & alibi ex Catone inquit: sylvestris, siue erraticæ immenso plus effectus laudantur: minutis caulis: leuis, tenera, quæ minime probatur. Alibi Rhaphanum vocat: cum inquit, Græci tria genera fecere foliorum differentia; crassi, leuis, tertium sylvestre; nam sic Theophrastus Græce vocat, quam Diocorides Cramben, & Latini Brassicam. quo in loco de sylvestre inquit: huic folia lauia quidem, sed breuiora, ac rotunda, copiosaque, atque fruticosa: sapor autem asper, & medicamenti instar ad eliciendas aliros. sparsim autem de Rhaphano, idest Brassica, apud Theophrastum haec traduntur. radicem habet singularem: caudice uno constat, quasi arboris naturam adipiscatur: perpetuo viret: folium carnosum, carne in latitudinem distensa: utraque parte fructificat cacuminibus & lateribus: Vitem offendit odore, ut eius germen propinquum refugiat; unde & medela est contra temulentiam: exit die decimo: prouenit non solum semine, sed & auulione, ut semper aliquid eius radicis accipiatur; recisa regerminat, & caules secundi suauiores; si, antequam caulescat, folia detrahantur: radices plurimum perdurant: & aliae regerminant, aliae non: aquis salinis rigata melior redditur; sed alicubi depravatae pueris, idest radicula, non pueros legitur. Vires Brassicæ notissimæ sunt apud Diocoridem, & Galenum: priuatim semen lumbricos enecat; miscetur trium in ferculis puerorum: alia vero est Brassica marina apud Diocoridem, & Brassica Canina, de quibus propriis locis agitur.

C A P. I L V.

RADIX vulgo, à quibusdam Radicula vocatur; cum tamen apud Plinium, Radicula Struthium significet. haec autem à Græcis Rhaphanis vocatur, quasi Radix perspicua: est enim tenella, ac fragilis,

gilis, candida, ferme translucida, sapore acri, placens in cibis cruda : folia ab radice humi strata, longa, & lateribus scissa, aspera : caulis ramosus, cubitalis, in quo breuiora folia : flores purpurei, aut candidi : siliquæ breues, carnosæ, interseptæ duobus aut tribus seminibus, rotundis, flauis, magnitudine paruæ Viciæ. Radicis plures differetia ; nam quædam in longitudinē crescit, quædā in rotūditatē has vulgè Rauanellos vocat, quorū alij cortice nigro cōstant, alij cādido. longatū quædā vasto corpore cōstan t, & cortice crassio, qui gravior est interno corpore; hęc Armoracia vocamus : omnes satiuæ. sunt & syluestres paruæ, ac præduræ : floribus luteis : cæteris eisdem : hęc quoque alicubi Armoracia vocant : nascuntur in aruis. Theophrastus Rhaphanida vocat. Theodorus Radicem vertit. de hac sparsim inquit : celerrime prouenit inter hyberna : die tertio erumpit, si terra cooperiatur, vsque ad æstatē durare potest, & excræscere : nec enim regerminat; nisi accumulatam humum semoueas : semē in siliqua latere potius apta fructum parere. eius genera plura : Corinthia amplitudine adolescit, adeo vt stirpe conster detecta ; nam sursum versus protraditur, non vt cæteræ in terram ampliari soluta est. Liotallassia, quam Thraciam vocant, validissima aduersus frigora. Beotia dulcissima est, & figura rotunda, nec vt Cleonea prælonga. Quibus folia leuia, dulciores, suauioresque sunt : quibus autem scabra, acriores. Genius præterea habetur, quod foliis Eruca simile constat. Plinius Raphanos vocat inquit enim : corticę & carthilagine constat Raphani, multisque eorum cortex crassior, etiam quā quibusdam arborum : amaritudo plurima illi est, & pro crassitudine corticis : cætera quoque aliquando lignosa, & vis mira colligendi spiritum, laxandique ructum : ob id cibus illiberalis vtique si proxime olus mandatur : si vero cum oliuis drupis rario ructus sit, minusque fetidus. Egypto mire celebratur propter olei fertilitatem, quod de semine eius faciunt : hoc maxime cupiunt ferre, si liceat, quoniam & quæstus plusquam ē Frumento, & minus tributi est, nullumque copiosius oleum : non pertinet autem ad hoc olus, quod subiungit inquisis, genera Raphani Greci fecere tria foliorum differentia, crispi, atque lauis, & tertium sylvestre, & quæ sequuntur : hęc enim ex Theophrasti Raphano idest Brassica desumpta sunt : accipienda autem, quę subiungit. nostri alia fecere genera : Algidense à loco, longum, atque translucidum, Alterum Rapi figura, quod vocant Syriacum, suauissimum fere, ac tenuerrimum, hyemisque patiens : præcipuum tamen est, quod ē Syria non pridem aduertum apparel; quoniam apud Authores non reperitur; id autem tota hyeme durat. etiam num vnum sylvestre; Greci Agrion vocant; Pontici Armon; alij Leucem; nostri Armoracion, fronde copiosius quam corpore, in omnibus autem probandis maxime spectantur caules; in initio enim rotundiores, crassioresque,

resque, ac longis canalibus : folia ipsa tristiora, & angulis horrida : seruunt Rhaphanus terra soluta, humida ; simum odit : palea contentus : frigore adeo gaudet, ut in Germania infantum puerorum magnitudinem æquet . seritur post Idus Februarij , vt vernus sit : incipiente incremento confert alterna folia circumobtruere; ipsos vero accumulate; nam qui extra terram emerserit, durus sit, atque fungosus . Aristomachus detrahi folia per hyemem iubet , & ne lacunæ stagnent, accumulate : ita in æstate grandescere, quidam prodidere, si palo adacto cauerna palea internatur, in sex digitorum altitudine, deinde semen simoque & terra cōgératur ad magnitudinem scrobis crescere, præcipue tamē salsis aluntur ; itaque etiam talibus aquis irrigantur; & in Aegypto ē nitro sparguntur, vbi sunt suavitate præcipui, in totum quoque salsugine amaritudo eorum eximitur, fiuntque coctis similes; nam & cocti dulcescunt, & in Naporum vicem transeunt . crudos Medici suadent ad colligenda acria viscerum dādos cum sale ieiunis esse, atq; ita vomitionibus preparant meatum : tradunt & præcordiis necessarium hunc succēum, quando Phthisim cordi intus inharentem, non alio potuisse depelli comportum sit. in Aegypto Regibus corpora mortuorum ad scrutandos morbos infecantibus, atque, vt est Græca vanitas, fertur in templo Apollinis Delphis, adeo ceteris cibis prælatus Rhaphanus , vt ex auto dicaretur Rhaphanus . Hec atque alia scribit Plinius de Raphano : alibi de sylvestri Rhaphano inquit laudatissimum in Archadia, quanquam & alibi nascitur, vtilior vrinè dum taxat eiiciendę, cetero bilem detrahit : præterea cortices in vino stomachum putgant : pituitam extenuant : vrinam concitant. est & satiū vsus in Italia, & Armoraciam vocant satium . Satiū vero decocti mane poti ad tērnos cyatos comminuunt & eiiciunt calculos. Idem Plinius alibi Napos vocat, recensens quinque genera à Theophrasto exposita , scilicet Corinthium, Cleoneum, & reliqua . Dioscorides describit sylvestrem foliis satiū, sed magis ad Lapsanam accendentibus : radice macilenta, molli, subactri.

C A P. L V I.

LAPSANA in aruis frequens nascitur, Rhaphano sylvestri in totum similis : breuiori caule : flore candido : foliis minus, hirsutis. Dioscorides Lampsanam vocat, olus sylvestre ; cuius folia, & caules in cibo coquuntur . Plinius inter sylvestres Brassicas inquit Lapsanam esse, pedalis altitudinis : hirsutis foliis Napi simillimis, nisi candidior esset flore : & alibi est cyma sylvestris trium foliorum, olus carminibus Diui Iulij præcipue iocis militaribus celebratum; alternis quippe versibus exprobrauere Lapsana se uixisse apud Dyrachium, premiorū parsi moniam cauillantes.

C A P . L V I I .

NAPVS, quem vulgo Nauonem vocant, radix est in longitudine extubetans, acrior Rapa, amarior Rhaphano; ideo cocta tantum venit in cibos: color aliis candidus; aliis buxeus: caules; & folia fert Rhaphani; leuiora: flores luteos: siliquas Brassicæ exiliores: seruntur apud insubres, vt Rapa: Bunias à Dioscoride vocatur: eius radix inquit, elixa flatulenta est, ac minus nutrit quam Rapa, afereturque mutia vt illa, semen potum venenis aduersatur; ob id recipitur in Antidotis. Galenus non distinguit à Rapis inter alimenta: cum autem recipiatur Buniadis semen recipit, quod è Creta optimum habetur. Athenaeus suspicatur apud Theophrastum: cum Buniadis nomen non reperiatur, Rapum marem esse Buniadem; apud antiquiores Raphym & Rapym appellatam esse; citat Nicandrum de Buniade loquentem cum Rapis & Rhaphanis, & Diphilum medicum de Buniade & Rapa sic loquentem. Rapa acris est, difficulter digeritur, ventosque gignit, At melior est Bunias; est enim dulcior, facilius digeritur, stomacho magis confert, magisque nutrit. Rapa, quæ assata fuerit, magis digeritur, ac magis extenuat. Plinius Napum vocat: putauit autem apud Theophrastum esse, quam Rhaphanida vocat; cum inquit Naporum Græci quinque genera fecere, vt superius in Rhaphano dictū est: forte non Rhaphanis legebatur eo in loco apud Theophrastum, sed Rhaphys; quæ eadem cum Bunide sed ex propria sententia de Napis loquens inquit. Romæ palma datur Aminterninis, inde Norsinis, tertia nostratisbus. eorum eadem fere natura cum Rapis: gaudent eque frigidis: serunturque eodem modo: sed diligentiores quinto sulco Napum seri iubent. Rapum quarto, vtroque stercorato: alibi Naporum duas facit differentias, vnam, quod Bunion Græci vocant, de quo nos alio loco agimus. Alterum Buniada appellant. Rhaphano & Rapo simile: seminis preclarri contra venena, ob id & in antidotis utuntur illo. hæc Plinius. aliud vero est Napi Græce apud Galenum, vt in Sinapi dicitur. sylvestrem Napum hodie animaduertunt; foliis ad Erucam accendentibus: radice ampliore, & rotundiore.

C A P . L V I I . I .

RAPA in aruis seritur in fine æstatis: hyeme radix crescit in amplam rotunditatem, ad pabulum iumentorum, & ad hominum cibum, non solum radice cocta, sed vt foliis ac cima Brassicæ modo: folia sunt lata, aspera, angulosaque, non sine appendicibus vt Brassicæ:

sicæ : caules non crassi , cubitales , ramosi : flores lutei : siliques Brassisæ , breuiores : semina rotunda , nigris tantia , exigua . differentiæ in radice ; nam quædam Sesseli rotunditate constant , iucundiores : quædam in rotunditate oblongæ sunt ; color omnibus candidus . Gongyle apud Græcos vocatur . Theophrastus radice inquit , carnosam esse , quasi ex carne & cortice constantem ; habet enim corticem carni adhærentem ; si terra cooperiatur , non germinat , neque folium mittit , sed usque in æstatem durare potest & excrescere . Mas est & fæmina , quæ tamen genere non distant ; gignitur enim uterque ex eodem semine ; nam si densius feratur , masculi fiunt , si rarius , fæminæ . Item si uictiosa terra serantur , aut ex prauo semine , omnes enim masculine sunt : probum autem semen est , quod tenue est : gaudet frigoribus . Plinius Græcos sequutus duo prima genera esse , masculum & fæminam ; masculum in rotunditatem globari : fæminam in latitudinem fundi , concavam , suavitatem præstantiorem , & ad condiendum faciliorem , sed sèpius satam transire in matrem . Apud Traspadanos tertium hunc esse fructum post messem & Vinum . Ante omnia cunctis animalibus nasci , satiari iis turis Alites , magisque si de coquantur aqua : Quadrupedes & fronde earum gaudere . Homini non minorem Rapaciorum suis horis gratiam , quam cimarum ; placere quoque flaccida , & in horreis enecata ; magis quam viuentia . Nebulis & pruinis , ac frigore vltro ali amplitudine mirabilis , visa esse quadragesinta libras excedentia ; in cibis pluribus modis comedendi , durare etiam Sinapis acrimonia edomita , & coloribus picta .

SYLVESTRIS Rapa sponte in aruis nascitur : radice non crassa , nec rotunda , sed tenui , & longa , ut Rhaphani sylvestris : foliis Rapæ minoribus , hirsutioribus , similiter angulosis : caule breui , ramoso : floribus aureis , capitulis Fabæ magnitudine , angulosis : intus osseum quid continet : unico semine ob siliques breuitatem . Altera ramosior , & altior : flosculis pallidis : capitulis exilioribus , frequentioribusque . Plinius tertiam inquit esse Rapi speciem sylvestrem : radice in longitudinem procurrente , Rhaphani similitudine : & folio angulo , scabroque ; succo acri , qui circa messem exceptus oculos purgat , medetur caligini admixto lacte mulierum . Idem Theophrastus innuit , cum de sylvestribus loquens inquit : Rapa radice longa , & modo Rhaphani : breuique caule consistit . At Dioscorides longe aliter describit Rapan sylvestrem , quam in hoc genere nequaquam adhuc vidi .

LA S T V M , vulgo autem Guadum herba est, qua fullones vtuntur , tingendis lanis cœruleo colore , sine quo color ater nobilis, ac perseverans non fit : eius gratia seritur in Piceno, aliisque locis maiore questu , quam frumentorum : secant folia , quæ ab radice , antequam caulescat ; ea diligenter conterunt molis lapideis; congerunt deinde expressio humore in ingentes massas, nigras sub dio, ut imbrisbus, & sole concoquantur : easdem iterum atque iterum subactas tandem in panes cogunt, ac vendunt : folia hæc magnitudine Lactucæ sunt, sed colore & specie Brassicæ paruæ, carnosa, lœuia : caulescit anno secundo in eunte vere : caulis rectus, bicubitalis, subrubens : foliis multis angustioribus, digitalibus, sine pediculo hærentibus : rami in summo tantum sparguntur, frequentes, onusti flosculis luteis ; & siliquis nigris, pendentibus, figura paruarum ligularum ; quibus singulis singula insunca semina, nigra, in rotunditate oblonga : radix sylvestris Raphani similis : sponte oritur inter segetes : foliis angustioribus, ac parum angulosis : iis, quæ ab radice, costa alba per medium discurrente, odore Brassicæ ; caule cubitali : paucis in summo ramulis : flosculis pallescentibus : fructu non pendente, sed subrecto, duro, candicante, ut Rapax sylvestris , & talis à Dioscoride describitur Rapa sylvestris ; nam folia lœuia, digitali amplitudine, caulis cubitalis, ramosus in summo ; at capitulum non altera siliqua includitur, nec plura continet semina, sed unicum . idcirco ad Isatim magis pertinere arbitror. duo autem genera Isatis tradit Dioscorides domesticum & sylvestre. De doméstico inquit Isatis sativa, qua infectores lanarum vtuntur : folium habet Plantagini simile, pinguius, nigriusque : caulem duos cubitos excedentem . Sylvestris satiuæ similis : folia habet maiora, Lactucæ proxima : caules tenuiores, multifidos, quadantenus rubentes ; in quorum cacumine folliculi multi dependent, quandâ linguarum effigiem referentes : in quibus semen, flore tenui, luteo . secundum hanc descriptionem, que hodie seritur apud nos, sylvestris est apud Dioscoridem . Quam autem sponte in aruis nasci diximus, fuerit domestica ; angustioribus enim foliis constat ; & paucioribus ramis, non tamen ea in usu est apud infectores nostri temporis; neque caulem adeo altum gerit; verum subiungitur in quibusdam codicibus, mendosas esse prædictas descriptiones; nam luteum florem ; & scapos tenuiores, ac multifidos : & cacuminum ligulas illas, folliculares. Isatis habet sativa, non sylvestris : continetur in iis semen nigrum, simile Git : caule supra cubitos duos alto, non, ut quidam dixerunt, cubitali tantum : sylvestris nigriora fert folia : caulinum

lum minorem, crassioremque: florem purpureum, aut cæruleum: fructu aspero, cruciformi: semen inclusum foliis pusillis, & assidue per interualla quinis. hoc modo legentibus, ut Hermolaus legit, nostrum Glastum satiæ Isati adamassim quadrabit. sylvestris autem ea planta fuerit, quæ vulgo herba Sancti Antonij vocatur ob effectum; nam eius succo ulceratae partes illitæ tetrum colorem cōtrahunt specie ignis sacri, quod quidam ad extorquenda munuscula mendicantes efficiunt. Eiusdem radiculæ fibrosæ, manu cōtractatæ dolorē dentium levant: nam reuellunt cutem rubefacientes, sed colore tetro inficiunt. Herba in sylvis nascitur: pluribus ab eadem radice caulis, ramosis, cubitalibus, subrubentibus: folia Glaste breuiora, rotundiora, ac nigriora: flores purpureos, Leucoio similes: folliculos per interualla paruos, quatuor, aut quinque, oblongos, quasi crucem constituentes, hirsutos, siliquam paruam continentibus: semine intus Glasti: floret in Autumno. Plinius vtramq; inter Lactucas sylvestres recenset; cum aptius inter Brassicas sylvestres numerari debuissent. Tertiam inter eas facit nascentem in sylvis, quam Græci Isatim vocant: eamdem videtur alibi intellexisse, cum inquit: In Gallia Glastum vocant; simile Plantaginæ, quo Brittanorum coniuges, nurusque toto corpore oblitæ, quibusdam in sacris nudæ incedunt, Aethyopiam colorem imitantæ: quamuis & hæc possint conuenire satiuæ Isatis de qua inquit: inter Lactucas sylvestres; quarto genere infestores lanarum vtuntur, Glastum vocant; simile erat Lapatho sylvestri foliis, nisi quod plura habet, & nigriora.

C A P. L X I.

SINAPI, quæ & Sinapis appellatur, prouenit lætissime in aggeribus sata, vbi eruta nuper terra fuerit: caulem fert tricubitalem, multis ramis: folia Rapæ latiora: flosculos luteos: siliquas membranosas, breues, sursum spectantes, refertas multo semine, tenui, rotundo, fulvo, linguâ vrente: radice constat tenui, & lignosa. Altera sylvestris minor: angustioribus foliis, ut Rapæ sylvestris, scabris, cæteris eisdem. Tertia folio constat laciniato, Erucæ modo, sed scabro, & subcandido: caule cubitali: floribus luteis: siliquis in latera inclinatis: seminibus ex flauo candicantibus, maiusculis: seritur in hortis: vulgo Rucam vocant. huius semen musto iniectum, ebullitionem prohibet, & dulcedinem conseruat. Plinius eadem tria genera ostendit his verbis: vnum gracile: Alterum Rapi foliis simile: Tertium Erucæ: semen optimum Aegyptium. Athenienses Napy appellauerunt: sic Galenus appellat, Paulus, & Aetius. Dioscorides vtroque modo vocat; at neque describit; neque differentias assignat. Theophrastus succum acrem trahuit:

buit : semen in filiqua, è cuius satu exst die quinto : Medici semine utin-
-tur ad extrahendum ex alto : in condimentis quoque assumitur cū Sapa.

C A P. L X I I .

R U C A herba in acetariis assumitur cruda, sapore acri, & iucun-
-do; ideo seritur in hortis: folia fert lœvia, oblonga, vtrinque la-
-ciniata; raris foliorum segmentis: distant magnitudine; nam quæ-
-dam latiore constat folio: caule cubitali: foliis candicantibus, ma-
-culosisque: siliquis Sinapi maioribus: Altera fruticosa: angusto folio,
-minus laciniato: pluribus cauliculis, semicubiti altitudine: flores fert
-luteos: siliquas tenuiores: tota acrior existit. Quoddam genus sponte
-nascitur in parietibus & maceriis; frequens in agro Urbeuetano: foliis
-maioris Eruca, sed hirsutis: causibus dôrstantibus: floribus albis:
-siliquis Rapi similibus, hirsutis: tota planta à tertio genere Sinapis di-
-stat solum paruitate; & florum albedine: Dioscrides Euzomon græ-
-ce appellat: unum domesticum tradens, quæ largiore cibo cruda vent-
-rem concitat: Alteram sylvestrem, cuius semine in Iberia pro Sinape
-vtuntur; est enim multo acrius domestico, & vrinam vehementius im-
-pellit: at neutram describit; solum ex attributis circa aliarum planta-
-rum comparationem colligere licet: Eruca folia laciniata esse, eo modo
-quo diximus. Theophrastus meminit sativæ inter olera: radicem tri-
-buit lignosam: & sata in celerrime prouenire. Plinius de Eruca inquit:
-tantam inesse in condiendis obsoniis suavitatem, vt Græci Euzomon ap-
-pellauerint: æstate vel hyēme facillime nasci: frigora contemnere: di-
-uersæ naturæ esse quam Laetucam, concitaticem scilicet Veneris. Idcir-
-co iungi fere illi in cibis esse & sylvestrem.

C A P. L X I I I .

V O D D A M genus Eruca in maritimis nascitur, locis hateno-
-sis: foliis crassis, pulposisque, varie diuisis, aliis, vt Rhapha-
-enit, aliis Eruca, aliis angulosis tantum: caules fert humili pro-
-cubentes: siliquas crassas, & breves, angulosasque: haec cum exaruerint,
-deceptæ calculum renum frangunt, & vrinam impellunt, puluiscu-
-lo earum poto.

C A P. L X I I I I .

R I O passim in ruderibus nascitur, & circa semitas: caule cubita-
-le: ramis ad latera tendentibus, & deorsum inflexis, fractu contu-
-macibus: folia fert latioris Eruca, minus laciniata, subhirsuta:

flosculos exiles, luteos, circa ramos frequētes: siliquas tenuissimas, subnigras, ramis harentes, in quibus minuta semina continentur, valde flavae, & acacia, valde efficacia ad yrinam impellendam: Altera est amplior tum folis, tum floribus, ac siliquis; ramis erectioribus: peregrina apud nos: Tertia parua, acrior, non nisi iuxta parietes reperta: caulinulis dodrantalibus, foliosis: breuiori folio, fere triangulo: siliquas fert non in extremitate ramis, ut ceterae, sed inter folia. Dioscorides Erysimum vocat, iuxta urbes, rudera, hortosque: foliis Erucæ sylvestris: caulinulis in loco modum lentis, & obsequiosis: foliis luteis: siliquis in cacumine gracilibus, corniculatis, ut Fenogræco: semine Nasturtij, exiguo, vrentis gustus. Plinius Irionem à Græcis Erysimum vocatum esse inquit; frumentum: foliis Erucæ, angustioribus paulo: semine Nasturtij. Quoniam autem aliud est Erysimum apud Theophrastum, inter fruges, usurpatum in cibis, cuius & Galenus mentionem facit, Plinius tanquam eandem plantam accepisse videtur, cum inquit: Irionem Sesame similem esse inter fruges, sed medicaminibus potius annumerandum, quam frugibus.

C A P. L X V.

HERBA Sancti Alberti vulgo appellatur quedam Irioni similis: caule striato, recto, cubitali, altiorique: foliis magis laciniatis, levibus: flosculis luteis, in summis ramulis rectis: siliquas fert grandiores, ac firmas, in quibus semen simile predictis: eo vtuntur ad fistulas.

C A P. L X V I.

ACCIPITRINA vulgo appellatur: foliis minutissime divisis, Absinthij Santonici modo, subcandidis, & subhirsutis; unde quidam inter Absinthij genera collocauerunt; non tamen auctoritudo inest, neque odor: sapore subastringente: caule fert tenuem, rectum, cubitalem; ramulis rectis; quibus summis tenuissimi sunt flosculi, pallecentes; ac siliquæ longissimæ, tenuissimæque: seminibus flauis, ut Irionis, minutissimis, quæ laudantur ad lubricos necandos. Altera huic similis: foliis crassius divisis, ad Nasturtium accendentibus, minoribus: flosculos fert candidos; siliquas prælongas, & tenues: oritur in incultis.

C A P. L X V I I.

VAEDAM caulinulo simplici constat, ultra dodrantem; in quo folia usque ad medium sine pediculo harentia non laciniata, ut reliquis, sed tantum in ambitu ferrata, dorso in curuo, ut Delphinium

phinum ob id dici possit, subhirsuta : in cacumine flosculi insunt can-didi, & siliquæ longissimæ, numero 2, rectæ, tenuæ ; in quibus minuta semina : oritur in asperis, sed tamen riguis. Dioscorides Delphinium sic describit : surculos emittit ab una radice sexquipedales, aut maiores, à quibus folia exerunt parua, tenuia, divisa, prælonga, quæ Delphinorum effigiem representant ; vnde tractum nomen est : flos Violæ albæ similis, purpureus ; semen in siliquis Milio proximum, quo non aliud utilius bi-bi potest à scorpione percussis. hęc descriptio præter floris descriptionem optime quadriat ; idcirco aliam ostendimus flore purpureo, specioso, qui & Hyacinthus nominatus est.

C A P. L X V I I I .

SI SYMBRIVM Aquaticum, quem vulgò Crescionem vocant, in riulis fontium nascitur : denso frutice : cau'ibus infirmis, & concauis : foliis rotundis, levibus, appendicibus quibusdam, subrotundis, ut Erucæ : gustu acri : flores in summis ramulis fert parnos, candicantes : siliquas Erucæ. assumitur in cibis vi Eruga. Efficax ad vitam mouendam, etiam extrinsecus imposita. Quædam non assimilis oritur in sicco : tenuioribus foliis, & simplicioribus caulinulis. Dioscorides unum quidem Sisymbrium Mentæ affine tradit, de quo nos proprio loco agimus. Alterum de quo hic agitur : Cardamine inquit cognominatur ob Nasturtij saporem ; gaudet riguis, in eiusdem locis proueniens, vbi Sion : folia primum rotunda sunt, adulta Erucæ modo finduntur : assumitur in cibis crudum. Plinius de eodem inquit, quod in riguis nascitur : simile Nasturtio est, sed hanc similitudinem Dioscorides in sapore tantum notauit.

C A P. L X I X .

DVAB in aquis, aut certe riguis nascuntur, prædictis affines : flosculis luteis, in summis ramis : sed siliquis breuissimis : quarum altera caule, & folio constat subrubente, oblongo, non inciso, tantum anguloso : Altera fruticosior ; folio Erucæ modo, laciniato, frequentibus divaricatis, singulis foliorum partibus serratis, specie Tanacetæ Sisymbrium sylvestre vocemus.

C A P. L X X.

NA STVRTIVM, vulgo Mastorsium, seritur in hortis pro ole-
re; nam crudum Erucē modo venit in cibos, acri sapore: cau-
lis ramosus est, cubitalis, & amplior, subcandidus, lēuis: folia
fert in ferne varie scissa, tenuibus, longis & raris segmentis, mollia; superne
autem indiuisa, angusta, & oblonga: flosculos candidos circa sum-
mos ramulos: fructus rotundos, ac depresso, sinu seminis vtrinque con-
stituto: semen flaccum est, exurens, copiosum. haec tanquam notam
non describunt authores; tantum ex attributis hinc inde colligere licet
aliquas nothas. Cardamon Gręci vocant. Galenus viride inquit venire
in obsonia cum pane; quoniam eius mordacitas humiditatis admixtio-
ne moderata est, non exurens, ut quando siccum est; semen quoque adur-
rens, ut Sinapis. Dioscorides Nasturtio comparat Iberidem foliis, & ra-
dicibus duabus: Erysimum semine flavo; Sisymbrium aquaticum sa-
pore acri. Theophrastus innuit satiuam esse, cum inquit: exire à satu-
die quinto: semen autem vetus celerius prouenire: constate acri succo.
Plinius duo genera tradit: album: & nigrum; sed nequaquam descri-
bit; meminit & sylvestris; cuius effectus maior ad omnia. ex omnibus
his colligere licet, præter Nasturtium à nobis descriptum, quod album
Nasturtium à Plinio vocatur, esse & alia genera. Animaduertenti autem
mihi similitudinem Iberidis, quod Nasturtium sylvestre appellatum est,
in foliis & radice cum Nasturtio, non satis conuenire cum albo Nastur-
tio, visum est nigrum Nasturtium esse eam, quam inter Erucas descripsi-
mus minorem, acrioremque: flore luteo; nam folia eius angusta, & ob-
longa, ut Iberidis, assumenturque in obsoniis per se cum pane, ut Galenus
notat: nec video apud antiquos, inter Erucas recenserit: vnius enim tan-
tum meminerunt inter satias.

C A P. L X X I.

BERIS passim in ruderibus, & iuxta semitas nascitur, fruticosa:
pluribus ab eadem radice caulinis, lignosis, cubitalibus: folia pro-
pe radicem patuę Erucē similia, circumferrata, superne indi-
uisa, angustioraque: flosculi in cacumini bus ramulorum tenuissi-
mi, candidi; & fructus Nasturtij longe exiliores: semine vix conspicuo,
subnigra; radix lignosa, aliquando simplex, aliquando bifida, odore
aci. Dioscorides Iberidem alias Cardamanticem appellari inquit: na-
sci in incultis: foliis Nasturtij in uete, virentioribus: caule cubitali, aut
minore: florem in æstate fert lacteum, quo tempore efficacior est: radi-

ces duas, Nasturtio similes , calſacientes, & adurentes . Apud Galenum in curatione doloris Ischiadici legitur elegans descriptio ex Damocrate carmine conscripta in hanc ſententiam . Iberis dicta à regione , in qua fanatus Medicus , herba frequens vbiue iuxta muros & vetera monu- mента, ac vias, ſemper virescens; ſed vere foliis Nasturtij maioribus : cau- lis cubitalis , paulo maior , vel minor : à quo æstate pendent folia vſque ad multam hyemem, donec gelu pereant : floſt laetetus : ſemen exi- guūm, vt vix cerni poſſit : radix odore acerrimo, vt Nasturtium. hæc tu- fa in magna cōpia (difficulter autem tunditur, èſtate & recens, nam tunc fortissima) cum modica axungia adhibetur toti cruri, & maxime coxen- dici ; ſinitur per quatuor horas in viris , minus in mulieribus , deinde aufertur, & crus in balneo ponitur, poſt inungendum ex oleo & vino, ac demum terfa pinguedine, & sudore , tegendum molli lana, vt æger am- bulet, & ſuis pedibus obeat munia : ſi opus fuerit, repetendum poſt dies viginti , ſic ſanati inueteratos dolores capitis , aut in quacunque corpo- riſ parte . Plinius eadem ex Damocrate refert . Putat Galenus eamdem cum Lepidio eſſe , quod & Agriocardamon , idest sylvestre Nasturtium appellatum eſt, ſed apud Diſcoridem diuersa earum mentio reperitur .

C A P . L X X I I .

LEPIDIUM , vulgo autem herba Piperis vocatur : ſeritur in hor- tis; nam folia ob Piperis gulfū in condimentis expetuntur : cau- lis eſt candidus, ac leuis, rectus, cubito altior : folia lata, in acu- tum deſinentia, Lauro grandiora, ſed in ramis graciliora : floſculos fert in æſtate candidos, veluti in coma ; & fructus tenues Iberidi ſimiles : ra- dicem Rhaphani ſylvestris, acrem . Plinius ſcribit peregrinum fuſſe : ſe- ri à Fauonio, dein, cum fruticauerit, iuxta terram præcidi, tunc runcari, ag ſtercorari : hyemis impatiensſimum : exit & in cubitalem altitudi- nem; foliis Laurinis, ſed mollibus : vſusque eius non ſine laete . Diſco- rideſ tanquam notam non deſcribit; herbulam inquiens eſſe, quam muria cum laete conditur : viſ foliorum actis , & expulſetans ; Ischiadicis præ- ſentissimum remedium : lepras quoque tollit ; vnde forte Lepidum ap- pellata ; quia lepidas idest ſquamas leproſorum auferat; ex quibus pa- tet, hanc diuersam eſſe ab ea, quam Iberidem vocavit ; nam Iberidi vires in radicibus; Lepidio in foliis ; huius præterea vſus in cibis; Iberidis ne- quaquam . error autem purantium eadēm eſſe fluxit ex communitate nominis, & vitium . Paulus Aegineta rem aperuit inquiens . Ischiadicos in totum reſtituit ſanitati Iberidis herbæ vſus, quam Lepidion quoque, alij Nasturtium appellant . Quæ vero apud nos fruticola naſcitur : foliis Lauri ſimilibus, & multo amplioribus respondere , multa experimenta- teſtan-

estantur, non solum in coxarum, sed in aliis quoque diuturnis affectibus, & quæ sequuntur. Golumella Lepidij duo genera facit: sylvestre: & satuum. forte Iberidem pro sylvestri accipiens. Solum ansam dubitandi præbet, quod Dioscorides Lepidium herbulam dixit esse, quod Iberidi magis quam Lepidio conuenit. sed tamen Dioscoridis Lepidum idem esse cum Plinij & Pauli Lepidio, ac longe differre ab Iberide colligi potest ex Draba, cuius folia Lepidio comparantur à Dioscoride.

C A P. L X X I I I.

DRABA peregrina est apud nos: brevior Lepidio: foliis quoque minoribus, candidantibus, in ambitu laeviter fimbriatis, Lauri modo: flosculos candidos, in summis ramulis latam quandam vmbellam constituentibus; fructus Lepidij: semina nigra. Dioscorides inquit: herba ad cubiti altitudinem assurgit, tenues spargens ramos, & ex utroque latere folia seu Lepidij, molliora. (Græce ἄπλωτερα, quod etiam significat tenuiora) & candidiora: in cacumine vmbellam, Sambuci gerit; candidis floribus: huius semine arido in Cappadocia, pro Pipere vtuntur; herbam autem cum ptisana incoquunt. reperitur eadem descriptio alibi apud eundem Dioscoridem sub nomine Arabis, ut habet Hermolaus.

C A P. L X X I I I I.

BVRSA Pastoris vulgo appellatur herbula, passim in ruderibus, & viis proueniens: foliis ab radice stratis, digitæ longitudine, sectis Erucæ modo, sed prope pediculum integris: caulinum fert tenuem, semicubitalem, in quo pauca foliola, nequaquam secta: flosculi in ramulorum cacuminibus candidi: fructus triangula figura compressi, in summo sinuati specie gemini marsupij; unde nomen traxit: in his semina exigua, & flava continentur, sapore subacri; at herba tota insipido sapore constat, & glutinoso, celebris ad sanguinem fistendum, & fluxiones repellendas, succo poto in sputo sanguinis, & dissenteria; trahit & super nates ad sanguinem inde fluentem, herba ex aceto trita, & carpo adhibita: sistit fluxum sanguinis, & rigorem tertianæ compescit: illinitur Erysipeli, & incipientibus inflammationibus, & vulneribus recentibus. Apud antiquos inter Thlaspi genera numeratur, ut paulo mox patebit.

C A P . L X X V .

HVMILIS quædam herbula affinis Bursæ Pastoris, copiosa in Sicilia, & in Plumbinensi siccus vias: ramulis dodrantibus, multis, humi procumbentibus: foliolis Thymi, rotundioribus, canaliculatis, subhirsutis: flosculos fert tota hyeme candidos, veluti in capitula aceruatos in summis ramulis, odore quasi simillimo fauo mellis: fructus minutos, Iberidi similes: Planta insipido sapore constat, vi Bursa Pastoris.

C A P . L X X V I .

THELASPI folia fert ab radice Iberidi similia, longiora, ac simili-
ter diuisa, in caule autem solum angulosa, pollicis latitudine:
caulis prope cubitalis, ramis in summo tenuibus, parulis flo-
sculi candidi in cacuminibus: fructus specie & magnitudine Nasturtij,
in extremo diuisi: semina intus subrotunda, nigrantia, acria: nasci-
tur in agrorum aggeribus. Quoddam genus in Monte Sancti Iuliani
in Pisano oritur: floribus luteis: fructu lateo, ac valde depresso, diuiso
specie duorum nummiorum. Dioscorides inquit: herbula est angustissima
foliis, digitæ longitudine, in terram conseruans, in summo scissis, sub-
pinguibus: caulem emittit tenuem, duorum centrum, paucis adnati-
tis; circa quem totum fructus est modice latius in extremo, figura Disci,
seu Lenticulae, sed contractus; unde nomen allumpsis: in quo semen
continetur simile Nasturtio: flos subalbidus: ortus in semitis pateti-
bus, & aggeribus; semen acre exalfaciens. hæc descriptio partim ostendit
nostram Bursam Pastoris, quæ & Capsella dicta est, inter cetera nomi-
na Dioscoridi ascripta: nam folia in cacumine diuisa; & fructus in ex-
tremo lati, ei plantæ magis conueniunt. At figura Disci contracti, iis,
quæ hic descriptæ sunt, magis congruunt, erat autem Discus apud anti-
quos, quoddam lusorium instrumentum, figura lenticulari, quod qui
longius proiecisset, vinctus erat; hodie Ruilla vocatur, lignea rotula, quæ
filo circumducta, & projecta, longius rotundo plana transigit. Galenus
in censu Theriacæ, duo genera seminis nouit; unum colore inter luteum
& flavum, figura rotundum, adeo exiguum, ut saepe Milio cædat, quod
è Creta assertur: cuiusmodi etiam ubique nascitur, hoc tanquam infir-
mum monet in Theriaca non recipiendum: Alterum præstantius ex
Cappadocia allatum, quod ad nigredinem quamplurimum inclinat, si-
guramque non exacter rotundam habet, & magnitudine aequaliter per
multum superat, & ab uno latere paruam quandam veluti compresio-
nem præsebat, unde & nomen obtinuit, prouenit autem virumque in-

Cap.

Cappadocia quamplutimum : sed quod peculiariter in Sauro nascitur, nec Cretico, nec passim nascente simile. ex hac Galeni historia colligere licet Burlam Pastoris esse Thlaspi deterius, quod ubique nascitur. Nigrum autem melius, quale hic descriptum est.

C A P. L X X V I I .

THLASPI Creticum appellatur herba, quæ etiam apud nos repertur locis asperis in monte Sancti Juliani; surculis dodrantibus : foliis angustis, indivisis, ceu Lini : capitula fert cacuminibus : in quibus flores stipati, subrubentes : & fructus in eodem capitulo stipatos, profundiori sectione, quam Thlaspi nigrum : seminibus intus flavis, amaris, & acrisibus : herba quoque amara est. Galenus mentionat Cretici Thlaspeos, ut patuit in superiori mentione.

C A P. L X X V I I I .

THLASPI magnum. Raphanus montanus vulgo appellatur; radix crassa, gusto Rafani, acerrimi saporis : oritur in montibus : seritur autem in hortis radice ; nam præcisa etiam in partes partes germinat ; ineunte vere foliolaexeunt ab radice, rubridentia, & scissa in extremo : mox caulis cubito brevior, rectus, paucis ramulis ; quibus summis flosculi candidantes insunt : & fructus bifurcati, ac depresso ut cæteris : postquam caulis inaruerit ab eadem radice, sed altero principio folia exeunt magna, qualia Hippolathii, ferrata, & aliquando in extremo scissa. Dioscorides ex Crateua describit : foliis latis : radicibus magnis : utile Ischiadicis. recentiores medici Rhaphanum sylvestrem putantes Radici vires tribuunt ad flatus laxandos : vrinam mouendam & calculum renum, & vesicæ frangendum, distillant & aquam ex radicibus ad usus prædictos. Germani radices tritas in condimenta recipiunt.

C A P. L X X I X .

DORELLA vulgo appellatur, semen aurei coloris, exiguum, & in rotunditate oblongum, acre, oleosumque; quod præcipue olei gratia serunt in Gallia : caulem fert rectum cubitalem, ramosumque folijs. Thlaspi nigri, maioribus, ac levioribus, flosculos fert candidantes : fructus non depresso, sed orbiculatos, in acutum desinentes, ob seminis vero similitudinem cum Sesama, & olei hubertatem, à multis assumpta est pro Sesama, oleumq; Sesaminū ex hoc semine perfut,

C A P. L X X X.

VIOLA alba, quæ & Matronalis cognominatur: colitur floris gratia: flos est odoratus inter primos vernos. Planta fruticosa: caule crasso, dūro, circa duos dodrantes: ramos fert in cacumine, vt Brassica: folia digitali longitudine, candicantia, subhirsuta, quæ prope radicem angulosa, ac latiora: flores summis ramulis plutes, speciosos, candidos, aut rubentes, aut ad purpuram inclinantes, aut varios, maculis in albo rubris: extant & luteæ ramosiores: viridioribus foliis, angustioribusque: siliquas ferunt longas, & angustas, ad septum cōpressas contrario modo quam in Nasturtio & Thlaspi: in iis semina rotunda, in tenuitatem quasi foliaceam compresa: radix lignosa. Græci Leucoion vocant, quasi albam violam, comprehéndentes eodem nomine & luteas, & cæteras prædictas. Theophrastus inquit; florum prima emicat, ubi cælum clementius nondum exacta hyeme plurimum durat. differentiam habet in flore; cum color earum varietur. Distat à nigra tum in aliis, tum ratione plantæ ipsius, in caule tantum foliata, non latifolia, non multa radice constat: Vita eius anni maxime tres, senescens diminitur, & candidiores assidue flores fert. Aliam idem Theophrastus haber inter Bulbacea, de qua suo loco dicendum est. Dioscorides tanquam notam non describit: esse differentiam in flore; nam aut alba, aut lutea, aut cærulea, aut purpurea: lutea autem ad Medicinæ usum optima: nam ducit menstrua, secundas, & fætum flos siccus feruefactus in sessione: efficacius eadem præstat semen potum: nam abortum facit: sed Cæruleum Leucoion in hoc genere hactenus non visum, à solo Dioscoride positum, nisi superfluum fuerit id verbum: At Cyanus flos, quem forte intellexit, alio loco est explicandus. Plinius trium tantum colorum meminit, purpurei, lutei, & albi; nam de cyano seorsum à Leucoio agit: Leucoium serunt omnes plantis, vt olus. At reliqua Violarum genera ab eodem posita non pertinent ad hunc locum. Arabes vocant Cheiri; vnde oleum paratur Cheirinum: utri doloribus valde utile: diuersum à Iasmino Dioscoridis, quod è floribus albis violæ parari scribit, de quo nos in Gessimino.

C A P. L X X X I.

XTANT & sylvestres, vt plurimum sine odore: oriuntur in montibus, albæ, & purpureæ: foliis angulosis, & brevioribus quam satiuæ: cauliculis dodrantalibus; hatum flores noctu magis redolent quam interdiu: idcirco iure Hesperis inter has constitutæ rapud Theophras-

Theophrastum, quam inquit appellatam à nomine esse; quia noctu plus
zedoleat; quam interdiu. purpurei floris quandam vidi admodum pu-
sillam, non excedentem quatuor digitos, in gracilibus nascentem; lutei
vero coloris quædam in montibus nascitur: foliis rotundioribus: mul-
tis ramis, f. uticosa, dodrantalibus siliquis capitulorum modo extube-
tantibus, rotundis. *et odore.*

C A P . L X X X I I .

VNARIA græca vulgò appellatur planta in Alpibus locis, vmbrosis: cubitali caule, ramoso: foliis latis, & rotundis, in acutum desinentibus, circumseriat, subasperis: in summis ramis flore purpurecente, Leucoio simile, suani odore; siliquas ferit latissimas, in foliaceam tenuitatem compressas, subrotundas, pendulas: paucis seminibus, Lentis magnitudine, nigris. Altera inodora: foliis oblongis, ad Vrticam accedentibus. Tertia flosculis luteis: tecticaulis, candicans; foliis oblongis, latitudine pollicis, hirsutis, ut Verbasci: siliquas ferit multas, sursum spectantes, paulo angustiores prædictis: semina specie & colore Cimicum: peregrina apud nos. Quarta fruticohor, & brevior prouenit in nudis saxosis, copiosa in Montacuto, iuxta lapidem nigrum; quod multum Amianti nigri complectitur: in alia terra & perire non licet hanc herbam: cespites sunt lati: caulinis duris, decurrentibus, candicantibus, aliquando subrubentibus: in quibus frequentia foliola, ceu Thymi, rotundiora, candicantia: flosculi exiles, in summis ramulis copiosi, lutei: fructus rotundi, & compressi, figura Lentis, pallescentes: in quibus semina flava, exigua, simili modo comp: essa. Dictæ sunt Lunaria, quia fructus figura lunæ non falcarè, sed propæ completae conspiciuntur. Alia tamen à recentioribus Lunaria accipiuntur, quæ minor, aut racemosa cognominatur, alio loco explicanda. confidunt in his Chimici coagulari posse argentum vinum specie argenti. Inter has videtur esse Alysson Dioscoridis, inquit enim: exiguis est frutex, subasper (additur in quibusdam vnicautis) foliis rotundis, iuxraq; fructus duplicitibus, scutulis similes; in quibus semen continetur, modice latum: oritur in montibus & asperis. Dicta est Alysson; quia commorsos à cane rabido defendit à rabie; si tusa herba adalligetur morsui. Decoctum eius potu discutit singutrus, qui sine febre. Virtus cutis & lentigines in facie deletrita cum melle: habetur amuleu aduersus maleficia, si in domo maneat appensa. Aliam vero Plinius pro Alysto accipit, quæ inter Rubias ostendimus. Aliam Galenus, quam inter Marrubij genera explicabimus. Quod vero Dioscorides scribit de suo Alysto: fructum ferre duplice clipeolo simile, lunaris prædictis optime conuenit; nam &

Peste antiquis Lunatæ dicuntur, ut apud Virgilium, lunatis agmina pellit. Duplex autem clipeolus videtur; quia siliquæ duo valuula, figura clipeoli abscedunt relieto septo membranaceo, cui hærent semina.

C A P. L X X X I I I .

LILIARIA vulgo appellatur; quia folia odorem Allij præseferunt: oritur in ruderibus opacis, lato solo: caulis bicubitalibus, levibus; foliis latis, ut Lunariæ grecæ, rotundioribus, crispis: flosculos in summis ramis fert candidos: & siliquas longas, ac rotundas: in quibus semina nigra continentur. laudatur ad ulcera cancroso & maligna; foliorum succo & puluere: semen ad veteri strangulations confert ad motum emplastri modo.

C A P. L X X X I I I I .

CARARA vulgo appellatur herba in aggeribus, & secus vias: ramis humistratis, dodrantibus, circa radicem multis: foliæ fert diuisa Nasturtij modo; aut Coronopij, glauia: & in foliorum alis racemulos oblongos; in quibus flosculi candidantes: & fructus rotundi, ac depresso, valde duri, asperique: semine intus flavo, ac depresso.

Finis Libri Octauj.



AN-

ANDREAE CAESALPINI
ARETINI
DE SVFRVTICIBVS ET HERBIS.

LIBER NONVS.

CAP. PRIMVM.



VÆ terra ferunt semina ex eodem principio, nuda quidem, pauca admodum hucusque compertia sunt; nam præter Rutam sylvestrem, & Thaliethron, aliam reperire non licuit: cor in iis est extra. Quæ autem terra in conceptaculis ferunt, plura sunt, ut Thithi malorum genera: in magno autem numero sunt, quæ in triquetris conceptaculis plura ferunt semina, ut Cœouulii, Hypericum, & Bulbacea omnia, quorum cor infra situm est.

C A P. II I.

RUTA sylvestris, in officinis autem Armel vocatur: herba in montibus: virgas fert plures ab eadem radice, cubito antiores, rectas, virientes, lœues, rotundas, simplices: folia in geniculis multipartita Ruta modo latiora, sed quæ ab radice rotundiora sunt, ad Aquilegiæ accendentia: in caeruleo tamulos fert: copioso flore, lanuginoso, a bo: fructus ternos in singulis apicibus subcandidos, triangulos, decorsum inclinatos, ut in Glazio: intra-corticem semen continetur, oblongum, & nigrum, gusto Pineæ nucis, cum perfectum est; sed viride amarum, & graui odore, ut tota planta: radices multæ & fibrosæ, intus buxeo colore, exterior nigræ. Altera humilior: minutioribus foliis: flore pallido in coma magis soluta; semina in singulis apicibus terna. inueniuntur rectæ, sursum spectantia, specie seminis Cicutæ, colore subrufso, sapore, cum perfectum est, non insuavi: quidam Cicutam Atheniensium vocant; quia succus laxans est, & soporiferus, & semen Cicutæ simile. hinc factum est, ut nomen Armel cum Cicuta confutum sit apud Matthæum Sylvaticum, qui distinctionis gratia aspirationem adiungit Hamel vocans pro Cicuta. Dioscorides de Ruta sylvestri inquit: eo nomine appellari, quam in Cappadocia & Galatia Asia Moly vocat. quidam

Harmala: Syri Besala: frutex est ab eadem radice plures virgas ferens: folia multo longiora, & molliora, quam Rutæ alterius, graui odore: florem album in cacumine, & capitula paulo maiora domesticæ, ex tribus maxime partibus constantia: in quibus semen triangulum, subrufum, maxime amarum in gustu, cuius est visus: perficitur autem in Autumno: cum Moly similitudinem quandam habet; quia radice constat nigra; flore autem albo: oritur in collibus, & lœto solo ad hebitudinem visus semen illinitur, ex melle, vino, selle galinaceorum, croco, & succo Fæniculi. Arabes ad multa alia laudant: crassos, & lentos humores incidit, & per vrinas pellit: atram bilæ, & pituitam per inferna purgat: efficacissimum remedium ad comitiales; extat & medicamentum Diabesala, seu Diharmala ad anginas apud Alexandrum Trallianum: excitat id semen vomitiones, ut vini instar ebrietatem parit; confert iis, qui amoris causa insaniunt; soporem gignit pondere drachmæ dimidiæ usque ad drachmam unam in potu. Alia tamen ostenditur, cui magis conuenient Rutæ capitula, Harmel Constantinopolitanum appellatur, de qua alibi dicendum est.

C A P . I I I .

THALIETHRON in Hetruria vulgo Verdemarcum appellatur: oritur in agrorum aggeribus, & campestribus, lœto solo: virga rectis, cubito altioribus: foliis tenuius scissis, quam Armel, fragmentis aliis, ut Capilli veneris; aliis ut Rosmarini, virentioribus, duotoribusque: hæc nitore quadam splendent: flores herbacei in longiore coma, ac prædensa insunt: & semina exiliora prædictis: tota graue olet, & insuavis est gustu ut prædictæ: laudatur ad Hydropem, & Lienem tumidum radicis decoctum: quidam folium cum onofrixum matutino exhibent; ducit enim vrinam. Dioscorides quamuis Thaliethron breuiter describat, non tamen difficile est plantæ prædictam eo nomine agnoscere; inquit enim: folia fert Coriandri, pinguiora, caulem Rutaceum, crassitudine; in quo folia; oritur in campestribus: folia illita antiquis vñctoribus ad cicatricem perducunt.

C A P . I I I I .

TITHYMALORVM genus appellationem est, quod lacteo succo, & acri abundat; emanat enim id tamquam ab vñctibus, decerpto folio, aut caule, aut radice: omnia foliis cōstant insuisis, in simplici caulo rotundo numerosis, oblongis; summi caules in ramos sinduntur, ad minus ternos: quibus aliud genus foliorum inest, rotundius, ut plurimum acetabuli figura; unde flosculus pendet summo fructui insidentes.

dens, veluti Apex, fructus triangulus extra cutaneus, intra cattilagineus: semina tereta; singula in singulis alveolis, ut plurimum Viciae similia: medulla intus molli, & pingui. omnia os incidunt, & facultate purgandi praedita sunt. differentia magnitudine & paruitate: foliorum figura: aliisque caulinum, & seminum, & radicum differentiis. Plinius Tithymalum à nostris Lactariam, & Lactucam caprinam appellari tradit: eius lacte inscripto corpore, cum inatuerit, si cinis aspergatur, appetere literas, quibus etiam alloqui adulteras solebant.

C A P. V.

CHARACIAS magnitudine præstat: virgis ab eadem radice muluis, sæpe pluribus quam vicenis, pollicis crassitudine, cubito aliquotribus: quibus folia insunt longiora quam Oleæ, subcandida, & subhirsuta: circa summas autem virgas coma est oblonga, frequentibus ramusculis, & acetabulis; in quibus flosculi sunt subtubentes; & fructus magnitudine parua Fabæ: oritur hæc in asperis maritimis ventur quidam ad pisces enecandos foliis tuis in vado. Huic simili oritur in montibus: foliis Oleæ: ramis rubentioribus, paucioribus, ac paulo brevioribus. Dioscorides hoc primum genus Tithymali facit; caules inquit fert supra cubiti altitudinem, tubentes, lacteo succo, & aeti madentes: folia Oleæ, circa virgas angustiora, & longiora: radicem crassam, & lignosam: comam in cacuminibus ex ramulis luncis constarem; in quibus foliola subconcaua sunt similia pelui, & in iis fructus: oritur in asperis & montosis locis. usus est lactis; nam purgat bilem, & pituitam pondere scrupuli unius, cum poslea inferius, cum multa superius, sed fauces exurit, nisi deuoretur illitum cum cera, aut melle decocto: ledit & eos, qui colligunt, præsertim oculos, faciem, collum, & inguina; ideo aduersum flatum cauere debent, & manus & faciem oblinire prius seu & oleo cum vino. recens auferit pilos cum oleo illitum: verrucas & formicas sanat: cauis dentium inditur ad dolorem levandum, aliaque multa præstat: folia quoque siccata & semina, & radix ad purgationes assumentur. Mesues Alscebram magnum vocat, habens radices rotundas, crassas, spissæ corticis, densi, & ponderosi: reprobatum à Medicis; quoniam abscondit viscera. Plinius inquit Tithymali plura genera: primus cognominatur Characias, qui & masculus existimat: ramis digitali crassitudine, rubris, rugosis, quinque aut sex, cubitali longitudine, à radice foliosis: pender in cacuminibus coma lunci: nascitur in asperis maritimis. Theophrastus de Lactaria mascula inquit: magnitudine cubitum æquat: folio Oleæ: huius lac, cum vinæ demia incipit, exprimit, & preparato utuntur: purgat inferius.

C A P . V I .

PAULUS ALVSTRIS frequens in paludibus Pisaniis, altior, & lauior Chatacia: caule medio crasto, aliis tenuibus adnascētibus, rectis, rubentibus: foliis paulo angustioribus, rarietibus, & magis virgentibus: radicem ferit exterius nigrum, intus candidam, crassam, tenui cortice, qui ob succi copiam, facile abscedit a corpore: coma in cacumine luteam: semen Characiq. vtuntur quidam cortice radicis pro Turbit; nam valde gummosus. ACTUARIUS Turpetum nigrum vocat; quam inquit esse, radicem Pityusae: Album vero Alypiæ. De Pityusa Di scorides inquit: inter Thithimalos à quibusdam recenserit, specie differentem à Cyparissia: caulis supra cubiti altitudinem aliusgit, geniculatus, solis Piceæ, acutis, exilibus: flore parvo, veluti purpureo: Semine instau Lenticulæ late: radice crassa, candida, succo referita: alicubi frutex is prægrandis inueniuntur: detrahit pituitam, radix pondere duas dum drachmarum. Plinius cum honore Pityusam receperit, fruticem Piceæ similem: flore parvo, purpureo. Quamvis autem hæc non omni ex parte quadrent plantæ propositæ, vt foliorum tenuitas, seminis latitudo, & radicis color, ac floris; non tamen reiicienda est à genere Pityusæ; cum scribat Dioscorides alicubi fruticem esse prægrandem, vt in hac contingit; similitudo enim foliorum & totius plantæ cum Cyparissia est, sed omnia longe maiora de parua Pityusa patebit mox: sed de Turbit alia est sententia apud Mesuem, & alia apud Serapionem, vt locis propriis ostenditur.

C A P . V I I .

SVL A in officinis vocatur, in campesribus proueniens: caule dodrantali, aut maiore: ramulis tenuibus, à latere excurrentibus: foliis Lini, virentibus, angustis, numerosisque: coma in cacumine subrubente: radice tenui, cortice rubente. vtuntur iustici radice in catapotia ad purgandum. Extat quædam paulo major: longioribus foliis, rarietibusque: coma pallida; in humidiori solo nascens: in totum herba Linaria similiors, vt antequam floreat, non distinguatur, nisi lateo succo. Tertia in montibus nascitur, cardidior: foliolis angustis, Elula candida appelleatur. haec quædam ad Pityusam reduci posunt, vt secunda & tertia: cuius historiam superiori capite tradidimus: quæ autem primo loco descripta est; Cyparissia à Dioscoride vocatur; caule dodrantali, vel maiore, subrubente: ex quo folia exoriuntur Piceæ, molliores, & tenuiores, vt in totum Piceam nascentes, a myctur, unde nomen; candido succo madet, sed hec ex Pityusa videntur desumpta,

quæ

quæ à similitudine Piceæ denominata est. Plinius inquit Cyparissiam vocant propter foliorum similitudinem; caule gemino, aut triplici: nascentem in campestribus: at quæ similitudo foliorum cum Cupresso? An nascens Cupressi folia conspicua, paulo breuiora Piceæ; aut Iuniperi? Mesues omnes has Alscebram paruum appellat, habentē radices tenues, & tenuis corticis, quæ sunt in vsu, præcipue cortex, qui eligitur tenuior, leuior, frangibilior, colore subrubente: Serapio Scebram vocat, & Pyrus Dioscoridis accommodat.

C A P. V I L

ALYPUM in petrofis nascitur, tractu marittimo: frutex surcas, alios, multis ab eadem radice caulinis, tenuibus, palmum altis: foliis Thymi: tenui coma in cacumine, lutea: fructu aspero, & hirsuto: radice singulati, lignosa, pollicis crassitudine, cortice crasso, subrubente. Dioscorides inquit: surculosa est herba, subrubens: exilibus ramulis: tenuibus foliis: flore molli, leui, & copioso: radice Betæ, tenui, acri succo referta: semine Epithymi: gignitur in marittimis. semen atram bilem trahit. Actuarius modo Alypum vocat, semen laudans ad atram bilem, modo Alypiam: cuius radix detrahit piruitam glutinosam, & Turpetum album est; nam nigrum Pyrusæ radicem esse tradit, ut suo loco explicatum est. Paulus quoque Alypum, & Alypiam rem eamdem suis temporibus appellatam testatur.

C A P. I X.

MARITTIMVS Thithimalus semicubitalis est: incuruis ramis, rubentibus: numero folio, ceu Lini, breniore, & candicante: comam in cacumine fert latam: flosculo pallescente: fructus exiguo candidos: semiñibus Viciae paruis: nascitur in harenosis littoribus. Dioscorides Paraliton vocat: nascitur in marittimis: ramis subrubentibus, palmum altis, quinis, senisue, à radice excutientibus: foliis Lini, angustis, paruis, oblongis, inuersus quoddam digestis, capite in cacumine orbiculato: in quo semen ut Eruum vario colore emicat: flos albus: frutex totus cum radicibus lacteo succo turget. Theophrastus maritimum Granum appellari testatur: folio rotundo: caule palmu alto: fructu albo, qui demetur; cū vua nigrescere incipit, & siccatur: poiui datur tertia parte acetabuli. Plinius ex Theophrasto transcribit, addens ramos tubentes: non variant aurem ha descriptio-nes: ram folium rotundum, de eo, quod in coma est, intelligendu a: ut Theophrastum & Plinum. Dioscorides caput appellauit ipsam comam,

C A P . X.

MYRSINITES peregrina est apud nos : ramis ab radice plutibus, humi stratis, dodrantibus, crassis : folia insunt pollicis latitudine, figura Myrthi, in acutum desinentia, non tamen pungentia, crassa, colote candidante : coma in cacuminibus, similia maritimo ; in qua fructus Characiæ similis. Extat quædam in montibus : angustioribus foliis, Diſcorides Tithymalum féminalm esse inquit, quam Myrsinitem, & Caryitem vocant, similem Daphnoidi natura : foliis Myrthi, maioribus, firmis, in cacumine acutis, spinosisque : viticulas ab radice fert dodrantales : fructum alternis annis, Nuci similem, gustu mordaci : nascitur in asperis. Theophrastus inquit : Myrtaria cognitata, candida lactaria est : foliis Myrthi, aculeatis parte postrema : semina in terram demittens, longitudine palmi que non simul, sed alternis annis fructificant, alia hoc annos alia postero, quamquam omnia eadem radice exorta : loca montosa desiderat : fructus Nux appellatur : demetitur, cum Hordeum turgescit, purgatus, lotusque in aqua : siccatusque, datur cum Papaveris nigri duabus partibus, ita ut totum modo acerabulisti : Trahit pituitam per aluum. At vero, si nucem ipsam placet dare, tritam dabitur ex vino dulci, aut cum Sesama rosta, torrefactaque comedenda. Plinius eadem ferè habet ; tantum folia molliora Myrtho tradit, forte comparans cum Myrtho sylvestri, cui folia pungentia, & robusta, ex his patet, quas descripimus ad Myrsinitem quidem referti posse : nam caulinæ serpunt alternis annis, fructum ferentes : foliis Myrthi, at non pungentibus ; neque fructus præ paruitate Nuci comitata potest.

C A P . XI.

ARBORESCENS in scopulis nascitur, & præruptis, copiosius in præcipitio, qui Saltus Ceruiæ vocatur inter Massam, & Petram lancetam ; frutex est bicubitali altitudine, & ampliore, lignosus : uno quasi caudice in ternos, aut quaternos ramos perpetue filo : foliis circa surculos nouellos, longioribus Myrsinitæ, ac virterioribus : coma lutea : fructu Characiæ. Diſcorides Dendroidem vocat in petris nascentem, amplius in summo, & multas spargentem comas ; copioso succo : ramis subrubris, in quibus sunt folia tenuia, Myrtho similia : fructus autem Characiæ similis. Plinius Dendroides inquit, alijs Cobion, alijs Leptaphyllum cognominant, in petris nascentis, comosissimum ex omnibus maxime caulinis, subentibus, & semino copiosissimum : ciuidem effectus, cuius Characias.

C A P I T U L U M X I I I .

LA T I P O L I V M inter peregrina semina, aliquando prouenit in horto Pisano, sed nequaquam ad frugem usque; nam hyeme aduentante periret: caulis simplex, ad altitudinem duorum dodram crevit: foliis alternatim geminis, tubrotundis, ternum digitorum latitudine, candidantibus, crassis, ac lanuginosis, succo lacteo & acri manantibus. Aliud apud nos passim iuxta flumina oritur: pluribus ab radice caulis, rectis, cubito brevioribus, rubeantibus: foliis latitudine pollicis, oblongis, valde hirsutis: coma in cacumine lutea: fructu hirsuto. Dioscorides Platypylon vocat, Verbasco similem: eius radix, succus, & folia per inferna trahunt aquas: pisces necat tusus, & aquæ inspersus, quod & cætera Tithymali genera praestant. Plinius Platypylon inquit, alij Corymbitem, alij Amygdalitem à similitudine: nec vilius latiora sunt folia: pisces necat: aluum soluit.

C A P I T U L U M X I I I I .

CA T A P U T I A vulgo dicitur, quam ferunt in hortis spectaculi gratia, nec non & utilitatis in purgando: planta uno caule assurgens, crasso, cubitali, aliis a latere adnascentibus: foliis digitalibus, prelongis, alternatim geminis, crucem quodammodo efformantibus, levibus, & crassis: ramos in cacumine prelongos spargit, assidue bifidos; in quibus folia Hederæ; & fructus in singulis alis, magnitudine Nucis Auellanæ, in quibus semina effigie grandioris Viciae, oblonga, colore vario, medulla intus, sapore nuclei Pinæ, sed fauces paulo post incidunt. Qui abhorrent medicamenta, sumunt nouem grana à corrice munda bibuntque ex aqua frigida: purgant hæc per superiora & inferiora bilem ftauat & pituitam: alij duo folia ex olio & aceto parata deuorant. Dioscorides Lathyrum vocat forte ob similitudinem grant cum Lathyro, quam Cicerulum interpretantur: caulem inquit gerit cubiti altitudine, & digitali crassitudine concavum: gignuntur in cacumine alæ; & folia in catte oblonga, Amygdalinis proxima, latiora, & leuiora, quæ autem in summis ramulis, minora conspicuntur, Aristolochiae; aut Hederæ longioris figura; in cacumine fructum summis surculis gerit, tripartitum, rotundum, ut Cappatis, in quo tria semina membranis inuicem distincta continentur, rotunda, maiora Eruo, sed à corrice mundata candida sunt, & gustu dulcis: radix tenuis, & inutilis: totus frutex lacteo succo turget, ut Tithymalus. Plinius de Lathyri inquit: folia habet multa, Lactuce similia, tenuiora: germina multa;

in quibus semen runculis continetur, vi Capparis, quæ cum inaruere, eximuntur grana Piperis magnitudine, candida, dulcia, purgatu facilita. hæc vicina in aqua pura, aut multa pota Hydropicos sanant, trahunt & dilemunt. Aestuarius pituitam purgate testatur, si grana eius majora quindecim, minoria autem viginti sumantur. Dioscorides igitur eundem inquirit, grana sex, aut septem exhiberi, significat roudem fructus, quibus tigulis terrena semina continentur. Quædam admodum pulchra in asperis nascentur, non excedens altitudinem digitorum quatuor: exeris proportione exilioribus.

Helioscopivs passim in ruderibus nascitur, & circa vlas: caulis ab eadem radice tribus, aut quatuor, dodrantali altitudine, crassis, & lœvibus, vi Portulacæ, subrotentibus, in quibus folia brevia, & subrotunda: coma in cacuminibus herbae amplexa gerit, quæ hymene cum sole circumagit, procedente tempore dilatatur coma in ramos, & caules solis denudantur: semina fere exigua. Quædam in montibus umbrosis nascitur: maiore folio, oblongiore, ac nigriore, quam quidam Eiulam rotundam vocant. Dioscorides describit folius Portulacæ, tenuioribus, rotundioribusque: ramulis à radice quatuor, aut quinque, rubentibus, dodrantalibus, levibus, copiose latete, capite Anethi, & fructu veluti in capitulo: humis ex maxima cum sole circumagit, unde nomen Helioscopij: nascitur circa oppida, possum in ruderibus. Plinius eadem fere scribit: semen album est, columbis gratissimum, quod colligitur in incipiente eva-

C A P. X V .

PEPULVS estate prouenit sponte in vineis horisque Helioscopio similis, breuior, ramosior, tenuioribus tum caulebus tum foliis: Dioscorides describit fructem laetè succum plenum: foliis patuis, vi Rutæ, latioribus: vniuersa autem coma dodrantem æquat, rotunda, sua iuxta tertam: semine sub foliis partu, rotundo, minore, quasi candidi Papaveris, herba ad multa utilis: vñica radice intili: a quo rotu fructu exoritur: prouenit locis cultis, & inter vites. Punius eadem sibi habet.

C A P. X V I .

PEPLIVM herba in maritimis nascitur, locis sabulosis, statim à radice in ramos fissa: nullo caule comam sustinente, vñice exeret, sed tota veluti coma est, humi strata, in orbem amplissimum aliquando

quando cubitalem : foliolis rotundis, vnguis latitudine, sub quibus singulis fructus latent exigui : tota rubet inferius, qua terra incombit. Diocoridis Pepitis vocatur, aliqui syvestrem Portulacam. Hippocrates autem Peplion, in maritimis potissimum nascitur : frutex amplius, laetudo iucco plenus : folia habens similia Portulace domesticę, sed rotundata ; inferne rubentia : fructus sub foliis rotundus, ut Pepitis, gulus ferens et radix una, tehuis pimilis.

C A P. X V I I. *Chamaesyce* in vineis saxosis potissimum nascitur, in totum

Peplio similis, tantum minor; nam rami in terra sparsi vix ad palmam accedunt : foliolis exiguis, ac similiter rotundis, non adeo rubentibus semina quoque exiliora, sub singulis foliolis. Diocorides Chamaesycem inquit appellari, quasi humilem Ficum, aliqui Sycem vocant, forte oblaetis vobartarem, ut Fici : ramos inquit fert in terra stratos, quiatuor digitorum, rotundos, suco plenos : folia effigie Lentis, Peplo similia, parua, terre incumbentia : frustum rotundum sub foliis, ut Pepiti : neque florem : neque caulem fert : radicem tenuem, & inutilem. Inter ceteras facultates, tollit verrucas cuiuscumque generis illita : ostendit in petrosis & squalidis locis. Plinius eadem fere habet.

C A P. XX V I I.

EVPHORBIVM, succus est aridus inter externas merces, in partibus micas friabilis, tritu facilis, sed terentium nares irritat, & iterum nutamenta concitat, color subalbidus, veritate rufior sit, admixta habet semina triquetra, parua, nostris Tithymalis similia, ut hinc colligere licet, eius plantam in hoc genere contineti. Describit eam Leo Aphricanus inter Aphricæ plantas in hunc modum: herba inquit est ex toto aculeata, quæ caput Cardus sylvestris simulatur : inter eius ramos ab radice exirent fructus, cubitales, & ampiores, crassitudine Citruli virides, granulosis quibusdam tuberculis distincti, ut Citrulus, velutinae caudices viginti, & triginta ex eodem cespite. Rustici hos gladiis pun-
guunt, cum ad maturitatem peruerentur : effluit autem humor lacti similiis, qui paulo mox densatur, & tandem siccatur, utribus collectus, ex hac descriptione colligere licet, quos auctor fructus appellat, non esse seminulum conceptacula; non enim ex ramis exirent, qui feminis gratia diffunduntur, sed potius esse noveulos stolones luci plenos, priusquam in comam fridantur, ut in ceteris Tithymalis visitur, & sine foliis, ut in quodam genere vidimus, quod ex Sicilia habuimus, hoc multus ramis constat, re-

Etis, virentibus, crassis, tenerrima fragilitate præditis, nullis foliis, aut paucis, ut Spartho, copioso lacte, quasi genus quoddam Euphorbij videatur; sed nequaquam spinosum est. Dioscorides Euphorbij plantam arboream esse tradit, & Ferulaceam in Africâ: ea succo madet acerimo, qui nō sine metu colligitur è longinquo cotis vulnerato caudice; statim enim tamquam è vase copiosus lactis humor effluit: in ventriculos ad id paratos, in terram quoque spargitur. liquoris autem duo genera: unum translucidum, ut Sarcocolla, Orobis magnitudine: alterum in ventriculis concretum, vitri specie: adulteratur Sarcocolla, & glutine admixto: Eligendum translucidum, & vehemens; quamquam difficile sit degustare; nam vel laui tactu lingue accendit os, ut diutius feruor sentiatur, & ad morta omnia Euphorbium videantur. Plinius Euphorbiam herbam vocat, cuius volumen extat lube, & præclarum Encomium. Inuenit eam in monte Atlante: spectatur foliis Acanthinis, cetera ut Dioscorides tradit. Mesues folia inquit in primis eleuantur sicut lanugines, deinde decidunt, & nascuntur folia similia Folio marino. eius gummi excedit omnia genera in calfaciendo & attenuando: solutione educit pueritiam viscosam, & crassam ex profundo: confert nervis. Galenus ceraso excipit efficacissimum remedium ad neuorum punctura, conuulsione, & ad extrahendum ex alto humores, eius loco assumit aliquando lac Tithymali, id est Characie.

CAP. IX. IX.

CV Tithymalis contenere videntur Ricinus, & Heliotropium, nam fructus ferunt illis similes, sed succo lacteo carent; differunt & folijs, & totius plantæ fortia. Ricinus vulgo Girasole, crescit inestate; specie arborea; caule crasso, geniculato, & concavo, ternum, cubitorum altitudine: foliis Platani, amplioribus, majoribusque, veluti ex palma manus digitis exeuntibus: racemos erectos fert in aliis, valiosi, florentes tantum, altos fructificantes sine flore: flos capillaceus, subruber: bens: fructus amplitudinem Nucis Auelianæ, hirsutus, qui dissiliens, proicit semina, quæ ut plurimum terrena sunt, raro quaterna, lœvia, colore vario, magnitudine Fæsolis, unde quidam Fæsolum Romanum vocant, medulla valde pingui, acri, nauseosa, cui facultas inest purgandi, sed cum multo ventriculi labore: abstergit optime lentigines, & reliquæ scartis vitia: aduentante frigore perit. Dioscorides Cici & Croton vocat, ob similitudinem Ricini animalis arbor prouenit parvæ Ficis altitudine: folio Platani maiore, leuiore, & nigriore: ramis, caudicibusque caulis, ut Harundo, fructu in asperis racemos, qui disquamatus Ricinum animal representat, ex quo oleum Cicum exprimitur, cibis fa-

dum, lucernis utile : grana triginta purgata & pota, pituitam, bilem, & aquam trahunt. Plinius inquit; Cicci atbor in Aegypto copiosa, & in Hispania repente prouenit, altitudine Oleæ : caule Ferulaceo : folio Vitium : semine vsatum, gracilium, pallidarumque : nostri eam vocant Ricinum à similitudine semenis. Serapio Cheruam appellat, unde oleum de Cherua. Melius Granum regium ; cuius duo genera inquit esse : maius, & minus ; maius Cheruam vocari, cuius grana quinque usque ad septem propinantr ad purgandum ; minoris autem modus à granis septem usque ad quindecim : vomitum prouocant, & solutionem laboriosam : educunt pituitam vehementer, & aliquando fluviam bilem ex articulis, & aquam citrinam praecipue cocta & contrita in iure Galli antiqui, aut sero lactis. recentiores minus in hoc genere intelligunt Cataputiam, idest Lathyrum. ipse autem Heliotropium interpres apud Dioscoridem, sicut si datur, sed et illa de ceteris non possit.

HELO TROP IV M , parvus quidam Ricinus videtur esse; nam
plantaestate prouenit, non altior tubito: ramis in latera tenu-
dientibus, subasperis: folia feruntur dissecta; sed modice an-
gulosa, initio nigricantia, dein subcinerea, subhirsuta, latitudine trium
digitorum, longo pediculo pendentia: In aliis racemulos paruos, flo-
sculis pallidis, sine fructu: fructus sine flore pendulos, Ricino mino-
res, in quibus semina rugosa continentur; quæ similiter vasculo dissim-
iliente proiiciuntur: peregrina apud nos, ut superior. Hoc Mesues
Gramum regium minus vocavit, de quo in superiori capite: Diocorisi
des Heliotropium minus appellat, quod breviter describit his verbis:
nascitur in palustribus, & iuxta lacus: foliis alterius Heliotropij, rotu-
dioribus: fructum fert rotundum, pensilem, ut verruca Acrocordon:
Herba & semen ex aqua pota cum nitro & Hissoptineas latae & rotun-
das efficiunt: extrahit verrucas cum sale impositum. Plinius Tricot-
icum appellari tradit: circumagit se cum sole etiam nubilo die, tantus
sideris amor est, noctu velut desiderio contrahit cæruleum florem:
vbique nascitur, & alio nomine Scorpiron vocatur: foliis non solum
minoribus, sed etiam in terram vergentibus; semen ei est effigie Scot-
pionis caude, quare ei nomen. sed hæc descriptio multa habet assum-
pta, partim ex maiore Heliotropio, partim ex Scorpioide, ut patet
locis propriis. huic maxime conuenit nomen Tricoccum; nam fructus
triquetros fert.

C A P O X I - *Ministero delle Poste e delle Comunicazioni*

FABÆ inuersa à recentioribus appellatur, quædam in hortis sat. opere topario: viticulas fert multas, quæ caulinis admixtæ la complectentes, reputat altitudinem bicubitalem, & amplius: solis multipartitis, scitam Clementis, quæ Verbalba vocatur, magis in ambitu sectæ: flosculos fert albicanter parvus rati multis, è quibus structus pendens in Autumno similes Vesicariae, vnde quidam inter Vesicarias recenserunt intrâ Vesicam triquaternam terrâ seminâ continetur, septem bus membranis, Piperis magnitudine, nigra, sed in sede leminis, qua cor est, candida inest macula, cordis figura, saporis natus est. Mattheus syriacus Fabam inuersam hoc modo describit: Romanj inquit: eam fabariam vocant, & est herba, cuius folia sunt stictæ atque crenatae, cubitalis, aut bicubitalis ad summum; semen eius viride, tendens ad nigredinem, magnitudine Fabæ communis, habens quasi effigiem in medio, sicut Faseolus: illinitur viceribus malignis, nam abstergit sine morbo carnem putridam absymit, & intra tres dies, vicus renouans sine dolore.

G A R. X X I I are entitled to receive the same.

ON VOLVLE, dicuntur vulgo, quorum caules vicinis fructibus & ad miniculis circumvolvunt ascenditatem succo lacteo cons-

stantes : valvula ferunt rotunda, membranacea, ternis, & pluri-
mum loculis distincta, aliquando binis, raro quaternis : in singulis locu-
lis bina semina continentur : aegulosa, inferius sedentia : flos omnibus
concauus : calycis estigie : folia Hederacea : constant vi purgandi : inter-
hos principem locum tenet Scamonia : haec tenues viticulas fert, bicus-
bitales : folis triangulis, estigie sagittata, vel parvis : flores ex candido pale-
lecentes : fructus velutini pinguis, pendentes, obductos, in quibus semina nigri-
cantia : radicem grandem Rhaphano similem, succosam. Huiusmodi
apud nos nuper provenit ex semine, quod ex Syria allatum est. Dioscori-
des paulo diversam describit xramis ab una radice tricubitalibus, mul-
tis, pinguis, subcrassis : foliis Elixinæ aut Hederae, molioribus, hirsutis,
triangulariis : flore candido, rotundo, in calathi modù cano, graueolente :
radice longa, crassiudine brachiali, candida, graueolente, succo gra-
uidæ : unde succus excipitur : quod Scamoniæ, vocatur : optimum
ex Myria Asia regione, laus, nindum, ratum, colore Taurini glutinis,
fungosum, tenuibus fistulis : ex Syria autem & Iudea, deterrimum, gras-
ue, denum, vitiari solitum farina Erui, & Tithimati succo : purgat per
infusam, bilem & pituitam drachmæ pondere, aut quaruor obolo um

ex aqua pura, aut molsa. Mesues Scamoneam vocat, magnum solutivum, & super omnia purgantia generalissimum apud Democritum; esse autem suceum cuiusdam Convolvuli; folia sagittata late ferentia: colligi autem optimum, incisa radice gummi modo in cibis, aut adem in taleolas, dissecata, unde distillat subalbida; deterior ratio modo contusa & expresa radice, nigra & grauis; ultimo expressis foliis nigra, subunita, granis odoris, pessima. Eius dosim statutam pondere grano uero quinque ad duodecim, corrigit vehementer in coctain. Malo Cotoneo, aut succo, quod Diagridium vocant ex quibus manifestum est Scamoni glebas ingentes, quas hodie vendunt nigras & graues, aut adulteratas esse, aut succum expremum ex tota planta. (C. A. P. vii X. II. I. 1.)

ALTERVM genus pro Scamonia ostenditur multo malus; nam scandit supra tricubitale altitudinem, crassioribus palmaribus, hirsutisque subhirsutus quoque foliis Hederae modo, angulis, lationibusque: Calyces coloris cerasi elegans simi, vasculo grandiori, seminibus nigris, teritiis hinc in horis, operetopario: peregrina: sed hyeme emortitur, non ut superior radice vivit. Forse Mesues Volubilem laevigatam vocavit foliis subalbidis, latè succo manans, cuius est vis venenosa; nam solutione largiori educta abradendo: Quoddam genus Scamoni allatum est, vitium is multis albianibus foliis quoque subalbidis figura sagittata oblongis in lunæ lobata dicitur, patuit, in racemulis, Apocynoimilis. (C. A. P. vii X. II. I. 1.)

CONVOLVULIS minor passim in artis, & iuxta vias ostium radice tenui, & longa; iuncea; ramulis tenuis, semicubitalibus: foliis oblongis, in angulum obtusorem desinentibus: Hyeme assumentibus hæc intet olera ex oleo & aceto; estate floret, calyces ferens albos, aut subrebentes: suetum tenuem. Plinius inter Clematides tecenit; Scamoniā tenuem vocans: ramis similibus Scamoniæ, pedalibus, foliosis: folia nigriora, minoraque, in vineis & ratis & stui ut olis: saluum citi. Dioscorides Helxinem cognomento Cissampelon vocat; foliis Hederae; minoribus: ramis exilibus, quod cumque tenet, amplectebibus: nascitur in sapibus, vineis, & tegelibus. foliorum succus potus album telunt. (C. A. P. vii X. II. I. 1.)

C A P. X X V.

C A P. X X

CONVOLVULUS. maior in sepiibus nascitur; harum indinetis, & vmbrosis, suprabicubitali altitudinem: foliis quoque maiori bus altero Convolvulo; calycibus candidis, amplis. Plinius de-
scriptio hac inquit: est flos Lilio non dissimilis in herba, quam Convol-
vulum vocant, nascens per fruteta, nullo ollore, nec crocis intus, cando-
gem tantum refertens, ac veluti rudimentum naturae, Lilia facere condi-
scunt, qui putant apud Diocondem Smilacem luem esse; nam
descriptio in cetetis valde congruit, sed non ad eam altitudinem adole-
scit, ut inestate ad umbras queratur, neque tantum folia in autumno de-
cidunt, sed & caules & tota planta perit; Ad hanc magis visum est Smila-
cem luem nostro Gelsimino conuenire.

CA
P*PA***X** EX*M*UL*I*US signif. honest
et iustus, rectus.

SOLDANELLA vulgo appellatur in maritumis nascens, harenosissimis, humi repens: cubitalibus ramis et assis & rubentibus: foliis subrotundis, Aristolochiae modo, crassis, & subcandidis: non sine succo lacteo: calyces sunt subrubentes, magnitudine Convolvuli majoris, & fructus similes, laudatur ad Hydroponem, nam trahit aquas. Diocorides Brassicam marinam vocat, a sativa prouersus abhorrente: foliis rotundis, longe Aristolochiae similibus (sic enim aptius legendum puto, non ut vulgari codices legunt triaspositis dictionibus, foliis longis rotundis Aristolochiae) enascuntur singula folia a subrubentibus ramulis ex singulis pediculis, ut in Hedera: luccis infestibus, sed paucus, talis gustu, aliquantum amaro, & consistentia quadam pingui. Herba in totum stomacho inimica, acris, vehementissime aluum viret in cibo cocta: coquitur autem propter acrimoniam cum pingui carne.

C A P. X X V I I.

ALIAE sunt ab hoc genere non abhorrentes, sed per se stant, & succo lacteo aut carent, aut modicum id habent; ut *Dorichnium*, *nium*, & alia eius congener. *Dorichnium* ex Sicilia habetur: herba fruticosa: multis ab eadem radice caulinibus, simplicibus, altitudinis dimidiis cubiti, numerosis, foliis circundantibus Olea figura, paulo angustioribus, molli lanugine, co'ote argenteo; unde Argentinam vulgo vocant in summis virgis coma est praedensa; in qua flores candidi, calathi effigie & fructus Convolvuli minoris. Altera apud nos oritur in

卷之三

asperis collibus & maritimis, brevioribus ramulis humi sparsis rarioti-
bus: foliis nigrioribus, breutoribusq; floribus purpurascéribus, in plus
rare ramulis distributis. **Dioscorides.** Dorycnium tradit Olæa nupera
nascendi similem, in petris non procul à mari: ramis cubito breviori-
bus: foliis colore Olæa, minoribus, & angustiòtibus (sive tigæ legen-
dum puto non sive tigæ id est firmiora) & valde scabris: flos inest can-
didus, cæcum inibus, botticuli Ciceris, densi; granis intus quinis aut se-
nis magnitudine parui Orobii, levibus, robustis, vesiculotibus: radix
digiti crassitudine, longitudine autem cubiti. Inter venena soporifera.
Plinius. inter genera Strychni inquit: hoc est venenum, quod innocen-
tissimi auctores simpliciter Dorycnium appellantare, ab eo quod cupi-
des in præliis tingerentur illo passim nascente, sed videtur pro Solano
Manico accipere, ut diximus in Solanis. **Hermolaus** inquit Dorycnio
guktur lactis est, & contracto emanat. **C. A. P. N. X. X. V. I. I. I.** **Plinius** inquit
A R I V N C V L V S vulgo appellatur sylvestre olus, cuius radix par-
R uor Napo similis est, candida, fragilis, sapore dulci; estut cruda
cum suis foliis inter acetaria: folia fert subalpina, ab radice Hel-
xine latiora; in caule autem angusta & oblonga: caulem rectum, ultra
cubiti altitudinem: flores cœcia summis virgas inter folia fert, calathi
effigie, postremis in angulos excentibus, colore Violæ purpureæ summis
fueribus insidentes & fructus asperos tricostatos, resinos in summo: se-
minibus intus numerosis, ac minutissimis: emanat succus lacteus, ac
dulcis discepto folio, aut caule: amara loca à fontibus irrigata. Alterum
genus grandius in locis asperis nascitur, & inter saxa, hirsutius:
pluribus ab eadem radice caulibus, ramosis: foliis longioribus: flores
amplos fert, figura campanæ, extrémis simili modo angulosis: hi nunc
purpurei extant, nunc subalbidi aut lactei: fructus asperos, ac tubercu-
losos gerit in plures partes dissectos, ac veluti laceratos. **Dioscorides** ge-
nus hoc grande Medior. vocat; de quo inquit: nascitur in saxis opacis,
folia ferens Setidi id est Intubo similia (sic enim Oribasius legit, non Iri-
di, vt vulgati codices habent) caulem tricubitalem; & in eo florem gran-
dem, purpureum rotundum: fructum Cnico similem, paruum; radi-
cem dodrantalem, baculi crassitudine, gustu acerbo, que cum in aruerit,
trita cum inesse sicut menstrua: semen contra in vino menses ducit. **Plinius** de Medio inquit: folia habet Iridis satiue, canalem tripedalem, & in
eo florem grandem, & cætera vt **Dioscorides**. in hoc genere videtur esse
apud eundem Plinium lasione; seu Lassine, vt quondam legebatur teste
Hermolao, cum de ea inquit olus sylvestre habetur in terra repens cum

lacte multo : florem fert candidum : Concilium vocant : cuius commendatio ad stimulandos coitus, cruda ex acetio in cibos sumpta: mulieribus lactis vertatem praestat : salutaris est phthisis sentientibus. Infan-
tium capiti illita nutrit capillum, tenacioremque eius cutem efficit. Alia
vero est Iasione apud Theophrastum : de qua idem Plinius alibi, quam
nos Aquilegiam putamus : non abhorrebit autem noster Rapunculus
ab altera Iasione, quamvis non repant caules, nec flos candidus insit.

C A P. X X I X.

ARCHANGELICA vulgo appellatur à quibusdam Campanula in saxonis & riguis nata : radicibus Rapunculi, sed pluribus,
ramosisque : foliis ab radice rotundioribus, latioribusque, ut
Violæ purpureæ, magis serratis, succo lacteo emanantibus : caules fere
plures, cubito breviores, in quibus folia Vrticæ similia : flores Rapun-
culo grandiores, sed minorès, quam Medij simili modo sectos, colore
purpureo : fructus asperos. Mattheus Syluaticus Arcam Angelicam
vocat, & Vrticam mortuam ; cum tamen aliae sint Vrticæ mortuæ, ut La-
mum & Galeopsis. astringente facultate pollet : eius decocto oris ulce-
ra sanantur, faucium ac ceruicis tumores reprimuntur.

C A P. X X X.

PHYSIUMA, brevius est Rapunculo : foliis longioribus : flore
grandi, latiore, ac breuiore quam Medij : fructu inæquali, lace-
rato instar Medij : oritur in montibus. Dioscorides breuissime
describit : foliis Struthij, minoribus ; fructu copioso, ac perforato : ra-
dice parua, tenui, in summa tellure : laudatur tantum ad amatoria. Plinius
meminit tantum; at non describit. Quædam dodrantalis in mon-
tibus foliis Rapunculo tenuioribus : unico flore in summis caulinis.
Dux flosculos ferunt veluti in spica dispositos dense, quarum una foliis
Rapunculi constat : Altera Archangelicæ minoribus.

C A P. X X X I.

ERINOS in ædificiis nascitur riguis, palmi altitudine, ramosa :
foliolis brevibus, angulis, vnguis latitudine : flosculos in aliis
fert, figura Rapunculi, exiles, subcandidos, aut purpurascentes :
vasculum paruum figura Rapunculi, in quo semen minutissimum, la-
ete mader, dulti, ut cætera prædicta. Diescorides inquit secus amnes
fontesque nascitur, Ocyti similitudine, sed foliis minoribus, & super-

ne diuisis, palmo alta est : caulinis quinis, senisque : flos candidus : fructus niger, parvus, acerbus : & caulis, & folia lacte madent. Plinius Erineon vocat, que lacte madet multo, ac dulci, & cetera ut Dioscorides : At Erineos apud Theophrastum caprificum significat.

C. A. P. X X X I I.

LATINA in segetibus nascitur : canerecto, dodrantali : multis ramulis : foliis subrotundis, sine pediculo herentibus, hispatis, subcandidis : flores summis ramulis insunt, in purpura subuententes, qui in sole aperiuntur, scissi fere ex toto, noctu autem cinguntur, coheuntibus foliis, figura clavæ ferreæ, qua æquites vntuntur in bello: fructus velutifilique fert exiles, longitudine medijs digiti, triquetras, florem summo sustinentes ; semina intus parva, splendentia, colore flavo. Dioscorides inquit ; folia habet Helxines, pusilla, rotunda, pilosa : ramulis tenuibus, dodrantibus, quinis, senisque, ab radice statim foliosis, astringenti gustu : nascitur in segetibus, & vbique solo cultu : oculorum fluxionibus & inflammationibus auxiliatur : foliis cum polenta impositis, cocta in sorbitione dissentieram sicut. Plinius eadem fere habet ad verbum. cognominatum puto ab Elate, que Abies est ; quoniam erecta ramos ab imo fert usque ad summum. Abietis modo : coauenit autem cum supradictis, sed lacte caret.

C. A. P. X X X I I.

SESAMA semen est pingue, quod assertur ex Alexandria, simile semi Lini, tenuius, colore flavescente, gustui gratum, sapore pingui, Giugiolenam in officinis appellant : conficiunt ex eo placetas cum melle, quas cubatas vocant : satum hoc semen plantam proculit cubitalem : caule crasso : foliis in rotunditate oblongis, subasperis : siliques triquetras, Elatine grandiores, candidum florem sustinentes. Theophrastus numerat inter fruges æstiuas : nam quadraginta dies satu consumatur, discerni à leguminibus : sua proprietate cerniturs nam semina gerit in siliqua magnopere circumsepta, modo peculiari quam cetera legmina : caulis ferulaceus, multiplici, & crassiore calamo constans, & numerosiore radice quam Milium ; unde magis terram extenuat : stirps simplex, & alta, pinguiscula : radice singulari cohæret : vitidem nullum animal mandit ; quia amara : flos foliis constat, siccatra gravior, & fructus suavis, candidus dulcedine prestat ; nam genus quoddam candidum, hæc Theophrastus. Plinius folia tribuit sanguinea : caulem ferulaceum : semen in vasculis, ab Indis venire ait, ex ea &

oleum confici, colorem eius candidum esse. Diſcorides tamquam noctam non describit: ſemen eius inter fruges numerat, ex quo Aegyptij oleum exprimuntur.

C A P. XXXIII.

SE SAMOIDES similitudinem cum Sesama in fructu gerit, qui tristis quetus est, sed brevior, ac in extremo apertus, specie quadam loculi, quo nummi conduntur: ſemina in eorum tunda, & ſubſigra. Eius tria genera; vnum cubitalibus ramis, ab eadem radice pluribus, altioribusque, & incuruis: foliis Erucq, longioribus, candicantibus: florulos circa ſummam virgas fert, ſubcandidos, & ferme lanugineos: gaudeat maceris & parietinis: viuit diutius, regerminans ab eadem radice: peregrina apud nos: Alterum yno caule conſtat: foliis virentiſtibus: floſculis palleſcentibus: oritur apud nos in harenosis annua: Tertium genus breue, dodrantis altitudine: foliis breuibus, in quibus paucæ appendices, ſæpe nullæ; flores paucos fert, candicantes; ſiliquas cæteris, crassiores, rariotefſque: ſemina fulua: oritur in glareofis & aridis. Diſcorides duo genera tradit maius & minus: de maiori Sesamoide inquit, in Anticyra Elleborum vocari; quoniam in purgationibus Elleboro albo misceatur, ſimile Senecioni, aut Rutæ: foliis longis: ſtore albo: radice gracili, inutili: ſemen ſimile Sesamæ, amarum: De minori autem, inquit: caulinis fert dodrantales, in quibus folia Coronopo ſimilia, hirsutiora tamen, & minora: in cacuminibus capitula floribus purpureoſcentibus, in medio albiss: in quibus ſemina Sesamæ, amatum, fuluum: radix tenuis: oritur in asperis. Theophrastus non videtur diſtinxiſſe ab Elleborō, cum de eo inquit. In Anticyra fructu eius purgantur, quem Sesameum fert. Plinius inquit Sesamoides à similitudine nomen accepit: grano amaro: folio minore: nascitur in glareofis, ex quibus inuit genus paruum, cum poſtea ſubiungit: eſt etiā vnum aliud. Sesamoidis Anticyra naſcens, quod ideo aliqui Anticyricon vocant, cetera ſimile Erigeronti herbae: granum Sesamæ, datur in vino dulci ad detractiones quantum tribus digitis capitut: inſentque Ellebori albi vnum & dimidium obolum; purgationem eam adhibentes maximæ in lazi, melancholiz comitalibus, podagrīs; & per ſe drachmæ pondere exinaniant, haec de maiori intelliguntur.

C A P. XXXV.

GVADARELLA vulgo appellatur ab infectoribus lanaru herba, qua ad tinctorias luteas vtruntur: aſſurgit in altitudinem bicubitalem: caulis rectus, ac lignosus: ramis quoque rectis: foliis furgata

gura Salicis, angustioribus, colore pallescente: fructum fert copiosum circa summas virgas, sine flore, simile Sesamoidi, sed longe breviores, & magis patulum, asperumque: semine intus nigro, simili Blito, oleoso. Diöscorides, ut puto, Myagron vocat, & Melampyron; inquit enim: Myagros herba est surculosa, bicubitalis: foliis Rubiæ, pallidis: semen Spondylo simile, oleosum: quo tosto ac tuso virgulas illinunt ad lucernarum lumina: eiusdem pinguedine corporis asperitates hereant: placet autem verbum τραχύλος, Spondylum vertere, magis quam collum, ut Hermolaus vertit: fructus enim & asperitate & figura vertebram cervicis presefert, cui neque deest cauitas, locus spinalis medullæ. Alij distinctionem græcam immutarunt pro τραχύλῳ legentes τίλαι, idest Fenō græco, sed nulla anthoritate. Plinius inquit: Myagros herba Ferulacea est foliis similis Rubiæ, tripedanea: semen oleosum, quod & sit ex eo. Apud Theophrastum Myagros non reperitur, sed Melampyron, quo nomine semen intelligitur inter vitia Tritici, ut Galenus quoque accipit, de quo inter fruges dictum est; ob seminis autem nigritudinem Myagros Melampyon appellata est.

C A P. X X X V I.

ASARVM, vulgo autem Bacchara, suffrutex est in sylvis, & operosis montium; radicibus summa tellure serpentibus, veluti Graminis, valde odoratis; aquibus folia excent longo pediculo, rotunda, lauia, ac dura, ut Hedera: flosculi inter folia breui caulinculo, figura Balaustij, labris purpureis, qui intumescentes rotundi euadunt; semina continentis vinaceis similia. Diöscorides Asaron Nardum sylvestre appellari scribit: folia fert Hedera, longe minora, ac rotundiora, inter quæ flores ab radice purpurei, beneclentes, figura cytini Hyoscyami; in quo semen simile Vinaceo: radices subsunt multæ, geniculatæ, tenues, in latus tendentes, similes Gramini, sed multo tenuiores, & odoratos, calfacentes, & valde mordentes gustum. In quibusdam codicibus multa addita sunt ex capite de Bacchari aslumpta; nam & hæc Bacchar appellata est apud antiquos. Plinius de Asaro scribit; Nardi vim habere, Nardumque sylvestre appellatum à quibusdam: foliis Hederæ, rotundioribus, mollioribusque: flore purpureo; radice Gallici Nardi: semen acinosum, saporis calidi, ac vinosi: in montibus, & umbrosis nasci: bis anno florere; effodi oportere, cum folia mittere incipit, & in sole siccari; nam celeriter situm trahit, ac senescit. Corrigendum præterea eorum errorem, qui Bacchar Nardum rusticum appellauere; est enim alia herba; Asarum vocari, quoniam in coronas non addatur; Mesues recenset inter medicamenta purgantia; nam trahit per

per superiora, & inferiora flauam billem, & pīvītam, sed hanc magis pronocat vīnas: obstrūctiōes aufert cūm effigia; ideo confert ienofis, Istericis, Hydropicis, p̄fserit vīnum radicibus in musto infusis. Ad purgationes rectius infunditur in sero lactis pondere drachmarum quatuor, aut pulvis exhibetur pondere drachmæ vnius usque ad tres. Dioscorides exhiberi trādit usque ad drachmas sex in mūlo: hodie frequens est foliorum usus in lixiuio ad capitis lotiones in dolore capitis, & ceteris vīnis, quæ exsiccationem, & calefactionem postūant, sed hęc facultas a Dioscoride non Asaro, sed Bacchari tribuitur, de quo suo loco dicemus.

C A P. X X X V I I.

EX hoc genere videtur esse Cardamomum: venduntur autem hoc nomine tria genera seminum in siliquis cutaneis inclusa cāndicantibus, quibus floris vestigium in summo est, intus saepta continentur semina, & ob id angulosa, triplici septo tenui membranā diuidente. unum ex his simpliciter Cardamomum vocatur: siliqua breui, triangula, magnitudine grani Ciceris: seminib⁹ ex ruffo canticibus, subasperis, gustu acri, mordente, odore suani. Alterum Grana Paradisi vocatur: siliqua longiori: seminibus leqib⁹, ex nigro rufescētib⁹, similitudine Melicæ; ideo quidam Meleghettam vocant, sapore aciore, sed in uisu suani. Tertium Nigellam citrinam appellant: crassioribus siliquis: seminibus luteis, figura Nigellæ, gustu suauiori, ac minus mordaci quam supradicta. eius plāta in Melanthio explicatur: sed re liquotū duorum plantas, nec videre licuit, nec descriptas quoquā audire. Tantum audio seri legū minū more in India Orientali: attollit ad summū cubiti altitudine, dependere siliqualas granula cōtinentes interdū usque ad viginti: exili radice nisi, in vītu esse apud Indos ad pituitā per os purgandam nā eius gratia mandicur. Plinius fruticē esse scribit Amomō simile, semine oblōgo, quoq̄ metitur in Arabia eodē modo, quo Amomū. Genera eius quatuor: Viridissimum & pingue, acutis angulis, cōtumax fricanti, quod maxime laudatur. Hoc exultimo Nigellam citrinam esse; nam eius caput in angulos acutos desinit; seruen continet pinguis, ac mollius quam cetera, cōtumax autem fricanti, & viridissimum dicitur, ob vasculi & totius fruticis naturam; nam totus frutex manipulatim colligebatur ut Amomum. Dioscorides quoque hoc genus ceteris p̄fserit; inquit enim eligendum esse id, quod contumax est frangenti, plenū, occlusumque; nam alioqui exoleūtū est, & quod olfactum feriat, gustu acre, ac subamarum: Ferri optimum ex Comagene & Armenia, ac Bosphoro. Galenus Nasturtio comparat inquiens: facultatem habere ad-

modum calidam, non tamen usque adeo ut Nasturtium, sed quanto suauius, magisque fragans est Nasturtio, tanto imbecilliorem eius esse calidam facultatem. vt autem ex nomine coniectari licet, Cardamomum dicitur, quasi Nasturtium suave. Refert autem Nigella citrina ipsum Nasturtium; non solum frutice; sed & semine. Ipse cum aliquando degustassem vasculi ramenta cum semine admixta; reperi aliquam odoris suauitatem similem semini, sed saporem magis amarum. de cæteris autem generibus inquit Plinius: proximum ei ex Russo candicans: tertium breuius, ac nigrus. peius tamen varium; & facile tritu, odorisque parui: Quod verius, Costo vicinus esse debet, hoc & apud Medos nascitur: Dioscorides quoque alia genera Cardamomi esse indicavit, cum inquit: gigni etiam in India, & Arabia, cuiusmodi sunt duo genera à nobis indicata, scilicet quod vulgo Cardamomum vocatur, & Grana Paradisi. Arabes haec nominibus distinxerunt; Nam primum illud genus merito à reliquis duobus seiuungunt, Cordumenum vocantes, & quidam eorum interpretes Carui agrestis, quoniam & Melanthium, cui Nigella citrina congenere est Carui appellant, licei perperam, distat autem facie multum à reliquis duobus. Reliqua duo tamquam à Dioscoride non pertactata ipsi ex propria autoritate, describunt. Auicenna quidem statim post Cordumenum. Serapio autem multis aliis interiectis, appellantq; eorum lingua Sacolla, quod interpretes recte Cardamomum vertunt; seuatum enim est in hunc diem quasi per manus antiquum nomen. Dividunt autem, unum maius, alterum minus vocantes: maius quidem, vt inquit Serapio, habet cortices, & capita sicut Rosa; que sunt grana fere magnitudine fructus Loti, & intra continentur semina parua, angulosa, odorata, pinguia, puluerulenta. hoc genus odorarius est, & iucundius minore, minus acre, magis astringens: eius cortices & capita magis astringunt quam semen: Auicenna huic tribuit magnitudinem Ciceris nigri, quod cum frangitur, interius habet granum album, mordicans linguam, sicut Cubebe, in quo est Aromatis odor; hæc quidem conuentient vulgari Cardamomo, intra cuius corticem videtur unicum granum contineri, farctis adeo & inuicem cohærentibus seminibus, vt unicū yideatur, quod & Dioscorides videtur laudare; nullum enim aliud adeo farctum est, occlusumque; ideo metito hoc solum hucusque appellationem, antiquam retinuit. De minori Cardamomo inquit Serapio: non habere capita neque corticem, sed grana habentia corticem, cuius color est sicut Cardamomi maioris, & substantia eius est tenuior, quam substantia maioris; hæc verba ostendunt huius generis sola semina efferti solita sine vasculis, qui usus hodie in omnibus generibus observatur; effertur enim sola semina à vasculi putaminibus purgata. Auicenna semina minoris Cardamomi, magnitudine Lentis, prædicat,

odorata quoque. **V**trinque genus calidum & siccum esse in tertio ordine, rectius quam Serapio, qui in primo gradu calida constituit. Videlur autem minus Cardamomum intelligi, id quod Grana Paradisi vocatur; acris enim est, ac minus odoratum, minusque astringit; sed his seminibus atque oliis multis contingit, ut propter Momos reprehensores, quanquam Amoma, & multis aëvis comprobata à plerisque hodie reprobentur.

C A P . X X X I V .

CYCLAMINVS, vulgo Pamporcinus, in umbrosis nascitur montanis: radice orbiculata, ac parum depresso, instar panis, nigra exterius, intus candida, sapore acri, & amaro: germinat in autumno ex quodam apice, flores prius attollens quam folia: flores in summis caulinis inclinati, reflexis sursum eorum foliolis, colore roseo: fructus orbiculati, qui cum defloruerint, paulatim intta terram conduntur: caulinis in spiras contractis ad radicem: folia ab eodem apice excent Hederæ similia, minus angulosa, superne candidantibus maculis, inferne subrubentia. quoddam genus in Pisaniis collibus nascitur, copiosum in Monte Sancti Iuliani, quod vere floret inter folia: eius flores odorati sunt: radices parvae, nucis Auellenæ magnitudine, vel ad summum Iuglandis. Diocorides describit: foliis Hederæ, purpureis, variis coloris, inferne, & superne maculis candidis: caule rudo quatuor digitorum longitudine; in quæ flos, specie Rose, purpurascens: radice nigra, Rapo simili, modice lata, quæ ad multa utilis est: affert præterea alterum Cyclaminum scandentem arbores, de qua dictum est in Petriclymeno. Apud Theophrastum Theodorus, nunc Malum terræ vertit, nunc Tuberem terræ: eius radix corticem carni adherentem habet: numeratur inter ea, quorum omnia commoda sunt, tum radix, tum fructus. Plinius de Cyclamino inquit: folia habet minora, quam Hederæ, nigriora & tenuiora sine angulis, in quibus alblicant maculæ: caule exiguæ, & inani: floribus purpureis: radice lata, ut Rapum videri possit cortice nigro: nascitur in umbrosis: à nostris Tuber terræ vocatur: in omnibus serenda domibus: si verum est, ubi sata sit, nihil nocere mala medicamenta: amulatum vocant. Mesues Arthanitam vocat inter medicamenta purgantia: duorum generum; unum magnum, cuius radix est in modum Rapæ rotundæ, exterius nigra, intus candida: paruum vero habet radices subterraneas, plurimas, in modum Aullenæ, & Cicerorum.

VIOLIN

C A P. X X X I X.

VIOLA purpurea, vulgo Mammola passim oritur in sēpibus, denso cespite, multis radicibus, fibrosis, subcandidis : à quibus folia exent, subrotunda, subaspera, ac serrata : flores fert in eunte vere, ac non dum exacta hyeme inter folia, summis caulinulis deorsum nutantibus, constantes ex foliis quinque, binis vtrinque sursum reflexis, uno inferius sinuatim producto, ex quodam vtriculo : color inest purpureus ad ceruleum vergens, aut ad vineum ; odor suavis, sed exilis : fructus rotundus Ciceris magnitudine, qui caulinulo in spiras reflexo conditut iuxta radices. Planta non solum semine propagatur, sed & caulinulis quibusdam, humi serpentibus, qui iterum paulum digressi radicantur, ut cito numerosa sobole impleant solum. Extant flores in genere cæruleo, qui numerosis foliis constant, quique diutius florent, sed tardius incipiunt, coluntur, in hortis ; cultura quoque simplices grandiores evadunt. sunt & candidæ, ut luteæ in montibus, at sine odore, & gracilioribus foliis. Theophrastus simpliciter Violam, & Violam nigrā vocat, recenset inter suffrutices coronarios ; flore odoorato, qui tantum in vsu est coronario : ramulis caret, ab radice tantum foliata, lato folio carnoso : perpétuo viret : floret post flores verhos, & ut aliqui ferunt semper florem promere potest, si modo quodam colatur : flores bini, quod in flore alterum florem insidentem medium gerat : prouenit semine ; quoniam ipsa & radix ligno constat : vita non recisa nec usq; ad annos quinque durant ad vigorem scilicet, differentiam non habet. hęc Theophrastus. Dioscorides de *Viola purpurea* inquit : folio minore, ac tenuiore constat, quam *Hedera nigriore*, nec dissimili : caulinulus ab radice medius prospicit, & in eo flosculus odoris præcipui colore purpureo: In opacis, & macris locis gignitur : facultate refrigerandi. Plinius inter Violatum genera recenset purpureas sponte in apricis & macris locis natas, latiore folio, quam albae, & luteae, statim ab radice carnoso ; soleque græco nomine à ceteris discernuntur appellata *Ia*; ut ab his lantina vestis, idest violacea.

C A P. X L.

VIOLA flammea in sylvestribus, & apricis nascitur : caulinulo quadrangulari, triangulo, & striato : foliis per intervalla angustioribus *Viola*, magisque serratis, aliis tenuibus inter mixtis ; è quorum sinu caulinulus exit florem sustinens figura *Violæ*, sed triplici colore distinctum ; in medio enim veluti flamma radiat flava, ad puniceum vergens, in ambitu albicat supernis partibus : folium insimum violaceum

D D d ceum

ceum est ; ideo aspectu venustus ; at sine odore : scitur semine a matronis , singulis annis emotiens , sed facilissimo prouentu ; nam ubi semel satia fuerit , non opus est iterum serere , si permittatur fermentescere . aliqui hanc Trinitatem vocant a triplici colore : alij Iaceam . decocta in Vino educit prauos humores : confert iis , qui patiuntur erysipelata , inflammaciones , & scabiem : confert & Asthmaticis & cordis afflictioni : ad eisdem usus aquam exhibent per sublimationem extractam praeferunt infantibus . Apud Theophrastum Phlox & Phlogion , idest flamma , & flammæ Viola appellatur . Theodorus vitroque modo vertit ; aliquando flammulam , de qua pauca haec scribit inter flores coronarios : prouenit semine ; nam lignosa & ipsa & radix : sylvestris dumtaxat floret post Violam albam , nonnumquam vere , aut paulo post ut Lilium : diutius floret ; flos tantum inseritur coronis . Plinius inter Violas inquit , post purpuream , flammæ proxime floret , quæ & Phlox vocatur , sylvestris dumtaxat : color tantummodo placet : odor abest : Alibi Iouis flammam vocat inter Violas : ex his patet plantæ , quam descripsi , optimum haec conuenire , tum rationeum appellationis .

C A P . X L I .

HYPERICVM , vulgo autem Perforata , herba est fruticosa , do-
drantali altitudine , aliquando altior , ubi latum volumen nacta
sit , leui : rotundo caule , & subrubente , multis ramulis : folio
pusillo , forma Polygoni , rotundiore , ac minutissimis punctis perfo-
rato : flores in summis ramulis fert , frequentes , ex pluribus foliolis con-
stantes , colore aureo , qui digitis attriti succum sanguineum reddunt :
fructus hirsutus , in acutum desinens , colore fulvo : seminibus intus mi-
nutissimis , nigricantibus , qui digitis attriti pinguedinem reddunt , odo-
re resina : otitur potissimum in vineis . Dioscorides describit surcula-
ceo frutice , dodrantali , flore luteo , qui digitis attritus sanguineum suc-
cum reddit : qua de causa , & Androsemon vocata est : folliculos fert sub
hirsutos , & in rotunditate oblongos , Hordei magnitudine semine intus nigro , odoris resinosi ; unde & Chamæpitys appellata est : nascitur
locis cultis , & asperis . Haec eadem descriptio legitur iterum inter Ru-
tas sylvestres ; quoniam putata est species esse ipsius ; & flos uno loco la-
teus scribitur ; in alio similis Leucoio ; utrumque autem conuenit . Plinius scribit : oleraceum esse fruticem , tenuem , cubitalem , rubentem :
folio Rutæ , odore acri : lemne in siliqua nigro : maturescere cum Hor-
deo . Arrectius Dioscorides Hordeo comparat in figura , non in tempo-
re . preter facultates ab antiquis traditas , recentiores laudant ad vulnera
præfert netuorum , infundentes oleum ex eius floribus paratum , quod
valde

valde rubicundum redditur. sola florū infusione : efficacius si etiam fructus resinacei infundantur ; exprimitur ex iisdem oleum, quod Balsami vires æmulatur ; Mulieres infantium umbilicos inungunt ad dolores, vnde & Umbilicaris à quibusdam appellatur.

C A P. X L I I.

A SCYRON in humectis nascitur fere cubitalis : caule quadrato : in cæteris simile Hyperico : foliis paulo latioribus. Dioscorides inquit, Ascyron quod & Ascyroides vocatur, speciem Hyperici esse, magnitudine distantem majoribus ramis, magisque surculosis, & subrubentibus : flores fert luteos : fructum similem Hyperico, olentem resinam, cuius attritu fere digitii cruentantur ; qua de causa & Androsemum vocauere. Plinius tamquam plantas diuersas Ascyron, & Ascyroidem tradit ; similia inter se & Hyperico ; sed Ascyron maiores habet ramos. Qui Ascyroides vocatur, ferulaceos omnino, rubentes : capitulis paruis, luteis ; semen in cauliculis pusillum, nigrum, resinosum, comæ tritæ velut cruentatæ ; qua de causa quidam hanc, Androsemum vocauere. Fuerit autem Ascyroides, quæ in sylvis nascitur, locis asperis : caulerotundo, simplici, ac recto, cubitali ; paucis, aut nullis in cacumine ramis : foliis Ascyro latioribus, quæ atrita succum præ cæteris valde sanguineum reddunt : flores & fructus Hyperici : reperiuntur, & quædam in montibus, ramosa, foliis hisutis.

C A P. X L I I I.

A NDROSEMUM à recentioribus Chirurgis Matri sylua appellatur, ab eadem radice surculis fruticans lignosis, cubitalibus, & altioribus, qui in cacumine finduntur in duos ramulos ad latera tendentes, veluti brachia folia insunt coniugatum, similia Periclymeno, rotundiora, quædam tenella sunt, digitis expressa succum reddunt rubentem, ad vini potius diluti similitudinem, quam sanguinis : flores in summis ramulis fert in umbella luteos : capitula rotunda, crassiflora Hyperico, lævia, & rubentia, quæ siccata nigrescunt, seminibus intus minutissimis, ac nigris, odore resinaceo : nascitur in sylvis properiis aquarum. Dioscorides Androsemum inquit, ab Hyperico & Ascyro differt : frutex existens surculosus, tenuis, virgis rubentibus, foliis triplo, aut quadruplo latioribus Ruta, quæ trita succum vinorum reddunt, ramos complures fert in cacuminibus expansos, quorum per orbem flosculi visuntur exigui, colore luteo : semen in calyciis nigri Papaueris, veluti fuco obliito : huius comæ tritæ, resinosum odorem reddunt

reddunt: hæc pulcherrime quadrant nostræ Matriſylua, cuius folia, et si Periclymeno proxima sunt, non tamen figura abhortent à Rutæ folio, sed magnitudine valde distant. Quod autem de fructu scribitur, veluti de industria depicto, capitulis conuenit, quos calyces vocat; nitent enim rubore quodam, veluti fuso asperso. Plinius Androſemum describit, non abſimile Hyperico, caulinis maioribus, densioribusque, & magis rubentibus: folia alba, Rutæ figura: ſemen Papaueris nigri; comæ tritæ, ſanguineo ſucco manant, odor ei resinolus: gignitur in vineis, albedo autem foliorum in parte aduersa ſpectatur, ut in Periclymeno. huic Galenus præter cæteras facultates, vim tribuit glutinandi magna vulnera folio in vino cocto; modice enim deterget, & ſiccatur. Hinc, recentiores vnguentum de Matriſylua componunt ad vulnera capitis infundendum ſuper membranam denudatam folia in vino decoquentes. At terror eorum corrigeandus eſt, qui Periclymeno pro Matriſylua vtuntur, decepti ob foliorum affinitatem, ipsum Periclymenum Matriſyluam vocantes. At vera Matriſylua Caprifolium alias appellatur à recentioribus, ē cuius fructibus ſuccum eliciunt, quo vice Lycij vtuntur: forte apud Theophrastum fuerit Centeria, quam recenſet inter plantas ſucco ſanguineo conſtanties.

C A P. X L I I I .

CRIS in montibus nascitur, palmi altitudine: multis ab eadem radice caulinis, fruticosa: foliis anguſtissimis, quaſi Sco- pæ: flores & fructus Hyperici. Dioscorides fruticem inquit esse palmi altitudine, ſapore grato, acri, odorato: folio Ericæ, ſed minore, pinguioreque, ac rubente. Plinius inquit. Aliud Hypericon, quod alij Corin appellant, folio Tamaricis, & ſub ea nascitur, ſed pinguioribus foliis, & minoribus, ac rubentibus, odoratum, palmo altius, laeuitate ſuave, aculeatum, ſed Plinius quod ſapori pungenti conuenit, aculeis tribuit.

C A P. X L V .

SIMILLIMVS Cori frutex nascitur in asperis marittimis, lignosus, frequentioribus caulinis, dodrantalibus, in terram ſparſis: flores ordine prodeunt ab uno latere lutei; & fructus Hyperico tenuiores, paucis intus ſeminibus: tota guliſu acerbo conſtat: non conuenit cum Hypericis; quoniam caret ſucco ſanguineo; neque resinofus fructus.

C A P . X L V I .

CHIRONIA, quam quidam inter Panaces numerant; multis;
ac tenues cauliculos fert, in terra iacentes, lignosos, dodrantaless;
foliolis Serpilli, subasperis, coniugatim dispositis, adiunctis bi-
nis quibusdam appendicibus, tenuibus veluti alis: Flores ab uno latere
ordine prodeunt lutei; & fructus Hyperico crassiores, rotundi, paucis
intus seminibus Cisto similibus: oritur in incultis: tota sapore astrin-
gente: utuntur ad vulnera glutinanda. Quidam hanc pro Panace Chi-
tronio ostendunt apud Dioscoridem: folio Amataci: flore aureo: radi-
ce gracili, nec profunda, gustu acri, sed quia deest acredio, in alio gene-
re Panacem Chitonium investigandū censeo, ut cætera Panacis genera:
Interim tamen hanc Chironiam appellare libuit, ob vulgarem opi-
nionem: Aliud genus in sabulosis nascitur: simplici cauli-
culo: erecto: foliis maiusculis, nervis in longitudi-
nem discurrentibus, specie Plantaginis, hirsutis:
hosculos: & fructus fert prædictæ similes,
gusta simili. eadem in collibus Urbeue
tanis nascitur: flore candido,
maiori; specie La-
dani.

Finis Libri Noni.



A N .

. autioe II redit
ANDREAE CAESALPINI
ARETINI

DE SVFRVTICIBVS ET HERBIS.
LIBER DECIMVS.

CAP. PRIMVM.



VLBACEA dicuntur, quibus duplex genus radicis tributum est, vnum veluti caput carne & humore con stans veluti fructus; idcirco vere radix non est, vt Theophrastus est author. Alterum fibrosum; inferius terrae infixum, vt Cepa. Allium, Porrum, Bulbus. Folia omnibus sine pediculo in longitudinem producta insunt ab radice tantum. caulis nudus simplex, & rectus. semina in vasculis tripartitis farcta, angulosa, cartilaginea, nequam biualvia, vt in ceteris pterisque. Flos alius inferius sedet, aliis summo fructui heteret. sapor omnibus acris, & fenuens, non sine quadam dulcedine, cum multa humiditate glutinosa. Capitum differentia, nam aliud ex pluribus corticibus in orbem se amplexantibus coagmentatur vt Ceparum, aliud ex nucleis quibusdam constat, quae soboles est vt Allij, aliud solido constat corpore, vt Croci.

C A P. II.

CEPA caput est, ex corticibus crassis ac fragilibus coagmentatum; colore rubro, aut candido; figura aliis sessilijs, aliis oblonga: omnes in cibo expertuntur, tum etiudæ tum coctæ: laudantur teneriores, dulcioresque, crassis corticibus: semine tantum proueniunt; annoque primo in caput excrescent: folia ferentes concava, tamquam fistulas, quæ aestate exarescent; autumno & sequenti hyeme iterum regerminant, plures stolones ex medijs corticibus ferentes, idque etiam per aëstatem erutæ, & domi appensæ: eruunt autem, ne in terra putrefiant. Hæ igitur iterum defixa in terram caules ferunt ex medio foliorum cubitales, & concavos, ventre quodam medio: in cacumine autem veluti pilam floribus constantem candicantibus, & vasculis paruis; in quibus nigerrima continentur semina: quibus perfectis tota planta exascit:

crescit: sic semina Cepatum gratia seruntur; Cepæ autem semenis tan-
 tum, ut Plinius testatur stolones autem antequam caulescant primo ve-
 re, dum renelli sunt, eruuntur in cibis, quas Cepas Portariae vocant;
 nam candida ceruice constant, ut Porrum. Antiqui plura genera cogno-
 uerunt, omniaque sativa; nam Theophrastus multa regione cognomi-
 nata tradit; alia ob culturam; alia ob propriam naturam differentia;
 Quandā igitur Setaniam vōcānt, quasi Panis Setanij modo dulcem, par-
 uam ramen: aliam Schistam; quia cultura in partes dividitur, dum exter-
 na folia vere detrahuntur, ne in cau' em' crescat, sed in caput: quod qui-
 dam omnibus contingere arbitrantur, si detractis foliis prohibeantur se-
 mentescere. Est enim Cepæ natura: ut deposita in terrā multos stolo-
 nes ferat, quorum uis si prohibeatur, ne sursum vergat, sed inferius, ca-
 pū totidem diuisoris crescit, quot stolones fuerint. Tertiam Ascoloniam,
 cuius peculiaris natura est, sola enī in inter fissiles radice constat veluti in
 secunda; quæ neque augeatur, neque proficiat; idcirco non radice se-
 ritur, sed semine. Serunt autem tarde prope Ver, deinde cum germinaue-
 rint, transfruent: perficiuntur autem citius quam cæteræ, ut simul cum
 cæteris, aut etiam prius euellantur: quod si diuinus relinquatur in ter-
 ra, putrescent: plantare caulem edunt, & semen tantummodo gignunt,
 deinde exinaniantur, & inatescent. Quamuis autem hoc Bulbosum
 quoddam genus, vulgo Ascalonium vocetur, non tamen prædictum Ce-
 patum genus est; seritur enim hoc radice tantum non semine, ut suo lo-
 co ostendetur. In Crēta peculiari Cepatum natura Ascaloniis proxima,
 ni forte vel eadem dici debeat: nam genus hoc semine satum in radice
 crassatur; depositum vero in caulem, semenque fundit sine capite, sapo-
 reque dulce est, è conuerso quam in cæteris; cæteræ enim omnes depo-
 sitæ melius celeriusque perficiuntur. Significare autem videtur, Creti-
 cam Cepam sātā tantum, non transpositam, ut in cæteris sit, crassari in ca-
 put: nam alioqui, quod cōmune omnibus est, proprium dixisset: semine
 enim omnes seruntur, transpositæ tamen pleræque meliores, & crassio-
 res proueniunt, excepta Cretica: hæc enim transposita caulescit anno
 primo: cæteræ anno secundo capitibus depositis caulescent. Omnes
 post Atturum proueniunt, tepido adhuc sole, ut depositas imbræ occu-
 pent: proueniunt autem tum integris tum concisis capitibus, sed non
 simili germinatione: nam ex inferiori parte gignitur Cepa, ex superio-
 ri herba tantum: si secundum re Etitudinem omnino scindantur, germinare nequeunt. De Cepa in vniuersum hæc passim scribit: duplēcē
 habet radicem; unam carnosam, corticosamque; alteram, quæ ex illa
 prodeunt: folia statim ab radice, concava, caulem unum lœuem: seruit
 radice; nam si non euellatur, multiplicatur: capitari aliquando in fistu-
 la traduntur. Plinius eamdem ferme habet hystoriam, addit autem Ami-
 torninam

terninam Cepam solam capite seri, Allij modo, cum reliquæ semine serantur: sed hanc nos inter Bulbos rectius ponendam censemus. Schistam autem, & Ascaloniam condi: Dioscotides Cepam aliam tradit longam, aliam rotundam, item ruffas actiores, quam candidas; & siccas quæ virides; & crudas quam coctas.

C A P. I I I.

Duo apud nos seruntur Cepis affinia, quæ radice tantum serum, non semine, instar Allij: vocant vulgo, has quidem Maligias; illas vero Ascalonias: utrèque parvæ: corticibus constat ut Cepæ; sed pluribus veluti nucleis, in unum coheunibus, numero sa sobole circum agnascente: caulem raro edunt, & semina; cum tota ferme earum vis in sobolem tendat: folia fistulosa, sed angustiora: quam Cepæ; differunt inter se; nam Maligiae oblonga figura constant, vere tantum, dum in fronde sunt, cibis viles; nam æstate cum acrimonio amaritudinem contrahunt & succum quemdam lacteum: idcirco feruantur tantum pro semine, non pro cibo. Ascalonie vero obrotundæ sunt: angustissimis foliis, quamdiu in fronde sunt, inutiles ob exilitatem, sed æstate capitibus perfectis, cum folia arescere incipiunt, eruuntur pro cibis, & pro semine: exstantur ex oleo & Acero grata acrimonija, appetentiam excitante; & Venerem: Præstantissime oriuntur in agro Pistoriensis, nucis fere magnitudine, dulcissimæ. Putò hos Bulbos exculentos suisse apud Antiquos, de quibus Theophrastus inquit sparsim: radix vescenda, multis tunicis constat, aliis, atque aliis obducta; ut Cepæ: duplex autem genus radicum; una carnosæ, corticosaque; altera, quæ ex illa producent; ut dubitetur, an radix sit, quod in caput excrescit; nam solum videtur radix esse, quæ de capite per medium pendent, reliquum cima & fructus: alioqui enim radix Bulbi caule caret. Seritur radice; nam radix diurna, cum tamen sit annicaulis, & à latere germinat; unde plures redduntur: caulis sine foliis Bulbosis omnibus: folia sine pediculo, statim ab radice valde angusta: ex seminibus non simul exit anno primo, sed partim anno secundo. Bulborum plura Genera, quæ differunt magnitudine, colore, figura, sapore, quippe cum adeo dulces quibusdam in locis exeat, ut crudii mandi facilime possint. Et genus quoddam in littoribus nascens, lanam sub primis tunicis habens medio loco inter internum, quod mandit, & externas tunicas: sunt ex ea funiculi pro cæcis & alia vestimenta, qua de causa Lanatum id dici possit, non capillare, ut Indicum. Vidi hoc genus Bulbi lanatum, ex Orientalibus allatum, specie in totum simili nostris Bulbis sylvestribus, quas Cepas Caninas vocamus; colore rubicundo; lanam continebat candidâ, intra primum

cor-

corticem. Plura autem Bulbosa recenset Theophrastus, nec pauciora Bulbis, scilicet Leucoion. (Plinius Acrocotion legit) Bulbinam, Oppositionem, Cyicem, & Sisyrinchium, de quibus paulo mox dicemus. Plinius ad Bulborum genera Scyllas redueit & Aron: sed agens, de quibus nunc dicimus, inquit ex Theophrasto, reliqua Bulborum genera differunt colore, magnitudine, suavitate, quippe cum quidam cruda mandantur, ut in Chersonesso, Thaurica: post horum in Aphrica natu laudantur, mox Apuli. Cato celebrat Megaricos: plurimum inest seminis omnibus, celerius tamen proueniunt satæ Bulbis circa latera natis. Sed quæ subiungit Aro conueniunt, desumpta ex Theophrasto, cum inquit, & ut crescant, folia, quæ sunt in his, ampla, deflexa, circa obtruntur. ita succum omne in se trahunt capita. Quæ autem paulo post tradit, Bulbis conueniunt. Effodiuntur Bulbi ante Ver; at deteriores illico fiunt, si finduntur: signum maturitatis, folia inarescentia ab imo, verustiores improbant: item paruos & longos: contra rubicundis, rotundioribusque laus, & grandissimis; amaritudo plerisque in vertice est, media eorum dulcia. Idem Plinius inter Cepas Bulbum nostrum videtur intellexisse, cum inquit: seritur Amiternina frigidis & humidis locis, & sola Allij modo capite. Dioctrides Bulbos exculentos omnes acrimoniam habere testatur, quosdam vero etiam amaritudinem, & Scyllæ saporem. præfert ex Aphrica aduetos, ruffos, stomacho & alio viiles. Galenus de eisdem Bulbis inquit mandi ipsorum radicem, sine soliis, vere autem interdum & ipsorum Asparagum: amaritudinem & austerioritatem habere, quæ elixatione beatuit: paucam tollerare elixationem: assari quoque mundi & crudos, ad cibi appetentiam excidandā, placere ex aceto, oleo, & Garo: ex eorum vslu semen augeri & ad Venerem alacriores reddi. Quæ omnia liquido partim in nostris Ascaloniis agnoscimus, partim in Maligiatum capitibus: inest enim in iis Scyllina quædam amaritudo.

C A P . I I I I .

BULBUS sylvestris, quidam Hyacinthum sylvestrem vocant: in campis sponte nascitur: tenuius domestico: foliis exilioribus ferme ad Crocum accendentibus, fistulosis: caule palmarum alto, in quo in eunte vere flosculi sunt cærulei, concavi, ac deorsum inclinati. Bulbi subrubentes, amari, magis nudine Auellanæ. Theophrastus Bulbi florem inter coronarios recenset; quidam enim inquit Bulbi quoque florem coronis inserunt: floret inter vernos: ex quibus hoc genus Bulbi significatur. Plinius sylvestrium inquit Bulborum florem, quem Anemonem vocant, inter coronarios esse.

C A P. V.

IN T E R Bulbos sy'uestres duo oriūtut apud nos; quas Cepas caninas vocant, aut Anguinæ; quia folia humi serpunt, intorta, anguis modo, prælonga, non fistulosa, sed sinuosa, veluti lorum: caule dodrantali, erecto, in cuius cacumine, stamna quædam insunt, coloris cærulei elegantissimi, in purpuram vergentis: vascula autem seminis, à lateribus pendent sine flore: frequens nascitur hoc genus locis cultis, in aruis, & vineis. Alterum in cæteris prædicto simile, sed flosculis candicantibus, oritur in pratis palustribus. viraque florent estate diutius, Bulbo rubicundo, grandiusculo, & oblongo: forte apud Theophrastum, Pothos fuerit (Theodorus Desiderium vertit) inter æstuos flores. cætus genera duo; unum, cui flos Iacyntho similis: alterum de color, album, quo in sepulchris uti mos est, quod & diurnius est. Eadem Plinius de Potho habet: potest apud Plinium intelligi, Bulbina; de qua inquit, Bulbinam à Græcis vocari herbam Porraceis foliis, rubicundo Bulbo. Alter tamen Theophrastus Bulbinam accipit, ut inferius patebit: sunt &, qui Bulbum vomitorium apud Dioscoridem hunc patent, cum tamen cortice nigro apud eumdem tradatur, non rubro.

C A P. VI.

QUÆDAM peregrina apud nos nomine barbaro Dulipan vocatur; alij Hyaëinthum album vocant: catle cubitali, crasso: coma in cacumine, veluti umbella: floribus candidis, latifoliis: vasculis nigris: Bulbum fert grandiorem, quam prædicta genera, cortice nigro: folia quoque maiora, sed simili modo prælonga, & strata. hanc putauerim Bulbum vomitorium esse; describit enim hunc in modum Dioscorides: folia habet Bulbo esculento longiora, & magis in Lori modum formata: radicem similem Bulbo, cortice nigro. Plinius folia tribuit nigra, cæteris longiora.

C A P. VII.

HYACINTHVS radice seritur, flotis ratum gratia; placet enim non tantum color cæruleus, laeviter in purpuram vergens, sed multo magis odor: Bulbos fert Cepæ Caninæ similes; & folia similiter excavata, subrecta, non strata in terram: caulem palmarem, in quo tres, aut quatuor insunt flores, à latere dispositi, oblongi, concavi, ac disticti: incipit florere mense Februario: Alterum genus in sylvis nascitur,

nascitur, exiguum, non ultra quatuor digitos à terra se extollens : flosculis brevioribus, magis disiectis, colore vivaciori, sed odore infirmo. Diocorides folia tribuit Bulbi : caulem dodrantalem, lœuem, minimo digito tenuorem, herbacei coloris, cui insidet coma incurva, floribus purpureis plena : radicem quoque Bulbo similem. Theophrastus Hyacinthum numerat inter flores coronarios, & montanos, floentes cum Violâ nigra : esse urbanam & sylvestrem : utriusque florem plurimum perdutare. Plinius eadem ferme confirmat : addit autem Hyacinthum comitari duplēcē fabulam, præferentem luctum eius, quem dilexerat Apollo, aut ex Aiacis crux æditum, ita discurrentibus venis, ut græcarum literarum figura. AI. legatur inscripta : quæ nota non in bulboso Hyacintho est, sed in altero flore eiusdem coloris, quem Capuccium vocamus ; de quo alibi dicitur.

C A P. V I I I.

SCYLLA grandissima quædam Cepa est, figura tamen Bulbi : oritur in scopolis Apuliae plurima, acerrimi, & amari saporis : ideo Medicis tantum in usu : hyeme germinat etiam si appensa domi fuerit, ut Cepa : foliis multiplici ordine inuicem conuolutis, latioribus, Porro brevioribus, ac virginitibus, quæ amittit in æstate, bulbis circa latera ortis : Autumno caulem nudum fert tricubitalem, vnde plenū floribus candidis, foliatis, sub quibus parua continentur vascula ; paucis intus seminibus, oblongis, ac nigerrimis : Bulbi color rufus : reperitur & nigra in montosis procul à mari. Theophrastus de Scylla hæc habet; Plantæ cum terrestris sit, in mari tamen viuit : radicem multis tunicis habet corticosam, duplēcem, ut in cæteris capitatis : alteram quidem carnosam, corticosamque : alteram, quæ ex illa prodeunt, ut ambiguum sit, an radix sit, quod in caput excrescit : Ipsa diurna, cum ramen sit annicaulis, ideo radice seritur inter sylvestrias; à latere enim germinat; vnde plures redduntur : folia sine pediculo statim ab radice latia : caulis prius exit quam folia è latere radicis, tum flos emergens, insidet terno prouentu, qui terrena arandi tempora significet; floret enim particularum incipiens ab imo : cum senvierit caulis, tunc foliorum exortus, multis postea diebus incepitat : germinat ante Narcissum : suspenso diutius viuit, arcet veneficia sata ante portas : omne Scyllæ appositorum faciliter germinat, celeriusque augescit, præcipue Ficus; nam & minus à vermis in festatur. Plinius inter Bulbos nobilissimam esse Scyllam inquit, quamquam medicaminis natam, aceroque exacuendo : nec vili amplitudo maior, sicut nec vis asperior : duo genera medica: masculus, albis foliis : feminina : nigris: & tertium genus est eibis gratum, Epime-

nidum vocatum . seminis plurimum omnibus , celerius tamen proueniunt satæ . Bulbis circa latera natis . de Epimenidio paulo mox patebit . Apud Dioscoridem miras Scyllæ facultatēs legere licet , quamuis eam non describat ; addit autem alterum genus , quod Pancratium vocat : radix inquit est Bulbo magnō similis , subrufa , aut subpurpurea , gustu amaro & feruente : foliis Lilij , longioribus , eiusdem facultatis cū Scylla . Plinius de Pancratio inquit : aliqui Scyllam pusillam appellare malunt : foliis albi Lilij , longioribus , crassioribus : radice Bulbi magni , color ruffo : Aa hęc fuerit quæ Moly Homericum vocatur ?

C A P . I X .

MOLY Homericum vocant Bulbum in montibus ortum , qui longe minor est Scylla ; sed foliis maioribus , subrectis , tribus , aut quatuor , ab imo se amplectentibus ; quibus summis aliquando tuberculus inest , veluti parvus bulbus , quo tamquam sobolem nascitur : quod in nulla alia planta , adhuc est animaduersum ; vt sobolem in foliis ferat : caulem ex medio foliorum profert ineunte vere , cibitalem , & ampliorem , in cuius cacumine , coma rotunda insidet , tamquam umbella : floribus candidis , aut subrubentibus , & vascula nigris feminibus , vt Scyllæ . Dioscorides de Moly , inquit : folia fert Graminis , latiora , humi sparsa : flores Leucoio similes , lactei coloris , minores , ad Violam purpuream accedentes : caulem candidum cubitorum quatuor , in cacumine inest , quippiam Allij specie : radix autem parua , bulbosa . quæ profecto descriptio patum quadrat prædictæ plantæ . Theophrastus de Moly inquit : apud Phaneum exit , & affirmant apud Cyllennam esse , quemadmodum Homerus dixit , radice rotunda , non absimili Cepè : folio Scyllæ : vsus eius contra veneficia summa : non tamen effodi difficulter , vt ait Homerus . Plinius laudatissima inquit herbarum est Homero teste , quam vocari à Diis putant Moly ; at inuentionem eius Mercurio assignant , contraq; veneficia summa demonstrant : nasci eam hodie circa Pheneum & in Cyllene Arcadiæ tradunt ; specie illa Home-rica : radice rotunda , nigra que , magnitudine Cepè : folio Scyllæ : effodi eam difficulter ; Græci authores florem eius luteum pinxere , cum Homerus candidum scripsit . Inueni è peritis herbarum Medicis , qui & in Italia nasci eam dicent , afferrique Campania mihi aliquot diebus effossem inter difficultates saxeas : radicis triginta pedes longæ , ac ne sic quidem solidæ , sed abruptæ . Hęc Plinius . An Homerus ipsam Scyllam nigram intellexit , difficulter fodi ; quia inter saxa oritur ? nam & Scyllæ , cōtra veneficia laudatur . sed Dioscorides , folia Graminis tribuēs & strata , aliā intellexit . Ideo hęc Pancratium potius esse reor inter Scyllas .

C A P. X.

ORGNITHOGALON, vulgo autem lac gallinæ, flos quidam est lacteus, vere in artuis emicans : caule palmum alto : ramulis quatuor, aut quinque; quibus summis flores singuli insident figura stellæ, candidissimi, qui recedente sole clauduntur, & viridem tantum colorem ostendunt: fructus striati: folia ab radice tantum tenuia, ut Croci strata: bulbis candidus, tenaci succo constans, sapore dulci. alterum genus, foliis constat Graminis, similiter humi stratis. Diocorides inquit cauliculus est tener, candidans, tenuis, duorum palmorum: ramulis in summo tribus, aut quatuor; à quibus flores producent, foris herbacei, &c, cum hiantes se pandunt lacteui, in quorum medio capitula sunt Cachryos modo præsesta, quæ in panes recipiuntur, ut Melanthium: radix bulbosa, cruda, & cocta manditur; Apud Plinium Orgnithogale vocatur: semipedali caule, & reliquis notis à Diocoride traditis. Theophrastus Bulbinam vocat, inter bulbosa quidem; quia radix rotunda, sed candida, nequaquam squamosa: & Atheneus, quæ inquit Bulbinæ dicuntur, meliorem habent succum quam Bulbi, non tamen ita stomacho conferunt; quia dulcedinem habent cum crassitie & pro asperitate tamen faciles sunt ad excernendum. Sed Plinius Bulbinam Porraceis foliis tradidit; rubicundo Bulbo, quæ nothæ nostræ Cœpæ Caninæ conueniunt.

C A P. X I.

VLBVS quidam est Orgnithogalo similis; sed in asperis & petrosis nascens: foliis latioribus, longioribus, similiter stratis: caule simplici, cubitali, altiorique, vndique floribus ornato, ut Scyllæ; sed flores Orgnithogali & fructus. reperitur & flore luteo in montibus: vnum quidem eiusdem altitudinis cum predicto, alterum vero breve, dodrantem non excedens: omnibus folia Graminis, aut Cœpæ Caninæ, sed angustiora. huic videtur conuenire Moly descriptio apud Diocoridem; folia enim tribuit Graminis, latiora, humili sparsa: flores Leucoio similes, lactei coloris, minores, ad Violam purpuream accedentes: sed caulem cubitorum quatuor adhuc non vidi mus, in cuius cacumine inest quippiam Allij specie: radix autem parva bulbosa: has quoque Plinius indicasse videtur, cum inquit: Græci Authores, floræ eius luteum pinxere: quoddam enim genus, luteos flores fert, quod dam candidos, non tamen id Moly Homericum dici possit, ut superius patuit. Theophrastus forte Epimenidium hanc vocavit inter Scyllas; inquit

inquit enim : radix vescenda, non omnis Scilla, sed Epimenidia vocare, quæ ab vsu nuncupata est : hæc angustiori folio, & læuiori constat quam reliquæ. Plinius inquit : tertium genus Scyllæ cibis gratum, Epimenidum vocatur angustius folio & minus aspero.

C A P. X I I.

PORRVM semine tantum seritur in hortis, vtile cibis futurum, anno secundo ; nam anno primo à satu exile est, & acre ; eius natura est crescere in ceruicem longam, & crassam, magis quam in caput : adiuuant & cultura, densius serentes ; transferunt autem anno sequente, circum obruentes altius sumum, ut candorem, teneritatem simul, & dulcedinem acquirant usque ad folia : constat tunicis multiplicibus, longe tenuioribus quam Cepæ : folijs subalbidis, prælongis, latitudine duorum digitorum, canaliculatis, non tamen fistulosis, se in uicem amplectentibus, duplii ordine : caulis ex medio folioui exit, secunda æstate, cubitalis, in cuius cacumine, comam gerit rotundam capitæ modo floribus candidis ; & vasculis paruis ; seminibus nigris. Græci Prason vocant, de quo Theophrastus ipsius inquit : exit à satu die decimo nono, nonnumquam vigesimo : feminis ætas recentior maturius prouenit : melius autem & lætius prouenit aceruatim saturum, & in Laciniis colligatum : assurgit uno caule, & lævi, bimatu fructificat : est seminis secundissimum, subtus suo latere promit bulbaceum quadram, ex quo foliorum ottus caule arefacto, & semine sublatto ; sed quia capita non in usum veniunt, ideo non leguntur siccanda, nec hoc modo seruuntur. Plinius tamquam in duo genera distinguit : sectuum, & capitatum appellans, cum tamen ratione quadam culturæ differant, ut enim sectiuæ nascantur, densius seri oportere, quod genus summopere Neroni placuisse testantur, ut crescat in caput, & rarius serenda, & cum transferuntur, summis foliis leviter recisis, capita retrahenda, ac extremitat tunicæ, aut læuiter sarculo conuellendæ radices, ut delumbatae alant. Antiqui siliice, aut tegula subiecta, capita dilatabant : sectuum autem viderunt appellasse, quasi scissile, quia adeo hærent inuicem, ut unum ex multis constitutum videatur : hoc genus non transferunt, sed in eadem area relinquent, donec deficiat, semper stercorantes : læto enim solo & simo gaudet, cum tamen rigua oderit : seritur semine ab Aequinoctio Autumni. Dioscorides capitatum Porrum vocat, sciungens ab altero, quod tamquam sylvestre ponitur, scilicet Ampelopraso. Athenæus capitatum inquit, quod Porrum etiam vocatur, meliorem habet succum, quam Cartum : mediocriter extenuat, & nutrit, & est ventosum. idem testatur se vidisse magnum Porru capitulo, nō minus Rapa, vel Rhaphano rotundo.

A M.

C A P . X I I I .

AMPELOPRASVM sponte prouenit locis calidis , & collibus amoenis ; tenuius Porro : foliis angustioribus, virentioribus , & quasi triangulis : numero sa sobole : caulinculo dodrantali : foliis in caenumine tribus, aut quatuor, candidis, pendentibus, quodam Allij odore . Plinius in genere sectiui Porri hoc intellexisse videtur, cum inquit : sectiui duo genera : hoc herbaceum folio, incisuris eius evidenteribus, quo vtuntur medicamentarij . est enim, vt alibi scribit, tub nomine Ampeloprasii, quod in vineis ortitur, foliis Porri, ructu grauis, contra serpentium iecus efficax, & que sequuntur . cum vero inquit alterum genus suauioris folij, rotundiorisque, incisuris levioribus, satium inteligit : quo enim rotundius est, eo minus sectionis vestigium apparet: quo angulosius , eo incisuræ sunt evidenteriores . Quid si Portum vitumque sectiuum Gethyum dicamus apud Theophrastum , cuius meminit inter Cepas : inquit enim : Gethyum vocatur quiddam sine capite , & quasi longa ceruice constans, ob id germinatio tota in fronde, sepiusque retinetur, vt Porrum : qua de causa semine scritur , non deponitur . De eodem hæc spatium scribit . si totum, quod in terra conditur, radix sit, caule omnino carebit : multis tunicis constat : folia concava : exit à satu decimo aut duodecimo die : seminis ætas recentior , maturius prouenit, bimatu fructificat , vnicauile : anævus est caulis, quamvis radix diurna sit; nam suo latere promit, veluti quoddam bulbaceum caput, ex quo foliorum ortus, caule tamen arefacto, semineque sublato : sed quoniam eius capita , minus vsui sunt , idcirco siccanda minimo leguntur, ac proinde numquam seruntur . Plinius de Gethyio pauca quædam ex Theophrasto transcribit . Galenus cum scribit libro duodecimo Metodi quoddam genus Ceparum Carton à græcis vocari, quo hesitato cum pane dissenterias quidam illico sanabant , licet multi actinonia medicamenti conuulsi interiere : forte Gethyum intellexit . Athenæus de Catto . (in quo loco Hermolaus non Carton legit sed Carton) inquit magna est Pastinaca, queque facile augeatur, meliorem habet succum quam Pastinaca, magis calefacit, virnamque magis est, stomacho confert, facileque digeritur, vt Diphilus est author : statim autem de Porro capitato subiungit : capitatum inquit, quod Porrum etiam vocatur , meliorem habet succum , quam Cartum , vt idem ait Diphilus : & paulo post : Epenetus capitatos Porros Gethyllides ait vocari . sunt qui dicant hoc esse vocatum Gethyum, esse autem Gethya similia Ampeloprasis . Apud Aristophanem Gethyorum radices habere Allij naturam . cum igitur apud græcos capitati tantum Porri fiat mentio inter sativa, sectiui au-

tem nequaquam, suspicionem affert non mediocrem, ne Gethyum intellexerint ipsum Porrum satiuum comprehendentes etiam aliquando, & sylvestre, cui inest quædam Allij natura: satium autem à quibusdam Cæton vocatum est, Pastinaca grandius, quod nostrum est vulgarissimum Porrum. Galenus de Ampelopraso inquit veluti agreste Porrum est, domestico acrius, & siccus, medium quamdam facultatem inter Allium & Porrum habens: sunt, qui ea toto anno seruant, aceto condita, quo modo fieri in cibis, præstantiora, & minus vitioli succi participatia.

C A P. X I I I.

SCORODOPRASVM ab Allio & Porro nominatum, peregrinum apud nos est, in totum Porro satiuo simile, tum foliis, tum caule, floribusque, sed capite constat Allij, in quo nuclei pauci sunt crassi, figura ferme Castaneæ, colore cädido, sapore insuavi, minus acris quam Allium. Dioscorides inquit magnitudine Portum equat, qualitatem Porrij & Allij particeps. coctum dulcescit ut Porrum, quo usu transit in olera. Galenus gusto & odore medium qualitatem participare tradit inter Allium & Porrum, & utriusque vires.

C A P. X V.

ALLIVM satiuum initio ceruice constat longa, ut nostrum Porrum, tenuiori tamen: foliis quoque paulo angustioribus: sed caule ut plurimum nullo: nulloque semine, ideo radice tantum seritur: aliquando tamen caulescere tradunt, ac semen ferre, quod satum transire in sylvestre; Estate aduentante crescit in caput ceruice extenuata; caput intra tenissimas & candidas membranas nucleos habet oblongos, tunica subrubra obductos, odore valide, ac periferante: sapore seruente: nucleis seritur hyeme tamquam sobole, Aglitas Gregi vocant, vnde vulgo Aglietti dicuntur nuper nati, assumentur in cibis & cruda & cocta, ium recentia tum siccata, venenis aduersantur, precepius viperæ, & fungorum assumpta in vino. Graci Scorodon vocant. Affert genus quoddam ex Aphrica capitibus ingentibus. Theophrastus seri Alliam tradit ante solstitia, aut paulo post, nucleatum diuisum: Discribam eorum, quod aliud præcox, aliud serotinum habetur: esse enim quoddam, quod sexaginta diebus perficitur: Differunt præterea magnitudine singulati, cuiusmodi est, Cyprium vocatum, quod non decoquunt, sed ad intinætus terunt mirum in modum eius spuma se attollente: quædam etiam sunt, quæ nucleis non constant. Dulcedo autem, odor, & crassitudo pro regionis diueritate & cultu contingere videtur.

vt in aliis plerisque : perfici etiam semine potest sed tarde : primo etenim anno caput accipit Porri; sequente discerni incipit in nucleos ; tertio redditur perfectus, nec quicquam deterius : sed quidam melius deposito existimant : eius radix tota curvatur, cum nucleus intumescere incipit, dein aetas iterum in nucleos discernitur, & ex uno plures fiunt, dum caput consumatur : super fistula quoque capitari potest : leui caule constat, vnicaulis; folia statim ab radice ferens. Plinius de Allio scribit, tenuissimis velatur membranis, quae in vniuersum separantur : mox pluribus coagmentatur nucleis, & his separatim vestitis asperi saporis, & quo plures nuclei fuere, hoc est asperius. Tedium huic quoque halitu, ut Cepis, nullum tamen coctis. Generum differentia in tempore. nam præcox maturescit sexaginta diebus : tum in magnitudine : Vlpicum quoque in hoc genere Graeci appellauere Allium Cyprium, alij Antiscorodon (vel Aphroscorodon, ut Columella vocat) præcipue Aphricæ celebratum inter pulmentaria ruris, grandius Allio, tritum in oleo & aceto, mirum quantum interescat spuma : addit & culturæ rationem, & alia quædam ex Theophrasto. Dioscorides satuum Allium quoddam in Aegypto singulari capite nasci tradit, ut Porrum, dulce, laeviter purpureum, atque paruum : Alibi grandius candidum, cuius nucleus, quibus coagmentatur, Aglithas Graeci vocant, alij spicas vertunt.

C A P. X V I.

ALLIVM sylvestre passim in aruis & vineis nascitur, capite parvo, singulari, solido, nullis nucleis, colore subrubente : caulem fert tenuem, prope cubitalem : paucis foliis, Tereti figura, in multam longitudinem productis : in cacumine caulis capitulum fert rotundum, ex nucleis paruis constantem ; è quibus flosculi exeunt subrubentes sine semine : propagatur autem nucleis prædictis, tamquam sole reperiuntur ijs sœpe in Triticis, ut panes Allij odorem fastidientem retineant. Dioscorides Ophoscorodon vocat, quasi Allium anguinum. Plinius hoc genus Allij inquit Alum vocari in aruis sponte nascens : quod aduersum improbitatem alitum depascentium semina, coctum renasci possit abiicitur, statimque, quæ deuorauere aues, stupentes manus capiuntur, & si parum commorauere sopitæ.

C A P. X V I I.

ALLIVM Vrsinum in sylvis nascitur tenui capite, & solido : foliis latis, ut Lilij : caulinculo dodrantali, in cuius cacumine flores sunt candidi : semina autem nigra : tota planta Allium redoler. Alterum in eisdem locis nascens angustiore folio, veluti Graminis : umbella in cacumine, candida, pulchra : scatet multo semine, nigro,

gro, acertrimi odoris. Plinius de primo loquens, inquit: est & sylvestre, quod Vrsinum vocant, odore molli: capite prætenui; foliis grandibus.

C A P. X V I I I.

DE N S Caninus vulgo appellatur in sylvis capitulo veluti Allij, nucleo candido, specie dentis canini, vnde bina tantum folia ineunte vere exeunt, breuiora Lilio, latioraque, subruba, ac maculosa: caulinus ex medio foliorum exit, quatuor digitorum altitudine, in cuius cacumine unicus flos, ex candido subrubens, Lilio sylvestri similis, parvus. Hunc puto Mithridation primum Crateuæ apud Plinium, cui folia duo ab radice Acantho similia: caulis inter utraque sustinens roseum florem; Acanthi autem Urbanæ folium elatum, longumque tradit, quod nequaquam ab hoc discrepat.

C A P. X I X.

HERMODACTYLVS vulgo appellatur solidus Bulbus, figura castaneæ, colore candido, succo lacteo, cortice rufso: ruffescit quoque Bulbus, cum exsiccatur: floret in Autumno, ante foliorum exortum Croci modo; vnde quidam Crocum sylvestrem vocant: flos illi similis, candicans: folia hyeme erumpunt tria, aut quatuor, ut Scilla, modo angustiora, modo etiam latiora, fere Ellebori albi modo: vere folliculus in medio foliorum inclusus appetet, digitalis crassitudinis, oblongus, aliquando unicus, aliquando geminus: seminibus intus rotundis, duris, & subruffis: oritur in montibus latiore folio: in campesribus autem in cultis & harenosis angustiore folio. Affertur quidam ex Orientalibus inter merces, quo Medici utuntur ad purgationes: Bulbus est vegetior, plenior, ac durior, candidus, etiam si siccus sit. Diocorides Ephemeron vocat venenis ascriptum, quod & Colchicum appellari tradit, & Bulbum Agrestem: florem ædit in fine Autumni, Croci similem, candicantem: ab eo tempore folia Bulbi, sed pinguiora: caulem palmo altum, ferentem ruffum semen: radicem foris è nigra rufescentem, que delibrata, candida, & mollis spectatur, succo lacteo, sapore dulci: in bulbo media quedam tima est, qua flos erumpit: strangulat comesta fungotum more. Alterum præterea Ephemerum tradit, quam Irini sylvestrem cognominat. Theophrastum Ephemerum venenum esse inquit, vim diurnariam etenacandi sortiens: radiculam esse, que eadem die possit occidere: folium hanc habere Ellebori, notamque omnibus esse, seruorum in desperatione confugium. Mesues inter purgationia medicamenta Hermodactylum vocat radicem herbae montanæ: tradit

dit autem, vnum longum vt digitus: alium rotundum; ex quibus videatur significare vrumq; genus Ephemeris: assumi autem ad purgationes rotundum: sed eius alium inquit album esse, alium rufum, alium nigrum: eligi autem album, verē albedinis intus & extra, crassum, modice durum: nam laxus debilis est; rufus autem, & niger mali sunt: ex quibus innuit id, quod ex Oriente ad nos afferitur, crassum, & plenum, candidumque Hermodactylum esse, quo Medici vtuntur ad pituitam educendam ab articulis: nigrum autem & rufum, quales apud nos nascuntur, improbari ob vim venenosam, vt in Colchico Dioscorides testatur. Scapio similiter distinguit album laudans, nigrum & rufum latales esse, ob id Paulus Aegineta seorsum ab Hermodactylo locutus est, & seorsum de vtroque Ephemero.

C A P. X X.

CROCUM vulgo Zafferanum dicitur: floret Autumno ante foliorum exortum: flos erumpit ē terra digitali longitudine, in sex folia dehiscens, purpurascens, mediis staminibus ternis, longis, & in extremo crassioribus, quibus color ex pallido ad rubedinem vergit, tingens colore croceo: odor aromaticus, & validus; vnde & condimentis expertuntur, ac medicamentis roborantibus: folia ab radice capillaria exeunt tota hyeme: vasculum Ciceris magnitudine, oblongum: bulbus solidus, cortice capillaceo: seritur radice staminum predictorum gratia, quorum est usus. Alterum genus sylvestre in incultis nascitur inter scopas, copiosissimum in agro Pisano: floret post Brumam usque ad æquinoctium vernum: flores modo candicantes, modo purpurascentes: stamina exigua, & inutilia: bulbus minor. Theophrastus Crocum inquit natura herbaceum erumpit folio angusto, in capillamenti modum: sero floret, seroque germinat, quippe Virgiliarum occasu, paucis diebus, confestim florem edit ac folia, quinimo florem prius: radix multa, carnosa, in totum viuax: gaudet calcari, & melius ita euadit radice attrita pede inferius, ideo iuxta semitas, fontesque pulcherrimum exit: satus radice fieri assolet. Alibi inquit: florere incipit autumno statim primis imbris, tam satium quam motanum: quod sine odore est inter hiberna erumpit post Aphacam: folium angustius Bulbosis, cauleto tantum floris sortitur: est inter odorata, quibus ad via guenta vtuntur. Plinius ex Theophrasto eamdem ferme descriptionem habet, de sylvestri inquit: optimum esse, ac serere in Italia minime expedire, areis decoquentibus ad scrupula usque singula; seritur radicis bulbo: satium latius maiusque & nitidius, sed multo laevius degenerans, sed nec ubique fecundum etiam Cyrenis, ubi semper flores laudatissimi: optimum ubicumque quod pinguisimum & brevibus capillis.

C A P. X X I.

LONCHITIS à Lanceæ cuspide cognominata, quidam Narcissum luteum vocant: folia fert Narcissi; latiora, & candidiora, prope radicē subrubentia: caule rotundū, aliquando bifidū, aut trifidum, altitudine duorum dodrantū: duobus aut tribus foliis, quæ in caule sunt, contra quam in cæteris bulbaceis: in cacuminibus singulis, singuli flores insident lutei, magnitudine ferme Lilij, sed qui numquam dehiscant, reflexis tantum ternis foliorum labris postremis, ternis aliis coheuntibus, paruo relicto ostiolo: fructus postea insidet triquetrus, eretus, ex rotundo in mucronem fastigiatus, in quo sensina continentur compressa, colore flavo: radix bulbosa, parua, rubicunda, oblonga, à cuius latere exit hyeme germen quoddam rubicundum, quod in longitudinem multam productum aliquādo infra tellurem, aliquando supra egressum iterum defigitur, & alium bulbū gignit, vnde folium unicum exit; ac procedente tempore caulis asurgent anno secundo, & vere floret: quo propagandi modo, areas implet certis interstitiis distans, ut exercitus videatur hastis erectis armatus: oritur in Apennino apud Bargenses. Dioscorides sic describit; folia habet Porri, latiuscula, & modice rubentia, plurima, à radice ad terram inclinata, pauca autem in caule, in quo flores pileola comicatum personarum ridicula representant, lutei quidem coloris (quamquam Græci codices non Μέλιναι: sed Μέλαχαι, id est nigra legant) album autem quid exerentes ceu ligulam ex hiatu ad inferius labrum: semen Lanceæ simile triangulum, cum primum etumput: vnde appellatio; radix Dauco similis: nascitur in asperis & sitientibus locis, solum autem suspicionem aliquam afferre possit radix: nam bulbis nullam similitudinem cum Dauco habet. si autem accipientur longæ radicum propagines, quas diximus, forte nullum fuerit absurdum. Plinius de Lonchitide inquit, non, vt plerique existimauerunt, eadem est quæ Xyphion aut Phalganion, quamquam cuspidi similis semine: habet enim folia Porri, rubentia ad radicem, & plura quam in caule: capitula personis Comicis similia, paruam exerentibus linguae: radicibus prælongis: nascitur in sitientibus.

C A P. X X I I.

VAE in genere bulbaceo florem in summo fructus gerunt; sunt Narcissi, & quædam bulbaceis affinia ut testicularum genera, & Iridis. Narcissus numerosis bulbis cōstat, crassioribus quam australiæ Ascaloniæ: foliis Porri, exilioribus, ac magis planis: caule do- drantali,

drantali, aut ampliore, ferme triangulo: floribus in cacumine ad terram inclinatis, candidis, foliatis, acetabulo quodam mediolunato, odore suavi, sed qui caput replet: fructus triangulus ferme pollicaris, membrana quadam veluti vagina inclusus, in quo femina nigra: oritur in montibus & lato solo: eius summa genera duo: alterum fert unicum florem in singulis caulinis ampliorē, candidiorē, & magis odoratū, cuius acetabulum in tubrum circulū definit, non nisi in montibus oritur: Alterum comofo constat flore, qui & pallidior est, odore magis graui: descendit in plana: virumque vere floret. sunt & hyberna grandioribus tum foliis, tum caulinis. florent circa brumam usque ad Ver: flos aliis geminus in singulis caulinis; aliis copiosior: omnibus calyx intus luteus. quoddam est cuius flores multiplici complexu constat Rosarum instar. extat & quoddam genus calyce prælongo angulo quoque in Appeninis Liguriæ. Dioscoridis descriptio his pulchre quadrat: nam de Narcissō inquit: folia fert Porro similia, tenuia, multo minora, & angustiora: caulem concavum, sine foliis, ultra dodrantalem altitudinem: florem album, intus croceum, in quibusdam purpureum: radicem intus albam rotundam, bulbosam: semen veluti in tunicis nigrum, longum: pulcherrimus nascitur in montibus suavi odore: ceteri Porrum imitantur, & herbaceum quid præferunt. At Theophrastus variis aliquando enim inter venos flores numerat Narcissum, & Lirium, quos non describit, forte tamquam notos, prædictos intelligit distinctis nominibus, aliquando autumnales, alterum genus Lirij esse tradit, quem & Narcissum vocat, de quo paulo mox dicemus. Plinius partim à Dioscoride accipiens partim à Theophrasto confundit, tria genera tradens: unum inter Lilia purpurea: alterum flore candido, calyce purpureo: Tertium cetera eadem: calyce herbaceo: foliis ab radice tantum, non in caule, ut Liliis. Duo vero genera à Medicis assumpta, scilicet duo postrema, quæ à Dioscoride tradita sunt: ex Theophrasto autem accepit de altero tantum Lyrio loquente, tamquam de omnibus intelligens: serotinos esse omnes Narcissos, & post autumnum florere.

C A P. X X I I I.

NARCISSVS Marinus in harenosis maritimis nascitur: eraso bulbo: foliis candidioribus: crassiore caule: in quo flores terni, aut quaterni odorati, grandes, ferme Lilium æquantes, concavi, incisis labris, candidi: calyce quoque candido, multum prominente, præciso: floret sub cane, & aduentante autumno: fructus ceteris Narcissis similes, grandiores; Quidam Hemerocallem putant, quia id Lilium marinum à Dioscoride vocetur, sive Elium, ut Theodorus

dorus vocat in Theophrasto: aliam tamen ostendimus pro legitime
Hemerocalle.

C A P. X X I I I.

NARCISSVS Aquaticus in humectis nascitur: foliis; & cau-
libus longioribus: floribus ex tenui pediculo pendentibus Ca-
lathi figura, sectis, colore candido, sine medio acetabulo. Al-
ter in montibus nascitur breuior, & candidior: floret in fine veris. Qui-
dam Leucoion vocant, quasi Violam albam; quia apud Theophrastum
inter Bulbos numerari videatur, radice orbiculata, candida, & sine squa-
mis. Plinius tamen cum ex Gr̄corum sententia Bulborum genera enu-
merat, Leucoij non meminit, nisi quis Acrocorion appellari ab eo ve-
lit: sed locus apud Theophrastum hoc modo intelligendus videtur: plu-
ra inquit ac pauciora bulbacea dici possunt, quemadmodum in Leuco-
io contingit scilicet Bulbine & que sequuntur.

C A P. X X V.

NARCISVS Autumnalis in montibus nascitur: constat bul-
bo nigriore, ac satis crasso: mense Septembri florem è terza
promit, breui cauliculo instar Croci, colore luteo, quo deci-
dente fructus nullus appetet: paulo post folia erumpunt, humili strata,
virentiora, & maiora quam ceteris Narcissi per totam hyemem: amiti-
tit autem ea aduentante vere. Theophrastus Lilium appellat, alterum
genus, quam id quod inter vernos numerauit, eundem & Narcissum vo-
cari tradit, de quo inquit: folium Albuci terræ proximum gerit, longe
latius, modo Lilij: habet caulem sine folio, herbaceum, florem suo fe-
rentem cacumine, in membrana, veluti vasculo inclusum, large am-
plum, colore Melinum (non μέλινως ut codices habent, id est nigrum)
figura oblongum, qui decidens sponte germinat; idcirco qui colligunt,
desigere eum solent: seitur & radice, quæ carnosa, rotunda, amplaque,
est; serotimus admodum: post Arcturum enim & circa æquinoctium
florebat. alibi de eodem inquit: caulis prius exoritur, quam folia, qui flo-
ris tantum est: flos enim eius plurimum festinat; neque fructum conspi-
cuum parit, sed ipse flos una cum caule desinit, & cum deflorescit, tunc
folia exerunt: germinat post Scyllam: folium large emitit: radix nequa-
quam parua est, quam non magna, figura non absimilis Bulbo, ve-
rum non squamata. Dioscorides à Theophrasto videtur sumplisse, cum
inquit: fructum veluti in membrana nigrum, figura oblongum, quod
Theophrastus flori ascribit.

C A P. X X V I.

VLBACEIS ascribi desiderant Asphodeli, Lilia, Irides, Testiculorum genera, & quæ iis affinia sunt. discedunt autem; quia radicum duplex substantia in his minus conspicua est, & caules in plerisque foliati, ac minus simplices: omnibus autem folia in longitudinem protensa, sine pediculo sunt, ut bulbosis: flores ut plurimum senis foliis constant, & fructus triquetri: calida quoque natura omnium est, acris, & amara, cum crassa quadam humiditate. & in his quoque flos aliis ex sede fructus exoritur, ut Asphodelis, Liliis, Gladiolo: aliis in summo ut Iridi, Testiculis. Asphodelus folia ab radice fert Porri, longissima, non binis tantum ordinibus, sed pluribus in orbem dispositis: caulem nudum ex medio foliorum, bicubitalem, aliquando simplicem ut in Alpibus, aliquando ramosum, ut in Marittimis: flores numerosi, Thyriflos vestiunt, candidi, ex foliolis oblongis constantes: fructus magnitudine Fabæ, rotundi, valde duri; in quibus semina angulosa, aspera, & nigrigantia: radices multas ex uno capite pendentes, veluti coaceruatos Bulbos, oblongos colore intus croceo; contra enim in his sit quam in Bulbosis; in illis enim caput in amplitudinem excrescit, radiculis pendentibus, extenuatis; in Asphodelis autem capite extenuato pendentes radices crassescunt in quamdam rotunditatem, oblongam. Dioscorides describit foliis maioris Porri: caule leui: flore in cacumine, quem Anthericon vocant: radicibus oblongis, rotundis, glandium effigie, acribus. Theophrastus sparsim hæc habet: plantam terrestrem in mari etiam viuere: caule proximo Ferulæ: foliis statim ab radice: radicem carnosam, oblongam, & Glandi similem vescendam. Plinius inter clarissimas herbarum ab Hesiodo & Homero decantatam; nam mandi semine tosto, & bulbo: serì ante portas Villarum remedio contraveneficorum noxas: radix Napis modicis similis est, neque alia numerosior, octuaginta simul aceruatis sæpe bulbis: caulis cubitalis, & sæpeduum cubitorum: foliis Porri sylvestris: Græci caulem Anthericon vocauere; radicem vero idest bulbos Asphodelum: Nostri illud Albacum, & Asphodelum Hastulam regiam, quo nomine & caulem acinosum intelligunt. cuius duo genera faciunt, idest marem & feminam ut Dionysius tradit. Albuco scapus est cubitalis & amplius, purus, leuis, quem præcipiunt exitu mensis Martij & principio Aprilis, cum floruerit, non dum semine eius intumescente, demeti, findi, ac siccari ad cibos: nascitur in sylvis. eorum igitur, qui nascuntur apud nos, montanus famina dici possit; quia simplicior; Marittimus autem Mas, quia ramosior. neuter tamen hodie in cibos venit.

C A P. X X V I I.

PHALANGIVM Asphodelus paruus dici possit; nam in totum Asphodelo simile: multo angustioribus foliis, brevioribusque: caulinis ferme cubitalibus, modo simplicibus, modo ramosis: floribus latioribus, candidioribus, & magis patulis: radiculas fert exiles: nascitur in asperis. Dioscorides Phalangium laudat ad Phalangiorum & Scorpionum iactus; cui ramuli duo, vel tres, vel plures insunt, in diuersa tendentes: flores candidi Lilio similes cum incisuris: semen valde nigrum dimidiæ Lenticulæ figura, multo tenuiore: radix parua, tenuis, herbacei coloris, dum ē terra eruitur: prouenit in collibus. Plinius eadem ferme habet.

C A P. X X V I I I.

ALTERVM genus in Sicilia oritur: foliis fistulosis, vt Cepæ, numerosis circa radicem: caulinibus paulo altioribus, ramosisque: flore Asphodeli, exterius subrubente: radicibus pallidis. hæc toto ferme anno floret aliis subinde subnascentibus caulinis. Si igitur Phalangij radices spectemus, huic magis conuenire quam superiori videntur: color enim herbaceus, χλωρός græcis dictus, sæpe pro pallido accipitur.

C A P. X X I X. .

ASPHODELVUS luteus appelleatur planta apud nos peregrina; cuius radix in totum Asphodelo similis est; globus enim ingens est, veluti aceruorum bulborum: caule autem Lilium præsefert; rectus enim est, simplex, cubitalis, ac foliatus: numerosis foliis, angustis, prælongis, tereti ferme figura, colore Porraceo: prope verticem, ubi desinunt folia, flores numerosi circundant, veluti parua Lilia, lutei coloris: fructus rotundus, Asphodelo crassior, in quo semina sunt proportione crassiora.

C A P. X X X.

LILIACINES vulgo appellantur duæ Asphodelis affines: floribus crocei, figura, & magnitudine Lilij: quarum maior folia fert Asphodelo latiora, binis ordinibus, vt Porrum: caules cubitales, crassos, in cacumine ramosos: paucis foliis: flores amplos, color quasi igneo, qui celeriter marcescunt. Altera minor in totum non excedens

excedens dimidium cubitum : floribus aureis : radices utique tenues, multæ ex eodem capite, ut in Asphodelo. maior in vere tantum floret; minor diutius prorogatur, aliis caulinis subnascentibus. Hemerocalles videtur esse apud Dioscoridem, praesertim quæ Maior appellata est: nam de Hemerocalli inquit: folium, & caulem habet Lilio similia, herbacea autem ut Porra: flores in eo per singulos exortus ternos, aut quaternos diuisura Lilij cum dehiscere ceperint, colore autem per quam pallido: radicem habet Bulbo ingenti similem. videtur autem accipere globum radicum ingentem Theophrastus inter suffrutes coronarios recenset. prouenit inquit semine; nam & ipsa & radix lignosi Theodorus Elium vertit. Hermolaus in Dioscoride inter cætera nomina non Elium legendum putat, sed Lilium Marinum. Plinius Hemerocalles inquit: pallidum & viridi, & molle folium habet: radicem odoratam: atque bulbosam, quæ descriptio detruncata videtur, ac deprauata, ut pates conferenti cum Dioscoride.

C A P. X X X I.

ALOE peregrina in Italia seritur sicut libis locis, apricis, præcipue subecto; odit enim imbres: folia fert pulpa & tenaci humore constantia, valde crassa, ex latitudine in teretem figuram desinentia: aculeis breuibus, & obtusis circa latera: radix vntica, breuisque, tenues fibras spargens: Autumno caulem fert nudum, & simplicem, Scyllæ similem: floribus concavis, & oblongis, deorsum inclinatis, colore luteo: vtuntur recentibus foliis contritis ad vulnera glutinanda, ad callos pedum sanandos: at succus amarus nequaquam extrahitur, qualis est Aloe ex India aduectus, colore Hepatis siccatae. eius suc ci tria genera notantur: quoddam ad tubedinetum magis vergens, cum retitur, puluisculum subroceum reddit, Succotrinum vocant; quasi sub citrinum, quod optimum est; quia purissimum: Alterum Hepaticum nigrius, sincerum tamen: Tertium Caballinum liuidum, arenosumque, deterrium, quamquam amarissimum. Dioscorides inquit Aloe Scyllæ similitudinem habet foliis pinguibus, crassis, in latitudinem modice se pandentibus, rotundis, & retrouersus conuersis: haec & à lateribus ex obliquo maioribus interuallis striantur, & in spinulas desinunt retusas, & truncas: caulis eius non dissimilis Antherico est: flos albus: semen Asphodeli: tota graui odore, gustuque amarissima: radice vna, ceu pale in terram demissa: copiosissime in India nascitur; vnde succus quoque affertur: sed nascitur & in Arabia, Asiaque, & aliquibus maritti mis locis & insulis, ut in Andro: non tamen idonea, quæ incidatur suci gratia: nec vtuntur ea nisi ad vulnera recentibus foliis: nam mirifice

Geg con-

conglutinat contrita & illata. succi duo genera inueniuntur: unum Are-nosi, quod sedimentum esse purissimi cognoscitur: Alterum Iocinoris modo coactum. optima pinguis, nitida, sine arenis, colore ruffo, friabilis, Hepati similis, facile se diluens, & liquefcens amaritudine vehe-menti, improbanda nigra, & stangi pertinax. Adulteratur Gummi, quod & gustu intelligitur, amaritudine atque odoris intentione: & quoniam inter digitos detrita non soluitur in ramenta. quidam miscent Acaciam. Plinius eadem ferme habet: ex quibus patet nostrum non dissidere nisi florum colore.

C A P. X X X I I.

ALTERVM genus nuper ex India Occidentali adiectum est, gran-diis, durius, spinis à latere robustissimis, aduncis: in summis autem foliis aculei recti sunt, veluti acus, colore purpureo: ex-plicantur successiue folia è medio quodam veluti cornu absce-dentia, vestigiis quibusdam reliquis, ac si de industria pietà essent, longitu-dine cubitali, substantia lignosa, ac fibrosa, ut si euellatur aculeus, qui in summo est, filamenta quædam robusta veluti acui appensa simul extra-hantur: radices spargunt in obliquum summa tellure in multam longi-tudinem, vnde soboles enascitur viuacissima, quæ paucis annis crecit in arboream amplitudinem, ut palmæ caudex; non tamen apud nos at-tollitur, neque floret; audio in India arborem esse ingentem vnde trabes fiant: succum inesse dulcem, instar sacchari, qui ex foliis extrahitur: ex eius foliis contusis & maceratis extrahi Linum, quo linteum texunt mol-lissima, candidissimaque: fructum autem ferre Cytinis Mali Punici si-milem. Ecce dum hæc scriberemus, spectaculum pulcherrimum visum est in horto diligenter refosso, quem ruri amanissimum instruxit Re-uerendissimus Antistes Tornabonius: nam vere ex medio foliorum sca-pus elatus est breuibus foliis, & rariss, qui paucis diebus ad altitudinem vndascim cubitorum adolevit simplex, & rectus, in cacumine circum-quaque ramos spargens, veluti latam umbellam constituentes, in qua flo-res in aestate sursum spectantes, digitæ longitudine, exterius herbacei, intus pallidi, explicantur in sex foliola: sed hi sine fructu deciderunt: aduentante autem hyeme caulis torus exaruit instar Ferulae.

C A P. X X X I I I.

LILIVM caule constat recto, ac simplici, bicubitali; foliis prope radicem palmi longitudine, latitudine pollicis: quæ assidue bre-uiora redduntur prope verticem: flores in cacumine terni, aut quaterni, pluresque grandes, candidissimi, ex foliis sex constan-tes,

tes, reflexis labris, odore caput replente : fructus pollice crassior, oblongus : semina rotunda, ossa ex toto , nulla conspicua medulla , sedent in angulis septi ; radici, quæ tenuis, & oblonga in fibras desinit, appendices quedam appositæ sunt sursum spectantes, succosæ, ac bulbosum quod dam caput efficientes, colore candido : feritur in hortis : duo alia genera in sylvis nascuntur, quæ vulgo Martagon vocantur, & Lilia sylvestria . color alteri purpureas, siue potius carneus ; alteri vehementer croceus : utrique puncta insunt nigra veluti litura quedam flori inscriptæ . caulis utrique brevior, vix ad cubitalem altitudinem accedens. que croceum florem fert, pallidâ habet & radicem, & bulbosum caput, folia angustiora , quam domestici : florem unum , aut duos sursum spectantes , figura & magnitudine æquales domestico . Quæ autem purpureum florim gerit, folia habet latiora , ex interuallis quaterna aut quina : summus caulis quandoque sinditur ; unde flores tres, aut quatuor paulo minores Lilio, deorsum spectant, labris vehementer recuruis . Theophrastus Lilia tradit colore differentia, ut Leucoion ; nam neque desunt Lilia purpurea : vniacula inquit in vniuersum fere assurgunt, bicaulia ratio : singulis caulis alias unum Lilium, alias plura exeunt : pars enim postrema effundit, quod tarius contingit . radicem habent copiosam , carnosam, & rotundam , Fructus auillus germinat, & Lilium reddit, sed minus : lachrymosum præterea quoddam confluuium facit, quod & serunt; nam sole siccata lachryma exire videtur : caulis quoque concisis nascitur, & toto caule propaginato . vere floret cum Viola alba, aue paulo post : quod autem scribit, quoddam genus Liliæ in paludibus & stagnis nasci, quod terram minime attingit, Liliis simile natura, sed foliosius , & quæ sequuntur, laudatum ad mulierum profluvia , videtur Nymphæam intelligere . Plinius de Liliis inquit : nullis florum excelsitas maior : interdum cubitorum trium, languido semper collo, & non sufficiente capitis oneri : candor eius eximius ; foliis foris striatis, & ab angustiis, in latitudinem paulatim sese laxantibus, effigie Calathi, resupinatis per ambitum labris, tenuique filo & stamine stantibus in medio crucis : ita odor, colorque duplex, ut aliis calycis , alius staminis differentia angusta, est & rubens Lilium, quod Græci Crinon vocant: sunt & purpurea Lilia , aliquando gemino caule, carnosiore tantum radice, majorisque bulbi, sed vnius, Narcissum vocant . At rubentia Lilia adhuc non vidimus , cum tamen in Italia nasci testetur Plinius ; nisi forte crocea intellexerit : nam color adeo intensus, ut ad rubedinem vergat : Dioscorides tradi inquit Lilia purpurea, quasi ipse non viderit .

C A P. XXXIIII.

CANNA Indiæ vulgò appellatur, quædam caulis rectis, bicubitalibus, altioribusque: foliis latis, circa caulem conuolutis, prælongis: flores circa cacumina figura nostri Gladioli, paulo maiores, rubicundioresque: fructus exterius asperi, figura parui Cucumeris: semina intus ossea, omnino spherica, ac nigra: radices multas spargit sine bulbo: seritur in hortis, ac sicutilibus pulchritudinis gratia, Cannam vocant Indiæ; quia caulis veluti Harundineus est.

C A P. XXXV.

AD Lilia videntur pertinere & genera Iridis; flos enim grandis ex foliis sex constitutus: distant tamen positione; nam summis fructibus insident in Iride, inferne autem in Liliis, præterea id peculiare in hoc genere; quod folia non spectant intus & extra, parte scilicet prona ac supina, ut in cæteris, sed in dorsum dilatata, ac lateribus utrisque cōiunctis spectant dextra & sinistra figura gladij anticipitis: alternatim autem in caule exeunt dupli ordine. Inter hæc Gladiolus ambiguus est; floris enim positione cum Liliis conuenit; foliis autem cum Iride: radice vero cum Bulbosis. assurgit igitur Gladiolus in aruis, inter segetes: simplici caule, ac recto, ferme cubitali: foliis angustioris gladij, firmis: prope summum caulem à latere flores exeunt in purpura fabruentes, ac modice hiantes, Croco breuiores: fructum rotundum Auelanæ Nucis amplitudine, intra quem semina rotunda continentur, cartilaginea, exiguo pericarpio rubente abducta: radix Croco similis, tenuior, durior, bulbo novo superius insidente veteri. Dioscorides Xiphion vocat, quasi ensem, & Machæronium quasi gladium; quoniam folium, inquit gladij modo mucronatum inest: Iridi quidem simile, sed minus, & angustius, nervosumque: caulis assurgit in cubitalem altitudinem, in quo purpurei flores cum versu inuicem distantes positi sunt: fructus rotundus: radices duæ, una alteri insidet, ut parui bulbi, quarum inferior gracilis est, superna vberior: nascitur in aruis; vis inest superiori extrahendi spicula, & cætera corpori infixa. Theophrastus (ensem vertit Theodorus) radix inquit decocta dulcis est, & trita farinæ admixta panem dulcem, & innoxium reddit: rotunda est & sine cortice, capillamentis Gerhyi, modo fibrata: circa eam Scolopendræ multæ congregantur; gaudent enim ea herba. Quidam Pugionem vocant: folium ad ens effigiem; unde nomen. idem Thedorus Gladioli nomine non hanc plantam intelligit apud Theophrastum, sed Cyperum, ut Plinius aliquā do

do vocat. Plinius de Xiphio inquit: à multis putata esse eamdem cum Lonchitide; diuersam tamen esse, quamquam cuspidi similis semine: in humidis nasci, cum primum exit gladii specie: caule duum cubitorum: radice ad Nucis Auellanæ figuram simbriata, quam effodi ante messem oportet, siccari in umbra.

C A P. XXXVI.

Ris vulgò Lilium purpureum vocatur: oritur gracili solo, & inter macerias: radicibus in obliquum tendentibus, crassis geniculatisque, colore candido, odore suavi: vocatur radix vulgò Ghiaggiolo, quæ linteis interposita defendit à tineis, simul, & odore commendat: à singulis geniculis folia exēunt latiora Gladiolo, subcandida: caules crassi, & cubitales: ex alis foliorum ramuli exēunt, in quibus particulatim flores nascuntur, Lilio æquales, ternis foliis vehementer resupinatis, latisque, colore cæruleo in Violam desinente, ternis aliis erectis, simili colore, sed intra calycem quædam colorum varietas spectatur, ex flavo, & puniceo: eorum odor caput grauat; extat & cuius flos ex toto candidus est: duo præterea habentur pusilli genera, in vâlde sterili solo, & ferme in saxo; radicum segmentis breuioribus, rotundioribus; caule palmum alto: flos alteri purpureus, vt cæteris, cui & radix odoratior: alteri flos pallidus; radix autem inodora. D. oscordes Iridem inquit ab Arcu cælesti nomen accepisse: folia fert Gladioli, maiora, latiora, ac pinguiora: flores in caule ipso alternatim ptoneniant, inflexi, varijs coloris, aut enim candidi, aut pallidi, aut lutei, aut purpurei, aut cærulei conspiciuntur, qua coloris diuersitate quædam imago arcus cælestis repræsentatur: radices subsunt geniculatae, solidæ, odoratæ, quæ recisa & filo suspensa in umbra siccantur. laudatissima in Illiria, Macedoniaque, earumque illa optima, quæ radice constat densa, minuta, fractu contumaci, colore subrutto, odore vehementer iucundo, gustu magis feruido, (alij legunt amaro) olfactu sincero, non redolente situm, quæ cum tunditur, sternuta menta commouet: deterior Aphricana, quæ alba, & amara: inueteratæ redines sentiunt, sed odoratores redduntur. præcipua vis ad excretiones faciles reddendas in tuffi, extenuat enim crassos humores: purgat pituitam, & billem. Theophrastus meminit tantum inter odorata, Theodorus Consectatricem vocat. In Illiria inquit, & circa Adoriam laudata, & cæteris præstantior: sola inter odoramenta Europæ, non tamen parte marittima, sed mediterranea, magisque ad Septentrionem sita; cultus ei nullus accomodatur, nisi quod ablaqueatam solent resicare: Plinius caulem inquit habet cubitalem, & rectam: floret diuersi coloris specie, sicut Arcus cælestis; unde & nomen radice tantum commenda tur

tur vnguétis & medicinę: laudatissima in Illirico, non in maritimis na-
ta, sed in sylvestribus Drilonis & Natone, brevior cæteris: namque in
Macedonia longissima est, & candicans, quæ in Aphrica amplissima in-
ter omnes, gustuque ammarissima: Illirica quoque duorum generum
est Rhaphanitis à similitudine, quæ, & melior. Rizotomos subruffa.
Aliibi inquit Iris tufa, melior quam candida. Forte apud Aetium Iris
Astragalitis pro Rhaphaniti accipienda: est enim Astragalos Rhapha-
no similis radice: erit autem Rhaphanitis, quæ in rotunditate oblonga
est: Rizotomos autem, quæ veluti mutilata, detrunctaque est: melior
autem Rhaphanitis, quæ præcipue minuta sit, & subruffa.

C A P. X X X V I I.

QUABDAM Apud nos peregrina seritur in hortis: angustissimis
foliis, virentibusque: floribus quoque tenuioribus, ac pul-
crioribus, ob colorum varietatem, qui & odorati sunt: radices
fert tenuiores, extra rufescentes, at minus odoratas: vulgò Iris
Illirica vocatur. an hæc fuerit, quæ à Plinio Rizotomos appellata est
inter Illiricas, colore rufso, scilicet radicis. cui præfert Rhaphanitum.

C A P. X X X V I I I.

SPATVLA fætida vulgò appellatur in ruderibus nascens; folia fert
Iridis, sed nigriora, odore ingrato: flores tenuiores, colore vario,
sed tristi, purpureo scilicet intus cum desinente: fructus magnitu-
dine Nucis Iuglandis, sed oblongus, quo dehiscente per hyzem, semi-
na ostenduntur rubicunda, magnitudine Ciceris: radices extra rufescen-
tes figura & magnitudine Iridis. Dioscorides Xitin vocat, & Irim Syl-
vestrem: hæc inquit folia habet Iridi similia, sed latiora, mucronataque,
è quorum medio ſcaulis affurgit cubitalis, ſiliquas ferens triquetras;
quibus incident flores, purpurei, habentes in medio quid puniceuni: fru-
ctus in folliculis continetur, similis Fabis, rotundus, rubens, acris: radix
longa, geniculis multis, ruffa utilis in vulneribus capitis, ad ossa fracta,
ſagittas, & infixa corpori sine cruciatu extrahenda.

C A P. X X X I X.

ACORVS vulgò appellatur in palustribus nascens, grandior Iri-
de: floribus luteis radicibus rubris, tum extra, tum intra, in
odoris, gusto astringentibus, crassis. hanc Irim palustrem appel-
lari posse reor, intelligi q; à Theophrasto & Plinio Irim improba-
tam

tam, quæ in maritimis nascitur. Alius autem est Acorus apud Diosco
ridem, ut mox patebit.

C A P. X L.

INTE R radices ex Oriente aduectas, quædam habetur nostro Acoro
similis, figura magis intorta, colore exterius rubro, vel subnigro, in-
teriorius albo, sapore feruenti, qualis in Galanga: idcirco Galangam
maiores vocant, huic satis conuenit descriptio Acori: nam apud Dio-
scoridem Acorus folia habet Iridi similia, angustiora: radices quoque
non absimiles, sed implicatas, non in rectum actas, sed in obliquum, &
summa tellure, Geniculis distinctas, subalbidas, gustu feruentes, olfacta
non ingratas: præstantissima, quæ prædensa, alba, plena, non cortosa,
odorata, qualis in Chalcide & Galatia nascitur, ubi Asplenon vocatur,
quia Splenen minuit. Plinius similiter describit, sed radices inquit ni-
gras esse, intelligens scilicet externam superficiem: optimam nasci circa
Phasis Amnum, & vbi cumque in Aquosis: Creticas candidiores Ponti-
cis. siccari vtribus in umbra, digitalibus frustis. Serapio ex Dioscori-
de transcribens addit flores croceos, radices exterius ad rubedinem ten-
dentes: semen plenum, densum, & tumidum, odoris iucundi. Apud
Theophrastum Venena vertitur à Theodoro: sed ubi recenset cum Cnico
& iis quorum semina in flores desinunt, non Acoros ut puto legendum
est, sed Acanos. De Galanga inter Cyperos explicatum est.

C A P. X L I.

CHINNA, seu Cinna, appellatur vulgo radix ex India orientali
nuper allata, ex regione Sinarum radix est tuberculosa, & crassa,
Arundini fere similis, exterius colore rubente, aut subnigro, in-
teriorius candicante, aut subrubente: densa quidem & ponderosa, cum suc-
cosa est, ac Vegeta, sed succo exinanito fūgosa redditur, & leuis instar Gal-
lae: quod præcipue patitur cum in aqua maduerit, & amplius, si deco-
cta fuerit. sapor inest insipidus, referunt locis maritimis nasci similitu-
dine patui Calami: repertam eamdem nunc in Occidentali India testan-
tur colore interius magis rufso: cum primum eam radicem vidi, suspi-
catus sum esse nostri Acori vulgaris; nam valde recens erat: ut autem
coniectari licet ex parte caulis, qui aliquando radici adnexus est in Chin-
na Orientali, potius ex genere Iridis videtur esse, quam Calami; tenuis
enim est, & solidus. Lusitani ab Indis eius usum didicerunt efficacissi-
mum in sanandis non solum morbis inueteratis, ut in Occidente per Sar-
zparillam, & Lignum Sanctum, sed etiam morbis acutis, & febribus:
minifuge

mitifice enim sudores prouocat. Sicci est temperamenti in secundo gradu, cum pauca caliditate, tenuum partium: non enim corpora excalfacit, vt lignum Guaiaccum & Sarzaparilla: idcirco datur, & febrietibus; nam febres longas sinit, obstrukiones aperit, Iteritiam sanat, Hydropem, Ulcera prava, Tubercula, dolores, paralysim, Distillationes, Melancoliam, & tandem vnicum remedium omnes pene morbos extirpat; idcirco apud Indos in precio est praet omnis ualiis remediis. exhibetur autem radicis decoctio, cuius modus traditur. radicem incident in taleolos tenues, quarum assumunt vnciam vnam, aquae libras 12. asseruant in olla obturata horis vigintiquatuor, deinde coquunt leto igne carbonibus prius ignitis absque fumo, donec dimidia pars aquae absumentur, relictis libris sex: cum refrigerata fuerit, colant, asseruantque in vase vitro, loco calido prope ignem, sic enim diutius perdurat incorrupta. cum Aegre purgatus fuerit propinant huius aquae per quam calentis in aurora vncias decem, præcipiuntque ægrum operiri, vt sudet saltem duabus horis, postea sudore absterto induat vestes calidas, quiescatq; duabus, aut tribus horis; prandeat postea initio assument lusculum calidum pulli Gallinacei; deinde carnes eiusdem cum pane biscocto, aut corticibus, & in fine cotoneorum pulparam; potus sit eiusdem aquae & in prandio & interdiu: non enim duplex paratur, vt in ligno Sancto. post horas octo à prandio iterum in lecto assumat vncias decem eiusdem aquae calentis ac sudet, vt prædictum est, & post sudorem hora vna cener vuas passas, aut Amygdalas, & panem biscoctum cum eodem potu, & carne Citoniorum cenam claudat. Hunc modum & præscriptam vietus rationem in morbis diuturnis & Gallica lue obseruet triginta diebus continuis; non enim alia purgatio intersetenda, cum largus sudor satisfaciat: maneat interim in thalamo tutus à frigore. Post id tempus per quadraginta dies vtetur cibis boni succi, abstinebitque à vino, cuius loco, bibet aquam hoc modo paratam, assumendæ sunt radicis Taleolæ prius decoctæ & in umbra exsiccatæ, quarum vncia vna in libris duodecim aquæ infundantur per horas vigintiquatuor, deinde vt prius coquatur ad dimidiij consumptionem, serueturque, vt dictum est singulis diebus decoctionem parando, non enim diutius perdurat incorrupta.

C A P. X L I I .

ALIA estradix inter aromata ex Oriente allata, quæ in hoc generi videtur reponenda: in obliquum enim progreditur inæqualis ob geniculorum frequetiam, segmentis non intortis, vt in Acoro, sed rectis, digitæ crassitudine, longis, colore albo, substantia nequam solida, sed laxa, & quasi fungosa, sapore acri, cum quadam amaritudine:

ritudine : odore per quam iucundo : venditur vulgo pro Calamo Aromatico, viret hodie planta apud Serenissimum Magnum Ducem, foliis multo longioribus Iride, virentioribus, & valde odoratis : multas radices summa tellure spargit : gaudet aquis : eius florem non vidi ; sed vere, dum hec cuderentur, folium quoddam tenuius inter cætera latiora tulit iuncum instar caulis, cui medio insidebat in canali Amentaceum quid herbacei coloris, veluti panicula, digitali fermè longitudine fastigata ex minutis, ac densis floccis compacta puluisculum quendam pallidum fundentibus sine fructu. Hanc autem in hoc loco inserui sperans flores, & fructus, quales in Iride visuntur, laturam, ut folia, cum potius conuenire cum Iuncis reperta sit. Huic satis conuenit Costi Arabici descriptio, quamvis paucæ eius notæ ab authoribus tradantur. Inquit Dioscorides Costum maxime laudari Arabicum, qui albus est, leuis, pluti timi odoris, ac iucundi. Secundo loco Indicum, qui crassus, leuis, ac niger est veluti Ferula. Tertio Syriacum, qui grauis, colore buxeo, odore feriens. optimum autem esse recentem, candidum, ex toto plenum, densum, aridum, minime carosum, non graue olentem, gustu mordaci, & ferido; adulterari autem radicibus Helenij : deprehendi gustu, non adeo mordaci & olfactu nequaquam valido : inæquales igitur ac tuberosas esse Costi radices patet ex Helenio, quo adulteratur, & ex radice Rhodia, cui Dioscorides Costum comparat : de Piperis radice, quæ Costo similis traditur, minus certi habemus : nec enim scribitur, an Fruticis eius radix eruatur alicuius utilitatis gratia : quamvis optime hystoriam Piperis tradiderint Lusitani. Quod si Galanga ob Piperis saporem putata sit quondam esse Piperis radix, eaque intellecterit Dioscorides: id confirmabit nostram de Costo sententiam : est enim prædicta radix non absimilis Galangæ, crassitudine scilicet & geniculorum frequentia : sed discrepat colore, rectitudine, odore, ac levitate substantiæ. Plinius Costi radicem tradit gustu feruentem, odore eximio, frutice alias inutili : Duo eius genera, nigrum, &, quod melius, candicans. Hodie pro Costo venditant Ferulæ cuiusdam radices, concisas in taleolas, sapore quidem feruente, sed sine villa odoris gratia : ut neque Costum nigrum dici possit, quamvis Ferulæ simile. Tertium, quod colore buxeo traditur, forte Zedoaria fuerit vulgo appellata ab Arabibus autem Zurumbet. Venditur enim radix eo nomine pollicis crassitudine, in rotunditate oblonga, candicans interius pallescens, amaro & acri sapore; odore valido, non ingratu. De hac Serapio inquit : radix est Aristolochiæ rotundæ similis, sapore & odore Zimziberis, que potissimum è Syria aduchitur, laudata ad morsus venenatos potu. Dioscorides quoque Syriacum huiusmodi Costum vocat, quod colore buxeo, Aristolochiam imitatur. Garzias Lusitanus Zurumbet Arabibus vocatum, acceptum autem pro Zedoaria,

nasci testatur copiosum in India partim sponte, partim satum & semine & radice: à multis vocari Zinziber sylvestre non sine ratione; nam foliis Zinziber imitatur, maiora tamen sunt & patula: radix quoque paulo maior Zinzibere: Eruitur radix, & frustatim conciditur, siccaturque, inde fertur in Persidem, Arabiam, Alexandriam, & Venetias. Conditur quoque saccaro gravior Zinzibere condito. At veram Zedoariam, cuius meminit Auicenna Geduar appellari vulgo radicem ex regionibus Chinæ vicinis ferri similem Glandi forma & magnitudine, translucidam, valde caram, & raram, ob vires efficaces aduersus venena.

C A P . X L I I I .

ZINZIBER videtur ex hoc genere esse, radix scilicet acerrimi saporis, odorataque inter Indicas merces ad nos comportata; frequentibus geniculis distinguentibus radiculos laterales, pollicis crassitudine, ac minores, colore candidante, quamquam sunt, quæ extensis rubro colore infectæ sunt, non secundum naturam, sed rubrica infectæ, ut magis à teredinibus præseruentur: cui vitio obnoxiae sunt magis, quæ candidiores, mollioresque sunt. Ludeuicus Romanus in terra omnifariam rubre nasci testatur. Audio à Lusitanis, qui Indicas regiones perlustrarunt; folia ferre Harundinis. Garzias folia Iridis aquatica tribuit, aut Gladioli paulo nigriora: caulem duorum, aut trium palmarum altitudine: radicem quoque Iridi similem: affumi recentem in acetariis titram, incoqui etiam cum piscibus & carnibus. Dioscorides eius radices tradit Cyperi modo paruas, candidantes, & odoratas, atque sapore Piper imitari: vnde quidam putauerunt Piperis arboris radices esse: differre autem; nam Piperis radices, Costo similes esse, ora gustantium accendere, & saliuam ciere. Plinius Zingiberim, & Gingiberim vocat in Arabia, atque Throglophytica nasci radicem candidam, non Piperis, licet sapore simili, sed parue herbae: celeriter cariem sentit, quamvis in tanta amatitudine.

C A P . X L I I I I .

SEACVZ apud Arabas, in Sicilia Zinziberem vocant ob radicum similitudinem cum Zinzibere Indico. Folia fert Porti breviiora, ac latiora: caulem nudum, palmi altitudine: in cacumine unius florem specie & colore Iridis: floret hyeme incipiente. Utuntur in cibis radicibus conditis, pro Zinzibere. Serapio sic describit: herba est radices habens crassitudine pollicis, longitudine indicis, inuicem implexas, summa tellure geniculatas, ex singulis geniculis folia excurrent similia.

lia bulbo : in cacumine flores fert vere & singulorum mensium principiis, colore Violæ, grandiores : cum flos deciderit, fructus fert nigrum, magnitudine Ciceris, humore plenum, sapore dulci : radices quoque similis sapore praeditæ sunt. nascitur in umbrosis & prope magnarum arborum radices, & locis humectis, colligitur in tempore messis. temperatum calidum & humidum in primo gradu : incitat ad Venerem : semen adaugeret, & genitalia intendit, præsertim cum melle condita, idem alibi inquit: Secacul radicem esse Zinziberi similem, & ad ushi ex India, ac conditi, dum recens est.

C A P . X L V .

SA TYRIVM seritur apud nos peregrina plata: folia fert ab radice, Portio longiora, angustiora, quæ triangula : caulem dodrantalem, simplicem, & nudum, cuius summo folium unicum est conuolutum, è cuius siue, flos egreditur in eunte vere, Lilio tenuior, ternis foliis retrouersis, colore quasi purpureo ad nigredinem vergente, ternis aliis, dehiscentibus tantum, & calyce expletibus, qui summo fructui insidet : fructus pendet crassus veluti Iridis, in quo semina rotunda, ossea, membrana quadam pingui obducta, ac splendente, primum candente, dein flauescente : radices ternæ, una quæ sursum attollit, digitæ longitudine, ruffa, quæ virile membra representat, erectum, quodam etiam præputij vestigio : duæ aliae ab eodem principio deorsum tendant, similes binis testiculis pendentibus, primum colore candido deinde rufescunt exterius, cum ad perfectam magnitudinem peruererunt: quo tempore, tertia iam languescit : alia præterea radiculæ fibrosæ insunt in exortu, pubem referentes. Germinat anno sequente ab inferna parte radicum descendentium, ab eodem extremo & binos testiculos inferius demittens, & caulem superius : eruuntur æstate radices vegetæ, postquam exaruerit caulis, quæ sub cineribus coctæ, & à tenui membrana purgatae, gustui gratae sunt, colore candido, molles : edentibus vires intendunt ad Venerem exercendā. ex hoc genere esse censemus est radices ex Aphrica allatas Asphodeli bulbis similes, rotundiores, colore exterius ruffo, interius candido, quas more Castanearum sub cineribus coctas, ac delibratas comedunt : ideo Castaneas terrestris vocant. Dioscorides Satyri duo genera assert : vnum, quod Trifolium cognominatum est, ternis foliis, ad terram infractis, Rumici, aut Lilio similibus, minoribus, rubrisque : caule nudo, cubitali : flore Lilij, candido : radice bulbosa, Malii magnitudine fulua, intus ut ouum candida, gustu dulci, & ori non ingrata, ad hoc genus forte pertinent radices ex Aphrica, quas Castaneas terrestris appellari diximus. Alterum Erythronium cognominari te-

statur : semine Lini, maiore, duro, splendente, & leui : quod fertur non
 secus atque Scincus libidinem excitare : radicis cortex gracilis, rufus,
 intra quem album includitur, sapore dulci, ori non ingrato : nascitur
 in montosis & apricis : proditur, radix si manu teneatur, Venerem stimu-
 lare, eoque magis si bibatur in vino. conueniunt hæc Satyrio à me de-
 scripto, cuius radix ob pudendi similitudinē non mirum, si manu con-
 crecta excitet concupiscentiam. testatur & Theophrastus herbam, quā
 Indus attulerat, mirę virtutis ad rem Venetam, quæ non solum edenti-
 bus, sed & tangentibus tantum vim adeo vehementem genitalibus fieri,
 vt quoties vellent coire, valerent : qui vñsi fuere, duodecies egisse fatentur:
 Indus ipse, utpote robustus, & magno corpore septuagies egisse fateba-
 tur aliquando, vt tandem semen guttatum, & cum semine sanguis emit-
 teretur : & mulieres vehementius eo medicamento incitari ; Plinius Sa-
 tyrij nomine non solum has sed & Testiculorum genera appellari tradit
 ob vim concitaticem ad Venerem. Græcorum autem sententia Satyrium
 inquit : foliis Lilij rubri, minoribus, & tribus non amplius è terra exeu-
 tibus : caule leui, cubitali, nudo : radice gemina : cuius pars inferior,
 & maior mares gignit : superior ac minor feminas. Qui putauerunt
 hoc genus Satyrij confundi à Plinio cum Cynosorchi ob radicum pro-
 prietatem, non animaduerterunt rem contrario modo habere in Cyno-
 sorchi : superior enim pars in ea plenior ; inferior rugosa : in Satyriis au-
 tem superior euanida fit, in crescētibus inferioribus, nec repugnat, quod
 Dioscorides tamquam vnicam Satyrij radicem, Malii modo rotundam
 tradere videtur : nam semine perfecto superior omnino euanuit, inferio-
 res, quamquam geminę, tamen in crescētante caule abiunguntur, & singu-
 la aduentante hyeme germinant. De Erythronio autem idem Plinius
 inquit : semen Viticis habere, quod magis congruit quam semen Lini ;
 rotundius enim id semen est : cæteræ conditiones ex Dioscoride assump-
 tæ sunt. addit arietibus quoque & hircis segnioribus in potu dari, & à
 farmatis equis ob assiduum laborem pigrioribus in coitu : vim eius re-
 stinguit aqua mulsa, aut Lactuca sumpta. Arabes Testiculum Vulpis
 appellant utrumque genus Satyrij, vt apud Serapionem legitur.

C A P . X L V I .

TE STICVLORVM genera vulgo Satyria appellata, à geminis tu-
 beribus, testiculorum modo, molibus, candidis, & sperma hu-
 manum redolentibus, iuxta tenues radiculos : simplicem cauli-
 culum ferunt, mollem, a rectum : foliis, Lilio breuioribus, vt pluti-
 um humi sparsis, tribus, aut quatuor, paucis aliis caulem vestientibus :
 flores in spica hiantes, veluti lingua exerta, yatio modo, & colore ; Nam
 aliis

aliis lingua lata est, & deorsum flexa in multam longitudinem : his color rubens, aut ex rubro quasi nigricans : aliis figura & colore Apem florri insidentem æmulatur : bifurcata aliis est, ac longissima, serpentis more vibrata, colore purpureo, cuiusmodi genus in Vrbeuctano visum est. pleraque alia genera sunt tenuioris floris, modo candicantis, modo purpurascens, modo versicoloris. fructus omnibus oblongus, & triquetrus, molliisque, nullo intus semine, sed aut mucro, aut puluisculo. distant quoque foliis, magnitudine, ac patuitate, paucisque differentiis : radices vero aliis Oliuæ modo oblongæ subsunt : aliis rotundiores ; quibusdam ternæ, sed plurimis binæ ; quarum altera Vegeta, & succi plena ; altera rugosa ac senescens. Quibus folia latiora sunt, radices quoque grandiores, & flores in spica densiores, ac tenuiores : oriuntur in sylvis. Quæ autem exilioribus foliis, ac radicibus constant, ut plurimum flores habent grandiores, rarioresque : oriuntur gracili solo, & laxo. Dioscorides Orchim vocat ; idest testiculum, cuius duo genera ponit ; vnum, qui Cynosorchis dicitur, idest Canis testiculus ; alterum qui Orchis serapias. De Cynosorchi inquit : folia fert circa vnum caulem, humi strata, Oleæ molli similia, angustiora, proceriora, & laevia : caulem dodrantalem : flores purpureos : radicem bulbosam, oblongam, getminam, Oliuæ modo angustum : superior, quæ plenior est, inferior, quæ mollior & rugosior. Eduntur radices coctæ, vt bulbi, ad prolem procreandam & Venerem incitandam, vel compescendam, vira edatur Vegeta vel rugosa ; nascitur in lapidosis & fabulonibus. de altero, qui Serapias cognominatur inquit : foliis constat Porri, oblongis, latioribus, pinguibus, & circa stolones suos inflexis : caule dodrantali : flore quasi purpureo : radice testiculis simili. Apud Theophrastum de Testiculo loquenter, incertum est, quid intellexerit, cum eius folium Laferis dixerit : caulem, vero simillimum Spinæ, quam Pyrum vocant. Plinius eum, qui Serapias cognominatur, describit, vt Dioscorides, subiungit postea : quidam folio Scyllæ esse dicunt, leuiori, ac minori : caule spinoso : quæ ex Theophrasto videtur desumptissæ loco eius verbi σιλφάδης, σκυλλάδης, scribente rectius : forte & caulis simillimus non Spinæ, sed Acantho dicendus est : ἔχει enim apud Theophrastum, eadem cum Acantho Di scoridis, quam Theodorus Spinam vertit. præterea loco Pyri legendum videtur Tritici, qui Græce πυρός dicitur : est enim caulis simplex in spicam desinens, vt Tritici : locus igitur in Theophrasto habens : Εἴχει δὲ τὸ μὲν φύλλον σκυλλάδης, λειότερον δὲ καὶ ἔλαπτον : τὸν δὲ καυλὸν ὄμοιοτάτον ἀπιγράψατο ἀκανθή, multis mendis scater, & corrigidus est hoc modo. Εἴχει δὲ τὸ μὲν φύλλον σκυλλάδης, λειότερον δὲ, καὶ ἔλαπτον : τὸ δὲ καυλὸν ὄμοιοτάτον πυρῷ ἔτοι ἀκάνθη : idest folium quidem habet Scyliæ simile, leuius, & minus : caule autem simillimum Tritico, aut Acantho.

Ex his patet Orchim Serapiam apud nos illud genus dici posse, quod in sylvis nascitur grandius : densiore in spica flore : Cynosorchim autem reliqua genera angustiori folio constantia, & radice. Idem Plinius utrumque genus Testicularum Satyriū vocat inquiens : duo eius genera: unum longioribus foliis, quam Oleq : caule quatuor digitorum : flore purpureo : radice gernina, ad formam hominis testium, alternis annis intumescente, ac residente : altera Satyrion Orchis cognominatur, & feminina esse creditur : distinguitur internodiis : & ramosiore frutice : radice fascinis utili : nascitur fore iuxta mare.

C A P. X L V I I.

PA L M A C H R I S T I vulgo appellatur in sylvis nascens, alioquin Testiculo Serapiæ similis, sed binis illis radicibus bifurcatis, aut in plures digitos diuisis, ac si binæ manus vncæ essent, extensis digitis : huius folia punctis quibusdam, aut maculis nigris distinctæ sunt : flores in spica densi, ex purpura albicantes. Ferunt quandam pallidis radicibus ; ideo digitos citrinos ab Auicenna appellari : inquit enim : eius figuram esse similem volæ manus ; colore commixto, ex luteo & albo ; duram cum quadam dulcedine : esse quandam citrinā absq; albedine, puluerulentā, calidi & fisci temperamenti : inesse vim soluendi crassos valde humores, cutem abstergendi : conferre neruosis partibus & maniæ. recentiores Palmam Christi laudant ad comitiales ; si feminis draconia ex vino bibatur, aut radicis decoctum continuo vsu, vt eo vinum temperetur in prandio & Cena : Quartanam quoque fugari eius radice, vt quidam experimento testantur. vtuntur alij radicibus exciscatis, & in puluerem contritis ad Hydropes, Censuerim apud Dioscoridem hanc non distingui à Testiculo Serapia, quam tradit sic cognominatam ob multiplicem utilitatem, quam præstat eius radix. Satyrium basilicum, quasi regium à Græcis recentioribus appellati creditur.

C A P. X L V I I I.

OPHRYS quasi supercilium, caulinus est tener, supra dodrantalem altitudinem : duobus tantum foliis, Elleboro albo similibus, rotundioribus, in medio ferme caule, tamquam superciliis coniunctis, modice deorsum reflexis : flosculi veluti in spica rarius dispositi ; deorsum mutant, coloris herbacei, forma Galericuli, linguis bifurcatis, deorsum spectantibus : fructus parvus, ac rotundus, mollis, nullo intus semine, sed veluti puluisculo : radices tenues, vt Ellebori albi, odoratæ, in obliquum tendentes : oritur in montibus, umbrosis, & riguis :

riguis : gustus inest glutinosus, & subdulcis : vtuntur quidam ad rupta.
Plinius herbam tradit denticulato oleri similem : foliis duobus, quas ca-
pillum denigrat.

C A P . X L I X .

SIGILLVM Sancte Mariæ vulgo appellatur : aliis sigillum Solo-
monis, quod tamen aliud est à Polygonato, & à Secacul Arabum :
caule simplici, recto : foliis Polygonati, aut Ellebori albi : in ea-
cumine flores tres, aut quatuor, candidi, figura Gladioli, sed minores,
summo fructui insidentes, vt in Testiculorum generibus : fru-
ctus oblongus, triquetrus, in quo loco seminis humor continetur, qui maturitate
in puluisculum nigrum transit : radiculas tenues, & multas spar-
git, candidas, Ellebori modo : oritur in umbrosis monti-
bus. Alterum genus : foliis longioribus : floribus ex
candido purpureo-scentibus : radicibus subhauis :
Tertium angusto folio, vt Lilij, magis fasti-
giato : floribus candidis : candidis
quoq; radiculis : oritur in col-
libus, præcipue ma-
rittimis.

AN-

ANDREAE CAESALPINI
ARETINI
DE SVFFRVTICIBVS ET HERBIS.
LIBER VNDECIMVS.
CAP. PRIMVM.



VAB in communisede quaterna ferunt semina, omnia, quæ hucusque nouerim in genere humili, folliculo quodam florem tegente includuntur, nec iis aliud vasculum proprium datum est intra florem: idcirco extrinsecus perspici possunt semina, postquam flos de cederit, nisi iterum folliculus conniveat: omnibusque flos ex sede seminis exoritur: differunt autem; quoniam semina alia quidem cor in summo gerunt, ut Buglossa, & An-
cusrum genera: alia autem è contra scilicet in sede vim genitalem ge-
runt, vt Salvia, Marrubium, & alia multa illis affinia. folliculus autem in illis quidem dissectus est, ut Buglossaceis; in his autem integer, ut in
profundo magis lateant semina. flores omnibus vnico folio constant,
concauo, pro figura folliculi, quo includuntur; quorum alij in os orbi-
culatum desinunt, vt Symphyti, Anchusa: alij dissecti, vt Buglossæ,
Borraginis.

C A P. II.

BUGLOSSA, quasi lingua Bouina, herba sponte nascitur locis sa-
bulosis: radicibus crassis, longitudine cubitali, tuberosis, exterius nigricantibus: à quibus folia exeunt, dodrantis longitudine, la-
titudine ternum digitorum, aspera lanugine obducta: è quorum medio
caules assurgunt cubitales, in quibus breuiora folia: cacumina intres
aut quatuor finduntur ramulos, subrubentes, sine foliis; in quibus flo-
res ordine prodeunt cærulei, aut purpurascentes, parui, extremis labris
dissecti: semina nigra & rugosa, figura capituli serpentis cum ceruice,
modo singula, modo bina, raro quaterna: viuit diutius radice, quæ cras-
sa est, longa, exterius nigra, interius candida, tenera, dulcis, succo pin-
gui, quæ condit saccato, gustui grata. Dioscorides Buglossum in-
quit in campestribus nascitur, & sabelosis: Iulio Mense colligitur:
aiunt

giunt eam, quæ tres thyrsos emitit, cum semine & radice tritam, potamque contra terranos horrores prodelle: quæ quatuor ad quartanas; ea in vino decoquitur: facit & ad abscessus: herba similis Verbasco: folium in terra sparsum, nigrum, asperum, bubulas linguas imitans, quod in viuum deiecum animi voluptates auget. vnde Plinius Euphrosynum quoque appellari tradit, at non describit.

C A P . I I I .

BORRAGO vulgo appellatur olus, quod in hortis seritur: folio latiore, ac breuiore quam Buglossum; caule crasso: ramis multis, non in rectum, sed ad latera tendentibus: flores latiores, deorsum inclinati, colore cœruleo, elegantissimo, aut candido: semina nigra Buglosso crassiora: expertuntur in cibis, flores, præsertim cum Lactuca: folia quoque tum cruda tum cocta ex oleo, & aceto comeduntur: radix tenuis, & iaurilis annua tantum: gaudet solo pingui. putant recensiores huic plantæ potius conuenire Buglossi descriptionem, quam supradictæ, cum tamen neque sponte otiatur in sabulosis, neque folia longa, & angusta sint, ut in symphyto Dioscorides tradit, & ut ostendit similitudo linguæ Bouis: neque thyrsi tres vel quatuor insint. Tandem Buglossa tota cum radice & semine colligi præcipitur mense Iulio. At Borraginis radix perfecto semine exarescit, neque collecta seruari potest incorrupta. sed forte Auncenna hanc intelligit, cum describit herbam latam habentem folia Almatu & aspera ad tactum, cuius rami asperi sunt, sicut pedes Locustarum, colore ex Viridi & Citrino: Eligendam vero esse eam, quæ folia habet crassa, super quorum facie sunt puncta, quæ sunt radices spinarum & pilorum exuentium ex ea, cuiusmodi nascitur Corrasceni. nam alibi de Buglosso agit sub alio nomine inquiens: putare se esse linguam Bouis Persicæ, cuius proprietas est leñificare, & tristitiam remouere. Existimo autem Borraginem in Italia quondam peregrinam fuisse, cum de ea nulla fiat mentio ab antiquis inter olera.

C A P . I I I I .

BUGLOSSA Hispana cognominatur quædam: latiore folio, quam nostra Buglossa, punctis quibusdā albis distincto: caule ramoso, cubitali, folioso: flosculos fert inter folia patuos, colore cœruleo, figura Borraginis: vivit radice diutius, ut Buglossa. huic conuenit descriptio Lycopis apud Dioscoridem, de qua inquit: longioribus foliis constat, quam Lactuca, crassioribus, latioribus, asperis, circa radicis caput inclinatis: caulem fert longum, rectum, asperum, ad natis
Ixi multis

multis cubitalibus asperis, in quibus flores parui purpurascentes: radix rubra astringens nascitur in campestribus. Plinius Lycopis eisdem fere verbis describit.

C A P. V.

PULMONARIA apud nos vocatur in Alpibus, locis umbrosis herba folio ab radice Buglossæ Hispanæ, minus aspero, maculis candidis, quibus pulmonem emulatur: caulis primo vere è medio foliorum erumpit, dodrantalis; in quo flores purpurei, & subrubentes spectantur: caulis cito euanevit, foliis ab radice permanentibus: ut uit enim radice diutius, ut cætera Buglossæ genera. Laudant recentiores ad vlcera pulmonis sananda, & sanguinis refectionem, succo eius in potu dato, vel decocto cum saccaro. eodem nomine intelligunt genus quoddam Lichenis, caudicibus arborum vetustis adnatum. Plinius hanc videtur intelligere, cum alterum genus Callæ describit his verbis: folia Lactucæ habet, longiora, plumosa; radicem rubram: ideo quidam Anchusam vocant ad ignes sacros imposita, & ad Iocinoris vitia in vino pota. De prima autem Calla inquit: esse Aro similem: nasci in arationibus: iisdem viribus, ut Arum, ut igitur maculosum est Ari folium, sic & utriusque Callæ.

C A P. VI.

PULMONARIA alia Romana cognominatur herba, cui soli in hoc genere caules insunt laeves, & crassi, ut Portulacæ: folia sub rotunda, nullo pediculo haerentia, alba, maculis aspersa, & spinulis quibusdam horrida: flores inter folia particulatim ordine exeunt, concaui, & oblongi, figura aluearij apum, colore luteo: semen intus crassum, & nigrum, capituli figura leue: oritur in sylvis. Plinius Cerinthen videtur intelligere, quam feri præcipiunt iuxta apum aluearia. Est autem Cerinthe inquit: folio candido, incurvo, cubitali: capite concauo, mellis succum habente: horum florum audissimæ sunt apes.

C A P. VII.

CONSOLIDA vulgo appellatur cespes magnus in palustribus nascens: caulis multis, crassis, bicubitalibus, asperis, & striatis: foliis Buglossi, latioribus, nigris, lanuginine obsoitis: flores fert deorsum inclinatos, figura aluearij apum, colore in purpura nigrante, nunc magis purpureo: semine rotundo: radicibus inititur crassis, ramosisque, succo glutinoso constantibus, sapore aqueo.

Altera

Altera minor in collibus nascens, locis umbrosis, præcipue sub Olea: & locis cultis: folio Borraginis, minore, ac minus aspero: caulinis dodrantalibus, aut paulo altioribus: flore pallescente: radicibus in obli quum sparsis, quibus rotunda tubercula insunt, colore candido, mollia, sapore non ingrato: utræque viuunt radice diutius. Dioscorides Symphyton vocat cognomine Pecton: caulem fert inquit bicubitalem, & maiorem, ferulaceum, crassum, angulosum & inanem, vt Sonchus: circa quem per interualla non magna sunt folia, lanuginosa, angusta, & oblonga, effigie Buglossi: appendices autem in caule sunt secundum angulos quosdam: hoc est tenui folium singulis alis adnexum: flores insunt nigri (sed vulgati codices legunt non Μέλαχα, vt Apuleius habet, sed Μέλινα, idest lutei) & fructus circa caulem Verbasci. totus autem caulis, & folia subasperam lanuginem habent, que tactu pruritum excitat: radices subsunt in superficie nigrae, intus candidæ, & glutinosæ, quarum est usus; ex his manifestum est maiorem Consolidam tantum Dioscoridi notam fuisse; nam alteram non reperio indicatam: Alterum tamen est Symphytum Petrum, de quo alibi.

C A P. V I I I.

ANCHVSÆ appellantur, que in hoc genere radicem ferunt exteriori tubentem, ut manus inficiat, quamquam in Italia is color exiguis habeatur, idque non in omni tempore, sed cum planta caulescere incipit: nam iuniores radices candidæ sunt: seniores nigrae sunt, non caulescunt autem nisi anno secundo: radicem ferunt unicam in altum actam: folia humili strata in orbem, antequam caulescant, in longitudinem fastigiata, Caninis linguis similia, asperaque, Buglossi modo: caules asperos, è quibus inter folia exeunt ramuli postremis partibus reflexi in gremium, unde particulatim cum foliolis flores excent, oblongi, hiantes: semina insunt quaterna, capitulis serpentum similia, in acutum rostrum desinentia, tenuiora, quam Buglossæ: earum differentiæ tres: una maior appellari potest, quæ passim letto solo nascitur: foliis latioribus, pluribus ab eadem radice caulinibus cubitalibus, altioribus: flores primum purpurei excent, postea in cæruleum desinunt, semen subnigrum. altera folio constat angustiore instar pollicis, magis spinoso, cui aliquando puncta quedam insunt, caulis unicus tenuior: flores similes & semina: oritur locis sabulosis. Tertia Lithospermo similis est: foliis Oleo: simpliciori caule, ac lignoso; cui in cacumine duo vel tres ramuli insunt: flosculi candentes; semina subruffa, & aspera, vt ceteris: radix exigua rubescens: oritur locis humectis: omnes perfecto semine ex toto exarescent. Huic similis altera iisdem locis nascens, fruticosior:

seminibus nō scabris, sed levibus, initio subrubentibus, postea albescen-
tibus, specie Lithosperni. Dioscorides tres huiusmodi species describit :
primam foliis Lactucæ, in exilitatem fastigiatis, hirsutis, scabris, nigri-
cantibus, circa radicem numerosis, stratis, aculeatisque : radice digitali
crassitudine, quæ æstate colore sanguineo manus inficit, nascitur pin-
guibus locis : Altera, quam aliqui Alcibiadion vocant, differt à priore
folio minore, at similiter scabro : caules vtrique tenues; quibus summis
flores purpurei, subtubentes : radices longæ, rubræ, mesib; Tritici
sanguineæ: nascitur in sabulosis. est & alia huic similis minor : fructu
rubro, quem dentibus molitum si quis inspuat in os serpentis, momen-
to eum interficit : mirum apud Theophrastum numerari Anchulam in
ter plantas ab radice tantum foliatas : quamquam non similia sint folia,
quæ in caule sunt; multo enim breviora, ac in extremo magis fastigiata.
Plinius Anchusa nomine simpliciter primum genus intelligit : cuius ra-
dix inquit in vsu est, digitali crassitudine : fiuditur Papyri modo, ma-
nusque inficit sanguineo colore : præparat lanas pretiosiss coloribus :
sanat vlcera in cerato, præcipue senum, item adusta : liquari non potest
in aqua, oleo dissolvitur, idque sincerè experimentum est. Est & alia si-
milis inquit Pseudo Anchusa ob id appellata, à quibusdam vero Enchu-
sa, aut Dotis, & multis aliis nominibus, lanuginosior, & minus pin-
guis : tenuioribus foliis, & languidioribus : radix oleum non fundit,
sed rubentem succum, & hoc ab Anchusa discernitur. Ex quibus ver-
bis significari videtur eam, quam primo descripta non legitimam An-
chulam esse, sed Pseudo Anchulam. De secundo genere idem Plinius
inquit pluribus nominibus appellari : paruo frutice : flore purpureo :
asperis foliis, & ramis : radice sanguinea cætero nigra : in sabulosis na-
scens : efficax contra serpentes, maxime Viperas, & radice & foliis æque
cibo, ac potu : vires habet mesib; folia trita, odorem Cucumeris red-
dunt. De tertia Anchusa inquit : est & alia huic similis : flore rubro,
minor : & ipsa ad eosdem usus. at hic flori tribuit rubrum colorem,
quem Dioscorides fructui reddit.

C A P. I X.

ECHION passim iuxta semitas nascitur locis aridis, candidior
Anchusa, & lanuginosior : foliis gracilibus, magisque productis :
caule recto, duorum dodrantum; frequentibus ab imo ad sum-
mum ramulis : foliisque assidue brevioribus secundum proportionem,
vt tota figura Pyramidalis constet : flosculos fert ex candido subruben-
tes : semina Anchusa cinerei coloris : radix exterius nigrescit. Diosco-
rides folia inquit habet prælonga, scabra, subalbida (alij legunt *in-*

Απττα, id est aliquantum tenuia) Anchusæ proxima, minora, & pinguis (addunt alij rubra) spinulis horridula, candicantibus, prædenta quoque est tum foliis, tum caulinis multis tenuibus; utroque autem latere foliola sunt tenuia, seriatim disposita, nigrantia, assidue minora in cacumine secundum proportionem: flores iuxta folia purpurascentes; in quibus fructus est capitulo viperæ similis: radix digito tenuior, subnigra. Decantata hæc apud Nicandrum inuentam ab Alcibio, qui cum à Vipera ictus esset in inguine, herbam hanc mandendo, & succum deuorando, reliquum autem vulneri imponendo, dolore leuatus est, & eusus: vnde à Posteriori Alcibion appellata est. Apud Plinium Echios vocatur duorum generum; una Pulegio similis: altera quæ lanugine distinguitur, spinosa, cui & capitula viperæ similia sunt. Hanc eamdem alibi Alcibion vocat inquiens: Alcibion qualis esset herba, apud authores non reperi, sed radicem eius & folia trita ad serpentis morsus imponi & bibi iubent: folia quantum manus capiat trita cum vini meri cyathis attribus: aut radicem drachmarum trium pondere cum vini eadem mensura. per primam autem Echion videtur intelligere, quam Dioscorides Ocyoidem vocat, statim post Echion, ut apud Numenium reperitur; sed Ocymo potius, quam Pulegio similis traditur.

C A P. X.

LI THOSPERMON, quod vulgo Milium solis vocatur, nascitur, in collibus inter vepres: radice ramosa, & nigricante; à qua vete caulinis dodrantales attolluntur, lignosi: foliis Oleæ, longioribus, asperis: in cacumine duo vel tres ramuli sunt, in quibus flores Buglossæ similes, partim tubentes, partim cœrulei: semina bina, ex barbato Umbilico emergunt nitentia specie margaritarum, candida, cortice fere lapideo; Alij postea caulinis iuncei, & simplices in terram serpunt, cubitales, foliis similibus, sine flore, ac sine fructu: vivit diutius radice. Dioscorides inquit à seminis duritie Lithospermon appellatum esse: foliis Oleæ, longioribus, & latioribus, mollioribus, humi iacentibus cum suo caule; vnde prodeunt: ramuli autem insunt recti, tenues, crassitudine iunci, acuti, solidi, lignosi, in quorum cacumine bifidi exorta sunt, veluti caulinorum, in quibus parua folia, iuxta quæ semen lapideum rotundum, paruum, Orobi magnitudine: nascitur in asperis & altis locis. quamquam scio verba Dioscoridis partim depravata, partim in alias sententiam conuersa, ab aliis. Plinius inter omnes herbas, inquit, Lithospermo, nihil est admirabilius: herba quincuncialis fere foliis, duplo maioribus quam Rutæ: ramulis surculosis, crassitudine iunci: gerit iuxta folia singula veluti barbulas, & earum in cacuminibus, lappilos,

los, candore, & rotunditate Margaritarum, magnitudine Ciceris, duritia vero lapidea. ipsi, qua pediculis adhaerent, cauernulas habent, & intus semen. nascitur & in Italia, sed laudatissimum in Creta: nec quicquam inter herbas quidem miraculo aspexi, tantus est decor veluti Aurificum arte: alternis inter folia candidantibus Margaritis, tam exquisita difficultas lapidis ex herba nascentis. iacere atquo humi serpere authores tradunt: ego auulsam, non haerentem vidi. haec tenus Plinius. Ex quibus patet non bene cæteros apud Dioscoridem interpretari folia circa radicem humi strata, sed circa serpentes caules; at caules semina sustinentes nequaquam serpunt, quos Plinius auulos vidit, stantes. præterea Italicum Lithospermon distare à Cretico: nec enim semen magnitudine Ciceris constat, sed paruæ Viciæ: & sæpe bina in singulis umbilicis visutur.

C A P. X I.

HE LIOTR OPIVM maius, vulgo Verrucaria, & state prouenit passim, & iuxta vias, & in solo culto: caulis ab una radice, quæ parua est, statim cum foliis florem ostendit: particulatim enim floret: assidue in ramos fissa; assidueque in cacumine florem gerens: quo modo crescit in latitudinem magis quam altitudinem, non excedens semicubitum: foliis constat in rotunditate parum oblongis, candidantibus, rugosisque: ex singulis ramulis attolluntur duo, aut tres, aut ad summum quatuor cauliculi, extremis partibus circumflexi; ad similitudinem caudæ scorpionis, in quibus flosculi continentur sine foliis, omnino haerentes, quasi verrucæ, colore candido: semina in singulis verrucis quaterna continentur, exigua: perit Autumno. Dioscorides Heliotropium maius & Heliotrophium appellari tradit; quia folia circumagit cum sole: Scorpuron quoque ob similitudinem floris cum cauda Scorpionis: foliis constat Ocymi hyrtutioribus, candidioribus, majoribus: ramuli à radice terni, quaterni, & quini exeunt, quorum singuli multis alis constant: in cacumine flos albus, subfulvis, inflexus, ut Scorpionis cauda: radix tenuis, & inutilis: nascitur locis asperis. Plinius de hoc Heliotropio, quod Heliotrophion appellatur, inquit, altius est altero Heliotropio, scilicet minore, quamquam semipedalem altitudinem non excedat; ab ima radice ramosum: semen in folliculo messibus colligitur: nascitur non nisi in pingui solo. Apud Theophrastum Theodorus Solarem herbam vocat: floret particulatim, incipiens inferius, ideo diutius floret: humi caulis: perpetuo viret, floret cum Solstitium agitur.

C A P. X I I.

HEIOTROPIVM minus, seu minor Verrucaria vulgo, aquo-
sis tantum locis nascitur: caulinculo recto, dodrantali; foliolis
Lithospermi breuioribus, rotundioribus: in cacumine ramu-
los duos, vel tres gerit, sine foliis, recuruos, vt alterum Heliotropium,
sed tenuiores, longioresque; in quibus flosculi sunt elegantissimi, colore
cæruleo: fructus postea pendent, pediculo tenuissimo, exiles, ac rotun-
di. Huius duas differentias notaui: vnum in aquis nascens: flore gran-
diusculo; fructu magis pensili: alterum vbiique in hortis, & lato solo:
exilioribus flosculis, ac breuioribus pediculis: tota æstate florent, aliis
ab radice subinde caulinulis subnascientibus: autumno pereunt. Dio-
scorides breuiter describit his verbis: Heliotropium minus, quod alio
nomine Scorpiron vocatur, nascitur in palustribus, & iuxta lacus: fo-
liis supradicti, rotundioribus: fructum rotundum, pensilem, vt Verru-
ca Acrochordon. Plinius alterum Heliotropion inquit Tricoccum ap-
pellari: circumagit se cum sole, etiam nubilo die, tantus syderis amor
est: noctu velut desiderio contrahit cæruleum florem; vbiique nascitur,
& alio nomine Scorpiron vocatur foliis non solum minoribus, sed etiā
in terram vergentibus: semen ei est effigie Scorpionis caudæ; quare ei no
men. Quo in loco foliis tribuit ad terram vergere, quod Dioscorides fru
etui: præterea similitudinem caudæ Scorpionis semini ascribit, quam
notam Dioscorides Scorpoidi assignat, de qua statim loquitur paucis
his verbis. Scorpoides herbula est: foliis paucis: semine caudæ Scorpio-
nis effigie. dicendum igitur videtur Scorpoidem congenerem esse,
cum Scorpuro supradicto, cum Dioscorides cum illo coniunxerit, re-
liquam descriptionem subticendo; & Plinius pro eadem planta acce-
perit; Quod autem semen comparatur caudæ Scorpionis, accipitur pro
caulinculo reflexo, in quo primo flos, deinde semen dispositum est; sic
minus Heliotropium fuerit, quod in palustribus nascitur, flore gran-
diusculo: Scorpoides autem alterum, quod passim obvium tenuiori-
bus flosculis. Sed vulgares Heliotropiæ aliae sunt, de quibus diximus
alibi, iis autem Tricocci nomen magis conuenit ob triquetram fructus
compositionem.

C A P. X I I I.

CYNOGLOSSA, idest lingua canina, folia fert paulo angustiora
Boragine, molli lanugine obducta, & candidantia: caulem fert
prope cubitalem, ramosumque: flores cæruleos vel purpura-
scentes, Buglosso similes: semina crassa. quaterna è propriis umbilicis
extu-

extuberantia & in latitudinem depressa, vt seminis apex, in quo cor, infans sit inclinatus; hæc lapparum more vestibus hærent: oritur in ruderibus, locis siccis. Quædam in montibus nascitur: latiore folio: breuiori caule: specioso flore. reperitur & genus paruum: angusto folio ac lappis minutis: oritur in sylvestribus. Plinius cum Buglosso iungit, vi resque tradit, quas Dioscorides Buglosso: caninas inquit imitantur linguas, Topiariis operibus gratissima: eius radicem tradunt, quæ tres thyrsos ferat: ad tertianas prodesse; quæ quatuor ad Quartanas. Est alia similis ei, & quæ ferat lappas minutis: eius radix pota ex aqua Ranis & Serpentibus aduersatur. Dioscorides quoque cum Buglosso coniungit: & caule carentem tradit: folia inquit Plantaginis latifoliæ habet, arcta, minora, lanuginosa sine caule: humili sternitur: prouenit in fabuletis; laudat folia cum adipice suillo veteri ad morsus Canum, ad Alopecias, Ambusta: decoctum herbæ in vino aluum emollit. At in hoc genere nullam adhuc videre licuit caule carentem: quamvis sunt, quæ brevi tempore illum gerant, vt Pulmonaria: Quædam non nisi post annum, vt Anchusarum genera & Echium. Illud quoque mitum recipi à Mesue, & aliis recentioribus: Cynoglossi radicem in Pillulas opiatas ab hac herba cognominata, vt fluxiones sistant: nec enim huiusmodi facultas à quoquam tribuitur: potius Arnoglossum pro Cynoglosso scriendum censeo; nam & hæc Cynoglossa appellata est teste Dioscoride.

C A P. X I I I .

QVORVM semina in hoc genere cor inferius habent, suffruticibus coronariis fere continentur; pleraque enim odorata sunt, calida & sicca, acris, vel amara. horum folliculi nequaquam dissecti ut superioribus, sed valde concavi extremitatibus patent, unde flos exit: flos longus circa seminis sedem adnexus est; ideo fistulæ modo concavus; unde melica dulcedo multis exigitur: postrema pars floris dehiscit. veluti in duo Labia. & erictu stamen tamquam ligulam promit: florent alia cacuminibus tamquam in spica, aut capitulis: alia inter folia, quæ bina ex interuallis condita sunt omnibus.

C A P. X V .

SALVIA Domestica fruticat multis ramis, crassis, candidisque: foliis digitali longitudine, duorum latitudine, valde rugosis, molibus tamen, & candicantibus, valde odoratis, sapore non ingratu: experuntur enim in condimentis: flores fert in longa spica raro, cætu: et coloris, vel candidi: serit in hortis apud nos. Alterum genus in Hispania

Hispmania & Massiliensi agro sponte nascitur, brevius, angustioribus foliis, sapore simili, & magis odoratis, quibus quandoque insunt binæ appendices parvae, Saluia minor appellatur. Dioscorides Elelisphacon vocat fruticem ramosum, longum, ferentem virgas quadrangulas, & cana folia, effigie Mali cotonei, longiora, asperiora, crassiora, similitudine quadam attritarum vestium, hirsuta, subalbida, per quam iucundo odo-re, aut graui (quibus verbis vrasque innuit:) semen in summis caulinibus, sylvestri Hormino simile: in asperis nasci. descriptio hæc satis predictis conuenit. Theophrastus duo prædicta genera ostendit. alterum quidem Sphacelum vocans, alterum Elelisphacon: differre inter se tamquam domesticum & sylvestre. Sphacelo folium magis læue, exilius, & minus squalens: Elelisphaco grauius (alij legunt scabrius). Plinius utrumque genus Lenti sylvestri adnumerat, putans Elelisphacon à Lente dictum, ab aliis Phacon: ea est inquit sativa Lente læuior; & folio minore, atque sicciori, & odoratiore: in quibus verbis Sphacelum Theophrasti innuit. est & alterum genus sylvestris, odore graui; hæc mitior: folia habet Cotonei Mali effigie, sed minora, & candida. Hæc Elelisphaeo conueniunt. subiungit paulo post: nostri, qui nunc sunt herbarij, Elelisphacon græce, latine Saluiam vocant, Mentæ similem, canam, odoratam: intelligit maiorem. Aū dicendum potius non aleute, quæ φάκη dicitur, cognominatas esse Elelisphacon, & Sphacelum, sed quia aridevidentur; id enim σφάκης & σφάκελος significant; comparantur enim folia attritis vestibus.

C A P. X V I.

SALVIA sylvestris vulgo appellatur, & à quibusdam Matri salvia, locis squalidis nascens: unico ab radice aliquando caule, aliquando pluribus, rectis, crassis, & quadratis: paucis ramis, rectis: huic folia ab radice latiora multo sunt, quam Saluiæ, magisque lanuginosa, odore graui: in caule autem angustiora assidue redundunt: flores fert purpurascentes inter folia, densos quasi in spica crassa, sapor inest acris, & mordens, præcipue in cacuminibus. huius duo genera notavi, unam colore candido, alteram nigriorem. Tertiam vidi in saxonum crepidinibus apud Serrauallem in Piceno, Saluiæ minori simillimam, candidiorem, lanuginosiori, odoratam, acrem: herbam albam vocant: celebrant quidam ad argenti viui coagulationem: Apud Dioscoridem Stachys vocatur frutex, Marrubio similis, sed longior: folia ferens numerosa, gracilia, (velut alij legunt rata) hirsuta, dura, cana, benevolentia: virgulas autem ab una radice complures, candidiores Marrubio: nascitur in montibus & asperis: vim habet excalfactoriam

& acrem . foliorum decoctum pellit menstrua , & secundas . Sed longe diuersam describit Plinius , inquit enim : quæ Stachys vocatur , Porri similitudinem habet , longioribus foliis , pluribusque , & odoris iucundi , colorisque in luteum inclinati : pellit Menstrua . ubi pro Prasio idest , Marrubio , Prason idest Porrum accepit : & foliis longitudinem tribuit , quam Dioscorides caulibus : tandem luteum colorē dixit , quem candidum assetit Dioscorides . At profecto mirum videatur , cur Stachys appelleatur planta , quæ nullam ferat spicam ; græce enim Stachys spicam significat ; idcirco forte Plinius pro Stachy accepit quandam foliis Marrubij , longioribus , ex viridi in luteum languescentibus , cui frequentes sunt spicæ pallidae , tenues , atque odoratae , quam infelix ostendemus . Quæ tamen hic descripta est , satis conuenit descriptioni Dioscoridis .

C A P . X V I I .

SC L A R E A vulgo dicitur suffrutex Coronarius , ad visum clarissimum vitilis , alij Scarleggiam appellant : ingens quedam Salvia videtur : caule quadrato , crasso , ramoso , cubitali : foliis subrotundis , ad Verbasci amplitudinem prope accendentibus , lanuginosis , odoratisque : flores in summis stolonibus spicatis inter folia exerunt , in purpurea candicantes : radices multas , fibrosas spargit , sevit in hortis , sponte quoque prouenit in aggeribus . Plinius inter Syderites Scopam regiam à nostris vocari inquit eam , quæ est latissimo folio , qui non leuior honor in coronis est , quam Caltæ ; quamquam folia eius oleant , non flores . Alibi idem Plinius Tussilagine alteram intelligere videtur , inquiens : à quibusdam Salvia appellatur , similis Verbasco : cōteritur ea , & colata calefit , atque ita ad tuſsim , laterisque dolores bibit : contra scorpiones eadem & dracones marinos efficax : contra serpentes quoque ex oleo perungit ea prodest . Dioscorides Baccharim vocat herbam odoratam , quæ in coronas additur : cuius folia aspera sunt , media Violæ & Verbasci magnitudine : caulis angulosus , cubiti altitudinem petens , subasper , ramosus : flores purpurascentes , subalbidi , odorati ; radices similes Elleboronigro , odore Cinnamomum præferentes : amat loca aspera , & squalida ; sed apud Plinium hoc nomen Bacchar non hanc significat , sed Asatum , ut suo loco explicatum est ..

C A P . X V I I I .

GALLITRICVM vulgo , & Sclarea sylvestris appellata , ab aliis Chiatella , in incultis nascitur ; gracili solo , longe minor Sclarea , ac minus hirsuta , sine odore : foliis circumincisis , similitudine .

dine Cristæ Gallinaceæ : flores in spica purpureos fert , aut cœruleos : semen nigrum , rotundum , ac paruum . eius quædam differentiæ ratione magnitudinis : quædam enim vix palmum equat , simplex : quædam ad cubitalem altitudinem accedit : pluribus ab eadem radice caulis . compertum est huius semen integrum oculis inclusum sine mortu villo ea , quæ visum offuscant , abstergere : mucro enim quodam obducto intumescit : paruas quoque spinas infixas extrahit ex ocalis . Hanc multi inter genera Syderitis recentent . Alij Vetbenacam rectam putant : Plinius Alectorolophon vocari scribit , apud nos Cristam dici : folia inquit habet Gallinacea Cristæ , plura : caulem tenuem : semen nigrum in siliquis : utilis tussi , & caligini oculorum : semen solidum conicitur in oculum , nec turbat , sed in se caliginem contrahit , mutat colorem , & ex nigro albicare incipit , ac intumescit , & per se exit . Quædam in montibus nascitur foliis maioribus Gallitrico , ac virentioribus : caulis ultra cubitalem altitudinem : flore purpureo , in longa , ac tenui spica , semine nigro , vt Gallitrici .

C A P. X I X.

AE THYOPIS peregrina apud nos , Sclareç similis , candidior , & lanuginosior : foliis latioribus , angulosisque , in terra stratis : caules fert breuiores : flores candidos , semina subflava , magnitudine paruæ Viciç , lœvia . Dioscorides Anthyopis inquit : folia habet Verbasco similia , per quam hirsuta , densaque , in orbem circa radicem redacta : caulem quadrangulum , crassum , & scabrum , similem Apiastrum , aut Arctio , multis alis concavum : semen Erui magnitudine , geminum in uno conceptaculo : radices ab eodem cespite numerosas , longas , plenas , gustu glutinosas , quæ siccæ nigrescunt , duranturque ut cornua : plurimum in Ida monte Troadis nascitur , & in Messenia . Plinius eadem ferme habet , quæ ex Anthyopia venit , eximia est , & illico auxiliatur : radix siccata & in vino cocta purulentis , ischiadicis .

C A P. X X.

MELINVM vulgo in Alpibus appellatur , alij Melliginem ; quia mellea quædam pinguedo , & odor toti plantæ inest : frequens est in Apennino : pluribus ab eodem cespite caulis , ultra cubitalem altitudinem , quadrangulis ; in quibus folia ferme triangula , Hederaç figura , latiora , hirsuta , crispa , & serrata : flores ex cädido pallescētes , figura falcatos in autumno , in spica Salviç simili : radices fibrosas , vt Sclarea . Alia breuior & fruticosior : foliis Salviç , breuioribus , ad Marrubiū

quodammodo accendentibus, colore ex viridi in luteum languescente : spicas multas fert tenues, & longas in singulis foliorum alis, & in summis virgis : flosculos pallidos odore iucundo : oritur in gracilibus. Has Plinius videtur indicasse, cum de Stachy scribit: quæ Stachys vocatur, Marrubij similitudinem habet : longioribus foliis, pluribusque, & odoris iucundi, colorisque in luteum inclinati : pellit menstrua. Quamquam pro Marrubio depravatè Porrum legatur eo loco, ut notauimus in Stachy Dioscoridis.

C A P. X X I.

BETONICA in sylvis nascitur, sub arboribus, & fruticibus : foliis ab radice, duorum digitorum latitudine, sensim in gracilitatem productis, serræ modo lateribus incisis, subhirsutis, non sine grato odore, sapore subamaro, & acri, siccante os : caulis rectus, cubitalis, quadratus; in quo pauca folia, & minora ; in cacumine flores purpurei, veluti in spica. Dioscorides Cestron vocat, & Psychotrophon ; quia locis frigidis inuenitur ; A Romanis autem Betonicam appellari tradit, herbam tenui caule, & quadrato, cubiti altitudine, aut altiore : folia longa, mollia, Quercui similia, in ambitu diuisa, odorata, proper radicem maiora : in summis caulis semen veluti Satureæ, spicatum. Dcerpta huius folia siccari ad plurimos usus : radices tenues, ut Ellebori, quæ ex Oxymelite in potu pituitosam euomitionem euocant, & quæ sequuntur. reperitur autem in codicibus græcis altera Betonica descriptio, de qua nos alibi locuti sumus. alia quoque Betonica traditur apud Paulum Aeginetam, de qua inferius dicemus. Plinius in hunc modum describit: Vetones in Hispania eam, quæ Betonica dicitur in Gallia, in Italia autem Serratula, à Græcis autem Cestron, aut Psychotrophon, ante cunctas laudatissima: exit angulo caule, cubitorum duum : à radice spargens folia fere Lapathi, serrata : semine purpureo, folia siccantur in farinam ad plurimos usus. fit vinum ex ea, & acetum stomacho & claritati oculorum : tantumque gloriae habet, ut domus, in qua sata sit, tuta existimetur à piaculis omnibus. Videatur autem Plinius non solum prædictam intelligere nomine Betonica, sed & aliam longæ maiorem, cui semina insunt purpurea. exit hæc planta multis ab eadem radice caulis, cubito altioribus : foliis latioribus, similitudine eius quam Melligenem appellauimus: flores fert purpureos iuxta folia, & semina in suis folliculis, splendida, colore puniceo, antequam siccantur : hæc quoque nascitur in montibus, sed odore magis graui.

C A P. X X I I.

BAZZOTE passim in ruderibus nascitur, crassior, & nigrior Marrubio : foliis amplioribus, hirsutioribus, grauis odoris, quasi cimicum; vnde Cimiciottum vulgo appellant: flores per interuala subrubentes, in verticillis non adeo densis, vt in Marrubio: caulis inferne quidem nigticat, superne autem albicat, hirsutusque est; Dioscorides Ballote inquit alio nomine Marrubium nigrum appellatur: caules fert quadrangulos, nigros, subhirsutos, complures ab una radice: folia maiora quam Marrubij, rotundiora, & lanuginosa, per interuala in caule disposita, graueolentia, Melissophyllo proxima; vnde aliqui & hanc Melissophyllum vocaverunt: flores quoque circundant verticillatum albos caules (alij dictiōnem grecam immutant, albedinem floribus ascribendo, non caulibus) sed prior lectio magis quadrat herbae suprascripte. Vis eius efficax aduersus canis morsus foliis ex sale illitis. Plinius herbam inquit fruticosam esse: angulosis caulibus, nigris; foliis vestientibus, maioribus quam Marrubij, (non Porri, vt legebatur) nigrioribus, graueolentibus. Galenus nequaquam meminit Ballotæ, neque Aetius.

C A P. X X I I.

CARDIACA in ruderibus nascitur: recto caule, cubitali altitudine: ramis quoque rectis: folia fert aliqui Ballotæ; sed quæ in extremo, scissuras profundas habent: verticillos spinosos, paruos inter foliola angusta, & oblonga: flosculos purpurascētes: laudatur à recentioribus ad cordis palpitationem, & conuulsionem, & paralysim. Apud Theophrastum videtur primum genus Marrubij, quod ab eodem describitur his verbis. Marrubij duo genera: vnum herbae folio, magis serrato, incisuris valde manifestis, & profundis; quo Pharmacopolæ vtuntur ad nonnulla. Galenus Alyssum vocat. Actius quoque hanc intellectus nomine Alyssi: inquit enim: Alysson autem esse Syderitem Herculeam appellatam, quæ iuxta vias nascitur vbiique, purpureum florem habens, & folia crassiora; nomen inuenit ex eo, quod cōmoris, à Canerabido mirabiliter succurrit: Galenus inquit de Alyso: Marrubio similis est, asperioribus tantum, & magis spinosis orbibus: flore ad ceruleum vergente..

C A P. X X I I I.

X T A N T duæ aliæ spinosiores, quæ ad hoc genus reducuntur, vulgò Molucchæ, quarum vna à quibusdam Melisla Cōstantinopolitana vocatur: caules ab eadem radice fert plures, ac rectos, paulo breuiores cubito: foliis Marrubij, minus hirsutis: verticillos inter folia fert breui interuallo, magnos, quasi continuata serie caulem vestientes; sub quibus singulis aculei sunt pungentes, stellæ modo: constant Verticilli ex latis folliculis veluti Calathis; è quibus flos erumpit ex candido purpurascens: quo decidente semen farctum ostenditur exteriorius plana & lata superficie connexum. tota herba dum vitet, graui odo re constat, cum ad maturitatem peruenit, candida redditur, & bene olēs. Altera altior aliquando ultra bicubitalem altitudinem: foliis nequaquā hirsutis, leuore quodam splendentibus: verticillos fert spinosiores; nam non solum aculei sunt iuxta verticilos, sed & verticillorum folliculi in robustos aculeos desinunt: flores insunt purpurei, & semina nigriora utræque peregrinæ apud nos. Has plantas non solum apud Galenum censeo intelligi Alyssō congeneres esse, sed forte etiam apud Dioscoridem & Plinium. nam Dioſcorides inquit: Alysson exiguum fruticem esse, subasperum: foliis rotundis; iuxta quæ fructus veluti scuteola duplicitia; in quibus semen continetur modice latum: oritur in montibus & asperis locis. Hæc descriptio mitiori Molucchæ conuenire possit: fruticat enim rectis rāmulis, subasperis: nam alterum genus grandius est, & asperius: folia præterea insunt rotunda, vt Marrubio: scuteola autem non quidem duplicitia, sed lata & patula indicari possunt per verbum διπλία πλον. tamen alia est plantula, cui similitudo duplicitis scuteoli inest. quæ pro Alyssō Dioscoridis ostenditur. Plinius autem de Alyssō inquit: distat à Rubia, qui Alyssos vocatur, foliis tantum, & ramis minoribus: in hoc facilis fuisse potest error pro Marrubio Rubiam legendo. tamen & inter Rubias inuenire licet Alyssi descriptionem, vt suo loco ostensum est.

C A P. X X V.

MELISSA in hortis colitur inter suaueolentes herbas: foliis Marrubio amplioribus, virentibus, subhirsutis, odore Maliciæ; vnde quidam vulgò Citronellā vocant, sapore non integrato; cruda enim estur inter olera, vt Menta, sed hyeme ac Vere dum tenuiæ est, nam procedente tempore odorem quendam subuirosum praecipue in Autumno cōtrahit, quasi hirci: flores in verticillis fert candidos.

Altera

Altera sponte oritur in ruderibus: latioribus foliis, ac subnivosis, pa-
rum à Ballote distantibus. Adest & genus quoddam peregrinum ex
Orientalibus allatum, valde odoratum, etiam cum semen protrulit; hoc
foliis constat oblongioribus, Betonicæ modo: flores fert purpleos, &
grandiusculos. Dioscorides Melissophyllum vocari ait; quia apes ea
herba plurimum gaudent; caulinuli sunt tenues, & folia Ballotæ similia,
maiora dumtaxat, & tenuiora, nec per inde hirsuta, olentia Malum Cy-
treum, Citraginem à Romanis vocati. Plinius Apiastrum vocari ab
Hygino in confessa dannatione; quoniam venenatum est in Sardinia: at
illud ab Apio cognominatum est, hoc autem ab Ape. Melissa enim græ-
ce Apem significat. Arabes hanc ad cordis affectus extollunt; exhibila-
re enim, animo linquentes reuocare, sollicitudines, & prauas imagina-
tiones, & somnia tumultuosa sedare. Galenus, ut puto, Melissophyllum
sylvestrem tantum nouit; nam parui facit: nemo enim inquit ea vtitur
præsente Marrubio; vires enim Marrubij habet, sed multo infirmiores.

C A P. X X V I.

MARRUBIVM frequens nascitur in ruderibus: multis ab ea-
dem radice caulibus, cubito breuioribus, subhirsutis, candi-
da lanugine: foliis rotundis, rugosis, candidisque, odore me-
dicato: verticillos per interualla fert, in quibus flores canticantes. Dio-
scorides Prasiom græce appellat: frutex inquit est ab radice ramosus, can-
dicans, subhirsutus; virgis quadrangulis: folio pollicis amplitudine,
subrotundo, hirsuto, rugoso, gustu amaro: semen fert ex interuallis, &
flores, veluti verticillos asperos: nascitur iuxta ædificia, collapsa & in ru-
deribus. Theophrastus hanc pro secundo genere Marrubij describit his
verbis: folio constat rotundiore, & vehementer squalido, ut Sphaceli, in-
cisorasque habente obscurores, & minus serrato: inter luffructices Pli-
nius Marrubium inter primas herbas cōmendatum scribit, notius quam
vt indicandum sit. duo genera tradi à Castore; nigrum; & quod magis
probatur, candidum. De Marrubio nigro diximus superius in Ballote.

C A P. X X V I I.

QVÆDAM ex Creta ad nos allata est pro Pseudodictamo: cespes
amplius, virgis numerosioribus, altioribus, & candidioribus
Marrubio: foliis rotundioribus, minoribus, similibus Dicta-
mo Cretensi, obscuris candidiori lanugine, gustu subamaro, odo-
re exili, non iniucundo: verticillos inter folia fert molles; in quibus
flosculi sunt purpurascentes. Dioscorides de Pseudodictamo inquit:
in

in multis terris nascitur, simile vero Dictamo, sed minus acre, & multo inefficacius: Theophrastus & Plinius ramulos minores tradunt, licet foliis Dictamo sit simile.

C A P. X X V I I I.

V ERBASCVM sylvestre frutex magnus est ferme arborescens: caudice potius quam caule intorto, crassitudine brachij: ramos multos fundit, qui in virgas desinunt longas, Marrubio similes; & in iis folia Saluiæ domesticæ, longa, hirsuta, colore albido, in luteum languescente, absque illa odoris gratia: Verticillos ex longis interuallis fert crastos; in quibus flores sunt aurei coloris, speciosi: peregrina est apud nos; Dioscorides inter genera Verbasci sylvestre inquit genus est, ferens altas virgas, & specie arborea: folia Saluiæ, & ramulos, quales Marrubium: flores luteos auriæmulos.

C A P. X X I X.

HORMINVM satium folia ab radice fert in terram strata, ob longiora Marrubio, nigricantia, ac minus serrata, tactu glutinosa: caules rectos, plures, semicubitales; in quibus verticilli breuibus interuallis sunt iuxta foliola longe diuersa ab inferioribus; tenuia enim sunt, lauia, nec rugosa, & in summo caule coloris violacei, vt flos quidam videatur in cacumine esse: flosculi tamen sunt in uerticillis purpurascentes: cum exarescit caulis perfecto semine folliculi verticillos componentes omnes deorsum flectuntur, in quibus semina nigra continentur, exigua, & oblonga: peregrina est apud nos. Horminum autem sylvestre sponte apud nos locis asperis, & saxosis nascitur: foliis tum ab radice, tum in caulinibus, vt Melissæ paulo angustioribus, simili- ter serratis: caules similiter plures, ac simplices attolluntur, paulo maiores dodrante: flores paucos inter folia ferunt, grandiores, colore subrubente: folliculos latos deorsum nutantes, in quibus semina magnitudine Viciæ continentur fusca: herba odore constat non ingrato. Dioscorides de vtroque Hormino inquit: satium herba est: foliis Marrubio similis: caule semicubitali, quadrangulo; circa quem eminentiæ si liquis similes prodeunt, quæ ad radicem spectant; in quibus semen diuersum includitur: nam in sylvestri rotundum, fuscumque inuenitur, in altero nigrum, & oblongum, cuius est usus ad Venerem stimulandam cum vino poti. Plinius Hormini meminit, & Horminij: per Horminium intelligens Asparagum sylvestrem: utrumque nomine inditum; quia Venerem stimulant. De Hormino inquit semine Cumino simile est in reliquis

reliquis Porro (pro Marrubio græce Präsioprason legens) dodrantali altitudine: duorum generum : alteri semen nigrius , & oblongum : hoc ad Venerem stimulandam , ad oculatum argemas & albugines : alteri candidius semen , & rotundius : utroque usq; extrahuntur aculei . alibi Theophrastum sequutus inter fruges numerat post Erisimum & Sesamū ; quamquam ambigat inquit inter fruges & medicamenta : Cumino simile : seritur cum Sesama & Irione inter æstiua , nullum animal vescitur ventibus . Apud Theophrastum Theodorus Geminalem vertit , inquit : estate seritur : nullum animal mandit ; forte quia amarum : Cumina- ceum quoddam est , atque nigrum ; seritur cum Sesama . Galenus quoque inter fruges numerat Horminum medium natum possidens inter Cuminum & Erisimum . Suspicio esset diuersam hanc esse , quæ inter fruges numeratur ab ea , quam Dioscorides satiuā vocat , nisi Cumini similitudo in semine satiuæ reperiretur : est autem semen id non ingratia saporis , & odore commendabili in mandendo , longe quidem minus Cumino satiuo , maius autem Aethyopica , quod Amini vocatur .

C A P. X X X.

QVAEDAM in conuale quadam prope Pisas nascitur , Hormino satiuo similis , foliis , & caule ; sed folliculis figura Ocyti , ut Ocytum quoddam sylvestre videatur : pars enim postrema folliculi clauditur labiolo quodam sursum reflexo : flosculos fert oblongos , ac tenues , deorsum nutantes , purpureos ; odor inest exiguus .

C A P. X X X I.

MILZADELLA vulgo dicta ; quia lienosis egregie opitulatur ; frequens nascitur in ruderibus , & hortorum aggeribus ; herba dodrantem alta : pluribus ab eadem radice caulibus , simplicibus , subrubris : foliis Vrticæ ; ideo Vrtica mortua , & innoxia à quibusdam vocatur , hycme macula quædam alba per medium folium discurrit ; aduentante vere flores fert inter folia subrubentes , grandiusculos , in quibus melica quædam dulcedo inest : hi veniunt in cibos inter acetaria . vtuntur succo foliorum per se poto vel cum aceto ad præcordia tumida , obstructiones tum Lienis , tum Iecinoris . Plinius inter Vrticas Lamium vocari inquit Vrticam innoxiam , mortuam carentem : album habet in medio folio , quod ignibus sacris medetur , contusis , inustis , strumis , tumoribus , podagratis , vulneribus . alibi eamdem videtur intelligere , cum Leucem vocat Mercuriali similem , per medium folium candida linea transcurrente ; unde Mesoleucon dicta est : fistulas sanat ,

& Carcinomata. Quid si hanc eamdem apud Dioscoridem dicamus Leucadem esse? quamuis non describatur. inquit enim Leucas montana latioribus foliis quam urbana est; semine acriore, amariore, ori ingrato. efficacior tamen quam urbana. vtraq; ex vino contra animalium venena præcipue matinorum opitulatur. erit autem Leucas montana quædam congenere predictæ in montibus: floribus subluteis: foliis longioribus, & in acutum magis productis: alia angustioribus foliis, quasi Mercurialis. extat & in ruderibus, ac locis aridis quoddam genus exiguum: foliolis candidioribus, hisfutioribusque: flosculis tenuibus, purpurascientibus, aliquando candicantibus: nulla tamen earum albam maculam habet in folio præter prædictam, quæ urbana est. quædam iuxta parietes non dum exacta hyeme floret. tenui caulinculo, simplici, foliolis sine pediculo caulem cingentibus, rotundis, & serratis: in summo caulinculo veluti capitulum inest, in quo flosculi tenues, oblongi, coleste nigrantis Rosæ.

C A P. X X X I I.

V ERBENA vulgò appellata, vbiique securus vias, & in ruderibus nascitur: duobus, aut tribus ab eadem radice caulis, cubitalibus, in quibus pauca folia sunt Quercui similia, sed inæquales habentia scissuras, gustu amara: summi cæules finduntur in plures ramulos, tenues, in quibus veluti festucis nudis flosculi sunt exigui, purpurascentes; & fructus valde parui: diutius floret per totam æstatem: celebris est ad multos morbos præcipue ad obstructiones viscerum: sunr, qui ad Hydropen puluerem foliorū propincent felicissimo successu. Dioscorides Hierobotanen idest herbam sacram vocari tradit; quia multum ad Amuleta, expiationesque commendetur: alij Peristeron supinam, quam in hunc modum describit: ramulos erunt cubitales, aut maiusculos, angulosos; in quibus folia ex interualis sunt Quercus, sed minora, angustioraque, eisdem diuisuris in ambitu, colore aliquantum glauco: radix modice longa, tenuis: flores purpurei, graciles. Plinius Verbena cam à Romanis appellari tradit. at Verbena apud ipsum & Sanguina gramen significant ex loco sacro; vnde per abusum omnes frondes sacrae Verbenæ appellantur. de hac autem inquit nulla plus habet Romanæ nobilitatis, quam Hierobotane: hæc legati ad hostes ferunt: hac Iouis mæsa veneratur domus purgatur, lustraturque. Genera eius duo; foliosa feminæ; mas rarioribus foliis. vtriusque ramuli plures, tenues, cubitales, angulosi: folia minora, quam Quercus, angustioraque, maioribus diuisuris, color glaucus: radix longa, tenuis: nascitur vbiique in planis aquosis. Quidam non distinguunt, sed unum omnino genus faciunt; quoniam

quoniam utraque eisdem effectus habet, utraque sortiuntur Galli, & pre-
cipiunt responsa: sed magi utique circa hanc insaniunt, ac perunctos im-
petrare, quae velint: febres abigere; amicitias conciliare; nullique non
morbo mederi, est autem femina, quam modo descripta.

C A P. X X X I I I.

ALTERVM genus, quod Mas apud Plinium intelligitur, & Peri-
stereon recta apud Dioscoridem, sive Verbenaca recta, non nisi
in humidis nascitur, & foueis: unico ab radice caule, recto, ac
simplici usque ad aestatem, altitudine dodrantali, aut paulo maiore; in
quo folia frequentia, Quercui magis similia, quam supradicta, scissuris
profundioribus, quasi Cerri, colore subalbido, subhirsuta: foliorum
scissuræ aliquando adeo profundæ sunt, ut ad medium neruum acce-
dant: post medianam aestatem caulis in ramos vindicatur, similiter simplices,
ac foliosos, cubitales, amplioresque, in quibus per interualla parui sunt
verticilli, ut in Marrubio inter folia: flosculis candidis. haec minus ama-
ra, & magis siccans, quam Verbena. Dioscorides describit tantum pri-
mam eius etatem antequam in ramos vindicatur his verbis. Peristereon
nascitur in aquosis: nomen impositum a Columbis; quia circa hanc cli-
beniter versantur; herba est altitudinis palmi, interdum amplius adole-
scit: folia incisa, & subalbida, ex caule erumpentia: ut plurimum uni-
caulis, & unica radice constans reperiatur. eius usus extinsecus ad veteri
dolores, erysipelata, ulcera putrida, & vulnera glutinanda; Galenus
hanc tantum meminit. Peristereon rectam vocans: vim habet adeo sic-
cantem, ut vulnera glutinet; dolores capititis omnium maxime discutit,
& perfecte corroborat, maxime viridis, imo & arida in oleo incocta cum
radicibus & Setpillo.

C A P. X X X I I I I.

TERTIOLA vulgo appellata; quia tertianas sanat, in eisdem lo-
cis nascitur, vbi Verbenaca recta, scilicet in scrobibus hume-
atis: unico caule, simplici, ac recto, bicubitali, quadrato; in
quo per interualla, folia sunt angusta, & oblonga, quasi Salicis, ru-
gosa, & aspera: in cacumine flores fert purpureos, veluti in spica longa.

C A P. X X X V.

SID BRITIS Herculea locis incultis & sabulosis nascitur, similis
Chamædri, candidior: multis ab eadem radice caulinis, simpli-
cibus, dodrantem non excedentibus, orbiculis inter folia pungen-
tibus:

tibus : Hosculis ex purpureo candicantibus : sapor inest subamatus, mul-
tum exsiccans . Alterum genus altius, ac vitidius , paucioribus cauli-
culis : foliis rarioribus, maioribus : in summis caulinulis veluti in spica
flores cingunt in orbem per interualla sublutei . Duæ aliae in vineis na-
scuntur vniciales , ramosæ : paucis foliis , angustioribus , oblongiori-
bus : verticilos inter folia ferunt; in quibus flores purpurei, vel albican-
tes . omnium folia tenuiter serrata sunt, ac rugosa, specie Saluiæ, aut Mar-
rubij, odore non insuavi : semina nigra : nulla tamen pungit præter pri-
mam . Dioscorides hoc modo describit : folia habet Marrubij, sed lon-
giora, satis ad frondem Quercus, aut Saluiæ accendentia , minora tamen,
& aspera: caules edit quadratos, dodrantem altos, aut etiam maiores, non
iniucundi gustus, & aliquantum subastrigentis ; in quibus per interual-
la orbiculatæ vertebræ , vt in Marrubio spectantur : & semen in eis ni-
grum ; nascitur in petrosis locis . Aetius putari inquit Alysson eamdem
esse cum Siderite Herculea, vt superius in Alylo ostendimus : forte quia
orbæ pungentes in Siderite Herculea sint, vt in Alylo .

C A P. X X X V I.

HE DERÆ terrestris vulgo appellatur herba, quæ vere à radicibus
tenuibus, Graminis modo repentibus, plures attollit caulinu-
los, dodrantes, simplices ; in quibus folia Marrubij, rotun-
da, figura Hederae, & circumserata, viridia ; inter quaæ flores purpurei,
ad cæruleum vergentes, oblongi, & in extremo patuli, pulchro aspectu :
odor tori plantæ acris, non insuavis ; sapor amarus, & subacris. Aestate
cum florere desinit, iidem caulinuli in terram procumbunt, repuntque
in multam longitudinem: foliis multo amplioribus nascitur iuxta sepes
& in aggetibus, & iuxta flumina : efficax ad purulentos, & phthisicos.
educit enim sputa & siccitat internos abscessus . in vsu sunt caulinuli flo-
rentes in puluerem redacti, aut herbae decoctio, item aqua per sublima-
tionem extracta : laudant & in peste : non dubito hanc Chamæcissum
esse apud Dioscoridem, si vnum Verbum μακρός id est longum , legatur
μικρός id est paruum : cætera enim optime quadrant: nam inquit : Cha-
mæcissus folia habet similia Hederae, minora, ac tenuiora : ramos do-
drantes ab radice, quinque, aut sex foliosos : flores Leucoiis similes, mi-
nores, valde amaros gusto : radicem tenuem albam, inutilem : nascitur
locis cultis; folia sanant Ischiadicos tribus obolis pota in aquæ cyatis
tribus, diebus triginta, aut quadraginta : eodem modo ad morbum re-
gium dantur sex aut septem diebus. Galenus florem videtur assumere: in
quit enim Chamæcyssi flos, cum sit admodum amarus, iecur obstructio-
ne liberat: sunt, & qui ipsum Ischiadicis exhibeant. ex quibus coniicio-
floren-

florentem colligi, vt folia cum floribus assumantur: idcirco non descri-
ptos à Dioscoride caules humi procumbentes. Altera enim omnino vi-
detur planta numquam florens. Alterum est Genus Chamæcissi, cui
copiosior est flos in caulinis dodrantalibus, veluti in spica, amerior,
inter foliola Hederacea, nequaquam serrata absque pediculo hærentia:
ab imo ad summum usque flosculos cæruleos cōpletæntia, vere ineunte:
hi caulinis perfecto semine inarescunt: viuit autem planta aliis caulinis,
humis serpentibus, rubris; in quibus folia insunt, figura Betæ, mi-
nora, parum serrata, ex aduersa parte rubra: his foliis vtuntur per se im-
positis ad vlcera tibiatum: vulgò appellant Laurentinam, alij herbam
Sancti Laurentij, alij Consolidam medium: Plinius hanc intellexit, cum
inquit: Chamæcissos spicata est, Tritici modo, ramulis quinis fere fo-
liosa: cum floret existimari potest alba Viola: radice tenui, cuius bibunt
Ischiadici folia admodum amara potionem. Alibi Hederam inquit esse
non attollentem se à terra, quæ contusa in vino acetabuli mensura lieni
medetur: folia ambustis cum axungia. Quo loco priorem videtur in-
telligere, cuius caules foliis Hederæ repunt in terra.

C A P . X X X . V I I .

PRVNELLA à recentioribus vocatur, aliis vulgò Morella, & her-
ba Mora, aliis Consolida minor, herbula in pratis: multis ab ea-
dem radice caulinis, humi procumbentibus, dodrantalibus:
foliis Ocyimi, acuminatis, in primo ortu rubentibus: summis ramis in-
sident spicæ breues, & compactæ, veluti capitula oblonga, in quibus flo-
res purpurascentes: huius folia tenella cruda comeduntur in acetariis:
Cataplasmate imposita suppurant carbunculos, & vulnera glutinant:
succus cum rosaceo & aceto temporibus illitus vehementes capititis dolo-
res sedat: vlcera faucium & oris persanat. Quædam locis asperis & sa-
xosis nascitur hirsutior, & brevior: foliis prope pediculum incisis: ca-
pitulis antedictæ; sed floribus candidis. Apud Dioscoridem Polycne-
mon appellatur frutex surculosus: foliis Origani: caule, vt Pulegij, ge-
niculis multis intercepto, sine vmbella: tenui tamen in cacumine co-
rymbo, odoris acuti cum quadam iucunditate. Vulneribus glatinan-
dis, recens, aut aridum cum aqua efficaciter imponitur, sed quinto die
solui debet: ad vrinę stilicidia, ruptaque cum vino babitur. Plinius in-
quit: Polycnenon Cunilę Bubulę similis est: semine Pulegij: surculo-
sa, multis geniculis, corymbo odorata, acri, & dulci odore; Quæ ferro
factis vulneribus commanducata imponitur: quinto die soluitur. Non
absimilis est descriptio apud eumdem Plinium Cunilę Bubulę: inquit
eaim semen Pulegij, habet utile ad vulnera, commanducatum, imposi-
tumque,

tunique, ut quinto post die soluatur. Puto autem ipsum intelligere herbam Origanum vulgari similem, orbibus per interualla Marrubij, seu Pulegij: flosculo subrubente: oritur in collibus, & vineis: sapor inest glutinosus sine odore. accipitur tamen aliquando pro Origano.

C A P. XXXVIII.

ALIA est: exilioribus ramulis: ac foliis angustioris Calamenti: floribus per interualla, ut Pulegij, sed sine odore, ac sapore. Quidam Clinopodium putant: Ego apud Paulum Betonicam primo descriptam puto: inquit enim herbam esse: ramulis exilibus, Pulegio similibus, sed tenuioribus, & propemodum si gustes, nullam qualitatem referentibus: nascitur potissimum locis petrosis: qua & in renum medicinis utuntur. Est autem apud Romanos inquit alia quædam Betonica dicta, quam Dioscorides nominat Cestron: Hæc nihil simile cum prædicta habet præter actionem.

C A P. XXXIX.

CLINOPODIUM in crepidinibus saxorum nascitur, & edificiis, talibi nequaquam; frequens in Pisano monte Sancti Iuliani: fructiculus est tenuis, ac lignosus: rectis ramulis, quos per interualla cingūt foliola tenuissima, Serpillo angustiora, frequēti numero constituta, vñā cum flosculis purpurascētibus, ut triclinij columnulas torno intersectas representent: odor inest non insuavis, & sapor subamarus, ac subacris, quidam pro Hyssopo montano accipiunt. Dioscorides inquit de Clinopodio: frutex est foliis Serpilli, surculosus, duum dodrantuma altitudine: nascitur in petrosis: flores Marrubij modo ex interuallis distincti, speciem pedum lecti præbent. Plinius eisdem fere verbis describit: Clinopodium Serpillo simile, surculosum, palmi altitudine: nascitur in petrosis: orbiculato florum ambitu, speciem lecti pedum præbens.

C A P. X L.

CHAMAEDRYS in locis saxosis, & incultis nascitur: multis ab eadem radice caulinulis, simplicibus, rectis, dodrante breuioribus: foliolis circum serratis, figura Quercus, sed multo minoribus; vnde vulgo Quercula appellatur imitatione Græci nominis: flosculos inter folia fert purpurascētes: tota gustu amara, & odore medica-

to prædicta : febrisfuga à quibusdam vocatur ; nam puluis drachmæ pondere ex aqua haustus tribus diebus fugat tertianas, & febres longas . Di scorides Chamædrys inquit à Græcis, à latinis autem Trissago appellata, nascitur in petrosis , & asperis : frutex dodrantalis : foliis exiguis, amatiis, effigie, & diuisura Quercus : flore paruo , penè purpureo ; carpitur semine pregnans . Theophrastus Trissaginis inquit folia ad rupta, vulnera, in oleo trita valent, & ad depascentia vlcera : fructus bilem extrahit, & oculis quoque beneficus est : folium ad albugines tritum in oleo prodest : habet hæc herba : folia Quercus, & statura vix palmum excedit, & odorata atque suavis est . sed partes omnes hebetæ eiusdem minime ad idem vtiles esse non videatur forte absurdum ; radicis vero eiusdem partem vnam superius, alteram inferius purgare mirabilius sit . Plinius folia scribit magnitudine Menta, colore & diuisura Quercus : alij inquit serrata tradunt, & ab ea setram inuentam : flore penè purpureo .

C A P. X L I.

TÈ V C R I V M in crepidinibus saxonum nascitur, locis calidis: virgis cubitalibus, lignosis : foliis Chamædreos, amplioribus : floribus candidis in summis virgis, velut in spica inter foliola parua, odore medicato, & lapore amaro, ut Chamædrys . Alterum genus in montibus prouenit, ramosius, ac breuius : foliis virentioribus, densius serratis, latioribus, inter quæ flores albos fert . Dioscorides Teucrum inquit, quidam Chamædrym vocant, herba est virgatum specie, similis Chamædry tenui folio : habens folium simile Erebintho idest Ciceri (sed forte legendum Therebintho, folium enim crassum est, amplitudine folij Therebinthi) placet & hic verbum tenui folium Chamædry coniungere non Teuctio, ut vulgaris lectio habet : cum enim Chamædrys commune nomen sit Teuctio tamquam maiori, & Trissagini, tamquam minori, tenuifolia hæc cognominata est ad differentiam Teucrij, cui folium tum crassius, tum latius . Patet autem id ex Plinio, qui de Teuctio scribens inquit : quidam ramis Hyllopi tradunt surculosam; folio Fabæ : colligi florentem, adeo florere non dubitant . sed aliam tradit eodem nomine, quam quidam Hemionion vocant spargentem iuncos tenues ; folia curua; asperis locis nascentem, austero sapore, numquam florentem, neque semen gignit : hanc Dioscorides Hemionitum vocat, de qua suo loco dicetur .

C A P. X L I I.

SCORDIVM in palustribus nascitur, montosis, altior, & ramosior Chamætri: foliolis breuibus, subcandidis: flosculis inter folia ex candido purpurascientibus: tota odorem quendam Allij prese fert, celebris herba aduersus venena, & pestena: nascitur & in planis: ampliore folio, Mentastro proximo: minus efficax. Dioscorides inquit in montibus, & palustribus nascitur: foliis Triflaginis, maioribus, non sic in ambitu diuisis, aliquantum Allia redolentibus, gustu amaris & astringentibus: caulis quadrangulis: subrubro flore. Plinius Scordum, & Scordium vocat, Mitridatis manu descriptam, magnitudine cubitali, caule quadrangulo, ramosam; foliis lanuginosis, Quernæ similitudine; reperiti in Ponto campis pinguibus, humidisque, gustus amari. esse & alterius generis: latioribus foliis, Mentastro similem: vtramque ad plurimos usus per se, & inter alia in antidotis. Galenus non solum in Creta optimum reperiri testatur, sed & in aliis multis regionibus: repertum cadauera in bello, quæ forte super Scordium iacuissent, multo minus computruisse, qua parte Scordium tetigissent: inde ex cogitatum tam putrefacientibus animalium venenis, quam medicamentorum de leteriis Scordium aduersari.

C A P. X L I I I.

CHAMAEPYTIS, quam vulgo Iuam vocant, locis asperis nascitur: multis ab eadē radice caulinis, fruticantibus, rectis, palum altis; in quibus frequentia sunt foliola, tripartito diuisa, tenuia, & oblonga, mollia, & hirsuta: inter quæ flosculi sunt lutei: fructus subrotundi: semine turgidi: tota odorem Pinij refert. Altera maior appellari potest, peregrina apud nos, ramosa: caulis humi procumbentibus, incuruis, semicubitalibus, longioribusque: foliis, & floribus rarioibus, in cæteris similis prædictæ. Dioscorides describit repensem in terra, subcuruam: foliis Semperiui minoris, multo tenuioribus, hirsutis, & pinguioribus, circum ramos frequentibus, odore Pinus, flore tenui, luteo, vel candido: radicibus Cicerij: hæc descriptio illi conuenit, quam maiorem dixi, at flore candido non dum visa est. Duas præterea alias tradit: secundam cubitalibus ramis, in ancora spe ciem incuruis, prætenuibus; coma supradictæ: flore candido: semine nigro: hæc etiam Pinum redolet. Tertiā, quæ Mas nominatur, parvulam: foliis exilibus, albis, hirsutis: caule aspero, candido: flosculis luteis: semina iuxta alas: resipit & hæc Pinum: hæc duę vim superioris obtinent,

obtinent, sed non usque adeo efficacem. Harum autem tertia optime quadrat nostræ Iuç vulgari, quam primo loco descripsi; Quæ autem ostendi possit pro secunda incertum est, nisi forte ea fuerit, quæ à quibusdam Chamædiis fæmina appellatur, valde ramosa: tenuibus cauliculis, in latitudinem fusis, cubitalibus: foliis non tripartito, ut prædictæ, sed multipartito diuisis: flosculos fert in purpura cädicantes inter folia: fæmina in turgidis folliculis nigra: tota odorata est non absimili odore, & amara. Plinius Chamæpithys inquit, Latine Aiuga appellatur, diciturq; propter abortus; ab aliis Thus terræ: cubitalibus ramis: flore Pinus, & odore: Altera breuior, & incurvæ similis. Tertia eodem odore, & ideo nomine quoque: paruolo caulinculo, crassitudine digitali: foliis scabris, exilibus, albis; in petris nascens; vbi per digitalem crassitudinem caulis videtur intelligere, non nudum caulinulum, sed suis foliolis circum obductum.

C A P . X L I I I I .

POLIVM Montanum, quidam Iuam Atteticam vocant, nascitur in collibus in cultis, & faxolis: herba valde cana multis ab eadem radice ramulis, lignosis, dodrantalibus, humili sparsis; in quibus foliola oblonga, & angusta, leuiter circum denticulata, molli lanugine hirsuta: cacuminibus veluti flocci lati insunt, lanuginosi, in quibus flosculi continentur candidi: tota planta odore constat medicato, non inaequando, sapore amaro. Theophrastus Polio tribuit folia carnosa; quia pulpa constant, perpetue virentia: valere contra vermiculos noxios vestimentis interpositum, culices gignere, cum copiose frutificat: ad omnem rem seriam, & magnificiendam; & famam, effodi noctu, tabernaculo structo Hesiodo & Musæo authoribus. Dioscorides duo genera tradit Montanum, cui Teuthrio nomen est, & cuius est usus: tenuis frutex est, candidus, dodratalis, semine refertus; capitulo in cacumine, quædam corymborum speciem præferente, paruo, similis cano hominis capillo, grauiter olente, non sine quadam suavitate. Alterum fruticosius non adeo valens odore, & viribus infirmius. Plinius Polium inclitam herbam esse Musæi & Hesiodi laudibus ad omnia utilem, & prorsus miram, si, ut tradunt, folia mane candida, meridie purpurea, sole Occidente cærulea aspiciuntur (sed hanc colorum varietatem Dioscorides non Polio, sed Tripolij floribus tribuit.) duo esse genera, campestrè maius, sylvestre minus: quidam Teuthrion vocant: folia canis hominibus similia, à radice protinus, numquam palmo altior. Galenus inquit amarum est gustanti, & modice acre, ad viscerum obstructiones, utinam, & menses: viride glutinat vulnera magna, maxime species eius fruticosa:

M u m aridum

atidum vlcera maligna sanat, præcipue minus: minus, quo utimur ad antidota, & acrius, & amarius est, quam maius. Porro nos in montibus alterum genus reperimus, exilius prædicto: paucioribus, ac tenuioribus ramis: foliolis breuioribus, subrotundis, non denticulatis, odore valido. Aliam adhuc exiliorem in locis asperis, & montosis nascentem habemus: foliolis Rosmatini Coronarij, breuioribus, superne viridibus, inferne candidis: capitibus Polij: flore candido, sed odore infimo, sapore amaro; radice exili: hanc quidam Symphitum Petreum putant. De Polio campestri, quod nam sit, alio loco traditur.

C A P . X L V .

ROSENARINVM Coronarium frutex est fere arboreus, qui in hortis colitur: sponte autem nascitur in Ilua locis asperis: ramis cōstat multis, crassis, scabro cortice, à quibus virgæ rectæ, ac tenues assurgunt, foliis æ, foliolis angustis, & oblongis, duris, superne viridibus, inferne candidis, odoratis, sapore suavi, subdulci, & acri, ideo recipiuntur in condimentis: non floret nisi valde prouecta aestate post multos annos, flores cœruleos fert, copiosos, totis virgis, racematis, ex medio foliorum prodeunt: hi valde grati Apibus; nam optimum ex his mel eliciunt, quale est Hispanicum. semina subrubentia, tenuia in paruis folliculis; non tamen iis seritur, sed ramulo: Dioscorides Libanotim Coronariam vocat, quæ à Romanis Rosmarinum dicitur: dicta autem est Libanotis ab odore Thuris, quem refert: ramos inquit fert tenues: & circa eos folia minuta, densa, longa, exilia, subter incana, superne virentia, grauiter odorata: at hec longe differt ab alia Libanotide; quæ in genere ferulaceo recensetur; sed apud Theophrastum, & Plinium de Libanotide loquentes, miror non fieri mentionem Coronariæ, nisi genus sterile hanc intelligent, vt coniectura est apud Plinium, qui Rosmarinum tradit seri propagine, & auulsione, vt Sabinam: amplius ramo, quoniam neutri semen; quæ conditio nostro Rosmarino inest; quamvis enim floreat, raro semen perficit, quod si perficiat, sterile iudicatum est; quia aut non proueniat, aut cum difficultate, facilime autem ramo. At Theophrastus sterilem Libanotidem describit: folio Lactucæ amarae, scabriore, candidiore: radice breui, quæ purgat superius, & inferius: prohibet & vestibus interposita vermiculos noxios: colligitur per messem Tritici: nascitur vberime solo squalido, & saxoso. Eamdem ex Theophrasto tradit Dioscorides cum Erica nasci: foliis Lactucæ syvestris amatæ, asperioribus, candidioribus; radice breui. Puto autem Rosmarinum syvestre intelligi: oritur hoc in Ilua locis saxosis, vt Coronarium: ramis tenuioribus, ab eadem radice multis, candidis; quadratis;

dratis : foliis per interualla binis, Oleæ figura, inferne candidis, superne viridibus : floribus in alis foliorum Rosmarini Coronarij, grandioribus, colore permixto ex cæruleo & candido, odor foliorum Polio proximus. Comparatio autem cum foliis Lactucæ amaræ quadrare possit: tum sylvestri Rosmarino, tum Coronario, si per Lactucam amatam intelligamus Tithymalum ; nam Tithymalus ob lactis copiam Lactuca quoque appellata est : constat autem Tithymalus alias folio Oleæ, alias longe angustiori, vt Marittimus, & Cyparissias. tradit tamen Dioscorides Libanotidem stelelem ab his longe diuersam, in omnibus quidem similem fructiferæ, sed neque caulem neque florem, neque semen ferentem : sed hæc huc vsque incompta est.

C A P. X L V I.

SPICA Italica densus est frutex opere Topiario, hortotum vallis commodus, modo per se modo cum Rosmarino : foliola fert mollia, candida, subhirsuta, Rosmarino longiora, numerosa, suauiter olentia, gustu amara : hæc hyeme vicem florum exhibent; ac priuatum Lauanda vulgo appellatur ; quoniam lauacris odotatis expetitur : aduentante vere, rami attolluntur : foliis amplioribus, longioribus, ac magis virentibus : in cacuminibus spicas ferunt longe à foliis distantes, odore pleno, ac suavi. Spicæ autem in nouellis plantis breuiores sunt, adultioribus grandiores, magnitudine spicæ Tritici ; flores purpureos : semine intus minutissimo, subnigro, oleoso, vnde per sublimationem extrahitur oleum odoratissimum, valde nares feriens, quo vnguentaris utuntur : seritur ramo : nascitur & sponte in Massiliensi agro, & Hispania, otis Mediterraneis. Plinius Pseudonardum vocat, qua herba Nardus Indica adulteratur : hæc inquit ubique nascitur : crassiore, & latior refolio, & colore languido, in candidum vergente. Extat & genus sylvestre, locis asperis gaudens, breuius, minus candicans : spica breui, densa & crassa ; in cuius cacumine foliola quedam sunt purpurea, veluti flos, odor infirmior, copiosa est in collibus Pisanis, & Ilua : Sticados vulgo vocatur, apud antiquos Stœchas ab insulis Stœchadibus propo Massiliam, vt Dioscorides tradit : rectius Stachys appellari debuisse, quasi spica. Videntur autem Antiqui sylvestre tantum genus nouisse nomine Stœchadis, vt ex descriptione pater apud Dioscoridem in hunc modum : herba tenuibus surculis : coma Thymi : longiore folio : subamaræ gustu, & aliquantum acris. Plinius inquit Stœchas in insulis tantum eiusdem nominis gignitur, odorata herba : coma Hyslopi, amara gustu. Mesues Arabicum prefert : est planta inquit tenuibus foliis, oblongis, tenui caule, cubitali, cinerei coloris : fert flores similes spicis Sili-

ginis, breviotes sine semine : melior pars Plantæ est flos; deinde folia : pūrgat atram bilem, & pituitam. hæc descriptio non abhorret à nostra Spica domestica. Altitudo enim cubitalis, & spicæ Siliquinis, quæ Trici species est, domesticæ magis conuenit, quam sylvestri. hinc coniicere licet ex Arabia primùm in Italiam translatam fuisse, nec ante notam tu-
mori. Et i matris officio calix. Tumori agnoscuntur. Tumori
enim etiam Oedema. C. A. P. v. d. XII L V. I. I. 1. 1. 1. 1. 1.
apodio. tumore pilosus. et plurimus, evanescens. tumore. tumore. tumore. tumore.
THYM. VM. Creticum aliquando vixit apud nos frutex lignosus:
frequentibus ramulis : foliolis angustis, vt Satuteæ ; duris : in summis ramulis breues. spicæ insident, & compactæ, minores. Stethade; flosculis purpureis : tota planta acris, & odorata. Dioscorides describit surculosum fruticem exilibus foliis, multis, & angustis circundatum : capitulis in cacumine flore purpurascente refertiis; gracili solō, & petroso prouenientem. Theophrastus Thymum succo acri constare testatur : eius duo genera tradit, candidum, & nigrum : sero ad modum florere; nam circa solstitium incipit. Mel apes hinc colligere, ynde proba vel mala mellatio speratur : semen nullum ostendit; sed floribus quodammodo permixtum : nam ferunt flores, & prouenant; quo flatus è mati nequeat peruenire non nasci, neque durare posse. perit flos, si imber incesserit. Plinius Thymum inquit colligi oportet cum flore, & in ymbra siccari : duo genera eius candidum : radice lignosa: in collibus nascens, quod & præfertur : alterum nigrius, florisq. nigri : mellis prouentum sperant Apiarij large florente eo : hinc mellis Attici in toto orbe summa laus existimatur, translatum est ex Attica Thymum; & vix; nam flore teritur, cui & alia ratio naturæ obseruit, non durante Attico Thymo nisi in afflato maris seratur; erat quidem hæc opinio antiqua in omni Thymo, idèoque non nasci in Archadia : at siunc inquit etiam lapideos campos in prouincia Narbonensi Thymis referunt scimus : hoc penè solo redditu è longinquis regionibus pecudum milibus conuenientibus, vt vescantur : hæc Plinius. At hoc genus Thymi, quod in Narbonensi nascitur diuersum est : Thymumque hodie à quibusdam appellatur, ab aliis Piperella, à Dioscoride, vt puto serpillum rectum, vt suo loco patebit. Actius admonet pænitus à nigro Thymo abstinentem, Eleboro appellato : corruptoriam enim vim habet, & bilis generat; vt endum autem eo, qui florem purpureum habet ex natura, & album, quid amplius complectitur. Arabes vocant Hasce, quod aliquando interpiates conuertunt Hyssopum, vt apud Mesue videre est; nam in hunc modum describit: est Planta multis caulinis, tenuibus constans, altitudine dimidiij cubiti: foliis minoribus Origanum, quæ in cacuminibus caulium tenuiora redduntur, declinantia ad purpureum,

capitula quædam crassa constituentia: eius flos Calamento similis ad in bedinem declinans: & planta eius est mater Epithymi.

C A P. X L V I I I .

THYMVM Italicum in collibus nascitur petrosis, & incultis, nō procul à mari: scatet eo mons Sancti Iuliani in agro Pisano: in de transfertur in viridaria: suffrutex lignosus: ramis dōdran-talibus; foliis Satureiæ, maioribus, gustu mordaci, odoratis: flores fert inclinante æstate candidos, aut modice purpurascentes inter folia, non in capitulis coæctos, sed veluti in spica solutos: constat perpetuo folio: in hac Epithymum reperitur. Hanc videtur intellexisse Dioscorides, cum de Epithymo loquitur, inquiens, florem esse Thymi dutioris, quod est Satureiæ simile. Et genus albi Thymi, quod Aetius eligendum præcipit, cui flos purpureus est ex natura, & amplius album quid completitur. & Plinius candidum; radice lignosa; in collibus nascens, quod & præfertur: eidem florem album tribuit, cum de Epithymo loquens ait: Epithymum est flos Thymo Satureiæ simili; differentia quod hic herbaceus est, alterius autem Thymi albus. significat enim Satureiæ florem, herbaceum esse, ut testatur Dioscorides, Thymi autem Epithymum ferentis album.

C A P. X L I X .

SATVRBIA herbula est valde acris, & mordens, odorataque, in cō-dimentis quæsita, placet præcipue cum Cicorio: oritur locis aridis, acis abulosis; non nisi in mediterraneis, procul à mari: caulinculo palmari, ramoso, subhirsuto: foliolis angustis, & oblongis, per interualla binis; inter quæ flores fert purpurascentes, prope cacumina, non continua spica, sed veluti capitulis herbaceis interseptos: cum semen perfecerit, tota subpurpleum colorem contrahit, & tandem exarescit in autumno: renascitur autem semine singulis annis in verè: colligitur ækate, siccataque in umbra seruat ad usum abiectionis lignosis ramulis: nuper genus quoddam hortense allatum est sub nomine Hyssopi: altiori caule: foliis similibus, paulo longioribus. Dioscorides Thymbram vocant: gignitur in asperis locis, & tenui solo, Thymo simili, minor tamen, & tenerior, ferens spicam herbaceam, flore plenam. Eadem potest, quæ Thymum eodem modo sumpta, amplius in usu sanitatis utilis. Est etiam nunc lativa Thymbra, in omnibus agresti minor, utilior autem in cibis ob mitiorem acrimoniam. Theophractus inter suffrutices recenset, succo acri, à satu plus. quam triginta dies dari, an-tequam

æquain proueniat : semen vetus celerius prouenire : sylvestrem acerem : foliis minoribus : caulis scabrioribus ; in quibus videtur aliqua ex parte à Dioscoride dissentire , qui satiuam in omnibus minorem scripsit . idcirco Paulus Aegineta ex Dioscoride quasi ad verbum transcribens inquit : Thymbra agrestis quidem eadem , quæ Thymum , præstat : hortensis autem in omnibus quidem imbecillior , sed ad cibum laudatior : ubi verbum in omnibus minorem interprætatus est , in omnibus imbecilliorem . Plinius de Thymbra inquit , Cunilam vocari apud Latinos , & nomine alio Satureiam in condimentario genere : seri mense Februatio Origano æmulam : numquam utrumque addi , quippe similis est effectus : sed Cunilæ Aegyptium Origanum tantum præfertur : præter satiuam Cunilam , plura sunt genera in medicina . Hęc Plinius . Columella Thymbram condimentarij generis esse , quæ Cunila transmarina est : Satureiam quoque à nonnullis Thymbram vocari docuit , & esse Cunilam nostratem , quam nostri Satureiam nominant , colore floris purpureo , vt Thymbram , herbaceo . Ex quibus constat sylvestrem , quæ apud nos sponte nascitur , priuatim Satureiam appellatam fuisse , & Cunilam nostratem : hortensem vero Cunilam trasmarinam , & communis nomine Thymbram .

C A P. L.

HYSSOPVM vulgo appellatur suffrutex odoratus , similis Thymo Italico : simplicioribus caulis : foliis latioribus , longioribus : floribus cœruleis in spica similiter soluta : sapor subdulcis inest , & obscure acris : seritur apud nos in hortis : oritur tamen & sponte in montibus , locis saxosis . non audeo hanc aslerere Hyssopum antiquorum ob saporem : numeratur enim inter valenter dissecantia medicamenta , cum Origano Serpillo , Thymo , ac cæteris huiusmodi ; præter alia indicia , quæ ex cæteris attributis assimi possunt , vt loco suo patebit . magis autem videtur cum Symphyto Petreō conuenire : inquit enim Dioscorides , Symphytum Petræum in axis nascens , ramos habet Origanii : folia tenuia : capitula Thymi : totum autem lignosum est , & odoratum dulce gustui , & Saliuam ciens : radicem autem habet longam , purpurascen tem , crassitudine digitali . Plinius Alum inquit nos vocamus , quod Græci Symphytum Petræum , simile Cunilæ bubulæ : foliis paruis : ramis tribus , aut quatuor à radice , cacuminibus Thymi , surculosum , odoratum , gustu dulce , saliuam ciens : longa radice , tutilla : nascitur in petris ; ideoque Petræum cognominatum . Illud solum ambiguatem faciat , quod capitula Thymi tribuuntur ; non enim cum Thymo Cretico , sed potius cum Italico similitudinem gerit cacuminibus .

C A P. L I.

A FFERVNTVR ex Orientalibus sub nomine Origani Cretici cumina quædam, veluti vmbellæ ex capitulis multis constantes, similes Maioranæ, colore candicante, sapore acerimo, odoratæ: quibus satis prouenit planta in genere suffruticis; multis ab eadem radice virgis, semicubitalibus, lignosis: frequentibus; foliolis, nostro Origano tenuioribus, subcandidis: flosculos fert in squammosis capitulis candidos: alterum genus vixit aliquando apud nos: capitulis magis sparsis, tenuioribus, longioribus, nec adeo compactis. Dioscorides tria Origani genera tradit: primum Heracleoticum cognomine, quod & Cunilam vocant, folium inquit habet Hyssopo non dissimile: vmbellam autem non in rotæ speciem orbiculatam, sed veluti multifidam: semen in summis virgis haud quaquam densum: excalfacit, & que sequuntur. secundum genus Onitis vocatur, de quo inquit Dioscorides: candidiore est folio, & Hyssopo similior: semen veluti coniunctos corymbo habet: vis ei Origani Heracleotici sed multo infirmior. Tertium sylvestre Origanum, aliqui Panaces Herculeum; alij Cunilam vocant: foliis constat Origani: ramulis tenuibus, dodrantem altis; in quibus vmbellæ Aneti insunt; flores candidi; radix tenuis, superuacula. Hæc vt Galenus inquit, vtraque efficacior est. ex quibus patet quod ex Creta assertu sylvestre genus esse, aut Onitum: alterum autem Heracleoticum. Theophrastus inter suffrutices numerat perpetue virentes: cacumine inquit perdurat amissis reliquis: succo acri constat: prouenit germine: genus nigrum sterile constat: candidum, fructuolum est: antequam proueniat, dies plusquam triginta dantur: semen vetus celerius prouenit. sylvestre: foliis minoribus: caulis scabrioribus constat, acrius. Plinius modo inter Cunilas recenset: nam Cunila bubula, aliquando vertitur ab eo, quod Origanum apud Grecos: aliquando aliam plantam significat semine Pulegij constantem, de qua nes alibi diximus. est præterea alia Cunila inquit Gallinacea à nostris vocata, à Græcis Origanum Heracleoticum: modo per se de Origano loquens inquit: Origanum quod in sapore Cunilam æmulatur (idest Satureiam) plura genera in medicina habet. Onitum non dissimile Hyssopo: deinde Tragoriganum, & Heraclium: de quibus in Tragorigano dicemus.

C A P. L I I.

ORIGANVM Italicum, vulgò Reganum vocatur: oritur in colibus, locis incultis, & saxosis: caulis ab eadem radice tribus, aut quatuor, duorum dodrantum longitudine: foliis sub rotundis,

rotundis, pollicis latitudine, in acutum desinentibus, hirsutis : in cacomine veluti vmbellam fert, laetam, ex tenuibus quibusdam & squamosis constantem apicibus : flore purpurascente : sapor inest cacuminibus sub acris, & odor Origani : folia fere insipida sunt : vtuntur cacuminum puluere in condimentis ; placet enim precipue cum salsa mentis pisciculorum. Dioscorides Tragoriganum vocat, quasi Hircinum Origanum; cuius duo genera describuntur. unum laetius, & virentius : foliis latioribus, satis glutinosum, Origano simile, folio, & ramulis. Quæ descrip^tio optime quadrat vulgari Origo, quod in Italia frequens est ; Alterum exilibus surculis, ac tenuibus foliis, sylvestri serpillo simile, quod aliqui Prasium vocauere. hæc descriptio conuenit Plantulæ apud nos in montibus nascenti, quæ figura omni ex parte serpillum humili repellentem præsefert, sed caret odore ac sapore illo mordaci. Quoddam vero odoratum est Citreum Malum olens. Plinius Tragoriganum vocat, aliquando Cunilam montanam inquiens: sit & ex ea montana Serpillo similis, efficax contra serpentes, vrinam mouet, purgat à partu mulieres, concoctionem mire adiuuat, & ad cibos auditatem. aliquando Heraclium inquiens : Heraclium quoque tria genera habet : nigritus, latioribus foliis, glutinosum : quod primum Tragoriganum est apud Dioscoridem. Alterum exilioribus, mollioribus, Sampacho non dissimile, quod aliqui Prasium vocare malunt : hoc est secundum Dioscoridis Tragoriganum; forte odoratum genus intelligens scilicet Serpillum citratum. Tertium est inter hæc medium, minus quam cætera efficax : videtur autem genus illud in odorum innuere : optimum Creticum ; nam iucunde olet ; proximum Smyrnæum ; deinde Heracleoticum. ad potum utilius quod Onitum vocant.

C A P . L I I I .

SCARSAPPEB in Hetruria vulgo appellatur; quia usum Piperis præstat in condimentis, & alicubi Mencipepe: olitoribus notissima seritur enim condimenti gratia. herbula est tenuibus ramulis, dodrantalibus : foliis Origani vulgaris, tenuioribus, in cacumine veluti vmbellam fert ex tenuibus & squamosis capitulis constantem, instat Majoranæ, in quibus flosculi ex purpura candicantes insident: tota odorata & valde acris. magis autem mordent cacumina : sponte quoque oritur in montibus, locis lapidosis : capitulis purpurascientibus, tenuioribus, & oblongioribus; acerrimo gustu, hoc legi optimum Hyssopum censeo, & montanum & hortense, quamvis Dioscorides tamquam notissimam herbam nequaquam descripscerit. Licet autem coniectari ex aliis Plantis, quæ Hyssopo comparantur ab eodem : nam folia Origano similia trudit: umbraculum summis caulis orbiculatum, ex corymbis constas,

vt in

vt in Chrysocome : ideo & Onitis Hyssopo similior quam alterum Orianum ; semen enim veluti coniunctos corymbos habet, non sparsos, vt Heracleoticum . Plinius huiusmodi corymbos baccas vocat ; inquit enim Hyssopi baccæ tenuæ contigit, & in aqua potè diebus sexdecim comitiales sanant. Mesues inter medicamenta purgantia recenset inquiens: ex ea quædam hortensis est, cuius altitudo est circa dimidium cubitum: paucioribus caulibus , ramisque , quam Thymum : foliis maioribus : flore purpureo . Quædam montana, cuius folia sunt minora, plura, & caules breviores : Eligenda est cuius odor, & sapor acutior est; & melius tempus collectionis est, quando incipit florete : species eius magna calidior est; cum autem nec apud Theophrastū teperiatur Hyssopi mentio, nec apud Galenum in simplicium censu, suspicionem afferunt, ne sub generibus Origanii intelligent; maxime enim similis est, videturque sylvestra Origanum , brevius, & acrius cæteris, præcipue montanum. Sunt, qui Cretense Origanum Hyssopo ascribant optima ratione; acrius enim est quam vt Onitis dici possit: & grandius quam sylvestri Orianæ conueniat.

C A P. L I I I I.

SERPILLVM ramulos exiles, & infirmos fert, humi procumbentes: foliolis Origanum minoribus, leuioribusque: flosculos in summis ramulis, racematis ex candido purpurascentes gerit: odor totius plantæ suavis: sapor acris & mordens: oritur sponte in saxis; seritur quoque in hortis; nam ramulo facilime prouenit, Graminis modo serpens: expetitur in condimentis. Dioscorides serpillum hortense vocat, odore Sampuchi, coronis expetitum, cui nomen à serpendo inditum est; quoniam si qua eius particula terram attingat, inibi radices dimittit; folia & ramulos Origanii habet, sed candidiora (potius λευκότερæ idest leuiora legendum censeo, non λευκότερæ; nostrum enim Serpillum nequaquam candidius est Origanum, immo viridius) in maceris multo procerius assurgit. Plinius hoc non satiuum, sed sylvestre vocat, copiosum in montibus: Serpillum enim inquit à serpendo dictum putant, quod in sylvestri euénit in petris maxime: quod & Dioscorides indicat, cum inquit: in maceris multo procerius assurgit. Theophrastus inter suffrutices Coronarios inquit: Serpillus perpetuo viret, tota odorata, lignosa: sylvestre etiā genus est, quod deferentes ex montibus ferunt apud nonnullos, Thymum penitus redolet, in summo terræ hæret radice multifida, & torrida peculiatis austrio germinum, nam in quantumuis longitudinis procedere valet, nactum scilicet adminiculum, aut iuxta spes aliquas satum: crescit præcipue in puteis: quidam in montibus

N n n satu.

satureiatus, atque vehementissimus, & odore gratus, & mollior : tempus serendi Autumnus : squalorem patitur, & aquæ paucæ indigus est : sed simo præcipue gaudet potissimum iumentorum : melior redditu creditur, si saepius transferatur.

C A P. L V.

PEOLINA vulgo appellatur, ab aliis Piperella ob acrimoniam vehementem, Piperi æqualem : caule lignoso constat, dodrantali, aut altiore : ramulis multis, brevibus : foliis Serpilli, oblongioribus, candidantibus, valde odoratis : flosculos racematum summis ramulis fert, vt Serpillum : quidam pro Thymo accipiunt ; oritur passim in Liguriæ, & prouinciæ saxosis littoribus ; hinc transfertur in hortos inter suaveolentes herbas : ea vtuntur in condimentis. Dioscorides Serpillum sylvestre appellat, quod & Zygis appellatur, non serpens, sed reticulum : ramulos edens tenues, surculosos, foliis refertos longioribus, quæ Rutæ, subangustis, & durioribus : flores iucunde olent, gustanti acres : radicis nullus vsus : nascitur in petris : satiuo efficacius, atque magis ex calcfaciens, & ad medendi usum aptius. Theophrastus hanc videtur intellectuisse cum inquit de Serpillo : quidam in montibus satureiatus, atq; vehementissimus, & odore gratus, & mollior. Plinius autem pro satiuo accepit inquiens : satiuum non terpit, sed ad palmi altitudinem incrementum, pinguius, & candidioribus foliis, & ramis.

C A P. L VI.

QVAE DAM ex Sicilia quondam ad nos allata est sub nomine Mari, similis Serpillo recto ; sed ramulis humi procumbentibus ; foliolis brevioribus, candidioribus, instar Maioranæ : flores inter foliola fert non racemosos, sed taros, Calamenti modo, purpurascentes : odor toti plantæ inest validus, ac suavis ; sapor feruens, cum quadam amaritudine. Hanc puto Sampsuchum esse apud Dioscoridem, quod & Amaracum in Sicilia, & Cyziceno vocatur : herba inquit est ramosa, per terram repens : foliis tenuioris Calaminthæ, hirsutis, rotundis, valde odorata, & feruens, quæ & coronis inseritur. Ex hac constare videatur Amaracinum vnguentum, quod in Cyzico fieri idem testatur Dioscorides. cum autem alibi Sampsuchini meminerit, videtur aliam intellegere : nam & Galenus, quem sequuntur Paulus & Aetius, de Sampsucho & Amara co tamquam diversis agunt, forte accipientes pro Amara herbam à Dioscoride Parthenium vocatam, insigniter amaram : nam Dioscorides eam quoque, Amaracum appellari tradit : aut Artemisiæ tenui-

tenuifoliam ; cuius flores & folia odorem Sampsuchi referunt. Theophrastus Amaracum vocat, non Sampuchum, licet Theodorus modo Sampsuchum, modo Sampuchum vertat ; aliquando Amaracum inter suffrutices coronarios perpetue vitens; prouenit & semine & auilione: præstat semenis copia, & iucundi odoris semen est, & quidem mollioris odoris : nec non & planta eius transferri potest : radices in summo terre hærent, multifidae, tortidæque: æstate floret: recipitur in vnguentis odoratis. At primo de causis plantarum aliam intelligit: vbi inquit Amaracum recens radicem succi bonitate & carnis ad serendum habet, inter ea quorum radix crassa, & carnosa est. Plinius Amaracum inquit Diocles medicus & Sicula gens appellauere, quod Aegyptus & Syria Sampsuchum: seritur utroque genere & semine & ramo viuacijs & melius Abrotono: copiosum ei æque, quam Abrotono, semen.

C A P . L V I I .

MAIORANA vulgo appellatur ab aliis Persa suffrutex lignosus: frequentibus ramis, rectis, opere topiario obsequiosus: foliola insunt subrotunda, mollia, lanuginea, hyeme minora, candidioraque, æstate maiora, ac viridentiora, valde suavi odore, sapor inest ori non ingratus cum astrictione, modice acris: ideo placet in cibis: in summis virginis capitula pauca fert subrotunda, ex squamis dense compacta, in quibus flosculi candicantes; nullibi sponte apud nos prouenit, sed ramulo sata facillime. Dioscorides Maron vocat, de qua inquit, herba est vulgo cognita, surculosa: flore Otigani: foliis multo candidioribus: flore odoratiore; vim habet Sisymbrio similem; substringit enim, & modice calcitat: iuxta Magnesiam & Tralles copiosissima gignitur. Plinius inquit: in Aegypto nascitur & Maron, peius quam Lydium: maioribus foliis, ac variis: illa breuia, ac minuta, & odorata. Galenus in compositione Hedychtoi; Maron inquit multo odoratius est Amaraco: & paulo post cum inquit: hanc herbam aliquoties cum ipse degustasse, ac eam amaram quidem plurimum, acie verò parum deprehendisse, hortatus sum in vnguento Amaracino Amaracl tantum compositioni immisceri quantum & Mati, cum antea solearent ex solo Maro componere: ac mihi visum est id vnguentum minus quidem odoratum, nihil autem viribus inferius. haec tenus Galenus. quod loco sapor amarus non Maro tribuitur, vt perperam interpretantur quidam: sed Amaraco, cuius permixtione minus quidem odoratum vnguentum est redditum; quia odore vincitur à Maro, sed efficacius ob amaritudinem adiunctam. utrum autem per Amaracum hoc loco Sampuchum acceperit, an Parthenium incertum est: utræque enim ob amaritudinem viribus præstant; suavitatem autem odoris vincuntur.

C A P . L V I I I .

DICTAMVM Creticum frequentibus ramulis fruticat, lignosis, ut Maiorana : foliis rotundioribus, maioribus, multa lanugine candida obsitis, quæ hyeme quidem candidiora, ac minora spectantur, æstate graudiora redduntur, ac nigriora Sisymbrio emula : in sumis ramulis spicas squamosas fert crassiores, ac lõgiores nostro Scarsapape mótoano: colore ex rubro nigricante: flores fert purpurascentes : tota plâta odoratissima, ac sapore valde acti cõstat. Dioscorides Dictamum vocat : inquit herba Cretensis est, acris, leuis, Pulegio similis, sed maioribus foliis, quæ tomento quodam spissaque lanugine pubescunt : neque florem, neque fructum fert. paulo vero post interiecto Pseudodictamo inquit : defertur à Creta Alterum Dictami genus : foliis Sisymbrij ; ramis maioribus, in quibus flores sylvestris Origani, nigri, molles : odor foliorum inter Sisymbrium & Saluiam iucundissimus, efficax ad eadem, sed minus nares ferit. Videtur insequi Theophrastum eodem ordine & iisdem fere verbis, de primo Dictamo & Pseudodictamo, & altero Dictamo loquentem, paucis quibusdam immutatis, quæ oppositam sententiam significant. Inquit enim Theophrastus ; Dictatum Cretæ Insulae proprium est, vi mirabile, & ad plura vtile, sed ad partus, mulierum potissimum pollet : folium inest Pulegio simile, sapore quoque non assimili : rami tenuiores : vntur autem foliis, non ramis, neque fructu (hoc autem Dioscorides accepit, quasi neque fructum, neque flores feret) datur herba ex aqua bibenda, ut partus facilis reddatur, aut dolores sedentur : rata hæc herba ; locus enim in Creta exiguis, qui ferat, & à capris aude pascitur : nam ferunt sagittis transfixas huius pastu tela eiicere. Pseudodictatum autem folio quidem simile constat ; sed ramulis minoribus ; ac viribus longe infirmioribus deprehenditur gustu verum ; vehementer enim excalfacit, quamvis parum degustetur : ne expiret virtus, condunt in Calamis eius manipulos ; nam cum expirauerit imbecillius redditur. Sunt, qui eamdem naturam Dictami & Pseudodictami ferunt, locis differre : Pseudodictatum enim locis letioribus exire, ac degenerare : verum autem Dictatum locum vehementer asperum amare tradunt. Est etiam aliud Dictatum velut æquiuoce appellatum ; nec enim speciem, nec vim habet eamdem : quippe quod folio simili Sisymbrio constet, & ramis maioribus : vlus item, & vis non iisdem conueniunt. Hic quoque Dioscorides aliqua ex parte dissentit à Theophrasto, cum hoc genus ad eadem laudet. forte Dioscorides Plantarum partes exsiccatas, ut deferri solent descripsit : & tamquam diuersum genus tradidit, quod hyeme collectū est antequam fructum ferat, & quod æstate

Estate & Autumno facie diuersum, ut plerisque contingit. Plinius partim Dioscoridem sequitur, cum inquit: Dictami foliis tantum utuntur; flos nullus ei est, aut semen, aut caulis; radix tenuis, & superuacua: partim Theophrastum, cum cetera omnia ex Theophrasto transcribat de Pseudodictamo, & altero Dictamo. Virgilius de Dictamo cecinit pu-beribus caulem foliis & flore comantem purpureo. Italię Alpes aliud genus Dictami ferunt, longe diuersum, de quo alibi dicendum est. Quę autem circumfertur pro Pseudodictamo explicata est superius.

C A P. L I X.

OCIMVM, quod vulgo Basilicum appellatur, quotannis semi-ne scritur post æquinoctium Vernum inter aestiu: nam hyeme perit: gaudet sole & aqua: herba admodum odorata: gustu subacris; recipitur inter olera cruda & cocta, & in condimen-tis. eius tria genera magnitudine differentia, unum Latifolium, crispofolio, ac laevi; duorum digitorum latitudine & amplius oblongum, ac modice serratum: in quo genere quoddam reperitur odore Citri, quod Ocimum citratum vocant: caulis quadratus, semicubitalis, ramulos; spicam fert summis ramulis, in qua flores albi. Alterum genus tenuifo- lium ramulis adeo frequentibus, ut conspici nequeant internæ fruticis partes; quod enim magis tendentur cacumina, eò magis densatur frutex in speciem orbis, statim ab radice dilatatis ramulis, ut ingentis capitidis magnitudinem æquet: odoratius prædicto; foliorum magnitudo, quæ Serpilli: appellant Basilicum Nanum idest Pumilum. Tertium me-dium olitoribus frequentius, breuius quidem antedictis, sed folio me-dię magnitudinis: caulinculo subhirsuto: flosculis ex candido subruben-tibus: semen omnibus nigrum in folliculis non hiantibus, sed labiolo sursum replicato. Dioscorides Ocimum tamquam vulgo notum non describit. ex attributis tamen videtur intellexisse solum illud genus, quod lato folio constat, ut patet in Ocimoide, Heliotropio maiore, Mercuriali, Solano Hörtensi, quorum folia Ocimo comparantur. Theophras-tus radicem lignosam tribuit, longissimam, aliis multis & latere descen-dentibus, & prolixis: caulis assurgit: iam perfectis foliis: celerimè pro-uenit: germine quoque defixo: nam cum ad palmum, aut plus altitudi-nis venerit transfertur dimidio abscisso: particulatim floret, primo infe-rius, post superius, cum ille defloruerit; ideo diutius floret: semen cor-tice continetur, difficillime exsiccatur, fecundissimum: datur aqua etiā meridie; germinare namque celerius existimant, si inter initia feruenti aqua rigetur, aqua admodum multa conferre creditur præsettum si simus non adsit: sub canis ortum pallescit: soli expositum transit in Serpillum: folio

folio minus & vehementius odore redditur. hæc Theophrastus sparsim
 habet. in postremis autem verbis innuete videtur genus Ocimi Pumilū;
 folia enim Serpilli sunt, & magis odorata, quasi arte latifolium, in hoc ge-
 nus transferit. Plinius præter satuum, sylvestre quoque Ocimum tra-
 dit, cui vis efficacior ad eadem omnia: sed cum neutrā describat, incertū
 est, quid Ocimum sylvestre apud ipsum sit, nisi Acinum intelligat, quod
 apud Dioscoridem Ocimastrum etiam appellari legitur. Acinos inquit
 Dioscorides herba est: exilibus festucis, apta coronamentis. Ocimo pro-
 xima, sed hirsutior, & odorata: colitur quoque à nōnullis: sicut aluum,
 & menses pota: ad panos & ignem sacrum illinitur. Plinius quoque ali-
 bi eadem ferè transcribit in hunc modum: Acino & coronatum causa,
 & ciborum Aegyptij serunt, eademque erat, quæ Ocimum, nisi hirsu-
 tior ramis, ac foliis esset, & admodum odorata; ciet menses & vrinas.
 Sed in hoc Dioscoridi aduersatur, vt patet. Alibi quoque apud eundem
 Plinium reperitur Acini mentio inter herbas numquam floentes, vbi
 inquit: æquinoctio nascens Aphace Acinos, quam Epipetron vocant,
 quæ numquam floret, sed Hermolaus quamuis hanc lectionem probet,
 suspicatur tamen aliter legendum: Acinos & quam Epimetron vocant,
 quæ numquam floret: videtur enim ex Theophrasto sumpsisse, qui de
 Epimetrio testatur flore penitus carere: vbi nulla alterius appellationis
 Acini fit mentio: ideo duas plantas significati per Acinon, & Epipetron,
 siue Epimetron. In antiquis etiā codicibus pro Acino legi Chenopū te-
 statur, quasi pedem Anserinū, quæ lectione mihi magis placet: hæc enim nū
 quam floret, vt in pede Anserino explicauit. sed vt ad Acinum reuertan-
 tur, non dubito hanc esse illud genus Ocimi, quod medium appellauimus:
 hæc enim cæteris hirsutior est, ac brevioribus ramulis: quamuis
 autem sponte apud nos nequaquam oriatur, non est putandum nullibi
 sponte oriri. Fuit controversia apud antiquos de Ocimi viribus: qui-
 dam enim teste Plinio eius vsum dannant, vt inutile stomacho vting, ocu-
 lorum claritati: præterea insaniam facere, læthargicos, & iecinoris vi-
 tia, ideoque capras id aspernari; hominibus quoque fugiendum esse, tri-
 tum si copriatur lapide, Scorpionem gignere; cōmanducatum, & in so-
 le positum vermes afferre: qui Ocimum comedenter, si eo die feriatur à
 Scorpione; sanari non posse: manipulo Ocimi cum Canchris decem
 matinis vel fluiuatilibus trito conuenire ad eum Scorpiones à proximo
 omnes: Ocimi cibum pediculos facere. Sequuta ætas alacriter defendit;
 nam id esse Capras, nec minus quam Mētam, & Rutam Scorpionum ter-
 restrium ictibus, marinorumque venenis mederi cum viño, addito acetū
 exiguo: vsu quoque compertum deficienibus ex aceto odoratum salu-
 tarem esse, item læthargicis & inflammatis refrigerationi: illum capitis
 doloribus cum rosaceo aut Myrtheo aut Aceto: oculorum Epiphoris,
 stomacho

stomacho quoque vtilem esse, inflationes & ruetum ex aceto sumptum dissoluere: aluum sistere impositum. vrinam ciere, morbo Regio, & Hydropticis prodesse: choleras eo & distillationes stomachi inhiberi, Cælicis, disentericis, colicis, tenesmo, & sanguinem excreantibus & ad multa alia. Galenus priorem sententiam sequitur: habere enim recrementiuā humiditatem: vitiosi succi; ideo non commodum, ut sumatur in corpus. Dioscorides partim damnat, partim laudat. Arabes quatuor plantas ostendunt, quas interprætes Ocimum vocant. unum Ocimum Gario philatum; cuius folia sunt parua, colore inter vitidem & glaucum; odo re Gariophylli: caulis quadratus, colore simili: semen minutum, nigrum: colligitur mense Iunio. Hanc dicerem esse Ocimum Pumilum, nisi tempus collectionis semenis obstat; prorogatur enim in Autumnum, ut cæterorum semina. Alterum Ocimum commune intelligentes id, quod à Dioscoride & Galeno traditur: Tertium Ocimum domesticum, habens folia lata; ramulos virides, quadrangulos; flores albos; semen Ocimi. Quartum Ocimum Carmenum paruum; sed quoniam difficile est ex eorum verbis coniectari, in his amplius non insisto.

C A P. L X.

PVLEGIVM in solo aquoso potissimum nascitur: multis ab eadē radice ramulis, dodrantalibus, humi procumbentibus: foliis per interualla Ocimi mediocris, aut Népitę, subcandanticibus, minus hirsutis: Orbiculos per interualla fert inter folia, vt Martubium, flosculis purpurascientibus; aut candanticibus; tota odore multo; ac suavi constat, sapore acri, expeditur in condimentis: huius gratia transfertur in hortos, & colitur. Dioscorides græce Glechona, & Blechona vocat, sed tamquam vulgaris notitiæ herbam non describit: ex attributis autem, quę de quibusdam aliis plantis traduntur, colligere licet similem esse Dictamo Cretensi, quod & sylvestre Pulegium vocatum est; sed foliis minoribus, nec adeo hirsutis; sapore quoque non absimili, vt Theo phrastus tradit: caulem Polycnemo similem, geniculis interceptum. Paulus Aegineta suam Betonicam describit ramulis exilibus, Pulegio similibus. Plinius Cunilam Bubulam semine Pulegij tradit: fert enim & hęc per interualla fructum in orbiculis congestum: colorem subalbidum inesse ex Mentastro colligere licet apud eundem Plinium. Idem in Pulegio feminam esse & marem tradit: feminam efficaciem: flore pureo: mas candidum habet: Sylvestri eamdem vim inesse efficaciem, quod simile est Origano; minoribus foliis, quam satiuum, & à quibusdam Dictamum vocatur: gustatum à pecore caprisque balatum concitat; unde quidam græci literas mutantes Blechon vocauerunt: naturam

tam feruens est, vt illitus partes exulceret. Theophrastus aliquando Blechonem, aliquando Blechrum vocat: ramuli abscissi germinare possunt, & solstitiis florent, quod mirum est; nam sicca omnino sentitur, non succum lentum habet, vt cætera, quibus id contingit. incipit germinare in seuitia temporis diebus Alcionis.

C A P. L X I.

CALAMENTVM, quod vulgò Nepita vocatur, passim iuxta vias, præcipue in collibus nascitur, & incultis, Pulegio similis, candidior, & hirsutior: foliis initio latioribus, ac lauiter deticulatis sed in ramulis assidue tenuiora redduntur, odore acuto: ideo similiiter recipitur in condimentis: flores fert summis ramulis sparsos, pri pu-
rascentes, aut subcæruleos, aut candidantes. Dioscorides Calamintham vocat secundo loco descriptam, Pulegio similem, maiorem, quam quidam sylvestre Pulegium appellauerunt; quod odore ipsum æmuletur: Latini Nepetam vocant. Plinius inquit: Pulegio est Nepetæque societas; decocta enim in aqua discutiunt frigora mulierumque menstruis prosunt, & æstate sedant calores. Nepeta quoque vires contra serpentes habet: fumum ex ea, nidoremque fugiunt: aliisque multis profest. Galenus Calaminthæ nomine modò hanc, modò Mentastrum intelligit.

C A P. L X I I.

CALAMENTVM Montanum frequentissimum est in sylvis Alpiis, faciecius, quam Horminum sylvestre appellamus, tum caulis, tum foliis, tum floribus; omnibus tamen paulò tenuioribus, & foliis candidioribus, sapore Nepitæ accidente os. Dioscorides inter Calaminthas primo loco describit: in montibus familiarem: foliis Ocimi, albanticibus, surculis, festucisque angulosis: flore purpureo.

C A P. L X I I I.

GATTARIA vulgò appellatur quedam in ruderibus proueniens, circa quam feles libenter versantur, odore eius oblectatæ: vnde vulgare nomen assumpsit: caules fert prope cubitales, quadratos, candidantes, ramosos: folia figura Vrtice, candida, lanuginosa, odore, ac sapore proximo Nepitæ, infirmitiore tamen: flores in summis ramis congeiti, candidantes. Dioscorides tertium genus Calaminthæ describit: Mentastro simile: longioribus foliis: caule; & ramis maioribus, quam prædicta; sed minus efficax. omnium folia gustu valde feruentia,

&

& acria sunt : radix inutilis : nascuntur in campestribus, & in asperis locis, & in aquosis. Plinius forte hanc intellexit inter Vrticas, quæ odem fundit, Herculanea vocatur.

C A P . L X I I I .

MENTA Hortensis duotū generū est apud nos: vnū rotundo folio, alterū oblongo. Quæ rotūdo folio cōstat, odoratior est; Mēta Romanā vocat. germinant vtrēque incipiente hyeme: caulinculis humi repētibus, subrubris: foliolis rotūdis: quo tēpore usq; in ver te nella germina odoratissima, & gustui sua via expetuntur in cibis cruda ex oleo & acero: aduentante estate caules erigūtur, foliis grandioribus, circū serratis, odore non adeo grato, sapore subamaro; in altera quidem rotundis, crīspis, & subnigris; in altera autem oblongis, candidioribusque: flores summis ramulis ferunt spicatos, purpurascētes, aut candicantes: radices summa tellure serpentes, tenues, Graminis modo, viuaces admōdum; vnde copiosē germinationes erumpunt. sylvestris quoque Menta duplex est: Vna in aquosis nascens, & propè piscinas; Mentam Aquaticam vocant, odorata, & in cibis grata, dum tenella est: folio rotundo, & subrubro: cacuminibus comam potius subrotundam fert, quam spicam, floribus purpureis. Altera paſſim in incultis nascitur: folio ob longo, latiore quam Mentæ domesticę, candidiore, & magis lanuginoſo, odore minus grato, sapore acri: spicam fert summis ramulis tenuem, & oblongam, subcandidam; Mentastrum appellant. Dioscorides Hēdiosmon vocat, vnam satiuam, quam nequaquam describit; quia nota herba est: aliteram sylvestrem: folio hirsutiore, & proſsus maiore quam Sisymbrium; grauiore odore, quare minus ad sanorum usus expeditur: quæ descripto nostro Mentastro conuenit. Alibi autem inter olera de Sisymbrio agit inquiens: Sisymbrium, alijs Serpillum sylvestrem vocant, in terrenis nascitur simile Mentæ domesticę: latiore folio magisque odorato: recipitur in cotonis. Hæc descriptio ei, quam Mentā Aquaticam appellamus, optime respondet. Altetum præterea Sisymbrium Aquaticum affert toto genere diuersum, de quo alibi à nobis dicitur. Quod autem primum in terrenis nasci tradit, non significat in arido solo nasci, sed ad differentiam aquatici dictum est, quasi Sisymbrium terrestre. Theophrastus Hēdiosmon inter olera recenserat ruralia: miror autē Theodorum Mentastrum conuertere non Mentam: At id fuit erroris causa, quod alibi Theophrastus græce Mentham vocat herbam, in quam degenerat Sisymbrium, cum negligitur; Putauit enim Theodorus hanc Men tam esse domesticam, cum potius significetur sylvestris herba esse; inquit enim Theophrastus: Sisymbrium inter suffrutices coronarios, surculo-

Ooo sum,

sum, lignosum ; minutis foliis, totum odoratum : odor autem est actior
 quam Serpilli, in summo terræ adhæret radice multifida, & torrida,
 non tám numerosa, vt Menta: degenerat autem facile, nisi transferatur:
 quamobrem s̄p̄ius id transferre consueuerunt; nisi enim cultura coer-
 ceatur, in Menthā mutari videtur: sed odorem tantummodo Menthę
 recipit proprio amiso, speciem vero non recipit, sed quasi Calaminthę
 redditur simile. Agreste igitur Sisymbrium talem reddit odorem: est
 enim odor durus, expers dulcedinis: in causa vero est, vt sylvestrem ha-
 bitum contrahat, alimenti abundantia, & neglectus: cum enim suæ
 sponti relinquitur; vt suo more nutriatur, destruitur sui odoris vehemen-
 tia, & quasi effeminatur: Sed & hunc locum perperam Theodorus in eā
 sententiam conuertit, vt cultus noceat Sisymbrio. De Menta autem
 præter hęc, quæ dicta sunt, ea solum reperio apud Theophrastum, ra-
 dice alta firmari; & alibi, quædā inquit vbertate alimenti omnino dispe-
 reunt, vt Menta: radi cibus complexu mutuo strangulatis. puto igitur
 Menthā apud Theophrastum significare ipsum Mentastrum: nō quod
 species in alteram specie conuertatur, vt notauit Theophrastus, sed odor
 tantum: remanet igitur Sisymbrium sed sylvestre. Qui autem in Dio-
 scoride legunt in incultis nasci Sisymbrium, diuersum à Sisymbrio
 Theophrasti statuunt: at id non est necesse; terrestre enim Sisymbrium
 est, siue sponte in incultis, siue in hortis seratur. Eamdem autem esse Plinius
 testatur, cum inquit Serpillo, & Sisymbrio montes pleriq; scatent,
 sicut in Thracia, vbiique deferunt ex iis auulos ramos, seruntque: simi-
 li modo & Sisymbriū serunt: letissimum nascitur in putoerū parietibus,
 & circa piscinas, & stagna: sylvestre à quibusdā Thymbreū appellatū, pe-
 pedali non amplius altitudine. Quod aut̄ Plinius scribit Sisymbriū transire
 in Calaminthę, & consentit cum Theophrasto, cum inquit, quasi Cala-
 minthę redditur simile: & prædictam veritatem confirmat; accipitur
 enim Calamintha pro Menta inodora, vt testatur Galenus de Hedio-
 smo loquens, cum inquit. Hedioſmos, alij vero Minthę odoratam
 nuncupant, est enim & alia quædam Minthę non odorata, quam Cala-
 minthę vocant: hęc ceu sylvestris quædam est, illa ceu domestica. in
 quibus verbis manifeste per Calamintham intelligit Mentastrum, licet
 & alia sit Calamintha, vt in sua mentione dictum est: vt igitur in sum-
 mā contrahamus, dicimus idem esse Sisymbrium terrestre apud Dio-
 scoridem & Theophrastum, & significare nostram Mentam Aquaticam,
 quæ cultura odoratior redditur, non solum se ipsa, sed & Menta dome-
 stica, vt Dioscorides testatur: eidem initio folia minuta sunt, vt Menta
 domestica, quo tempore & recipitur in cibis: cauliculis humili serpen-
 tibus, idē Serpillum sylvestre appellatum est: cum attollitur, Menta-
 strum redditur similis, rotundiore folio, & nigriore. De Menta autem

& Mentaistro Plinius inquit: Mentam quidem sibi æquinoctio verno
planta, vel si non dum germinat spongia (appellatur autem spongia ra-
dicum globus) minus hæc humido gaudet quam Apium: æstate viret:
hyeme flavescit: genus eius sylvestre Mentastrum est, differens specie fo-
liorum, quasi figura Ocimi, Pulegij colore, propter quod quidam syl-
vestre Pulegium vocant: & hoc propagatur ut Vitis, vel si inueni
rami serantur: Menta nomen suavitatis odoris apud græcos
mutauit (scilicet Hediosmos) cum alioqui Mintha
vocaretur; unde veteres nostri nomen declina-
uerunt. Menta grato odore mensas per-
currit in rusticis dapibus: semel sata
diutina æstate durat: con-
gruit Pulegio simili
genere & Na-
pitæ.

Finis Libri Undecimi.



Ooo 2

AN.

ANDREAE CAESALPINI

ARETINI

DE SVFRVTICIBVS ET HERBIS.

LIBER DVODECIMVS.

CAP. PRIMVM.



VAE in communi sede multa ferunt semina, in certo numero, ac nullo vasculo inclusa, preter id, quod florem tegit; Alia florem gerunt seminibus singulis insidentem, ut Anthemidum genera, & Achanaceorum: communis enim floris particule singulis seminibus distributæ sunt: Alia florem communem habent non distributum in singula, inferius sedentem circa fructum, ut Ranunculi genera, omnibus seminis cor interius vergit exceptis paucis, quæ in primo genere continentur, ut Scabiosa, & quæ illici affinia sunt; in iis enim cor extra est, qua flos nectitur. Quibus flos exterius sedet: Aliis foliaceum quid singulis seminibus insidet, ut Ciceraceis, & spinosis, quo decidente lanugo subnascitur, quæ pappus vocatur: Aliis lanuginosus est ipse flos simul cum semine exarescens, ut in Absinthio, Artemisia, & affinibus: Alitis in medio quidem lanuginosus, in ambitu autem foliaceus, ut in Atheneide, & quæ eius generis. Amplissimum hoc genus est & calfactorium paucis quibusdam exceptis, quæ inter olera sunt, ut Ciceracea: Amaritudo enim plurimis inest; quibusdam & feruor, ut Ranunculis.

C A P. I I.

AB SINTHIVM suffrutex est vulgaris iuxta ædificia collapsa frequens, montosis præcipue locis: multos ab eodem cespite caules fert, cubitales, candidos; folia candicantia, subhirsuta, mollia, multiplicitate diuisa: flosculos numerosos, tenuibus ramulis digestos, inclinatos ad terram, veluti aridos floccos, luteo colore: odor totius plantæ grauis, non tamen insuavis; sapor amarissimus, præcipue foliorum & corticis, cum subdulcis sit caulis medulla. Alterum genus in collibus nascitur locis argillosis, ubi alia nulla vivit Planta, frequens in

in agro Senensi : hoc breuius multo est ac tenuius : paucioribus ramis, ac seminibus; odoris minus ingratii, ac saporis. Dioscorides Absinthium Bathypicron cognominat, id est intense amaritudinis, sed tamquam notissimum non describit: præstantissimum esse, quod in Ponto nascitur, & Cappadocia, monte Tauro. Galenus in omni Absinthio qualitatem inesse amaram, & astringentem testatur: in Pontico astringentem non paruam: in reliquis omnibus qualitatem amaram vehementissimam, astringentem obscuram, aut nullam; ideo Ponticum præferri, ad Iocinoris & ventris phlegmonas: constat hoc inquit folio & flore longe minore, quam cætera Absinthia; odor non insuavis aromaticum quid præferens: reliquis omnibus est fœdus, ideo fugere oportet, & Pontico uti. Plinius Pontico inquit pingue scere pecora, ob id sine felle reperiri, neque aliud præstantius, multoque Italicum amarius (sic enim legendum puto non Italico) sed medulla Pontici dulcis. Ex his patet apud nos Absinthium illud exiguum, quod in incultis nascitur argillosum locis, esse, quale Ponticum traditur.

C A P. I I I.

ABSINTHIVM Marinum locis harenosis nascitur in maritimis, fruticosum, media magnitudine inter paruum supradictum & vulgare; foliosius utrisque; foliis minus scissis; adeo ut quæ prope cacumina virgularum sunt, nullam scissuram habeant, tenuia in longitudinem producta: amaritudo minor in hoc, sed cum quadam acreidine; odor gratus: huius flores semen Sanctum vocant ad lumbros necandos. Dioscorides Absinthium marinum à quibusdam Seriphium appellari scribit: herba est, tenuibus surculis similis patuo Abrotono, minutis referta seminibus, subamara, stomacho ingrata, gratus odor, astringens cum quadam calfactione. Plinius hoc genus inquit, angustius est priore, minusque amarum, stomacho inimicum. Galenus Seriphium, inquit, est Absinthio tum specie, tum gustu simile, at non eque ut illud astringit, plusque excalfacit, amaritatemque quandam cum sal- sedine resipit, stomacho infestum est, lumbros necat.

C A P. I I I I.

ABSINTHIVM Sanctohicum viret in horto Pisano, allatum ex Gallia, ubi indigenæ Abrotonum vocant; tenuibus cauliculis, semicubitalibus: foliis minutissime incisis, candidioribus nostro Absinthio: flosculos fert tenues, neque ades frequentes: sapor modice amarus, magis astringens; odor non ingratus. Dioscorides inquit

in Alpinis Gallia nasci Sanctonicum appellatum patrio nomine, vbi frequens reperitur, Absinthio simile; minus copioso semine, subamarum, parcs habet effectus cum Seriphio.

C A P. V.

ARTEMISIA vulgaris, quæ à quibusdam Canapacia vocatur, oritur in ruderibus: caulibus bicubitalibus, rectis, striatis, alas multas ferentibus, & folia Absinthij vulgaris, superne vitidia, inferne candida: flosculos æstate fert, longe exiliores Absinthio inter foliola, colore candido; insensibilis inest amaritudo, cum acredine quadam, & astrictione; odor quidam medicatus, non vehementis. Dioscorides inter Artemisias secundo loco descripsit inquiens: Alterum genus Polycloni scilicet appellati tenuius: flores patuos, tenues, & albos fert, graui odore, æstate floret. Plinius utramque Artemisiam describens fere eadem tradit inquiens: Absinthij modo fruticosa est; maioribus foliis, pinguioribus; ipsius duo genera; Altera latioribus foliis; Altera tenera, tenuioribus, & non nisi in maritimis nascens. de marittima inferius dicemus in Cineraria, quæ à Dioscoride latior describitur tum foliis, tum virgis. At Plinius contra: tenuioribus foliis marittimâ tradit, forte intel ligens eam, quæ Conyza Hippocratis dicitur, de qua dictu in Ambrosia.

C A P. VI.

A BROTONVM suffrutex est apud nos, multas ferens virgas, cùbito altiores; foliis circumdantibus, in tenuitatem quasi capillaceam scissis, Anthemidis modo, sed rarioribus capillis, longioribusque, ac subalbidis: flores fert racematum Absinthij modo, tenuiores: sapor valde amarus: & odor medicatus toti plantæ inest: colitur in hortis; nam folia odoris gratia nectuntur in coronis. oritur & sponte in montibus saxosis, breuius. Dioscorides Abrotonum marem vocat, sementosum: gracili semine, sicuti Absinthium. Affert & feminam, de qua inferius dicemus. Plinius hoc Môtanum esse tradit.

C A P. VII.

SANCtolina vulgo dicitur, ab aliis Crespolina, candidus ex toto frutex, qui ex eodem cespite numerosos fert ramulos, duorum dodrantum longitudine, refertos foliolis tenuibus, & oblongis, minutissime diuisis, quadruplici ordine, veluti paruis apicibus, secundu[m] quatuor versus dispositis in longitudine, quasi labris utriq[ue] levigata.

reflexione fimbriatis; vnde à Medicis quibusdam Crispula appellata est: flores in summis ramulis nudis veluti capitula, aurei fulgoris fert, singulis singula: tota valde odorata est, odore tamen medicato, amara: seritur ramo, qui crassescit ut Ruta, speciem quamdam arboream referens. Dioscorides Abrotonum feminam vocat: fruticat inquit arboris specie, subalbidum; foliis minutatim scissis, circa tamulos, ut Seriphium: flore plenum, quem in cacumine habet corymbaceum, aureum, odoratum cum quadam grauitate, aestate prouenientem, gustu amaro: huiusmodi Siculum est. Si igitur planta supradicta Abrotonum feminam est, similitudo Absinthij Seriphij non in foliis scissione consistit, sed in figura, oblonga scilicet, & angusta, quo modo & Helichrysi folia comparantur. Quamuis autem hoc genus Abrotoni arborea specie describatur, paruum tamen Abrotonum ab eodē Dioscoride appellatur in Seriphio: nam re vera breuius est altero. Theophrastus vnum tantum genus Abrotoni videtur descripsisse hoc intelligens: inquit enim: inter suffrutices coronarios perpetue viret: radice & auulione potius, quam semine prouenit: seritur aestate; nam friget vehementissime, & morbo obnoxium, sed cum contialuerit, & creuerit, magnum, robustum atque arboreum constat, quemadmodum Ruta, lignosius, siccus, & squalidius semine abundat, nec sine odore est. radices rectas, altasque agit: est veluti vnistirps, crassa scilicet illa radice, reliquis vero de ea ex euntibus spargitur; radices valde lignosae sunt. Plinius inquit: Abrotonum iucundi odoris est, & grauis: floret aestate: flos aurei coloris: vacuum sponte prouenit, cacumine suo se propagat: seritur autem semine melius quam radice, aut surculo: & alibi duorum inquit generum est: Campestre: ac Montanum: hoc feminineum: illud matrem intelligi volumus. amaritudo Absinthij in utroque: Siculum laudatissimum; dein Galaticum: usus est ex foliis, sed maior semine ad calfaciendum: & que sequuntur. ex quibus colligitur hoc Campestre intelligi. Apud Nicolaum Alexandrinum Crispula vocatur, quæ sita in vnguento Martiano, quam Sylaticus herbam Cancri alio nomine appellari tradit: est inquit herba alba, minuta habens folia, crispa; virtus eius est calida & sicca, medetur doloribus, & ægritudinibus frigidis.

C A P. V I I I.

TANACETVM vulgo appellatur, ab aliis Daneta, prope fluminis, & in aggeribus nascens: simplici caule, recto, cubitali; foliis Matricariæ, longioribus, figura quasi Filicis: in longo enim pediculo foliola multa coniugatim disposita sunt, & dissecta, Filicis modo, subhirsuta, & multum odorata, odore tamen medicato, amara: in cacumine

cumine umbellam fert, in qua flores veluti capitula sunt, lutei coloris, similiter odorata, amaraque, ut non multum differat à Matricaria tum specie, tum facultate. vtuntur recentiores ad omnes cruciatus internos mitigados tum potu, tum exterius applicata, Abrotoni modo: ad lubri- cos enecandos, & vrinæ stlicidium, & calculum: Item contra quascum que febres propinan succum eius pondere dracmarum duarum cum aqua Plantaginis: flos in puluerem contritus cum saccato grauidis con- ductit: folia sicca & contrita in vino sumpta muliebres locos expurgat. Dioscorides inter Artemisias hanc numerat, quam Leptophyllum co- gnominat, idest tenuifoliam quarto loco descriptam in hunc modum: quædam Artemisia tenuifolia oritur circa riuulos, aggetesque, & in agris frumentaceis, floribus, & foliis odorem Sampsuchi referentibus: si quis ex ea diligenter tusa cum oleo Amigdalarum Malagma Stomacho impo- nat, vexationem partis eius sanabit: neruorum dolores succo huius cum rosaceo inuntis curantur. Hermolaus reperiri apud Hippocratem te- statut Parthenium Microphyllum, quam suspicatur aut Parthenium Dio scoridis esse, aut Artemisiæ tenuifoliam: nam Artemisia antea Parthe nis dicebatur teste Plinio. Forte & nomen Tanaceti deriuatum est à Tamnaco, quo nomine Plinius Parthenion appellatum fuisse tradit. Quid si amaracum Antiquorum differentem à Sampsucho hanc eadem accipiamus, ut apud Galenum, & Paulum, & apud Dioscoridem in vnguentis? quamvis enim Parthenio nomen Amaraci traditum sit teste Dioscoride; huic tamen Artemisiæ rectius conuenire videtur, cum eius folia, & flores odorem Sampsuchi referant: idem autem erat Sampsuchū & Amaracus apud Antiquos, ut alibi explicauimus.

C A P. I X.

CANFORATA à recentioribus Medicis vocatur herba in pratis, & iuxta semitas, odore quasi Camphoram referens: assurgit sim plicibus cauliculis, rectis, tenuibus, dodrantis altitudine, foliis: folia sunt parua, & circumincisa, referentia Tanaceti foliola, non folium integrum, rotundiora, & breuiora: in cacumine umbella tenui- bus, & densis corymbis; flore aureo: æstate floret diutius. Tota valido odore constat medicato; sapore amaro: efficax ad lumbricos enecandos, & dolores internos, ac viscera ab infarctu liberanda. recipitur à Nicolao in vnguento Martiano. Syluaticus similem esse tradit cuidam speciei Abrotoni; foliis albidiioribus, Camphoræ odore, non colore, ut depravatè legitur: tamdem referre Tanacetum ipsum: numeratur enim ab eo dem Tanacetum inter species Abrotoni: alibi inter Artemisias. Sed alij Canforatam foliis Chamomillæ descripsierunt: flore cinereo, nodulis collecto,

colección, quam Abrotonum sylvestre appellari testantur, significantes, ut puto, eam, quam Dioscorides Achilleam vocat: Alij per Canforatam Abrotonum vulgare accipiunt, nam & ipsum Camphoram quodammodo olere videtur; sed ut ad nostram Canforatam reuertamur. Dioscorides ex aliorum tamen sententia, inter Artemisias numerari tradit, Monoclonon cognominatam: hanc tertio loco explicans inquit: sunt qui in Mediterraneis Monoclonon, idest vnicalem appellant, tenuem herbulam: simplici caule, & minuto: flore copioso, cære coloris, exili, odoratiorem superiore, idest ea, quam Polyclanon vocavit. Non abhorret quoque ab hac Agerati descriptio apud eundem Dioscoridem, quam ex propria sententia assert inquiens: frutex est surculosus, dodrantalis, humilis, simplex, maxime similis Origano: umbellam gerit, in qua flos aurei coloris, ampullaceus, minor Helichryso: nomen sortitum est Agerati; quia flos diutius seruatur incolumis, quasi non senescens. Plinius eadem ferme habet: Ageraton inquit ferulacea est, duorum palmorum altitudine, Origano similis: flore bullis aureis: causa nominis, quoniam diutissime non marcescit: huius vstæ nidor vrinam cit, vluuamque purgat, tanto magis insidentibus. Alibi autem inter Artemisias similiter Dioscoridem fecutus, inquit, sunt, qui in Mediterraneis eodem nomine appellant: simplici caule: minimis foliis: flores copiosi erumpentes, cum Vua maturescit, odore non iniucundo, quam quidam Botrym; Alij Ambrosiam vocant: talis in Cappadocia nascitur. Alia tamen est apud Dioscoridem Ambrosia, & Botrys apud eundem Plinium, ut locis propriis habetur. Videtur autem Plinius existimasse Artemisiam prædictam Ambrosiam esse, cum aliam mentionem non ferat Ambrosię. Putatur hæc à recentioribus Eupatorium dici apud Mesuem, sed nostram sententiam aperiemus in Eupatorio Arabum.

C A P. X.

ACHILLEA radices summa tellure serpentes fert: à quibus frequentes caules attolluntur, simplices, cubitales, alicubi breuiores: foliis per interualla similibus Abrotono vulgari, frequentioribus diuisuris, colore virenti: in cacumine umbellæ insidet, densis corymbis; flore albicante: tota odore valido constat medicato: oritur in montibus præcipue cultis. sunt, qui hanc Abrotonum sylvestre vocant. Dioscorides inter Siderites quarto loco describit, quæ Achilleos cognominatur; fert inquit scapos, altitudine dodrantali, vel maiores, specie Atractylis (Fusum alijs vertunt: Theodorus Gaza in Theophrasto Fusum agrestē vertit, quod græce Atractylis dicitur) circa quos folia pusilla, tenuia, densis ex obliquo sectionibus instar Coriandri, sub

PPP rufa,

rufa, lenta, odore multo, non insuavi, sed medicato: vmbella in cacumine orbiculata; flores albi, & purpurei, & aurei: prouenit late solo. hæc descriptio in cæteris quidem supradictæ herbæ conuenit; at neque folia subrufa adhuc vidimus, neque flores varios: siue colores diuersi intelligantur in eodem flore, siue in diuersis. Serapio ex authoritate Constantini huic tribuit succum sanguineum, quæ sanguinem Draconis appellat, cui easdem vires tribuit ad sanguinem fistendum, quas Dioscorides Cinnabari. igitur similitudo Achilleæ cum Atractyli non solum in specie, sed & in succo erit: reddit enim Atractylis succum sanguineum, teste Theophrasto; vnde Phonos idest cædes appellata est. At hæc conditio in Atractyli quidem animaduersa est à nobis, in planta autem supradicta, quæ pro Achillea ostenditur, nequaquam. Alius est sanguis Draconis lachryma arboris in Aphrica nascentis, de qua alibi dictum est. Plinius Achilleos inquit ab Achille dicta est Chironis discipulo; quia vulneribus mederetur; hac enim sanasse Telephum dicitur. Hanc apud nos Millefolium vocant scubitali scapo, ramosam: minutioribus quam Feniculi foliis vestitam ab imo. Aliud tamen idem Plinius Millefolium vocari in Hetruria testatur in pratis nascens, de quo mox dicendum.

C A P. X I.

MILLEFOLIVM etiam nunc vulgo appellatur in Etruria, in cæteris similis Achilleæ, sed foliis in longitudinem productis; in longo enim pèdiculo utinque frequentissima foliola sunt, tenuiter scissa: vmbella in cacumine ramosa, amplior Achillea: flos alii candicans, aliis purpureus; odor infirmus; sapor astringens: oritur in pratis præcipue montium: distat magnitudine: quedam enim pusilla est, palmi altitudine; foliolis digitatis, Ammi similibus; quedam magna, cubitalis, & amplior: folio palmi longitudine, quod uideretur Tanceti, nisi angustius esset ac tenuius scissum: omnium usus vulgaris ad glutinanda vulnera præfertim iumentorum. Dioscorides Stratiotem terrestrem vocat, & Chiliophyllum idest Millefolium: exiguis inquit frutex est, palmi altitudine, aut amplior: folia fetens avicularum pennis similia: sunt autem foliorum appendices, valde breues, & scissæ, vt breuitate & asperitate maxime referant Cumini sylvestris folia, atque etiam num contractiora existant. Vmbella quoque densior, & amplior; fert enim in cacumine ramulos paruos, in quibus vmbellæ sunt Anethi modo: flores exiles, albi: oritur in agris, subasperis, & potissimum iuxta semitas. pulcherrime autem foliorum figuram expressit Cumino sylvestri comparans: si per Cuminum sylvestre intelligamus Ammi, quod inter

inter Cumini genera recensetur à Dioscoride. Hęc igitur descriptio paruo Millefolio congruit, non magno: vt hinc colligere liceat reliqua genera Millefolij ad Achilleam pertinere; nam in his reperiuntur flores albi, & purpurei; aureos autem non vidimus, nisi in Tanaceto, quod cum Millefolio maxime conuenit. Plinius de Millefolio inquit: Etruria hoc nomine appellat herbam in pratis tenuem, à lateribus capillamenti modo foliosam: eximis usus ad vulnera: Bouum nervos abscissos vocare solidari ea. rursusque iungi addita axungia affirmans. Aliud autem est Millefolium, quod Græcis Myriophyllum, de quo alibi dictū est.

C A P. X I I.

HERBA Sanctæ Mariæ in Hetruria vulgo appellatur suffrutex in hortis odoratissimus: foliis multis ab radice, figura Lapathi, rectis, leviter serratis, mollibus, carnosis, colore subalbido: caules ex medio foliorum attollit candicantes, lignosos, cubitales: in quibus folia assidue minora sunt, & candidiora: in cacumine flores in vmbella lutei, similes Tanaceto, capitulis paulo tenuioribus, candidioribus: nectuntur folia in corollis odoris gratia: veniunt quoque in acetaria amara, ut Matricaria; sapor enim amarus est, & subacris. Quidam hanc eamdem appellari tradunt Mentam Saracenicam apud Nicolaum Alexandrinū in vnguento Martiano, quam distinguit ab altera Menta, quæ crispa est. At cum utrumque nomen in eadem compositione recipiatur, tamquam iis diuersa significentur: alij per herbam Sanctæ Mariæ accipiunt Persicariam: alij Scleariam domesticam, ut videtur Sylvaticus significare, dicens: herbam esse tendentem ad albedinem; rugosis foliis, Verbasci modo, calidi & siccii temperamenti. Sed si nomina haec noua, quorum authores non multum hanc nostram etatem praetermissi sunt, translata iam sunt in multas plantas, adeo ut non liceat authorum mentem percipere: quid putandum est de nominibus antiquis factum fuisse? Quorum significations ob vulgata apud eos notitiam praetermissæ sunt. inter hęc putandum est nomen huius plantæ apud antiquos forte notissimum, nunc delitescere: mirum enim esset praetermissam fuisse adeo in signem plantam: consideranti igitur mihi, quæ de Meliloto traduntur tum apud Dioscoridem, tum apud Plinium, quāquā pauca sint, ea optimè conuenire nostræ herbe Sanctæ Mariæ vīla sunt; nam inter coronarias esse colligit Plinius ex nomine: Sertula enim dicta est: Dioscorides Sertulam Campanam appellari tradit, laudatissimam in Attica, & Cyzico & Chalcedone natam, cuius color vicinior est Croco, boni odoris: nasci & in Campania circa Nolam, colore in luteum languescente, odo-re infirmo. Ex quibus significatur cacumina tantum huius plantæ col-

ligi ad vsum : flos enim luteus est, vel croceus, qui magis laudatur : foliorum autem mentio sit in Ligustico, cui tribuuntur folia Meliloti, molliora, odorata, & prope verticem graciliora : Si igitur nostra Imperatoria Ligusticum est, folia praedictæ plantæ optime conueniunt; oblonga enim sunt, & in ambitu vndique serrata. Plinius Melilotus inquit : vbique nascitur, laudatissima tamen in Attica, vbi cumque vero recens, nec canticans & Croco quam simillima, quamquam in Italia odoratior, & candida. & alibi inter eas, quæ folio venere in cornamenta, numerat Melissophyllum, & Melilotum, quod Sertulam Campanam vocant; est enim in Campania Italæ : laudatissima à Græcis in Sunio, mox Chalcidica, & Cretica : vbi cumque vero asperis & sylvestribus nata, coronas ex hac antiquitus factitatis indicio est nomen Sertulæ, quod occupauit; odor eius Croco vicinus est, & flos, ipsa Cana : placet maxime foliis breuissimis, atque pinguissimis : Alibi laudat inter herbas iuxta apum aluearia serendas, Melilotum, Melissophyllum. Auicenna Melilotum inquit est flos plantæ, coloris paleæ, in quo est figura lunaris, cum raritate sua, quamdam habens duritatem, & ex eo aliud album est, aliud citrinum : sed melius est, quod durius est; eius color ad albedinem parumper declinat, & sapor eius amarior sentitur, & cuius odor est manifestior. hæc adamassim ostendunt herbae Sanctæ Mariæ capitula substantiam, colorem, saporem, & odorem. At Serapioni longe diuersa ostendit plancta pro Meliloto, cuius non flores, sed semina in vsu sunt, de qua nos alibi egimus.

C A P. X I I I.

HE LICHRYSON, quam recentiores Medici Stœchadem Citri nam vocant, passim in incultis, arido solo nascitur : cespes fruticosus, rotundus, candidus; numerosis caulinulis; lignosis simplicibus, semicubiti altitudine : foliolis angustis, & oblongis, ut Stœchadis, mollibus: in cacuminibus umbellæ ex paruis capitulis constantes, lutei coloris, qui tamdem in tenuem lanuginem soluuntur: tota odorata est, subactris, & amara. Tignamicam alicubi vocant, quasi Timiana, ad suffitum utilem. Apud Theophrastum Heliochryson vocatur, Theodorus Aureliam vertit: habet florem inquit auro similem: folium candidum: fructum tenuem, durumque: radicem per summa cespitum duram, atque tenuem: usus eius ad serpentium morsus è vino: valer etiam ad ambusta, crevata, & mixta melli. qui eius flore corenatur, insperso unguento ex auro, quod Apyron vocatur, gloriam atque existimationem bonam consequi creditur. Dioscorides Helichryson inquit quidam Chrysanthemum; nonnulli & Amaranton vocant, quo & Deas coronant;

cauliculus candidus, virens (Hermolaus non λευκός, id est candidum legit, sed λεπτός, id est tenuis: forte quia repugnare videtur color candidus cum vidente) erectus, & durus; in quo folia ex interuallis angusta, Abrotono similia: coma orbicularia, aurei fulgoris: umbella rotunda veluti aridi corymbi: radix tenuis: nascitur in asperis, & cōuallibus. Plinius uno loco Theophrastum sequutus inquit: Heliochryso florem habet auro similem; folium tenuis: caulinum quoque gracilem, sed durum: hoc coronant se Magi. Alibi item mentionē facit ex Dioscoride inquiens: caulinos habet candidos: folia subalbida, Abrotono similia: ad solis repercutsum aureæ lucis in orbem veluti corymbis dependentibus, qui numquam marcescunt: qua de causa Deos coronant illo, quod diligentissime obseruauit Ptolemeus R̄ex Aegypti: nascitur in frumentis. Galenus Amarantum vocat; quia scilicet non maturescit: alia tamen est Amarantus apud Plinium, de qua nos alibi diximus.

C A P. X I I I.

CHRYSOCOME in petris tantum nascitur, copiosa in mēniis Pisaniis; fruticulus candicans, tenuis, ramosus: foliolis Helichrysi, rarioribus: in cacuminibus ramulorum singula capitula oblonga, squamosa, sine flore, sed squāmis ad solis repercutsum aureis: semen abit in lanuginem. Aliæ quædam huius genetis nascuntur in tenui solo, & saxoso. quædam in montibus pluribus capitalis, in unum aggregatis: Quædam & descendit in plana: latioribus foliis, hirsutioribus: pluribus veluti umbellis sparsis, ad Helichrysum accendentibus. Dioscorides Chrysocome inquit ramulus est dodrantalis, comam habens corymbaceam, similem Hyssopo; radicem hirsutam, vt Ellebori nigri, tenuem, gustui non iniucundam, non minus quam Cyperi cum dulcedine subastrigentem (non bene, vt puto, hic locus vertitur Cypri & qualis magnitudine: ad gustum enim refertur aequalitas in codice Aldino) nascitur in opacis & petrosis. Plinius inquit: Chrysocome, siue Chrysitis non habet Latinam appellationem: palmi altitudine est; comantibus fulgore auri corymbis: radice nigra, ex austero dulci: in petrosis, opacisque nascens. Hermolaus, nescio, quem secutus, tradit: sine foliis: sine semine: solo scapo.

C A P. X V.

HERBA Impia in tenui solo, & inculto nascitur, in Cana, vnicō vt plurimum caulinulo, palmi altitudine, recto, ac lignoso: foliolis frequentibus circumuestientibus, Helichryso brevioribus,

bus, mollioribus, tomentosis : in cacumine capitulum fert ex tenuibus corymbis constantem, sub aureis : à latere capituli ramulos attollit assidue, alia capitula sustinentes : sine odore; sapor subamarus, & exsiccans: Alia in montibus tenuior ac ramosior, tenuioribus, ac simplicioribus corymbis. Plinius inquit herba Impia vocatur in Cana Rotismatini aspectu, thyrsi modo vestita, atque capitata: inde alij ramuli assurgunt, sua capitella gerentes: ob id Impiam appellauerent; quoniam liberi super parentem excellant; Alij potius ita appellatam, quod nullum animal eam attingat, existimauere. Hæc inter duos lapides trita feruet præcipue aduersus anginas succo lacte & vino admixto; mirumque traditur numquam ab eo morbo tentari, qui gustauerint. Itaque & suibus dari: quæque medicamentum id noluerint haurire, eo morbo interire. Sunt, qui & in avium nidis in seru aliquid ex ea putent, atque ita non strangulare pullos audius deuorantes. Sunt, qui hanc apud Dioscoridem Gnatophalion dici putent; quia eius folia alba, & tomentosa sunt.

C A P. X V I.

EVATORIUM vulgo appellatur suffrutex, in fœuis, & locis humectis nascentis: caule recto, cubitali, altiorique, subhirsuto, colore ex rufso nigricante: foliis per interualla Cannabis, sine pediculo heterotibus, latioribus, tripartito diuisis, & serratis; & in foliorum aliis alia foliola nascentur, & aliquando ramuli: in cacumine flosculi subrussi in umbellis, qui tandem in pappos euaneant: tota planta odore constat exiguo, non insuavi; sapor inest amarus. hæc vsta nidore fugat animalia venenosa: glutinat vulnera: creditur ceruos vulneratos hac herba sibi mederi: utiliter propinatur ad viscerum obstrunctiones. Quamuis hæc planta hucusque nomen Eupatorij retinuerit, exploditur tamen à recentioribus, tamquam adulterinum: & herba pro legiptimo Eupatorio substituta est, cui præter astrictionem nullus conspicuus inest sapor, nulla amaritudo, neque odor, quæ vulgo Agrimonia vocatur: cum tamen Galenus Eupatorium tradat herbam tenuium partium, facultate incidendi, & abstergendi preditam, sine manifesta caliditate: idcirco obstrunctiones lecinoris expurgare: inesse autem modicam astrictionem, per quam robur visceri addit: easdem facultates tum Auicenna, tum Mesues tradunt Eupatorio. idcirco non videtur aliud esse Græcorū Eupatorium, aliud apud Auicennam & Mesuem. Profecto Auicenna videtur hanc plantam intelligere; & quosdam peritisimos viros video in hac sententia permanere, appellantes Eupatorium Auicennæ: inquit enim Auicenna: Eupatorium est ex herbis aromaticis, & habet folia sicut Cannabis: & flos eius est sicut Nenufar: succus calidus in primo gradu,

gradu, siccus in secundo : attenuat, incidit valde, abstergit sine attractione, & sine caliditate manifesta, inest quoque astrigio pauca, amaritudo vehemens, sicut est amaritudo Aloes. hæc omnia præter floris similitudinem insunt in hac planta. Quamvis autem varie ab interpretibus vertantur eius verba, videtur tamen eamdem plantam intelligere quam Di scorides : ex foliis scilicet Cannabinis, & ex facultatibus, quas ex Dio scoride transcribit: idcirco similitudo floris Nenufaris forte ob errorem interprætis ponitur. Quod autem huic eidem plantæ forte conueniat descriptio à Dioscoride tradita hinc patet. Inquit enim : Eupatorium furculosa est herba, uno caule, lignoso, nigricante, recto, tenui, hirsuto, cubitali, interdum ampliore : foliis per interualla Quinquefolij, aut Cannabis potius similibus, quinque partito, aut amplius diuisis, nigricantibus, ipsis per ambitum serratis : semen è medio caule erumpit pilosum, deorsum spectans, quod siccatum vestibus hæret : huic tribuit facultatem siccandi; nam vlcera rebellia dicit ad cicatricem : herba & semen in vino sanat dissenterias, hepaticos, & à serpente percussos. Hanc aliqui falsò, subiungit, Argeioniam vocarunt; alia enim est Argemonia. Plinius quoque Eupatoria inquit regiam authoritatem habet, cauli lignosi, nigricantis, hirsuti, cubitalis, aliquando & amplioris : foliis per interualla Quinquefolij, aut Cannabis, per ambitum incisis quinque partito, nigris, & ipsis plumosisque : radice superuacua : semen dissentericis in vino potum auxiliatur vnicē. si igitur singulas notas perquiramus, longe magis huic plantæ conuenient quam Agrimoniar. caulis enim altitudo, & color; foliorum positio per interualla, & similitudo Cannabis per belle huic conueniunt; Agrimoniar autem nequaquam. similitudo autem Quinquefolij, & semen ex medio caule pilosum, deorsum nutans, quod siccatum vestibus adhaeret, videtur optime Agrimoniar conuenire; huic autem nullo modo. ideo vici eorum opinio, qui Agrimoniam Eupatorium legiptimum dixerunt. at si hæc sano modo intelligentur, nulla erit ambiguitas. Quinquefolij igitur similitudo in partitione foliorum est; in singulis enim geniculis multæ partitiones foliorum spectantur in certo numero ad minimum ternæ: sed partium figura oblonga in acutum definens, Cannabis potius foliis æquiparantur at semen ex medio caule erumpens cur non possumus eodem modo intelligere, vt de Panace Herculea scribit idem Dioscorides, cum inquit : semen optimum, quod è media ferula habetur, minus utile, macilentiusque quod agnascientium stolonum cacuminibus dependet. sic enim visitur in hac planta : quamvis enim multis ramis constet; semen tamen non à lateribus fert, sed ex medio caule tantum, in cacumine circundans, umbellè modo. Appellauit autem semen non florem, quod in plerisque huius generis facit; flos enim lanuginosus non distinguitur à semine, defecis

set autem aliqua ex parte, si Agrimoniam intellexisset, cum florem luteum subtricuisse, qui manifestus est. nutant autem & hic semina aliquantum, cum perfecta sunt, & vestibus hærent, cum in lanuginem soluuntur. Quid si & apud Mesuem hanc eamdem intelligi dicamus? inquit enim herba est longitudinis cubiti; amaritudinis mulierum; cuius folia sunt, sicut Centaureæ minoris, viridia, sed sunt aspera, & incisa, & caulis eius est tenuis, & quando exsiccatur, citrinescit; & eleuantur super eum flores, qui sunt quasi subcitrini, longitudinis paucæ. Quamvis hæc satis congruete videantur Canforatæ nostræ; tamen à vulgari Eupatorio non abhorrebunt: Color enim floris, quasi subcitrinus significat, non omnino citrinum esse: at Canforatæ flos aureus non meretur denigrationem huiusmodi, ut appelletur quasi subcitrinus. Sepe autem Arabum inter prætes citrinum vertutem id, quod rufum significat, aut fuluum, qualis est color leoninus: in qua significatione si hoc loco accipiatur, optime quadrabit vulgari Eupatorio: recte enim eius color, quasi subfuluuus dici possit; vergit enim ex ruffo in nigredinem: eodem colore spectatur & caulis, quem Mesues inquit citrinescere: qui colores nequaquam in Canforatæ caule insunt. Præterea attolli flores in paruam longitudinem pulcherrime spectatur in nostro Eupatorio, non in Canforata: longitudo quoque caulis cubitalis rarissime visitur in Canforata: folia autem Centaureæ minoris, quamquam exactius Canforatæ conueniant, tamen eorum asperitas Eupatorio magis congruit. Nullus autem fuerit error, si Canforata pro Eupatorio assumatur; vires enim easdem habet, immo in abstergendo, & aperiendo efficaciores; at minus astringendo corroborabit.

C A P. X V I I.

QVÆDAM in eisdem locis nascitur, ac fere in aquis, breuior Eupatorio, ramosa; foliis eisdem, tripartito diuisis: capitula in cacuminibus fert pauca, stellata flore luteo; semina includuntur valde compræssa, & oblonga in duos aculeos desinentia: vnde Bidens vocetur: colore ex nigro rufescente. eodem reperitur aliquando folio non dissecto.

C A P. X V I I I.

ARCTIVM in maceris, & parietibus nascitur; caule subrubro, recto bicubitali, hirsuto: foliis Verbasci, subrotundis, nigricantibus: ramos fert rectos: in cacuminibus capitula insident herbacea, pallescentia, quæ in maturitate fundunt lanuginem, Eupatorio similem, seminibus hærentem, nigris, tenuibus, ac brevibus: radix subiecta ramosa,

ramosa , antequam caulescat , tenera , & friabilis , prædulcis , cum suauitate quadam ; sed cum senuerit , dura redditur , ac lignosa : Dioscorides Arctium , & Arcturuū vocati tradit Verbasco similem : foliis hirsutioribus , rotundioribus : radice tenera , dulci , & alba : caule molli , longo : semine Cumini , patuo . decocto radicis & semenis in vino colluuntur dentes in dolore : fuentut ambusta , & perniones : bibitur & ad vrinæ difficultatem . Plinius eadem habet : addit nasci in petrosis .

C A P . X I X .

CACALIA in Alpibus nascitur : foliis Tussilaginis , latioribus , rotundotibus , in ambitu serratis , in parte aduersa candidioribus : caulis rectus attollitur , cubitalis ; paucis ramis . in cacumine vmbellæ continentur colore subruffo , Eupatorio similes , lanuginem fundentes : radix tenuis , & odorata , subdulcis . Dioscorides inquit : Cacalia , quæ Leontice vocatur , folia fert magna , alba , è quibus medius caulis rectus assurgit , albus , florem sustinens Robori similem , aut Oleæ : oritur in montibus : huius radix in vino madefacta manducatur , & delingitur , vt Tragacantha ad tusses & arteriæ scabrities : Grana , quæ post excussum florem innascuntur , trita & cum cærato illita faciem erugant , & cutem extendunt . Plinius inquit Cacalia sive Leontice vocatur , semen Margaritis minutis simile , dependens inter folia ; in montibus ferè .

C A P . X X .

PETASITES in Alpibus nascitur , locis riguis , copiosa in Valle Vmbrosa montis Hetruriæ , qui pratus magnus vocatur : Vere ante quam folia exeat , caulis assurgit , nudus , dodrantalis , plenus flore musculo , subpurpleo , quo paulo post exarescente exeunt folia æsta te ingentia , rotunda , effigie Tussilaginis , sed amplissima , vt excedant latitudine folia Personatæ : pediculus baculi crassitudine , aliquando bicusitalis : radix crassa , & longa , vehementer odorata , & amara . Dioscorides inquit Petasites pediculus est , cubito maior , crassitudine pollicis , in quo prægrāde folium Galeri modo amplum , ceu fungus insidet , quod cataplasmate imponitur phagedenis & viceribus malignis . recentiores vtuntur in febribus pestilentibus : nam radix in puluerem contrita ex vi no bibita sudores promouet copiosos ; sedat mulierum tormenta & præfocationes : enecat lumbricos ; prouocat vrinam , & menses ; exsiccat vlera præhumida ; iuuat orthopnoicos . Hermolaus Vngulam Caballinam vocari tradit ; radice brachiali , odorata : flore in spica purpleo : sed putat Arcion esse .

C A P. X X I.

TVSSILAGO, quæ vulgò Farfara vocatur, ab aliis Vngula Caballina, in vineis potissimum nascitur, locis riguis: folio rotundo, in ambitu modice circumroso, & ob id angulofo, candicante, subhirsuto: nullo caule: neque flore: tantum aduentante vere caulinæ exeunt, ante quam folia erumpant, nudi, dodrantales, sustinentes in cacumine florem luteum, in ambitu foliaceum, in medio lanuginosum, qui paulo post vñâ cum caule exarescens in pappum soluitur: folia autem non nisi aduentante æstate erumpunt, pereuntque frigoribus: radices sunt sarmenfolosæ, & candidæ, lori modo flexiles, quæ arefactæ vsum somnis præbent ad ignem ex attritu silicis excipendum. Diöscorides græce Bechion vocat, idest Tussilaginem: eius folia inquit sunt Hederæ maiora, sex, aut septem ab radice, subalbida à terra, superne virentia, in plures angulosexeuntia: fert vere caulem dodrantalem, & florem luteum, qui cum caule cito perit; vnde quidam putarunt, herbam ex iis esse, quæ caule & flore carent: radix tenuis, inutilis: nascitur in amenis & riguis. Plinius inquit tussim sedat Bechion, quæ & Tussilago dicitur: duo eius genera: sylvestris, vbi nascitur, subesse aquas credunt, & hoc habent signum Aquileges; folia sunt maiusculta, quam Hederae, quinque, aut septem, subalbida à terra, superne pallida, sine caule, sine flore, sine semine: radice tenui. Quidam subiungit eamdem esse Bechion & alio nomine Chamæleucem putant, de Chameleuce autem alibi inquit: Chamæleuce apud nos Farranum, siue Farsugium vocant: nascitur secus fluuios: folio Populi, sed ampliore: radix eius imponitur carbonibus Cupressi, atque is nidor super infundibulum imbibitur in vetete tussi: Altera vero Tussilago inquit, à quibusdam Salvia appellatur, similis Verbasco. innuit autem Sclatam, de qua diximus loco proprio. colligere autem licet eamdem esse Tussilaginem & Chamæleucem; tum quoniam hæc voces apud Diöscoridem eidem tribuuntur, tum facultates quoque, & vtendi modus idem, ut scilicet arida folia, vel radix carbonibus iniecta fumum transmittant per trajectorium in os, sic enim sanare tusses antiquas & orthopneam; abscessus rumpere in pectore: omnino contrariam facultatem virentibus foliis inesse; nam ob aqueam substantiam refrigerare; ideo admoueri ad inflammationes, ut apud Diöscoridem & Galenum traditur. Idcirco mirari licet, qua ratione hodie Medici Farfaram elecmate videntur, ad crassa educenda ex pectore in coctis radicibus, quas Diöscorides inutiles tradidit: sed forte per Farfaram non hanc, sed aliam intelligunt: nam Manlius commentator Luminatis eos reprehēdit, qui pro Farfara, seu Vngula Caballina eam accipiunt,

quæ

qua in vineis nascitur : sed cum consulat accipiendam esse Nimpheę spēciem , luteo flore constantem , in erōtem maiorem incidit : astringendo enim ea planta cohibet eductionem . Hermolaus per Vngulam Caballinam accepit eam , quam nos Petasitem putamus , cuius profecto radici insunt magnae facultates , vt prædiximus : & valde consentaneum rationi videtur , vt apud Plautum huiusmodi folia intelligentur , cum inquit in Sabinis ; dissipabo te , vt folia Farfari : itemque in Penulo : prosternebam inquit eos , vt folia Farfari , quasi ingentia quædam folia essent , in alto pediculo , ad prosternendum apta . hoc modo possumus apud Pliniū Chameleucem sive Farfugium huic ascribere , vt differat à Tussilagine : aut radices Cacaliae pro Farfara assumi possunt ; nam ad linētus laudantur à Dioscoride . si vero hæc Vngula Caballina appellata est . dicemus apud Auicennam Nenufarum illud esse , cuius flos similis Eupatorio ab eodem traditur : Nenufarum enim vnum Aquaticum ; vnum terrestre faciunt Arabum interpr̄tes , Vngulam Caballinam vocantes .

C A P . X X I I .

CHAMAELEMUM , vulgò autem Chamomilla , herba in aruis frequens nascitur : caule semicubitali , in ramos multos filo : foliis scissis , capillamenti modo , vt Feniculi : insident ramulis capitula arida , ex squāmulis constantia , in quorum ambitu foliola candida circumuallant , frequentia , medio extuberante , veluti flocco , coloris lutei : qui flores sunt semina tegentes , numerosa : odoris suauis , sed medicati : floret inclinante vere , diutius , in multam & statem . Dioscorides Anthemidem vocat , quod nomen & aliis quibusdam conuenit , vt inferius patebit : priuatim autem Leucanthemon appellari tradit à colore albo floris , & Chamēilon ab odore Mali : describit autem in hunc modum , duas alias sub eadem descriptione complectens , genera eius inquit tria , flore tantum distantia ; rami dodrantales , fruticosi , alas multas habentes , & paruos , tenues , ac multos ramulos : capitula rotunda : flores intus aurei coloris , exterius circumdant in orbem candidi , aut lutei , aut purpurei , veluti Rutæ foliola : oritur gracili solo , & iuxta vias : colligitur vere . Theophrastus Anthemon inquit : floret particulatim , incipiens non ab imo , vt in cæteris , sed à summo : flos candidus circumdat , medium viridis tenet (idest pallidus) & femini color idem : decidit id , vti & spinosorum , conceptaculo inani relicto : genera eius plura : quædam ab radice tantum foliata ; Quædam in caule solūm : sed has Theodorus Nigellam vertit . Plinius ex Dioscoride ferme ad verbum transcritus : addit eius florem inter coronamenta reponi : magnis laudibus celebrari ab Asclepiado de luteis & purpureis patebit inferius in Chrisanthemo , & Eranthemo .

C A P. X X I I I.

CO T A vulgò in Hetruria vocatur, alij Cotulam fetidam appellant, herba est pañim in ruderibus nascens, simillima Chamomillæ; crassioribus tum foliis, tum floribus, & graui odore: huius flos initio concauus est, acerabuli modo, postea in rotunditatem extuberat crassam, oculo similem, vnde quidam Oculum Vaccæ appellant. Dioscorides Buphtalmon, vt puto vocat, quasi oculum Bous; inquit enim: caules fert tenues, mollesque; folia Fæniculi; florem luteum, Anthemide maiorem, oculi similitudine, vnde nomen traxit: circa oppida nascitur, & in campestribus. Quamquam autem Dioscorides luteum florem dixerit, nec meminerit alba folia, quæ circumdant: ex Galeno tamen coniicere possumus alba esse circumdantia folia, non lutea: inquit enim Buphtalmos, sic appellata est à floribus, qui figura quidem Bouum oculis videantur similes, colore autem Anthemidis floribus simillimi sunt, sed multo illis tum maiores, tum actiores, & quæ sequuntur. Plinius inquit Buphtalmos similis Bouum oculis; folio Fæniculi: circa oppida nascens: fruticosa caulibus, qui & manduntur decocti. Quædam in sylvis nascitur, altior, & rectior Cotula, sine odore; in quo genere in Gallia traditur radice feruentis gustus; ideo Pirethrum vocant.

C A P. X X I I I I.

MATRICARIA vulgò dicitur, à quibusdam Amareggiola, siue herba amara, in hortis sponte nascens: caulibus prope cibitalibus, rectis, ramosis: folia fert laciniata, diuisura fere Tanaceti, breviora, viridioraque: cacuminibus flores insident Chamæmeli: tota odore constat medicato, non tamen insuauit; sapore amaro, non tamen adeo, vt abdicetur à cibis; nam inter olera ex aceto parata recipitur: olfacta ex aceto reuocat mulieres, quæ ex utero suffocantur. Dioscorides Parthenion vocat, quod inter alia nomina Amaracum appellati tradit; vnde forte hodie Amarago à quibusdam dicitur: Cautam quoque Hetruscis dici: sed hoc nomen in nostram Cotam & Cotulam transisse viderut. Folia inquit sunt Coriandri tenuia; flores candidi per margines, medio lutei odore subuiroso; sapore amaro. Plinius, quamuis hoc nomen Parthenij aliis quibusdam tribuat, de hac tamen loquens inquit: nascitur in hortorum særibus: flore albo; odore Mali; sapore amaro: ad insidentium decoctum in duritia vulnerum & inflammatio-ibus, & quæ sequuntur. Alibi recenset inter olera.

C A P. X X V.

QUABDAM in asperis nascitur : multis cauliculis, rectis : radiculis summa tellure serpentibus, Graminis modo, à quibus frequentes exeunt cauliculi, dodrantales, simplices : frequentibus foliolis, angustis, in tenuem cuspidem desinentibus, similitudine paruæ serræ, utrinque dense, ac profunde denticulatis ; in cacumine tenues ramulos fert, quibus insident flores Chamæmeli, tenuiores, odore exili. putatur à quibusdam Ptarmica.

C A P. X X V I.

PRIMULAVERIS flos pratensis est, qui non dum exacta hyeme flores fert, solem spectantes, quos neclunt in coronas, quamquam sine odore : Folia ab radice tantum fert subrotunda : modice oblonga, humili strata, quæ recipiuntur inter olera : caulinum nudum, in cuius cacumine flos insidet similis Chamæmelo numerosioribus foliis circumdantibus, superne candidis, auersa parte subrubentibus ; diutius floret, alium atque alium subinde caulinum ferens. Quidam Medici Consolidam minorem vocant ; quoniam vulneribus sit utilis, potissimum in fractura capitis admota : succus etiam herbæ utiliter à vulneratis bibitur : Quædam in hortis colitur hyeme tota florens, multiplici rubentium foliorum ordine. Has plantas apud Plinium Bellum & Bellum vocari plerique fatentur, optima ratione ; inquit enim : Bellis in pratis nascitur : flore albo, aliquatenus rubente ; ad omnes ceruicis doles, tumoresque quacumque in parte illita cum Artemisia : & alibi luteus inquit & Bellio pastillicantibus quinquagenis quinque barbulis coruantur ; pratenses hi flores, ac sine vsu, ideo & plerique sine nominibus ; quin & his ipsis alij alia nomina imponunt. Quo loco luteum dixit folem, idest internum ; barbulas autem appellavit circumdantia foliola. Alibi puto hanc eamdem intellexisse sub nomine Anthemi, cum inquit : primum Anthemum quoque calculos eiicit : paruis è radice foliis quinque ; caulinibus longis duobus ; flore roseo : radices tritæ per se ceu Lauer crudum. Assumpta hæc sunt ex Theophrasto, qui Anthemon quoddam scripsit ab radice tatum foliatum ; sed Theodorus inibi vertit Nigellam. Quid si hanc eamdem apud Dioscoridem dicamus inter genera Anthemidis, quam Cranthemon vocat, quasi florem veris ; ad id enim alludit : & appellatio vulgaris apud nos : hanc dixit flore purpureo constare, efficacissimam ex omnibus generibus ad calculos, in totum maiorem : quæ nota, si de flore intelligatur, conuenit ; maior enim est in totum,

non si de frutice, vt Plinius interpretatur; breuior enim haec est. Quædam iuxta vias nascitur, quam recentiores Bellum maiorem vocant; caules rectos fert, dodrante altiores, foliosos: folia sunt Oleæ figura, serrata: flos in summo candidus, longe amplior Chamæmelo: æstate floret, utuntur quidam floribus cum axungia ad capitis vlcera maligna, quam tineam vocant. non dubito hanc apud Theophrastum inter genera Anthemici censeri, quod foliaceum vocat. Theodorus Nigellam foliosam vertit. Alia ab eadem radice multos ædit caulinulos, dodrantales, veluti orbem describentes circa radicem: folia frequentia, caulinulos vestientia, similia Belli pratinis: flos quoque eidem similis candidus, singulis caulinulis insidens: sapor toti plantæ valde acris: & odor feriens: prouenit locis asperis in Ilua insula. His adiungatur, quæ Bellis montana vocatur, in asperis nascens: foliis ab radice Bellis pratinis, rotundioribus: caulinulo simplici, saepè nudo, aliquando paucis foliolis: in cacumine capitulum rotundum, cœrulei coloris: herba amaro gustu prædicta. huius generis in Ilua nascitur quædam fruticosa: ramulis lignosis: foliis modice angulosis, crassis, fragilibus: capitulis iisdem.

C A P. X X V I I .

AM albis floribus explicatis ad luteos accedamus, *Chrisanthemum* in ruderibus nascitur, similis *Cotulæ* tum foliis, tum caulinibus, hirsutioribus tamen: flos secundum totum luteus est, ac sine odore: quidam pro *Buphthalmo* accipiunt. *Dioscorides* meminit bis *Chrisanthemi*: semel inter *Anthemidis* genera hanc, vt puto, intelligens; nā *Anthemidi* in totum similis, excepto coloris flore. Iterum lib. 4. seorsum de *Chrisanthemo* agit, quam herbam mox subiungam.

C A P. X X V I I I .

ALTERVM *Chrisanthemum* ex Sicilia aduectum est, fruticosus: ramis multis in latera fusis, mollibus, ac lœvibus: foliis subcandidis, lœvibus, crassis diuisis quam *Cotula*; flores fert extuberantes, oculi modo, grandiores *Cotula*, aureo colore splendentes. similis apud nos oritur in aruis, gracili solo: paucioribus ramis: candidiore folio, in extremis tantum scisso: flos non adeo extuberat. *Dioscorides* de hoc agens inquit: herba est tenera, fruticosa, ferens caules lœves, folia multipli citate scissa, flores luteos, multum splendentes, oculi modo in orbem coactos; unde appellatio; nam & *Buphthalmos* appellata est: nascitur prope oppida: eius caules inter olera comeduntur. Ad *Chrisanthemum* reduci videtur etiam apud nos quædam in aruis, folia ferens

{suu-

subhirsuta, in ambitu serrata, vt Bellis maior: caulem quoque rectum; flores aureos, specie Chrysanthemi.

C A P. X X I X.

CALENDOVA vulgo appellatur; quia singulis mensibus floret; in Hetruria Fiorrancio ob colorem aureum Mali Aurantij; cultur in hortis non solum pro olere; nam cruda venit in acetaria, sed etiam pro corollis ob floris elegantiam: subhirsuta est herba, ac ramosa, non excedens duos dodrantes: folia fert oblonga, duorum digitorum latitudine, sine pediculo adnexa; florem fert summis ramulis, extenuibus, ac numerosis foliolis constantem, colore aureo, splendido, media lanugine crocea, in capitulis Anthemidi similibus, sed amplioribus, odore non ingratu: semina inflexa, specie vermiculorum, varia figura in eodemmet capitulo: cortex enim extenus aliis est in latera dilatatus, aliis angustus & asper. eius duo genera: sylvestris minor; flore magis pallido: hortensis plenior: flore lato, & magis splendido; sapor dulcis utrique, & suavis, cum quadam astrictione. recentiores Medici modice calidam statuunt & sicciam: stomachum corroborare, excitare appetitum ciborum: adseruari etiam ex aceto & sale flores conditos in hunc usum: flores & folia exsiccata dari in vino cum spica ad mamillarum inflationes ob menstruorum retentionem: suffitu secundas ciere: succum foliorum autibus institutum vermes necare: ad dolorem dentium puluis cum Bombice ad moueri praecipitur: cortices idest semina in puluerem redacta malignis pustulis cum cærato imponuntur: sunt qui utantur in peste tum intra tum extra aqua ex floribus per sublimationem quæsita: celebratur ad omnia vitia oculorum tum calida, tum frigida, & ad claritatem visus faciendam. Putatur apud Plinium Caltha appellata, quam inquit proximam esse Violæ Calathianæ concolori amplitudine: vincit numero foliorum Marinam, Quinquefolia non excedentem: eadem odore superatur; est enim grauis Caltha, reperitur & apud Vergiliū Calthæ mentio inter flores coronarios luteolam Caltham dicentem. sed hæc possunt etiam de Chrysanthemo intelligi; nam apud Diocoridem Chalcas vocatur, &, vt alij legunt, Caltha.

C A P. X X X.

ASTERACTIVS in gracili solo & inculto nascitur; caule recto, lignoso, dodrantali, aliquando cubitali, & altiore, paucis ramis, rectis: folia insunt hirsuta, quasi Oleæ, latiora, ac mollia: cacuminibus capitula fert, foliolis circundata, acutis, in stellæ modum: florem

florem luteum, subconcaum circum radiantibus breuioribus, ac tenuioribus foliolis quam Chrysanthemi flores: capitula à latere subnascientia, subinde altius attolluntur, quod paucis peculiare est. Dioscorides inquit: caulinus lignosus; florem purpureum, aut luteum sustinens cacumine, velut Añthemis: capitulum in ambitu diuisum, foliolis circundantibus, stellæ modo: quæ autem in caule folia sunt oblonga & hirsuta existunt. Additur in quibusdam codicibus: huius stellas noctu conlucere; adeo ut qui naturam stirpis ignorant, visum aliquod vide re se putent: inueniri à pastoribus pecudum. Plinius Aster inquit, ab aliquibus Bubonium vocatur; quoniam inguinum præsentaneum reine dium est: caulinus foliis oblongis, duobus, aut tribus: in cacumine capitula, stellæ modo, radiata. In Alpibus quedam nascitur: simplici caule, dodrantali: foliis duris, non lanuginosis: in cacumine flos amplior, foliolis circumuallantibus, multo longioribus, modò luteis, modò cæruleis. Altera in ruderibus ramosa, altior: capitulis ac floribus minoribus, luteis: vt rēquæ lauitum caule, tum foliis constant, & carent foliolis stellatim circa florem dispositis.

C A P. X X X I.

PLURBS sunt Asteractico similes; sed earum capitula carent foliolis, stellatim positis, ut quæ vulgo Incensaria vocatur: hęc in montibus nascitur, atido, & inculto solo, præcipue iuxta Scoparum frutices: folia sert ab radice, humi strata, lanuginosa, quasi Borraginis, minora, odoris grauis: caulem in æstate fert rectum, rotundum, cubitalem, paucis ramis, in quibus parua sunt folia, sine pediculo adnexa: capitula in cacuminibus flore luteo, ut Asteracticus: radices subiunt Eliboro nigro similes, odoratæ, quasi Thuris; vnde nomen Incensariæ. Laudant ad dissecandas destillationes pectoris, & Corizas & Paralisis; sunt, qui hanc pro Bacchari ostendunt; alij Libanotidem sterilem esse apud Théophrastum, cui non abhorret radicis odor, sed de Libanotide alibi diligentius à nobis agitur. Plinius inter Conyzas quamdam scribit, cuius radix Thus redoleat, ideo Libanotis vocatur: quæ profecto nota nec à Dioscoride, nec à Theophrasto generibus Conyzæ tribuitur: Matrem Conyzam eam esse vult Plinius.

C A P. X X X I I.

ALTERA in eisdem locis nascitur: tenuiore folio; radice alba, nequaquam odorata: eadem in plana descendit, potissimum iuxta scrobes, aggeresque pingui solo, & humecto: frequentioribus

ribus ramis : foliisque magis lanuginosis , odore ingrato . Dioscorides hanc inter Conyzas medium vocat , tertio loco descriptam : caule crassiore , ac molliore quam minor Conyza : foliis mediis magnitudinis , inter minorem & maiorem , minime pinguem , multo grauioris odoris , & iniucundioris : minus efficacem , quæ prouenit locis humentibus . Plinius hanc videtur Cunilanigem appellasse , quæ inquit Conyza est : numeratur autem inter Cunilas tertio loco inquiēs : tertium genus est eius , quæ à Græcis Mascula , à nostris Cunilago vocatur , odoris fædi ; radicis lignosæ ; & folio aspero ; manipulo eius abiecto omnes etiam in tota domo blaetas conuenire ad eum tradunt : priuatim aduersus scorpiones ex posca pollere , tribus foliis ex oleo peruncto homine fugari serpentes .

C A P . X X X I I I .

DORONICVM apud nos in Alpibus nascitur : foliis ab radice , longo pediculo insidentibus , latis , quasi Tussilaginis , rotundioribus , minoribus , hirsutis , & in ambitu laeuis serratiss : caulem semicubitalem , rectum ; in quo pauca folia , minora , quorum pediculis appendices quædam sunt foliaceæ : in cacumine flos amplior Asterractico : radiculas fert multis , oliuares , ac genioulatas , Graminis modo , sobolem procreantes ; sapore dulci ; odore quodam aromatico : ut multum referant illud Cyperi genus , quod vulgo Trasi vocant , quo adulterant Doronici radices ; sed distant ; quoniam hæc in gracilitatem recurvam desinunt , scorpionis caudæ modo : ob quam similitudinem iudicatum est esse Aconitum Pardalianche , facto experimento ; nam referunt veneni vim interficiensem radicibus inesse . Dioscorides enim inquit de huiusmodi Aconito : folia fert tria aut quatuor , Cyclamini , aut Cucumeris specie , minora tamen , leuiterque hirsuta : caulem palmi altitudine : radicem incuruam , scorpionum caudæ similem , explendentem , Alabastri modo . Theophrastus Aconiti nomine aliam intelligit : hanc , quæ Pardalianches à Dioscoride dicitur , simpliciter Theliphonum vocat , & Scorpionem ob radicis similitudinem , ad motum Scorpionem occidere tradunt : & eum reuiuiscere posse , si Elleboro candido illinatur : encat idem & Boues & oves , & iumenta , & ad summam omnes quadrupedes eadem die , si genitalibus imponatur radix vel folium : proficit autem potum contra Scorpionum ictus : habet folium Cyclamini : radicem , ut dictum est , similem Scorpioni : nascitur Graminis modo , & geniculis constat : loca amat umbrosa : hæc Theophrastus . Plinius de eodem inquit : folia habet Cyclamini , aut Cucumeris , non plura quatuor , ab radice leuiter hirsuta : radicem modicam , Cammaro similem marino ; quæ quidam Cammaron vocauere : radix incuruatur paulum , Scorpionum R R r modo ;

modo ; quare & Scorpion aliqui appellauere, nec defuere, qui Myocton non appellare mallent; quoniam procul & è longinquō mures odore necat. nascitur in nudis caulinibus, quas Aconas vocant, & ideo Aconitum aliqui dixerunt, nullo iuxta ne puluere quidem nutritient: Hęc Plinius. eius reperiuntur quedam differentię, prę crassitie & longitudine radicum, & foliorum asperitate, ac lauitate, paucisque aliis. ad fertur & inter merces peregrinas ex Oriente radicula eadem, quam in antidotis expetunt. Apud Arabes tantum méto fit Doronici : tradit enim Serapio radicem esse è Syria adiectam, intus albam, fortis sufflauam, pollicari fere crassitudine, aliquantum duram, & ponderosam : ei vim tribuit calfaciendi siccandique in tertio ordine; laudat ad flatus digerendos, & ictus venenosatos tum potu, tum extrinsecus impositam : ad cordis quoque palpitationem, & sincopem. Medici igitur Arabum authoritate freti, radiculam prædictam ad hos morbos iam permulta secula recipiūt, quod profectò mirandum esset, nempe delituuisse tanto tempore vim deleteriā, quæ toto genere humanae nature aduersatur in Aconito. Actuarius inter Græcos recentiores in confectione quadam ad cordis palpitationem recipit Carnabadium, idest Doronicum, ut ipse interpretatur : ex qua voce quidam putarunt apud Paulum Aeginetā esse Arnabonem inter odratamenta, Casiae, & Carpēsio similem; vnde Possidonius, vbi Cinnamomum deerat, eo vtendum censebat. At hęc Doronico nequaquam conueniunt, præterquam quod & Serapio seorsum de Arnabone scribit, ex Paulo transcribens, appellat autem sua lingua Zurumber, quod aliud est à Zedoaria, quæ & simili voce appellatur. Sed quid sit Arnabo adhuc incertum est. sunt qui Doronicum Maimiras esse putent apud Paulum, de quo nos egimus in Cyperis. Quid si apud Plinium Helenium dicamus? de quo inquit: dictum est ab Helenę lachrymis, frequens in Helena insula: radix candida intus, & dulcis: pota in vino hilaritatem traditur facere non minus, quam Nepentes illud prædicatum ab Homero; tristitiam enim omnem aboleri; cutem mulierum in facie, reliquoque corpore nutritre incorruptam: vtentibus dare gratiam, veneremque celiari: est autem succi prædulcis: prodest & orthopnoicis, radix eius in aqua ieiunis pota; bibitur & contra serpentum ictus ex vino. Mures quoque contrita dicitur ecare. eamdem videtur intellectisse Author libelli de Plantis, qui ascribitur Aristotelii: Belenion, idest Velenum appellans, quod delibitorium in Perside venenum erat, in Aegyptum & Palestinam translatum sine periculo mandi cepit. Quæ autem de hoc Helenio dicuntur, maxime conueniunt Doronico, si vera sunt experientia, quæ traduntur, quod Canes interficiat. Alibi tamen Plinius Helenium inter suffrutices coronarios recenseret, cum inquit: Frutex humili spargens: dodrantalibus ramis: folio simili Serpillo. assumpta hęc sunt

sunt ex Theophrasto, qui Helenium inter suffrutices cotonarios recentuit, sylvestre, surculosum, minutis foliis, totum odoratum, odore acri, lignosum, in summo terræ adhæret radice multifida, & torrida. sed hoc incomptum hactenus est. Aliud autem Helenium apud Dioscoridem, de quo mox dicendum.

C A P. X X X I I I I.

ENULA apud nos in hortis tantum seritur radice, quæ crassa, tuberosa, inæqualisque est, sobolem multam procreans, sapore acri, cum amaritudine quadam, odorata. Vere folia attollit, longitudine prope cubitali, figura angustioris Verbasci, similiter hirsuta, & candidantia. Estate aliquando caules fert ex medio foliorum, bicubitales; altioresque: paucis ramis: in cacuminibus flores figura Asteractici, sed longe grandiores. Dioscorides Helenium vocat, & Enulam Campanam: folia fert inquit Verbasci angustioris, asperiora, & oblonga: caulem non fert quibusdam in locis: radicem intus candidam, extra subrussam, odoratam, grandem, subacrem, cuius partes agnatae molles seruntur, ut Lilia, & Arum, nascitur in montanis opacis, & siccissimis locis. Marcellus alia quædam addit ex antiquo codice: scilicet ferre caulem crassum, hirsutum, cubitalem, & aliquando altiore, angulosumque: flores luteos, & in his semen Verbasco simile, tactu pruritum excitans. Plinius Inulam vocat, recensens inter ea, quæ seruntur in hortis cibi gratia: brevior Sisere est, sed torosior, amariorque: Inula per se stomacho inimicissima, eadem dulcibus mixtis saluberrima: pluribus modis austeritate victa gratiam inuenit: illustrata maxime filiae Augustæ quotidiano cibo: superuacaneum eius semen, quoniam oculis ex radice excisis, ut Harundo seritur. Aliud præterea est Helenium Aegyptium apud Dioscoridem ex sententia Crateuæ, de quo nos alibi diximus.

C A P. X X X V.

HELBNIVM Indicum appellare possumus plantam illam maximam, nuper visam in nostro orbe, quæ à quibusdam flos Solis vocatur; quia non solum effigiem solarem præsefert, sed & cum eo modò in Oriente, modò in Occasum conuertitur, semper inclinatus ad terram, quasi præreuerentia capite nutans. Hastam simplicem & rectam fert, altissimam, saepè ultra dena cubita, ad quam altitudinem sex mensibus ab ortu attollitur; Vere enim seritur semine, in Autumno perfecta est: folia fert lata, ex longo pediculo pendentia, effigie Doronici, sed multo ampliora, similiter aspera: in cacumine vnicum florem, am-

plitudine ingentis patinæ, foliis aureis, quasi radiis solaribus coronatum, media planicie purpurascente: seminibus stipata, oblongis, cortice nigro, aut candido obductis, medulla dulci: caulis incisus lachrymam fundit per lucidam, flauam, odoratam, subacrem: radicibus nittitur summa tellure sparsis: & pro caulis magnitudine brevibus: idcirco ventorum iniuriis exposita, nisi firme alligetur adminiculo. sunt, qui caput in cibis assumant coctum. Quas facultates habeat à nemine haecenus traditum est. coniicere tamen licet vim calefaciendi inesse, cum tenui substantia: idcirco ad eadem pollere ad quæ Helenium: sed lachrymam longe efficaciorem esse; Allata est hæc planta ex India Occidentali.

C A P. X X X V I.

CINERARIA vulgò dicitur suffrutex in maritimis asperis, frequens, multis ab eadem radice ramis, cubitalibus, crassis, colore cinereo: in quibus folia, diuisura Absinthij latiora, crassiora, inferne candida, superne viridia: capitula fert Anthemidis, floribus ex toto aureis, sine odore. Dioscorides inter Artemisias primo loco describit inquiens: in maritimis, ut plurimum nascitur Absinthij modo, fruticosa; maioribus foliis, pinguioribusque: subiungit postea de eodem genere: cum duo Artemisiae, quæ Polyclonos, idest multicaulis cognominatur, genera sint, primum hoc habitus est, latiora habens tum folia, tum virgas: de altero tenuiori dictum est à nobis superius.

C A P. X X X V I I.

HERBA Sancti Iacobi vulgò appellatur in agrorum marginibus, pingui solo, & humecto nascens, subito altior: caule subruber, striato: foliis alioqui Cinerariæ, paucioribus cissuris, nigroribus; floribus iisdem; tota æstate floret, & autumno. Quasdam habet differentias in foliis: huic enim folia figura Eruca, lacinata sunt; alteri ad Raphani folia accedunt magis, sed minus hirsuta: sapor omnibus amarus, & subastrigens: laudant recentiores ad vulnera etiam interna, & fistulas.

C A P. X X X V I I I.

HERBA quædam in maritimis nascitur, præcipue arenosis locis: multis ab eadem radice ramis, rectis, ac simplicibus, fermè cubitalibus: frequentibus foliis, angustis, & oblongis, pulposisque:

sisque : quæ prope terram longiora sunt , & in cacumine excavata ; prope verticem autem breuiora redduntur , ac rotundiora , magisque pulposa , effigie Semperuii minimi , aut Lentis , sapore salso : flos cacumi ni insidet Chrysanthemii modo luteus : semen in pappos euanescit . Altera in viginosis magis nascitur marittimis , vbi salsa est aqua : dodrantali altitudine attollitur ; ratiорibus foliis , latioribusque , minus pulposis , similiter salsis : ramulos fert tenues ; in cacuminibus flores insident in medio lutei , in ambitu purpurei , colore Violæ ; semen similiter in pap pos euanescit . Dioscorides utramque Anthyllidem vocat ; inquit enim : una quidem Lenti similis est foliis : caules fert dodrantis altitudine rectos , & folia mollia ; radicem tenuem , paruam : nascitur salsuginosis locis , & apricis ; gustu salso . Altera Chamæpiti est similis , tum foliis , tum caulis , densioribus tamen , breuioribus , & asperioribus : florem autem fert purpureum , odore valde graui ; radicem , ut Cicorij . Plinius inquit est herba Anthyllion , quam alij Anticellion vocat duorum generum : foliis & ramis Lenticulae similis , palmi altitudine , sabulosis apricis nascens , sub salsa gustanti : altera Chamæpityos similis , breuior & hirsutior , purpurei floris , odore grauis , in saxosis nascens . & alibi Anthyllion inquit est Lenti simillima , quæ in vino pota vesicas vitiis liberat , sanguinem sistit . Altera est Anthyllis Chamæpityos similis ; flore purpureo : odoris grauis , radice Intubi .

C A P . X X X I X .

QVAE DAM in montibus prouenit : multis ab eadem radice caulis , rectis , foliolis , frequentibus , ceu Lini , asperis , ac præduris : flores fert in cacuminibus , similes Anthyllidi secundæ , scilicet in medio luteos , in ambitu purpureos , qui & in pappos abeunt : hæc ad secundam Anthyllidem reduci possit , quam Plinius in saxosis nasci tradit , Virgilius eamdem sub nomine Amelli videtur describere , cum inquit . Est flos in pratis , cui nomen Amello : Fecere agricolæ facilis quærentibus herba . Namque uno ingentem tollit de cespite syluam . Aureus ipse sed in foliis quæ plurima circum , funduntur Violæ , sublucet purpura nigra . Sæpe Deum nexis ornatae Torquibus Aræ . Asper in ore sapor : tonis in vallibus ipsum , pastores & curua legunt prope flumina Melle . Aliam tamen inter Cristas Amellum ostendimus .

C A P . X L .

CONYZA maior in incultis nascitur , arido solo , multis virginis , subrufis fruticans , crassitudine digitali , rectis , bicubitalibus : frequentibus foliis , Olea grandioribus , in ambitu serratis , subhirutis ,

suris, tactu glutinosis, graui odore: flores fert inter folia luteos, ex folio
 lis constantes, quibus decidentibus lanugo relinquitur, seminibus adhæ-
 res: viuit radice pluribus annis. Minor annua est æstate tantum pro-
 ueniens in aruis gracili solo, ut aliquando arua impletat, quo tempore
 nulla fere alia herba visitur: vno caule assurgit, recto, semicubitali, pau-
 cis ramis, rectis: folia fert multo angustiora prædicta, nec serrata, at hir-
 sutiota, odore grato: flores similes fert inter folia paulo tenuiores, nec
 adeo plendiferos, qui tandem in pappos euanescunt: vtræque florent au-
 tumno. Diocorides inquit Conyzæ duo genera habentur: quæ parua
 vocatur, odore præstantior est: maior vero frutice altior, & foliis latio-
 ribus, graui odore: vtriusque folia Oleæ similia, hirsuta, pinguia: in ma-
 iore caulis binum cubitorum altitudine attollitur; in minore pedem
 æquat: flos luteus, non splendidus, subamarus, qui in pappum abit: ta-
 dices inutiles. addit præterea Diocorides tertiam Conyzam mediæ ma-
 gnitudinis, quā nos superius explicauimus. Apud Theophrastū Theodo-
 rus Pollicariam vertit: inquit mascula est & fæmina, fæmina tenuiori ve-
 stitur folio, & comppresso, & in totum minor: mas amplior, crassiori cau-
 le, tamisior, & folium amplius, pinguisque, & flore splendidior. am-
 bo fructifera, in totum serotina, germine & flore: nam circa Arctuum
 & post incipiunt. mari grauior odor, fæmine acutior; ideo contra bestia-
 rum morsus commodior. Plinius Conyzæ inquit, in coronamentis,
 duo genera mas & fæmina, & reliqua ferme, ut Theophrastus: addit ta-
 men folia fæminæ mellis odorem habet: masculine radix à quibusdam Liba-
 notis dicitur, folium iætricatum. Iterum de eisdem agit inter Cunilas,
 Cunilaginem vocans, vnam fædi odoris, folio aspero: quam medium
 Conyzam esse existimo, ut suo loco ostensum est: subiungit postea de
 duabus reliquis inquiens: è contrario, quæ mollis vocatur, pilosioribus
 foliis, ac ramis, & aculeatis, trita mellis odorem habet, digitis tactu eius
 cohærentibus: Altera Thuris, quam Libanotidem appellamus: mede-
 tut vtræque contrâ serpentes ex vino vel aceto: pulices etiam contritæ
 cum aqua sparsæ necant. sed nescio, qua ratione Plinius aculeatam dix-
 erit eam, quæ mollis vocatur: & quod de maris radice ait Libanotidem
 vocari; quia Thuris odorem habeat, videtur nostram Incensatiam intel-
 ligere: neutra enim Conyza ex supradictis eum odorem habet, nec à
 Diocoride; nec à Theophrasto id tribuitur. Medici recentiores Pulica-
 riæ vocant, afferentes maiorem & minorem; vtræque enim recipitur in
 vnguento Aragon vocato: dictæ autem sunt Pulicaria; quia Pulices
 necant. alia quoque Pulicaria à recentioribus vocatur, quæ Psyllium di-
 citur apud antiquos, de qua alibi dictum est: Alia quoque Conyza ha-
 betur apud Hippocratem, sedissimi odoris, de qua egimus in Ambrosia:

C A P. X L I.

VIRGA aurea vulgo vocatur suffrutex, in sylvis nascens, virgis cibitalibus, subrubentibus, foliis ferme Laurinis, laevidibus, serratis: quæ proxima cacuminibus sunt, minora redduntur, Oleæ magnitudine: flores inter folia frequentes, quasi in spica, aureos, Conyzæ maiori similes, qui similiter abeunt in pappos. Alterum genus in ali pestribus nascitur: singulare caule: floribus in umbella dispositis: cetera eadem sunt. Arnaldus Villanouensis hanc prædicat ad calculum frangendum, & vrinam impellendam, & ad ulceræ Tibiarum sananda: Quidam & ad vulnera interna exhibent, ac fistulas: colluunt & oris ulceræ, & columellam decocto herbæ.

C A P. X L I I.

SIMILIMA Virgæ Aureæ tum specie tum facultate est, sed magnitudine distans, quam nos herbam Doriæ Vocamus; attulit enim eam cum clavis ex Aphrica Clarissimus in bello nauali Dux Andreas Doria Genuensis, tamquam efficacem ad vulnera tum interna, tum externa: fruticat hæc multis ab eodem cespite caulibus, altitudine ternum & quaternum cubitorum, simplicibus, foliis frequentibus, dodrantali longitudine, laevider circumseratis, carnosis: umbellæ cacuminibus insident latæ, in quibus flores aurei, qui similiter in pappos transcunt: radices in obliquum fert breves, à quibus multæ iuncæ descendunt, odone non insuauit. Has plantas inter Panacis genera ob virium præstatiæ apud antiquos censeo numeratas: nam herbæ Doriæ perbellè quadrat panax Chironium apud Theophrastum, Chironia enim inquit, folium habet simile Lapatho; florem aureum; radicem longam; amat loca pinguis; vntur ea aduersus Viperas, & Phalangia, & tineas vestium, & cetera reptilia, data ex Vino & vnde oleo: Viperæ autem mortui aspergitur ex acido vino, & potanti datur: valere aiunt & ad ulceræ ex vicino & oleo, & ad nascientia ex melle. cum autem in fine inquit: sunt autem & aliæ quædam Panaces; vna folio tenui; altera non tenui; sed vires hisce ambabus eadem ad mulierum profluvia & ulceræ tam vetera quam putria & paucientia: consentaneum est in his contineri Virgam Auream, quæ scilicet folio non tenui constat: nam quæ folio tenui constat Chironia videtur appellata apud Dioscoridem, folio scilicet Amaraci. Plinius de Chitonio partim Dioscoridem, partim Theophrastum sequitur: cù enim inquit cōstate folio Lapathi, maiori, hirsutiori; flore aureo: Theophrastum sequitur. cum vero inquit: radix parua, Dioscoridem: cuim

præterea addit inter genera Panacis Centaurium ab eodem Chirone inventum, & Pharnaceon à Pharnace Rege, longioribus quam cætera foliis, & fertatis: radice odorata, quæ sicca vino dat gratiam: duo genera, vnum leuioris folij, alterum tenuioris: his verbis indicat herbam quidem Dorianam longissimis foliis; Virgam autem Auream eam, quæ leuitori folio, cōstat: alibi quoque cum ait, Cunilaginem appellati ipsam Panacem, indicat has intelligi: congenetes enim sunt alteræ Cunilagini, id est Conyzæ.

C A P. X L I I I.


Flos Indiæ vulgo appellatur inter autumnales flores: colitur in fitilibus ob floris venustatem, planta attollitur ad altitudinem bicubitalem, amplioremque, ramosa, foliis rarissimis, in longo pediculo coniugatim dispositis, oblongis, & circumcorroisis: in cacuminibus caulinculi nudi attolluntur, quibus insidet flos, Rosæ instar foliatus, colore croceo, amplius. Alter minor, ramosior, ramis in latera tendentibus, flore paruæ rosæ, colore valde saturato, inter croceum & puniceum, media lanagine crocea: utriusque vasculum oblongum, striatum, lœue, quod in hoc genere peculiare est: cæteris enim (quamosum id est. feminina continentur nigra, in tenuem longitudinem producta, breui lanagine cacuminibus adnexa: odor totius plantæ grauis, præcipue floris: prouenit se mine. Has duas plantas apud antiquos indicatas censeo, illam Othonnam, alteram Argemonem vocantes. De Othonna Dioscorides, postquam diuersas sententias tradidisset, aliis quidem putantibus esse maioris Chelidonij succū; aliis Glaucij; aliis florem Papaueris corniculati, Aliis Miscellam triplicis succi, scilicet ex Anagallide cærulea, ex Hyoscyamo & Papaveri: tandem ex aliorum sententiæ succum esse ait, herbe cuiusdam Troglodyticæ, quæ Othonna dicitur: nasci etiæ in Arabia, quæ secundū Aegyptum est, similem Eruçæ, perforatis crebro foliis, tamquam si à tineis essent erosa, scabris, minime copiosis: flore croceo, latifolio: quare à quibusdam inter species Anemonæ collocata est: succus eius oculorum medicamentis excipitur, natura vbi purgare oportet, mordente, discutienteque, quicquid claritati eorum officiat, & quæ sequuntur. Plinius Othonne inquit: in Syria nascitur similis Eruçæ, & cetera, ut Dioscorides. Hanc ascribo ei, quæ florem amplum fert. De Argemone autem inquit Dioscorides: similis est sylvestri Papaueri; foliis Anemonæ diuisitis: florem fert puniceum: caput autem Papaveris, qui Rhæas cognominatur, sed oblongius, & in superioribus partibus latius: radicem rotundam: succum reddit croceum, acrem: expurgat Argemas, & nubeculas, inflammations curat foliis illitis. Scribit & in mentione Anemones,

nes, aliquos hanc non distinguere ab Anemone sylvestri, ob coloris similitudinem: at color puniceus inquit in Argemone minus profundus est: hec quoque tardius floret, succumque reddit croceum, acrimonia insigni. Plinius Argemoniam vocat, folia habet inquit Anemone aqua- lia, diuisa Apij modo: caput in caulinulo Papaueris sylvestris, item radicem: succum Croci colore, acrem, & acutum. cum autem subiungie nascitur & in aruis apud nos: nostri tria genera eius faciunt, & id demum probant, cuius radix Thus redolet: in his verbis significat alteram predictam peregrinam esse: quæ autem nascitur in aruis apud nos, hucusq; idem fere nomen retinet, scilicet quæ Agrimonia vocatur, accepta à multis pro Eupatoria: quæ autem Thus redolet, Gariophylata hodie vocatur. omnibus illud commune, quod folium longo pediculo constat, in quo coniugatim folia sunt disposita, rara quidem, ac tenuia in flore Indiae; densiora & inequalia in Agrimonia & Gariophylata, quodammodo diuisura, Apij seu potius Ranunculi in Gariophylata. Quæ autem describitur à Dioscoride, satis conuenit flori Indiae minori; flos enim quamvis inferne croceus, superne tamen ad puniceum accedit elegantissimum: calyx est oblongus, & latior in postremo: folia vero Anemone diuisa significant foliola, quæ sunt foliorum partes, non totius folij formam, quæ potius Erucæ est: at radix rotunda, vt Dioscorides scribit, Anemonæ potius conuenit; nam Plinius Papaueris radicem tribuit: Fibrosa enim est: succus vero croceus extrahitur, præser- tim ex flore, qui & valde acris est. Ut autem plantæ conge- neres sunt Othonna & Argemone, sic & vires ferme eadem, vt patet.

Finis Libri Duodecimi.

ANDREÆ CAESALPINI
ARETINI
DE SVFRVTICIBVS ET HERBIS.
LIBER TERTIVS DECIMVS.

CAP. PRIMVM.



AM prosequamur Cicoraea, quæ propter aquem humiditatem, frigido constant temperamento: plurima autem succo lacteo constant, qui adultis magis inest, quo tempore & amariora redduntur, & minus esui apta, cum caulescent. Flos omnium numerosis foliolis constat, luteis, aut cœruleis; semina autem magna ex parte papposa sunt.

C A P. II.

ENDIVIA vulgo appellatur olus: foliis ab radice latis, veluti Latucæ in ambitu fimbriatis, sapore dulci, aquo: sed si hyeme obruantur firmo, cädorem simul & teneritudinē ad ipsi scuntur, & gustui sunt gratiiora: caules vere fert bicubitales, ramosos, in quibus folia breuiora, dura, & subamara: flores in alis fert cœruleos: semina gerit alba, squamosis folliculis inclusa, qui nequaquam dehiscunt, etiam si in arescant: seritur in hortis. Cicorium Romanum cognominatur alia similis prædictæ, sed longiore folio, angustiore, ac nigriore, demetitur in cibos aduentante æstate, ori gratissima ob dulcedinem, exigua quadam amaritudine temperatam, teneri etiâ eiusdem asparagi incocti veniunt in cibos ex oleo & aceto: huius caulis assurgit æstate breuior Endiuia, ac floribus iisdem: seminibus nigris: seritur hæc quoque in hortis. Cicorium simpliciter vocatur, quod sponte nascitur in incultis, in pratis & secus vias: foliis stratis circa radicem, longis, & angustis, corrodis circa latera; angulosisque: sapore evidenter amaro, non tamen ingratu: ioto anno venit in cibos, ante quam caulescat, non enim caulescit primo anno, ut prædictæ, sed secundo: caulis aduentante æstate exit ramis in latera fusis, cubitalibus, sere sine folio: floret particulatim tota æstate: flos cœruleus adhæret in alis: viuit radice caule arefacto. Huius diffe- rentię

rentię aliquę notantur, magoitudine & paruitate folij, asperitate, ac levitate: Quædam enim folio constat valde angusto; quædam longiore, latioreque: & in utroque genere quædam subhirsuto constat; quædam lævi: prædulcior est, quæ lævi constat, & latiore: omnes radice nituntur singulari, in altum dimissa, quæ & venit in cibos cocta. Dioscorides omnes prædictas communi nomine Seridis intelligit, distinguens in sylvestrem & domesticam: sylvestris inquit priuatim Pieris, idest amara, & Cicotium appellatur; eius quædam latiore constat folio, stomacho etiam gravior, quam domestica, ex quibus verbis significat duo genera Cicerij nostri, scilicet angustius & latius. Subiungit postea: huiusquoque idest domesticæ duplex genus: quædam enim est Lactucæ similior, latifolia: quædam tenuifolia, & amarescens: Quibus verbis manifeste ostendit nostram Endiuiam, & Cicerium Romanum, ambas sativas: omnes inquit astringunt, refrigerant, & stomacho gratae sunt: fistunt & aluum coctæ cum aceto assumptæ, & maximè sylvestres, quæ stomacho utiliores sunt: nam assumptæ ventriculo imbecilli, & æstuanti opem ferunt: & quæ sequuntur. Galenus extollit etiam ad Hepatis intemperiem calidam, non nocere etiam frigidis: nam robur addere ob astrictionem, angustos in eo meatus ab infarctu liberare ob amaritudinem: sativum genus magis refrigerare, quia humidius: genus sylvestre siccus esse. Plinius Intubum vocat: vbi igitur inquit: Intubi hyemis impatientiores sunt, quam Lactucæ, viresque præferentes, sed caule non minus grati: seruntur verno plantæ eorum, ultimo vere transferuntur: intelligit satios, de quibus alibi inquit Serim vocati id quod sativum est, quod est maius & venosius: Seris & ipsa Lactucæ simillima duum generum est: sylvestris melior, nigra ista & æstiva: deterior hyberna & candidior: quibus verbis significat Cicerium Romanum & Endiuiam à nobis vocatam, licet sylvestre dixerit id, quod in satiuo genere accedit magis ad sylvestre. vbi, autem scribit: est & erraticum Intubum, quod in Aegypto Cicerium vocant, & alibi: Erraticum apud nos quidam Ambigiam appellauere, in Aegypto Cicerium vocant, quod sylvestre sit, refrigerat in cibo sumptum, & illitum collectiones, succusque decocti ventrem soluit: Iecinori, & renibus, & stomacho prodest; & alia multa præstat, ideo propter singularem salubritatem aliqui Chreston appellant, alij Pancration: & sylvestre genus alij Hedypnoida vocant, latioris folij, stomachum dissolutum astringit cocta, crudaque fistit aluum, & quæ sequuntur: significat duo genera sylvestrium à Dioscoride tradita, quæ à nobis simpliciter Cicerium vocantur. Theophrastus Cicoream & Cicerium vocat; unde genus Cicoraceum: Cicoracea omnia inquit folio annuo, & ab radice foliata consistunt: germinant post Vergilias excepta Fraude; ineunte vere tam caulem, quam florem emittunt: sed caulis & radicibus

magnas differentias sortiuntur : quippe cum cæterorum caules simpliciores, minoresque assurgunt, Cicoreq; magnus, multisque ramulis brachiatus, latus item, & diuidi contumax est, qua de causa pro vinculo vntur eo ; radice quoque germen laterale mittere potest, & alioquin rade prolixum est, ideoque emori contumax; decerpitis enim quæ ad usum cibarium capi solēt, reliquum generationis rursus capessit principium : euenit autem ut pars alia eius atque alia floreat, idque assidue fiat usque ad autumnum, quamquam durus caulis esse videatur : fert & siliquam, in qua semen circa postremas caulinum partes : vtrinque foliata existit. Hæc profecto nostris Cicoriis conueniunt : cum postea subiungit Hypochœris Theodorus Porcelliam vertit, leuior & aspectu mitior, & dulcior est : significat genus satiuum, idest Endiuiam. Fraus autem, quæ græce Apate dicitur, fuerit Cicerium Romanum ; sola enim hæc germinat in eunte æstate, non post Vergilias. Quod autem Theophrastus aliquando numerauit Apatem inter eas, quæ ab radice tantum foliatæ sunt, non Apate legendum est, sed Aphace; nam Plinius caulem foliatum tribuit Apatæ. Arabum interprætes satiuam Scariolam vertunt, sylvestrem autem Taraxacon : sed per Taraxacon nullam ex his videntur accipere, sed genus aliud quoddam sylvestrius, ut mox patebit.

C A P. I I I.

APHACÆ, cui innumera vulgo traduntur nomina, quæ lubens prætero, passim iuxta semitas, & circa oppida nascitur : foliis Cicerij, latioribus, mollioribusque, ac frequentioribus sciliulis : florem fert luteum, nudo & simplici caulinculo insidentem, qui cito in papposum caput transit calyce resupinato : eo exarescente alter caulinulus subnascitur, totoque anno floret : madet lacte : gustu non admodum amara, sed tamen insuavis, idcirco reiicitur à cibis : reperitur in hoc genere angustioris folij. Theophrastus inter Ciceracea Aphacam vocat ingustabilem, & amaram, quæ festinanter floret; sed flos celeriter senescit, atque lanugine pappo dicta marcescit : tum aliud iterum prouenit, atque iterum aliud, idque tota hyeme, vereque toto usque ad æstatem factitur : flos Melini speciem gerit. Alia tamen est Aphaca inter leguminas, ut suo loco patet. Plinius Aphacem vocat, Aequinoctio inquit nascens Aphace, subinde alio marcescente flore emitit alium, totaque hyeme, totoque vere usque in æstatem. Recentiores medici hanc Taraxacon vocant Auicenna & Serapione sic appellantibus Intubis speciem sylvestrem : Videtur autem hæc fuisse Arabum sententia, ut apud Dioscoridem intelligeretur per duo sativa Endiuia & Cicerium : alterum enim lato folio constat; alterum angusto ; sylvestre autem unum tantum tradi,

quod

quod latiori folio constet, quam satiuum : in hanc enim sententiam Se-
rapio accepit verba Dioscoridis; ideoque sylvestre Taraxacon ab illis vo-
catum, iure huic plantæ ascribetur : patet quoque ex Auicenna, qui eius
lac cōmendat ad albugines abstergendas: nam conspicuum in hac plan-
ta est lac, in Cicerio autem non adeo : laudat præterea huius succum
ad hydropon; nam multum conferte aperiendo Hepatis obstructionem.

C A P . I I I .

CONDRI^LA in asperis saxosis nascitur, Lactuc^esylvestri ma-
xime similis: caulis cubitalibus, in quibus folia leuia, ac di-
uisa in partes angustissimas multo lacte madida : flores fert in ca-
cuminibus ramulorum, cœruleos, qui color in nullo alio genere sylve-
strium adhuc visus est. Apud Dioscoridem Condrella est primo loco
descripta; inquit enim hoc quoque Ciceriam appellant & Serida, folia
quidem, & caulem, & flores Cicerio similia habēs, vnde ipsum quidam
Intubi sylvestris speciem dixerunt, sed in totum tenuius : circa ramulos
autem ipsius reperitur gummi, simile Mastichæ, magnitudine Fabæ.
Theophrastus Chandras inquit, Theodorus Chandraliam vertit, omni-
no ingustabilis est, & in radice succum lacteum, acrem, eundemque co-
piosum habet. A quo Plinius accepit inquiens: Condrylla amara est, &
acri in radice succo. Galenus similem tradit Lactuc^esylvestri magis ama-
ram, succo lento, albo, vt Titimalorum succus, non adeo acri : utimur
eo interdum ad pilos palpebrarum reglutinandos.

C A P . V .

CONDRI^LA secunda in collibus nascitur: foliis circa radicem
stratis, hirsutis, quæ licet à lateribus veluti corroso sint, non ta-
men angulosa redduntur, sed subrotundis sectionibus sinuata :
caulem fert nudum, ac ramosum, ferme cubitalem, rectum : flores fert
luteos in cacumine : radices tres, aut quatuor breui rotunditate fastigia-
tas, subflavas : aliquando vñica est in profundum acta, vel bifurcata.
Dioscorides inquit: est aliud genus Condryllæ, folia ferens circumflosa,
oblonga, in terram strata : caulem succo plenum: radicem tenuem, mu-
cronatam, lœuem, rotundam, subflavam, succosam : nascitur in terro-
sis, cultisque locis. Plinius Condrylon, siue Condrylle inquit: folia
habet Intubi, circumflosimilia; caulem minus pedali, succo maden-
tem, amaro : radice Fabæ simili, aliquando numerosa : sed quæ sequun-
tur: habet proximam terræ Mastichem tuberculo Fabæ, quæ apposita
fæminarum menses trahere dicitur, & reliqua, non huic, sed primæ Con-
dryllæ tribuuntur à Dioscoride.

C A P. VI.

AD Condillias reduci potest quedam in collibus & vineis, & aliquando in ædificiis vetustis frequens : radice valde succosa, & acri : foliis ab radice Cicerij tenuioris, his suis : caule recto, cubitali, prope radicem aspero, superne laui : ramulos fert rectos ; in quibus foliola tenuia, non incisa, quasi Poligoni : flosculos pallidos non in summo, sed à lateribus, qui evanescunt in pappos : in huius ramis aliquando visuntur tuberculi nigri, ex concreto lacte geniti.

C A P. VII.

ALIA quedam in ruderibus nascitur, amatissima : caule in multos ramulos assidue fisso : foliis tum ab radice, tum in ramulis parui Cicerij, breuioribus, ac frequentioribus scissuris : flosculos exiguos in alis fert pallidos : & semina durissimis veluti verrucis inclusa, fabæ magnitudinem æquantibus. Hanc quoque ad Condillias referri posse reor.

C A P. VIII.

AMARAGO in montibus nascitur, similis Aphacæ, valde amara : foliis ab radice scabrioribus : unico caule, simplici, cui in medio terna sunt foliola, non scissa, subrotunda : in cacumine autem flos inest grandis, pallidus, qui tandem abit in pappum. Altera in montibus quoque foliis ab radice similibus, sed caules multos fert, simplices, & nudos, cubitales ; in cacumine florem luteum, similem Aphacæ fert : oritur in sylvis. Hæ videntur apud Theophrastum Pieris appellari ab amaritudine : Theodorus Amaraginem vertit : de hac inquit : simili modo, ut Aphaca, Amarago se habet : nam & ipsa vere floret, & ferme per totam hyemem ; & æstate definit: gustu autem amara est; vnde nomen assumpsit. Plinius inquit Amara & Aphace, & quæ Pieris cognominatur, & ipsa toto anno florens : nomen ei amaritudo impo- sit : & alibi inquit : Pieris ab insigni amaritudine cognominatur : rotundo folio ; tollit eximie verrucas. Dioscorides tamen nomen Pieris assignat Condillis.

C A P. I X.

QVAEDAM in hortis incultis sponte nascitur, & in agrorum limatebus, pingui solo: lato folio, ut Endiuæ, magis laciniato in ambitu: caule ultra cubitalem altitudinem, ramoso, ac folio so; flore luteo in alis foliorum: dici posset hæc Endiuia sylvestris. Fit autem mentio sylvestris Endiuæ apud Nicolaum Florentinum, qui eam recipit in Syruppo de Cicorea cum Rhabarbaro.

C A P. X.

RA GADIOLVUS vulgo Ragaggiolo in Hetruria vocatur, qui assumitur in cibis crudus, ut Cicerium: foliis constat tenuioris Cicerij, sine lacte, & sine amaritudine: flosculos fert luteos in aliis foliis, & semina longa, & adunca, repræsentantia avium pedes: ipsa herba dodranalis, humi procumbens, ramosa: floris foliola ex medio semine videntur erumpere; cum tamen ex summo orientur; nam re liqua pars vagina potius est seminis: altera huic similis est, cuius semina stellam repræsentant.

C A P. XI.

SONCHVS, quæ vulgo Cicerbita vocatur, & alicubi Crespinulus in vineis frequens, & in aruis, locis cultis: foliis ab radice latioribus, ac brevioribus Cicerio, magis angulosis, ac fere pungentibus, postrema parte latiore: sepe color inest subrubens: caulis attollitur cubitalis, & altior, concauus, aliquando arborea specie, crassus; in quo folia magis horrida, & succo lacteo turgentia: capitula fert summis caulis multa, florem luteum sustinentia, qui in pappos soluitur: folia tenella, quæ ab radice sunt, assumuntur in cibis cruda, sapore dulce. Alia in ruderibus nascitur: latiore folio, ac minus scissio, asperiore, & pungente: crassiore caule, magisque folioso, sylvestris supradicta; ideo non assumitur in cibos. Dioscorides inquit Sonchi duo genera: unum sylvestrius, magis aculeatum; alterum mollius, esculentum; caulis angulosus, aliquando subrubens: folia habet per interualla in ambitu diuisa; eorum facultas refrigerandi, modice subastrigens; unde conferunt stomacho irritanti, & inflammationibus, & quæ sequuntur: in fine autem addit alter Sonchus, qui, & mollius est, arborea specie constat, & lato folio: folia autem caulem cingunt: & huic quoque eadem prestat, in quibus verbis postremis ostenditur esculenti Sonchi, seu mollis duo esse genera

nera, magnitudine distincta : quidam enim arboreus est : huiusmodi visus est aliquando baculi crassitudine tricubitalis, cum frequentius minimi digiti crassitudinem non equeat. Theophrastus Sonchum numerat inter spinosa foliata, in cuius caulibus cum ramulorum prouento una flosculus quoque quidam emergit : peculiaris inter Acanacea ; quia conceptus non spinosus. Plinius Sonchos inquit estur : albus, & niger est ; Lactucæ similes ambo, nisi spinosi essent : caule cubitali, anguloso, intus cavio, sed qui fractus copioso lacte manet : albus, qui è lacte nitor utilis Orthopnoicis, Lactucarum modo : Eralistratus calculos eo pelli per vinam monstrat, & oris graueolentiam commanducato corrigi, succus trium cyatorum mensura in vino albo & oleo calefactus adiuuat partus, ita ut à partu ambulent grauidæ : datur & in sorbitione : ipse caulis decoctus facit lactis abundantiam, nutribus, colore mitemque meliorem infantium : utilissimus iis, quæ lac sibi coire sentiant : & alias multas utilitates præstat : hæc omnia ex albo : Cleempotus nigro prohibet vesici, ut morbos faciente, de albo consentiens. puto autem nigrum intelligi sylvestre genus. Quædam in collibus umbrosis & syluis nascitur : crispiore folio, sed mollissimo, minime pungente, colore virentiore. Quædam in montibus caule bicubitali, crasto, concauo : foliis maioribus, diuisura Sonchi asperioribus. hæc ad sylvestre genus reduci possunt.

C A P. X I I.

HIERACIVM magnum in ædificiis potissimum nascitur : caule cubitali, hirsuto ; in quo pauca folia Soncho similia, sed subhirsuta, ac virentia : summi ramuli capitula sustinent stantia, oblonga, flore luteo, qui euolat in pappos. Dioscorides inquit : caulem emitit asperum, subrufum, spinosum, aliquantis per cauum : folia ex interuallis rariuscule diuisa per ambitum ad Sonchi similitudinem : flores luteos in capitulis, oblongis : huic vires easdem tribuit, quas Sôcho :

C A P. X I I I.

VARDAM in ruderibus nascitur : folio nigricante, in latitudinem magis, quam longitudinem extenso, prope pediculum disiso : caule cubitali, in cacumine bracchiatum : cacuminibus insident flosculi Lactucæ : tota multo lacte madet. Hanc Plinius inter Lactucas sylvestres Hieraciam vocat : habet inquit rotunda folia, & brevia : sic vocant ; quam accipitres scalpendo eam succoque oculos tingendo obscuritatem, cum sensere, discutiant.

C A P. X I I I .

QVI vulgo in Hetruria Terracrepolus vocatur, olus est sylvestre: foliis paruis, Erucę angustifolię similibus, mollibus, subcandidis, aliquando subrubentibus: caulinos fert dodrantales, paucis ramis rectis paucisq; foliis: in cacumine flos Hieracio magno similis, qui euolat in pappos: herba expetitur in cibis cruda ex oleo & aceto; nā dulcis est, & lubastringēs, fragiliisque: oritur in collibus saxosis, & in edificiis: floret tota etate: hyeme nequaquam perit, nā regerminat à latere. Dioscorides Hieracium paruum appellat: inquit enim folia hoc quoq; habet, ex interuallis diuisa in ambitu: caulinos autem fert molles, & virentes: in quibus flores lutei circulum describentes: iisdem viribus pollet cum altero Hieracio. Apud Plinium & Theophrastum Crepis vocatur: numeratur enim cum Cicoraceis: caule foliato est Crepis & Apate; vnde hucusq; nomine fere simili seruato, Terracrepolus vocatur.

C A P. X V .

QVÆDAM in asperis, vbi lapillorum est maceris, exit folio oblongo, & angusto, laevi, & candido, ut Terracrepolus; at non scisso, tantum angulo: caulinuli exēunt nudi, palmum alti: florem sustinentes minorem: radiculæ huius, fili instar, in longitudinem producuntur, quibus per interualla veluti nuclei, Fabæ magnitudine, candidi adnectuntur, teneri: gustu prædulci. Matthæus Sylvaticus Scrofulatiam vocat, & Castrangulam: herba inquit est, folia habens tenuia, & flexibilia, quæ cum flectuntur, ut frangatur, strident: radices sunt ei tenues, quibus adhærent radices rotundæ, sicut Auellanæ mundatae, & albæ, mitentes lac: quæ dicuntur scrofulis mederi: sumuntur ex melle, vel cum farina Triticea in placentis, ut vinum vetus superbibatur ieiuno ventriculo mane & vesperi: nam elicit sudores, & strumas in collo discutit.

C A P. X V I .

ALIA folio ab radice numero constat, parum diuiso, at lanuginoso, candioreque: caulinos fert simplices, ac nudos florēm luteum in cacumine sustinentes, minorem Terracrepulo; oritur gracili solo, potissimum in vinearum superciliis; gustu iucundo, ut Terracrepolus, magis astringens: vocant quidam vulgo Ginefrelam, quam in acetaria ruri querunt.

C A P. X V I I.

MINIMVM quoddam genus in montibus nascitur inter saxa : foliolis ab radice tantum , veluti Graminis , tenuibus : caule nudo, ac simplici , florem sustinente, similem Scabiosæ , paruum : at semina intra lanugines continet . herba hęc apud Montacutenses inter acetaria comeditur ; nam sapor inest dulcis, & subausterus .

C A P. X V I I I.

PLOSELLA vulgò appellatur in collibus nascens , gracili solo : foliis Oleæ , inferne candidis , pilosis : caulinulos attollit , nudos , florem sustinentes Ginestrellæ similes : Alios vero caulinulos fert foliosos , humi serpentes , sine flore , lacteo succo madet , ut cætera huius generis : sapor inest astringens : laudatur ad vulnera glutinanda , siccata , & in puluerem cribrata : recentis succus cohibet horrores febris quartanæ : in eodem extingunt calycem , vt duritiem incredibilem contrahat : radix mense Maij effossa , & siccata in puluerem propinatur , aut in cibis datur ad Ramicem .

C A P. X I X.

LACTUCA gratissimum olus est teneritudine , ac dulcedine ceteris prælatum : numerosis constat ab radice foliis , ac latis , se inuicem compactili serie amplectentibus : idcirco quę in medullio clauduntur , albidiora sunt , ac teneriora ; quia ab iniuriis externi aeris , & solis proteguntur : cum caulescit amara redditur , & late madet : caulis assurgit densis foliis rectus , & crassus , qui in cacumine finditur in ramos candidos , in quibus pauca sunt foliola , subrotunda , ac viridia : flosculos gerit in cacuminibus pallidos , qui in pappos transeunt : semina subsunt oblonga , & compresa , aliis candida , aliis nigra , differentia quoque & in foliis : quædam enim latiore folio constat ; quædam longiore : quædam crispo : quædam plano : quædam in ambitu sinuato , ac valde crispo , quam priuatim Scarolam vocant : à cuius similitudine Lactucas & Scarolas vocant , Tunicatum plexus intricatos , ceruicem , & carpum ornantes : Alia Caputia cognominatur , cuius folia clauduntur ad capitibus effigiem : difficiunt quoque colore , quædam enim alba , quæ frequentior est : Alia rubra , ac si vinum foliis esset aspersum : hoc latissimis foliis constat , ac patulis , dulcius cæteris , sed durius : idcirco recentia tantum folia secant ; regerminat enim diutius , ante

ante quam caulescat : Alia nigra, cuius folium angustius, ac productius, planum, colore viridi, qualis in Cicerio : non spingitur hæc in caput, nisi vinculo alligentur folia; sic enim candidissima intus redditur, ac fragili teneritudine cæteras vincit : reliqua folia Cicerij modo trita iucunda sunt : caulis huius tenuis ; semina autem nigra & huic & rubræ : cæteris autem candida . Theophrastus de Lactuca inquit : prouenit à satu die quarto, vel quinto, recisa regerminat, cuius regerminati caules suauiores; nam dulciores, quamdiu teneri sunt : quidam hos magis lactuosos esse : primos autem magis amaros, & minus concoctos : radix breuis, maxime vnistirps ; quia caret multiplici radice : sed tantum fibris coheret ; translatâ breuioris est radicis, quam sata ; quia ex lateribus magis mittit : semen lanugine continetur. In genere lactucarum candida dulcior, atque tenerior, cuius tria genera reddunt, laticaule, rotundi caule, & Laconicum : huic folium Carduo simile: & recta, ampla, & caule minime bracchiata est. inter latas adeo quedam laticaules fiunt, ut pro valuis horrorum hisce nonnulli vtantur. Quæ vero lactis admodum copiosa, & folio pusillo, & caule candidiori consistit, sylvestri similis est. Plinius Theophrastum secutus inquit : Lactuæ Græci tria genera fecere ; unum laticaulis, adeo ut hostiola olitoria ex his factitari prodiderint : folium his paulo maius herbaceo, & angustissimum, ut alibi consumpto alimento : alterum rotundi caulis : tertium sessile, quod Laconicum vocant. Alij inquit coloris & temporis satus genera discrevere : esse enim nigras, quarum semen mense Ianuario seratur : albas, quarum Martio : rubentes, quarum Aprili : ac omnium earum plantas post binos menses differri : diligentiores plura genera faciunt, purpureas, cripas, Cappadocas, Græcas ; longiora his folia, caulesque lati : præterea longi & angusti, Intubis similes : pessimum autem genus, cum exprobatione amaritudinis appellauere Pierida: est etiam num alia distinctio Atre, quæ Meconis vocatur, à copia lactis soporiferi ; quamquam omnes somnum parere credantur. Apud antiquos Italæ hoc solum genus eorum fuit, & ideo Lactuæ nomen adeptæ ; purpuream maximæ radicis Cecilianam vocant : rotundam vero ac minimæ radicis Astylida, quidamque Eunuchion ; quoniam hæc maxime refragetur Veneri. Est quidem natura omnibus refrigeratrix, & ideo æstate grata : è stomacho fastidium auferunt, cibique appetentiam faciunt. Dinus certe Augustus Lactuca conseruatus in ægritudine fertur, prudentia Musæ Medici. sanguinem augere creduntur. Ecce cum maxime cepit irrepere satiis admodum probata, quæ Cilicia vocetur, folio Cappadociæ : nisi crispum, latiusque esset. At horum expositio cum nostris, partim clara est, partim curiosior videretur. Quod de laticaule scribitur, aliquando hortorum valuis eius caules utiles esse ob amplam latitudinem, non videatur

mirum; vidimus enim inter Anchusas caulem aliquando in speciosam latitudinem creuisse; paucis foliis, ut pote nutrimento in caulem absursum pto: multo autem magis id Lactuce contingat; habitior enim multo est eius caulis.

C A P. X X.

LACTUCA sylvestris Scatiola vocatur à recentioribus Medicis, & Serralia; quia folij deorsum veluti ferræ est: prouenit in agro-rum limitibus, pingui solo, & humecto, non in caput foliosum coagmentata, ut domestica, sed statim caulescens: caulis assurgit candidus, tenuis, bicubitalis, rectus, in quo folia per interualla scissa, ut Cicorium, dorso aculeato: paucos in cacumine ramulos fert, in quibus foliola non scissa, & flosculi domesticæ Lactuce, multo lacte madet, amaraque est. Theophrastus inquit, folio breuiore constat quam satiuæ, quod perfectum aculeatur: caule quoque simili: succum acrem, & medicatum habet: nascitur in artuis: colligitur succus per messem Trictici, & purgare aquam intercutem dicitur, & caliginem arcere ab oculis, & argemam auferre cum lacte mulieris. Dioscorides satiuæ inquit similis est, magis caulescens, ac foliis candidior, tenuior, & asperior, gustu amara, viribus quasi Papaueris. Galenus de hac inquit, vocari apud Græcos Thridacinem; olus est inquit sylvestre, quod in viis ipsis nascitur & locis fossarum eminentioribus, & præterea herbosis, aquosissime, ac plerisque incultis: exiguum autem est id olus instar Lactucæ hortensis, nunc nuper enatae, amarotisque quidpiam præfert, & multo adhuc magis, dum adolescit: vbi autem caulem iam produxit, saporem amarum haber, vel manifestissimum: porto huic Lactuce aliud præterea olus est simile, quam Condrillam appellant. Plinius multas affert Lactucas sylvestres: hanc de qua agimus Eshopon apud Græcos inquit vocari: huius folia trita & cum potenta illita viceribus medentur: hæc in artuis nascitur. Communia autem omnibus sponte nascentibus candor caulis, interdum cubitali longitudine, thyrso & foliis scabritia; succus omnibus candidus; viribus quoque Papaueris similis: capitur per messem, inciso caule cōditur in fistili nouo, ad multa præclarus.

C A P. X X I.

QVAEDAM in Alpibus nascitur, cubitalis: tenuiori caule, similiter candido: foliis breuioribus, non scissis, sed modice angulosis, candidatis, leuibus, saepe nullis ramis: flosculis Lactuce: hæc quoque lacte madet: ideo montanam Lactucam vocare possumus.

C A P. X X I I .

LACTARIOLA vulgo appellatur in sylvis nascens, folio breuiori, angustiorique quam *Laetula domestica*, modice angulo, maculoso, subhirsuto: caulis est rectus, cubito breuior: coccus minibus ramulorum flores sustinet, luteos: copioso lacte madet, amaraque est. Alia in aruis nascitur grandior, & ramosior: foliis & caulis asperioribus, quasi *Anchusa pungentibus*, vulgo Sopraginem vocant, similiter lacte madet, sed ad pabulum iumentorum quæsta. Has Theophrastus accepisse videtur, cum de Thrydacie, quæ est *Laetula sylvestris*, inquit; caulis primo mitis, post spinulis horridus, & cuncta folia spinosa redduntur: succus aquosus.

C A P. X X I I I .

TRAGOPOGON, apud nos vulgo Sassefica vocatur, huius radices venduntur inter olera: nam coctæ esitantur ex oleo & acetato: folia ferr angusta, in longam gracilitatem producta, subcandida: caulis simplex est, & rectus, aliquando agnatis paucis stolonibus: in cacumine calyx inest longus, qui florem sustinet luteum, & amplum: semina festucis similia, adnexa longis barbulis, lanuginosis, constituenta magnum caput, rotundum calyce resupinato, ut in *Aphaca*, seminis color candicat: radix unica: in altum descendit, similis *Cicorio*, longior: succo lacteo madet, gustu prædulci: colitur in hortis, sponte quoque nascitur in aruis. Aliud genus sylvestre in montibus reperitur: flore purpureo: semine nigro. Dioscorides inquit *Tragopogon*, id est barbula *Hirci*, ab aliis *Come*, breui caule constat; foliis *Croci*: radice longa, dulci; in caule magnus est calyx, & in cacumine semen nigrum, à quo nomen accepit: herba eslvi apta. Theophrastus inquit: ei quam *Hirci* barbulam vocant, radix longa, & dulcis: folia *Crocis* similia, nisi quod longiora: caulis breuis, super quem calyx ampla, & barba de summo vertice cana pendens, prolixa; unde nomen accepit. Plinius eadem habet: at *Calycem* nigrum tradit: nasci autem in asperis sine vsu: ex quibus significatur genus sylvestre.

C A P. X X I I I .

VAEDAM ex Sicilia ad nos allata est: hirsutiore folio: caulis nudis, florem luteum sustinentibus, & semina candida, lanuginosa: barbulis breuibus: radice longa, pallida, & succo pallido: traditur venenum esse, ut *Aconitum*.

SCOR.

C A P. X X V.

SCORZONERA nuper in Hispania inuenta est herba efficacissima ad ictus venenosos animalis eiusdem nominis; nam lingua Catalana Escorzo serpentis genus appellatur apud eos frequentissimum: herbæ efficaciam docuit Maurus quidam, qui primus in Catalonia curauit percussos ab immani fera: radice constat simili predicto animali: tradit autem Scorzonis figuram Nicolaus Monardes Hispanus, palmi longitudine cum dimidio, in tenuem caudam desinenter, versus caput assidue crassioris: capite crasso, quadrato, ore grandi, lato recto, lingua nigra, & acuta, pungente; tenuibus dentibus ut Viperæ: idcirco & dentibus ferit, & lingua pungit: color cutis cinereus ad nigrum tendens, maculosus, fero aspectu, torpido gressu incedit, latitat continue inter plantas in segete & vineis: ictum infligit detersorem Vipera eius regionis, & magis periculum, cum ingenti dolore, inflatione, & animi deliquio, ut breui sequatur mors, nisi cito succurratur ea herba: aliud enim nullum repertum est virus illud delere: herba est pulchri aspectus altitudine cubiti, paucis adnatis stolonibus rectis: in totum Tragopogo similis: foliis ab radice stratis, circa latera leuiter corrosis, & in extremo fastigiatis, medio neruo ad summum usque producto, colore subalbido: quæ autem in caule sunt, angustiora redduntur Tragopogi modo, sed breuiora: in cacuminibus ramicorum luteus flos insider, calyci inclusus, & semina pappum ferentia, ut Tragopogon, sed minora omnia. radix in altum descendit, carnosa, grauis, ex rotunditate in mucronem desinens: cui aliquando appendices quedam adnexæ sunt, tuberosæ, fragiles, cortice tenui, subrufo, vergente ad nigrum, subaspero, intus alba, fracta succum laetum reddit: sapor subdulcis, elui apta, tum radix tum folia, & cruda & cocta: seruat radix condita cum saccaro, quæ gratissima est: oritur locis montosis, præcipue humectis: temperamento constat calido, & humido in primo gradu: tanta eius vis aduersus Scorzonem, ut si eius succo tangatur, torpeat confessim: si iniiciatur in os, pereat: manibus eo succo illitis contrectatur serpens predictus sine periculo; non enim mordet, atque adeo torpescit, ut semimortuus videatur: qui fuerit ictus, si comedat de eius radice, aut succum foliorum bibat, confessim sanatur, si inflatus tam fuerit, desider tumor: sedantur dolores, & delicia: si presumatur, ante quam momorderit, non superueniunt prava symptomata: bibratur eius succus clarificatus, vel per se vel cum aliis robotantibus cor, aut veneno resistentibus, non solum ad Scorzonis ictum sed & ad Viperæ, aliorumque serpentium: datur eius aqua distillata ad febres pestilentes & malignas: prouocat enim sudore-

sudorem mirifice, ubi natura hunc motum tentat; confert ad melancholias, tristitias, & deliquia: admiscetur quoque epithematisbus cordi conferentibus: radices conditae per multos dies assumptæ, & aqua prædicta obstructiones Hepatis, & Lienis tollunt: melstruas purgationes moluntur. Hęc Monardes testatur. existimant multi hanc apud Dioscoridem Condillam esse; sed magis videtur ad Tragopogi genus reducenda.

C A P. X X V I.

AM Acanaceum genus prosequamur; Acanacea autē vocat Theophrastus, quorum conceptus, & id, cui flos insidet, aut etiam fructus, spina vel spinaceum quidpiam est: eorumdem folia quoque, ut plurimum spinosa sunt, & quandoque caulis. conueniunt autem plerique cum Cicoraceis, & Lactucis, quoniam lacte madent, at calidiora sunt, magna ex parte odorata, amara, aut acria: quædam etiam & in cibos veniunt ob dulcedinem quandam. semina in capitibus spinosis continent, ut plurimum intra lanuginem reposita, præter papposam substantiam seminibus incidentem: caput aliis resupinatum est in ambitu semina continens, ut Labrum Veneris, Eryngium; aliis concavum ex squamis quibusdam spinosis congestum, ut Cardui genera.

C A P. X X V I I.

A B R V M Veneris lato solo nascitur, in agrorum limitibus: foliis ab radice stratis, ternum digitorum latitudine oblongis, spinosisque per totum: caulem estate fert rectum, lignosum, spinis horridum, bicubitalem, altioreisque, binis per interualla foliis, adeo caulem amplectentibus, ut in eorum sinu aqua colligatur ex pluia vel rore, quæ auiculis sittientibus præsto sit omni tempore: ex eodem sinu binos assidue fert ramos rectos: in cacuminibus oblonga fert capita, spinulis aduncis armata: quibus arefactis lanifices viuntur ad erigendos pannorum villos, quod Cardare vocant, & Cardos instrumenta prædicta; feritur alicubi ad eum usum, non distans ab eo, quod sponte nascitur nisi magnitudine capitum: flosculi purpurascentes, aut candicantes particulariter ex loculis quibusdam, circulum describentes, modo unum, modo plures in echinato capite: Virga pastoris à quibusdam ex recentioribus vocatur, cum tamen hoc nomen apud Serapionis interpretem Polygono tribuatur. Dioscorides Dipsacum vocat inquietus: ex genere aculeatarum caulem habet altum, spinis horridum; foliis Lactucæ spinosis, binis singula genicula amplectentibus, prælongis, armatis in dorso medio, super subterque tubercula seu bullas spinosas habentibus,

bus, cauo alarum sinu, in quo humor subsistit ex rore collectus, & plu-
uiis, de quo videtur herba nomen traxisse: in cacumine singulis tamis ca-
pitula sunt echinata spinis, longiuscula: haec, postquam exatuere, albe-
scunt, quibus dissectis in media medulla vermiculus iouenitur: radix sa-
nat rimas sedis & fistulas, si decocta in vino tosaque ad crassitudinem ce-
ræ admoueatur. Plinius eadem ferme habet. Recentiores aquam in La-
bro Veneris refertam laudant ad oculorum claritatem, & faciem emen-
dandam; nam delete maculas flavae ex morbo obortas, si quis à balneo
ea se lauerit: idcirco mulierculas pulchritudinis gratia ea vti: vnde for-
te Labrum Veneris appellata est ob aquam in eo labro contentam. Theo
phrastus spinam quādam Dipsadēm, idest sitientem tradit, at non hanc
significat, sed arboris genus in mari Rubro.

C A P. X X V I I I.

ERNGIVM frequens est, & in mōtibus, & in campestribus; amat
tamen loca arida & saxosa: folia, quæ ab radice exeunt, antequam
caulis erumpat, in latitudinē desinunt sine scissura, mollia, odorata,
gusto iucunda; caulis vere assurgit in ramos dilatatus, durus, in quo
folia latiora & scissa veluti in ramos, & aculeata: in summis ramis capi-
tula rotunda fert, foliolis in stellæ modum circūdata pungentibus: flos
nullus conspicuus, capitulorum color primo viridis, deinde albescit:
radix crassa, & longa, odorata, gusto non iniucunda, intus pulposa, &
candida, exterius nigra; conditum cum saccato in cibis; vulgo Iringum
vocant. Alia in montibus tantum nascitur: simpliciori caule, cacumi-
nibus cæruleis, pulchra aspectu: in admirabili Monte Auerno Apenni-
ni Spinam Sancti Francisci vocant, & tamquam Sacram ferunt in do-
mos, qui ea loca visitant. Dioscorides Eryngium inquit, inter aculea-
tas est, cuius folia in principio sale condita, in cibos accipiuntur; lata
autem sunt, & in extremo ambitu aspera, gusto aromaticæ: sed vbi ado-
leuerunt, circa caulem multis fastigiis aculeantur: in cacuminibus rotun-
da capitula, duris, & acutissimis spinis, figura stellæ circundantur, quo-
rum color viridis, aut albus; aliquando autem & cæruleus reperitur: ra-
dix oblonga lata, foris nigra, intus candida pollicis crassitudine, odorata;
nascitur in asperis & campestribus. Plinius Eryngem & Eryngion vocat;
clara inquit in primis est aculeatarum contra serpentes, & venenata om-
nia nascens: aduersus ictus morsusque radix eius bibitur drachmę pon-
dere in vino aut ex aqua, si febris comitatur: illinitur plagis, peculiari-
ter efficax contra Chersydros ac Ranas omnibus vero efficaciorem Hera-
clides Medicus arbitrabar contra toxica & Aconita in iure Anseris deco-
ctā. Appollodorus aduersus toxica cum Rana decoquit; cæteri in aqua.

Ipsa

Ipsa dura, fruticosa : spinosis foliis : caule geniculato, cubitali, & maiore aliquando : alia albicans ; alia nigra ; radice odorata, & sativa quidem est : sed & sponte nascitur in asperis, & laxolis, & in lictoribus maris durior, nigrorque ; folio Apij. Ex his candidam nostri Centum capita vocant : omnes eiusdem effectus : caule, & radice receptis in cibos Graecorum vtroque modo, sive coquere libeat, sive cruda vesci : aliaque multa addit ex Dioscoride & magis : recentiores addunt facultatem seminis gignendi, calidi enim & humidi temperamenti esse in secundo gradu : radix melle condita, aut faceato, & sepius sumpta virilem genituram adauget, bonumque generat sanguinem : distillatur quoque ex radicibus aqua, quæ pota ad duas vel tres vncias medetur stranguriæ, & auget genituram : ideo sunt, qui loco Secacul Arabum Eryngij radicem sumant. At Galenus herbæ temperamentum in caliditate quidem à medio parum recedere scribit, in siccitate autem non parum cū tenui substantia.

C A P. X X I X.

ER Y N G I V M Marinum in arenosis tantum nascitur maritimis : radice cubitali, æquali, crassitudine, pollicari ab imo ad summum, fungosa, tenera, candida, & odorata : caulis crassus, ac leuis, cinerrei coloris : ramis ad latera sparsis prope terram : folia insunt lata, ac rotunda, robusta, paucis scissuris in ambitu, firmis aculeis horrida, candidantia : capitula rotunda Eryngio equalia, foliolis lati circumdata, colore vt plurimum cerasulo : semina farcta, & lata, in rotunditate depresso, ac duplia. Dioscorides, vt puto, Crocodilium vocat, cuius statim meminit post Chamæleontem. inquit autem : simile est Chamæleonti nigro : nascitur autem in locis arenosis (sic enim legit Hermolaus ex Plinio verbum græcum Ἀμυάθειον, non Ἀρυάθειον, id est syluosum, vt vulgati codices habent) radicem habens longam, leuem, aliquantum latam, odore acri, vt Nasturtium : radix huius feruefacta in aqua & pota, sanguinem copiosum per nares pellit : datur eadem spleneticis efficaciter iuuans : semine vrinam ciet : rotundum idest, duplexque, vt scutum. conditio autem tum radicis, tum seminis, & locus natalis omni ex parte huic plantæ conueniunt. similitudo Chamæleontis nigri adhuc incerta est, cum omnino ea planta non agnoscatur. Plinius Dioscoridem sequutus inquit : Crocodilion Chamæleontis herbæ nigræ figuram habet : radice longa, æqualiter crassa, odoris asperi : nascitur in fabuletis : pota sanguinem per nares pellit, copiosum, crassumque, atque ita liensem consumere dicitur. Galeus Crocodiliadis radicem prope aquas nascentis laudat ad dolorem capitis : & Aetius radicem Crocodiliadis eius, quæ maxima est, commendat.

C A P. X X X.

VAEDAM peregrina apud nos foliis Acanthi, minoribus, candidis, spinosis: caule recto, cubitali & altiore: ramis quoque rectis: in cacumine capita insunt sphaerica longè, grandiora Eryngio, composita ex floccis, in quibus flosculi candicantes, aut cærulei: semina grano Tritici similia, longiora, hirsuta: radices sparsas Acanthi modo. Dioscorides Agriacantham vocat, idest Acanthum sylvestrem, inquit enim similis est Scolymo spinosa, breuior Acantho domestico, qui in hortis seritur: huius quoque radix eadem potest, quæ Acanthi. Plinius duo inquit Acanthi genera: aculeatum & crispum, quod brevius, sylvestre scilicet intelligens: alterum lœue, & cætera, quod domesticum est, de quo nos alibi diximus.

C A P. X X X I.

VAEDAM in maritimis nascitur locis arenosis, quam Crithmum sylvestre vocant: foliis similiter quidem crassis, ut Crithmum, sed longioribus, & in angustiores partes diuisis, in robustos aculeos desinentibus: vmbellis quoque spinosis: flosculis candidis: seminibus farctis inter spinas: radicem alte descendentem, teneram, odoratam, & gustu iucundam: folia quoque recentia, antequam spinis horrefcant, similiter coniduntur, ut Crithmum: peculiare huic, quod flosculi spinis incidente specie vmbellæ, & candidi, sed sine semine, excepto eo, qui in medio corymbo est: est autem hoc semen solitarium, non geminum, ut in ferulaceis, grano Hordei simile, in aculeum desinens: corymbi alij colore candido: alij subrubente constant, aut violaceo, multis spinis, & firmis horridi, non caput constituentes, sed vmbellam: folia quoque aliquando subrubentia spectantur: Plinius hanc intellexit inter Eryngij genera, cum dixit: in littoribus maris durior, nigriorque nascitur: folio Apij.

C A P. X X X I I.

VAB seminis conceptum in cauo continent, eadem florem totum simul fundunt in summo capitum, aut foliacum, aut lanuginosum: horum quedam in aliis foliorum floret, ut Scolymus; quedam in cacuminibus ut Cinara, & reliqua Carduorum genera.

C A P . X X X I I .

SCOLYMS prope vias, & in agrorum limitibus nascitur: foliis ab radice longis, & intersectis, leuibus, & in ambitu spinosis, maiulis candidis: caule cubitali, altiorique, adnatis stolonibus: in iis frequentia sunt folia, breuiora, non incisa, duriora, magisque pungentia: floret particulatim in alis foliorum tota æstate: flos luteus, foliaceus, vt Cicerij: seminis quoque conceptaculum tenue, ex squamis constat non pungentibus, occultatum tamen inter foliorum spinas: tota lacte madet, vt videatur Cicerium quoddam spinosum: sapor inest subamarus, admixta quadam dulcedine, & astrictione vt Cinara: ideo floris conceptus, quamquam exiguis, desquamatus, cibo idoneus est. Theophrastus pulcre hanc describit: inquit enim, Scolymus, Carduus vertitur à Theodoro, siue Limonia inter Acanacea, foliis constat aculeatis: pulchre, diuque floret: radicem habet vescendam, tum crudam, tum coctam; eamdemque optimam, cum florescit, quod peculiare illi est, & duoscens, radix lacteum succum emittit: floris quoque prouentus peculiaris videtur: etenim circa solstitium incipit: carnosam, ciboq; idoneam partem, crassifcentem sortitur: ortus autem eius non spinosus, sed oblongus fieri afolet, quod proprium huic tantum inesse videamus in eorum genere, quæ foliis constant aculeatis: è diuerso quam Vernilagini: quæ posthæc sequuntur Vernilagini tribuenda sunt, non Scolymo, vt Plinius facit. Alibi idem Theophrastus de Scolymo inquit: serotina admodum tam germine, quam flore percipitur: floret cum solstadium agitur. Dioscorides videtur aliqua ex parte, ab hac descriptione discedere: inquit enim: folia gerit Chamœleontis & Spinæ albæ similia, sed nigriora, & crassiora: caulem oblongum, foliis congestum, & in eo caput spinosum: radix autem subest nigra & crassa, in graueolentia alarum, & reliqui corporis radix illinitur, in vino decocta, si bibatur, tedia eadem emendat, vrinamque derrahit copiosam, & fetentem: ipsa herba in cibos recipitur cocta, vt Asparagus. in his Dioscorides dissentire videtur à Theophrasto, cum caput spinosum tradat: at quoniam oblongi cōceptus spinis carentes spinosis foliis includūtur, caput quoddam constituentes, ob id Dioscorides eo modo assignauit: folia autem quamquam non sint nigra, ei, quam descripsi, nigriora tamen sunt quam Spinæ albæ. Plinius Theophrastum sequutus inquit: Scolymus floret sero & diu, Carduorum generis, ab iis distat, quod radix eius vescendo est decocta; mirumque, quod siue interuallo tota æstate aliud floret in eo genere, aliud concipit, aliud parturit: aculei arescente folio desinunt pungere: sed hæc postrema verba apud Theophrastum Vernilagini tri-

buuntur. Alibi idem Plinius Dioscoridem sequutus inquit: Scolymon quoque in cibo recipit oriens, & alio nomine Limonion appellat: frutex est numquam cubitali altior, cristisque foliorum, ac radice nigra, sed dulci: Eratosteni quoque laudata in pauperis cæna: Vrinam cicer precepit traditur: sanare lichenas, & lepras ex aceto: Venerem stimulare in vino Hesiodo & Alcæo testibus, qui florente ea cicadas acerrimi canthus esse, & mulieres libidinis audiissimas, virosque in coitum pigritissimos scripsere, velut prouidentia naturæ hoc adiumento tunc valentissimo: Item graueolentiam alarum emendat radicis emedullæ vincia invini Falerni heminis tribus decocta ad tertias, & à balneo ieuno itemq; post cibum cyathis singula pota; nam vitium id ex alis per vrinam effluere teste Xenocrate.

C A P. X X X I I I .

CARDUUS satius, in Hetruria vulgo Carcioffus vocatur; in hotis colitur cibi gratia: folia fert ab radice ampla, longitudine ferre cubitali, scissa, subhirsuta, cinerei coloris, nequaquam aculeata paucis exceptis: caulem ex medio foliorum erigit crassum, & in cumine caput figura Pineæ Nucis, ex latis squamis coagmentatum: hoc antequam floreat, dum tenerum est, estur crudum cum sale & pipere, vel coctum abiecta tamen duriori squamarum parte. Caput hoc aliquando occultatur inter folia media, non procul à radice, quod si non aufferratur tenellum, attollitur in dies cum caule supra folia, ac floret: flos lanuginosus est, colore purpureo: semina inter candidam lanuginem continent, oblonga, lœui cortice obiecta, candido, vel nigro: Fert & alia à latere capitula duo, aut tria, sed minora, quam quod in medio continetur. Capitum squamæ figura folij Laurini, aut Myrrhini in aculeum desinūt; breuem, nunc robustum, nunc infirmum, nunc prope nullum: similiter & folia, quæ in caule aliquando aculeata, aliquando mitia sunt: differunt & colore squamarum: nunc enim subrubentes, nunc virides spectantur: capitum quoque figura nunc oblonga, nunc rotunda: gustui gratissima, ideo maxime expetuntur in extremis mensis, oris halitum commendat; coctionem adiuuant, & Venerem concitant. Plinius Carduos maximi quæstus esse testatur apud Cartaginem, Magnum, Cordubamque præcipue: nam festertia sena millia ex iis aruis reddere: ideo portenta terrarum in ganeam versa: feri duobus modis, autumno planta: & semine ante nonas Martias: plantasque ex eo disponi ante idus Nouembri, aut in locis frigidis circa Faunonium: ster corari etiam, lætiusque prouenire: conditi quoque acero, melle diluto, addita Laseris radice, & Cumini, ne quis dies sine Carduo sit: non licere homini plebeo vesci: eosque refugere

fugere quadrupedes conscientias. Apud Columellam Carduus satius Ci-
nara vocatur: de Cinara apud Dioscoridem mentio est tantum inter at-
tributa: nam de Chamæleonte albo inquit ex medio, foliorum spinas
erigere Echini Marini modo, aut Cinaræ: Galenus inter alimenta ex spi-
nolis quæsita inquit: æstimari Cinaram pluris, quam conueniat: ab aliis
Cynaram proferti; esse autem prauis succi, & maxime cum plusculum
iam obduruerit: etenim tunc succum biliosum in se ipsa continet co-
piosorem, totamq; substantiam habet duriorem; adeo ut ex ea quidem
succus melancholicus, ex ipso autē succo tenuis, ac biliosissimus gigna-
tur: satius igitur fuerit ipsam elixam mandere sic, vt si quis cum oleo ga-
ro & vino ipsam sumat, Coriandrum iniiciat: sin vero in patina paret,
aut frigat in sartagine, hæc semoueat. Multi enī eo modo ipsarum
velut capita, quæ spondylos nominant, mandunt. Theophrastus, ut pu-
to, de his egit statim post Scolymum, cum inquit: contrario modo se ha-
bere Scolylum, quam Chamæleontem (Theodorus Vernilaginem ver-
tit) hic enim quamvis foliis constet non aculeatis, tamen Acani speciem
gerit, senescensque flos in lanuginem pappum vocatam conuertitur:
pergitque ad æstatem usque aliud parturiens, aliud florescens: seminis
autem folium quale Laurinum, aut Myrthinum, aut cæterorum huius-
modi, exiguum humorem ac mediocrem habet, & arefactum relaxatur,
& non amplius pungit; sed hæc verba transposita valde perturbatam fa-
ciunt in codice græco lectionem. Plinius hæc multis ablatis Scolymo
ascripsit: de hoc tamen Theophrastum sequutus dixit inter spinolas:
Chamæleon in foliis non habet aculeos. Alius tamen est Chamæleon
albus, & niger, non solum apud Dioscoridem, sed & apud Theophras-
tum, & Plinium, ut suo loco patebit. Inter genera Cardui satui vide-
tur & Ixine apud Theophrastum, quam Theodorus modò Carduum pi-
neam, modò spinam Ixinam conuertit: inter Acanacea estate inquit ger-
minat: haud multis in locis prouenire potest: ab radice soligeta, de qua
media seminalis Acanthus, veluti malum extuberat, foliis nimirum oc-
cultatus: hic lachrymam iucundi saporis parte profert postrema, quam
spinalem Mastichen vocant. Alia autem est Ixia apud eundem Theo-
phrastum, id est Chamæleon albus, quam Theodorus nequaquam distin-
xit ab Ixine, utramque Carduum pineam vocans. Plinius de Ixine in-
quit, ubi corrupte legitur Helxine: visu rara est, neque in omnibus ter-
ris est: radice foliosa, ex qua media veluti malum extuberat, coniectum
sua fronde: huius cortex summus lachrymam continent, iucundi sapo-
ris Acanthicem Mastichem appellatam: hoc igitur genus Cardui, ut
sæpe visitur apud nos, caput gerit in mediis foliis occultatum: lachry-
mam autem quamdam omnia fere resudant, cum incisa sunt; nigrescen-
tem, at valde modicam: sed Ixine magis conspicuam.

C A P. X X X V.

CARDONES vocamus in hoc genere, quorum caules vel potius foliorum pediculi terra obruti hyeme in cibos veniunt, crudi, à cute emundati: candidi enim sunt, succosi, & gustui grati; aquosiores tamen quam capita; apponuntur nobilium mensis cum sale & pipere. Quamuis autem id ex omni genere Carduorum hortensium fieri soleat, vnum tamen proprium genus est, quod huius tantum gratia seritur, vt aduentante hyeme terra obruatur: huius folia diuisa magis sunt, ac spinosa: caulis altior: capita compressa, lata, ex angustioribus squamis coagmentata: hæc quoque veniunt in cibos, sed duriora sunt ac propemodum sylvestria, ideo non nisi cocta comeduntur, cum cætera genera desierunt, serotina enim magis sunt: vtuntur eius flore ad lactis coagulationem, quæ facultas & cæteris Carduis inest. Theophrastus hos videbat intellexisse, cum inquit: quæ autem Cattus nuncipata est, in Sicilia tantum nascitur; Græciæ nusquam habetur sui generis planta: hæc enim statim ab radice caules repentes in terram mittit folio lato, at que spinoso: caules hos Cattos appellant: desquamati cibo idonei sunt, paulo amaticantes, & reseruare eos aqua salsa conditos consueuerunt: alium vero caulem erectum producit, quem Pternicem vocant; is quoque cibo aptus excrescit, sed reseruari non patitur: fructus in quo semen spinata specie est, verum exemptis lanuginosis seminibus is quoque descendus relinquitur. & cerebro palmæ similis est, Scaliam eum appellant. Plinius eadem fere habet ad verbum.

C A P. X X X V I.

CARDVVS sylvestris in ruderibus nascitur: caule bicubitali, altiorique, ramoso, appendicibus foliorum hispido: folia insunt lata, non scissa, in ambitu frequentibus aculeis armata, candida lanagine hirsuta: cacuminibus capitula insunt, hispida, non squamosa, sed potius hirsuta: flos similis satiuo: vtuntur eo ad lactis coagulationem: ideo quidam vulgo Präsuram appellant. Alter in limitibus agrorum frequens: tenuiori caule, similiter hispido: foliis minoribus, sub-hirsutis: capitulis paruis, frequentibus, qui celeriter in pappum evanescunt. Plinius Carduorum sylvestrium genera duo tradit: vnum fructicosius à terra statim: alterum vnicaule, crassius: utriusque folia pauca, spinosa, muricatis cacuminibus: sed alter florem purpureum mittit inter medios aculeos, celeriter canescens, & abeuntem cum aura, Scolymon Græci vocant. hic, ante quam floreat, contusus, & expressus illito suc-

succo Alopecias replet, radix cuiusque ex aqua decocta potatoribus si-
tem facere narratur: stomachum corroborat, & vuluis (si credimus)
etiam conferre aliquid traditur, ut mares gignantur: manducatus hic
Carduus, odorem commendat otis: alibi idem Plinius, cum inquit:
Carduus & folio, & caule spinosas lanugines habet: sylvestrem intelle-
xit. Quamvis autem Scolymum appellati tradiderit, aliud tamen eo no-
mine intelligi ostendimus apud Theophrastum. Non ab re autem fue-
rit apud Theophrastum Polyacantham asserere, quam Theodorus acu-
leosam vertit inter Acanacea.

C A P. X X X V I I .

ALVID est genus Cardui sylvestris in ruderibus frequens: foliis
Scolymo latiotibus, similiter pungentibus, in ambitu fimbria-
tis, & maculis candidis, vnde Lac Diuæ Mariaæ quidam appel-
lant. caulem cubito altiore fert, adnatis stolonibus: & in cacumine ca-
pita satiо Carduo minora, compressa angustis squamis, in longas spi-
nas ac robustas desinentibus, deorsum spectantes: florem purpureum:
radicem crassam, sapore dulci: huius quoque caput comeditur a plebeis.
Dioscorides Silybum vocat: spina inquit est lata: foliis Chamæleonti
candidæ similibus: hec recens nata coquitur, & cum oleo & sale mandi-
tur: succus è radice drachma potus ex aqua mulsa vomitiones cit. Pli-
nius de Silybo inquit: Chamæleonti albo similis, & que spinosa; ne in Si-
licia quidem, aut Siria, aut Phœnice, vbi nascitur, coquere tanti est, ita
operosa eius culina traditur: in medicina nullum usum habet: ex qui-
bus Plinius videtur nequaquam nouisse in Italia passim nascentem iuxta
oppida. Theophrastus videtur hanc nomine Acani intellexisse; vnde re
liqua Carduorum geneta Acancea dicta sunt, est enim notissima, ac fre-
quentissima, ideo pauca de Acano scribit: solum enim tradit foliis con-
state aculeatis: & de Vernilagine dixit: Acani speciem gerere: vocat quo-
que Carduorum fructum Acanum, ut patet in Ixinc. Plinius inquit: sunt
qui Acanon Etingio ascribant, spinosam, breuemque, ac latam herbam,
spinisque latiotibus: hanc impositam sanguinem mire sistere.

C A P. X X X V I I I .

CARLINA vulgo appellatur; quia Carolo Francorum regi ostend-
sa est præstantissimum remedium ad pestem arcendam: oritur in
Alpibus frequens in pratis Apennini Montis Catenæ prope
Arearium: folia fert strata circa radicem, oblonga, quatuor digitorum la-
titudine, fastigata in ambitu, aculeis armata, ac modice fimbriata: ca-
put

528 De Suffruticibus & Herbis

put in medio foliorum gerit, nullo caule, adnexum radici, magnitudine Cardui domestici; at Silybi modo hispidum, & compressum spinis erat, quæ tenues squamæ sunt, valde hispidæ, colore subruffo: hoc purgatum à squamis & lanugine semen continente conditur saccato aut melle, gratissimum in cibis: crudum quoque comedunt, sed si copiosius assumatur, tormina gignit & vertigines: gustui cum dulcedine subacre est, & odoratum; dum purgatur à squamis, lachrymam reddit albam, aut modice flauesceret, glutinosam: radix alba est, singularis, odorata. Dioscorides Chamæleontem album vocat, quæ à quibusdam Ixia dicitur; quoniam quibusdam in locis viscum circa radices eius inuenitur, quo pro Mastiche vtuntur mulieres: folia habet Silybo, aut Scolymo similia, asperiora, acutiora, & nigro Chamæleonte validiora: caulem non promit, sed ex medio spinas Echini Marini, aut Cinaræ modo erigit: flores purpureos veluti papporum lanugines emitunt: semen Cnico simile; radicem in latis collibus crassam, in montosis vero graciliorem, in profundo albam, aliquatenus aromaticam, graui odore, dulcem. Theophrastus de albo Chamæleonte, quam Theodorus Vernilagineum vocat, inquit: radice distat à nigra: candida enim est, dulcis, crassa, & grauitate olens, utilis traditur ad alui profluvia decocta: dissecta Rhaphani modo digeritur in taleolas, & iuncto transfigitur: valet & ad interraneorum animalia lata acetabuli mensura in vino austero pota, sed præsumpta viva passa: occidit & canes & sues: Canes quidem subacta in farina hordeacea, cum aqua & oleo: sues autem cum Brassica. & si hominem ægrotatem experiri volureis an viuere possit, lauandum ea radice triduo iubent: hoc enim si tolerauerit, moriturum nequaquam existimant: nascitur æque omnibus locis folio Scolymi, verum ampliore, & terræ proximo: capite magno Acano simili; unde quidam Acanum eum vocant. Alibi Ixiam vocat, quæ in Creta habere lachrymam dicitur, alia autem apud eundem est Ixine; nam in eodem capite utriusque meminit, tamquam diuersatum. Alia quoque intelligitur apud eundem nomine Chamæleontis seu Vernilaginis: folio scilicet non aculeato, ut in Carduo satiuo diximus. Plinius Chamæleonem inquit, aliqui Ixiam vocant: duo genera eius: Candidior asperiora folia habet: serpit in terra, Echini modo spinas erigens; radice dulci, odore grauissimo, quibusdam in locis viscum gignit album sub alis foliorum, maximè circa canis oratum, quo modo Thura nasci dicuntur; unde & Ixia appellatur: hoc vt Mastiche vtuntur mulieres.

C A P U X X X I X .

ALTERVM genus nascitur in Alpibus Pistoriensibus, ac Lucen-
sibus: hoc folia fert paulo angustiora, & dissecta ex interuallis,
non strata in terram, mollioraque; at similiter aculeata: caulem
dodrantalem, aliquando vnum, aliquando plures, qui in cacumine ca-
put sustinent priori simile, sed paulo minus: hoc in cibis non expetitur,
vt alterum: radicem fert crassiorem, nigricantem, valde odoratam, quasi
exesam à latere. hoc profecto in genere Chamæleonis est; paucis enim
differt ab altero: sed dubium vrum: Chameleon niger apud Dioscoridem & Theophrastum dicendus est. Si Dioscoridem consulamus, alia
videtur describi, saltem loco natali differens: inquit enim, hæc quo-
que Scolymo similis est foliis: minoribus tamen, ac tenuioribus
iisque rubentibus: caulem fert crassitudine digitæ, dodrantalem, sub-
tubrum, in quo vmbella, & flores spinosi, tenues, Hyacintho æmu-
li, varij: radix crassa, nigra, densa, interdum corrosa; quæ dissecta
flauescit, commanducata mordet: nascitur in campestribus siccis, col-
libus, & maritimis: appellatur Chamæleon ob foliorum varietatem:
mutant enim cum terra colores; nam reperiuntur, vel intense viridia,
vel subalbida, aut cærulea, aut rubra, secundum locorum differentias.
At supradictæ plantæ neque vmbellæ inest, neque ea floris constitutio,
neque coloris varietas, neque locus natalis: solum radicis conditio-
nes, ac foliorum similitudo, & caulis conuenire videntur. Sed Theophrasti
descriptio, vnde multa mutuasse Dioscorides videtur, minus abhorret:
inquit enim: Chamæleon hic quidem albus, hic vero niger est: differunt
radice, qua vires possident: Nigro folium inest albò Chamæleoni simi-
le, nam specie Scolymi, sed minus, & lævius: tota autem herba vmbra-
culi speciem repræsentat: radice crassa, & nigra extrinsecus, subfulva in-
trinsecus nititur: loca gelida, humidaque amat: (alij codices habent
non ὑγρα, id est humida; sed ἀγρα: id est inculta) lepram & vitiliginem
trita in aceto & ramentis illita expellit: nec non & canes occidere potest:
utilis annis quadraginta: hæc Theophrastus: Si igitur accipiamus tota
herbam ab eadem radice plures caules ferentem, quibus singulis singula
insunt capita, vt sepe visitur in nostra: profecto tota vmbraculi speciem
repræsentabit, vt Theophrastus inquit: hoc modo nihil obstabit, quin
planta prædicta Chamæleon niger sit apud Theophrastum. Plinius Dio-
scoridem magis sequitur; ex nigris inquit aliqui marem dixerunt, cui flos
purpureus esset; & fæminam, cui violaceus: vno nascuntur caule, cubi-
tali, crassitudine digitali: ferunt & hæc viscum, viceribus utilissimum:
cum igitur plura nigri genera faciat; nostrum ex his vnum fuerit.

C A P. X L.

SPINA alba in montibus tantum nascitur: caule recto, ultra bicubitalem altitudinem; nam aliquando hominis staturam excedit: foliis longis, sed angustis, in ambitu scissis, referentibus Scolymis folia, quæ ab radice sunt, hirsutioribus, candidioribusque; hæc spinis armantur prælongis, candidisque: paucos fert ramos prope verticem, quibus singulis singula capitula insident hirsuta, sed mollissima, cinerei coloris, magnitudine capitis Carlinæ: flos purpureus: radix subest carnosa, & odorata. Dioscorides inquit: nascitur in montibus, sylvestrisque; folia habens Chamæleonti albo similia; verum angustiora, candidioraque, atque subhirsuta, spinis infesta: caulem bina cubita excedentem, crassitudine pollicis, vel ampliore, subalbidum, & concavum: caput spinosum cacumini insidet, Echino matino simile, minus, & oblongum: flores purpurei, in quibus semen Cnico simile, sed rotundius: radix bibitur ad sanguinis excretionem, stomachicos, & celiacos: vienam mouet, & quæ sequuntur. Arabes vocant Bedeguar, quo nomine hodie officinę vtuntur, quamuis herbam pauci noverint. Alia in collibus nascitur & campestribus, sed incultis: folio simili, candidis maculis pulchre ornato, sed spinis exiguis: caule cubitali, amplioreque, solido: capitulis pluribus, tenuioribus, viridibus, magisque rigidis: flore simili: radix subest lignosa, sine odore: hanc plerique pro Spina alba ostendunt.

C A P. X L I.

SPINA Arabica in montibus nascitur, locis gracilibus: prope cubiti altitudinem; duobus aut tribus ramis, prælongis, infirmis: paucis foliis, figura Spinæ albæ, sed multo minoribus, crispis, viridibus, modice pungentibus: capita fert cacumini singula, lata, & deprecta, inuersis squamis tenuibus, flore purpureo: radix carnosa, aromaticæ, vt Spinæ albæ. Dioscorides inquit: Spina-Arabica similis nature videtur Spinæ albæ, radice valens, ad cohibendos fluores muliebres, & sanguinis eruptiones, & ad alia, vi astringendi similiter prædicta: nascitur in asperis. Plinius inquit. Spinæ Arabicæ laudes in odorum loco diximus, & ipsa spissa, & reliqua habet, vt Dioscorides.

C A P. X L I I.

ACANTHION in sylvestribus nascitur, & torrentium alveis: caule recto, fere cubitali: foliis Spinæ Arabicæ, minus crispis: capitula fert oblonga, & tenuia: florem purpureum: lanugo ab

ab iis capitibus prelonga, & copiosa redditur, ut Lini instar neti possit: Alia in agrorum limitibus passim nascitur, maior, & nigror, in omnibus Spinę Albę campestri similis, sed colore viridi, nigricante: huius capitula non tantam lanuginem fundunt, ut prior. Dioscorides inquit: Acanthion folia fert Spinę Albę, in cacumine autem spinosas eminentias, qua materia collecta, & in unum coacta fiunt bombici similia: huius radix, & folia ad opistotonum bibuntur. At Plinius, quem sequenti sunt Dioscoridis interpres, foliis tribuit, quod Dioscorides cacuminibus; inquit enim: Spinę Albę similis est Spina illa, quam græci Acanthion vocant: minoribus multo foliis, aculeatis, per extremitates, & araneosa lanugine obductis, qua collecta etiam uestes quædam Bombicinis similes fiunt in Oriente. sed magis verisimile est lanuginem uestibus texendis utilem ex papposis capitibus haberi, quam foliis.

C A P. X L I I I.

CIRSIVM in agro Pisano prouenit, locis viginosis, ad radicem montis Sancti Iuliani: reperitur & in montibus: ab eodem cespite radicum plures fert caules rectos, bicubitales, simplices: foliis palmi longitudine figura Buglossi, sine pediculo adnexis; adeo ut foliorum labiola per longitudinem caulis producta, caulem reddant angulosum, & propter foliorum ordinem triangulum: ipsa folia mollia sunt, nequaquam hirsuta in ambitu spinis molibus: in cacumine tenuia capitula sustinentur, tamquam in umbella flore purpurascente, qui in lanuginem soluitur. Alterum in sylvis reperitur: foliis latioribus, breuioribusque, spinis similiter mollibus. Tertium in artuis passim repetitur, quod vulgo Stoppione vocatur: foliis modice angulosis, candioribus, aculeis durioribus, ideo pungentibus: omnibus capitula insunt similia, & papposa. Dioscoridis descriptio primo generi maxime quadrat; inquit enim: caulis est tener, quasi duorum cubitorum, triangulus: foliolis infernis, Rosarum specie, in angulos exeuntibus per interualla, spinosos, molles (quibus verbis significat foliorum appendices angulos facere in caules per interualla) folia Buglosso similia, modice hirsuta, longiora, subcandida, in ambitu spinosa (hæc verba magis postremo generi conueniunt) cacumen in caule orbiculatum, hitsutum, & in eo capitula in summo purpurea, que in lanugines euanescent: huius radicem adalligatam loco dolores varicum sanare tradituri; unde Ciris appellatio. Plinius eadem fere habet ad verbum, sed folia tradit minoria Buglosso, legens in Dioscoride non μακρότερα: idest longiora; sed μικρότερα.

C A P . X L I I I .

ARTHAM V M sylvestre vulgò appellatur, quod in incultis nascitur, iuxta vias: caulerecto, duro, lanuginoso, fere cubitali: folia insunt frequentia, breuiora, & angustiora, quam Scolymi, hirsuta, subcandida, prædura, & valde spinosa: prope cacumina ramulos fert, sustinentes capitula, horrida, paruis foliis, pungentibus circundata, quæ si auferantur, dum tenella sunt, lineam sanguineam ducunt super cutem, si fricentur: flores fert luteos. Diocorides inter Cnici genera videtur nouisse, ut patebit in Cnico. Apud Theophrastum Atractylis dicitur, Theodorus Fusum Agrestem vocat, inquiens: Cnico & Acarna candidior est: habetque peculiare, quod in foliis euenit, decerpta enim, carnique allata succum sanguineum effundunt, qua de causa Phonos, id est crux à quibusdam Spina hæc nominata est: grauis etiam odore, cruxremque representans; sero perficit fructum; autumno enim, ut fere vniuersum genus Acanaceorum. Plinius Theophrastum sequitur, idem inquit cum Acorna erat Atractylis quoque, nisi candidior esset, & nisi sanguineum succum funderet, qua de causa Phonos vocatur à quibusdam, & reliqua, ut Theophrastus. Alia tamen est Atractylis apud Diocoridem, ut paulo post patebit.

C A P . X L V .

ACORNA in collibus asperis frequens, & campestribus, in totum minor Atractyli: caulis rubentibus, lèuib⁹, capitulis in umbella simili modo spinosis; flore aureo, patulo, in ambitu foliato, ut Asteracticus: nam in Atractyli clausus est: Theophrastus modò Acornam, modo Acarnam vocat: spinoso folio inter Acanacea, aspectu Cnico urbano similis est, colore flauicans, tucco pinguis. Plinius Acorna inquit colore tantum rufso distinguitur, & pingui ore succo.

C A P . X L V I .

NICVS satiuus, quod vulgò Crocum Saracenicum vocatur, seritur semine in hortis floris gratia, qui Croci vice recipitur in condimentis: caulem fert rectum, cubitalem, candidum; in quo folia non dissecta, nec spinosa, sed angulosa tantum, lœvia, & dura: in cacuminibus ramulorum capitula foliis circundata: floribus croceis; ideo iis Crocum adulteratur: semen inter lanugines, crassum, candidum, oleosa intus pulpa, quod apud Medicos Carthamum vocatur inter

ter medicamenta purgantia : eo semine aluntur Psittaci. Dioscorides Cnici meminit, non distinguens satiuum à sylvestri, sed simpliciter Cnicum vocans, inquit : folia fert oblonga, incisa, aspera, spinosa : caules cibitales, in quibus caput, Oliuæ magnitudine ; & flos Croco similis : semen candidum, & ruffum, oblongum, angulosum : huius flore vtuntur in obsoniis : seminis contusi tremor cum aqua mulsa, vel iure Gallinaceo aluum purgat, sed stomacho aduersatur : fiunt & ad hunc usum placentalæ ante cenam sumendæ, quæ recipiunt Cnici candidisextarium, Amigdalarum tostarum, & delibratarum cyathos tres, Anisi sextarium, Afro nitri dracmam unam cum carnibus triginta Caricarum, & melle decocto quantum sufficit ; fiunt coctaria nucis magnitudine, quorum duo vel tria sumpsiisse satis est quatriduo. Seminis succus lac cogit, quod efficacius redditur ad aluum soluendam. ex his colligitur duo tradi Cnici genera : candidum scilicet & ruffum, semine differentia. videtur autem Dioscorides Cnicum ruffum vocare genus sylvestre, quod & ex descriptione foliorum significatur : nam folia oblonga, incisa, aspera, & spinosa nequaquam conueniunt domesico. Theophrastus de Cnico inquit sparsim : fructum aculeatum, ac veluti retorridum fert ; florem unam cum seminibus ipsis edit : foliis aculeatis inter Acanacea excipitur una cum Stuthio, & Soncho ; quamuis enim natura spinosa sint ; seminis tamen conceptum non spinosum habent : quæ conditio de urbano intelligitur. subdit præterea : multis caulis constat, & ramos fundit ; sylvestri urbanoque discernitur : sylvestris genera duo notantur : alterum urbano admodum simile, recticaulius tamen : quamobrem ex eo multorum priscarum nonnullæ colu vtebantur : fructum nigrum, maiuscum, amarumque parit. Sed genus hoc sylvestris adhuc nobis incomptum est, nisi ea fuerit, quam paulo post idem Theophrastus Attraclylidem vocat ; nam & hodie Carthamum sylvestre vocatur à multis, & hanc Dioscorides intelligere videtur per Cnicum ruffum. Plinius celebrari apud Aegyptios scribit Cnicon, Italiz ignotam, ipsis autem oleo non cibo gratam : hoc faciunt ex semine eius differentia prima sylvestris & satiuæ : sylvestrium duæ species : una mitior est, simili caule, tamen rigido ; itaque & colu antiquæ mulieres vtebantur, exilis, quam quidam Attraclyida vocant : semen eius candidum, & grande, amarum. sed Plinius iis verbis potius domesticum demonstrat quam sylvestre ; & quia mitior ; & quia semen candidum. Mesues Carthamum vocat inter purgativa, quo nomine hodie vtuntur : esse domesticum & sylvestrem : assumi ad purgationes domesticum ; eligi semen album, lene, crassum, & planum, cuius medulla unctuosa, pinguis, & cortex tenuis : & melior flos est, qui est sicut pili Croci.

C A P . X L V I I .

CARDVVS Sanctus, siue Carduus benedictus vulgo appellatus apud nos, non nisi sata prouenit: seritur autem tantum medicinæ gratia, ob virtutis præstantiam: caules fert rubentes, hirsutos, ramulos, infirmos, & in terram procumbentes, ferme cubitales, in quibus folia, figura Senecionis, sed multo maiora, hirsuta, non tamen pungentia: cacuminibus fert capitula foliis inuoluta, in spinosam veluti barbam desinentia, longissimos scilicet aculeos, qui & à lateribus horridi sunt: ex medio spinarum exiguis flos erumpit, luteus, odorem Moschi referens: tota herba amara est vehementer, cum quadam astrictione, ideo obstrukciones internorum tollit; & sanguinem fluentem ex naribus restringit succo indito: medetur stomacho debilitato, excitatque ciborum appetitiam, si folia recentia deuorentur: decocta cum lotio sani aliquius infantis, ac pota sanat hydropicos; pestem; omniaque apostematia rumpit; cancrum, & morbum comitiale pellit: puluis cum farina permixtus & ex aceto calido cataplasmate pustulas pestis sanat: carbunculos sanat, contusa & imposta. Aduersus omne venenum per os sumptum puluis, aut herba, aut succus, aut aqua distillata in potu datur, ut inde æger vestibus operiatur, & sudet spatio trium horarum, idem efficit vinum ex ea cōfectum in vindemia: pellit febres antiquas: aliaque multa de ea prædicantur à recentioribus. Describitur hæc à Theophrasto pro altero Caico sylvestre in hunc modum: alterum genus hirsutum est: caulesque Sonceos fert, ut quodammodo humili procumbant: nam propter mollitiem foliorum inclinantur ad arua: fructum habet amarum, barbare modo hirsutum: seminosa sunt omnia Cnici genera, sed sylvestria paruis, & densioribus constant: peculiare huic præceteris sylvestribus: quod illa duriora, spinosioraque urbanis proueniunt; hoc autem mollius, & leuius constat. Plinius paucis his verbis describit: altera hirsutor: torosiore caule, & qui pene humili serpat: minuto semine. Dioscorides hanc Atractylidem vocat: inquit enim Atractylis, alij Cnicum sylvestrem vocant, spina est similis Cnico; sed multo longiora folia fertens in summis ramulis, cæteris partibus plurimis, nudis, & asperis: vntunt mulieres pro fuso; capitula in cacumine fert spinola: florē luteum, alicubi purpureum: radicem tenuem, inutilem. huius folia, seueni, comedunt cum pipere, atque vino contra Scorpionum venena præbent auxilium: ferturque ab iis percussos, quamdiu teneant eam herbam, non sentire cruciatum: simul cum deposita, reciprocare sensum doloris. Illud facit, ut putem Dioscoridis Atractylidem huic planæ conuenire potius quam ei, quæ à Theophrasto Atractylis vocatur:

quo.

quoniam illa non longa fert in cacumine folia: non multæ eius partes nudæ: non flos purpureus vñquam visus. Est autem Atractylis purpurea quædam in horto Pisano: caulis humi sparsis: foliis paulo latioribus, subalbidis, nequaquam spinosis: capitula habet spherica, nuda, tenuissimis, ac prælongis spinis vndique armata: florem purpureum: hæc quoque amara est. Sed merito quæri possit, quis vsus earum pro fusco. profecto caules infirmi, & curui pro colu assuti nequeunt, quem usū præstabat Cnicus sylvestris primus: at pro fuso cū suo verticillo apte extremis harum ramulis filum intorquere, & colligere mulieres possunt.

C A P . X L V I I I .

CA T R E P P O L A vulgò appellatur, quasi Cacotribulus, idest infestus Tribulus, passim obuia est iuxta vias, & prope oppida, idque omni tempore: nam hyeme folia ab radice fert strata in terram, similia Papaueri erratico: ex medio foliorum spinosum quid erumpit, qui futurus est floris & seminis conceptus: sunt autem spinæ candidæ, prælongæ, ac robustæ in stelle modum, vnde quidam Stellariam vocant: caulis à latere spinosi conceptus erumpit subhirtus, qui statim in ramos fnditur, ad latera tendentes: foliis breuioribus, varie sectis, hirsutis: in singulis alis spinas easdem continet: æstate flores ex spinosis conceptibus promit, fere lanugineos, candidos, vel subrubentes, incipiens ab imo: gastu subamara est, & astringens: efficax ad tumores genuum dissoluendos cataplasmate. cum hæc planta notissima sit apud nos, putandum apud antiquos quoq; inter herbas notissimas, quæ nomine tantum indicatæ sunt, contineri: descriptio enim nulla reperiatur, quæ manifeste hanc demonstrat. existimo autem hanc Stœbem esse; nam quamvis apud Dioscoridem nulla eius notha colligi possit; apud Theophrastum raimen aliquæ habentur, quæ optimè hanc sententiam confirmare possint; nam de Stœbe, quam & Stibam alicubi vocat, & Phleum, inquit vno loco, vbi Stibam vocat: frutex est, folia ferens carnosæ, vt pote quæ pulpa constent: alibi inquit Phleus, quam nonnulli Stœbem vocant, inter eas est, quæ iuxta aculeum folium gerunt, vt Ononis tribulus: iterum de Phleo inquit: spinosarum quoddam genus ex toto spinosum est; quoddam spinoso folio constat; tertiu genus est aculeatru, quod iuxta aculeum foliū gerit, vt Phleus, Tribulus, & Capparis; sed quod eo in loco subiungiuit, Theodorus non bene omnibus his tribuit: peculiare scilicet habere, vt non solum caulum aculeatum, sed etiā folium habeant hispidum: nam inferius peculiare id soli Cappari inesse traditum: Phleum autem & Hippopheum foliis mitibus constare, idest sine aculeis: ibidem tribuit Phleo folium carnosum, multisidum: multaque

tasque radiculas non in profundum : germinat inquit cum Virgiliis, pri moque aratre vna ; nec folia dimittit ; non enim annua, sed diuturnior est. hæc omnia pulchre conueniunt herbæ supradictæ. sed alia apud eundem Theophrastum Phleum neutro generè appellatur, in stagnis na scens, cuius fructus placentaceus in lacu Orchomenio proueniens, Anthella vocatur ; alibi stérile, quæ fæmina est, foliis Harundineis, de quâ alibi dictum est à nobis. Plinius Theophrastum sequutus male intellectu inquit : quædam in folio, & in caule habet aculeum, ut Phleos, quod ali qui Stœbem appellauere : vnde error Theodori fluxit : Alibi Dioscoridem imitatus inquit : Stœbe, quam aliqui Phleon vocant, decocta in vino præcipue auribus purulentis medetur, item oculis istu cruentatis ; Hæmorrhoidæ quoque ; & dissenteriæ infusa. Dioscorides inquit folia & semen astringunt ; ideo dissentericis infundi decoctum, auribus purulentis ; imponi oculis cruentatis : folia cohibere sanguinis eruptionem. longe autem diuersa est apud Galenum ; quam incole inquit Colymbadem vocant, alij Stœbem, herba fruticosa, calida, & acris valde, parum per redolens, aptissima ad præseruandum vina : appellatur & Stœbe, quodcumque vasis interponitur opplendi gratia ; ne inuicem collidan tur, ut natura fecit in pulmonis fabrica : nam carne molli, instat Stœbes cuiusdam, eius vase fulciri scribit Galenus.

C A P. X L I X.

ALTERA in eisdem locis nascitur latiore folio, ac minus diviso, candidiorique, succo laetivo : capitula fert parua, non in alis, sed in summis ramulis, longis aculeis simili modo armata : florem luteum : radicem valde amaram. Dioscorides Leucantham vocat, cui radix Cypero similis, valde amara, quæ commanducata dentium dolorē sedat, & quæ sequuntur. Appellata hęc Leucantha ob candidas capitulorum spinas. Theodorus apud Theophrastum Spinam candidam vocat. Plinius eadem, quæ Dioscorides habet : appellatur & Leucanthos.

C A P. L.

ACANACEIS proxima sunt, quæ fructum simili modo ferunt, aculeis tamen omnino carent, ut Lappa maior, Carduncellus, Cyamus, & alia quædam : Lappa maior, ab aliis Personata vocatur, & à recentioribus Medicis Bardana : frequens est circa oppida, in pingui solo nascens : foliis ab radice maximis, in latitudine oblongis, figura Cucurbitæ, hirsutis, ingrato odore : caulem fert inestate tamosum, cubitalem, amplioremque, foliis longe minoribus, capitula specie spinosarum,

farum, hamulis horrida, quibus pertinaciter hærent vestibus: flos lanugineus, purpureus insidet. Dioscorides Arcion, & Personatam vocat, cui folia tradit Cucurbitæ, maiora tamen, duriora, nigriora, & hirsuta: caulem subcandidum, sæpe nullum: radicem magnam, intus albam, fructis nigrâ, quæ drachmæ vnius pondere pota cum nucleis Pineis, purulenta, & sanguinem extussentibus auxiliatur: quod hodie quidam experimento efficacissimum remedium esse comprobarunt. Plinius bid eadem videtur intelligere in eodem capite; modica nominis mutatione; nam uno loco inquit: quidam Arcion Personatam vocant, cuius folio nullum est latius, grandes Lappas ferentem: huius radicem decoctam ex aceto dant potu ad serpentium ictus: ex quibus notis manifeste herba supradicta significatur. Alio loco paulo post inquit, Persolata, quam nemō ignorat, Græci vero Arcion vocant, folia habet maiora etiam Cucurbitis, & hirsutiora, nigrioraque, & crassiora; radicem albam, & grandem: hęc ex vino bibitur denariorum duum pondere. Quę verba plurima desumpta sunt ex Dioscoridis Arcio; hinc controuersię inter recentiores, Quidam enim duo esse Arcij genera Personatam scilicet & Persolatam: Quidam alteram Petasitem esse, alteram Arcion: cum apud Plinium nomen Petasites non reperiatur: atque horum alij primam mentionem scilicet Personatam, Lappas ferentem Petasitem Dioscoridis indicare, legentes apud Plinium non Arcion appellari, sed Echion; quia morsibus Viperę conueniat: Persolatam vero Arcion Græcorum esse, significative eo nomine eam, quam nos pro Petasite ostendimus, appellatam, à quibusdam Vngulam Caballinam, vt inquiunt. Alij è conuersō. Galenus non Arcion vocat, sed Arction, vt duo sint Arctij genera: primum Verbasco simile folio, vt Dioscorides tradit: Alterum Cucurbitæ, quę Personata dicitur: quod rationi consentit; vtræque enim plantæ in eo conueniunt, quod capitula gerunt in caule ramoso, & hirsuto: folia subrotunda: sed differunt magnitudine, & proprietate capitulorum, quam diximus, aliisque paucis differentiis: ab utrisque autem longe diversa est Petasites, vt patet ex descriptione.

C A P. L I.

SENECIO passim in ruderibus præcipue circa macerias, in parietibus, & tectis nascitur, herbula semicubitalis altitudinis, aut paulo maior, ramosa, ac subhirsuta: foliis paruis, latitudine parui digiti, in ambitu diuisis, Eruç modo, aut Quercus: in cacuminibus flosculi lanuginei continentur, lutei, qui breui in pappos dehiscunt: eius foliola recipiuntur in Acetaria: floret particulatim sere toto anno. Quędam in montibus nascitur altior, & in omnibus maior, flore aureo.

Yty Dio-

Dioscorides Erigeron vocat; cauliculo cubitali, subrubro : foliolis crebris, per extremitates incisis, Erucē modo, sed multo minoribus : flores fert luteos, qui breui dissoluuntur, & abeunt in pappos; vnde nomen assumptū ; quia vere flores capillorum more canescunt : radix inutilis : nascitur in maceriis, & circa oppida. Theophrastus recenset inter olera diutius florentem : inter hyberna erumpentem post Aphacam. Plinius inquit Erigeron à Græcis , quæ à nostris vocatur Senecio , herba est Trizaginis specie, & mollitie; cauliculis subrubicundis : nascitur & in tegulis, & in muris ; nomen hoc Græci dederunt ; quia vere canescit : caput eius numerosa diuiditur lanugine , qualis est spinæ , inter diuisuras exeunte : Quare eam Callimachus Acanthida appellat, alij Papum : nec deinde Græcis de ea constat : alij Erucē foliis esse dixerunt, alij Roboris , sed minoribus multo : radice alij superuacula ; alij neruis utili ; alij potu strangulante ; è diuerso quidam Regio morbo cum vino dederunt, & contra omnia velsicæ vitia, item cordis & iecinoris ; tenibus extrahere harenam dixere, & quæ sequuntur . Dioscorides vim refrigerandi foliis, & floribus tribuit; ad testium & sedis inflammationes pollere; & ad omnia vulnera etiam neruorum : lanugo eius pō se tantumdem prestat ex aceto inducta , sed recens temperata in potum strangulat : totus caulis decoctus in aqua bibilitur cum passo ad stōmachi dolores à flaua bile ortos . recentiores Medici Carduncellum vocant, recipientes in vnguento Mattiano . Sed cum alio nomine Carduum benedictum appellari tradant, occasionem dubitandi præbuerunt : Alia enim hodie eo nomine intelligitur, quam scilicet Carduum Sanctum vocamus, vt suo loco patet . Forte Senecio appellata fuit à recentioribus Carduncellus ; quia ea herba maxime oblectentur Cardueles aliculae; vnde & herba Cardetina vocatur: nam ad id alludit & appellatione antiqua apud Plinium : A canthis enim appellata est, quo nomine Auncula quædam vocatur in spinis viuens . recipitur & apud Ioannem de Vigo in confectione olei Hypeticonis Carduus Benedictus ad vulnera neruorum, ad quæ pollet Senecio, non Carduus Sanctus .

C A P. L I I.

CYANVS , qui vulgò Fioralisus in Hetrutia , sponte nascitur inter segetes , flos est eleganti colore cæruleo splendens ; idcirco recipitur inter coronarios, quamvis sine odore : caulinum fert rectum, cubitalem , subcandidum , ramosum ; in quo pauca folia oblonga, candidantia, & hispida , Leucoio similia, sed andustiora, & graciliora, aliquando angulosa, vt Cicorij : cacuminibus capitulum insidet paruum furfuraceum, in rotunditate fastigiatum; vnde flos erupit foliatus, foliolis

liolis cōcatis in extremo dissectis : reperitur & violaceus, aliquāndo can-
didus : semina intra lanugines continentur : tota & state floret : extat &
quidam flore grandi : pulchriores coluntur in hortis. Plinius Cyani-
floris meminit inter coronarios : floret post Rosam, & præcedit Am-
aranthum. Putat Hermolaus hoc Leucoion cæruleum esse apud Dio-
scoridem . Ex hoc genere videtur esse Struthium apud Theophrastum,
quam Theodorus herbam Lanariam vocat : recenset enim inter Acana-
cea, sed excipitur à reliquis, vt Sonchus, & Cnicus satiuus, quod conce-
ptum nequaquam spinosum ferat : floret & state : flos inter coronarios,
aspeetu pulcher, sed caret odore : sed alia est apud eundem Struthos, que
forte Struthium est Dioscoridis, vt alibi à nobis innuitur.

C A P. L I I I.

CERRETTA, seu Sorretta ab infectoribus lanarum appellatur ;
herba lanaria dici possit in sylvis nascens : foliis latioribus Cya-
no, & propè pediculum magis incisis serræ modo ad Scabiosę
similitudinem : flores fert purpurascentes : Altera maior : longiore fo-
lio, ac latiore : caulis pluribus, crassioribus ; flore grandiusculo, co-
lore purpurascente.

C A P. L I I I I.

QVÆDAM in incultis nascitur, & potissimum iuxta vepres,
Cyano similis:foliis angustioribus, mollioribus, & frequētibus,
nulla ex parte sectis : capitula fert tenuiora, magis fastigiata ;
vnde vix flos erūpit subrubens:fasciculos num cōponūt, & pro-
scopis vtuntur ad verrendum: exiguis quidam odor inest cacuminibus,
sed præ siccitate vellicans; vnde sternutamenta mouet. Dioscorides Ptar-
micam vocat, quam cum Struthio coniunxit ob affinitatem . eius descri-
ptio in hunc modum habet. Fruticulus est; paruis frequentibus ramis,
rotundis, Abrotono similibus, qui folio numero oblongo, & olaceo
vestiuntur : in cacumine Antemidis modo capitulum inest rotundum,
& paruum, olfactu acre, sternutamenta mouens : oritur in montosis,
& saxosis locis.

C A P. L V.

PAPAVER spumeum in incultis nascitur, præcipue maritimis :
caule dodrantali, stolonibus pluribus, humi procumbentibus,
candidis : folia fert, longe magis diuisa, quam Cyanus, simili-
tudine

dine Papaueris Rheas, sed multo minora, candida, & hirsuta : capitula rotunda, squamis veluti paruis bullis extuberantibus, instar spumæ candida : florem purpurascem : Aliud in saxosis : caule erecto, altiore, ferris cubitali : ramis ad latera sparsis : foliis tenuissime scissis, nec adeo candidis. appellauimus hanc Papauer Spumeum ; quoniam aliqua ex parte Dioscoridis descriptio accommodari huic possit, præcipue si congener statuatur cum Struthio : sed quoniam alias plantas apud Dioscoridem, & pro Struthio & pro Papauere Spumeo ostendimus ; ideo eorum explicationem ex aliis locis colligere oportet.

C A P. L V I.

CENTAVREA maior in monte Gargano Apuliæ nascitur : eius radix in officinis pro Rhapontico venditur, exterius nigra, interius subrubens, crassa, & longa : folia ab radice fert erecta, similia Cerretæ, sed multo maiora, sectionibus utrinque digito latioribus instar folij Nucis : caules fert rectos, ab eadem radice plures paucis ramis, bicubitales, amplioresque, in quibus pauca folia : cacuminibus capitula Cyani grandiora, flore purpurascente : semen Cnico simile inter lanugines. Dioscorides Centaurium maius vocat, folia inquit ei sunt Nucis Iuglandis oblonga, & virentia, colore Brassicæ, in circuitu serrata : caulibus Ruricis, binum ternumque cubitorum ab radice multiplici sobole, fruticantibus ; super hos capita, cœu Papaueris in longitudinem quamdam rotunda : flos in cœruleum inclinatus ; & in eo semen Cnici, inclusum veluti in lanigeris floribus : radix vasta, solidaque, ac ponderosa, bicubitalis, succo madida, acris, cum quadam astrictione, nec citra dulcedinem rubescens : amat solum pingue, & apricum, sylvas, & colles. cognominata est & Panacea ; quia medetur omnium morbis : exhibente radicis dracmæ duæ cum vino, aut cum aqua, vbi febris fuerit : ad sanguinis sputum ; ad tusses veteres ; asthma ; convulsionem ; ad tormenta : vulvæ dolores ; subdita menses extrahit, & partus : vulnera glutinat imposita : si carnes cum ea tusa coquantur, coalescunt : succo eius pro Lycio utuntur. Plinius eadem fere habet ad verbum : de Centauro minori alibi dictum est.

C A P. L V I I.

QVAB Scabiosa vulgo appellatur, quamuis predictis similis sit, tanien à genere Acanaceo in totum recedit : neque enim inter lanugines eius semen continetur, neq; clauditur in vasculo : neque cor infra habet, sed exterius, qua flos exoritur. eius plures diffi-

differentiae. Nam alię folio scisso constant; alię integro. quae scissa ferunt folia in aruis potissimum estate inter stipulas nascuntur ex messe relictae; caule cubitali, aut ampliore: ramis ad latera sparsis: paucis foliis, subhirsutis, vtrinque diuisis, modò crassius ad similitudinem Cerretæ, modò tenuius ut Papaveris Spumei: cacuminibus ramulorum capitulum insidet, in latitudinem fusum; flosculis ad cæruleum vergentibus: seminibus aceruatis, subhirsutis: radice singulari: tota planta admodum amara est, & subastrigens: celebratur à recentioribus ad scabiem malignam, & lepram, tum potu succi eius, aut aquæ distillatæ, tum ablutione ex eius decocto, aut in vntione: necat lumbricos; discutit abscessus internos, præcipue toracis, & pulmonis; & interna ulcera siccatur. dantur aquæ distillatæ vnciae tres singulis diebus ter vel quater ad toracis abscessus: tuſsim: pestem: & venena: ulceribus quoque præhumidis opitulatur exterius illita. puratur hæc apud Aetium Psora esse, cuius vistæ fumo arborum eruce moriuntur.

C A P. L V I I I.

QUODDAM Scabiosæ genus peregrinum apud nos breve: foliis non adeo scissis: capitulis sphericis, amplis: seminibus circundantibus, crassis, quibus singulis stylus insidet, stellam gerens, iucundo aspekte.

C A P. L I X.

QUAE autem folio constant integro, plures adhuc differentias habent: nam quædam in sylvis nascitur, præcipue locis humectis, folio Lapathi, aut potius Glasti, vidente, leui: capitulis Scabiosæ nostratis; radicibus Ellebori modo fibrosis, media quadam crassiori, & detruncata, quasi corrosa; vnde morsus Diaboli vulgo appellatur, ab aliis Succisa: hæc quoque valde amara est: folia recentia cathaplasmate carbunculos, & prauas inflammations concoquunt; ideo in peste vtuntur: datur in potu radix, ad eadem, & ad omnia venena, cordis morsum, & vuluæ cruciatus: aqua distillata ex tota planta in potu dissolut grummos sanguinis, & occultos abscessus prope cor. Alia quoque in sylvis nascitur Succisæ similis: folio rotundiore, hirsuto, in ambitu magis ferrato.

C A P. L X.

QUABDAM peregrina apud nos fruticosa, specie arborea; ideo Scabiosa arborescens appellari potest: caule crasso, albidente; multis ramis, in latitudinem fusis: frequentibus: foliis mollissima lanugine candicantibus, latioribus, ac longioribus, quam Oleæ, nulla ex parte serratis: cacuminibus florem fert purpurascentem, latum: semina crassa, in membranosum calycem desinentia, quæ caput constituant, veluti fauum, rotundum, & amplum: hæc perpetuo viret, amataque est, ut reliqua Scabiosæ genera.

Finis Libri Tertiidecimi.



ANDREAE CAESALPINI
ARETINI
DE SVFFRVATICIBVS ET HERBIS.
LIBER QVARTVSDECIMVS.

CAP. PRIMVM.



VAB florem ferunt pluribus seminibus communem nullo inclusis vasculo, præter id, quod florem regit, ex necessitate hunc habent inferius sedentem, non in summo, ut quibus distributus est in singula: eotundem semina animaduersa sunt cor in inferiore parte habere. Quædam autem ex his vrentem habent caliditatem, ut Chematis, Ranunculi genera, & Anemone. Quædam frigida sunt & valde astringentia, ut Pentaphylon: Quibusdam autem folliculus singulis seminibus datus est, ut Geranus, Malva, Lino. Clematis, que secundo loco ponitur à Dioscoride, tribus planatis, que apud nos sunt, conuenite videtur inter suffrutices: quatuor Vitalba vulgo appellata inter frutices numeranda esset, sed ob generis affinitatem in hunc locum distulimus: frutex arborescens est Vitis modo in se pibus, viticulas ferens longas, & lentes, albo cortice, & disrupto: folia coniugatim fert per interualla multipartita, ramosis pediculis claviculorum vice se intorquenibus, Smilaci similia, serrata, & subhirsuta: sapore aceti, & vrente: flores candidos in racemulis fert multis in medio staminibus: semina capitulis circumposita, atida, sine pericarpio, in prelongam plumam desinentia, seu uentis naturæ. Hanc Theophrastus, ut putto, Athragetam vocat: Arbor inquit, similis Viti, & Labrusca surgit, & modo eorum scandere arbores solita est. Ex ea commodissime ignaria capi existimant, sed conceptaculum ex hac: tererum verd ex Lanio faciendum censem. Viticella autem appellata suffrutex est in incultis, & gracili ioco, aliqui similis Vitalba, sed tenuior, ac bieuior: foliis quoque tenuioribus, & in suis pediculis magis numerosis, laeuis, nequaquam serratis, sed acerrima facultate praeditis; utuntur enim ad rusticis extirandas: flores haec fert copiosiores, similiter candidos; & semina prædictæ similia. Tertia Flaminula ab effectu vocatur, vulgo quidam Flammula Iouis: constat viticulis rubentibus; & foliis omnino Vitalba similibus:

bus : flores autem fert cæruleos, & ad purpuram inclinantes, latifolios. Radiculæ omnibus multæ sunt Asparagi similes. Apud Dioscoridem omnes hæ plantæ videntur sub uno nomine Clematidis secundo loco ab eodem descriptæ intelligi. Viticuloso inquit ramulo constat rubescente, lento, cui folium admodum acre, & exulcerans : repit per arbores, ut Smilax. Plinius quoque, quamvis alias Clematidas afferat ab his longè diuersas, de hac tamen, quæ à Dioscorides posita est, scribit : similem Smilaci, repentem per arbores, geniculatam & ipsam.

C A P. I I.

RANUNCULOS appellamus plantas, aut in aquis, aut prope aquas nascentes : radicibus albis, Ellebori modo, fibrosis ; flore ex quinque foliolis constante, ut plurimum luteis, qui gustatus linguam exurit : capitulum ferunt vndique circundatum : semine depresso, viridi, &c, cum siccatur, nigro : folia fere omnibus diuisa sunt paucis exceptis, Apij modo, at latiora, & in tres, ut plurimum partes varie scissa : inest & plerisque, antequam caulescant, macula quædam nigra. Quod frequentissimum circa piscinas nascitur, lævi, ac molli folio constat, & caule, qui ferme cubitalis est : florem fert luteum : capitula tenuia, & oblonga, vel rotunda, exiguis seminibus : tenues fert radiculas, multas, & candidas : appellantur ij Ranunculi lœues. Duo alia genera lanuginosa sunt tum foliis, tum caulis, quorum alterum radicem fert Verticilli modo rotundam, vnde alias descendunt, Ellebori modo, carnosæ : folia magis diuisa, quam antedicta, aliquando coloris cinerei : quidam hoc genus priuatim Pedem Cotuinum vocant : eius radix pro caustico medicamento vtuntur. Alterum adhuc lanuginosius est, & latiore folio constat, ac minus diuiso, quasi Maluz ; altiore caule, in quo pauca foliola : radices insunt fibrosæ. utriusque flores aurei, splendentes, & capitula rotunda insunt : oriuntur in incultis præcipue pratis. duæ etiam sunt hirsuto semine, & crasso ; ipsæ autem paruæ, non exceden tes dodrantalem altitudinem, læves, exiguo flore : oriuntur locis cultis, ut in aruis & hortis : harum altera folio constat subrotundo, parum scissa ; caulinis pluribus, palmi altitudine : altera uno caule constat, ramoso, dodrantali ; foliis multifidis, Apij tenuioris modo, duæ in aquis proueniunt : caulinis in superficie natantibus, geniculatis : ex singulis geniculis folia edunt, & caulinum breuem super aquas, sustinentem florem album : & capitulum rotundum minuto semine : folia alteri parum scissa, & parua : alteri in capillaceam tenuitatem scissa, quasi fæniculi. vidi & quoddam utrumque genus foliorum habere initio quidem integrum, procedere tempore capillaceum : frequentissima hec sunt

in paludibus Pisanis, appellantur autem candidi Ranunculi; quia flore constant candido. Dioscorides Batrachion vocat; quidam inquit Apium sylvestre vocant: eius plura sunt genera: una autem omnium virtus acris, & valde exulcerans. eorum quoddam folia fert Coriandri, latiora, subalbida, & pinguis: florem luteum, aliquando purpureum: caulem non crassum, cubitalem: radicem paruam, candidam, amaram, fibras Ellebori modo habentem: nascitur in riguis (his Dioscorides indicat id, quod nos genus laeve appellauimus; at qui in hoc genere florem purpureum ferat, non dum visum est) Alterum genus inquit lanuginosus est: longiori caule, pluribus foliorum diuisuris: hoc plurimum in Sardinia prouenit, acerrimum, quod & Apium sylvestre vocant (videtur genus illud lanuginosus significare, qui vulgo Pes Coruinus appellatur) Tertium inquit valde paruu, graui odore: flore aureo (nos id genus semi-de crasso, & hirsuto descripsimus.) Quartum inquit simile huic flore lacteo (indicat id genus candidi, quod folia fert parum scissa, similia enim sunt tertio.) Plinius Ranunculi quatuor eadem genera tradit, que Dioscorides fere ad verbum. Vnum inquit pinguioribus quam Coriandri foliis, & ad latitudinem Maluæ accendentibus, colore liuido, caule albo, gracili, & radice alba: nascitur in limitibus humidis & opacis: sed hic Plinius colorem liuidum foliis tribuens, significat maculatum nigricantem, quam tacuit Dioscorides. Alterum inquit foliosius, pluribus foliorum incisuris: Tertium minimum est odore graui, flore aureo: quartum simile huic flore lacteo. sed hic deprauati codices habent flore luteo, alibi eandem Polyanthemon vocat, quam quidam Batrachion appellant, caustica vi exulcerat cicatrices, & ad colorem reducit, eadem vitiliges corporat. De eo, quod oritur in Sardinia, alibi Plinius inquit Apiastrum vocari ab Apio, in confessa dannatione venenatum in Sardinia, cum tam Hyginus Apiastrum ab Ape vocet Mellissophyllum. Dioscorides libro sexto inter venena Sardoam herbam vocat Ranunculi genus, quæ pota & commesta mens dimouetur, distensiones neruorum & labiorum contractiones fiunt, ut praetextu imaginem ridentium referat; vnde Sardonius risus in proverbiu[m] cessit.

C A P. I I I.

RAETER hec genera alia permulta apud nos sunt: vnum in fo-
ueis aquosis nascitur, humi serpens, ex singulis geniculis radices
fibrosas emitit, & longum pediculum attollit, ramosum, folia di-
uisa sustinentem, Apio palustri similia: ex singulis alis cauliculum attol-
lit, longum, sustinentem aureum florem, sed infirmis viribus; non enim
mordet, ut cæteri: Quidam hoc Chrysanthemum vocant Democrito

ascriptum; nam ab A quilegis herbā hanc celebrari afferit; cō quod aqua subesse certum sit, vbi solet emicare, foliis Apij maioribus, flore splendente, auri colore.

C A P . I I I .

DV AE peregrinę apud nos: vna floribus multiplici foliorum texture constantibus; hæc quoque serpit foliis supradicto minoribus, Ranunculum duplēcēm appellemus. Altera flore grandi & simplici: foliis candidis, & lanuginosis, in partes angustas & oblongas diuisis. Duę præterea sunt: folio nulla ex parte scisso in sylvestribus paludibus: caule cubitali: floribus luteis: exiguis seminibus: alteri folia Plantaginis insunt angustiora: alteri Coronopi, lengiora, ferme ad Tritici similitudinem: appellantur Ranunculi insecti.

C A P . V .

TRIA genera in montibus habentur: foliis Aconiti, sed floribus, & capitulis, & radicibus Ranunculi. Vnum folio cōstat rotūdo, & septo, vt Vulparia, lanuginoso: cauliculis simplicibus: flore luteo: seminibus cōgeitis, Lentis modo. Alterum latiore folio cōstat, quasi Napelli, nec lanuginoso: floribus, & capitulis prædicti: Tertium folio minus scisso: caule ramoso: floribus candidis.

C A P . V I .

QUAE DAM in aruis nascitur inter segetes: caule dodrantali: foliis Anthemidis: floribus Ranūculi figura, paulo ampliatis, rubicundis, & splendentibus: capitula fert in longitudinem producta, ad similitudinem Anemonæ: seminibus angulosis, virētibus, duris: radix parua: tota planta odore graui constat. Quidam inter Anemonas pingunt: Alij Chamæcœlum Eranthemon putant: ipse Ranūculis ascribendam censeo, forte quem Dioscorides purpureum vocavit.

C A P . V I I .

QUAE vulgè in Herruria Fauagello appellatur, à recentioribus autem Medicis Scrofularia minor, parua herba est, in aruis pinguis solo nascens: foliis ab radice rotundis, & pulposis, vt fabæ, macula quadam nigra, vt Ranunculus: ex mediis foliis caulinum fert breuem, ad terram inclinatum, in quo flos luteus similis Ranunculo,

angustioribus, ac pluribus foliolis constans: pauca semina, angulosa, viciaria: radiculae congestae, ad similitudinem granorum Tritici, quibusdam crassioribus, longioribusque, sapore dulci, & subsalso: floret in cuncte vere, & non dum exacta hyeme: disperit aduentanteestate, viuens radicibus: folia hyeme veniunt in acetaria, sapore aquoso. Syluaricus Testiculum Sacerdotis vocat, laudatque radiculas comestas ad vitia hemorrhoideum: alij valere ad strumas in collo nascentes, quas scrofas vocant; unde appellatio Scrofularia, radicum pulvare cum melle delinctorie ieiunis: aquam distillatam & potu & fotu idem efficere. Plinius Strumentam nostris herbariis vocari tradit; quoniam medetur strumis, & panis, per se in fumo suspensa; creduntque ea rursus sata rebellare, que cœterent vitia: quamquam hec de Ranunculo videatur dicere. Dioscorides Chelidonium minus vocat herbam, figura quidem non differentem a supradicta, sed viribus longe efficiacioriem; inquit enim herba est pediculis ab radice pendens, sine caule: foliis Hederæ, rotundioribus, & minoribus, teneris, & subpinguisibus: radices habet ex eodem callo, com plures, pusillas, veluti grana Tritici congestas, quarum tres aut quatuor in longitudinem excurrent: in humidis & palustribus nascitur. vis et acris, summam cutem exulcerans, ut Anemonæ: ploras & scabros vngues extinxit; succus radicibus expressus naribus inditur ad caput purgandum: idem præstat decoctum cum melle gargatizatum; & vitia pectoris omnia discutit: At Scrofularia minor supradicta, & caulescit, & vim illam acrem non habet. Plinius Chelidonium minorem tamquam Dioscordi acceptam refert: foliis Hederæ, rotundioribus, minus candidis: at quæ subiungit de succo croceo, & semine Papaveris conueniunt maiori Chelidonio, non minori apud Dioscordem. De Chelidonio maiori ali bi dictum est, & de Scrofularia maiore, & simplici Scrofularia.

C A P. VII I I.

TRINITAS à quibusdam vocatur, ab aliis herba Tora, in montibus nascens, & opacis: foliis ab radice multis, Hederæ similibus, sed tripartito aliqua ex parte diuisis, subrotundis: ex mediis foliis caulinuli nudi emicant in vere, plerumque ante foliorum exortum, tenues, ut Cyclamini, florem sustinentes cæruleum, aut subrubentem, aliquando candicantem, maculosumque, Ranunculo minorem: semina pauca, oblonga, in acutum desinentia: radices multæ sunt nigrae, Ellebori modo fibrosæ: perpetuo folio constat, sed breui tempore floret. Syluaricus duas esse herbas tradit, viribus contrarias; unam quidem venenosam, quæ Tora vocatur; alteram vero resistentem veneno alterius, quæ appellatur Antora: utrasque in eisdem locis nasci simul: fo-

iiis quasi Violatum, rotundioribus, & modice incisis: floribus Cyclameni: qui Torqunt valde violacei; Antore autem subrubeti. Hermolaus Barbarus Triada, seu Trinitatem à quibusdam vocari scribit, & Tauram: folio triplici, aut uno potius rotundo, in terna disposito: radice Polypodis, hirsuta, capillamentis multiplici, vermis nigri effigie: flore cæruleo cum maculis quibusdam candidis, venenosam esse herbam, cui per antipathiam alia occurrit herba Antitaura, & Antitora cognomine; folio rotundo. Alij hodie Tauram, & Antoram ostendunt inter Aconita. Alię porto sunt herbæ Trinitatis nomine apud recentiores, ut quæ inter Trifolia Lagopus à Dioscoride vocatur, utlis ad dissenteriam, & quædam inter Violas triplici colore floris, à quibusdam Lacea appellata, laudata ad pectoris vitia, & vlcera: vnde occasio errandi venenosam hanc plantam pro iis assumentibus. Quamquam neque hæc ex toto venenosa; nam Antitora venenis resistit: & hodie in Alpibus viuntur rustici ad hepatis obstrunctiones tollendas, & Ieteritiam puluerem foliorum assumentes, vnde Figatellam vocant.

C A P. I X.

ANEMONE in tractu maritimo nascitur, collibus asperis, & apries, copiosa in Monte Sancti Iuliani prope Pisas: folia ab radice fert tria, aut quatuor, rotunda, incisaque, modo magis, modo minus, Geranio latiora, durioraque: ineunte vere caulinulos fert particularim dodrantales, aliquando altiores, hirsutos, sine foliis, ternis tantum appendicibus, veluti foliolis circa medium: in cacumine flos oblongis foliolis constat, qui cū panditur, stellam representat, coloris nunc punicei, nunc purpurei elegantis: non panditur autem nisi à sole illius stratus: nam eo recedente, aut nubilo clauditur, vt nisi insuffletur non dehiscat: vnde nomen traxille videtur à vento: capitulum fert in longitudinem productum, in quo aceruantur semina angulosa, lanugine involuta: radix subest rotunda, O. juæ amplitudine, gustu acerrimo, exrente: similis est & natura foliorum, & floris. Alterum genus peregrinum apud nos: foliis tenuius scissis, appendice; quæ in caule est scissa: latiore flore, vt pote qui ex latis foliis constat, similitudine Papaveris Rheas, ad puniceum colorem vergens: capitula fert longiora, & semina similiter lanuginosa: radix magnitudine grandioris Oliue, sed multis partibus agnascitibus veluti sobole: simili natura constat acri. Dioœscorides duo genera Anemones esse scribit, sylvestrem & domesticam: domesticæ iterum quamdam tradit flore puniceo, aliam subalbido, auxilacteo, aut purpureo: folia Coriandri, tenuius scissa, humili incumbens: caulinulos lanuginosos, tenues, quibus insident flores, vt Papaveris mediis

mediis capitulois nigris, aut cœruleis: radicem Oleq magnitudine, aut maiorem, veluti geniculis distinctam. Hec descriptio aptissime conuenit nostrati Anemonæ: sed quæ florem album, aut lacteum ferat, in hoc genere reperfum adhuc non est. Sed cur dōmestica appelletur non video; in incultis enim & asperis oritur apud nos: his ob floris pulchritudinem aliqui cubi colatur. De sylvestri autem inquit: in omnibus maior est domesticæ, & foliis latior, ac durior, capitulum oblongius habet, florem puniceum: radiculas tenues, ac plures: quædam etiam est, cui folio nigra, acrior: & paulo post de sylvestri inquit: ob similitudinem quosdam in errore versari, non distinguentes hanc Anemонem ab Argemone & Papaver Erratico: quia flores simili colore constant scilicet puniceo: sed differunt; quia color puniceus in Anemone saturatione est; floret quoque citius: non succum fundit, vt illæ, non calycem fert, sed veluti Asparagi cacumen: nascitur in aruis parte plurima. Hec satis conueniunt alteri Anemones, quam descripsi; flores enim omnino Papaver Erraticum æmulantur, sed color magis profundus. Quamquam hoc apud nos non nisi satum in hortis reperiatur. Apud Theophrastum Theodorus Fremen vertit: floret vere inter ea, quæ natura herbacea, & annua sunt: hyberna erumpit post Aphacam, ab radice tantum foliata; floret non longe post germinationem. Plinius Anemonas quædani coronarias tradit, vt florem sylvestris Bulbi, & Argemone: quædam medicas: sunt, qui Phenion vocant: duo eius genera: sylvestris prima, altera in cultis nascens: vtraque fabulosis: huiusque plutes species; aut enim pheniceum florem habet, quæ & copiosissima est: aut purpureum; aut lacteum: Harum trium folia Apio similia, nec temere semipedalem altitudinem excedunt cacumine Asparagi: flos numquā se aperit nisi vento spirante; unde & nomen accepit: sylvestris amplitudo maior: latioribusque foliis: flore pheniceo. Hanc errore ducti Argemone putat multi; alii ursus Papaver, quod Rançam appellauimus, sed distinctio magna, quod vtraque haec postea florent: nec aut succum illarū Anemones reddunt, aut calyces habent, nec nisi Asparagi cacumen;

C A P . X.

ANEMONA montana in Apennino frequens in sylvis, antequam ab radice folia erumpant, inclinante vere unicum fert caulinum, palmi altitudine, in cuius medio folium est unicum, ramosum, diuisura Cicuta, subhirsutum: flos in cacumine expansus in stellę modum, vt prima Anemone; colore candido, aut superne lacteo, inferne cœruleo: repertitur & Ranunculo similior, colore luteo: capitulum rotundum: tenuibus Ranunculi: Radix in obliquum residens,

digitis longitudine; unde in aere scante caule, aliud erumpit folium, supra dicto latius, sed sine fructu. Huius quoque acris natura est. An Dioscorides per candidam Anemonem & lacteum has intellexerit, ambiguum est, cum totius plantæ vnicam descriptionem tradiderit, non plures. profectò Apij folium, quòd Plinius tribuit, his magis conuenit, quam superioribus.

C A P. X I.

PVLSATILLA à recentioribus vocatur in eisdem locis nascens, lanuginosior; latiore folio, ac tenuius scisso, quasi Cicutæ: flora latiore, purpureo; seminibus in caudam lanuginosam desinentibus in capitulo rotundo, ut candida Anemone: radice pedali, exesa, subdulci: cæteris acribus. laudant recentiores aduersus venenatum pota, tum per iustum illata, & ad pestilentiam.

C A P. X I I.

GARIOFILATA vulgo appellatur in sylvis nascens herba, foliis diuisis; ut Agrimonia, brevioribus, & in extremo latioribus: caules fert ramosos, ferme cubitales, duros: cacuminibus flores luteos, & capitula Ranunculi; seminibus oblongis, in tenuem hamulum desinentibus, quo vestibus hærent. Radices Ellerbori nigri modo fibrosas, quibus odor Gatiophylli, sapor astingens, & subacris. Alterum genus in montibus nascitur: breviori caule, ac minus ramoso: rotundiore folio, frequentioribus appendicibus: flore grandi, purpureo, aliquando luteo. Albertus Magnus Gariofilatam à quibusdam Sanamundam appellari tradit, & Pedem Leporis; unde quidam posteriores Lagopum Dioscoridis putarunt: calidam & siccum in secundo gradu statuit; fistulas sanare succo eius instillato, & per os sumpto: monstrua prouocare, si fomentū adhibetur ex ea decocta in aqua: vinum, quo decocta sit, assumi ad colicam, & ad robur ventriculo præstandum aduersus cruditates: visus eius vehementer extenuat obesam: tollit fluxum capitis: in usu magis sunt folia, quam radices: radices per se aceto irrigatae vestibus inseruntur odoris gratia: aqua distillatur ex tota planta cum radicibus ad eosdem morbos: priuatim ad vulnera sananda tum potu singulis diebus mane & vespere pôdere vnciatum quatuor, tum exterius si vulnera abluantur: tollit quoque nêuos & maculas ex natuitate ortas, si septius in infantia lauentur ex ea. Apud Plinium inter Argemonias videtur numerati: nostri enim inquit tria genera eius faciunt, & id demum probant, cuius radix Thus redoleat: aliam Lap-

pam lanarium appellant, ut explicauimus in Agrimonia: vtraque fructu vestibus hetero, & simili folio, ac flore constat, non abhorret & Gei appellatio apud eumdem Plinium, inquit enim: Geum radiculas tenues habet, nigras, benevolentis: medetur non modo pectoris doloribus, aut lateris, sed & cruditates discutit iucundo sapore.

C A P. X I I I.

FILIPENDVL A vulgo dicitur herba in sylvis, folia ferens praelonga, instar Millefolij, aut Tanaceti, frequentibus foliolis, coniugatis in longo pediculo dispositis, intermediis paruis appendicibus, vt in Agrimonia: caules rectos, dodrantales, aliquando cubitales fert, ramulis in cacumine rectis, quibus copiosi flores insident ex tenuibus foliolis constantes, candidi: capitula parua; seminibus Lenticulè modo compressis, vnico ordine in orbem dispositis: radiculas multas ac tenues in oliuarem nucleus desinentes, quasi globolis filo appensis, unde appellatio: sapore amaro constat. incertum tamen est vtrum hanc, an aliam inter Apij genera à nobis descriptam recentiores intelligant, nomine Filipendulae, cui vires, ad calculum frangendum, & vrinam impellendam tribuunt: describit enim Syluaticus foliis Petroselini, sed eleuatis, & non in terram expansis, in cuius radice sunt quasi nodi adhærentes: afferrri ex vtramarinis: nasci & in Apulia locis montosis & calidis: colligi radicem in fine autumni: afferrari validam decem annis: profectò Manlius innuit eam, quam Petroselinum sylvestre appellauimus: inquit enim apud nos etiam nascitur in pratis, cuius folia sunt similia Petroselino, sed plana, & non expansa: fert capitulum Aneti, flore albo: radicem Pœonię similem, sed minorem. Quicquid sit, huic quoque Filipendulae easdem vires inesse & efficaciores ob amaritudinem putandum est: puluis radicis cum vino haustus dolores stomachi sanat, & iliacam ex frigida causa ex flatu; lapidem frangit, & vrinam impellit: idem prestat extinxecus souendo, inclusus sacculo, & in vino & oleo feruefactus: in cibis confert epilepsię & astmathi. Aqua totius plantæ distillata medetur pesti, & venenis, & calculo renum & vesicæ.

C A P. X I I I.

OENANTHE in montibus nascitur, similis Filipendulae: foliis latioribus, & crassius diuisis, instar Agrimonie, nigrioribus: radice crassa, inæquali, tuberosa, instar Scrofulariae maioris, non in profundum, sed in latus tendente, à qua multæ radiculæ egrediuntur fibrosæ: caules fert, flores, & semina Filipendulae. Dioscorides inquit folia

folia habet Pastinacę : florem candidum ; caulem crassum ; palmi altitudine : semen Atriplicis : radicem magnam , in multa rotunda capitulo extuberantem : nascitur in petris : huius semeni , caulis , & folia cum multis vino pota secundas eiiciunt : radix è vino vrinæ stillicidio conuenit . Theophrastus inter flores coronarios numerat Oenanthem ; quam Theodorus aliquando Oenanham , aliquando Vitifloram vertit : semine inquit seritur : floret inter vernos post Bulbi florem : per annum durare potest , si cultus adhibetur ; nam addicta floribus est , & natura constat herbacea : si florem atteras , auferasque , nec sinas fermentescere , nec solum desit apricum , durare plurimum potest : flos constat specie racemi , candidusque est , Labruscę modo . Vbi autem libro sexto de causis Plantarum inter odores de Oenanthe inquit : siccata m plenius olere : intelligitur de flore Labruscę , quem Dioscorides libro quinto Oenanthem vocat , & Galenus laudat ad ventriculi robur prestantum . Plinius de Oenanthe herba eadem scribit , quæ Dioscorides : quamuis autem foliorum comparatio , & radicis descriptio huic plantæ magis conueniant , quam Filipendula dulce , non tamen omnino abhorrent à Filipendula , ut merito ea Oenanthe minor dici possit , hæc vero maior .

C A P . X V .

PLANTAGO Aquatica vulgo appellatur in palustribus frequens ; foliis , ab radice prælongis ; erectis , tensis ; ex latitudine in mucronem desinentibus , & nervis discutentibus , vt in Plantagine vulgaris : caulem inter folia attollit , nudum , cubito altiore , erectum , à cuius medio ad cacumem usque excurrent rami , per interualla terni , in alios ramulos diuisi , nullis foliis : in summis flosculos fert tenues , ex tribus foliolis constantes , candidos , parum subrubentes : semina in tenuibus capitulis similia Filipendulae , tenuiora : radices Ellebori modo fibrosas , candidas : gustu glutinoso constat , vt Plantago vulgaris . non multum abhorret ab hac Plantago maior Dioscoridis , quamvis alia vulgo ostendatur pro Plantagine maiore , vt loco proprio ostendimus . profectò caulis cubitalis , & subrubens , Plantagini aquatica inest ; at vulgari Plantagini non unicus caulis , sed caulinis plures insunt , in terram inclinati , quod de nomine tradit Dioscorides : locus præterea natalis huic magis conuenit : vulgaris enim Plantago ubique in pratis , & seclusis vias , & in hortis nascitur : maior autem non nisi in palustribus , & lacunis , seu fonteis . Ex Plinio quoque certius idem colligere licet : inquit enim de maiore Plantagine foliis laterum modo inclusa , quæ ; quia septena sunt , quidam eam Heptapleuron vocare ; caulis cubitalis , & Napi similis : natetur in humidis ; At quæ similitudo Napi seu Sinapis cum caule vulgaris Plantaginis ? Quædam

Quædam in paruis lacunis Pisani reperitur, palmum alta: foliolis secundum proportionem minoribus: seminibus maioribus, paucioribus;

C A P . X V I .

BARBA syluana à recentioribus Medicis vocatur inter Plantagines aquáticas: hæc non nisi in aquis nascitur, folia attollens super aquas; similia Plantagini aquatice, sed binæ appendices adiuncte sunt, deorsum spectantes, ac prælongæ, instar barbæ bifurcatæ, ut totum folium in tres acutos angulos desinat, veluti sagitta, vnde quidam Sagittam vocant: folij pediculus longus est, crassus, & triangulus ab radice: caulis crassus, ac nudus, non altus, ternis per interualla ramulis, brevibus, ac simplicibus, in quibus flores Plantagini aquaticæ latiores: capitula crassa veluti fructus Arbuti, similiter aspera, viridia: seminibus exiguis, vndique circundantibus, vt in Ranunculo. In libello qui inscribitur de Dinamidiis inter spurios Galeni, scribitur de Barba syluana: eius radices in vino coctas ad conceptionem facere, si earum libra una coquatur in vini optimi phialis nouem, donec dimidium absumentur; eique percolato addantur mellis phialæ duæ, & pulueris Cimini vicia una, ac simul parum ferueant: huius autem decocti bibat mulier in tempore menstrui per quinque dies, mane iejuna singulas phialas: vesperi autem in decoctione eiusdem herbæ sedeat, diuque calefiat: deinceps vitro coheat, statim enim concipiet: eamdem epilepticis auxilio efficiat, similiter in vino decoctam & potam: Centinerviam quoq; appellari.

C A P . X V I I .

BVRG MVS in aquis palustribus nascitur: foliis ab radice in multam longitudinem porrectis, vt Cyperi: dorso acuto: caule bicubitali, nudo, ac simplici, cui rotunditas, ac leuor inoffensissimum inest: in cacumine umbella, ac flores subrubentes, qualiter Malii Persici: semina inutilia, folliculis similia: radix partem quamdam teneram habet, & candidam, gustui non ingratam, figura pedis, à qua radiculæ fibrosæ descendunt. Theophrastus inquit Butomus in omnibus fluminibus, ac stagnis nascitur: foliis angulosis, & canaliculatis, vt Harundinis: caulis peculiarem quamdam æqualitatem sortitus est: fructus niger, magnitudine sidæ proximus: semina sterilis est ad nexus vitæ lis: mas inutilis, utroque loco prouenit terra & aqua: pars tenera ab radicibus proxima est, quam pueri potissime mandunt.

C A P . X V I I I .

FRAGARIA vulgo appellatur herba, in sylvis nascens, locis umbris: folia fert terna in singulis pediculis, Rubo minora, venosa, hirsuta, & in ambitu serrata: caulinum fert vere, palmi altitudine, ramosum, & hirsutum: flosculos Ranunculo minores, cädidos: fructum Rubo similem, ex minutioribus acinis constantem, tubentem in maturitate, atque odoratum, sapore vinoſo, gustui gratissimo, Fraga vulgo appellantur, differentię paucæ in figura & magnitudine: nam quædam rotunda sunt, ut Arbuti fructus, quædam oblonga. Quoddam genus in Alpibus Bargeis visum est bis in anno fructificans, vere scilicet & autumno, eius fructus modice compressus & striatus est, sapore Rubi Idēi: & state postquam fructum perfecerint, alias caulinulos ferunt, tenues, ac simplices, quorum cacumina ad terram inclinata radicant & folia producunt: quo modo veluti sobole propagantur. expertuntur in cibis Fraga, quorum gratia & coluntur in hortis, refrigerant & humectant, Picrocholis conueniunt & siticulosis, sed copiosiore cibo caput tentant & inebriant: eorum succus incipientibus inflammationibus commodus, præcipue gutturis: vetustate vires acquirit, efficaces ad oculorum suffusiones, & ad faciei vlcera: aqua ex fructibus maturis distillata bibitur ad sanguinem contemperandum iis, qui scabie laborant & lepra: In cinori calfacto medetur: ad morbum Regium: renūm calculos; menstrua quoque prouocat: herba astringenti sapore constat, & subamaro ad calculum utrissima, & lienosis, hepaticisque. Plinius Fraga tantum meminit inter cibos in Italia: Meminerunt & Poetæ Latini. Non autem idem est, quod apud Serapionem Fragre vocatur, fructus Ciceri similis, extra rubens, interius niger, qui odore halitum oris commendat, temperamento calido. Apud Theophrastum Chamæbatos, idest HumiRubus vocatur. inquit enim Rubi genera maximo inter se discrimine distant; quod quædam erecta, excelsaque; quædam prope à terra protinusque deorsum vergens, cumque se terre coniunxerit, radicás rursus, quem HumiRubum quidam appellant. reliqua Rubi genera diximus inter fructices. Dioscorides inter genera Pentaphylli intelligit, ut mox patebit.

C A P . X I X .

VINQYEPOLIVM passim reperitur iuxta vias, & prope macerias: foliis in longo pediculo quinis, minoribus Fragaria: caulinulos fert humili repentes, geniculatos: ex singulis geniculis folium, & ramulum simplicem attollit: in cuius cacumine flos aurei coloris,

coloris, Ranunculo maior continetur: capitulum exiguum, minutis seminibus absque pericarpio, protegitur acetabulo florem tegente: post quam semen perfecerit, radicat in singulis geniculis, ut Fragaria, non particulatim ut illa, sed simul in omnibus: radice singulati nititur, tenui, & subrubente, quæ gustu astringit. Dioscorides Pentaphylon vocat: ramulos habet inquit festucarum similitudine tenues, dodrantales, in quibus semen: folia Menthæ similia quina singulis pediculis, raro plura, in ambitu serrata: florem pallidum, album, aureum: nascitur in riguis, & iuxta aquæductus: radice subrubra, oblonga, paulo crassiora quam Veratri nigri, quæ plurimis pollet remediis. ex his verbis videtur Dioscorides non unicum genus Pentaphylli indicate, sed plura, florum colore differentia: Forte & numero foliorum, cum dicat, raro plura, quasi & pauciora reperiantur: hoc modo dicemus Fragariam inter Pentaphylla flore albo intelligi, & quæ septenis constant foliis; flore pallido, de quibus mox dicemus: nam, quæ descripta est, quinis foliis flore aureo constat. Hanc sententiam comprobat Plinius, cum inquit: Quinquefolium nulli ignotum est, cum etiam Fraga gignendo commedetur: nam illud verbum etiam, significat non omne Quinquefolium Fragam gignere. Theophrastus Pentaphylon, & Pentapetes appellari tradit: eius radix, cum effoditur, rubra est, inarescens vero nigrescit atque quadratur: habet folium Vitis, sed pusillum, & colore simile: & augetur, & definit simul cum Vite: folia omnia quinque; unde & nomen: caulis humi serpit tenuis, & crebris internodiis; eadem Plinius scribit.

C A P. X X.

Quo d' septena in singulis pediculis folia gerit in hoc genere, Hermolaüs Barbarus Heptaphylon appellat: plures eius differentiæ: differunt à Quinquefolio, & Fragaria, non solum foliorum numero, qui inconstans in his est in eadem planta, modo ternis, modo quinque, modo senis, & ut plurimum septenis existentibus: sed etiam ramulorum rectitudine: non enim serpent, licet aliquando procumbant in terram, neque radicant in geniculis. Unum ex his caule recto constat, cubitali, paucis in cacumine ramis: folia longiora fert quam Quinquefolium: in summis ramis flores fert luteos, & capitula, ut Pentaphylon; radicem quoque similem: oritur in asperis. Alterum in montibus humile, palmi altitudine: floribus candidis.

C A P. X X I.

TORMENTILLA vulgo appellatur multis ramulis fruticans ab eadem radice, tenuibus, dodrantali longitudine; ad latera fusis: folia fert sine pediculo, hærentia caulinis, minuta, & magis incisa, quam alterum Heptaphylon: flosculos fert paruos, pallidos: radicem pollicis crassitudine, breuem, intortam, tuberosam, rubram, valde astringentem: oritur in montibus: quidam Bistortam appellant; quia radix bis intorquetur ut ea, quæ priuatim Bistorta dicitur. Altera illi similis tantum distat foliorum candore in aduersa parte. Recentiores Tormentillæ radicem prædicant efficacissimam ad pestem, & venèna; repugnat enim putredini malignæ, temperamento frigido & sicco, & rubor addit astrictione: expellit quoque per sudorem, ob tenuem quādam substantiam admixtam. exhibent pulueris eius drachmam vinam, cum aqua acetosę, aut cum vino, si febris non vrgeat. paratur & aqua distillata ex tota planta cum radice collecta post diem decimam quintam Augusti, & ante diem octauam Septembri: sed ob succi paucitatem mace randa prius per noctem in vino concisa, & contusa, deinde lœui igne di stillanda: propinatur & decocta in vino. sunt qui puluerem radicis cum Theriaca & qua portione misceant, diluantque cum aqua eiusdem vnicis tribus addita aceti sexquiuincia: hūc potum calidum exhibent correptis à peste statim post venæ sectionem, ut sudore aborto liberentur: repetunt potionem postera die. Eadem radix pollet ad dissenteriam, & ad omnem fluxum, & sanguinem profluentem ex vulneribus, aut naribus: iuuat & in disuria: custodit conceptum, si mulier decoctam in vino bibat, & inferiori vētri illinatur. mēdetur & omnibus febribus diurnis robur ad dēdo omnibus visceribus; tādem facultates, quas Dioscorides Pētaphyllo tribuit, recentiores de Tormentilla prædicant, ac multo efficaciores.

C A P. X X I I.

SANICULA vulgo appellatur herba in Alpibus, frequens in sylvis: foliis quinquepartito diuisis, latioribus quam Quinquefolijs. & in extremo laciniatis, ut in Vite, lēibus, ac splendentibus: caplē fert rectum, cubitalem, paruis in cacumine ramulis, veluti vmbellam constituentibus: flosculos cāndicantes, aut rubentes: capitula hirsuta, exigua: radices fibrosas: sapor toti herbæ astringens, & subamatus. recentiores temperamentum eius statuunt calidum & siccum in secundo ordine: laudant ad vulnera in potu inter præcipias herbas vulnerarias, vt Symphitum: nam conglutinat & sanguinem concretum dissoluit: ab

inflammatione defendit: exhibetur herbæ puluis, aut decoctio, aut aqua distillata, aut succus: habet quoque vim leviter purgandi: abstergit enim ventriculum & intestina à viscosis humoribus, si cū melle & Glycyrrhiza succo in vino exhibeatur eius puluis, aut sola decoctio in mulsa: tumores externos reprimit imposita tum in homine, tum in iumentis.

C A P. X X I I .

PO T E N T I L L A à recentioribus vocatur herba, frequens in Germania circa semitas, & loca aquosa, potissimum iuxta flumina: foliis ab radice in terra stratis, figura Agrimonie, minus hirsutis, candidioribus; foliorum sectionibus tenuioribus maxime Quinquefolium referentibus: caulinulos nudos spargit, in terram repentes: qui more Fragariæ radicant in summo, defixi in terram, ac folia gerunt: quo modo propagatur: alium caulinum inter folia attollit simplicem, qui in summo florem sustinet Quinquefolij, & fructum similem grandisculum: radix Quinquefolio similis, exterius rufa, interius alba: tota planta astringit: glutinat vulnera: & vlcera exedentia compescit: oculorum fluxionibus, & puncturis prodest: silit fluxus sanguinis, & aliui profluua: datur & ad distillationes, coxendicis, & articulorum.

C A P. X X I I I .

ALCHIMILLA vulgo appellatur, & Pes Leonis, herbula in pratis Alpium frequens; foliis rotundis, figura Malvae, minoribus, hirsutis, & circumserratis, angulis exeuntibus, effigie Leonini pedis: caulinulos spargit tenues, dodrantales, ramosos, paucis foliis: in cacuminibus flosculos exiles, numerosos, herbaceos: radicem subrubram, digitæ crassitudine, villosam, gustu acerbo. Alterum genus brevius: foliis minoribus in quinque foliola partitis, figura Oleæ, colore argenteo in inferna parte, superne viridi: Stellaria à quibusdam vocatur ab Stellæ figuram, quam folia referunt: in cæteris similis Alchimille, & sapore simili, ac virtibus. Laudant Alchimillam ad glutinanda vulnera, tum externa, tum interna, decocto eius poto, & ablutis vlceribus: idem præstat aqua eius stillatitia: nam calorem extinguit, & ab inflammatione defendit, & sanguinem silit: sanat & puerorum ramices: silit alba mulierum profluua: facitque ad conceptionem, superfluas humiditates siccando: mammae duriores reddit: si ea foueantur: succus eius potus comitrialibus subuenit. Dioscorides Leontopodium vocat, id est Pedem Leonis: inquit enim: herbula est duorum digitorum, foliola habens angustâ, robustâ, digitorum quatuor aut trium longitudine, hirsutâ,

ta, versus radicem lanosiora, & subcandida: in cacuminibus caulinis capitula veluti attrita; in quibus flores lutei: fructus autem eius incomprehensibilis est ob lanuginem circumdantem: radix parua subest: tradunt hanc utilem esse ad amatoria: discutit tubercula. haec descriptio pulchre quadrat Stellariae: sed longitudo quatuor digitorum, aut trium non videtur posse ascribi foliis, cum herbula tradatur duorum digitorum longitudine; sed potius e conuerso legendum, ut transposita sint ea verba: in ceteris nihil est, quod repugnet: foliola scilicet angusta, interne lanuginosiora, & candida: capitula in tenuissimas partes attrita, ut semen vix conspici possit inter lanuginosam substantiam: deflore quidam legunt Melanon, id est nigrum, non Melinon, id est luteum. est autem eius flos ex luteo in herbaceum tendens. Plinius de Leontopodio inquit: eius radix aluum sistit, purgatque bilem ex aqua multa addito pondere denariorum duum: nascitur in campestri, & gracili solo: semen eius potum Lymphatica somnia facere dicitur.

C A P. X X V.

PEs Columbinus vulgo appellatus, & quæ illi affinia sunt inter Gerania numerantur: haec parum à Maluis recedunt; nam semina quidem in circuitu iuxta medium modiolum ferunt, ut Maluæ, sed nequaquam farcta, pauciora numero, ad summum sex, subrotunda: modiolus præterea medius in longitudinem porrectus est instar rostri aut acus: vnde à Gruino rostro nomen sumpserunt, Dehiscunt seminum alueoli ab inferiori parte abscedentes, & ad rostri verticem contracti, interim eiaculato semine: omnia sapore acerbo costant, præcipue radix. harum duæ passim in ruderibus nascuntur: tenuibus caulinis, infirmis, dodrantalibus: foliis rotundis, longe minoribus Malua, frequentibus scissuris, modò breuioribus, modò profundioribus: flosculos ferunt subrubentes, paruos, capitula parua, breui rostro; radix tenuis, subrubra. Tertia ramos multos fert prope cubitales, humi iacentes, hirsutiores: folia candicantia, nequaquam scissa, Altheæ similia, minora: rostrum longiore, tenuoremque: Dioscorides has omnes videtur intelligere sub nomine Geranij secundo loco descripti his verbis. Geranium alterum caulinis minutis constat, pilosis, sexquipedalibus: foliis Maluæ, in summis alis capitula gruum sursum spectantia insunt cum suis rostris, aut veluti canini dentes: nullius in medicina usus. Canini autem dentes ut breuiores, contueniunt prioribus descripsit; Gruum autem rostra tertia. de priori Geranio tamquam longe diverso alibi à nobis agitur. Plinius ex Græcotum sententia describit: foliis paulo candidioribus quam Maluæ: caulinis tenuioribus, pilosisque,

que, ramosam, & interuallis binum palmorum, & in his foliis: inter quæ
in cacuminibus capitula sunt Gruum. hæc descriptio tertiaz superius à
me descriptæ magis congruit.

C A P. X X V I.

DVAB aliæ Pedis Columbini nomine à recentioribus intelliguntur in syluis nascentes, rostris longis, & crassis: floribus amplioribus, quasi Leucoij, subrubentibus: folia alteri in tres angulos desinuant, Hederæ figura, latioraq; sunt: alteri rotunda, & diuisa in multas partes: radix utriusque digiti crassitudine breuis, & hirsuta, colore rubro, acerbi saporis: vtuntur ad interna vulnera.

C A P. X X V I I.

BALSAMINA in hoc genere vulgò appellatur; quia Balsami loco vulneribus glutinandis sit efficax, quam nos æquiuocationis tollendæ gratia Geranium Balsaminum vocamus: in syluis nascitur maior, quam Pes columbinus: foliis latioribus, rotundis, & multipartito diuisis: floribus ex purpureo ad cœruleum vergentibus: rostris prælongis; radice quoque simili.

C A P. X X V I I I.

RVBERTIANA vulgò appellatur herba tota rubra: caulinis infirmis, incurvis, geniculis crassis; foliis veluti in ramos digestis, diuisura Apij: radix tenuis, ac veluti capillaris: flosculos fert puniceos, & capitula parua, breuibus rostris: præcipua in sistendo sanguine: oritur in maceriis prope aqueductus. reperitur & huic similis breuior, ac minus rubens, foliis viridibus. Diocorides inter Siderites tertio loco describit his verbis. Sideritum aliam esse tradunt, quam Crateuas Heracleam vocat, in maceriis & vineis nascetur: foliis ab una radiis multis, Coriandro similibus; circa caulinulos dodrantales, læues, teneros, subcandidos, atque subrubicundos: flore puniceo, gustanti amaro, & lento: huius ea vis est, ut vulneri imposita quamvis recenti sanguinem supprimat.

C A P. X X I X.

ACVS muscata vulgò appellatur herba, in incultis nascens: ramis humistratis folia insunt in uno pediculo multa, utroque latere disposita, Pimpinelle modo tenuiter scissa, hirsuta, Moscum odo ratum

ratum redolentia: flosculos fert candicantes, in longo pediculo multos, & capitula cum rostris longissimis instar pectinis, quo lanæ extricantur. Plinius Veneris Pectinem appellati tradit à similitudine pectinum, scilicet radix cum Malua tusa omnia corpori infixa extrahit.

C A P. X X X.

MA L U A passim in ruderibus nascitur, lato solo, plures ab eadem radice caules fundens, non in rectum, sed ad latera, rotundos, crassos, ramosos: foliis ex longo pediculo rotundis, volvendis latitudine, in ambitu modice sinuatis, quinquepartito, mollibus subnigris: flores in alis foliorum fert, calathi figura, foliatos, subrubentes, aut candidos: fructum ex septem aut octo seminibus constantem, loculis inuicem commissis iuxta medium modiolum, ut eo abscedente relinquatur figura globoli in medio perforata: abscedunt & loculi ab se in uicem, cum perfecte siccii sunt; in quibus semina singula deprellata continentur, colore nigro, aut cinereo: radix in multam longitudinem descendit, non sine ramis, substantia neruosa, quæ & neri possit, ac texiad lineata, quas Rensas vocant in Brittania: est quoque apta ad dentifricia, si cum sale & a lumine coquatur in vino, sicceturque. Flores saccaro conditi ad renū & vesicę erosiones optimi sunt. Alterum genus in hortis seritur, vulgo Maluone: caule simplici, & recto, altissimo instar hastæ, foliis hirsutioribus, amplioribusque: flores fert amplitudine Rose, numerosis foliis constantes, rubentes, vel purpuræ saturatae colore, vel candidos, in odoros: huius caulis, quamvis fere arboreus, annuus tamen est, vere extoriens ex semine: fructus quoque maior digestus in multo plures loculos, quam Malua vulgaris. Dioscorides Maluam satiuam recenset inter olera, Malachen vocans, longe aptiorem esui quam sylvestrem: sed neutrām describit, tamquam notissimam. Ex Theophrasto colligimus id, quod apud nos seritur, satiuum genus fuisse apud antiquos: inquit enim Malua cultu arborescit mensibus sex aut septem, hastæ crassitudine & longitudine grandescens, ut vsum baculi præstet, longiori tempore magis increscit, alibi de Malua inquit: annuo caule constat, inter olera, non nisi cocta maditur. de sylvestri inquit à Medicis Althæam vocari: Theodorus Hibiscum vocat, de qua nos paulo mox dicemus. sed apud Pliniū non unum satiui genus, sed duo esse traduntur, totidemque sylvestris: amplitudine folij discernuntur: maiorem Græci Malopem vocant in satiuis: alteram ab emolliendo ventre dictam putant Malachen. è syllvestribus, cui grande folium, & radices albe, Althæa vocatur ab excellētia effectus, à quibusdam Aristalthæa: reliquum genus sylvestris non describit. Ex his colligere licet nostram vulgarem Maluam, quamvis non colatur

Colatur apud nos, in genere tamen domesticæ apud antiquos extitisse: vtebantur enim in cibis sanitatis gratia, vbi aliud valde sicca esset ex multo oleo parata, & hodie quidam tenella eius germina asparagorum more parant cibum nō ingratum: flores quoque eius inter acetaria assumunt. Alterum vero genus, quod spectaculi potius gratia seritur in hortis, Malopen esse apud Plinium, quam videtur intelligere, cum alibi de Malua loquens inquit: in Arabia tradunt authores Maluas septimo mense arborescere, baculorum usum præbere ex templo, assumpta enim hęc sunt ex Theophrasto, de ea, quæ cultu arborescit.

C A P. X X X I.

S YLVASTRÉS Maluas multas habemus; quarum una in pratis & palustribus nascitur, Vismaluam appellant, quasi Maluam viscidam: Quinque aut sex ab eadem radice caules rectos attoilit, simplices, bicubitales; foliis candidis, molli lanugine obsitis, oblongioribus Malua, ac minus sinuatis: flores fert circa summam virgas, ex candido modice subrubentes: fructum Maluæ: radices crassas, in longos ramos diductas, candidas, quæ in aqua decoctæ viscosum mucchum redundunt, medicis valde utilem. Dioscorides Althæam vocari tradit; quia plurimis pollet remediis: Aliis Hibiscum in sylvestrium Maluarum genere, cui folia inquit ut Cyclamino rotunda, lanugine canescunt: flore roseo: bicubitali caule: radice lenta intus alba, qua addensari aquam constat, si trita addatur sub diuo. Theophrastus de Hibisci radice idem testatur. constat inquit folio Maluæ maiori tamen, pilosiorique: caulis mollibus; flore Mellino; fructu Maluæ; radice fibrosa, alba: caulis gustu Maluæ constat. usus ad rupta, & tusses in vino dulci, & ad ulceræ in oleo. At color floris melinus, id est flauus, adhuc non usus est, nisi aliā accipiamus, quam circumferunt pro Altæa Theophrasti, flore quidem luteo; at neque fructus Maluæ, neque plutes caules fert, neque ea vis radici inest, ut sua muccosa substantia aquam congelet. Reperitur & altera caule altiori, fere ad Malopem accedens: folio Altææ candidans: flore roseo, specioso.

C A P. X X X I I.

Q VAEDAM arborescens; non enim annuo caule constat, ut certiores, sed multis annis viuit: caudice crassitudine brachij ramoso, altitudine quatuor cubitorum: foliis Maluæ, magis lanuginosis, grandioribus: flore, & fructu eodem. Galenus Anadendromalachen vocat, in genere Maluarum efficacissimā in digerendo:

appellatur etiam inquit Althæa: Plinius inquit: sed & arbor est Malua in Mauritania Lixi oppidi æstuario, vbi Hesperidum horti fuisse produntur: ipsa altitudinis pedes viginti, crassitudinis, quam circumplexi nemo possit.

C A P. X X X I I I.

ALCEA in limitibus agrorum nascitur: caulinibus subasperis, ex rubro nigricantibus, tamoisque: folia fert angustiora, quam Althæa, & minus candicantia quasi tripartito diuisa, media parte producta in acutum: floes longo pediculò infert, paulo latior Malua: semen paruum, Malua simile. Dioscorides inquit: Alcea sylvestrium Maluarum generis ascribitur: folia habet diuisa, Verbenacæ modo: caules tres, aut quatuor, cortice Cannabino vestitos: florem Rose similem, paruum: radices albas, latas, quinque, aut sex, ut plurimum cubitales. Plinius fere eadem ad verbum scribit: nascitur inquit, pingui solo, nec sicco.

C A P. X X X I I I I.

ALCEA altera virgas fert simplices, non rectas, ut Althea; sed in latera tendentes, ut Malua, cortice aspero: foliis quinquepartito diuisis, ac ferratis, quasi Cannabis: flores fert, & semen Malua, longioribus pediculis: radicem longam, ramosamque. Quamvis huic plantæ satis conueniat Alceæ descriptio apud Dioscoridem & Plinius, magis tamen videtur conuenire Cannabis sylvestris, ut ex descriptione patet apud Dioscoridem: inquit enim Cannabis sylvestris virgas fert Altheæ similes, nigriores, asperiores, ac minores, altitudine cubitali, foliis similibus latiæ, asperioribus, ac nigrioribus: flores fert subrubentes, Lychnidi similes: semen autem, & radicem Altheæ. Plinius inquit: Cannabis in sylvis primum nata est, nigriore folio, & asperiore (quod videtur desumptum à Dioscoride) impromiscue tamen de viribus eius loquens, cum inquit, tanta vis eius est, ut aquæ infusa congeleare eam dicatur, intelligit sylvestrem, ut pote facie, ac viribus Altheæ similem. Alibi cum differentias Cannabis recenset inquit: Rosea agri Sabini arborum altitudinem æquat: significat quamdam Malope similem, sed foliis amplius scissis. extat quedam parua in sylvis; foliis Geranij, modo scisis; flosculis & seminibus Malua, quæ ad Cannabis sylvestrem reduci potest.

C A P . X X X V .

LINVM seritur in aruis, herba ab eadem radice in multis caulinis rotundos ferens, vix cubitum æquantes: frequentibus foliolis angustis, & oblongis: cæcum inibus ramuli breues funduntur, quibus summis flores sustinentur calathi effigie, foliati, colore cœruleo, & vascula membranacea rotunda. Ciceris magnitudine: in quibus semina decem continentur loculis in circuitu propriis distincta, depressa, in angulum acutum desinente exterijs, qua cor spectat, superficie valde laui, mellei colotis: hæc madefacta humorē mucosum fundunt, quam Muscilaginem vocant: ex eisdem exprimitur oleum in pleuritide optimum, si sumatur in pôtu: surculi exsiccati cōtice fibroso, ac valde robusto integuntur, qui maceratus & contusus pectitur, netur, texiturque ad linteas. Quoddam sylvestre breuius: flosculis luteis: capitulo ex quo. Dioscorides de Lini semine agit, ut pote utili in medicinis. Plinius ipsum Linum inter ea, quæ ad hominum usum nascuntur, tamquam admirabile extollit: cum ex eo vela excogitata sint, nauibus onus tis tamceleris cursu vehendis, ut videatur nobis flantibus vi hebreæ non solum Aegyptus Italię admoueri, sed & orbis terrarum ultra, citroque portari. Nascitur id ex paruo semine, & gracili caule, non alte à terra attollitur; seritur sabulosis locis maxime, vnoque sulco: nec magis festinat aliud, vere satum estate vellitur, neque id viribus suis necritur, sed passum tuncsumque & in mollitiem lanę coactum: præstat fili neutrositate, tenuitate, candore, & cui lanugo nulla. differentię autem huiusmodi apud Pliniū abunde leguntur cum regionibus, in quibus nascitur, & industria.

C A P . X X X V I .

DRAGONE vulgo diciunt ab aliquibus Targone, suffrutex qui in hortis seritur pro olere: seritur autem ramis; quoniam semen infuscundum est. Fama est ortum primo ex Lini semine in Cepa inclusio, aut Rhaphanis, aut Scylla; ideo saporem non absimilem Cepa inesse, & Lini folia: caules fert rotudos, altitudine duorum dodrantum, ramosos, in quibus folia sunt Lino maiora, carnosioraque, sapore acri; ideo placent tenella germina cruda, præcipue cum Lactuca asperata ex oleo & aceto: flosculos fert inter folia paruos, similes Artemisiæ vulgari. Forte apud Auicennam fuerit Tarcole; unde vulgare nomen deflexum videtur, de quo inquit notum esse: quidam dixerunt Pyrethrum radicem esse Altarcon montani: calidum & siccum in secundo, licet sit in eo virtus quædā obstupefaciens: desiccat humiditates cum quadam refrigeratione; masticatur & tenetur in ore ad vlcera oris: gutturis dolorem excitat: difficilis concoctionis: aufert desiderium Veneris.

FINIS LIBRI QVARTIDECIMI.

ANDREAE CAESALPINI
ARETINI
DE SVFFRVTICIBVS ET HERBIS.
LIBER QVINTVSDECIMVS.

CAP. PRIMVM.



ACTENVS explicata sunt, quæ plura semina, aut nuda, aut propriis folliculis inclusa ferunt: deinceps explicitur, quæ in singulis folliculis, ac pluribus plura ferunt semina, idque aut coniunctis receptaculis, vt Xylon, Bamia, quæ affines sunt Maluç. Oxs, quæ affinis est Geraniis. Cisti genera & Rutæ, Papaveris, Aristolochiæ & alia nonnulla: disiunctis autem receptaculis, vt Ellebori genera, & Aconiti, & Semperuii, & alia quædam omnibus verò flos in sede fructus exoritur: semen quoque cor inferius in adnexu est: Omnia propè in extremo aut caliditatis, aut frigiditatis constituta sunt, ideo medicamentosa, & fermè deleteria esse animaduersum est incipiamus autem ab iis, quæ in coniunctis receptaculis plura ferunt semina.

C A P. I I.

OXYS ab acido sapore diéta, vulgò autem Alleluia, herbula est palmum alta, folia ferens terna in singulis pediculis, longis, extremo sinuata, figura cordis, sapore acido: flosculos fert luteos: siliquas sursum spectantes, figura rostri Geraniorū, crassi sculas, ex quinque loculis cōstitutas: peculiare his: nam cum ad maturitatem peruenirent, vel leui tactu semina expuunt è lateribus in longinquum, siliqua integra permanente, & oculis quam primum connuentibus, vt non patet exitus, quod sit dehiscente quodā cortice, cartilagineo, candido, qui latet in siliqua: ipsa semina flava sunt, & aspera. Plinius inquit: Oxs folia terna habet: datur ad stomachum dissolutum: edunt, & qui Entorocelas habent.

C A P . I I I .

GOSSIPIVM, vulgo autem Bambagia, lanugo est candidissima, ac tenuissima, texendis mollissimis linteis commoda: reperitur in fructu Nucis paruæ magnitudine, semina infaciens rotunda, ut Orobi. eius planta cubito altior; caule simili Maluæ: folia fert angulosa, Vitis modo minora: flores luteos, in medio purpureos, figura floris Maluæ: fructum barbulis quibusdam florem tegentibus inclusum, qui in quatuor partes dehiscens ostendit lanuginem prædictam: perficitur autumno. Plinius inter genera Lini recenset: superior inquit pars Aegypti in Arabiam vergens gignit fruticem, quem aliqui Gossipium vocant, plures Xylon, & ideo inde facta Xylina. parvulus est, similemque barbatæ Nucis: defert fructum, cuius ex interiori bombyce lanugo netur: nec vlla sunt eis in candore, mollitiaque præferenda: vestes inde sacerdotibus Aegypti gratissimæ. Serapio Cotonem, & Bombacem vocat: tradunt inquit ex arboribus haberi similibus Antiperficiis, quarum vita perdurat annis viginti. melius tamen ex eo est nūum, & quod habetur ex planta eodem anno sata. quamvis autem author hic arborem tradat esse, non tamen putandum aliud genus Bombacis ostendere, quam id, quod superius descripsi, cum testetur eodem anno, quo sata est, Bombacem ferre, ac magis præferendam: sed apud nos aduentante hyeme pereunt ex toto eius plantæ ob frigoris impatientiam. Forte apud Plinium cædem sunt arbores, quas Gossampinos vocari tradit, fertiliores etiam, in Tylo minore: Iuba circa fruticem lanugines esse tradit, linteaque fieri indicis præstantiora. laudant Arabes foliorum succum ad alui profluuium in pueris: semen ad tußim ad genituram augendam: oleum ex seminibus extractum lentigines & faciei pustulas atidas, lanuginem ad calorem fouendum in vestimentis. hodie sunt, qui lanagine semiuista sanguinem suppressimunt super imposita.

C A P . I I I .

NVPER ex Alexandria semen allatum est, simile semini Gossipij, sed lanagine nulla oboluente, quo ad Venerem impellendam vti tradunt; Bamiam Alexandrinam vocant: eo sato prouenit planta Gossipio similis caule foliis, & flore: fructu longiore, effigie parui Citreoli, in acutum fastigiato, colore viridi, subaspero, circa ramos erectos frequenti: intra fructum semina subrotunda, subnigra, quasi Vicicæ, subaspera, pluribus loculis digesta, sepientibus, candidis membranis: seritur aduentante æstate: perficitur in autumno: primis frigoribus perit.

ARI-

C A P . V .

ARISTOLOCHIAS duo genera apud nos reperiuntur: vna in sylvis nascens, pluribus ab eadem radice caulinis, simplicibus, infirmis, dodratalibus, aut paulo longioribus; in quibus folia fere sine pediculo hærentia, alternatim, rotunda; florem in alis foliorum fert longum, figura auriculæ brutorum, colore purpureo, & quasi nigro: fructum pendulum, figura parui Fici, rotundum, cutaneo cortice viridi; intus semina farcta triangulis laterculis similia, fungoso cortice obducta continentur sex ordinibus, membranis tenuibus, intercedentibus: radix subest rotunda, Mali amplitudine, tuberosa, exterius nigra, interiorius buxei coloris, amara, odore medicato. Altera lœto solo nascitur in campestribus: Pisis frequens in ruderibus: altiore caule, prope cubitali, crassiorique: folia oblongo pediculo adnexa, maiora, & oblongiora: flores fert ex viridi pallescentes: fructum oblongiorem, crassioremque: radices tenues, Iunci crassitudine, flauas, & odoratas, in quibus aliqua differentia notata est: nam quædam vnicæ radice constat, exili; quædam plures spargit; quædam pollicis crassitudine habet tuberosam, inæqualemque, quatuor digitorū longitudine. Dioscorides Aristolochiā appellatā esse tradit; quia puerperis opitulati creditur. tria eius genera tradit: primum rotundæ, quæ fæmina vocatur: foliis Hederaceis cum acrimonia odoratis, subrotundis, mollibus: multis ab vna radice germinibus, sed palmites longi: flores albi, pilei similitudine: quod autem in ipsis rubrum est, graue olenit. hæc descriptio videtur indicare duo genera rotundæ esse: vnum flore albo, odoratum; alterum rubro, graueolens. profectò apud nos nec flore albo constat, nec odorata est: sed graueolens, ac flore subnigro; sed forte transposita sunt verba, vt album non florì coniungendum sit, sed palmibus, vt hoc modo legatur: palmites longi, albi: flores veluti pilei inclusi intus rubro, quod graueolent. intelligit autem per palmites longos, & albos, qui intra terram conduntur ad radicem usque: nam in profundum latitat radix, à qua palmites exeunt, qui extra terram nequaquam longi sunt. Alterum genus idem Dioscorides longam Aristolochiam, & masculam vocat, & digitalem: folia habet inquit longiora, quam rotunda; ramulos tenaces, dodrantales: florem purpureum, graueolentem, qui cū defloruerit, redditur Piro similis: Radix rotundæ quidem in orbem congregata, Rapo similis; longæ autem digitæ crassitudine, dodrantis longitudine, ac maiore: utræque colore intus magna ex parte Buxeo constant; sapore amaro, & graueolentes. hæc descriptio, nequaquam nostris conuenit omni ex parte, vt patet. de tertia inquit: est & tertia longa, quæ Clematitis vocatur: ramulos habet tenues,

nues, foliis refertos subrotundis, Semperuii minoris similitudine: flores similes Rutæ: radices longiores, tenues, cortice crasso, & odorato, priuatum ad vnguentorum spissamenta utili. Hæc quoque descriptio nulli ex nostris quadrat, nisi lectio corrigatur. Quidam verbum Aizoon id est Semperuium, Asaron legunt: sed quod nam sit paruum Asarum, in certum est: forte & verbum paruum transpositum est: ut legendum sit: foliis refertos, subrotundis, Asari similitudine paruis: at huius modi flora potius nostræ rotundæ conueniunt. præterea relinquitur dubitatio de flore Rutæ: nam in nostra præter colorem luteum, nulla est Rutæ similitudo. dicendum est igitur nostras Aristolochias aliqua ex parte diuersas esse ab iis, quæ describuntur à Dioscoride. Plinius quartum genus addit, quam Pistolochiam vocat: inquit igitur inter nobilissimas Aristolochie nomen dedisse grauidæ videntur, quoniam esset ἀρίστη λεχόντως: nostri Malum terræ vocant, & quatuor genera eius seruant: unum tuberibus radicum: rotundis foliis inter Maluam & Hederam, nigrioribus, pinguioribusque: alterum Masculæ radice longa, quatuor digitorum longitudine, baculi crassitudine: tertium longissimæ tenuitatis, vitis nouelæ, cui sit præcipua vis, quæ Clematis vocatur, ab aliis Cretica: omnes colore Buxeo; caulinibus paruis; flore purpureo: ferunt bacculas paruas, velut Capparis: valent radice tatum. est & quæ Pistolochia vocatur quarti generis tenuior, quam proxime dicta: densis radicis capillamentis, lunci plenioris crassitudine; hanc quidam Polyrhison cognominant: odor omnium medicatus: sed oblonga radice, tenuiorique, gratori; carnosæ enim est corticis, vnguentis quoque Nardinis conueniens: nascuntur pinguis locis, & campestribus: effodere eas messibus tempestiuum, ita desquamato treno seruantur. maxime tamen laudatur Pontica, & in quocumque genere ponderosissima, quæque medicinis aptior: rotunda contra serpentes: oblonga in summa gloria est etiam modo à conceptu admota vuluis in carne bubula mares figurat: ut traditur. Piscatores Campaniæ radicem eam, quæ rotunda est, venenum terræ vocant, coramque nobis contusam immixta calce in mari sparsere, aduolant pisces cupiditate mira, statimque exanimati fluitant. Quæ Polyrhizos cognominatur conuulsis, contusis ex alto præcipitatis; radice porta ex aqua utilissima esse traditur. semine pleuriticos, & neruos confirmare, excalcare. eadem Satyron est. haec tenus Plinius. ex his colligo nostram Aristolochiam secundo loco descriptam, cui multæ sunt radiculæ, Pistolochiæ magis conuenire, quam aliis ullis.

C A P. V I.

CAPPARIS Italica seritur in edificiis; non enim prouenit nisi in falso: virgas multas fert ex quodam capite lignoso, simplices, cibitales, & ampliores, lignofas, fragiles, cortice rubro, ac leui; in quibus folia ex interuallis, sferica, crassa, & fragilia, flores ex alis foliorum exeunt, qui antequam dehiscant, magnitudine lupinorum colliguntur & aceto conditi in cibis expetuntur cum oleo: cum dehiscunt, flos explicantur ex rubro candicans, foliatus, staminibus in medio longis: fructus longo pediculo pendet, tenuior, & oblongior Aristolochia: radix crassae corticis, modice flauescens, graueolens. Aliud genus spinosis ramis constat, peregrinum: feruntur & ex Alexandria Aegypti flores, sale conditi, grandiores nostrate. Dioscorides describit illud genus quod aculeis constat his verbis. Capparis aculeatus frutex est, qui in terra stratus, magis in orbem euagatur: spinas ut Rubus habet in hami modum aduncas: folia Mali cotoneæ, rotunda: fructum Oleum similem, qui cum dehiscens panditur, florem candidum promit, quo excusso quoddam glandis oblongæ figura inuenitur, quod apertum grana acinis Punicorum similia ostendit parua, rubicunda: radices lignosæ spargit, grandes, numerosasque, tenui plerumque solo, asperisque locis in insulis & iuxta rudera nascitur: caulis & fructus cibi gratia condiuntur. Theophrastus inquit: culturam nullam patitur, natura sylvestris; ideo suauior urbana, ramis aculeigera: folium quoque hispidum fert. Plinius in Aegypto inquit: Capparis firmioris ligni frutex, seminisque & cibi vulgati, caule quoque vnde plerumque decerpto. cauenda eius genera peregrina; siquidem Arabicum pestilens; Aphricum gingivis inimicum; Marmaricum vuluis, & omnium inflationibus: Apulum vomitus facit, stomachum, & aluum mouet: quidam eum Cynosbaton vocant; aliij Opheostaphylen. seritur siccis maxime, area in defossu cauata, tipisque vndique circustructis lapide, alias euagatur per agros, & cogit solum sterilescere: floret estate: viresque ad Vergiliatum occasum, salubris familiarissimum:

C A P. V I I.

NYPHAEA in aquis stagnantibus nascitur, vulgo Nenufarum vocant: radice fungosa, & magna, crassitudine brachij, longitudine aliquando trium cubitorum, frequentibus acetabulis vndique excavata, vnde abscesserunt folia: folia fert pediculo longissimo, equante gurgitis altitudinem, ab eadem radice multa, ampla, sphaericæ,

ca, ad pediculum sinuata, figura Equini vestigij; vnde quidam Vngulam Caballinam vocant confudentes cum Tussilagine: caules fert nudos, & simplices inter folia, in cacumine sustinentes florem, Rosa ampliorē, qui dehinc aduentante sole, iterum clauditur eo recedente, aut nubilos differentia; nam quædam candidum fert, amplioremque staminibus in medio croceis, cui radix nigra: Altera florem ex toto luteum gerit, ac paulo minorem, radicem vero albam. Fructus utriusque calyci Papaveris similis, multis intus conceptaculis. Dioscorides inquit. Nymphæ nascentur in paludibus, & stagnantibus aquis: foliis Fabæ Aegyptiæ, minoribus, & longioribus, aliis in summa aqua, aliis demersis, pluribus ab eadem radice procedentibus: flore Lilio simili albo, & in medio crocos habente: cum defloruerit, extuberat, ut rotundum Malum, aut Papaveris caput: nigro semine, denso, & lato, lenti gustus: caulis est latus, niger, minime crassus, Aegyptiæ Fabæ proximus: radix nigra, scabra, clavæ similis, quæ autumno secatur. Nymphæ nomen sibi vindicasse videtur; quoniam aquosa amet. Est & altera, cuius flos Blephara dicitur: foliis antedictæ: radice alba, scabra: flore luteo, nitente, Rosæ simili. Theophrastus de Nymphæ inquit: radicem dulcem habet: nasci in lacustribus solet: Beoti Madoniam vocant: fructumque mandunt: gerit folia super aquam ampla, quæ imposita plagiis trita sanguinem sistere traduntur: utilis & ad intestinorum difficultates epota. Plinius inquit: Nymphæ nata traditur à Nympha Zelotypia, erga Herculem mortua, quare Heraclion vocant aliqui, alij Rhopalon, à radice clavæ simili: ideoque eos, qui libant eam duodecim diebus, coitu genituraque priuari: nascitur in aquosis: foliis magnis in summa aqua, & aliis ex radice prodeuntibus: flore Lilio simili, & cum defloruerit, capitii Papaveris: in caule secatur in autumno: radix nigra in sole siccatur: aduersatur aluinis. Est & alia Nymphæ in Thessalia amne Peneo: radice alba: capite luteo, Rosæ magnitudine. Hec Plinius. Quædam parua Nymphæ in aquis brevioribus nascitur: folio Asari: flosculo candicante, sub purpureo, qui ex tribus foliolis constat, simillimus Plantaginis aquatica: capitulum fert, ut Papaver Erraticum septis sex distinctum.

C A P. V I I I.

LOTUS Aegyptia ex hoc genere videtur esse, quamvis apud nos visa nequaquam sit: describit pulcherrime Theophrastus in hunc modum: qui Lotus vocatur, planis parte maxima prouenit, cum rura inundantur: huic natura caulis, similis Fabæ Aegyptiæ, & fructus eodem modo, verum minores, gracilioresque: nascitur fructus in capite, modo, quo in Faba: flos candidus Liliis foliorum angustia pro

ccccximus:

ximus: multi jac densi promiscui exent, sole occidente se comprimunt; caputque integrunt: ad ortum aperiuntur, & super aquam assurgunt, id que facit, dum caput perficiatur, floresque desuant: capitum magnitudo, quanta Papaueris maximi, & percingitur incisuris; non alio modo, quam Papauer: nisi quod in his fructus frequentior haberet, qui Milio non absimilis est. in Euphrate caput floresque mergi referunt, atque descendere usque in medias noctes, tantumque abire in altum, ut ne dimissa quidem manu capere liceat: diluculo deinde redire, & ad diem magis sole Oriente iam extra vndas emergere; floremque patefaceret, quo patenso amplius insurgere, ut plane ab aqua absit alte. Aegypti capita ipsa aceruis putrefaciunt, cumque tegumenta protruerint, in lumine lauando separant, fructum & siccantes persistentesque panem faciunt, eoque cibo utuntur. radix Loti Cotisum appellata, rotunda est; Cotonei Mali amplitudine, cortice nigro; quali nux Castanea legitur: corpus internum candidum: elixum assumque in speciem albuminis vertitur, gratum cibis: manditur etiam crudum, sed gratius decoctum, seu aqua, seu pruna. Dioscorides eamdem historiam fete ad verbum, sed brevius perstringit: at nullas facultates afferte, praterquam vsum in cibis, ut Theophrastus. Athenaeus Lotum hunc non videtur distinxisse a Fabo. Aegyptia, cum inquit: nascitur in ciboriis flos, qui coronis est aptus: hunc Aegypti Lotum solent nominare, at mei Maris dominantes Nautæ Melilotum, a quo coronæ Meliloticae, odoriferæ admodum, & aestatis tempore refrigerantes, quasi Melilotus sit Loti Aegyptiæ flos: Aliud tamen est Melilotum apud Dioscoridem & Plinium, de quo alibi sermo est. **CAP. LX.** Apud Dioscoridem, melilotum, euphratis omniuersi apparet illot: elongata si levior, si lata, surpeditata, rimbella. **CAP. LXI.** Iustini: audiuimus, boronem, **CAP. LXII.** melilotum, at nigrum, et aliud, at: onomatopæci nomen, velut in **CAP. LXIII.** A PAUER herba est, semine tantum singulis annis proueniens;

PAVER herba est, semine tantum singulis annis proueniens & caule recto, bisubitali, ramis quoque rectis: folia insunt subcandida, lauia, palmari longitudine, varie scissa, & inequaliter: flore gerit cacinminibus, calyce culaneo inclusum, antequam dehiscat, inclinatum ad tergum: erigitur postea dehiscens in quaterna folia, lata, & rotunda, amplitudine magna Rose, nunc candida, nunc purpurea, nunc rosea, nunc simbriata, crista in doto, nunc multiplici numero densa, at sine odore: caput præterea gerit amplitudine Malii rotundum, nunc oblongius, nunc depresso: operculo quedam stellatum superposito: intus conceptacula decem & usque ad quindecim, cartilagineis septis distincta, numero semine, ac minutissimo; septis insidente his quidem candido, his autem nigro: candidum gustui gratum in magno capite, & oblongo prouenit, & flore candido, quod innoxie sumitur ad somnum conciliandum: reliqua in gratiora sunt, & efficaciora: succus ipsam

laetens inciso caule & capitulis, copiosior & efficacior in nigris, qui con-
crescens nigrescit appellaturque Opium, præcipuum medicamentum
ad soporem inducendum & obstupefaciendum, sumpnum eti magnis
tudine: si amplius deuoretur lethargicos affectus inducit, & mortem.
At mirum Turcas hodie frequenti vsu assumere Opij drachmam vnam,
& amplius innoxie, nec tamen soporem inferre, sed animi alacritatem &
ferociam, ideo pugnaturi præsumunt: nam eo veluti inebriantur. Seri-
tut apud nos candidum: nigri generis sponte oritur quoddam capito
paruo in ruderibus: ex Hispania semina diversa nigri allata sunt, que
pulchritudinis gratia in hortis seruntur: Opium tamen apud nos nequa
quam colligitur, sed aliunde allatum venditur inter merces extereras.
Dioscorides Papauer satium vocat id, cui capitulum est longum, & se-
men candidum, quod in panes densatur in vsu sanorum: eo etiam ex
melle pro Sesama vtuntur. Sylvestre autem inquit caput habet depres-
sum, & semen nigrum: eius scapo succus lacteus emanat. Tertium ge-
nus sylvestrius, & ad medicinas valentius longius predictis, habens ca-
lycem oblongum: probatur succus, qui densus, & grauis est odore, mox
soporem faciens, amarus; qui facile aqua diluitur, albescens cum leuo-
re, non asper nec grummolus, non cere modo coheat, in sole diffunda-
tur, lucernis accēsus puram flammam reddat, extinctus odoris vim con-
seruet: adulterari enim variis mixturiſ ſolet. colligitur sincerus incisis
capitibus summa cute tantum ex obliquo, lachryma collecta digeritur
in pastillos: deterius efficiunt capitibus, ac foliis contusis, exprefſisque,
& in orbiculos digestis, quod Meconium vocatur. Theophrastus de
hoc Papauere loquens inquit: succus inest laetens: è capite lacti succa-
tio fieri ſolet, quod huic ſoli eſt peculiare, Plinius tum nigrum, tum can-
didum inter sativa numerat; candidum cuius ſemen roſtum in ſecunda
mensa cum melle apud antiquos edebatur; nigrum cuius ſcapo incido
laetens succus excipitur, cum deflorescit, hora diei ſereni, hoc eſt cum
Ros in eo exaruerit: incidi iubent ſub capite & calyce, nec in alio gene-
re ipſum incidentur caput: ſuccus Papaueris largus densatur, & in pastil-
los tritus in vimbra ſiccatur, non vi ſoporifera modo, verum ſi copio-
ſior hauriatur etiam mortifera per ſomnum, Opion vocant. ſubiungit
præterea notas, & adulteria ex Dioscoride.

C A P. X.

PA PAVER Erraticum, quod vulgo Rosolaccium vocant, in aruis
nascitur: folio nigriore, quam Papaueris, subhirsuto, diuifuris,
profundioribus, segmentis variis: caule tenue, cubitali: floribus
puniceis, magnitudine Papaueris: capitulum fert Fabę magnitudine.

oblongum: semen subnigrum. huius floribus in fatinam redactis vntur ad dolores lateris in potu: sudorem enim promouet, & dolores sedat: incoctis quoque in oleo latera pleuriticorum fouent: Alterum capitulo constat aspero, oblongiore: flore minori: foliis tenuius incisis. Dioscorides Rhœas Papauer vocat: nomen accepit à flore, qui protinus deciduus est: nascitur in aruis vere cū Hordeo, quo tēpore & decerpitur: folia ei incisa, Origano similia, aut Erucæ, aut Cicorio, aut Thymo: maiora & aspera: caulis lunceus, rectus, asper, cubitalis: flos puniceus, aliquando & albus, similis Anemonæ sylvestri: capitulum oblongum, minus tamen Anemonæ; semen fuluum: radix oblonga, subalbida, crassitudine parui digiti, amara. Theophrastus inter genera Papaueris sylvestris describit his verbis. Rhœas vocatum non absimile est Intubo Erratico; quamobrem in vsum venit cibarium: nascitur in aruis potissimum inter Hordeæ: florem rubrum fert: caput vnguis pollicaris magnitudine auget: legitur ante Hordei messem, atque viridis etiam purgat inferius; alia vero genera sylvestris tum apud Theophrastum, tum apud Dioscoridem alibi explicantur à nobis. Aequiuoce enim Papaveria dicuntur, vt quod Corniculatum vocatur, & alterum Spumeum. Plinius hoc quoque inter sativa Papavereta tertium numerat, quamquam alibi medium genus esse velit inter sativa & sylvestria, vt pote quod nisi in aruis esset, sponte nasceretur: Rhœam vocant Græci, id nostri Erraticum, sponte quidem, sed in aruis cum Hordeo maxime nascitur, Eruce simile; cubitali altitudine; flore rufso, & protinus deciduo; vnde & nomen à Græcis accepit.

C A P. X I.

NIGELLA vulgo dicta nascitur in aruis: caulinis tenuibus duorum dodrantum longitudine: folia fert ab radice, Ammi similia scilicet digitæ longitudine, vitroque latere scissa, tenuius quam Senecio: in caule autem fœniculo similia, sed multo breviora, cacuminibus ramulorum florem gerit cœrulei coloris, ex foliis quinque constantem: capitulum folliculari specie, rotundum in quinque cornicula desinentem, magnitudine Nucis, intra quod semina septis quinque membranaceis inclusa continentur, atri coloris, angulosa, & aspera, sapore iucundo, odorata: radix subest parua, colore flavo. Alicubi seritur, odoratius: tenuiori folliculo, foliis minus incisis. Extat & flore candido ex numerosis foliolis constante: semine multum odorato. Dioscorides Melanthion & Gith vocat, exilibus surculis fruticans, excedens saepe binos dodrantes: foliis paruis veluti Senencionis, sed multo tenuioribus: capitulum cacumine gerit paruum, vt Papaueris, oblongum, in-

tercursantibus intus membranis; quibus semen includitur nigrum, acre, odoratum, quod panibus inspergitur. Plinius optimum esse quam exactatissimi odoris, & quam nigerrimum tradit. Apud Theophrastum non reperio, quamuis Theodorus Nigellam vocet, quod Theophrastus Anthemon appellat. Est & semen longe odoratus, Nigellę simile, colore flavo, quam Nigellam Citrinam vocant: assertur ex Orientalibus inter genera Cardamomi, de qua diximus in Cardamomo.

C A P. X I I.

H A R M E L Constantinopolitanum suffrutex est Rutæ similis, tenuior, duorum dodrantum altitudine; multis ramis, in quibus folia varia; nam quædam sectionibus Rutæ similibus, ac si militer crassis constant, angustioribus tamen, & longioribus: alia tenuius scissa sunt instat Nigellæ: flores in summis ramulis candidi ex quinque foliis constantes in modum stellæ: capitula autem oblonga, Rutæ similia, ex tribus partibus constantia: intus autem semina farcta, figura triangula, candicantia, septis distincta sex: sapor totius plantæ subastrin gens, & nauseosus, odore ingratu. Huic satis conuenit descriptio Ruta sylvestris apud Dioscoridem, quæ Harmala dicuntur; quamuis alia etiam assumatur eo nomine, ut dictum est in Ruta sylvestri.

C A P. X I I I.

H E R B A Patis vulgò appellatur, herba in Alpibus locis umbrosis nascens: vnico ab radice caule, simplici, dodrantali, aut paulo ampliori: quaternis tantum in medio caule foliis, figura Plantaginis, veluti crucem efformantibus: quaternis aliis in cacumine exiguis, in quorum medio fructus est niger, acino vuç similis, sine flore, sed foliola predicta vicem floris gerunt: intra fructum semina continentur rotunda, in quatuor conceptaculis: radix subest longa, & tenuis, in capillares particulas dissecta, flavescentes. Ferunt semen drachmæ pondere haustum contra veneficia pugnare: quosdam, qui semistulti euaserunt, vel ob veneficia, vel ob longos morbos, viginti diebus hoc solo remedio sanatos.

C A P. X I I I I.

R VTA sponte quidem oritur locis asperis, & in saxo; seritur quoque in hortis ramo; caulem fert lignosum, scabrum: ramos multos virentes, ac laxes, in quibus folia ramosa, dissecta in foliolæ angu-

angusta, & oblonga carnosa ex viridi quasi cœrulea: flores in summis ramulis pallescentes, brevibus foliolis constantes: capitula rotunda, aspera, dura, in quatuor angulos desinentia: intus semina continentur quartenis conceptaculis: tota odorata est cum grauitate, & vehementia, amata quoque. Dioscorides Græce Peganon vocat: satiuam esse & sylvestrem: satiuam, quæ sub Ficu arbore nascitur, magis in cibos admitti: sylvestrem & montanam similem esse satiæ, acriorem hortensi, & in cibis dannatam. Aliud præterea genus sylvestris tradit, quæ Harmalâ vocatur, & Befasa, de qua nos alibi diximus. Theophrastus de Ruta inquit: caudice uno instar arboris spectatur: perpetue viret: cacumini bus perdurat amissis reliquis: prouenit germine: semine tardè nascitur, ideo serculo serere eam solent: aspernatur sumum: est etiam sylvestris. Plinius inquit in præcipuis medicaminibus Ruta est: latiora satiæ folia, rami fruticosiores: sylvestris horrida ad effeatum est, & ad omnia acrior.

C A P. X V.

CISTVS in collibus incultis nascitur, valde gracili solo, veluti frutex lignosus; ramulis prope cubitalibus, ruffis; foliis rotundis, ut Marrubij, minoribus, nigroribusque, simili modo crispis, hirsutisque, gustu acerbo: flores in summis ramulis fert candidos, simillimos paruis Rosis Moscatulis, sed sine odore: capitula carthilaginea, Cicere maiora, intra quæ lemna farcta continentur, quinque receptaculis distincta. vere, dum floret, alicubi Hypocistidem gignit presterim, si pluviæ præcesserint in collibus Pisanis & in Hua plurima nascitur. excenta radice Cisti germina quædam tenella, quatuor digitorum longitudine, assidue prope verticem crassiora, veluti in rotundum caput extuberantia, supra terram colore flavo, aut croceo: in eo vascula sunt rotunda, figura parui Mali Punici, continentia intus mucosam substantiam perlicidam, sapore valde acerbo. Alterum genus Cisti in arenosis maritimis nascitur; folio maiuscule, & candidiore: flores puniceos fert, latiores: fructum similem, sed conceptaculis quatuor distinctum, sub hac numquam Hypocistidem repertam scimus. Dioscorides illam quidem fæminam, hanc vero marem vocat; utramque his verbis describit. Cistus ramosus frutex est, sed non altus, foliosus, laxosius locis nascens: foliis rotundis, acerbis, hirsutis: flos masculo ut Mali Punicei; fæminæ albet. & paulo inferius: Hypocistis inquit iuxta Cisti radices nascitur, & quæ sequuntur. Plinius Græci inquit vicino vocabulo cum Ciso idest Hedera Ciston vocant, fruticem maiorem Thymo; foliis Ocyimi: duo eius genera: flos masculo rosaceus, fæminæ albet: sub his maxime nascitur Hypocistos.

C A P . X V I .

LADANVM vulgo appellatur frutex, odoramentum, quoddam ferens eodem nomine, altior Cisto; frequens in collibus maritimi mis, & asperis; foliis angustis, & longis, acuminatis, tactu glutinosis odoratisque: flores fert copiosos, Cisto fæminæ similes, paulo minores: capitula quoque seminis similia, tenuiora; extat quædam latiora folio prope ad Laurum accedens: ex neutro tamen, quod sciam, apud nos Ladanum colligunt, sed hoc ex Oriente aduehitur, substantia in pastillos coacta, odoratos, & nigros, quibus vnguentarij utuntur. Dielcorides ad Cistum genera reducit Ledon à nonnullis appellatum, qui frutex est simili modo nascens; longioribus foliis, & nigroribus, quæ verno tempore quiddam contrahunt pingue: foliorum vis astingens, ac eosdem, quos Cistus effectus præbens: sit ex eo, quod Ladanum dicitur, pinguitudine foliorum caprarium villiæ adhærente, dum depascuntur: inde enim depestant, & in offas cogunt, & ita recondunt. Alij attractis funiculis insidentem fruticibus lentorem abstergunt, conglomeraantque in Ladanum. Maxime probatur odoratum, subuitide, facile mollescens, pingue, quod harenas non collegit, nec squalore obositum est, resinosum, quale in Cypro dignitur: Arabicum vero & Lybicum vilius. Plinius variam Ladani historiam tradit: nam in Arabia apud Nabatæos capras, odoratorum fruticum auidas, succum ex illis distillantem barbarum villo abstergere; hunc glomerari in puluerem, & incoqui sole; & ideo in Ladaño caprarium pilos esse, quod genus Strobon vocant, verum antem. Ladanum in Cypri Insula esse simili modo Oesipum, hicorum barbis, genibusque villosis inhærens, sed hederæ flore deroso, pastibus marutinis, cum est rotulenta Cyprös: deinde nebula sole discussa in pulucrem madentibus villis adhætescere, atque ita in Ladanum depestant. sunt, qui herbam in Cyprio, ex qua id stat, Ladanum appellant: etenim illi Ladanum vocant huius pingue insidentis. itaque attractis funiculis herbam eam conuolvi, atque ita offas fieri. ergo in utraque gente biña genera terrenū & factitium: id quod terrenum est, friabile: factitium lentum quo loco Hederæ florem dixit pro Cisto, Cisson legens.

C A P . X V I I .

VAEDAM in Alpibus nascitur, locis saxosis, & asperis; folio breuiore, & laeviore quam Ladanum, ad Buxi folium accedente: odore Ladani, superne virenti, inferne subcandido, aut puluere quodam ferrugineo adhærente: frutex ramosus, ramis humi præsum-

cumbentibus, multis, semicubitalibus : fructus in summis ramis multi, Myrthi magnitudine oblongi, eodem puluere ferrugineo obsiti, distincti se & quinque flores speciosos similes Rhododendro; ideo quidam Rhododendron Alpinam vocant. Quoddam genus herbaceum & pusillum in Alpibus nascitur, locis humectis Belli pratensis similis : foliis ab radiis rotundioribus ; caulinis simplicibus, quatuor digitorum altitudine : cacuminibus florem album fert, ex quinque foliis constantem ; vasculum rotundum, semina continens, quatuor conceptaculis distincta.

C A P. X V I I I .

FERENTIVM multa ac disiuncta plurium seminum receptacula sub uno flore, pleraque valde medicamentosa sunt vel frigida vehementer, vt Semperuii genera ; vel calida. vt etiam venena existant, vt Aconiti genera, Veratrum. inter haec duas cum Maluis conus nire videntur; Una, quam quidam Altheam Theophrasti vocat, alij Abutilum Auicennæ : Altera, quæ est Hypocoum Dioscoridis. Quæ igitur Althea Theophrasti censemur ; caule constat Maluaceo, recto, ramis ad latera tendentibus : paucis foliis, longo pediculo pendentibus, rotundis, & in acutum desinentibus, serratis, hirsutis, subcandidis, Althea latioribus : Hosculos fert in aliis luteos, & veluti caput ex numerosis siliquis constans, ordine digestis in ambitum, vt Malua. in quibus semina nigra continentur subrotunda : peregrina est apud nos. De Althea superius diximus. incertius adhuc afferere possumus Abutilon esse Auicennæ inquit enim est planta similis Cucurbitæ, quæ vulnera recentia statim contumescit.

C A P. X I X .

HYPSCOV M in aruis nascitur: caulinis dodrantalibus; foliis Cannabis sylvestris, quam Alceam vocant, multo minoribus : florem fert pallidum, latiorem quam Malua : capitulum vesica inclusum, Alicacabi modo, quod quinque siliquis constat, nigris, & hirsutis, in quibus semina nigra continentur similia supradictæ. Dioscorides admodum breviter describit inquiens: nascitur in segetibus, aruisque : foliis Rutæ; exilibus ramis : natura eadem, quæ succo Papaveris. Plinius Hypicoon vocat, nec alias nothas addit præter traditas à Dioscoride.

C A P. X X.

SE M P E R V I V I genera, & quæ illis affinia sunt: foliis constant va-

de crassis, & pulposis, glutinoso succo: ideo difficulter exsiccatur,

viuuntque diutius aulis, vt germinent quoque, & floreat: fru-

ctus ferunt digestos in parvas siliquas in orbem, in quibus puluisculus

potius quam semen continetur: proueniunt non in terrenis, sed quasi in

nudo saxo, vt rectis & parietibus. Tria ad summum Semperuii genera

habentur ex magnitudine & paruitate distincta. Maius serpit iuncis ra

diculis, à quibus per interualla exoriuntur orbes quidam, constantes ex

foliolis, linguarum modo productis, & in acutum desinentibue: fibro-

fis radiculis lapidi affixis: ex medio orbe caulis æstate assurgit crassus, ro-

bus, simplex, foliolis tenuioribus circundantibus: in cacumine ramu-

los spargit veluti digitos, in quibus flores sunt ordine dispositi, figura

Chamæmeli, colore purpurascente. Alterum genus maioris ex Sicilia al-

latum est, arborea specie: caule lignoso, baculi crassitudine, non recto,

sed incurvo, & ramoso, intus rubro, vinosi odoris: assurgit in cubita-

lem altitudinem; foliis altero longioribus: flosculos fert iuxta folia lu-

teos minutos: seritur ramo, sed impatiens algoris: nam hyeme aspera

amittit folia: aliquando perit ex toto. Diocorides Græce Aizoon vo-

cat: describit autem his verbis: Semperuium magnum ideo nominatur;

quoniam perpetuo folia virent: cuius caules cubiti altitudinem im-

plent, interdum excedunt, pingues, crassitudine pollicari videntur, Cha-

racie Tithimali modo infecti; folia pinguia, carnosa, longitudine polli-

cari, in cacumine lingue similia: alia in terram conuexa, alia in capite

stantia inuicem; ita vt ambitu effigiem imitantur oculi: nascitur in mon-

tibus, & testaceis: supra domicilia etiam seritur. Hęc descriptio in po-

stremis verbis manifeste indicat vulgare Semperuium, primo loco à me

descriptum: sed altitudo caulis ultra cubitum; & folia longitudine pol-

licis magis arborescenti conueniunt. Theophrastus inquit semper du-

rate valet Aizoon humidum, & viride; quia folia pulpa constant car-

noса, quæ lœvia, & oblonga insunt, planis parietibus nascitur, nec non &

in tegulis, cum terræ volut confluum quoddam harenaceum factū est.

Plinius de Aizoo maiore: In fistilibus vasculis seritur, quod aliqui Bu-

phthalmon vocant, & aliis multis nominibus. Itali sedum magnum

aut oculum, aut Digitellum, aliqui Semperuium; quia vireat semper

imitatione nominis Aizoi apud Gr̄cos: cubiti altitudinem excedit, cras-

situdine plusquam pollicari: folium in cacumine lingue simile, carno-

sum, pingue, largo succo, latitudine pollicari: alia in terram conuexa,

alia stantia, ita vt ambitu effigiem imitantur oculi.

C A P. X X I.

SEMPERIVVM minus, quæ vulgo Vermicularia, ut Crassula minor appellatur, in parietibus nascitur, cauliculis dodrantibus, rectis, in quibus foliola sunt tereti figura, instar Vermiculorum, in neutrū desinētia: in cacumine veluti vmbellā gerit, floribus luteis, Hypertico similibus. Dioscorides inquit in petris parietinis, & maceris, & scrobibus opacis nascitur: caulibus ab una radice multis tenuibus, crebro foliatis, exilibus; foliis rotundis, pinguibus, mucronatis; fert autem ex medio foliorum caulem prope dodrantalem, gerentem vmbellam, & florem tenuem, & herbaceum: ubi verbum χλωρόν pro pallido videtur accipiendum esse. Plinius iisdem fere verbis describit: fruticosum à radice, & sursum usque ad cacumen: foliis angustis, mucronatis, succolis, palmo alto caule: radix inutilis.

C A P. X X I I.

SEMPERIVVM tertium minimum est, longitudine digitorum quatuor: cauliculis tenuissimis, infirmis; ideo ex subgrundiis, & ex parietibus pendent: foliis magnitudine grani Tritici, cinerei coloris: flores candidantes, aut lutei, pusilli, sapor aquosus, similis antedictis: Quoddam tamen ex iis, quæ florem luteum gerunt, gustatum paulo post fauces exutit: fructum stellatum ferunt. Dioscorides protetio Semperuiuo illud intelligit, cui vis est excalfaciens, acris, & exulcerans: hanc aliqui, inquit, Andrachnem sylvestrem vocant, aliqui Tephrium, Romani Illecebram, pusillis, crassioribus qui foliis, hirsutis, Portulacæ proximis; nascitur in saxis. Plinius est inquit Semperuiuo minor similis, quam Græci Andrachnem Agriam vocant, Itali Illecebram: pusillus, latioribus foliis; breuiori cacumine; nascitur in petris, & colligitur cibi causa: cui facultas eadē, que cæteris refrigerandi, & astringendi.

C A P. X X I I I.

CEPAEA in collibus umbrosis nascitur, similis Vermiculariis, foliis tantum latioribus, sed Portulaca angustioribus coloris cinerrei, aut subrubentis: flosculos fert ex purpureo candidantes, vel lateos. Altera in montibus; foliis brevibus, vnguis pollicis latitudine, densis, ut in Semperuiuo maiore. Dioscorides inquit Cepaea Portulacæ similis est, sed nigriora habet folia, & radicem tenuem. Plinius Cepaea inquit similis Portulacæ, nigriore radice, sed inutili, nascens in littoribus harenosis, gustu amara.

C A P. X X I I I.

DVAE sunt in parietibus opacis nascentes, vix excedentes quatuor digitos : foliis latitudinem vnguis, modice angulosis : quæ alteri quidem prope radicem densa sunt, ut in Semperuiuo ; alteri autem rara, quæ & ramosior est : flosculi candicantes : radix tenuis : fructus stellatus, ut in Semperuiuo tertio: Quidam Vmbilici speciem putat. Has apud antiquos ab vngue cognominatas censeo ; quia folia vnguium similitudinem gerant, & medentur vnguium morbis, quas Paronychias vocant : Dioscorides herbam Paronychiam appellat: exiguis est frutex, in petris nascentes, Peplo similis, minor longitudine, maioribus foliis : illata paronychiis, atque Fauis remedio est.

C A P. X X V .

VM BILICVS Veneris in parietibus nascitur, pediculis ab eadem radice multis, folium sustinentibus, rotundum, & laeriter concavum, acetabuli figura ; ex medio foliotum caulinus exit palum altus, tenuis, rectus, & simplex ; in quo flosculi subcandidi, veluti in spica ; fructus exigui, oblongi, deorsum inflexi : radix subest rotunda, & candida, Fabæ aut oliuæ magnitudine carnosa. Extat & grandior : folio latiore, circumleuiter corroso : altiore caule ; in quo foliola sunt Paronychia similia : hyeme viuunt : æstate exarescant, viuentibus radicibus. Cotyledon apud Græcos vocatur, de qua Dioscorides inquit : folio constat in acetabuli formam tornato, inevidenter concauo : breui in medio caulinulo, in quo semen inest : radice oliuæ modo rotunda : Plinius inquit Cotyledon paruula herba : caulinulo tenero, pusillo : pinqui folio, & concauo, ut coxendices, nascitur in marittimis, petrosisque, viridis : radice oliuæ modo rotunda.

C A P. X X V I .

CRASSVLA maior à recentioribus appellatur, ab aliis vulgo Falaria, in parietibus fertur, radice vel surculo infixo : caules ab eadem radice plutes fert, crassos, & pulposos, veluti Portulacæ ; & in eis folia effigie coclearis, mediocriter in longitudine excavata, & in ambitu parum corrosa, valde crassa, & frequentia, ambitum describentia ampliorem, quam Semperuum maius : sed quo magis caules attolluntur, folia inferna decidunt, & alia oriuntur minora : caule in gracilitatem attenuato ad cubitalem prope altitudinem : in cacumine vmbella

bellam fert flosculis ex viridi candicantibus, & capitula Hyperico similia, sed ex pluribus siliquulis congesta, ut in Semperuiuo: radices fert duas, aut tres, rotundas, Oliua longe crassiores, in radiculam tenuem desinentes: florēt autumno; vtuntur huius foliis ad Furunculos concoquendos integris superpositis, solum detractu cuticula, ut suo humore glutinoso hēreant. Alia in montibus oritur, locis vmbrosis: foliis minoribus, rarioribusque: floribus purpurascētibus. his videtur conuenire descriptio alterius Cotyledonis apud Dioscoridem, licet aliquæ notę dissonare videantur. describitur autem his verbis. est & alterum genus Vmbilici Veneris, quod Cymbalion aliqui vocant: pinguoribus foliis, latioribus, ligularum modo. densis circa radicem, medium oculi ambitum desribentibus, ut in maiore Semperuiuo, astringentis gustus: caulinco tenui; in quo flores, & semina Hyperici: radice maiuscula; facit eadem, quæ Semperuiuum. Quod in hac descriptione dissentire videtur à planta proposita, est caulis tenuitas, & flos Hyperici: nam reliqua satis cōsentint, præcipue nomen Cymbalion: excautum enim est folium in longitudine, ut videatur Cymba, quod est nauiculæ genus, non in rotunditate, ut in altero Vmbilico, sed tenuem eius caulem dicūm puto comparatione cum Semperuiuo maiore, cui similem dixit filiorum ambitu: at differt caulis tenuitate: flores autem luteos, quales Hyperici, non dum vidi, licet sint, qui testentur se luteis floribus vidisse. Plinius de altero Cotyledone inquit: est autem genus eiusdem sortidis foliis, latioribus, densioribusque circa radicem, velut oculum cingentibus, asperissimi gustus: longiore caule, sed pergracili, tot autem non ui hucusque Semperuiui generibus affinia:

C A P. X X V I . I.

ELLEBORVM album in Alpibus nascitur, præcipue in fenatiis cāpis, cespes ex pluribus caulis rectis constans, simplicibus, cibitalibus: caulis Harundinis modo folia conuentiunt, simillima Gentianæ, aut Plantagini, subhirsuta, & inferne candicantia, secundum neruos replicata: flosculi circa summos caules racematim coharent herbacæ: fructus parui ex tribus, aut quatuor siliquis constantes: radices multæ ex uno capite veluti bulbo descendunt fibrose, pallide: floret aestate. Alterum genus foliis constat latioribus, leuioribus ac magis virentibus: flores fert purpurcos summo caule in ramos digesto. Dioscorides inquit: Elleborum album à Latinis Veratrum album vocati: folia fert Plantaginis, aut Betae sylvestris, breuiora, nigriora, & colore rubentia: caulem cauum, palmi altitudine, tunicis conuolutum, quas abdicat, eum arescere incipit: radicibus nititur multis, tenuibus, ab oblongo & exiguo

exiguo capite Ceparum modo excentibus : nascitur in montibus & asperis : radices messibus colligendæ : eligi oportere candidum, friabile, carnosum, modice extenuum, nec tamen lunci modo mucronatum, nec quod frangendo puluerem emittit, & tenuem habet medullam, gustu non admodum feraens, neque salinam subinde ciens : huiusmodi autem strangulat, vomitione educit varios humores.

C A P. X X V I I I.

ELLEBORVM nigrum vulgare in collibus nascitur, frequens in sylvis præcipue inter Castaneas : foliis ab radice multis, longo pediculo, ac præduro, crassoque constantibus, latioribus Platano, frequentibus scissuris, in profundum actis, segmentis circumquaque serratis, & quasi hispidis extremis : caules media hyeme assurgunt ab eo dem globo radicum tres, aut quatuor, simplices, dodrantales, levces, ac striati, quasi Filicis, in quibus pauca folia, ac paucioribus diuulis : ex eorum sinu ramuli excunt florem sustinentes, magnitudine Rose sylvestris, colore herbaceo, durum, qui numquam deflorescit : in medio fructus continetur, qui tribus, aut quatuor siliquis constat, crassis, ac brevibus quasi Ciceris, in quibus semina rotunda continetur. Milio crassiora, quæ messibus perfecta sunt : radices ex quodam globo inæquali multæ, ac tenues, & nigrae descendunt. Alterum genus in Alpibus Pistoriensibus nascitur : foliis minoribus, magis humili sparsis, lentis, segmentis ad Laurum accendentibus, minus serratis, nigrioribus : flores fert candidos inferne perpurpurascentes, breuiori caule : in cæteris simile vulgari. Diotcorides de Elleboro nigro inquit Melampodium appellari à Melampode pastore caprarum, qui eo furentes in se prætidas primus purgasse & sanasse fertur. Folia ei viridia, Platano similia, sed minora, Sphondylii foliis proxima, subaspeta, nigriora, pluribus diuisitis incisa : caulis asper : flores candidi, purpurascentes, racematis coherentes : semen Cnici, quod in Anticyra Sesamoides vocant, quo deiectiones moliuntur : radicibus cohæret nigris, tenuibus à capitulo Cepè simili confibratis, quarum est usus : oritur in collibus asperis, & sitientibus locis, optimum in Anticyra: eligi debet corpulentum & plenum, in quo tenuis sit medulla, acri gusto & feraens : purgat ventrem, detrahens bilem & pituitas, dracma una, aut obolis tribus per se, vel cum Scamonia & salibus. Constitum proxime radices vitium vinum purgandi facultate donat celeriter effodi radicem oportet; quoniam habitu caput testat: ileo fossuri Allium præsumunt & vinum: emedullatut albi veteri modo. sed hæc descripçio aliqua ex parte neurris supra dictarum conuenit; neque enim flos racemosus inest; neque semen Cnico simile; neque caput

caput radicis Cæpam imitatur aliqua ex parte . Existimo autem mēdam aliquam subesse, in quibusdam nigro Elleboro tributis, quæ potius albo conueniunt : nam flos racemosus, & caput Cæpæ simile, quod & tunicis inuolutum est in albo reperitur . Quod autem de fructu scribit Cnico si mile, forte pro Cnico Græce Leucon legendum, idest album , ut significet fructum nigri Ellebori esse albo similem , quem Sesamaceum Theophrastus rectius . In albo quoque Elleboro apud Dioscoridem est aliiquid, quod ex nigro mutuatum fuisse videtur, scilicet caulis palmi altitudine, cum potius cubitalis, & altior in albo sit; & quod tempestiuum est messibus colligere, in nigro quidem cōsentaneum est rationi ; eo enim tempore caulis exarescere incipit, quæ est oportunitas colligendi radices & in cæteris omnibus : at eo tempore album vix florere incipit : ideo rectius Theophrastus albi , colligendi tempus in autumno dixit . sed & apud Theophrastum varia vtriusque Ellebori traditur historia, ob variā relationem . Alij enim Ellebororum album & nigru similia esse aiunt, præter quam quòd radices colore inter se differant: esse namque alterius candidam, alterius nigrā . Alij folium nigrū Laureum; candidi Porraceum reddunt : radices autē similes colore excepto . Qui igitur similia esse dicunt, hāc aiunt formam esse : caulem Antherico similem valde breuem: folium late scissum, simile Ferulæ, ingenti longitudine, statim ab radice exiens & humili stratum : radicem large multiplicem, quæ scilicet prætenues constant, atque utiles sint; nigrum equos, Boues, suesque, necare affirmant, & idcirco eum cauere : candido pecudes nimirum vesci, atque hinc primo vim depræhensam, cum illo pecudes purgarentur : tempestiuā collectio in autumno : in vere intempestiuā; Niger ubique nascitur, at candidus locis paucissimis exit : optimus nascitur in Oeta monte, & eius parte vna tantummodo, vbi plurimus est eius prouentus: amat loca algentia , miscetur in potionē, vt vomitio bene succedat , Ellebori næ semen; hēc herbula quedam est. alibi scribit Ellebori caulem esse Ferulæ proximum: radices imas & firmiores succidi oportere; supernam enim in caput extuberantem inutilēm esse , & canibus dandam cum purgandum est . In Anticym Fructu eius purgantur , quem Sesamaceum fert . sed quod vtrique à quibusdam tribuitur folium late scissum, Ferulæ simile, & vt Dioscorides inquit Sphondilio, conuenit nigro tantum. Plinius quoque in vtriusque descriptione ambigit: nam inquit prima eius genera duo sunt, candidum & nigrum ; hoc radicibus tantum intelligi tradunt plerique. alijs folia nigri Platani similia, sed minora, nigrioraque, & pluribus diuisuris scissa . Albi Betæ incipientis , hæc quoque nigriora, & Canalium dorso rubescantia . Hucusque Dioscoridem securus est: sed postea alios sequitur qui similia tradunt inquiens . vtraque caule palmi ferulaceo, bulborum tunicis conuoluto, radice fibrata Cęparum modo :

do: quæ profecto condic̄iones albo insunt, excepta breuitate palmi.
 Addit in Italia Veratrum vocari, ab aliis Melampodium: vnum eius genus à Melampode diuinatoria artis celebri, aut ab altero eiusdem nominis Pastore inuentum, quem tradunt Capras animaduertentem pastu illo purgari, datoque lacte earum sanasse p̄xidas furentes. Hoc genus Galenus Elleborum album esse testatur quod & ex Theophrasto colligeretur licet afferente, pecudes albo vesci, inde que iura purgandi deprehensam fuisse. cum tamen appellatio Melampodij nigro tribuatur tum à Dioscoride tum à Theophrasto. Huius occasione consilio Ellebori fructum, quo in Anticyra ad purgationes vtebantur Sesamoides vocantes, ex albo potius fuisse quam è nigro. nigrum enim caueri ab animalibus tradit Theophrastus. nam interficit equos, Boues, & suos, cuiusmodi noxa non inest in candido, cum id innoxie dep̄fatur à pecude. è conuerso tamen radicibus cōtingit: albi enim radices strangulationis periculum afferunt, nigri nequaquam. Et quod scribit Plinius candidum Elleborum quoniam terribile fuisse, postea tum promiscuum, vt plerique studiorum gratia ad prouidenda actius, quæ commentabantur, s̄p̄ius sumptauerint, de fructu intelligēdū puto. Cai neadem enim inquit responsū Zenonis libris: Drusum quoque Romanum constat hoc medicamento liberatum comitali morbo in Anticyra insula: ibi enim tutissime sumitur; quoniam Sesamoides admiscent. sed vt ad nigrum Elleborum revertamur. Illud legittimum censeo, quod in montibus oritur: foliorum segmentis ad Laurum accendentibus, vt Theophrastus est author: flore candido superne, inferne purpureo, vt Dioscorides innuit, flores tradens candidos purpurascentes. At vulgare Elleborum nigrum merito adulterinum dici potest, finitimum tamen non solum specie, sed & viribus: ob id non abe fuerit Consiligenem intelligi apud Plinium, cuius radix suum & pecorum omnium remedium pr̄fens est, pulmonum vitio vel traiecta tantum in auricula: bibi debet ex aqua, haberique in ore assidue sub lingua; nam similem facultatem Elleboro nigro tribuit pecorum & iumentorum pituitas sanare, surculo per aurem traiecto, & postero die eadem hora exempto. Hodie rustici remedium id nouerunt Ellebori vulgaris radiculam in hunc usum usurpantes, vulgo Radichiellam vocant.

C A P. X X I X.

ENNBAPHYLLON à Plinio vocatur ob nouenarium foliorum numerum, quidam pro Ellebora nigro accipiunt, sed valde ab eo recedit, quamuis in eodem genere sit. Foliata est non ab radice, vt Elleborum nigrum, sed in caule tantum. Caulis est crassus, fere baculis eratitudine, brevis, in quo frequentia sunt folia, figura Cannabis, in ne-

uem partes ut plurimum diuisa, veluti digitos, robusta ea sunt, & levia: in cacumine comam latam fundit, in quo flores Ellebori nigri, sed minus patuli, coloro herbaceo extremis labris purpurascens: fructus similis: radix subest oblonga, & nigra, tenuioribus villis fibrata: oritur in eisdem locis, in quibus Elleborum vulgare. Plinius inquit Enneaphylon longa folia nouena habet, causticę naturę: imponitur lana circumdata ne vrat latus: continuo enim pustulas excitat, lumborum dolosibus, & coxendicibus utilissimum.

C A P. X X X.

ELLEBORINA in collibus nascitur frequentissima in agro Fesula no: multis ab eadem radicem foliolis, quatuor digitorum altitudine, rotundis, circumquaque scissis, figura Anemonę, aut Geranij, laeibus: florem fert in medio folio luteum paulo post brunnam: siliquas tres aut quatuor Elleboro tenuiores, in quibus semina Miliij instar: radices subsunt candidæ, breues, multæ, aceruatæ, similes minori Chelidonio: arescunt folia, perfecto semine, nondum exacto vere. Theophrastus Elleborinam tradit herbulam quamdam, cuius semē cum Elleboro miscetur in potionē, ut vomitio bene succedat. Dioscorides Epipactim vocari tradit ab aliis Elleborinam, paruam herbam: exiguis foliis, que iocinoris vitiis vtilis & contra venena pota. eadem Plinius habet, in Asia & Græcia nasci.

C A P. X X X I.

STAPHISAGRIA semē est peregrinum apud nos, valde scabrum, nigrum, angulosumque, magnitudine Cicerculę, quod comman ducatum pituitam valentem extrahit, & capiti oblitum ex oleo pediculos interficit; unde vulgo herba pedicularis vocatur. hoc fato plan ta prouenit cubito altior; caule recto, hirsuto: ramis quoque rectis folia fert vitis modo scissa, hirsuta, pinguis: flores circa summos ramulos cærulei coloris, figura floris Capuccij sed decurtata cauda: siliquas ternas vel quaternas Ciceris crassitudine, hirsutas, in quibus semina farcta continentur: annua est planta. Dioscorides inquit Staphisagria folia habet Vitis lyluestris scissa: cauliculos rectos, molles; florem Glasto similem: folliculos virides, similes Ciceri, & in his semen triangulum, asperum, ex nigro rufescens, intus, album, gustu feruens. vbi flos Glasto similis non de figura herbe accipiens videtur, sed de colore, quem Glastum inficit. Plinius Astaphisagriam vocat, & Staphim, quam vuam Tamiaiam aliqui vocant falso: cauliculis nigris, rectis: foliis Labruscę fert

fert folliculos verius quam acinos virides, similes Ciceri; in his nucleus triangulum: maturescit cum vindemia, nigrescitque: non nisi in operis oritur.

C A P. X X X I I.

NAPELLI duo genera nascuntur in Alpibus inter venena atrocissima quorum unum multis constat radiculis, Ellebori nigri modo fibrosis: Alterum vero easdem habet, rectis modo contestas, cauitate in medio relicta, quod & atrocius est: utraque caulem retum ferunt, cubito altiore, aliquando bicubitalem, leuem, striatum: folia reticulata Napello rotunda insunt, & incisa instar Anemonae, multo latiora: flores circa summos ramulos cærulei, figura Staphisagriæ, tenuiores: alteri folia Platani, minora candidis maculis: flores pallidi: figura similes alteri; utrumque paruas siliquas fert, ternas, vel quaternas, in quibus semina Elleboro similia continentur. Utuntur radicibus ad lupos enecandos & mures, earum farina carnis admixta, aut aliis cibis, praesertim generis reticulati, putatur esse apud Auicentiam Napellus venenum perniciosum, in summo calidum & siccum, cui inquit resistimus, qui in eius radice moratur eam vescens. Quamuis autem nullæ tradantur nothe; tamen ex nomine, quod hucusque retinuit & ex effetu asserere possumus venenum id esse, quod scribit Auicenna similiter apud Dioscoridem putandum est inter Aconiti genera recenseri, quod Lycoctonum vocatur foliis venatoribus in usu ad lupos interficiendos, & alia animalia: idcirco etiam Dioscorides indescriptam reliquit. Tria enim Lycoctoni genera esse tradit, unum, quo virtutur venatores, alia duo in suum usum vertere Medici: describit autem solum tertium, quod Poticum nominatur, de quo mox agemus.

C A P. X X X I I I.

DVAB in montibus nascuntur frequentes in sylvis, quas vulgo Dentarias vocant, distat inter se magnitudine; nam maior folia fert ab radice diuisa in septem, ut plurimum partes, Ellebori nigri modo, mollia, angulosa Cicerij modo, inferius subcandida: caulem simplicem, cubitalem, aut paulo breuiorem, in cuius cacumine unicum folium, similiter diuisum sustinet, è cuius sinu ramulus attollitur, in quo flores candidi, ut Leucoij & siliquæ simplices, quod in hoc genere paucis contingit: radicem digitæ crassitudine summa tellure oblique tendentem, frequentibus geniculis pulchre dearticulata, colore candido, splendentem Alabastri modo, quasi dentes, unde nomen assumpsit, quem tamè vetustate nigrescit, sobolem à lateribus candidam ferens: haec tantum in

Euge altissimis

altissimis nascitur. Minor ad decliviora etiam loca descendit; minoribus multo foliis, & in pauciores partes diuisis, in caule pluribus per interualla dispositis: radices simili figura tenues fert, nigricantes; flosculos purpureos: siliquas exiles: peculiare huic, nam in foliorum alis singulis sobolem gignit, quæ sunt radiculæ ex duobus aut tribus geniculis constantes, nigre veluti patua Mora, quæ in terram decidentes germinat: idcirco raro in hac reperiuntur flores, & siliquæ, cum sobole apta nata sit facilius, quam semine propagari. Altera etiam est huic similis, breuior, non ferens soboles suptadietas. Lycoctonum Ponticum Dioscorides vocat inter Aconiti genera, inquit enim: plurimum in Italia nascitur montibus Iustinis: foliis effigie Platani, crebriore diuisura, multo longioribus, ac nigrioribus: caulem fert Filicis pediculo similem, nudum, cubitalem, aut maiorem: fructum in siliquis aliquantum longis: radices veluti Squillæ marinae Cirri, nigre, quibus vntuntur ad luporum venationes: nam crudis carnibus insertæ & deuoratae lupos enecant. Hæc descriptio longe magis quadrat Dentariæ vulgo appellatæ, quam Napello: quamvis & illi folia sint Platani, at minora, non longiora, vt Dioscorides tradit. præterea radices Napelli quam similitudinem habent cum Squilla marina non video: Squilla enim oblongam figuram habet, ac recurvam, squamis quibusdam intersectam: cui Dentariæ radices maxime assimilantur. Sed quis merito dubitaret; quia caulis nudus, quem Dioscorides Lycoctono tribuit, neque Dentariæ, neque Napello conuenit; folia enim utrumque serunt non solum ab radice, sed & in caule. at hæc conditio Dentariæ quidem quadrare posset, Napelo autem nequaquam: nam Dentaria unicum folium in cacumine gerit, veluti Filicis pediculus, vt Dioscorides inquit: non enim caulis simpliciter nudus dicitur, sed veluti Filicis pediculus nudus, folium sustinens. Theophrastus Aconitum vocat, quod inquit in Creta nasci, & Zaczyntho, sed plurimum optimumque in Heraclea Ponti: habet folium Cicoraceum: radicem similem figura & colore Squillæ (at hic vulgati codices non κερπίδη legunt, idest Squillæ similem, vt Dioscorides habet, sed κερύκη, idest Nuci, qui error manifestus est) aiunt vim illam mortiferam in hac esse: folium autem & fructum nihil nocet: fructus autem est herbe non surculosæ: brevis ea herba est, nihilque superflui habet, sed instar Tritici, non tamen in spica fructum fert. nascitur ubique, & non in Aconis solum, vnde appellationem sortite est. is autem Vicus est Periandynorum: amat maxime loca petrosa: nec pecus ea pascitur, nec animal vnum componi quadam ratione affirmant, vt efficaciam habeat, nec nosse vnumquemque: idcirco medicos compositionis eius ignatos, & ad vsum putrefaciendi, & ad alia quæcumque, nullam impressionem facere, siue in vino, siue in melicrato propinetur. componi autem ita ferunt, vt certis

tis occidere temporibus possit videlicet bimestri, trimestri, semestri, anno cōpletō, nonnullam etiā biennio: at pessime illos de vita discedere volunt, qui plurimum temporis resistere possint: paulatim enim tabescat corpus, & languore pereat diuturno, est necesse: facillime illos, qui confessim obeunt, remedium nusquam esse compertum, sed falso dici quodam aliud resistens illi nasci: non enim herba sed melle & mero & quibusdam huiusmodi seruari aliquos potuisse: atque id raro factum, summaque difficultate. Aconitum inutile iis, qui præparare ignorant, nec licitum possidere, sed capitalem penam institutam. temporis differentiā pro collectus ratione sequi autuunt, mortes collectuum temporibus comparēs euenire. ex hac Theophrasti historia satis comprobari potest: Aconitum Ponticum, quo & scatet Italix Apenninus Dentariam esse: foliorum enim segmenta Ciceracea sunt; simplex caulis, nullis ramis, vt Tritici, quod si quis experimento efficaciam forte non inuenērit, non mirabitur, si ea, quæ ex Theophrasto scripsimus, perlegerit.

C A P. XXXIIII.

VLPARIA in Alpibus appellatur herba foliis alterius Napelli, non reticulati, paulo minoribus, caulinis dodrantalibus, quorum cacuminibus flos insidet, Ranunculi modo aureus, latior, quo decidente capitulum gerit, ex multis siliquis brevibus factum: radices fert fibrosas, vt Ranunculus, quibus vulpes necati tradunt. Altera folio constat rotundo, integro, tantum serrato; floribus minoribus; siliquis vt supradicta capitulum formatis: oritur in humectis Alpium.

C A P. XXXV.

VAEDAM in Alpibus Liguriæ nascitur: foliis tenuissimè incisis, vt Floris Capuccij: floribus pallidis: radicibus binis, aut ternis, subrotundis, testiculorum modo: appellant Antoram, quamuis apud Hermolaum Syluaticum alia ostendatur sub eo nomine. Celebrant hanc aduersus venena Napelli, cum tamen videatur illi esse congener, & in eisdem locis nascatur. Putatur esse Zedoaria Auicennæ, de qua inquit: sunt portiones similes Aristolochiæ, minores tamen & eiusdem virtutis: Et melior est illa, quæ cum Napello crescit, & eius vicinitas debilitat plantam Napelli: Efficacior est Doronico; nam resistit Napello, & est antidotum omnium venenorū. Alibi Algieduar & Zeduar vocat idem significans. Diximus in India Geiduar vocari radiculam, translucidam, Glandi similem, ad venena celebratam. At nostra nigra est extrius, interius candida, mollis, pinguis, & lenta, etiam cum

diutius asseruata fuerit, non sine quadam perspicuitate: sapor cum aliqua dulcedine, ut Doronici, sed linguam mordet: cum scissa est, nigredinem assumit. Videtur idem Auiceona hanc eamdem intellexisse, cum de Napello loquitur, inquiens appellari Napellum Moysi, quæ herba est nascens cum Napello, cum aliæ herbæ apud illum non crescant, aut non frutificent: & est maius antidotum ad Napellum: Sed cum addit eodem nomine intelligi animal, quod moratur in radice Napelli sicut mus, antidotum omni veneno, & viperæ: murem Napelli alias vocat, qui eo nutritur: forte hæc radix ob figuræ similitudinem muris nomine donata est. Alia verò est Zedoaria vulgaris, quæ Zurumbet ab Arabibus dicitur, ut alibi explicatur.

C A P. X X X V I.

POENIA in Alpibus nascitur: stolones ab eadem radice plures ineunte vere mittit, rubentes, crassos, qui in folia explicantur, ramosa, ramis tripartito assidue diuisis: foliorum segmenta oblonga sunt figura, & magnitudine Nucis Iuglandis: caulis simplex, rectus, semicubitalis, in cacumine unicus flos, grandis, amplitudine Rose rubens, quo decidente siliquas fert tres, aut quatuor, ex uno callo indiuersa tendentes, crassitudine Amygdalæ, recurvatas: qua in autumno dehiscentes semina ostendunt initio quidem rubra veluti Punici grana, postea autem nigra, subrotunda, crassitudine viciæ: radix crassa est, & ramosa, candida pulpa constans, graueolens: Pœonia mas vocatur. Altera fæmina foliis tantum distans & radicibus; folia enim numerosius diuisa sunt; ideo segmenta minora, inferius candicantia, & subhirsuta: radix diuisa, in orbiculos, alios quidem exactè rotundos, alios oblongos, figura Glandis, aut Asphodeli. Dioscorides vtrumque genus describit his verbis: caulis duorum dodrantum longitudine adolescit, comitantibus aliis, quâpluribus: folia masculæ Iuglandi similia, fæminæ diuisa, ut Smirnij; in cacumine caulis siliquas fert Amygdalis similes, quibus dehiscentibus grana reperiuntur rubra, exigua, multa, Punicis similia; aliis in medio nigris, purpurascientibus quinque aut sex. radix Mari digitæ crassitudine, palmi longitudine, gustu astringens, alba: fæminæ adiunctæs habet veluti Glandes septem aut octo, ut Asphodelus. nascitur in altissimis montibus & præruptis; Apud Theophrastum Theodorus Castam vertit inquiens, alij Dulcisidam vocant, noctu effodiendam præcipiunt: nam si interdiu & à Pico Martio quispiam visus sit, frumentum quidem legens, oculis periclitabitur: radicem autem secans procedet in sedem. Plinius inquit vetustissima inuentu Pœonia est, nomenq; authoris retinet: nascitur opacis montibus; caule inter folia digitorum

qua-

quatuor, ferente in cacumine veluti Græcas Nuces, quatuor aut quinque: inest iis semen copiosum, rubrum, nigrumque: hæc medetur & Phaunorum in quiete ludibriis.

C A P. X X X V I I.

DI C T A M V M album vulgò appellatur in mōtibus nascens: pluribus ab eadem radicē caulis, cubitalibus, rectis, ramis quoque rectis: in quibus folia insunt diuisa, figura Fraxini; vnde quidam Fraxinellum vocant, odore medicato: Flores circa summos ramos sunt subrubentes, ampliores, Leucoio, odore Cinnamomi; siliquæ quaternæ, aut quinæ, latæ, ac breues, in quibus semina splendida, nigerim coloris, subrotunda continentur. radices ab eodem callo plures, farmentosæ sparguntur, candidæ, amaræ, quibus vtuntur ad lumbricos ventris Enecandos, ad venena & pestem efficaci admodum remedio.

C A P. X X X V I I I.

AQVILEGIA vulgò appellatur herba, in syluis nascens, quæ & seritur in hortis ob floris pulcritudinem: folia fert ramosa Pœonia fæmina, sed rotundiora, candidiora, ac magis diuisa, effigie Chelidonij maioris: caules plures rectos, ramosos, læues, duorum dodrantum longitudine, in quibus pauca folia, ac minus diuisa, cacumini bus florem gerit speciosum, in multa foliola conuoluta digestum, caudiculis à tergo singulis, reflexis, vt singula imitentur columbas inuicem exosculantes; ideo quidam Columbinam vocant: color aliis inest cœruleus, aliis candidus; & in vtroq; genere alias simplicior est in partes quinque grandiores digestus; alias numerosis constat foliolis: decidente flore, siliquæ nascuntur quinque, oblongæ & inuicem conuolutæ, in quibus semina splendida, ac nigra vt Dic̄tami albi continentur, tenuiora, in angulum acutum desinentia, sapore grato. radix subest breuis, & crassa. Theophrastus, vt puto, hanc Iasionem vocat, vt ex floris descriptione colligere licet: inquit enim inter florū differentias nonnulli etiam folio uno emergunt, descriptionem tantum plurium ostendentes, vt flos Iasione: in hoc enim haud quaquā folium vnumquodq; discernitur, nec conceptaculo pars infirma eget, sed postrema in angulos exeunt; hæc tantum habentur de Iasiona apud Theophrastum. Sed Plinius duobus in locis de Iasione agens, videtur diuersam intelligere: uno enim in loco Theophrastum sequutus inquit: Iasione vnum folium habet, sed ita implicatum, vt plura videantur: alibi inter olera inquit: & Iasione olus sylvestre habetur, in terra repens, cum lacte multo: flotem fert candum,

dum, Concilium vocant, cuius commendatio ad stimulandos coitus : cruda ex aceto in cibo sumpta, mulieribus lactis vertatem praestat : salutaris est phtisim sentientibus : infantium capiti illita nutrit capillum, tenacioremque eius cutem efficit. Hermolaus testatur apud Plinium utroque loco pro Iasione Lassinam antea legi depravata : forte autem in altera menditione non depravata legebatur : significari enim videtur genus conuoluuli, quod inter olera recipitur: vel in genere Rapunculi constitui possit; nam & hec lacte saturata recipitur, & inter oleum.

Finis Libri Quintidecimi.



A N-

ARETINI

DE SVFFRVTICIBVS ET HERBIS.

LIBER SEXTVSDECIMVS.

CAP. PRIMVM.



NVM tantum relinquitur plantarum genus, quod nullum semen molitur; idcirco neque verum caulem, neque florem gerit, sed aut iis omnino caret; aut quædam cauli ac semini proportione respondentia, ut Equiseti genera; quædam ex his radice tantum constare videntur, ut Tubera; quædam solo folio, ut Lenticaula palustris; fungi pediculo & folio constant; Alga radice & folio. Quæ radice constant pediculo & folio, ad perfectiores accedunt magis; ferunt enim in folio quid, quod vicem seminis gerit, ut Filix, & quæ illi affinia sunt, de quibus primo dicendum est.

C A P. I I.

FILIX copiosa nascitur in montanis, & tenui solo, ut totos colles, impletat: bicubitali altitudine, & ampliore: singulari pediculo at tollitur, crasto, duro, læsi, striato, cubitali, cuius cacumem finit in ramos magnos, qui in alios minores dividuntur, foliolis utrinque oblongis, & angustis, frequentibus, serratisque: in aduersa parte furfura, cea quædam lanugo est, copiosior in tenellis, nuper erumpentibus è terra; nam procedente tempore decidit, renascique compertum est ex ea lanugine: nam proiectis filicibus ubi antea non fuerint, oritur copiose. A' Græcis Pteris vocatur, quia imitatur Auium pennas: Dioscorides inquit: folia sunt sine caule, & sine flore, & sine fructu, ex uno cubitali pediculo incisa, & alarum modo expansa, odore subgraui: radicem habet in humma tellure nigram, oblongam, cui appendices multæ sunt gustu subaustero: nascitur in mótois, petrofissisq; locis. Theophrastus de Filice inquit: folia multifida, & quasi serrata insunt: hanc simo superiecto interire affirmant, interim & pecore incumbente, radix tantum utilis est, sapore ex dulci austero: Vermem latum expellit: semen non habet, neque succum: præcidi tempestive in autumno ferunt.

C A P. I I I.

FILIX Fæmina in umbrosis nascitur : multis ab eodem cespite foliis, simplici pediculo constantibus, statim à terra folioso, ferme cù bitali : foliolis simili modo incisis, longioribus, instar prægrandis auium pennæ. Dioscotides Theliphterin vocat id est fæminam Filicem : folia inquit fert Filicis, non singulari pediculo, ut illa, sed plures habentia appendices, ac productiones : radices longas, in obliquum tendentes, plures, ex nigro flavescentes, quasdam rubras. Theophrastus inquit: differt fæmina Filix à mascula, quod folium unico artu porrectum hæc habet, & radicem crassam, & longam & nigram ; utilis hæc contra interneorum animalia lata melle subacta: & contra tenuia in vino dulci cum farina hordeacea data : si mulieribus grauidis detur, abortum facere; si cæteris, steriles in totum reddere aiunt. Plinius Filicis inquit duo genera, nec florem habent, nec semen : Phteris Græci vocant; alij Blechon : cuius ex una radice quamplures exeunt Filices, bina etiam cubita excudentes longitudine, non graues odore: hanc marem existimat. Alterum genus Theliphterin Græci vocant, alij Nymphæam Phterim : est autem non singularis, atque fruticosa, brevior, molliorque, ac densior; foliis ad radicem canaliculata. utriusque radice sues pingueſcant. folia utriusque lateribus pinnata; vnde nomen Græci imposuere. radices utriusque longæ, in obliquum nigrae, præcipue cum inaruere; siccari autem eas sole oportet. nascuntur ubique, sed maxime frigido solo: effodi debent Vergiliis occidentibus: usus radicis in trimatu tantum, neque ante, neque postea. pellunt interneorum animalia: ex his Tinea cum melle, cætera ex vino dulci triduo potæ. utraque stomacho inutilissima: aluum soluit primo bilem trahens, mox aquam: neutra danda fæminis; quoniam grauidis abortum, cæteris sterilitatem facit. Fæmina earum tetris ulceribus inspergitur: iumentorum quoque ceruicibus: folia Cimicem necant, serpentem non recipiunt: ideo substerni utile in locis suspectis: vestigia etiam fugant nidore. Filix biennio moritur, si frondem agere non patiaris: id efficacissime contingit germinantis ramis baculo decussatis: succus enim ex ipsa defluens necat radices. aiunt & circa Solstitium auulas non renasci, nec Harundine seetas, aut exaratas vomeri Harundine imposita, similiter & Harundinem exarati Filice imposita vomeri præcipiunt.

C A P . I I I I .

FILIX palustris prouenit in palustribus Pisanis, non limosis, sed arenosis, fruticosa; pluribus scilicet ab eodem cespite foliis, fere bicubitali altitudine, ramis ad latera prælongis, ac firmis, foliolis non serratis, lequibus; at densa lanagine, subnigra oblitis, antequam explicitur: explicantur autem prius inferiora, quam suprema: ideo supermaximam ramorum partes fructus videntur non folia: totum folium videtur esse Abietis ramus, sed foliolis latioribus.

C A P . V .

FILICIS quoddam genus paruum in montibus reperitur, locis vmbrosis, saepe in vetustis caudicibus, aliisque muscosis locis: foliis ab eadem radice multis, similibus Filici fæminæ, angustioribus, duorum dodrantum longitudine: duorum generum unum foliolis nequaquam serratis, ut Polypodium: alterum iisdem tenuissime denticulatis, hirsutioribus, in parte aduersa ferrugineis veluti furfuribus. Dioscorides Dryopterim vocat quasi Roboris Filicem. in muscosis inquit partibus vetustarum Quercuum nascitur, Filici similis, sed multo minoribus incisuris: radices habet inuicem implexas, hirsutas, acerbi gustus ad dulcedinem vergentis. Plinius inquit Dryopteris Filici similis in arboribus nascitur, tenui foliorum subdulcium incisura; radice hirsuta: vis ei caustica est; ideo Psilothru est radix tusa: illinitur enim usque dum sudores euocet: iterumque & tertio, ita ne sudor abluatur.

C A P . V I .

POLOPODIVM in collibus placidioribus nascitur, locis muscosis iuxta caudices vetustos Roboris, aut in petris, & parictibus: radicibus sub musco serpentibus, digitu parui crassitudine, acetabulis quibusdam per interualla, imitatione Polypi animalis, quæ vestigia sunt foliorum, postquam abscesserint: hec exterius nigrae, & villosæ sunt; interius subuitrides, gustu subdulci, ac nauseoso: folia ex singulis acetabulis singula exeunt, dodrantis longitudine, similia parua Filici, sectionibus rarioribus, non serratis: in aduersa parte puncta quædam sunt lanuginosa, nigricantia. Dioscorides inquit: in petris muscosis nascitur, & sub truncis sylvestribus Roboris, dodrantali altitudine; folio Filicis, subhirsuto, inciso, non tamen adeo tenuiter: Radice hirsuta, simili Polyporum Cirris, digitu parui crassitudine, intus coloris herbacei,

Fff sapore

sapote ex acerbo subdulci . vim habet purgandi : decocta in lute pulli , aut Betœ , aut Maluœ : atque quoque in muſa gatur : trahit pituitam ac bilam . Mesues atram bilem trahere testatur , & crassam pituitam , sed imbecilliter ; adiuuati seminibus calidis ; odoratisque vt Dauci , Anisi , mensuram iustum esse à drachmis duabus ad sex . Apud Theophrastum Theodorus Eſdiculam vertit : radix inquit hitluta , & acetabulis cauerosa , ceu Polyporum Cirri : purgare inferius apta est : ubi quis eam contigerit Polypum innasci affirmant : habet autem folium simile Filici magoæ : nascitur in petris ; post imbræ semper erumpit ; semen autem non fert . Plinius inquit : detrahit bilem Polypodium , quam nostri Filiculam vocant ; similis enim est Filici : radix in vlo pilosa , coloris intus herbacei , crassitudine digitæ minimæ , acetabulis cauerosa , ceu Polyporum Cirri , subdulcis , & in petris nascens , aut sub arboribus verustis . exprimitur succus aqua madefacta , & ipsa concisa inspergitur oleri & Betœ & Maluœ , vel salsamento , vel cum pulicula coquitur ad aluum leniter soluendam , vel in febri . detrahit bilem & pituitam : Stomachum offendit , atidæ farina indita naribus polypum consumit : florem & semen non fert .

C A P . V I I .

LINGUA Ceruina , & Scolopendria vulgo appellatur , folium in longitudine productum . Figata lienis , longius Polypodio , integrum , nullis incisuris , lete vigens , in aduersa parte nigram lanuginem habens veluti in vermiculos digestam multa autem ab eodem cespite exunt ex radicibus nigris , fibrosis : oritur in umbrosis lapidibus , & iuxta vetera sepulchra . celebris ad lienem extenuandum decocta in aceto , vel aqua distillata in potu . Theophrastus Scolopendron vocat , quam Theodorus Linguam Ceruinam vertit : ei compatantur folia Hemionij , quæ Mula à Theodoro vocatur , videtur Scolopendrij nomen inditur ob vermiculorum figuram , qui à tergo foliorum sunt . Sed alia apud Dioscoridem Scolopendrium intelligitur , quod scilicet Asplenium vocatur . Galenus tamen Scolopendriam diuersum ab Asplenio facit , hanc intelligens , quam laudat ad lienem , vt Asplenium . Dioscorides Phyllitum vocat , cui inquit : folia sunt Lapatho similia , longiora , viridieraque , sensu aut septena , recta , quæ anterius lævia sunt , à tergo autem veluti vermiculos habet adnexos , parhos : oritur in umbrosis & viridis , gustu acerbo , neque caulem , neque fructum , neque florem fert .

C A P. V I I I.

HE MIONITIS Romę nascitur in vetustis ædificiis, vmbrosis, & humectis similis Lingue Ceruine; breuiore folio, & inferna parte latiore, excauatoque adnexum pediculi, in angulum acutum fastigiato, figura sagittæ. Dioscorides inquit Hemionitis quidam Sple-nion vocant: folio Dracuntij lunato: radicibus multis, tenuibus: neque caulem, neque fructum, neque florem fert: nascitur in petrosis, gus-tu subastrigens: hęc cum aceto pota lienem absumit. Plinius Hemionit vocat, & Teucrion, quam Teucer inuenit spargentem Iuncos tenues: folia cutua: asperis locis nascentem: austero sapore; numquam florentem; neque semen gignit: medetur lienibus: constatque sic inuen-tam: cum exta super eam proiecta essent, fertur adhesisse lieni, cumque exhinanisse, ob id à quibusdam Splenion vocatur: Narrant sues, qui ra-dicem eius edunt, sine Splenio inueniri. Aliam mox subiungit Teucrion: ramis Hyssopi, de qua nos alibi egimus. Apud Theophrastum Hemionios vocatur. Theodorus autem Mūlam vertit: inquit eius folium sterilitatem mulieribus facere, ut tradunt, si aliquid vngulae, ac seminis Mu-li animalis misceatur: constat hęc folio Lingue Ceruine: radice numerosa, & tenui: Montanas planities, & saxosas amat: Mulas hac herba plurimum delectari affirmant: usus eius ad lienes.

C A P. I X.

CETRACH vulgo appellatur in petris, & parietibus vetustis, her-bula folio digitali, raris utrinque diuisutis, non coniugatim, sed alternatim digestis: color superne virens, inferne rubigo quædā inest, furfurosa, initio argentea, postea flauescens. Dioscorides Asplenium vocat, alij inquit Scolopendrium appellant: folia habet Scolopen-dræ animali similia, multa ab radice vna: gignitur in parietibus, & petris opacis, qua cauernula sunt; sine caule; sine flore; ac sine semine: incisa autem sunt instar Polypodij, inferne subflaua, & hirsuta, superne viridia. Galenus Asplenum diuersum facit à Scolopendrio, ut superius notauius in Lingua Cervina. Plinius Asplenon, inquit, sunt qui He-mionion vocant: foliis tridentalibus, multis: radice limosa, cauernosa, sicut Filicis, candida, hirsuta; nec caulem, nec florem, nec semen ha-bet: nascitur in petris, parietibus opacis, humidis: laudatissima in Crē-ta: Victruius testatur pecora huius pastu sine liene inueniri; sed perturbata videtur apud Plinium descriptio; cum radici tradat, quæ partim loco, partim foliis cōueniunt: non enim radix cauernosa traditur à Dio-

scoride, sed in cauernulis saxorum nasci: neque similitudo Filicis candor, & hirsuties radici Aspleni conuenit, cum sit valde tenuis, & fibrosa, inter difficultates saxeas vix extirpabilis: sed foliis potius haec conueniunt, aut igitur Plinius aliam intellexit, ut eam, quam Polypodio similem diximus inter paruas Filices, aut deprauatus hic locus est.

C A P. X.

QUODDAM genus Cetrach nascitur in Ilua, locis editis, & sa-
xosis: folio dodrantali, ramoso, ac magis hirsuto, in cæteris per
omnia simile. apud Dioscoridem Lonchitis aspera vocatur: fo-
lia inquit fert Scolopendrio similia, asperiora, & maiora ac ma-
gis diuisa: vulneribus prodest ab inflammatione defendens: liquat &
lienem ex aceto pota:

C A P. X I.

POLYTRICVM vulgo appellatur, in parietibus humidis nascens:
folio angustiore, quā Cetrach, pediculo valde tenui, nigro, splen-
dente, in quo foliola rotunda, magnitudine Lentis, coniugatim
digesta sunt, punctis à tergo lanuginibus. Dioscorides Trichomanes vo-
cat: quidam inquit & Adianton appellant: oritur in eisdem locis, vbi
Adiantum similis Filici, admodum parua: tenuibus foliis ex viraque
parte inuersus digestis, inuicem oppositis; figura Lenticulæ in virgulis
tenuibus, splendentibus, subnigris, acerbis: Theophrastus Trichoma-
nes inquit (Theodorus Filiculam vertit) ad distillationes vrinæ vnicè fa-
cit, vt quidam existimant: caulem Adianto nigro similem gerit: folia ad
modum parua, densa, aduersa inter se condita: radicem minimam:
amat loca opaca.

C A P. X I I.

CAPILLVS VBNERIS vulgo appellatur herba nascens in pu-
teorum & fontium parietibus, aliisque specubus, aqua frigida ir-
rigatis: pediculi sunt tenuissimi capillorum instar, nigricantes,
ac splendidi, ramosi, palmi longitudine, folia sustinentes ex viridi flaue-
scentia, subrotunda, & incisa, Apij modo, punctis quibusdam à tergo:
odor inest veluti Fungi. Mesues recentem inter purgantia esse testatur:
nam dicit bilem & pituitam crassam, quamvis siccatus faciat ad alii
fluxum constringendum: expurgat quæ in pulmone, & quæ in renibus
continentur: calculum frangit. Dioscorides Adianton vocat, & Po-
lytricum:

lytricum : inquit folia fert Coriandro similia , diuisa in extremo , quæ ē caulinis enascuntur , nigris , valde tenuibus , dodratalibus , splendidis . Folia Filicis videntur , valde parua ; sine caule ; sine flore ; sine semine : radice inutili : nascitur in vmbrosis , & palustribus , & in parietibus humectis , & iuxta fontes . Theophrastus Adiantum appellatum scribit ; quia in aqua numquaui madescit : Theodorus aliquando Adiantum , aliquando Capillum Veneris vocat : perpetuo viret : eius genera duo candidum , & nigrum , ambo ad defluuium capillum vtilia oleo trita : nascuntur maxime locis humidis . Plinius Adiantum nigrum idem cum Trichomane intelligere videtur : album autem id , quod maius est : quale describitur à Dioscoride : inquit enim : Adianto miraculum : æstate viret : bruma non marcescit : aquas respuit perfusum : mersum sicco simile est ; tanta dissociatio deprehenditur ; unde & nomen à Græcis ; alioqui enim frutici Topiario ; quidam Collitrichon vocant ; alij Polytrichon , vtrumque est ab effectu : tingit enim capillum , & ad hoc decoquitur in vino cum semine Apij , adiecto oleo copiose , ut crispum densum que faciat : defluere autem prohibet : duo genera eius , candidius , & nigrum , breuiusque . id quod maius est Polytrichon : aliud Trichomanes vocant : vtrique ramuli nigro colore nitent : foliis Filicis , ex quibus inferiora aspera , ac fusca sunt : omnia autem contrariis pediculis dentæ inter se ex aduerso : radix nulla : vmbrosas petras parietumque aspergines , ac fontium maxime specus sequitur , & saxa manantia , quod miremur cum aquas non sentiat . calculos è corpore mire pellit ; frangitque utique nigrum : qua de causa potius , quam quod in saxis nascetur , & à nostris faxifragum appellatum , crediderim : bibitur è vino quantum terni decerpere digiti , & quæ sequuntur . Sed quamvis Plinius Adiantum nigrum Trichomanes appellari tradat , aliud tamen est . vtrumque apud Theophrastum .

C A P . X I I I .

ADIANTVM nigrum in ædificiis antiquis , opacisque nascitur : foliolis ramosis ut Capilli Veneris , breuioribus multo , ac tenuius diuisis , crassiorebus , nigroribusque , quibus lanugo tenuis est à tergo nigricans : alicubi pro Capillo Veneris vtuntur . Hanc putò sumendam apud Medicos recentiores , cum Adiantum recipiunt diuersum à Capillo Veneris , aliud genus Adianti nigri in frutetis nascitur , locis asperis , maius supradicto , dodrantiæ scilicet longitudine , sectum in multos ac prætenues ramulos , pediculo nigro , splendido , crassiore quam Capilli Veneris : foliolis scissis , minutisque , ut prædictam , nigra , ac tenui lanagine in parte aduersa : officinæ Adiantum vocant , eadem in mon-

montibus reperitur : paucioribus ramis . Quæ scribantur de Adiantho nigro à Theophrasto & Plinio superius explicatum est.

C A P. X I I I.

IN montibus Liguriæ duæ reperiuntur pediculis in tres partes assidue fixis . ac singulis sectionibus in terna folia desinentibus , vt in nostra Imperatoria . Alteri folia digiti longitudine pollicis latitudine insunt in gracilitatem fastigiata : alteri latiora ac breviora figura Hederae , in ambitu frequentibus , quasi aculeis exornata , odore ingratu , sapore fatuo , & subastrigente . Apud Dioscoridem Epimedium in hunc modum describitur . Caulis est non magnus , Hederae foliis , denis , duodenis , nuncquam sementescens , aut florescens : Radicibus nigri , tenuibus , graui odore , gustu fatuo : nascitur in humidis : folia ex oleo cohibent virginum mammas : Radix abortum facit : folia drachmis quinque in quinque dies in vino pota post purgationes conceptum impediunt . Plinius eadem tradit .

C A P. X V.

EQVIS ETI genera , quam vulgo Asprellam vocant . peculiare constitutionem sortita sunt : nam tum caules , tum folia internodiis constant in uicem commissis , ut unum in alterum inseratur tubatum modo : caules ferunt simplices , rectos , & concauos : foliis veluti pilis in orbem dispositis circa articulos , asperis : pleraque sine fructu sunt : quæ fructum ferunt , in cacumine capitulis oblongis , congestum habent , granis nigris , asperis , & factis constantem , sine vlo flore : radix tenuis nigra , & lignosa tota planta gustu acerbo constat . differunt magnitudine & paritate , & colore : nam caulis color , aliis viridis , aliis niger , aliis candidus . Quædam igitur longissimo caule constat in sepiibus scandens frutices , colore nigro , parte inferiore : foliis brevibus , & paucis , aliquando nullis : capitulo in cacumine oblongo : alia breuiora ac magis foliosa , in artuis frequentia , colore viridi , & sterilia : inter haec quædam ab imo ramosa sunt ; quedam simplicia . Tertium quoddam genus est in humectis nascens : caule candido , tenellæ Haurundinis modo , ceteris crassiore , frequentibus geniculis , ac numerosis foliis : haec floret tantum , at fructum non fert : flos veluti Amencum est è terra primo vere erumpens , antequam caules exeat , forma spicata , colore candicante , tenellus , esui aptus more Asparagi Menzculum vocant , & Asparagum palustrem puto apud Galenum , ut dictum est in Asparago , eius autem planta Polygonus fæmina est apud Dioscoridem .

dem. Quas autem primo loco descripti. Diſcorides Hippurim vocat, quasi caudam Equinam: quoniam ramentum speciem quamdam a nostris diversam, quam primo loco describit, inquiens: in riguis, & scrobibus nascitur: caulinuli eius inanes, geniculatis, in se farctis rubescentes, denique sibari: folia circa eos iuncea, cæbra, exilia: attolluntur in sublime, arborum caudices scandentes, & obvoluti pendent, comis multis, nigris ut Equorum cauda: radix lignosa, & dura: herba astringentis saporis. Alterum genus inquit caule recto constat, cubitali, aut maiori, inani; comis per interualla brevioribus, candidioribus, mollioribusque, insinuat autem ea, quæ apud nos in aquis & fæpibus nascuntur. Quod autem tertio loco descripsi, Polygonum feminam vocat, cuius descriptio in hunc modum habet: Vnico can'e fit uticat, Harundini tenerè simili, densis geniculis, in se farctis, tubatum modo: articulos in orbem cingunt apices, foliolis Picæ similes: radix nullius usus: oritur in riguis. Plinius de Equito inquit: Hippunis dicta à Gæcis in pratis nascens, vituperata à nobis: est autem pilus terrena Equinæ, setæ similis: liuem curforum extinguit: decocta in fistili nouo ad tertias quantum vas capiat, & per triduum heminis pota. Græcorum varia circa hanc opinio. Alij Pini foliis similem, nigrantem, eo nomine appellant: alijs iuxta arbores nasci, & scandentem eas, dependere comis lunceis, multis, nigris, ut est Equorum cauda, geniculatis ramis: folia habere pauca, tenuia, exigua: semen rotundum, simile Coriandro: radice lignosa: nasci in arbustis maxime. Ex quibus manifestum est ipsum describere primum genus apud Diſcoridem, cui aliqua ex parte apud nos respondet, quod primo loco descripsi. Subiungit præterea: faciunt & aliam Hippurim, breuioribus, & mollioribus comis candidioribusque: per quam utilem ischiadicis, & vulneribus propter sanguinem sistendum: quæ ex Diſcoride in secunda Hippuri assumpta sunt. alibi Equiselum vocat inquiens: intus & Equiselis est à similitudine Equinæ setæ. Alibi inter Genera Polygonij, quam Diſcorides feminam vocat. Plinius tertium genus inquit: Orcos vocatur in montibus nascens Harundini teneræ simile: uno caule, densis geniculis, & in se farctis: foliis autem Picæ: radicis superuacugæ, inibi quartum Polygoni genus addit, intelligens prium Diſcoridis Equisetū, quod sylvestre appellatur: pene arboris modo fit utex: radice lignosa; stirpe Cedri, rubicundo: rāmis Sparthi, binum palmarum, riguis geniculorum ternis, quaternisue articulis: huic quoque spissandi nativa, sapor Malii Cotonei.

C A P . X V I .

SIMILIS Equiseto oritur in fluminibus, fere stagnantibus : capilla ribus foliis, numerosissimis. Plinius ex Castore pota Mogeton ap pellati tradit : tenui folio veluti Equinis setis, Thyrso longo & leui, in aquosis nascentem : radice sanabat strumas, & duritias sed alia est Potamogeton apud Dioscoridem.

C A P . X V I I .

LINGVA Serpentina, & à quibusdam recentioribus Ophioglossa vocatur, ab aliis Lucciola ; quia noctu lucet ; oritur in pratis, præcipue montibus inter filices : exit mente Aprili ex radice, Elle bori modo, fibrosa, vnicum folium, figura parua Betæ carnosum, nulla discurrente vena ; leue, erectum, è cuius sinu pediculus attollitur, similius linguae serpantis, bifurcatus, non tamen sectus, sed cohærentibus particulis: in quibus vestigia sunt seminis, at semen nullum conspicuum continetur : folium id celeriter disperit aduentante scilicet æstate : ideo reliquo tempore non visitur : vivit tamen radicibus, quibus & copiose propagatur : laudant ad vlcera maligna, & ramices puerorum exterius illita : oleum efficiunt ex eius infusione, quod glutinat vulnera, & rupta.

C A P . X V I I I .

LVNARIA minor cognominata, seu racemosa : Ophioglossæ affinis est; vnicum enim exit folio incipiente estate, quod cito disperit: oritur in saxis, locis alpestribus, ac frigidissimis, pediculo d drantali ab radicibus fibrosis : folium angustum digitæ longitudo, sectum vtrinque, in septena fere foliola, subrotunda, cordis effigie: Putatur totidem habere folia, quot luna dies habet; vnde Lunaria dicta est : Quod nequaquam mirum videri debet si incipiente Luna incipiat eius exortus: augetur enim indies foliorum numerus particulatim explicato folio, ut etiam in Filice contingit. ex sinu pediculis attollitur diuisus in multos ramos, racemi modo, colore herbaceo, in quibus vestigia tantum sunt seminis: Frigido ac sicco temperamento constat, subastrigens, efficax ad vulnera glutinanda, ad suppressandos menses, & albos mulierum flores : Chimici hanc in arcanis habent promittentes eius succo argentum viuum coagulari.

C A P. X I X.

LICHEN apud nos, vulgo Fegatella vocatur, quasi Hepatica: fo-
lia sunt quasi Lactucæ, in extremo fimbriata, quæ hærent petris,
humectis, & locis vmbrosis, villis quibusdam à tergo positis:
obrepunt autem aliis ex se inuicem orientibus, ut totos aliquan-
do parietes conuestiant extremis labris solutis à lapide, sub quibus veluti
cauliculi exeunt, capillares, quibus tamquam flosculi insident,stellati,
colore herbaceo: similis nascitur in solo vmbroso, sed parua & inutilis.
laudatur à recentioribus ad Epatis calidam intemperiem: nam refrige-
rat & siccatur, ac tollit obstrunctiones ob partium renuitatem: sanat lacte-
ritiam: decocto eius assumpto, aut aqua distillata: purgat leviter hu-
mores adustos, & crassos, si in magna copia assumatur, ut pondere libra-
rum duarum eius decoctionis: quo remedio iterato per multos dies sa-
natos multos vidi ex maligna scabie, & ulceribus exedentibus: oportet
autem singulis diebus nouam decoctionem parare, præcipue autem
cum sero lactis. Dioscorides de hac inquit Lichen, qui in petris nasci-
tur, quidam Bryon vocant, muscus est adhærens petris madidis: illitus
sanguinis profluvia sistit: inflammationes arcit: curat impetigines, quas
Græci Lichenas vocant, & morbum regium cum melle: emendat & oris
ac lingue fluxiones. Galenus, est, inquit veluti Muschus quidam, sed
recte ex plantarum genere conscri potest sic nominatus; quia Lichenis id
est impetigines curat; extergentem, & modice refrigerantem facultatem
habet, utramque vero resiccatem: abstergentem quidem atque exsiccan-
tem à petra obtinet, refrigerantem vero ab humore aqueo: nascitur enim
in humidis, & grauiter olenibus saxis. Sed incertum est an hi plantam
intellexerint quam prædiximus: Bryon enim apud Dioscoridem capil-
lis potius constat, quam foliis: ut patet in Muscho marino, & eo, qui
in arboribus nascitur. Profecto apud Theophrastum Bryon Marinum
folio Lactucæ constat, æque ac nostra hepatica. Plinius Lichenis no-
mine virumque significari ostendit, cum inquit: Lichen herba Lichenis
remediis omnibus præfertur, inde nomen inuenio: nascitur in saxosis:
folio uno ad radicem lato: caule uno, paruo: longis foliis dependenti-
bus, hec delet & stigmata, teritur cum melle est aliud genus Lichenis,
petris tantum adhærens, ut Muscus, qui & ipse illinitur: hic & sangui-
inem sistit vulneribus, ac reliquas utilitates recentet, quas Dioscorides
tradit. Alibi de hoc secundo loquens inquit: in sylvestribus & satius
prunis est limus arborum, quem Græci Lichena appellant, ragadiis &
condilomatis mire utilis. Significare autem videtur Plinius per primum
genus Lichenis nostram hepaticam; lato enim folio uno constat, radici-

adnexo ; vnde caulinus exit sustinens foliola oblonga, veluti flosculum ; per alterum vero genus indicat villosam substantiam, & virentem, non solum in petris, sed & caudicibus arborum vetustis inherentem, diversam ab in canis villis, qui ex ramis quarundam arborum pendent, quod Dioscorides simpliciter Bryon vocat.

C A P. X X.

PULMONARIAM vocant quoddam genus Lichenis in caudicibus vetustis Quercuum, albidius, & siccus, horridiusque prædicto, maculosum, odore Fungi ; punctis quibusdam veluti bullis signatum : color à tergo flauescit : laudant ad pulmonis vitia, ad tuftum siccum, & spirandi difficultatem puluere eius cum saccaro assumpto, aut vino, in quo per noctem macerata fuerit. Veterinarij puluere utuntur cum sole ad pecorum tuftum, & asthma.

C A P. X X I.

MUSCVS vocatur omnis villosa substantia, sordi potius similius, quam plantæ, aut caudicibus annosis heterens, præcipue umbrosis, aut axis madidis : aut in aquis palustribus, aut Mari : Bryon à Græcis vocatur : cuius varia genera etiam diuersis nominibus donata sunt ; nam quidam Lichen vocatur, de quo egimus : quoddam Splachon : Quoddam Bryon Thalassion : lenticula quoque palustris inter muscos recensetur, de quibus singulis dicemus. Quoddam in parietibus, & tegulis nascitur : denso ac villoso cespito instar Monticuli ; vnde eriguntur, anteo colore capilli, setis porcini similes, at breues, sustinentes in cacumine tenue capitulum, oblongum : putant apud Apuleium Polytrichum appellari : nascitur id, inquit, in parietibus, & vuidis locis, habetque ramulos quasi seta porcina. Sed incertum est utrum intelligat Dioscoridis Polytrichon idest Capillum Veneris : nam & Mesues eius ramulos comparat setis porcini. Vires huic tribuunt easdem, quæ Adiantho conueniunt.

C A P. X X I I.

EX Musci genere est, quæ pro Spica Celica quoddam vendebatur, in montibus nascens umbrosis, iuxta caudices, numerosis ramulis serpentibus, circa quos frequentia sunt foliola, & cacuminibus

bus capitula Equiseti. Extat in hoc genere differentia magnitudinis & paruitatis. Quoddam folia Cupressi omnino imitatur, sed compressa hæc sunt non rotunda, similiter ramosa, & inuicem particulis insidens tibus: capitulis caret: constat sapore astringente.

C A P . X X I I I .

LLV D genus Musci, quod priuatim Splachnon vocant, ex vetustis quibusdam arboribus pender, absque radice: veluti pediculi sunt ramosi, sine foliis longissimi instar lube, colore candido, aut cincereo: præcipue ex Rôbore antiqua, aut Abiete, qui & odorati sunt: vtuntur vnguentarij ad pulueres odoratos, & suffimenta cōponenda; Vsneam vocant. Dioscorides Bryon & Splachnon, otiti inquit in Cedro, Populo alba, & Quercu: optimum tamen Cedrinum proximum Populeum, in quo genere candidum, & odoratus præstat, nigricans improbantur. Plinius inquit Sphagnos, alijs Bryon vocant: sunt hoc nomine cani arborum villi, quales in Quercu maxime videmus, sed odore præstantes, maxime in Cyrenaica prouincia: secundum locum obtinet Cyprius, tertium Phœnicetus: fertur & in Aegypto nasci, & in Gallia: laus prima candidissimis, atque altissimis: secunda rutilis: nulla nigris: & in Insulis petrisque nati improbantur, omnesque quibus palmarum, atque non suus odor inest. Alibi idem Plinius vuam Populi Albæ inquit Bryon appellari, est autem eius fructus, vt suo loco patet.

C A P . X X I I I .

Vscvs Marinus lanugo est capillosa, in scopulis maris reperita modò lapillis, modò testis, modò aliis fruticibus marinis, inhérens, præcipue Corallo, quam Corallinam vocant: molilis quidem quamdiu sub aqua est, extractus autem & siccatus riget ob saluginem: quidam erectus; quidam humi sparsus: color varius, nunc albus, nunc rubens, aut flauescens, aut cinereus, aliquando niger, quidam & herbaceus, mollior. vtūt Medici puluere Corallinæ drachmæ pondere in vino ad lumbricos enecandos, pellendosque: habet enim maris amaritudinem cum astrictione. Dioscorides Bryon Thalassion vocat: nascitur, inquit in lapidibus & testis iuxta mare; capillaceum, gracile, sine caule, sufficienter astringens. Theophrastus inter genera Phycus recenset; appellat autem Trichophyllum (Theodorus Algam Ctinito folio cognominat) est inquit Feniculo simile, non herbaceum, neque pallidum, neque caulem habet, sed quasi rectum in se ipso: nascitur id in testis & lapidibus, non vt alterum genus in terra: vtraque tamen pro-

pe terram nascuntur : & Trichophyllum terra propius est ; s^ape autem quasi alluitur tantum à Mari. Plinius Theophrastum sequutus inter Phycus genera inquit ; capillaceo folio simile Feniculo ; in laxis nascitur, superius in vadis, haud procul littore.

C. A. P. X X V :

ALGA in vadis limosis nascitur profundioribusque : expellitur autem ad lictus cum fluxu : radices fert digiti crassitudine, geniculatas, nigras, humi repentes, ramosas : quæ in multas veluti spicas desinunt, pilis scilicet candidis, singulos geniculos circumuestientibus, similitudine spicæ Nardi : è spicarum cacuminibus exeunt folia, in longitudinem producta, similia Thypæ palustris, graciliora, mollioraque, initio virentia : dein cum exsiccantur, albescunt : vtuntur iis pro tomento interiectis vasis vitreis, ne frangantur : sunt qui & culiceras implent, quod hydropicis confert, & podagricis. Videtur Dioscorides Gnaphalion appellasse, cuius foliis albis, mollibusque aliqui pro tomento vtūtūr: bibuntur efficaciter folia in vino austero ad dissenteriam. eadem Galenus & Plinius. Ex hoc genere est grande quoddam folium, æquale, ac planum, simile prælongis cartatum schædis, quod ex Medea aduehitur cum saccaro : vtuntur enim eius foliis pro veste, ac tomento, ne panes saccari atterantur. Minimum etiam quoddam genus reperitur angustissimis foliis, huius caulinum vidi spicosum, Gramini similem, dodrantalem, cui lanosa substantia inferne erat agglutinata, qualis Adarce fertur apud Dioscoridē. Theophrastus Phycos inter frutices marinos, Theodorus Algā vertit, multis inquit species habet : vnum lati folium, extensum, colore herbaceo, quod Prason, idest, Porrum vocant quidam, alij Cingulum: radicem habet exterius pilosam, sursum autem spectantibus, squamulis admodum longam, & crassam, similem Cæpis Getyis : oritur non in lapidibus vt Trychophyllum, sed in terra, propè littus tamen, at in profundiore vado: in extero autem Mari circa Herculeas Columnas admirabili magnitudine crescit, vt referunt, & maiori latitudine quam palmi: fertur hoc cum fluxu in Mare internum, tantaque inibi quibusdam in locis multitudine aggregatur, vt supra umbilicum excedat : vocant autem ipsum Porrum : secundum annuum esse : nasci vero desinente, uigere estate : autumno tabescere : hyeme autem interire & decidere. His Theophrastus ostendit, & nostratem Algam, cuius radices Cæpis Getyis comparantur : spicæ enim, quas diximus, huiusmodi Cæpas referunt, quas vulgo Maligias vocamus. & grande illud genus, quod aduehitur ad nos cum saccaro ex Oceano Atlantico : latissimis enim gius foliis saccari panes conuictiunt. De Trichophyllo, quod inter Phy-

cus

ens genera recenseretur, diximus in Musco Marino. Quartum præterea genus Pelagium inquit, esse, quod spongiarij in alto explicantur: in Creta autem nascitur, propè littus in petris plurimum, & pulcherrimum, & quo inficiunt non solum virtas, sed etiam Lanas, vestesque colore, quamdiu recens infectio sit, pulchriori quam purpuræ: gignitur autem & in parte spectante Aquilonem copiosius, & pulchrum, ut spongiæ & alia huiusmodi. Hoc genus apud nos nequaquam visum adhuc est. Aliam plantam in eisdem locis nasci tradit similem Gramini; nam folium huiusmodi fert, & radicem geniculatam, longam, oblique tendentem, ut Gramen: caulem autem emittit Harundineum, modo Graminis, sed hæc multo minor est quam Phycos: Hæc quoque reperitur in nostro Mari. Alibi Cyperum Phleum, Phycos, Butomum, folia similia habere scribit. Dioscorides Phycos Thalassion vocat inquiens; unum latum est, alterum oblongum, & purpurascens, quoddam autem album: Quod autem in Creta nascitur prope terram, valde floridum est, & incorruptum. omnia refrigerandi vim habent, podagræ, & inflammationibus utilia si applicentur humecta adhuc, antequam siccentur. Id quod rubrum est, Nicander i&tibus venenatis mederi tradit, quod aliqui putarunt id esse, quo mulieres viuntur, cum earum fucus radicula sit. de rufa Alga Plinius inquit: Scorpionum i&tibus vtilem esse. Videtur Dioscorides indicasse Phycus nomine solas Algas, quas distinxit & folijs latitudine, & colore: nam vere lato folio constat ea, quam Theophrastus circa Herculis Columnas nasci tradidit: Quæ vero apud nos nascitur, angustum potius, & oblongum habet, & cum exaruerit, candidum: quale tertium genus describitur: rubens autem non visa est apud nos. Plinius Algam russam, Scorpionum i&tibus vtilem esse tradit: de Phyco autem modo Theophrastum sequitur inquiens: quod Græce vocant Phycos, non habet alia lingua nomen; quoniam Alga herbarum magis intellegitur, hic autem est frutex: folia lata, colore viridi gignit, quod quidem Prason vocant, alij Zostera: hæc verba primum genus indicant, quod à nobis Alga dicitur, quamvis hoc nomen non ipsum fruticem significet sed folia tantum. Alterum genus inquit capillaceo folio, simile fæniculo in saxis nascitur, superius in vadis, haud procul littore: Trichophyllum est ipsius Theophrasti, & Bryon Dioscoridis: verno vtrumque & interit autumno: circa Cretam Insulam nato in petris, purpuræ quoque inficiunt: laudatissimo à parte Aquilonis, aut cum spongiis: Tertium est Gramini simile: radice geniculata; & caule qualiter Calami. Alibi Dioscoridem sequutus inquit. Phycos Thalassion, id est fucus marinus Lactuæ similis, qui conchyliis substernitur, & quæ sequuntur. Quibus verbis indicat Phycos apud Dioscoridem, non Algam esse, sed quod Bryon apud Theophrastum, appellatur, ut mox patebit. Ahud.

præterea est Phycos apud Galenum inter metallica, ut puto Cerussa elaborata, qua mulieres ad faciem dealbandam utuntur: nam seruata Cerussa frigiditate inquit, tenuitatem assumpsit, ut per eam in profundum, altumque corporum quibus admouetur, vis eius penetrare valeat. similem Cerussam Fucum conficiunt ex radicula Ari, quam Gersam vocant, ut monimus in Aro, quam indicare videtur Dioscorides in Phyco.

C A P. X X V I.

BRYON Theophrasti in eisdem locis nascitur, ubi Muscus marinus: foliis virentibus, crīspis, Lactuce similibus, minoribus, multis ex eodem cespite sine radice & sine caule, sed aliis inuicem insidentibus foliis, ut in Lichene. Theophrastus inquit aliud à Phyco est Bryon (quidam codices legunt Botryon) folio coloris herbacei ampio, nec Lactucis dissimile, rugosior etiamen & velut contracto; caule caret, sed ab uno initio plura folia huiusmodi excurrent, & rursus ab alio: nascitur super lapides, fictiliaque prope terram. Plinius Theophrastum sequitur inquiens: Bryon marina herba sine dubitatione Lactucæ foliis similis, rugosa, veluti contracta, sine caule, ab imaradice excurrentibus foliis, nascitur in scopulis maximè, testisque terra compitæhensis: præcipua ei siccandi & spissandi vis, & collectiones omnes, inflammationesque cohibendi præcipue podagre, & quicquid refrigerare opus sit. Quas vires fere ad Verbum Dioscorides suo Bryo marino tradidit: iterum de eodem fucis inquit. Aliud genus fruticum Bryon vocatur: folio Lactuce, rugosiore tantum: iam hoc in terra nascens. alibi eamdem videtur intelligere sub nomine Fuci marini: inquit enim Phycos Thalassion, idest fucus marinus Lactucæ similis, qui conchiliis substernitur, non podagræ modò, sed omnibus articulorum morbis impositus, priusquam exarcat. Tria autem genera eius: latum & alterum longius, quadantenus rubens, tertium crīspis foliis; quo in Creta vestes tinguntur: omnia eiusdem usus, & quæ sequuntur. desumpta autem hæc sunt ex Dioscoridis Phyco, ut secundum Plinij sententiam Dioscoridis Phycos non Alga sit, sed hoc genus, quod Bryon est apud Theophrastum.

C A P. X X V I I.

SPICA Nardi, quæ inter Aromata afferuntur ad nos ex Oriente, ex Alatum genere uidetur esse: sunt enim radicis cuiusdam nigrae gemina; densis capillis sursum spectantibus, farcta aristatum more, in stat nostræ Algæ, breuiora, colore rufso, sapore amaro & astringente, odore valido aromatico. Dioscorides Nardum uocat: unum Indicum

appellati tradit: alterum Syriacum: non quod in Syria gignatur, sed in montibus Indiæ, quorum pars una Syriam spectat, altera Indianam. Syriacum probari quod recentius & lævius est, comosum, rufum, odore uehementer iucundo, Cyperumque imitata, breui spica, sapore amaro, maximeque siccante os, custodit suaveolentiam pertinaciter. Indici unum Gangetide cognominatur à fluvio Indie, qui montem præterfluit Ganges nomine; iuxta quem nascitur: uiribus languidum, ut quod proveniat aquosis locis, proinde in maiorem altitudinem adolefecit, & plures ab eadem radice spicas habet, comosas, & implexas, odore ingratia: Quod autem locis magis æditis nascitur, odoratus est, spica Mutila, Cyperum olente, in totum iisdem qualitatibus præditum, ut Syriacum. Vocatur & quoddam Samphariticum à loco, ualde mutilum, magnis spicis, candidus, caulem aliquando medium habens, redolentem hircum, quod damnatur in totum. Venditur, & madefactum, quod cognoscitur & candore spicatum & squalore; & quia lanugine caret; adulteratur Stibio cum aqua, uel vino palmeo infuso, ponderis gratia & spissitatis. Lutum, quod hæserit, radici decutitur, seruaturque cribratum ad manuum lotiones. Theophrastus inter odorata recenset, quibus ad unguenta utuntur; ex India comportari. Plinius inquit frutex est graui, & crassa radice, sed breui, ac nigra, fragilique, quamuis pingui, situm redolente, ut Cyperi, aspero sapore, folio paruo; densoque, caccum in aristas se spargunt; ideo gemina dote Nardi spicas & folia celebrant. Alterum eius genus apud Gangem nascens damnatur in totum, Oenitidis nomine: uirus redolens, adulteratur & PseudoNardo herba, quæ ubique nascitur; crassiore, & latiore folio, & colore languido in candidum uergente: item sua radice permixta, ponderis causa, & Gummi, spumaque argenti, aut Stibio, Cyperiue cortice: syncerum lauitate deprehenditur, & colore ruffo, odorisque suavitate & gustu maxime siccante os, sapore iucundo. præmium Spicæ in libras nonaginta: folia diuisere Annonam, ab amplitudine Hadrosphèrum vocatur; maioribus foliis, denarij triginta: quod minore folio est Mesosphèrum appellatur, emitur denariis sexaginta: laudatissimum Micrōsphèrum, è minimis folium: præmiumque eius denarij septuaginta quinque. odoris gratia omnibus, maior recentioribus, Nardo color, qui inueterauerit nigriori melior. Nos Pseudonardum herbam diximus spicam nostram Italicanam esse, sed Nardi folium, unde unguentum foliatum siebat apud Dioscoridem, alia res est sui generis, ut patet in Malabathro: nam ipsius Nardi uenere tantum in usu spicæ, que radicis partes sunt: inter quas visuntur quædam à spicis Aigæ nostræ nulla ex parte differentes, quale Gangticum ponitur à Dioscoride.

C A P. X X V I I I.

Rosa Marina inter Muscos marinos : foliis Lactucę constat, ut Bryon Theophrasti; sed rotundam figuram amplę Rose p̄fert, multipli foliorum plexu circunducto, quę minutis & crebris foraminibus peruvia sunt, instar retis, ex communi quodam pediculo exorta, hęc in aere siccescens, in totum lapidescit, colore flauo. Rondellius Escharam suspicatur apud Athenęum: prodest aduersus vlcera maligna; uehementer siccatur, & superuacuam carnem absunit.

C A P. X X I X.

Brsa Marina pila est rotunda, intus concava, ex muscosa substantia constans, scilicet capillari, colore uitidi, relicto ostiolo rotundo, qua lapidibus adhæret, nigro quodam peciolo pendens: cum extrahitur ex aqua ob uelleris mollitiem consideret, siccata autem falsugo quedam tenuis & alba efflorescit mordaci gustu. Hanc inter genera Alcyomi reponendam puto, ut mox patebit.

C A P. X X X.

Spuma Maris globus est valde leuis, ueluti ex ampullis constans ad spumę similitudinem, modò candidus, modò rubens, aliquando flauescens: adhæret saxis, spongiarum more: constituitur ex numerosis foliolis membranaceis, sibi inuicem insidentibus, inferno concavis, superne conuexis, nunc figura uermiculorum, nunc unguis, qui in oculo adnasci solet, nunc alia figura: obducitur quibusdam crusta exterius, interius autem spongiosa constant substantia, quod genus densius & durius est cinerei coloris. quoddam est ex foliis constans auriculae figura, pluribus lineis, circumductis, colore cinereo, mollibus, specie Fungi, gustu mordaci. Dioscorides Alcyonium uocat eiusque genera quinque enumerat: primum densum, & gustu acerbo, spongiosa facie, terti odoris, ponderosum, & piscem olens, quod plurimum in littoribus inuenitur. Hoc genus illi assigno, quod crusta exterius obducitur, nam ciuerci coloris est, & grauius ceteris, oolidumque de secundo inquit Phterygio oculi simile est, figura aut spongię multis inanitalibus leue, redolens Algam. hoc diximus foliola habere, similia unguiz oculi: est enim membranula candida, colore unguis, specie paruę pennę, aut folioli Filicis à lateribus scissa. Tertium inquit specie uermiculorum, colore magis purpureo, quod & Milesum à quibusdam uocatur.

Hoc

Hoc apud nos non solum purpureum, sed & candidum, ac fluescens reperitur. Quartum velleribus sordidis simile multū, inane, & lœue: hoc puto quam Bursam marinam vocamus. Quintum effigie Fungi, sine odore, intus asperum, & quadantenus pumicolum, foris lœue, acre, quod plurimum in Propontide nascitut iuxta Lesbicum insulam, ubi patro nomine vocant Halosachinem, idest Maris spumam: hoc Auricularum figura ostendimus: nam eorum Fungorum figuram præsefert, qui vetustis caudicibus innascuntur lignosi: sed hoc tenue est, membranous, molle, in ferne asperum, superne lœue: ad hoc genus reducendam censeo Rosam marinam. Plinius Halcyonium inquit appellatum, sit in mari ex nidis, ut aliqui existimant, Halcyonium, & Cœcum: alij è sordibus spumarum crassescientibus: alij è limo, vel quadam maris lanugine. Quatuor genera: Cinereum, spissum, odoris asperi: alterum molle, lenius, odor refere Alge; Tertium candidioris vermiculi: quartum pumicosius, spongeaque putri simile, penè purpureum, quod optimum, id & Milesium vocatur: quo candidius autem, hoc minus probabile est. in quibus parum distat à Dioscoride. Quamuis autem hæc à Dioscoride libro quanto inter inanimata corpora recensentur, ut etiam spongiaz: vim tamen habent vegetandi, ut ex constitutione, & ortu patet: Aliud autem est apud eumdem Adarce, quamuis similis Alcyonio, molli figura: est enim concreta salisilago, iuxta calamos & festucas agglutinata, locis palustribus ex maris admistione cum aquis dulcibus: colore candido, similis concretioni, quæ in spongiis reperitur: corpus omnino inanimatum, inordinata compage. nec putandum Alcyonium eo modo fieri, ut Plinius tradit, aut, è nidis avium, aut sordibus spumarum, aut limo aut maris lanugine: sed potius Alcyonium dici; quia Alcyones iis vtantur ad suos nidos conficiendos: ut nos vidimus ex pilis spicarum Alge ea figura, quam Plinius describit, cum inquit: faciunt Halcyones nidos septem ante brumam diebus, & totidem sequentibus pariunt: nidi earum admirationem habent pilæ figura, paulum eminenti, ore per quām angusto, grandium spongiarum similitudine, ferro intercidi non queunt, frangunturque i&t;u valido, ut spuma arida maris: nec unde configantur inuenitur: putant ex spinis aculeatis; piscibus enim viuunt. ipse autem multos huiusmodi nidos, reiectos in littus vidi: figura in rotunditate oblonga, adnexa radiculis Alge paruo hostiolo in cacumine, ut ingredi oua tantum possint non ipsa avis: ex eadem lanugine constant pilæ quædam in littore reperiæ, sed nulla intus cavitate: agglomerantur enim festucis pili vndis reiecti, aliquando in tantam amplitudinem, ut viraque manu complecti vix possint: Pilam marinam vocant, cuius fit mentio apud Galenum inter medicamenta ad capillos conferuandos, & apud Myrepsum ad iumbicos enecandos: vñ-

guento excipitur Pila marina, quæ reperitur in mari rotunda, ut lanata congesta.

C A P. X X X I.

CORALLIVM frutex est in mari; arborea figura, lapidibus hærens, cubiro breuior; multis ramis, tortuosis, sine foliis, sine fructu, ac sine radice, sed villosa substantia obstitus, instar Musci: colore viridi, aut cinereo, intus rubeo, qualis est color carnis, aut intensioris rubedinis, qualis Coccii; tradunt succosam esse plantam, succo lateo; renasci, ubi lac contigerit: exemptum ex aqua, siccatumque durescit in lapidem: hodie copiosum retibus expiscatur prope Sardiniam & Corsicam, quod apud Genuenses purgatur expoliturque: rami eius integri ad tutelam infantium gestantur: formantur & globuli ad Monilia puellarum. Dioscorides de Corallio inter lapides agit: alij inquit Lithodendron vocant: videtur frutex marinus: durari autem, cum ex profundo mari exemptus fuerit, veluti à circumfuso aere infectus, aut concretus. plurimum reperitur ad Syracusas in promontorio vocato Pacchino: laudatissimum rubens, colore florido, aut Sandicis saturata, item friabile, & tota concretione æquabile: amplius odore Mulci, & Algæ simili; ad hæc valde ramosum, & forma fruticis Cinnamomi. Quod autem Lapidis forma scabiosum, hians, & cauernosum est, vitiosum existimatur: astringit & moderate refrigerat. Plinius Corallio forma inquit fruticis: color viridis; baccæ eius candidæ sub aqua, & molles: exemptæ confestim durantur, & tubescunt, quasi Corna sativa specie, atque magnitudine: aiunt tactu protinus lapidescere, si viuat: Itaque occupari, euellique retibus, aut acri ferramento præcidi. hac de causa Curalium vocatum interpretantur: probatissimum quam maxime rubens, & quam ramosissimum: nec scabiosum, aut lapideum, vel rursus inane, aut concavum: authoritas baccarum eius non minus in Indorum viris quoque præciosa est, quam fæminis nostris vñiones Indici: Auruſpices eorum, vatesq; in primis religiosum id gestamen à moliédis periculis arbitrantur, itaque & decore & religione gaudent: sed putauit Plinius baccarum formam, artificio paratam, sponte nasci. Alibi Gorgoniam gemmam Corallium interpretatur nominis causa, quod in duritiam lapidis mutatur. hinc forte Insula Gorgona dicta est in Mari Tizheno; nam & inibi hodie Corallium inuenitur.

C A P. X X X I I.

CORALLIVM nigrum traditur à Dioscoride, quod Antipathes vocatur, specie differens à Corallio, colore nigro, arboreum & ipsum figura, ramosius, easdem vires habet. Plinius Antipathis meminit

meminit inter Gemmas, nigra est, non translucens. Alibi Isidis Proclamōn vocat circa Insulas Troglodyticas, fruticem in alto Corallio similem, sine foliis, qui praeſitus dureſcit, mutato colore in nigrum, & frangitur, cum decidit, gigni & in rubro mari Corallium inquit, sed nigrius. Apud nos visitur aliquando Corallium extra rubens intus nigrum.

C A P. XXXIII.

CORALLIUM album visitur hodie in officinīs, breuibus, ac nodosī ramulis, nitore, & candore Eboris: foramina autem quēdam insunt, non ſolum in ſingulis nodis, ſed & iuxta nodos, du-ritiæ lapidea, ſed incertus adhuc eſt eius ortus. apud Auicennam men- tio fit albi Corallij: tria enim eſſe inquit. Album, rubeum, & nigrum; à quo recentiores medici Corallium album medicamentis reſepeſunt, dicentes, frigidioris naturæ eſſe, quam rubeum; optimum tamen eſſe ru- beum; deinde album: uultimo nigrum. ſed mirum non reperiri albi men- tionem apud Græcos, aut Latinos: Ideo ſuſpicor Ebur uofſile intelligi apud Theophrastum, quod ut Plinius refert, candido & nigro cole- re inuenitur.

C A P. XXXIII.

ALLI ſunt frutices in noſtro mari Coralliis ſimiles, quas Coralli- nas vocant, ligno intus durifimo, ac nigro, ſpecie Ebeni, ſed ob- tenuitatem inutili operibus; crufa hiſ obducitur verius, quam cortex, friabilis, pumicofa, aliis candida, aliis rubens adhæret lapidibus teſtacea quadam uubantia dilatata. Qui ex hiſ cortice rubro integitur, tortuosis ramulis conſtat, durifimisque properadicem nigris, hi in te- nuem gracilitatem deſinunt, perlucidam, ablatō cortice. Qui cortice albo integuntur duo ſunt, vnuſ ramulis conſtat ereſtis, Iunci modo, fle- xilibus, numerofisque, ab eodem véluti caudice prodeuntibus, cubi- tali altitudine, qui veluti punctis quibusdam ſignati ſunt, ut Abietis ra- muli. Abietem marinam puto apud Theophrastum. Alter ramos fert ad latera tendentes, crufa candida, veluti denticulatos, quibus ſæpe adhæ- ret lapidosa uubantia, ex maris ſalſugine concreta, ac teſtacea, quædam animalia, Quercus marina apud Theophrastum, folium hiſ nullum, ne- que Muſcus, ſed loco eorum crufa videtur data. Quartum genus humi ſerpit, ſarmentosum ex lapidibus pendens, vndique muſcosa lanugine obſitum, nigricante, aut cinerea, extremis capillis in tenuia veluti granu- la deſinentibus. Vitis marina apud Theophrastum. Theophrastus non abſimiles hiſ arbusculas in mari naſci tradit, ut quam appellat Quercum;

Abietem Vitem, Ficum, Palmam. Quercus inquit & Abies prope terram quidem sunt: Ambæ nascuntur vero super lapides, atque testas: carent radicibus, sed modò patellarum adhærent: folium ambabus velut carnosum, oblongius, crassum, & Abieti crassius, frequens; nec leguminum siliquis absimile, cōcauum intus, nec quicquam intra se continens, Quercui tenuerat potius Tamaricis: color ambobus accedens ad purpuram: forma tota Abietis erecta: Quercus flexuosior atque in latitudinem magis ampliata: ambæ vel multi caules fiunt, sed simplicior Abies: rami Abieti longi recti, solutique: Quercui breviores, contortiores, spissioresqne: magnitudo tota ambabus cubitalis, parumue altior, verū maior, ut simpliciter dicam Abieti. Quercus vel ad lanas inficiendas utilis mulieribus: ramis pendent adnexa pleraque animalium testigerorum, subter alia quædam cauli ipsi adhærent: sed per folia Theophrastus intelligere videtur crustaceam substantiam, aliquando inanem, siliquarum modò, aliquando denticulatam, ut folia Tamaricis. Vitis inquit utroque nascitur loco; nam & terræ proxima, & pelagica est. Ficus folio caret, nec magnitudine præstat, color cortici puniceus. eadem refert Plinius.

C A P. X X X V.

LENTICVLÀ palustris foliolum est rotundum, & crassum, Lentiliculae figura, aquis stagnantibus innatans, adeo frequens, ut lacus uirentem pratum amuletur: è singulis foliolis inferne uillus quidam descendit, quo uice radicis utuntur: Alterum genus foliolis oblongis constat, multis ab eodem exortu, stellæ modo pediculis capillatibus. Dioscorides inquit Lens palustris reperitur in aquis stagnantibus: mustus est, Lenti similis, cui facultas refrigerandi inest, commoda inflammationibus. Erysipelatis, & podagratis, tum per se illita, tum cum polenta: glutinat, & procidentia puerorum interanea.

C A P. X X X V I.

QVÆDAM aquis tepidioribus innata, ut Pisis in Auxeri fluuio, quem hodie Oserin vocat: est autem hic fluuius quasi stagnans, ac recipit aquas thermales ex monte Sancti Juliani; fluita herba una cum aqua incedens, sed multis in locis interim quiescit, & tamquam exercitus castrametur idoneum locum ad quietem noctis. Folia sunt rotunda, vnguis magnitudine, superne punctis minutissime impressa, lœte virentia: hæc coniugatim in ramulis digesta sunt, qui Cruciformi figura spectantur ut in Abiete: villi per totos ramulos deorsum spectant, qui radicum vicem gerunt: sapore aqueo constat; Hanc censem

Stras-

Stratiotem Aquaticum esse apud Dioscoridem. Dicta autem est Stratiotes idest militaris, non solum quia vulnera sanat, sed & quia folia ordinato, quodam agmine natantia migrant, ut exercitus. inquit igitur Dioscorides : Stratiotes, qui in aquis nascitur, sic appellatus est ; quia aquis innaturat, & sine radice viuit : folium habet Semperuiuo simile, maius tamen : ævi & facultas inest refrigerandi : sanguinem è naribus fluentem sifit potu : vulnera ab inflammatione defendit : tumores & Erysipelata sanat illitum cum aceto. Plinius inquit celebratur à Græcis Stratiotes : est ea in Aegypto tantum & inundatione Nili nascitur : Aizoo similis, ni maiota haberet folia refrigerat mire, & vulnera sanat : ex his colligere licet herbam quam predixi Aegyptio Stratiote esse tantum exilius, quia folia minora potius insunt, quam Semperuiuo scilicet magno.

C A P. X X X V I I .

FUNGORVM natura inter plantas maxime peculiaris est, non solum figura, sed & substantia, & ortu : neque enim radice constat, neque caule, neque foliis, neque fructu : sed incomposita quedam materies videtur naturæ addiscentis Plantas constituere : modo globus, radici similis intra terram latitans, vt tubera : modo ad similitudinem ouï supra terram emergens vt Pezicæ, nunc veluti pileo superposito vt suilli, Boleti & plurimi fungorum nunc veluti in paruos digitos vindit eorum substantia, aut figura Auricula spectatur, aut linguae, aut spongiaz, aut panni laceri. substantia plurimorum carnosæ, vt tota fructus videatur, cum fructu cœteant & in cibis gratissima, cum tamen plerumque venenæ continant : Quorundam dura, ac lignosa, vt qui in caudicibus arborum nascuntur. Occissime autem omnes fungi erumpunt vt in proverbio sit apud nos de his, quæ repente adueniunt, nam in horam fungus emergit, breuissima quoque eorum vita, fugacior quandoque quam fructus estiui, nam exceptis iis, qui lignosi sunt, ceteri aut putrescant, vt cimnes qui pileum gerunt, aut in puluerem volatilem tabescant vt Pezicæ.

C A P. X X X V I I I .

TVBER vocatur neutro genere vulgo Tartufo, in montibus nascitur Mali modo, rotundum, inæqualiter tuberosum, aspera superficie, solida intus pulpa, non fungosa vt cæteris, ideo minus putrescit, & diuturnius seruari potest : odor inest suavis, & sapor gratissimus. optima habentur ex Nursinis montibus, Hinc enim & Romam feruntur & Florentiam, in cibis nobilium. color his exterius nigricans : ali bi

bi nascuntur albidiota, quæ minus probantur; hesitantur cum sale & pī
pere cruda, & sub cineribus cocta, aut in patinis ex oleo: vim venetis ad
augent, quamvis sapor insit Aqueus, vt ceteris fungis, flatuosam enim
substantiam gignunt semini gignendo utilem: Græci Hydnon vocant.
Theophrastus inquit Hydnon nonnulli; Aschium vocant, sub terra la-
titat, vt radix tantum videatur, cum forma radicis non sit; Alibi inquit
pænitus radice caret Tuber, fungus & Cratum. Dioscorides inquit.
Tuber radix est globosa sine foliis, sine caule; color subfulvus; foditur
vere, cruda & cocta estur. Galenus Tubera radicibus, aut bulbis adnu-
meranda esse censet: nullam inquit qualitatem habent insignem, pro-
inde qui ipsis utuntur, utuntur ad condimenta excipienda, quem admo-
dum & aliis quæ vocant insipida, & innoxia, & ad gustum aquosa, qui-
bus omnibus est commune, vt alimentum quod ab ipsis in corpus distri-
buitur, nullam insignem habeat facultatem, sed subfrigidum quidem
sit, crassitudo vero quale id ipsum est, quod sumptum fuerit: crassius qui-
dem est, quod ex Tuberibus habetur. Plinius maximum è miraculis est
inquit aliquid nasci, aut viuere sine villa radice: tubera vocantur: hæc
vndique terra circundata, nullisque fibris nixa, aut saltem capillamentis,
nec tamen extuberante loco, in quo gignuntur, aut rimam agente, neque
ipsa terræ coherent: cortice etiam includuntur, vt plane nec terram esse
possimus dicere, neque aliud quam terræ callum. siccis hæc fere, & sabu-
losis locis, frutetosisque nascuntur: excedunt sepe magnitudinem Mali
Cotonei etiam librali pondere. Duo eorum genera: Harenosa dentibus
inimica, & altera syncera: distinguuntur & colore ruffo, nigroque, & in-
tus candido. Laudatissima, quæ Aphricæ crescunt. An ne vitium id ter-
ræ? neque enim aliud intelligi potest, Malum ne id ea protinus magni-
tudine globetur, qua futurum est, & viuat ne an non, haud facile intelli-
gi. putrescendi enim ratio communis est his cum ligno. Lartio Licinio
Prætorio viro iura reddenti in Hispania Cartagine paucis his annis acci-
disse testatur, mordenti Tuber, vt deprehensus intus denarius primos
detes inflesteret, quo manifestum esse terræ naturam in se globari. Quod
certum est ex iis, quæ nascuntur & seri non possunt: simile est quod in
Cyrenaica prouincia vocant Misy precipuum suavitate odore, ac sapo-
re sed carnosius, & quod in Thracia Ceraunium. De Tuberibus hæc
traduntur peculiariter, cum fuerint imbræ autumnales ac tonitrua cre-
bra, tunc nasci, & maxime, è tonitribus, nec ultra annum durare: tener-
rima autem verno esse. Quibusdam locis acceptantur riguis & serun-
tur, sicut Mitylenis: negant nasci nisi ex vndatione fluminum inuesto
semine ab Tiaris. est autem is locus, in quo plurima nascuntur, Asia
nobilitissima circa Lampasacum & Alopecosum, Græcia vero circa Elim.
Hæc Plinius.

C A P. X X X I X.

PEZICAE in fungorum genere à Plinio recensentur, ut inquit, sic à Græcis dicti, qui sine radice, aut pediculo nascuntur: A nostris hodie **Puzæ** vocantur, ab aliis **Vesciæ**: oriuntur in pratis supra terram extuberantes, figura oui, aut vesiculæ, colore candido, pulpa mollissima, laxa, minimi ponderis, odorata. existantur elixæ cum suo Iure adiecto Calamento: prouocant vrinam; senescentes trâseunt in puluisculum nigrum, qui disrupta cute euolat in auram. Quoddam genus earum **Pisæ** nascitur in frutetis & sylvis, solidiore pulpa, magnitudine aliquando Malii Cotonei, aliquando Humani capitis: hoc non solum elixum vesicatur, sed etiam oleo frixum in taleolas dissectum, gratissimum est, ac sine periculo, hoc puto apud Theophrastum **Cranium** vocari, quod cum Tuberibus & fungis recenseretur omnino, sine radice.

C A P. X L.

QVI Pileum gerunt, propriæ Fungi vocantur pediculo constant ut plurimum singulari, aliquando binis: Quoddam genus numerosos ex uno exortu eosdem fert, ut quæ Familioles vocantur: pediculi cato magis fibrosa est: pilei mollior ac laxior: in parte eius concaua, qua terram spectat, aliud genus carnis inest, ex mollibus fibris constans, quasi lanugo: videtur proportionem gerere cum lanagine, quæ foliis filicis subnascitur, ac cæteratum eius generis. Theophrastus inquit fungorum pediculus æqualitatem quandam peculiarem sortitus est; radice caret. Plinius Fungorum inquit lentior natura, & numerosa genera, sed origo non nisi ex pituita arborum: tutissimi qui rubent callo, minus diluto rubore, quam Boleti: mox candidi veluti apice flaminis insignibus pediculis: Tertium genus (nulli venenis accommodatissimum): Noxij erunt fungi, qui in coquendo duriores fiunt: innocentiores, qui nitro addito coquentur, si vtique percoquantur: tutiores fiunt cum carne cocti, aut cum pediculo Piri: profundi & Pira cōfclim sumpta: debelant eos: & aceti natura contraria iis: imbribus proueniunt omnia hæc. Dioscorides Fungorum inquit differentia duplex: aut enim manduntur, aut perniciales sunt. multis de caulis venenosi gignuntur, vbi videlicet claus ferreus, in quo sit rubigo, aut pâni marcior affuerit, aut si iuxta serpentis cauernam, arborescue, quæ priuatim pariunt noxios, fungos, erumpant. continent, qui tales sunt, nescio quod strigmentum, concretamque pituitam, terraque eruti qnam celerrime computrescant, atque marcore vitiantur. Sed qui veneno imbuui non sunt, suauem in iuribus gratiam

gratiam habent, largius tamen sumptu nocent, & ægris concocti strangu-
gulant, aut cholera morbum citant. remedio est meri potio, aut lixi-
uum cum acida Muria, aut feruefactæ Satureiæ aut Origani iusculum.
debellantur etiam Gallinacei fiani potu ex aceto, aut eiusdem declinatu
cum melle multo. Corpus alunt, sed ægre dissoluuntur, cum magna
ex parte integræ ipsi cum recrementis aliui deiiciantur. Galenus Fungo-
rum naturam admodum frigidam & humidam esse testatur, ut pene ac-
cedant ad vim deleteriam: sunt & inter eos, qui interficiant potissimum,
qui ex naturæ mixtam habent qualitatem putredinosam. omnium fun-
gorum Boleti minimum suæ noxij; secundi post hos sunt Amanitæ: re
liquos vero tutius est omnino ne attingere quidem; multi enim ex ipso-
rum esu interierunt. Evidem noui quædam, cui post Boletorum non sa-
tis elixorum, qui innocentissimi esse putantur, vsum largiorem os ven-
triculi pressum, ac grauatum, coarctatumque fuit difficilemque habuit
respirationem & in animi deliquium incidit, sudoremque frigidum
sudauit, ac demum seruari ægre sumptis iis, quæ humores crassos inci-
dunt, potuit: cuius generis est Oxymel ipsum, per se, & cum Hyssopo
& Origano ipsis medio criter incoctis: is enim tum hæc sumpsit, tum
nitri spumam insuper inspersam: post quæ fungos, quos commederat,
euomuit, qui iam quodammodo in succum pituitosum, frigidumque ad-
modum, ac crassum, erant mutati.

C A P. X L I.

BOLETI cum primum erumpunt è terra, ouis similes sunt, mem-
brana exterius candida, qua disrupta veluti oui luteum interius
apparet: hoc cum explicatur, fungi figuram assumit, pileo lato,
crasso pediculo, ac breui, luteo; placent ex oleo frixi, & in patinis:
oriuntur in sylvis. simillimi iis nascuntur venenosæ diluto rubore, & in
parte concava magis striati. Plinius Boletos inter ea, quæ temere man-
duntur, ponit, quamuis optimus ex iis cibus sit: sed in meno exemplo
in crimen adductus, veneno Tiberio Claudio principi per hanc occasio-
nem dato à coniunge Agrippina; quorumdam ex his facile noscuntur
venena diluto rubore, rancido aspectu, liuido intus colore, timida stria,
pallido per ambitum labro, non sunt hæc in quibusdam, siccique, & Ni-
tri similes, veluti guttas in uertice albas ex tunica sua gerunt: voluam
enim terra ob hoc prius gignit; ipsum postea in volua ceu in ouo est lu-
teum, nec tunica minor gratia in cibo infantis Boleti. rumpitur hæc pri-
mo nascente, mox crescente in pediculo, corpus absimitur, raroque um-
quam geminis ex uno pede. origo prima causaque è limo & acescente
succo madantis terre, aut radicis ferme glandiferæ, initioque spuma len-
tiot,

tior, dein corpus membranæ simile, mox partus: ortus occasusque omnis intra dies septem est. Claudio stomacho utiles putat. Galenus inquit è fungis Boleti, si belle in aqua elixi fuerint, prope accedunt ad cibos insipidos, non tamē sic solisipsis vulgo utuntur, sed appārunt varie & condunt, ut alia omnia, quæ nulla insigni qualitate sunt prædicta. Alimentum autem ex ipsis est pituitosum & frigidum videlicet, prauius est succi, si quis ipsis largius utatur: omnium igitur fungorum iij minimum sunt noxii. Hæc Galenus.

C A P. X L I I.

SVILLI, qui vulgo Porcini appellantur, in montibus nascuntur, præcipue inter Scopas & Filices: Boletis crassiores, densioresque, colore superne subfulvo, inferne cinereo, interius candido: elixantur iij, ut ius abiiciatur; dein in sartagine farinâ obducti assantur ex oleo multo; sic enim innocentiores euadunt. asseruantur quoque muria conditi, aut exsiccati in furno, aut fumo. Qui inter eos venenosí sunt, Malefici vulgo appellantur: vix dignoscuntur, nisi aperiantur; nam caro eorum proinuis suescit: color quoque subuiridis in parte concava spectatur, aut pallescens. Plinius Suillos inquit venenis esse accommodatissimos; nam familias interimere, & tota conuiuia; voluptas tanta ancipitis cibi: quidam disreuerare arborum generibus Fico, Ferula, & ferentibus gummi; nos item Fago aut Robore, aut Cupresso: omnium color liuidus: his aberit veneni argumentum, quo similior fuerit arborum Fici. Siccantur pendentes iuncto transfixi, quales è Bithynia veniunt: iij fluxionibus alui, quas Rhumatismos vocant medentur, excrescentibus in sede carnibus: minuunt enim eas, & tempore absunt: item lentigines & mulierum vitia in facie leuant. lauatur etiam ut plumbeum in oculorum medicamenta, sordibus ulceribus, & capitum eruptionibus, canum morsibus ex aqua illinuntur.

C A P. X L I I I.

RVNVLI vulgo appellantur minimi inter fungos, odoratissimi que, qui & innocentissimi sunt: nascuntur vere inter Rubos & Carduos, cinerei coloris, capitulo verius, quam pileo, pollicis crassitudine: candida iuptus pulpa, ac solida: comeduntur elixi cum suo iuscule adiecto Calamento, recipiuntur tantum in mensis nobilium.

C A P. X L I I I I.

QVIDAM Neapoli nascuntur in lapide quodam fungoso, leui instar ligni quem lapidem Lyncis vocant: ex hoc fungi toto anno enascuntur, si irrigetur aqua, etiam domi asseruatus, crescitque in dies continua fertilitate, pediculis in lapidem induratis: pollut hi fungi ad calculum & vrinam impellendam: lapis ipse contritus in farinam calculum frangit potu: recipitur à Nicholao Alexandrino in Antidotum Lithontripton: meminit eius Euax inquiens Lincurium, idest lapis lyncis, sit ex vrina lyncis, idest lupiceruarij appellati in montibus coagulata: hic seruatus in domo gignit optimos fungos quolibet anno: pollet contra dolorem stomachi, icterum, & fluxum ventris. Dioscorides Lyncurium idem cum Electro voluit esse. Electrum autem putari ait lachrymam Populi nigrae coagulatam in lapidem: ex vtraque autem Populo alba scilicet & nigra fungos utiles, & innoxios toto anno restibiles haberi, si earum cortices concisi in minutias segetibus stercoratis inspergantur, sed forte verius ex Populo montana, quam Plinius Libicam vocat propter fungos laudatissimam.

C A P. X L V.

PRATEOLI in pratis nascuntur, paulo maiores Prunulis, latiore pileo, inferne subrufo, aut nigricante: comeduntur parati in patinis, inter cibos viles, nec sine periculo: iis similes iuxta stercora nascuntur, longiore, ac graciliore pediculo noxij, & sine villa saporis, odorisque gratia. Grandiores adhuc crassioresque sub Populo nascuntur, qui Turini vocantur, color superne subrubens, pediculo candido, sed hi in cibis minime probantur.

C A P. X L V I.

FAMILIOAE vocantur, quibus numerosi ab eodem exortu pediculi nascuntur, prelongi, capitula sustinentes, Prunulis similia, molliora: nascuntur iuxta frutices: parantur in cibis, ut prateoli inter cibos rusticales.

C A P. X L V I I.

QVIDAM in pratis nascuntur candidi, longissimo pediculo, veluti umbellam sustinente, initio contractam ad pediculum, qua anulus quidam est: hæc postea in latitudinem multam explicatur,

tur, tenui pulpa: assumuntur hi quoque in cibis rusticorum, ut Prateo-
li: vocant quidam Scarogias, alijs Cannellas:

C A P . X L V I I I .

FVNGVS Marinus minimus inter Fungos lapillis innascitur in-
tra aquam, densis pediculis capillaribus, prælongis, candidis:
quibus insident pileoli candicantes: sapor inest salsus & mordens.
videretur Androsaces esse apud Dioscoridem, si eius pileoli semen conti-
nerent: inquit enim, nascitur in maritimis Syriæ, herba est alba, tentui-
bus festucis, amara, sine foliis: folliculum in capite gerens, qui semen
cōtinet: ea drachinis duabus in vino pota copiosam hydropicis vrinam
ciet, idem præstat eius decoctum, & fructus: podagrīs vtiliter illinitur.
Galenus humidam & acrem herbam esse tradit. Plinius eadem ferme
habet, quæ Dioscorides: Albam enim esse herbam tradit, amaram, sine
foliis, folliculos in cītris habentem, & in his semen: an putatum est, se-
minis gratia datum huiusmodi folliculum? quod & de cæteris Fungis
diximus, si non semen, saltem aliquid vice semenis inesse.

C A P . X L I X .

GALLINACEI à quibusdam vocantur subcrocei coloris, figura
auriculæ, pediculo scilicet sensim in latitudinem dilatato ad mo-
dum flabelli, inferne striato: oriuntur in collibus iuxta arbores;
assumuntur ruri inter cibos innoxie.

C A P . L .

QVIDAM pannis laceris similes, aut spongiis, molles, colore
igneo: ideo ignem sylvestrem vocant: inutiles cibis: oriun-
tur præcipue ad radices Oleq: valent ad ulcera putrida, & ex-
dentia, si eorum puluis exsiccatus inspergatur.

C A P . L I .

LINGVAE appellantur in caudicibus præcipue castanearum, figu-
ra lata, crassæ, sanguinei coloris, tum intus, tum extra: optimi
hi atque innocentissimi existimantur: forte apud Plinium intelli-
guntur, cum inquit: tutissimi, qui rubent callo, minus diluto rubore,
quam Boleti: parantur ut Suilli.

C A P . L I I I .

DIGITELLI, seu Mainæ vulgo appellantur in paruos veluti digitos fissi, candicantes: nascuntur in caudicibus: comeduntur elixi: Huic generis; quoddam reperitur in Cæstænis, spectabilis magnitudine, ut unus sufficiat: Hermolaus laciniam vocari tradidit. Hos Plinius, ut puto, intellexit, secundo loco tutos, cum inquit: mox candidi veluti apice flaminis, insigntibus pediculis. Galenus Amaranitas vocat secundo loco inter innoxios.

C A P . O L I I I .

IGNARII sunt, quibus ignem excipiunt attritu silicis, vulgo Escas vocatur. Fungi sunt in caudicibus nascentes, crassi, & lati, figura funguis Equini: lignosa constant substantia, fungosa tamen, ac valde leuit: ut autem promptius ignem ex silice scintillantem excipiant, in coquunt in acetato: dein siccatos malleo dilatant instar corij laxi: optimi habentur e Cerro. Quidam ex his apti ad cutim extergendam parte scilicet aspera, quæ infra est: ideo in Tostrinis pro strigili vuntur.

C A P . L I I I .

AGARICVM Fungus est candidus ex Oriente inuestitus, figura rotunda, substantia intus farinacea, fibris quibusdam discurrentibus, sapore amaro: inuenitur apud nos in caudicibus Laricu[m], in montibus Tridentini. Dioscorides variam tradit historiam: inquit enim, radix fertur Laserpitio similis, sed facie summa solutior, ac tota raro contextu: duo eius genera. fæmina, quæ præfertur, rectis intus venarum discursibus constat: mas rotundus est, & vidique compactior: utriusque gustus initio dulcis, mox ex distributione in amaritudinem transiit, gignitur in Sarmatiæ regione, quæ Agaria vocatur: sunt qui radicem esse plantæ affirment, alij ut fungos nasci in arborum caudicibus, quadam putredine. gignitur & in Galatia Asia & Cilicia, in Cedris sed friabile, & infirmum. Plinius inquit Galliarum Glandiferæ maxime arbores Agaricum ferunt; est autem Fungus candidus, odoratus, antidotis efficax, in summis arboribus nascens, nocte relucens, signum hoc, eius, quod in tenebris decerpitur; alibi inquit: Agaricum, ut fungus nascitur in arboribus circa Bosphotum, colore candido: datur obolis quatuor centrum cum binis cyathis aceti mulsi: id quod in Galatia nascitur infirmius habetur. præterea mas spissior amariorque, hic & capitis dolores facit:

facit : fæmina solutio in initio gustus dulcis, mox in amaritudine transfit. Quod autem Plinius Galliarum Glandiferas arbores Agaricum ferre tradit experimento hodie scitur, non Glandiferas, sed Larices id ferre. Mesues inter medicamenta purgantia magnificat Agaricum : eligi oportere fæminam ; nam masculus malus est, præcipue qui longus existit, & niger, & grauis, & habens in contractis suis sicut fila neruorum, durus & densus. fæmina autem laudatur : id album est, læue, velociter friabile, porosum, & valde rarus. in primo gusto dulce, dein amarum, & astrin-gens: Melior pars totius corporis eius est superior : nam quæ prope caudicem est, mala est, vestigium putredinis ligni habens : fugiendum quoque, quod corrosum est : calidum est in primo ordine, siccum in secundo : purgat utramque bilem, & pituitam, humoresque crassos, ac viscosos, & putridos : ideo confert ad multa, ut videre est apud eundem & Dioscoridem, & Galenum : pondus eius contriti iustum est à drachma una usque ad duas: infusi autem à drachmis duabus ad quinque.

F I N I S.

C A P . I X . Q V A R T I L I B R I .

CNEORON Hispani milites Micciam vocant, quia eius rami fasciati ignem conseruant; ideo ex his funiculos parant ad tormenta bellica igne exoneranda; appellant autem hos funiculos Micias. frutex est in maritimis circa Plumbinum, multos spargens ramos, valde obsequiosos; foliolis breuissimis totos surculos conuentientibus modo Cupressi, crassis, superne candicantibus, inferne uiridibus; floret in autumno, & per totam hyemem; flosculi sunt thymeleæ, inter folia, exiliores, & in medio lutei; fructus quoque similis, tenuior, nigro semine; radix ramosa, & obsequiosa, sed gustum non mordet; eadem in insulis oritur, odorata, & candidior. Theophrastus Cneoron appellat. eius duo genera, candidum, cui folium cutis modo, quadantenus oleagineum; nigrum cui folium carnosum Tamarici similius candidum humili spargit magis & odoratum est, nigrum sine odore, radix utrique alta prægrandis, rami copiosi, crassi, surculos, ad vinciendum apti pro Iunco. Venere in coronamenta folio. post equinoctium Autumni germinant, & diutius florent. Plinius Casiam à Latinis appellari testatur.



$$\frac{d}{dt} \left[\frac{\partial \mathcal{L}}{\partial \dot{x}_i} \right] = \frac{\partial^2 \mathcal{L}}{\partial x_i \partial \dot{x}_i} \ddot{x}_i + \frac{\partial \mathcal{L}}{\partial x_i}$$

三



INDEX SECUNDVM PAGINAS

BREVIS QVIDEM, VTI LISSIMVS TAMEN EORVM OMNIVM,

Quæ in hoc Opere visa sunt, ut adnotarentur, & quod
grauiora sint, & quod ad faciliorem conferant
inquisitionem.

A.

- 
- B**ORTVM facientia,
qua dicuntur 226.
229. 368. ♂ 592
Abſcisibis internis re-
media, qua sint 541
Adiantum cur nō madefiat in aqua 4
Ala in plantis qua vocantur 9
Alimenti attractio in plantis quomo-
do fiat 3
Aluum purgantia qua habentur 50.
III. II. ♂ 561
Aluum qua fificant 155. 177. 180. 186
Amatoria medicamenta, qua putan-
tur 148. 154
Amoris remedia qua censentur 372
Ambustis, qua nam medeantur 194.
♂ 325
Amentum quid sit 15
Anelosis, qua succurrant 68
Anzinis, qua profant 168. 372
Arbor, qua sit 24
Ardoribus, qua aduersentur 81. 122
183. ♂ 213
Argento vino epoto quid resistat 314
Arquatis, qua subueniant 68. 155
Articulorum dolores, qua lauent 262
♂ 271
Aſmaticos quid iunet 394
Attractio quomodo fiat in succino 124

- Aues quibus obſtupescunt* 85. 292. 409
Aurium vermes quod necat 495

B.

- B**ILIS feruore quid extinguit 112
Bilem, qua purgant, 142. 621.

C.

- C**ALLOS, qua auferunt 417
calculum, qua frangant 97. 139.
159. 169. 171. 193. 244. 255.
262. 300. 302. 304. 315. 338.
348. 355. 360. 367. 480. 493.
503. 551. 554. 596. 617. 618.
Calybem, qua indurant 514
Calyces florū, qui sunt 15
Canes, qua interficiunt 85. 119
Canis rabidi morbum sanant 97. 255.
309. 326. 369. ♂ 445
Cancrorum, qua sunt remedia 344.
350. ♂ 370
Capillos, qua conseruent 97. 128. 597
Capillos, qua denigrent 431
Capillos, qua ruffos reddant 38. 265.
♂ 319
Capitis dolorem, qua tollant 62. 128.
451. ♂ 453
Capreolis

I N D E X.

<i>Capreoli quid existant</i>	23	<i>Dentifricia, quæ existunt</i>	560
<i>Carnem supercrescente reprimēta</i>	142	<i>Dentium dolorem tollentia</i>	270. 337.
<i>Carbunculos, quæ impugnant</i>	309.	346. 359. ♂	373
453. 534. ♂	541	<i>Dentum stuporem, quæ gignant</i>	264
<i>Carcinomata, quæ sanent</i>	255. 349.	<i>Dioscorides genera plantarum distri-</i>	
♂	450	<i>buit secundum vires</i>	26
<i>Castitatem, quæ conseruent</i>	192	<i>Dioscoridis loca male conuersa</i>	67. 84
<i>Cera lapidosa ex quo fiat</i>	69	<i>Dioscoridis loca emendata</i>	101. 114.
<i>Cerebrum plantarum quod nam sit</i>	3	148. 222. 351. 384. 385. 582.	
<i>Chartæ ex Papyro quomodo fibant</i>	192	<i>Dioscoridis loca animaduersa</i>	69. 137.
<i>Chartæ ex linteis quomodo paratur</i>	193	228. 294. 330. ♂	438.
<i>Chermisinum unde habeatur</i>	321	<i>Discus lusorium instrumentum quale</i>	
<i>Cimices, quæ necant</i>	592	<i>sit</i>	366
<i>Colicos, quæ iuuent</i>	294. 342	<i>Dissentericus, quæ propinanda</i>	164. 183
<i>Colorum varietas cur maxime sit in flo-</i>		<i>Distillationibus, quæ resistant</i>	62. 124.
<i>ribus</i>	14	231 ♂	345. 550
<i>Colorum varietas, quæ estet in fructi-</i>		<i>Dolores internos, quæ sedant</i>	62.
<i>bus</i>	17		
<i>Columbarum satificationi, quæ conser-</i>		E.	
<i>rant</i>	130		
<i>Columbis, quæ grata existant</i>	284	<i>E BRIETATEM, quæ prohibeant</i>	
<i>Comitialibus adminiculantia</i>	68. 215.	255 ♂	353
255. 372. 430. ♂	583	<i>Enecant, quæ pecus</i>	128. 134
<i>Conceptum, quæ efficiant</i>	553. 557	<i>Enterocelias, quæ sanant</i>	222
<i>Conceptum, quæ conseruent</i>	556	<i>Elephantiasim, quæ dissoluat</i>	266. 349
<i>Conceptum, quæ prohibeant</i>	248	<i>Equis, quæ conserunt</i>	283. 284. 336
<i>Cor in plantis, ubi possum est</i>	3	<i>Erysipelas quod sit remedium</i>	154
<i>Cordi, quæ conservant</i>	394. 447	<i>Exanthematis, quæ conueniunt</i>	235
<i>Cordis palpitationi, quæ applicanda</i>	225	<i>Extenuant corpora obesa</i>	68
♂	445	<i>Extrahentia ex alto, quæ dicuntur</i>	278
<i>Coriun, quæ tingant</i>	39	360. ♂	380
<i>Cortex plantarum ex duplice corpore con-</i>		<i>Extrahunt infixa, quæ</i>	315. 321. 322.
<i>stat</i>	7	420. 422. 449 ♂	468
<i>Cortices semenum, qui sint</i>	16		
<i>Cutis infectionibus, quæ aduersetur</i>	139	F.	

D.

<i>DELIQVIVM animi quibus tol-</i>	
<i>litr</i>	199
<i>Dentes, quæ consolidant</i>	77

<i>FACIEM, quæ lauigat</i>	224. 226
<i>Febrium ardoribus, quæ obstant</i>	82.
99. ♂	183
<i>Febribus malignis, quæ resistant</i>	184.
274. 489. ♂	518
	<i>Febribus</i>

I N D E X.

Febris omnibus, quæ sint optima	480
Feminis gignendis, que utilia dicuntur	319. &
Fetum mortuum, quæ educunt	139
Fermentum quomodo paretur	180
Feritatem mitigare priuatetur	261. 268
Ficaria, quæ applicanda	349
Fistulis, quæ sint remedia	192. 361. 500
Flores cuius gratia dati sunt	13
Florum, quæ nam estet constitutio	14
Fluxiones, quæ sistere videntur	124
Foliorum qualis est vsus	6
Foliorum quis exortus	7
Frutex, qui dicatur	24
Fruitus quid nam sit	16
Fungos, quæ ferunt	124
Fungis, quæ dentur remedia	408. 616
Furunculis, quæ medentur	580

G.

G ALENI loca animaduersa	202
Gallico morbo, quæ competitunt	220
Gallinarum morbis auxiliantur	44
Gemma, quæ dicitur in plantis	6
Genera plantarum summa	24. 27
Geniculus in plantis quis sit	9
Geniture profundi succurrat	157
Genuum tumoribus, quæ admodum	535
Germinatio est propria plantarum affectio	5
Germinationis, qui nam ordo	9
Gingivias consolidant	77
Grauidis, quæ conferant	480

H.

H EMORROIDAS sanant	547
Herba, quæ nam sit	24
Hominis species cur una tantum existat	28

Horrores febrium minuentia	255. 309
Hydropicis, quæ profint	142. 206.
	372. 378. 384. 430. 450. 534.

I.

I ECINORIS feruorem sedat	201
Iecinoris obstrunctiones aperit	272.
	507. 509. &
Inflammationes demunt	213
Inoculatio quomodo fiat	6
Inoculatio fructum parit pro natura corporis inoculati : semen autem pro naturali ligni subiecti	8. 18
Insaniam, quæ auferunt	388. 430
Insomnia levant	317. 447
Ischiadicis, quæ presunt	44. 324. 364
	367. 453. &
Iuba quæ nam sit	584
	22

L.

L AC coagulant	526. 533
Zac gignunt	245. 339. 512
Zac demunt	292
Zafitudinem tollunt	345
Zepori marino aduersantur	348
Lepræ sanant	72. 83. 336. 364. 541.
	&
Zienem extenuant	44. 68. 208.
	372. 449. 594. &
Ligna, quæ in aqua nō putrescent	33. 39
Linguae ariditati, quæ profunt	331
Litere non apparentes ut appareat	373
Zupos, quæ enecant	585
Zuteo colore, quæ tingunt	251

M.

M ACULAS, quæ deleant	262.
	369. 380. 520. 550. & 617
KKK	262

I N D E X.

- M**aleficis remedia, quæ amuletæ dicuntur 167. 254. 369. 392. 403.
404. 415. 450. ♂ 573
Mammillarum inflammationibus, quæ admoventur 495
Mariibus gignendis, quæ cōferunt 319.
♂ 338
Maris & fœmina distinctio quomodo sit in plantis 15
Mias & fœmina non insunt in plantis 12
Matrix in plantis, quæ dicitur 3
Medulla in plantis vim prolificam continet 7
Mellis exortus qualis sit 13
Menses, quæ promoueant 62. 139
Morbis inueteratis, quæ dentur remedia 423
Morbum gallicū, quod sanat 105. 424
Muliebrem fluorē sūstūt 530. 557. 600
Mures enecantur à quibus 585
Muscas quid interficit 261

N.

- N**ARIVM polypus quibus curatur 142. 594
Neruis præcis, quæ conueniunt 322.
394. ♂ 538
Neruis punctis quibus medendum 380
Neruorum morbis, quæ applicāda 271

O.

- O**BESIS extenuādis cōueniūt 550
Obstructiones viscerum aperiunt.
68. 243. 390. 449. 450. 457.
480. 486. ♂ 534
Obstupefacentia, quæ existant 292. 571
Oculus, qui dicuntur in plantis 6
Oculorum morbis, quæ habentur remedia 101. 178. 182. 240. 266.

269. 272. 282. 339. 372. 442.
443. 449. 495. 504. 516. 520. 554
Opio resſtit 348
Offa extrahunt 206. 254
Oua, quæ diutius perdurāt facunda 16

P.

- P**ANICVLAS, quæ nam dicuntur 22
Pars in plantis, in qua est anima præcipitans 2
Pars inferior & superior in plantis, quæ dicitur 2
Partes plantarum cur minus organice videantur. 1
Partum, quæ accelerant 255. 273.
294. 368. 468
Pecorum morbis auxiliatur 583. 602
Pediculos capitis enecant 584
Pediculos manus perdunt 346
Pectoris vitia quibus curantur 132.
139. 234. ♂ 295
Pericarpium quod nam fit 18
Pestilentem aerem fugant 124
Pestilentiae medentur 139. 249. 254.
293. 307. 309. 315. 321. 335.
456. 534. 541. 550. 556. ♂ 589
Piles, quæ demunt 373. 593
Pisces obstupefacentia 85. 347
Pisces enecantia, quæ 373. 377. 567
Phteriafis remedium quid 128
Planta cur vere & estate magis crescant, quam hyeme 5
Plantarum summa genera 24. 27
Plantarū diuīsio unde sumēda 27. 28
Pleuriticis adminiculantur 95. 572
Plinij loca animaduera 329. 354
Podagrīcos iuvant 154. 325. 606
Pollutiones cohībent 292
Precipitatis ex alto profundunt 271. 273
pruri-

I N D E X.

Puritum collunt	346	scorzonis ictui aduersatur	518
Pulices quibus necantur	502	Semina, qua diutius facienda perdureat	16
Pulmonis ulcera consolidant	434	Seminis exortus in plantis ex medulla	
Puerperis auxiliantur	313	existit	11
Purgantia, que sunt medicamenta	70.	Seminis substantia, que sunt	12
81. 96. 102. 115. 118. 142. 152.		Seminum cortices, qui dicuntur	16
164. 165. 171. 198. 204. 206.		Seminum vascula variis modis forma	
250. 256. 270. 272. 277. 310.		ta	20
312. 344. 372. 373. 374. 380.		Serpentes, que fugantia	128. 226.
383. 388. 410. 421. 533. 581.		261. 472. et	479
594. et	621	Serpentum morsus quibus curatur	226.
Purgans quod gustu grauum	377.	229. 270. et	520
Purulentis subueniente	452. 537.	Secundas educunt	368. 583
Putredini resistunt	82	Sedis virtus sanans	348. 520. 617
Q.			
Quartanae adminiculantur		Singultum sedat	369
430. 433. et	514	Situm extingunt	252
R.			
Racemus, qui dicuntur	22	Sobole propagari in quibus sit	9. 11
Ranis rubetis aduersantur	322.	Somnum conciliante	122. 142. 154.
348. et	440.	214. 217. 345. 346. 372.	570
Refrigerantia magis refrigerant calidi		Spica, que nam sit	22
tati adiuncta	316	Spirandi difficultati succurrat	62
Renum morbos profligant	44. 108.	Steriles non differunt specie à fructiferis	39
132. 169. 181. 237. 295. 297.		Statuas ē Cedro visas sudasse	138
300. 323. 560. et	596	Sterilitatem, que faciunt	592. 595
Rulla, que sunt	366	Struma per qua dissoluuntur	324.
Ruptos, que roborant	40. 222. 273.	349. 449. 513. et	547.
296. 330. 431. 453. 514. 557. 600		Studiorum ingeniorum qua accidunt	583

S.

SANGVINEM cohibent	70.
122. 185. 186. 248. 321. 325.	
337. 345. 365. et	559
Sanguinis feruorem extinguunt	108
Scabiem sanant	72. 207
Scorpionium iictui medetur	268

T.

Tabidos leuant	293
Tertianā curat	365. 433. 451. 455
Theophrastus genera plantarum assum-	
pist vulgo nota	26
Theophrasti loca aliter conuersa	36. 86.
108. 109. 113. 129. 131. 190	
KKKK 2 theo-	

I N D E X.

<i>Theophrasti loca restituta</i>	43. 177. 206.	<i>Vesica cruciatibus operferunt</i>	214. 323
241. 288. 290. 337. 525. 535. 586.		<i>Verrucas amouentia</i>	337. 379. 381. 510
<i>Theophrasti loca animaduersa</i>	414.	<i>Vinis experientis quid adhibendum</i>	93
1. 429. ♂	473	<i>Vinorum ebullitione quid prohibeat</i>	359
<i>Tinea quid applicatur</i>	494	<i>Viperarum morsibus, que imponenda</i>	
<i>Tingentia flavo colore</i>	175	463. ♂	437
<i>Tingentia rubro celore</i>	324	<i>Vires in egrotis quid reficiat</i>	81
<i>Tusci subueniunt</i> 108. 132. 177. 182. 191. 252. 323. 421. ♂	490	<i>Viviradices, que dicantur</i>	10
<i>Turca Opio incibriantur</i>	571	<i>Viceribus, que sunt remedia</i>	154. 167.

V.

<i>VASCULA seminum varia exi- stunt</i>	20	<i>Vmbella quid esse credatur</i>	22
<i>Vascula, que semen eiacylant</i>	21	<i>Vmbilico eminenti, que conuenit appli- care</i>	296
<i>Vena, que in plantis creduntur</i>	4	<i>Vocem, que claram reddunt</i>	55
<i>Venena quae sunt</i> 211. 212. 270. 277. 292. 316. 331. 346. 383. 385. 410. 497. 517. 545. ♂	585	<i>Vomitoria, que remedia dicuntur</i>	355.
<i>Venena, ut certo tempore occidant, pra- paratione fieri</i>	587.	♂	372
<i>Veneno Cicutæ quid datur remedium</i>	54. ♂	<i>Vrentia, que vocentur medicamenta</i>	
	152	543. ♂	544
<i>Venenis, que resistant</i> 119. 139. 140. 159. 168. 191. 242. 249. 254. 269. 307. 309. 315. 321. 356. 408. 425. 456. 518. 520. 541. 550. 556. 587. ♂	589	<i>Vrina ardori profundunt</i>	200. 213
<i>Venerem extinguit</i> 122. 429. 563. 569		<i>Vrina profundum cohibent</i>	186
<i>Venerem stimulant</i> 43. 85. 190. 237. 271. 289. 325. 332. 360. 401. 427. 429. 448. 521. 524. 565. 614		<i>Vrina stillicidium levant</i>	480
<i>Veneris voluptatem, que augent</i>	55	<i>Vrina difficultatem, que leniant</i>	44.
<i>Ventriculum corroborant</i> 103. 140. 143. ♂	199	62. 244. 300 ♂	304
<i>Ventriculi dolores levant</i>	306	<i>Vrinam, que nam mouent, sine ciante</i>	
<i>Vermen latum expellunt</i>	591. 592.	132. 139. 159. 171. 180. 182. 193. 200. 214. 215. 297. 300. 315. 360. 361. 362. 367. 551.	
<i>Vermes puerorum enecantia</i> 184. 238. 274. 353. 361. 381. 477. 480. 489. 589. ♂	603	<i>Vteri dolores sedantia, que existat</i>	368.
		222. 309. 370. 489. ♂	492
		<i>Vulnera quibus cum rebus conglutinen- tur</i>	
		62. 70. 73. 133. 167. 185. 199. 243. 255. 265. 266. 273. 296. 309. 321. 322. 338. 340. 344. 348. 350. 394. 396. 397. 417. 451. 453. 457. 482. 486. 500. 503. 514. 540. 556. 557. 559. 600. ♂	
		<i>Vulpes necantia, que dicuntur</i>	587.

F I N I S.

ERRATORVM GRAVIORVM CORRECTIO,
 in qua primus numerus paginas, alter vero lineas significat,
 quemadmodum priores erratum; posteriores vero di-
 citiones in se ipsis correctionem habent.

4. 12. hoc	hos	67. 14. ασταλαβίδις	ασταλαβίδις	
4. 20. aut parue	& paucæ	69. 10. similis, gustu	similis gustu, oli-	
8. 18. unde	inde	olda	da	
10. 15. sed	fed etiam	69. 13. Bremodes	Bromodes	
11. 20. Vipera	(cius) viuipera	74. 20. Phyllira	Phillyra	
12. 34. natura sic sic-	natura siccus	74. 21. putridum	putridum	
20. 7. fructibus	fruticibus	76. 11. Viturnum	Viburnum	
21. 25. Rabi vascula,	Rubi. Vascula vt	78. 31. afferuntur, aut	afferuntur autem	
	vt plurimum	79. 30. candicans	candicis	
22. 39. germinatione	germinatione:	80. 20. frequenti &	frequencia	
	quedam	Quædam	82. 31. agnoscētibus	agnoscētibus.
24. 5. Mogeum	Mulcum	83. 32. circundare	circundari	
24. 36. vt	&	88. 39. Pompeix	Pompeix	
27. 6. sorbitæ	soritæ	89. 22. furcula	furculo	
27. 24. vt	(aut &	89. 25. in tres	intus	
29. 20. conceptacula	conceptacula: aut	92. 3. quæ	que	
31. 8. Castaneæ Echi	Castaneæ echina	92. 9. Artem	Actem	
	natus, Calyx	92. 16. vīsa lēsamacea	vīsu lēsamacea	
33. 15. Naliphlios	Haliphlios	92. 23. ,&	ex	
36. 9. corbos	corbes	94. 31. tradunt	tundunt	
36. 30. Quercum	Quorū	96. 23. sericis	serius	
40. 26. Samora,	Samara	96. 34. vtilissimum nō	vtilissimam non	
41. 2. Phylioram	Phylioram	multo	multum	
41. 18. Philydæ	Philyræ	96. 34. in Camparica	in Campania	
41. 30. Phyllirea	Phillyrea	96. 40. vini	vim	
44. 21. iure	in iure	96. 41. prædurat	perdurat	
44. 37. Gossipij	candore Gossipij	97. 13. Synosbaton	Cynosbaton	
46. 35. succar	succus	97. 16. sc̄tem	sentem	
48. 33. Illi	Idæi	97. 17. Sinosbaton	Cynosbaton	
51. 1. sessilem	sessili	97. 21. medijs̄c̄us	mediis eius	
51. 3. etiam; num	etiam num	97. 30. curuis	cuius	
51. 37. cunnas	cunās	97. 32. latiore	latieres	
53. 28. longè	longi	97. 35. folium	foliam	
55. 19. neque fructu	neque fractu	98. 10. in Mali	vt Mali	
56. 36. cæsum	cæsura	98. 15. grauioribus	grandioribus	
57. 24. fistulofa	fistulofam	98. 23. maxima	maximo	
60. 36. Pyrocanthæ	Pyrocanthe	98. 26. appellant	appellat	
61. 7. κεταν	κεταν	99. 4. subcandidis	subcandidi (bū	
63. 14. de Zaro	de Taro	90. 7. aluis	alius	
63. 14. Caracamum	Cancamum	99. 12. languescētem	languescente	
63. 32. figuris	figura	99. 14. febrium	febrium	
65. 21. Portulacæ	Portulacæ	99. 20. acutissimi, quæ	acutissimique	
65. 30. Bediasimos	Pediasimos	200. 24. Aronom	Aroniam	
66. 7. lufa	tufa	100. 26. Tricaceum	Tricoccum	
67. 10. laurono	taurino	101. 18. leuem corti-	leuem, corticem	
67. 13. ταλαβίδις	ταλαβίδις	ccm aut	autem	

<i>Errata</i>	<i>Corrigē</i>	<i>Errata</i>	<i>Corrigē</i>
101. 35. Cernalis	Cernalis	204. 11. pediculo	periculo
102. 17. vinaria	vinacea	204. 18. falubetis	fabuletis
103. 4. Infrutices	Suffrutices	204. 30. abinnatu	à bimatu
109. 15. seuidtim	secundum	205. 26. causa	eam
110. 17. nitor	inter	207. 14. lente	lēte
112. 19. cineream, qui	cinerea, quæ	208. 28. alis	aliis
115. 11. vincis	iuncis	209. 21. est	in
112. 9. excoquē	excoqui	210. 5. radicantibus	candidantibus
128. 31. Vites	Vitex	210. 14. Manum	Malum
130. 8. Fædam	Tædam	213. 17. candidos	calidos
130. 19. Cerabrum	Cembrum	214. 8. corallis	corollis
131. 33. Cerabrum	Cembrum	214. 16. numerosis	numerous
136. 29. baccas	bacca	217. 33. maris	muris
141. 27. extuberante.	extuberante Ma-	218. 32. in Scito	inscito
144. 6. acetosa	acerosa	(lo 218. 35. Heside	Neside
144. 38. Pynaster	Pyraster	221. 24. carnea	cornea
149. 6. inferna	infernæ	232. 3. siliqua	si lingua
150. 12. in odore	inodoræ	236. 22. è lauiculo	clauiculo
151. 2. interna	inferna	239. 16. lolia	lobia
153. 1. Deest totum I X. caput, quod in	cipit Cneorō: & ponitur in	244. 26. aliis	aliis
pagina 621.		248. 28. grāmis tenuio	ramis: tenuiori-
		ribus; siliquis	bus siliquis
154. 2. Convoluuli	Convolulum,	251. 16. implexum	implexu
cui		252. 10. vt Lychnide	vt in Lychside
155. 35. Dneidæ	Druideæ	255. 38. stranias	strangurias
160. 6. Aétruria	Aétruriae	256. 23. Echy	Echij
161. 12. Apocynem	Apocinon	257. 27. Nīscago	Viscago
166. 24. tantam	tantum	260. 1. vt instar	instar
168. 20. Cratægōnē	Cratægonon	264. 31. maturescit	marcescit
172. 21. cortices	corticis	268. 24. sicuras	cicures
172. 21. hoc (ra	hos	269. 5. vt	&
172. 36. aliis rotūdīo	alia rotundiora	275. 23. internodiis	in internodiis
173. 15. glutinans	glutinandis	277. 5. Narthesia	Narthecia
174. 28. auertit	vertit	281. 15. Erithmo	Crithmo
177. 24. alteram	alterum	281. 18. scissiōrem	scissione
179. 22. mollitam	mollitum	282. 31. exēunt	exuent
179. 36. deglutitum	deglubitum	284. 20. diuisum	diuisura
180. 6. deglutitusi	deglubitum	285. 15. Cauri	Carui
182. 3. dycilia	Siciliam	285. 30. Cuminum	Cumino
182. 24. Labarzet	Tabarze	288. 20. bina	bina
183. 28. vt	tum	293. 7. domesticum	domestici
186. 7. alis	aliis	296. 12. caulia folias	caulis folia
186. 9. à	&	297. 14. Erithmum	Crithmum
187. 35. temeritate	teneritate	299. 11. & quod	quod &
189. 21. vitlia	vitilia	300. 4. calidius	candidius
189. 23. teneribus	generibus	301. 19. Moréquum	non Moréquum
191. 26. Antipodis	Antipodiis	305. 9. de	ad
100. 12. in terra	interna	308. 5. Apicæ	Aphricæ
100. 28. altissimam	amplissimam	308. 13. madunt	mandunt
201. 15. propè	probé	309. 16. farcta	fracta

Errata

Corrigē

Errata

Corrigē

311. 21. quo	quod	450. 34. veneratur	verritur
313. 7. circumfardis	circumfractis	458. 15. axilate	extate
315. 9. rami	in ramis.	461. 15. Thymo	é Thymo
319. 13. penſis	densis	465. 14. syluestra	sylvestre
322. 23. huius	huic	478. 13. eandem	eadem
324. 27. branchiis	branchiis	485. 13. maturescit	marcescit
324. 28. obſtrangulata	obſtrangulat	487. 18. cauli	caulis
324. 30. Oraphalocar	Omphalocarpon	488. 29. eodem	eadem
332. 20. vt (pon	&	490. 35. Farfara in	Farfara in
335. 29. internis	infernis	493. 32. Cranthemon	Eranthemon
338. 25. Hyponici	Hyperici	495. 20. institutum	instillatum
339. 15. triduos	triduo	500. 23. subito	cubito
342. 25. Dittariae	Dentariae	502. 24. intricatum	imbricatum
345. 5. tamen	famem	511. 31. huic	hic
348. 38. alia	alias	514. 12. calycem	Calybem
349. 25. defedatione,	defedationes ele	515. 2. spingitur	stringitur
elephanticas	phanticas	516. 6. deorsum	dorsum
352. 20. caudis	caulis	520. 7. refertam	repertam
354. 17. protraditur	protrahitur	524. 11. singula	singulis
354. 17. soluta	soluta	531. 30. caules	caule
356. 35. vt	&	536. 32. Cyamus	Cyanus
357. 3. Sesseli (lis	Sessili (lis	538. 36. andustiora	angustiora
358. 14. Raphani ſimi	Raphani . Simi	540. 26. exhibente	exhibendæ
359. 20. Aethyopiam	Aethyopum	543. 7. Chemaris	Clematis
366. 28. rotundo	rotando	551. 1. lanarium	Canarium
367. 2. naſcente	naſcenti	554. 24. fragre	Fagre
376. 34. Leptaphyllum	Leptophyllum	568. 7. explicantur	explicatus
380. 16. folio	Polio	570. 10. AEgypti	Aegyptij
389. 7. h̄xerant	lēuant	578. 4. neutrum	acutum
392. 32. amulatum	amuletum	578. 21. qui (riis	que
393. 14. vt	&	578. 26. Vermicula-	Vermiculariæ
394. 20. Ixui	Ixeus	579. 9. minor	minori
395. 25. quēdam	qua dum	580. 5. detractu	detracta
399. 5. regione	à regione	581. 35. habitu	halitu
399. 13. Aſcoloniam	Aſcoloniam	582. 32. Anticym	Anticyra
401. 24. debeatur	deleatur	583. 16. tum	tam
401. 25. mundi	mandi	584. 23. valenteni	valenter
409. 28. Ophoſcoro-	Ophioscorodon	585. 6. rectis	retis
414. 19. Lilium (don	Lilium	585. 21. foliis	folis
421. 33. Adoriam	Adriam	589. 14. Pæonia	vt Pæonia
422. 19. intus cum	in fuscum	592. 13. Pterīm	Pterin
423. 18. Venena	Veneria	595. 3. adnexum	ad nexum
425. 17. caroſum	carioſum	598. 4. fixis	fissis
425. 22. feritur	ſcitur	600. 25. pediculis	pediculus
426. 17. rubre	rubra	602. 12. sole	ſale
430. 12. vñctæ	iunctæ	603. 18. palmarum	plantarum
430. 32. mutant	nutant	609. 5. Lesbicum	Besbicūm
437. 31. exorta	exortus	609. 11. Halcyonium	Halcyonum
449. 16. Aethyopica	Arthropico	612. 2. ſunt: Ambæ	funt ambæ
450. 30. Sanguina	Sagmina	613. 6. xui	cui

Fr. Dionysius Conflacciarius facultatem im-
primendi concedit. Die 27. Septembris.
MDLXXXI.



FLORENTIAE,
Excudebat Georgius Marescottus.
MDLXXXIII.



